

Digitized by the Internet Archive
in 2013




قال النبي صلى الله عليه وسلم

[مَنْ يَرِدُ اللَّهَ بِهِ خَيْرًا يُفَقِّهُهُ فِي الدِّينِ]


شرح المجتلة

رجع واصول فقهه دائر بر مدخل ايله مجله احكام عدليه نك شرحي
حاوي اولوب سكر جلد اوزره ترتيب اولمشدر



برنجی جلد

مدخل ايله مقدمة مجله نك شرحيدر



محرری :

لاسبق موصل واليسى، مكتب حقوقدن مأذون

عاجی رشید یانا



دارالخلافه العلیه

۱۳۲۶

بسم الله الرحمن الرحيم

ارباب بصیرتہ ظاہر و نمایاندر کہ ہر ذرۂ کائنات خالق متعالہ برہان
اولدینی کی کافۃ مخلوقات سعادت بشریہ یا خدامدرہ بلا استثنا ہر فرد
نائل اولدینی نوال لایزالدن بحق استفادہ ایتک اوزرہ طوتیلہ جہ
مسلاک قویم و کیدیلہ جک صراط مستقیم [قرآن] کریم ایلہ تعلیم
و محاسن سحیات آدمیہ و مکارم اخلاق انسانہ تکمیل و تنمیم بیورلمشدر
بنا برین انسان نعم الہیہ نک شکرندن عاجزدر فقط عجزینی ادرالک دخ
نعمت شکر کنذاریدر .

ابرو باد و مہ و خورشید و فلک در گارند
تا تو نانی بکف آری و بغفلت نخوری
تمہ از بہر تو سرکشہ و فرمانبردار
شرط انصاف نباشد کہ تو فرمان بری

[إِنَّا أَرْسَلْنَاكَ شَاهِدًا وَمُبَشِّرًا وَنَذِيرًا] آیت کریمہ سیلہ تبشیر
و اندازہ مأمور رسول کبریا [محمد مصطفی] علیہ افضل التحایا افندم
حضرتلری [وَمَا يَنْطِقُ عَنِ الْهَوَىٰ إِنْ هُوَ إِلَّا وَحْيٌ يُوحَى] نصر
جلیلی ایلہ مکر مدر .

شریعت غرآنک رکن رکینی دخی قرآن ایلہ حدیثدر ایکسید
آہی اولدیفندن احکامی ابیدرہ احاطۂ شمولانہ حیران اولانلر پیشکاه الوہیتدر

سر بزمین توحید و تکبیر اولور لر. حبیب خدایه وآل و اعجابنه
عرض صلاة و سلام لاتحصا ایدر لر .

روح المجله نك صورت ترتیب و تحریری

روح المجله [احكام عدليه نك] توضیح دقیق و تمهید دلائلی مقصده
زلدیفندن اولاً تاریخ و اصول فقهه دائر بر مدخل ايله ابتدا اولندی.
چونكه بر علمك تحصیانه کیر شمکسزین مایه توقف علیه اولان مبادی
مبانیسی ممکن مرتبه بیلک امر تحصیلنده بصیرت اوزره بولمق
وجب اولور مجله احكام عدليه نك مقدمه سنده محرر علم فقهك تعریفی
يله قواعد کلیه ذاتاً شو مقصده مبنی یازلمش اولدیغی کبی تاریخ و اصول
فقهه دائر مدخلده ذکر و بیان اولان معلومات و مطالعات دخی مقصد
مزبورك ایضاح و اكمالنه مدار اولور .

ثانیاً مجله جلیله مندرج مواددن مقصود بالذات اولانلری
مسئل سازجیدی حاوی بولنانلردر . انجق مسائل مزبوره نك لایقيله
کلاشلمی مبادی تصوریه و تصدیقیه نك بیلنسنه متوقفدر .

بناءً علیه مجله نك حاوی اولدیغی اون الی کتابدن هر بریننك
وائلنده واقع و مبادی تصوریه دن معدود اولان تعریفات و تقسیمات ايله
اصطلاحات سائر ایضاح و لزومی کوریلان بعض تعریفات و اصطلاحات
فهمیه ذکر و بیان اولندی و هر ماده نك مستند الیهی اولان علل و اسباب
دلائل شرعیه که مبادی تصدیقیه در . بوجه تفصیل بسط و تمهید
ایدلدی .

ثالثاً مواد مندرجه احکامی ایضاحاً بعض امثله فقهیه ایراد
اولندی و قوانین و نظامات دولت علیه احکامندن متعلق اولان مواد
همه بیان قلندی و استطراداً بعض معلومات و مطالعات در میار ایدلدی .

رابعاً مجله ده مندرج قواعد و مسائل اساسیہ ساذجہ ایلہ مجله
جمعیتنجه درج ایدیلان مشالر و شرحلر و عاجزانہ یازیلان ایضاحات
ومطالعات و ایراد اولن ان امثله یکدیگرندن نظریه اولاده تفریق و تمیز
ایدیلہ جک صورتده ترتیب و تحریر ایدلدی .

خامساً روح المجله نك قطعہ سی مطبوع و طبع و تمثيل و تدارك
ومطالعہ سندہ موجب سهولت اولق ایچون سکز جلد اوزرینه ترتیب
ایدلدی .

بنابراین مختصر و مفید اولان کتابغز مسائل و احکام جلیله مجله یی
علل و اسباب و دلائلی ایلہ واضحاً تفهیم و تفهمه مدار اوله جغندن
[روح المجله] تسمیه قلندی . مساعی واقعہ شریعت غرایه خدمت
اولدیغندن جناب حقندن اجر جزیل و ارباب مطالعه دن لطف کریم
بکرم و معاونت قلمی ده بولنان مخدوم مکتب حقوقدن مأذون فیضی
بکک تراید فیض و کانی تمنی ایدرم .

مکتب حقوقدن مأذون

شریف احمد رشید بن سید نعمانہ فکری

ابن سید اسماعیل غفر الله لہم



مدخل

تاریخ و اصول فقه دائر اولوب ایکی بابی حاویدر

برنجی باب

علم فقهك تاریخنه داتردر

برنجی فصل

ابتدای خلقت انساندن زمانزه قدر

برنجی مبحث

قبل الاسلام

بر مقتضای حکمت بالغه صمدانیه انسان عقل و هوادن مرکب
اوله رق خالق اولنوب انوار رشد و سداد ایله شاهراه سعادت و سلامتده
امرار روزگار ایتمیان اهل هوا و هوس کریوه ضالانده پویان اولور.
خالق تعالیٰ بنی بشری حقلرنده موجب مضرت و فَلَاکت اولان
افعال غیر لایقهدن منع ایله طریق نجات و فلاحی بیان و تبلیغه مأموراً
ابوالبشر حضرت آدم صلی الله علیه وسلم و مشارالیهک انتقالندنصکره
زمان زمان بعض قوللرینه رسالت و نبوت احسان ایله کتب و صحف
معلومه بی انزال بیوردی و حق تعالیٰ انک عبادینه وضع و تعیین ایلدیکی
دین و آیینیه [شریعت] دینلدی چونکه شرع ؛ لغتده امر و نهی کی
احکامی مشتمل سلوک ایدیله جاک آیین و عادت وضع ایلک معناسنده در
بناءً علیه [شارع] خالق متعالدر صاحب شریعت اولان رسل
عظامه دخی اطلاق اولور. رسل عظام و انبیای کرام صلوات الله علیهم

اجمین حضراتی دخی بر موجب امر و فرمان الہی انسانلری جور و غدردن منع ایله حق و عدله دعوت ایلدیلر. حضرت موسیٰ صلی اللہ علیہ وسلمہ نازل اولان [توراة] مواظ اعتقادیه و اخلاقیہ ایله برابر احکام شرعیہ بی دخی جامع اولدیفندن مشارالیه دن صکرہ مسند رسالت و نبوت ایله سرافراز اولان رسل و انبیای عظام حضراتی احکام تورانه تطبیق معاملات ایدوب حتی حضرت داود علیہ السلامہ [زبور] و عیسیٰ علیہ السلامہ [انجیل] نازل اولدینی حالہ مشار الیهما دخی زبور و انجیلده بحث و بیان اولنمیان خصوصاً توره تورانک احکانه تطبیق معاملات ایله مأمور بیورلدیلر .

§

تاریخ شناسانه معلوم اولدینی اوزره التجبی قرن میلادیده کره ارضی شب تاریکده احاطه ایدن صحاب مظلم کبی عالم انسانیتہ فساد اخلاق و جور استبداد مستولی اوله رق بیلرنده قواعد حق و عدله بدل فوائد نفس و هوا قائم اولدی .

جزیره العربک موقع جغرافیسی و اهالی جازک اوتارینخده کی صورت معاشرت و اداره لری اقتضاسنجہ اقوام سائرہ ایله اولان اختلاط و مؤانسئلری ایچلرندن بعضیلرینک لاجل التجاره کیدوب کلد کلری شام ، یمن نہایت عراق عرب کبی جوار اولان محللر اها لیسنه منحصر اوله رق ممالک سائرہ اها لیسلی طرفندن اجرا قلنن فواحش و مظالم قبائل مزبورہ یه سرایت ایتوب افعال و احوال واقعہ لری بداوت و جهالت فطریه درجه سنده قالدینی کبی بیت شریفک بانیسی خلیل رب جلیل ابراهیم علیہ السلام و اصحابنک سلاله طاهره لرندن اولمیرینه مبنی مشار الیهک شریعت و سنت سنیدلرندن تواتر آ و تعاملا

انتقال ایش اولان نسك حجه رعایت کبی تمبیدی ، اطعام مسافر کبی اخلاقی ، انساب و انساله مزاعاة کبی نسبی ، فصاحت و بلاغته فوق العاده حرمت کبی ادبی محاسن ایلهده متصف ایدیلر .

بنا برین عصر مزبورده اخلاق عمومیه نك تصفیة و تهذیبی ایچون مکه مکرمة وجوارندن باشلامق موافق حال و مصلحت و محض حکمت ایدی .

ایکینجی مبحث

دین اسلامک قهروری

سالله طاهره حضرت خلیل اللهدن حبیب خدا رسول کبریا [محمد مصطفی] صلی الله علیه و علی آله وسلم افندمن حضرتلری قبائل قریشک و خصوصیه منسوب اولدقلری بنی هاشمک اک حبیب ونسبی ومن کل الوجوه اک کامل و ایبی اولدیغندن ذات معالی صفات هاشمانه لرینه عموم رؤسا و افراد قبائل پک زیاده تعظیم و تکریم ایدوب عفت و عصمت و علو همت مثلاً مکارم اخلاقی جامع و هر خصوصده امنیت و اعتماد شایان اولدیغنی بیان ایله [امین] دیرلر ایدی .

جناب حق حبیب اکرمی ۶۱۰ تاریخ میلادی سنده ابتدا نبوت و بعدده رسالت ایله اعزاز ایدوب وحی و انزال ایلدیکی [قرآن] عظیم الشان ایله مکارم اخلاقی تعلیم و تنمیع و بنی آدمی طریق حق و عدله دعوتله بینلرنده کمال حقانیت و عدالت دائره سنده اجرای معامله ایدرک احکام شرعیة الهیدی نشر و تعمیم ایتکی امر ایلدی . ذات عالی حضرت رسالینهای یکریمی اوچ سنه ظرفنده اهالی حجازی دین مبین اسلامه ارشاد

ایتد کدن بشقه دائره اسلامیه بی اقطار حجازک خارجه توسیع وقیصر روم
وکسرای عجم ونجاشی حبش ایله ملوک اطرافه نامه لر ارسال وسفیر لر
اعزام ایدوب صراط مستقیمه دعوت ایلدی.

اهلی حجاز جهالت صرفه ایچنده ایکن مدت قلیله ده علمی ، ادبی ،
سیاسی ، سنی پک بیوک ذوات کرام یتشدی . شو معجزه کبرای رسول
کبری انک ابدی اولان آثار جلیله سی یالکز رجاله ظاهر وانلره مخصوص
ومتحصر اولیوب قادینلر دخی انوار فیض پیغمبریدن حصه دیاب کمال
اولمشلردر از جمله زوجات مطهرات نبویه دن ام المؤمنین عایشه رضی الله
تعالی عنهانک مرتبه اجتهادی احراز بیوردقلری اصحاب کرام ایله
انلردن صکره یتیشان مجتهدین طرفندن تسلیم وتصدیق ایدلمشدر .

اوچنجی بحث

عصر اول اسلام

عصر اول اسلامده بین الناس تحدت ایدن اختلافات ومنازعات
جانب سنی الجوانب حضرت رسالتیناهیدن احکام جلیله قرآنییه
تطبیق ویاوحی الهی ویاخو رأی واجتهاد سنیله لر ایله فصل ورؤیت
اولنور ایددی .

ذات عالی رسالتیناهی آفندمن حضرتلرینک امضای قضایه مأمور
بیوردقلری اصحاب کرام وانتقل نبویدن صکره بومأوریتله موظف اولان
ذوات ذوی الاحترام احکام جلیله قرآنییه وسنن سنیله نبویه تطبیقاً
ولدی الحاجه مورد نص اولمان خصوصاً کندی رأی واجتهادلری
ایله فصل وحسم دعوی ایدرلرایدی .

بوصورتله عصر اول وثانیله مجتهدلر تعدد ایدوب کتاب الهی ویا

سنت سنیه نبوت پناهی ایلہ صراحة تعیین ایدلیوب محتاج اجتہاد اولان موادده ایسه تفاوت عقول و معلوماته بناء بالجمله مجتہدینک اتحاد و اتفاق غیر قابل اولمغله مسائل مجتہد فیہاتنوع و تکثر ایلش ومعافیہ زمان کچدکجه واضع شریعت و ناشر مناشیر عدالت علیه افضل التحیات افندمن حضر تترندن بالذات شرف تلقی احادیث شرعیہ ایلان اصحاب کرام و داع عالم فانی ایدرک دنیا لیکنجی و اوچنجی بطن اصحابنه یعنی تابعین و تبعه تابعینہ کچدکده سوز چوغاوب مسائلک تدقیق و تمیزی ایلہ اصحنک جمع و تدویننه احتیاج حاصل اولمشدر

ایشته بو وجهله صورتیاب اولان علمه [فقه] وانک مستند الیهنه [اصول فقه] و جمع و تدوین احکام و تفریع مسائله بئلمجهود ایلان اعظم فقهایه [مجتهد] تعبیر اولمشدر و مسائل مجتهده فیها ایلہ مجتہدین عظامک اسباب اختلافی و اصحاب تخریج و ترجیح و تمیزدن اولان فقهائک مسائل مزبوره حقنده کی مطالعاتی جمع و تحریر ایدیلهرک علم فقهک شعباتندن اولمق اوزره [خلاقیات] نامیله برفن وجوده کثیرلمشدر .

دردنجی مبحث

مذاهب اربعه

اصحاب کرام و تابعین ذوی الاحترام عصر لرنده مجتہدینک عددی خیلی چوغللش ایسه ده اکثرینسک اصحابی پک معدود اوله رق آز زمانده مذسوبینی قالمدیغندن الحاله هذہ نو بنو ظهور و اکثر معاملاتده فقه شافعی به مراعاة ایلان مجتہدینه تابع اهل شیعہ استثنایدیلور ایسه اهل سنت و جماعتک کافه سی امام اعظم ابوحنیفه ، امام مالک ، امام شافعی ، امام احمد بن

حنبل رضوان الله تعالى عنهم حضراتك مذاهبه اتباع ايلدكلرندن
 [مذاهب اربعة] تقرر ايتمش وزمانزده حنبيلرك عددی كسب قلت
 ايدوب مالكيلر دخی عددجه ايكنجی درجهده قالدقلرندن عالم اسلاميته
 امام اعظم وامام شافعی حضرتلرينك مذهبلری شایع وغالب اولوب
 خصوصيله محاکم شرعية عثمانیهجه مذهب حنفی اوزره اولان مسائل
 احکامی ومحاکم نظامیهجه دخی ینه بومذهب اوزره تنظیم ایدلمش اولان
 [مجله احکام عدليه] مرعی الاجرا طوتمشدر .

مع مافیه مذاهب سائرہ اصحابی دخی حکومت سنیهك حایتنه مظهر
 اولدقلرندن قبله مسلمین اولان مکه مکرّمهده مذاهب اربعة منسوبیننه
 مخصوص مفتیلر تعیین وتوظیف ایدلمکدهدر .

بشنجی مبحث

طبقات فقها

طبقه اولای فقهای تشکیل ایدن مجتهدین عظام حضراتی قواعد
 اصولی وضع وتأسيس بیوردقلرندن کندولرینه [مجتهد فی الشرع]
 اطلاق اولنور .

اعنه اربعةدن امام اعظم ابوحنیفه نعمان بن ثابت رضی الله تعالى
 عنه حضرتلری ۸۰ سنه هجریده سننده کوفهده قدمهاده عالم وجود
 اولوب ۱۵۰ سنه سننده بغدادده عازم سوی جنان اولمشدر .

امیر المؤمنین عمر رضی الله تعالى عنه حضرتلری جانب عالیمندن
 قاضیلق ايله کوفهده تعیین واعزام بیوریلان نجبا وفقهای اصحاب کرامدن
 عبدالله بن مسعود رضی الله تعالى عنه خطه عراقیهده تطبیق وتنفیذ
 احکام شرعیه ايله کتاب وستندن فروع فقهی استنباط وعلقمه انی تأیید

وابراهيم النخعي فقهك متشئت اولان فروع وفوائدني جمع وترتيب
 وجماد فروع وفوائد مذكوره نك تنقيحي خصوصاً لرنده بذل مقدرت
 ايشلر در . رحمة الله عليهم . جناب جادك شاگرد ليبي نعمان بن ثابت
 رضى الله تعالى عنه - قابل تعليم اولان استاددن استاد اولور - فحواستجه
 فقهك اصواتي وضع وتوفير و اصول مذكوره اوزرينه فروعني تفريع
 وطريق تفريعني توضيح بيورمشدر .

امام مالك بن انس رضى الله تعالى عنه ۹۰ سنه سنده مدينه منوره ده
 تولد ۱۷۹ تاريخنده اولده مطهره ده ارتحال دار نعيم ايشدر .
 امام شافعي رضى الله تعالى عنه قرشي الاصل اولوب كويا امام
 اعظم حضرتلرينه خلف اوله رق ياراداش كبي مشار اليه ك تاريخ وفاتي
 اولان ۱۵۰ سنه سنده وبر روايته كوزه يوم ارتحالنده قدس شريف
 سنجاغنه تابع « غزه » قصبه سنده تولد و ۲۰۴ تاريخنده مصر ده انتقال
 دار جنان ايشدر .

امام احمد بن حنبل رضى الله تعالى عنه ۱۶۴ سنه سنده « مرو » ده
 تولد ايدرك چوجق ايكن والده سي بغداده كتورمش وبر روايته كوره
 والده سي حامل اوله رق بغداده كلوب اوراده توليد ايش ۲۴۱
 تاريخنده بغداده ارتحال دار بقا ايشدر .

§

حضرت امام اعظمك وضع بيورمش اولديني اصول وقواعد
 د رهنده تفريع وتكمير مسأله همت ايدن سرافرازان شاگرداني
 مذهب حنفيه ايكنجي طبقه فقهاي تشكيل ايشلر در . بونلردن امام
 ابويوسف رحمة الله عليه بغداده مدت مديده قاضي القضاة اولديني
 جهته نظريات عليه سني تطبيق عمليات ايله توشيق ايتديكندن امر قضاده

رأى سیدی بین الفقها مستند الیہدر . امام محمد رحمۃ اللہ علیہ امام اعظمین تحصیل و امام ابو یوسفین تکمیل ایش و شوایکی امام ہمامدن اخذ و تلقی ایلدیکی مسائل فقہیہ بی جمع و ترتیب و نشر ایتشد .

امام اعظم و ابو یوسف حضرت تیرینہ [شیخین] و امام اعظم و محمد حضرت تیرینہ [طرفین] و امام ابو یوسف و محمد حضرت تیرینہ [امامین] تہیر اولور .

امامین ہر نقدر یک چوق مسائلہ استادلری اولان امام اعظم حضرت تیرینہ مخالف رأیدہ بولمشلر ایسہدہ اصولہ مشارالہ اتباع ایتدکلرندن کندیلرینہ [مجتہد فی المذہب] دینلور .

فقہای عظامدن بعضیلری امام اعظم حضرت تیرینک وضع ایتمش اولدینی اصول و فروعہ مخالفت ایتکسزین صاحب مذہبدن نص اولمان و قوعاندہ صاحب مذہبک وضع و تأسیس بیورمش اولدینی اصول و قواعدک مقتضاسی اوزرہ استنباط احکام ایشلرلردرکہ کندیلرینہ [مجتہد فی المسئلہ] دینلور . و بوضورتلہ طبقات مجتہدین اوچہ بالغ اولور .

درجہ اجتہادہ و اصل اولہ میان فقہای کرام اصحاب تخریج ، اصحاب ترجیح ، اصحاب تمیز نامیلہ دردنجی بشنجی التنبی طبقہلری تشکیل ایدوب فقہای سائرہ یدنجی طبقہدہ قالمشلردر .

اصحاب تخریج ، صاحب مذہب طرفندن وضع و تأسیس بیورمش اولان اصولی و بونک مأخذلرینی بیلدکلرندن حضرت امامدن یاخود اصحابنک برندن نقل و روایت اولنوب ایکی وجہہ محتمل بولنان مسائل بجلہ بی اصول موضوعہ یہ نظر و فروعدن نظائرینہ قیاس ایلہ تفصیل و تفسیر ایتشلردر .

اصحاب ترجیح ؛ بر مسئله ده صاحب مذهبیدن روایات مختلفه
بولندینی حالده روایات مذکوره دن بعضیسنی دیگرلری اوزرینه ترجیح
ایشلردر .

اصحاب تمیز ؛ اقوال فقها دن اقوی و یاقوی اولانلرینی ضعیف
اولانلردن و ظاهر مذهبی روایات نادره دن فرق و تمیز ایدوب کتابلرته
اقوال مردوده و روایات ضعیفه یی نقل ایتماشلردر .

طبقه سابعده قالان فقها نه اجتهاد و تخریج و نه ده ترجیح و تمیزه
مقتدر اولیوب اصحاب ترجیح و تمیزک ترجیح و تمیزینه اتباع ایدرلر .

آتنجی مبحث

طبقات مسائل

مسائل فقهیه دخی اوچ طبقه یه تقسیم اولنمشدر . طبقه اولی ؛
مسائل اصولدرکه روایات ظاهره ایله اصحاب مذهبیدن یعنی امام اعظم
و ابو یوسف و محمد رجه الله علیهمدن تواتراً مروی اولان مسئلهلردر .
امام محمدک مبسوط ، زیادات ، جامع الصغیر ، جامع الکبیر ، سیر
صغیر ، سیر کبیر نام الی کتابی مندرجاتی کاملاً مسائل اصولدن اولوب
کتب مزبورده روایات موثوقه یعنی شهرت و تواتر ایله امام مشار الیه دن روایت
اولدیفندن اشبو کتابلره « کتب ظاهر الروایات » اطلاق اولنور . کتب
مزبورده مندوج مسائلی حاکم شهید « کافی » عنوانیله برکتبده جمع
و تلفیق و امام سرخسی « مبسوط » عنوانلی کتاب معتبرنده شرح
و تفصیل ایتمش و سائر بعض اعظم فقها جانبندن دخی شرحلر یازلمش
اولدیفندن امهات کتب فقهیه نک هر بری برر کنجینه عرفان اوله رق

کتابخانه لرده موضوع موقع احترامدر یالکز سیر کبیر اوزرینه
امام سرخسینک شرحی عینابی منیب افندی ترجمه ایش
و (۱۲۴۱) تاریخنده مطبعة عامرده طبع وتمیل ایدلمشدر .

طبقه ثانیه ؛ نوادر مسائلیدرکه کتب سته مزبوردهن بشقه
کتابلرده اصحاب مذهبدر روایت اولنان مسائل اولوب کتب سته
مندرج مسائل کبی تواتراً مروی اولمیدغندن « مسائل نوادر » دینلمش
وبونلری حاوی اولان کتابلره دخی « کتب غیر ظاهرالروایه » اطلاق
اولمشدر .

امام ابویوسفدن مروی اولان کتب امالی ایله امام محمدکیسانیات ،
هارونیات ، جرجانیات ، رقیات نامنده کی کتابلری بو نوعدر .
طبقه ثالثه ؛ واقعات ونوازل مسائلیدرکه اصحاب مذهبدر روایت
اولنیمان وقوعانده متأخرین مجتهدینک یعنی مجتهد فی المسئله اولانلرک
اجتهاد ایتدکلری مسائلدر .

فقهایی متأخریندن بعضیلری تألیف ایلدکلری کتابلرینده طبقات
ثله مسائلنی مختلط اولهرق جمع وتحریر ایش وبعضیسی یکدیگرندن
تفریق ایدرک اولاً مسائل اصولی بعده نوادر مسائلنی واونجی درجهده
واقعات مسائلنی درج وتمیق ایشلمشدر .

مجله احکام عدلیه نك حاوی اولدینی مسائل متون وشروح
وفاوادن مأخوذ بولمیدینی جهتله بونده دخی بالطبع طبقات ثله
مسائلنی موجود ايسهده اکثریسی روایت ظاهر نك نقلی ایچون موضوع
اولان متون معتبردن اخذ اولمش اولدینندن مجله جلیله نك حاوی
اولدینی مسائلک اکثریسی ظاهر روایت مسائلیدر .

آنچق ۱۸۰۳ نجی ماده شرحنده ذکر وتعداد اولنه جنی اوزره

برقاج مسئله امام زفر رحة الله عليك اجتهدينه وفقهای متأخرینك
اختیار ایتدکری اقوال سائر مه کوره قلمه آلمشدر .

یدنجی مبحث

مجتهدین عصر ندره زمانه قدر

[العلماء ورثة الانبياء] سرینه مظهر اولان مجتهدین عظام وفقهای
بنام بیان اولندینی وجهله اصول وقواعد فقهی وضع وتبیین ومسائل
لازمه بی تفریع ایله احکام شرعی بی تنظیم وتنسيق ایتدکدن صکره
ساحه غبرای عالمده تحدث ایدن وقوعات معلومه تاریخیه دن وعصر
سعادت پیرای رسالتپناهیدن تباعد ایدلجکه علوم دینیہ وفقهیہ دأثر
روایات احادیثك بالطبع آزماسندن ناشی ایکنجی واوچنجی عصر رجالی
ملاو مجتهدین وفقها یتشمامکه باشلامش ايسه ده جناب حق الیوم القیام
حکم فرمای عدل وداد بیورسون کوکبه سلطنت سنیه نك طلوع وظهور یله برابر
شهریاران جلیل العنوان عثمانی اجرای عدالت وعلمايه حرمتله ابراز
آثار مکرمت وعنايت بیوردقلرنندن عدالت عثمانیه زیور السنه شکران
اولدینی کبی اصحاب کمال وفضیلت مظهر اعزاز والطاق سنیه اولدقجه
اربابی تکثر وتحصیل وتعلیم علوم وفنون امرنده سعی وغیرتلی تزايد
ایدرك مرکز خلافت عظمی دارالفنون کائنات حالنه کیرمکه باشلامش
ایندی .

§

مقام عالی فتوایی احراز ایتمش اولان ذوات کرامدن منلا خسرو،
زنبالی علی افندی ، کمال پاشا زاده احمد شمس الدین افندی ، ابوالسعود
افندی ، خواجه سعد الدین افندی ایله پك چوق فقههای ذوی الاحترام وعلماي
اعلام حضرت فاتحك عصر همایونلریله انی ولی وتعقیب ایدن دورلرده

یتشتمش اعظامدندر هممات عالیہ لری یالکز تعلیم و تدریس علوم و فنونہ
و تعلیم و تألیف آثار علیہ یہ منحصر اولیوب مسائل فقہیہ بی افتا ایلہ
برابر اکثریسنک اصول اداره دولتہ دائر قوانین و نظاماتک تنظیمندہ
دخی اقدامات متشرعانہ لری واقع اولمشدر ازجلہ الیوم دستورالعمل
اولان [اراضی قانونی] ابوالسعود افندی طرفندن قلمہ آلمش اولان
قانون اراضیدن مأخوذدر .

§

اگرچه بیک تاریخندنصرکہ عالم و فقیہ یتشدر مکده سماحت زمانیه
سوابقنہ نسبتاً تناقص ایتش ایسده نیت حسنہ و همت عالیہ اصحابی ینہ
اکسک اولیوب شرح سیر کبیر ترجمہ سی ، موقوفات ، ابن عابدین
مملو آثار معتبرہ نک ترجمہ و تألیفی ایلہ کتب فقہیہ نک تزیدینہ چالیسشمشدر
فتوا خانہ غالیدن استفتا اولنان مواد حقندہ مقام مشیختی احراز آیدن
بعض ذوات فقاہتسماتک عربی کتب معتبرہ فقہیہ دن ترجمہ و افتا ایلہ
جمع و ترتیب ایتش وصحتی فقہای متأخرین جابندن تصدیق قلمش
اولان فتاوی علی افندی ، ہججہ ، فیضیہ ، نتیجہ نام درت قطعہ ترجمہ
فتوا کتابلرینہ تطبیق حوادث ایدیلہ رک فتوا ویرلمسی و شاید بو کتابلرہ
مطلوبہ موافق مسئلہ بولندہ من ایسہ ذات عالی مشیختنہ اینک رأی
و تنسیب و تصدیق ایلہ کتب معتبرہ عربیہ دن بولندہ حق مسئلہ نک بالتوجہ
اقتاسی و بویلہ مترجم مسائل بر مجموعہ قید ایدیلہ رک کتب مزبورہ کی
مرعی و معتبر طوتمسی اصول اتخاذ و شمدیہ قدر بوصورنلہ ترجمہ
و افتا ایدیلان مسائل فقہیہ دن مرکب بر مجموعہ دخی طبع و نشر ایداشدر
شو اصول مستحسنہ نک فوائدندندرکہ اصول موضوعہ فقہیہ و مسائل
شرعیہ عملیہ حسن صورتلہ محافظہ و تلخیص ایدلہ یکنندن فتواخانہ نک
شرف و قدری انظار عمومیہ کمالیلہ و لایقیلہ تعالی ایلشدر .

فتواخانه عالی ممالک محروسه عثمانیه ده موجود بالجملة محاکم
شرعیه دن تنظیم ایدیلان اعلیات وحجج ووثائق سائر مندرجاتی
مسائل فقهیه مقتضای ایلہ تطبیق و صکوک شرعیہ تی تدقیق ایلہ مطابق
واصولنه موافق اولوب اولدقلرینی بیان وظیفه سی ایلده مکلف اولمق
حسبیلہ بالجملة حکام الشرع سالف الذکر فتوی کتابلری ایلہ مجله احکام
عدلیه مندرجاتنه تطبیقاً فصل وحسم دعویه مجبور طو تلمشدن .

ایکنجی فصل

مجله نك سبب و صورت و فوائد تنظیمی

برنجی مبحث

مجله نك سبب و صورت تنظیمی

اون ایکنجی عصر هجری اوآخرنده تأسیس وتشکیل قلنان محاکم
نظامیه جه دستورالعمل اولمق اوزره کتب معتبره فقهیه دن جمع وترتیب
ایدیش وموجبجه عمل اولنسی حقنده اراده سنیة حضرت پادشاهی
صادر اولمش اولان مجله احکام عدلیه دن کتاب الیووعک اکلنده مجله
جهیتندن مقام سائی صدارته خطاباً تنظیم قلمش اولان مضبوطه مجله
جلیله نك سبب و صورت ترتیبی حقنده تفصیلات لازمه ومفیده تی
حاوی اولدیغندن صورتی عیناً درج ایدیلور .

[محاط علم عالی وکالتپناهیلری بیورلدینی اوزره علم فقهک امر دنیایه
تعلق ایندن جهتی مناحات ومعاملات وعقوبات قسملرینه منقسم اولدینی
کبی ملل متمدنه نك قوانین اساسیه سی دخی بواوچ قسمه تقسیم ومعاملات
قسمی [قانون مدنی] دیو توسیم اولنور . فقط بو عصر لرده معاملات
تجاریه پك زیاده توسع ایش اولدیغندن پولیچه وافلاس کبی پك چوق

خوسنرده قانون اصلیدن استئنا اولنش وبومسائل استئنائییهی حاوی
 بشقه جه برده [تجارت قانوننامه سی] تنظیم قلمشدرکه خصوصات
 تجاریه ده معمولیه اولوب جهات سائرده ینه قانون مدنییه مراجعت
 قلیور . مثلاً بر محکمه تجارت برده قانونی حکمنجه رؤیت اولنان
 بردعوانک رهن وکفالت ووکالت کبی بعض خصوصات متفرعه سنده
 قانون اصلییه مراجعت اولنیور جرائمدن نشأت ایدن حقوق عادیه
 دعوالرنده دخی بومنوال اوزره معامله ایدیلیور قانون مدنییه مقابل
 دولت علیه ده قدیماً وحادثاً پک چوق قوانین ونظامات یابلمشدر واکرچه
 بونلر کافه معاملاتک فصل وتسویه سنه کافی دکل ایسه ده علم فقهک
 معاملات قسمی بوخصوصده اولان احتیاجاته کافی ووافیدر ودعاوینک
 شرع وقانونه حواله سنجه بعض مشکلات کورلمکده ایسه ده تمیزحقوق
 مجلسلری حکامک تحت یاسلرنده بولنهرق امورشرعییهی شرعاً رؤیت
 ایتدکلی کبی مجالس تمیزده نظاماً رؤیت اولنان ماده لر دخی انلرک
 معرفتیه فصل وبومثللو مشکلات حل اولنمکده در . شو قدرکه قوانین
 ونظامات ملکیه نک اصل ومرجعی علم فقه اولهرق نظاماً رؤیت اولنان
 موادک دخی نیجه خصوصات متفرعه سی مسائل فقهیه تطبیق ایله
 فصل وحسم اولنه کلوب مجالس تمیز اعضاسی ایسه مسائل فقهیه
 مطلع اولمدقلرنن کویا حاکم افندیلر قوانین ونظامات موضوعه نک
 خلرجنده اولهرق مراعاتی استدکلی قالبه دوکیورلر نظریه باقوب
 برطاقم سوء ظنلره ذهاب ایله کفکویه باعث اولیورلر .

دولت علیه نک تجارت محکمه لرنده دخی [تجارت قانوننامه همایونی]
 دستورالعمل اولوب دعوانک تجارتیه تعلق ایتمیان خصوصات متفرعه سنده
 عظیم مشکلات چکلمکده در . شویله که اروپا قانونلرنیه مراجعت

اولنسه چوبكه بونلر باراده سنيه موضوع قوانين اولديغندن محاكم
دولت عليه ده مدار حكم اوله ماز شرعه حواله اولندقدده دخی محاكم
شرعیه او مثللو خصوصات متفرعه ده مراغه ده اساسندن طوعغه مجبور
اولور. حالبوكه ايكي محكمه نك اصول محاكمه سی اساساً مختلف اولديغندن
بالطبع ايشده چتالاق پيدا اولديغی جهتله بومثللو خصوصاتده محاكم
تجارتدن محاكم شرعیه ده مراجعت ايديله ميور محاكم تجارت اعضاسی كتب
فقهیه ده مراجعت ايتسون دينلورسه بودخی قابل دكلدر زیر فن فقهه
انتساب خصوصنده دخی مجالس تمیز اعضاسيله هم حالدر علم فقه ايسه
بربحر بی پایان اولوب بوندن درر مسائل لازمه بی استنباط ايله حل مسئله
ايديله بيلمك خيلیدن خیلی مهارت و ملكه یه موقوفدر علی الخصوص مذهب
حنفی اوزره طبقات متفاوتده پك چوق مجتهدلر كلوب اختلافات
كثیره وقوعبولش وفقه حنفی فقه شافعی كبی تنقیح ايديله ميوب پك
متشعب و متشتت اولمشدر. ايشته بونجه اقوال متخالفه ایچنده قول
صحیحی تمیز ايله حوادثك اكا تطبیقنده عظیم عسرت واردور. قالدی كه
تبدل اعصار ايله عرف و عادتده مبتنی اولان مسائل فقهیه دخی تبدل
ايدور. مثلاً قدامی فقهها عندنده اشترا اولنده حق خانه نك براوطه سنی
كورمك كافیدور. و متأخرین عندنده هر اوطه سنی كورمك لازمدر.
بوایسه عن دلیل بر اختلاف اولیوب بلکه انشآت حقنده عرف و عادتك
اختلافندن نشأت ایتمشدر كه مقدما خانه نك هر اوطه سنی برطرز اوزره
پایله كلیكندن براوطه سنی كورمك سائرینی كورمكدن منفی ایش
مؤخر آ خانه نك اوطه لری مختلف یا بلیق عادت اولدیغندن هر اوطه سنی
كورمك لازم كمشدر. حقیقت حالده لازم اولان کیفیت ايسه مقصد
شرايه كوره بر علم کافی حاصل ایتكندن عبارت اولسيله اصل قاعده

شرعیه تغیر ایتیموب فقط بونک حوادثه امر تطبیقی تبدل احوال زمان
 ایله تبدل ایده یور. بومثلوا اختلاف زمانی ایله اختلاف برهانی بینی
 فرق و تمیز ایتیمک دخی خیلی وقته محتاجدر مسائل فقهیه بی احاطه
 ایله غورینه اطلاع ایسه پک کوچدر وبرارالق مسائل فقه حنفی بی
 جمع واحاطه ایتیمک اوزره عصرک فقها و فضلاسی جمع ایدیلهرک تاتارخانیه
 و فتاواى جهانگیریه کبی کتابلر تألیفنه همت اولنش ایسده ینه بالجمله
 فروع فقهیه و اختلافات مذهبییه حصر واحاطه ایدیله مامشدر. وفی الواقع
 کتب فتاوی حوادثک قواعد فقهیه تطبیقنه دائر ویرلمش اولان
 فتوالری حاوی مؤلفات دیمک اولوب حال بوکه بونجه عصرلردنبرو
 سادات حنفیه طرندن ویرلمش اولان فتاوانک جمع واحاطه می نه قدر
 دشوار اولدینی محتاج بیان دکلدر بناء علیه « ابن نجیم » برطاقم قواعد
 و مسائل کلیدی جمع ایدیرک بونلرک تحتنده فروع فقهی علی وجه الاحاطه
 درج ایتیمک یولنده برکوزل چغر آچش ایسده اندن صکره کی عصرلرک
 عالم وفقیه یتشدریمک یولنده اولکی سماحتی کوریله مدیکندن انک اثرینه
 اقتضا ایله آچش اولدینی چغری شاهراه ایدیه بیلجک ذاتلر ظهوریله
 بویولده بذل جهد ایللرینه مساعد اولمامشدر. وشمیدی ایسه هر طرفده
 علوم شرعیه ده مهارتلو ذواته ندرت کلدیکنندن محاکم نظامیه ده لدی.
 الایجاب کتب فقهیه مراجعتله حل شبهه ایدیه بیلجک اعضا بوانلدرمق
 شویله طورسون ممالک محروسه ده کائن بوقدر محاکم شرعیه ده کافی قضاة
 بولمق مشکل اولمشدر. بناء علی ذلک اختلافاتدن عاری ویا لکنز اقوال
 مختاره بی حاوی اولمق اوزره معاملات فقهه دائر سهل المأخذ بر کتاب
 یاپلسه هرکس قولایقله مطالعه ایدیرک مامالاتی کا تطبیق و بویله مضبوط
 بر کتاب اولدینی حالده نائب افندیلره عظیم فائده سی اوله جنفی کبی مجالس

نظامیه اعضا سنده امر ادا کرده بولنان مأمورین دخی بالمطالعه مسائل
شرعیه انتساب ایله لدی الانجاب ایشلرینی و سملری مرتبه شرع
شریفه توفیق ایدر لر. و هم محاکم شرعیده معتبر و مرعی و همده مجالس
نظامیهده حقوق دعوالری ایچون قانون وضعندن مستغنی اولور مطالعه سنده
مبنی اولیه بر اثر جلیک وجوده کلسی خیلی وقتدنبرو آرزو اولنور بر
کیفیت اولوب حتی بونک ایچون مجلس تظلمات دائره سنده بر جمعیت
علمیه تشکیل ایدلمش و خلیجه مسائل یازلمش ایکن حیز فعله کلمه میوب
بودخی [الامور مرهونه باوقاتها] حکمنجه تأسیسی اهم اولان بر چوق
مواد خیریه کبی مغبوط اعصار اولان عصر محاسن حصر همایونه قالمشدر.
موفقیت جلیله حضرت پادشاهی ثمره فیض بهره سی اوله رق
مشاهداعین افتخار اولان بونجه آثار حسنه صره سنده بودخی حصوله
کلمک اوزره علم فقهدن عصرک احتیاجاتنه کوره روزمره ظهوره
کلان معاملاتک تطبیقنه کافی اوله بیله جک اولیه بر اثر خیرک وجوده
کتوراسی امر اهمی عاجزلرینه حواله بیورلمش اولدیفندن بر موجب
اراده علیه دیوان احکام عدلیه دائره سنده بالاحتقاع فقهک معاملات
قسمندن کثیر الوقوع و معاملات عصره کوره بدیهی اللزوم اولان مواد
حقنده سادات خفیه نک اقوال معتبره سی جمع ایدیلرک متعدد کتابلره
تقسیم و [احکام عدلیه] اسمیله توسیم اولنق اوزره بر جله ترتیبه
بالابتدار مقدمه سیله کتاب اولی ختام بولورق بر نسخه سی ذات حقایق
آیات حضرت فتوا پناهی یه ویرلدیکی کبی علم فقهده مهارت و معلومات
کافیه سی اولان دیگر بعض ذوات فخرامه دخی بر نسخه سی بالاعطا
اولنان اخطارات اوزرینه تعدیلات لازمه اجرا اولندقدن صکره تبیض
ایله حضور حقایق ظهور و کالتیهایلرینه عرض اولندی بونک لسان

عربی به نقل و ترجمه سی دردست اولدینی کبی دیگر کتابلر دخی جمع و تألیف اولنق اوزره در بالمطالعه محاط علم عالی بیوریلور که مقدمه نك ایکنجی مقاله سی « ابن نجیم » ایله انك مسالکنه سالک اولان فقهانك جمع ایلدکری قواعد فقهیه اولوب حکام شرع برنقل صریح بولمدهجه یالکز بونلرله حکم ایده من لکن مسائل فقهیه نك انضباطنه کلی فائده لری اوله رق ارباب مطالعه مسائلی ادله سیله ضبط ایتش اولور لر و مأمورین مسائره هر خصوصده مرجع اوله بیلور و بونلرله بر آدم معاملاتنی مهمما امکان شرعه توفیق و تقریب ایده بیلور. بناء علیه کتاب یاخود باب عنوانیه یازیلوب مقدمه یه درج اولنمشدر. کتب فقهیه ده اکثریا مسائل ایله مبادی مخلوط اوله رق ذکر اولنش ایسه ده بوجمله ده هر کتابه متعلق اولان اصطلاحات اول کتابك مقدمه سی اولنق اوزره ذکر اوله رق مسائل سازجه ترتیب اوزره یازیلوب فقط بوه مسائل اساسیه یی ایضاح ضمننده مثال اوله رق کتب فتاوا دن برخیل مسائل درج و علاوه اولنمشدر .

فی زماننا جریان ایدن اخذ و اعطا اکثریا بعض شرائطه مربوط اولوب مذهب حنفیه ایسه صلب عقدده در میان اولنان انواع شرائطك اکثری بیی مفسد اولدینی جهتله کتاب البیوعك اك مهم میخی [بیع بالشرط] فصلی اوله رق جهیت عاجزانه مزجه پك چوق بحث و مناظره یی موجب اولد . یغندن مباحثات جاریه نك خلاصه سی بوجه آتی ایراد اولنق مناسب کورلمشدر .

بیع بالشرط حقنده اکثر مجتهدینك اقوالی یکدیگره مخالفدر مذهب مالکیده مدت جزئیه ایچون و مذهب حنبلیده علی الاطلاق بایع کندوسی ایچون میعه منفعت مخصوصه شرط ایده بیلور لکن بایمده بوضاحت اولوبده مشتری طرفنده اولماسی رأی و قیاسه مخالف کورینور امام اعظم رحمة الله

عليه حضرت تریله هم عصر اولوبده مؤخرآ اتباعی منقرض اولان مجتهد
لردن ابن ابی لیلی ایله ابن شبرمه رحمه الله علیهما حضرتینی دخی بو
خصوصده یکدیگره ضد تام اوله رق برر رأیده بولنش لردر . شویله که
ابن ابی لیلی عندنده علی العموم بیع و شرط قاسد و ابن شبرمه عندنده
علی الاطلاق هم بیع جائز و همده شرط جائزدر .

مذهب ابن ابی لیلی [المسلمون عند شروطهم] حدیث شریفنه مبان
کورینور . ابن شبرمه مذهبی بو حدیث شریفه تامیله موافق ایسه ده
بیع و مشتری اجرایی جائز و قابل اولیان شرطلر در میان ایده بیلوب
شرطه رعایت ایسه بقدر الامکان اولیق فقها عندنده مسلماتدن اولمسیله
شرطه رعایت مسئله سی تخصیص و استثنا قبول ایدر بر قاعده در . بناء
علی ذلک مذهب حنفیده بر طریق متوسط اتخاذ اوله رق بیعک
شرائطی [جائز و مفسد و لغو] دیو اوج قسمه تقسیم اولنشدر . شویله که
عقد بیعک مقتضاسندن اولیوب یا خود مقتضای عقد بیعی تأیید ایتمیوبده
احد طرفینه نافع اولان شرط ، مفسد واکا معلق اولان بیع ، فاسد اولور .
و بر طرفه نفعی اولیان شرطه بیع ، صحیح و شرط ، لغودر زیرا بیع
و شرادن مقصد تملیک و تملک خصوصی یعنی بلا مانع و مزاحم مشتری
مبیعه و بیعک ثمنه مالک اولمسی کیفیتدر حال بو که بر طرفه نافع اولان
شرطک اجرایی اول طرف طاب و طرف آخر اندن هارب اوله رق
منازعه یه مؤدی اوله بیلور بو صورتده ایسه عقد بیع تمام اولماش
دیگک اولور . فقط عرف و عادت منازعه یی قاطع اولدیغندن علی الاطلاق
شرط متعارف ایله بیع تجویز اولنشدر .

معاملات تجاریه بوجه مشروح ذاتاً مستثنی بر حالده اولوب
اصنافک اکثریسنده دخی برر معامله متعارفه تقرر ایتدیکنه و عرف

طاری دخی معتبر اولدیغنه نظراً فسادى موضوع بحث اوله جق يالکز بر طاقم متفرق ومتشتت آلیش ویریش ایدنلرک خارج از عرف وعادت ایتدکلى شرطلر قالوب بونلرک دخی چندان دکرى وبحت کوتورر یری اولدیغندن معاملات عصرک تیسیری ایچون مذهب حنفینک خارجنده اوله رق ابن شبرمه مذهبک اختیاری مناسب کورلیوب سائر فصللرده اولدیغی کبی باب اولک دردنجی فصلنده دخی مذهب حنفی اوزره بیى مفسد اولیان شرطلرک بیانیله اکتفا اولمشدر .

الحاصل بومجمله ده مذهب حنفینک خارجنه چیقلیوب مواد مندرجه سنک اکثری الحیالة هذه فتواخانه ده معتبر ومعمول به اولدیغی جهتله بونلر حقیقده بمحتة لزوم کورلمز فقط ینسه فقهای حنفیه دن بعض فحول ائمه نك اقوال معتبره سی ناسه ارفق ومصلحت عصره اوفق اولمق حسبيله اختیار اولتمش ایدوکنندن بونلرک مأخذ مقبوله واسباب موجبیه سی بروجه آتی بیان اولنور .

یوز طقسان یدنجی وایکی یوز بشنجی ماده لر موجبجه معدومک بیى صحیح دکلدر حال بوکه کل وانکنار کبی شکوفه وسبزه ومیوه محصولاتی متلاحق الورود اوله رق بعض افرادی ظهور ایتدن دیگر بعض افرادی حصوله کلوب پکر اولدیغی جهتله اکثریا بومثللورک ظهور ایتمش وایده جک اولان محصولاتی طوپدن اوله رق صالتمق عرف وعادت اولمشدر . وبو مثللو محصولانده موجوده تبناً معدومک دخی برابر اوله رق طوپدن صالتمسنى امام محمد بن حسن الشیبانی رحمه الله علیه جضرتلری استحضاراً تجویز بیورمش وامام فضلى وشمس الائمة الحلوانى وابوبکر بن فضل رحمه الله عليهم انک قوليله اقتضا ایتمش اولدقلرندن وناسی بومثللو عرف وعادتلرندن کچورمک قابل اوله میوب حال بوکه

معاملات ناس فسادہ نسبتدن ایسه مهمما ممکن صحتہ حمل ایتک اولی
اولدیفندن بوجلهده دخی قول محمد بالترجمہ ایک یوز یدنجی ماده اکا
موافق اولهرق یازلمشدر .

صبرہ مسئلہسندہ مثلاً کیلہ سی شو قدر غروشه اولق اوزره بر
یغین بغدادی صالتدقدہ امام اعظم رحمہ اللہ علیہ حضرت تترینک عندندہ
یالکز بر کیلہ سی حقندہ بیع صحیح اولور وامامین رحمۃ اللہ علیہما
عندلرنده اول یغین تماماً صاتلش اولهرق قاچ کیلہ چیقارسہ اکا کورہ
ثمنی ویرامک لازم کلوب معاملات ناسی تیسیرایمک حسیلہ صاحب ہدایہ
کبی نیجہ فقہا دخی بو خصوصہ آنلرک قولی اختیار ایلش اولدقلرندن
ایکی یوز یکر منجی ماده اول منوال اوزره تحریر قلمشدر .

امام اعظم حضرت تترینک عندندہ خیار شرطک مدتی اوچ کوندن
زیادہ اولہ میوب امامین عندندہ ایسہ ہرقاچ کون مقاولہ اولنورسہ
جائز اولدیفنہ وبو خصوصہ دخی آنلرک قولی حال و مصلحتہ اوفق
کورلدیکنہ مبنی اختیار اولهرق اوچ یوزنجی مادهده مدت مطلق
اولهرق درج اولنمشدر .

خیار نقدہ دخی بو اختلاف جاری اولوب بوندہ مدتک اطلاق
خصوصندہ امام محمد علیہ رحمۃ اللہ حضرت تتری منفرد ایسہده مصلحت
ناسہ اوفق اولق حسیلہ آنک قولی اختیار اولنہرق اوچ یوز اون
اوچنجی مادهده دخی [فلان وقتہ قدر] دیو مدت اطلاق اوزره
براغلمشدر .

امام اعظم حضرت تترینک عندندہ استصناعاً منعقد اولان بیعدن
مستصنع رجوع ایدہ یلور ایسہده امام ابو یوسف رحمۃ اللہ علیہ
حضرت تترینک عندندہ مصنوع تعریفہ موافق اولدینی جالدہ رجوع

ایده من شمدی ایسه عالمده پک چوق کارگاهلر یاپیلهرق بونجه طویلر
 وتفنکار و واپورلر مقاوله و سپارش ایله یاپدیریلر کلوب استصناع
 کیفیتی مصالح جسیمة جاریه دن اولسیله مستصنک عقد استصناعی
 فسخده مخیر اولسی نیجه مصالح جسیمة بی اخلال ایده جکندن واستصناع
 خصوصی خلاف قیاس اولهرق عرف ناسه مبنی استحصاناً مشروع
 اولان سلمه مقیس و عرفه مستند بر کیفیت اولدیغندن مصلحت عصره
 نظراً امام ابو یوسف قولنک اختیارینه لزوم کوریلرک اوچ یوز
 طقشان ایکنجی ماده اکا موافق اولهرق یازلمشدر.

مسائل مجتهد فیهاده امام المسلمین حضرتلری هر قننی قول ایله عمل
 اولنق اوزره امر ایدرسه موجبجه عمل اولنق واجب اولدیغندن
 معروضات مبسوطه نزد حقایق وفد وکالتپناهیلرنده دخی قرین تصویب
 بیورلدینی حاله مجله ملفوفه نك بالاسی خط همایون حضرت خلافتپناهی
 ایله توشیح بیورلمق باینده

فی ۱۸ ذی الحجه سنه ۱۲۸۰ و فی ۱۰ مارت سنه ۱۲۸۵

عن اعضاء شورای	مفتش اوقاف	ناظر دیوان احکام
دولت	همایون	عدلیه
سیف الدین	سید خلیل	احمد جودت
عن اعضاء شورای	عن اعضاء دیوان احکام	عن اعضاء دیوان احکام
دوات	عدلیه	عدلیه
محمد امین	سید احمد حلمی	سید احمد خلوصی
	عن اعضاء جمعیت ابن	
	عابدین زاده	
	علاء الدین	

مجله احکام عدلیه بر مقدمه ایله اون آلتی کتابی شامل اولوب
کتاب اول بیوع ، ثانی اجارات ، ثالث کفالت ، رابع حواله ، خامس
وهن ، سادس امانات . سابع هبه ، ثامن غصب ، تاسع حجر واکراه
وشفعه ، عاشر انواع شرکت ، حادی عشر وکالت ، ثانی عشر صلح
وابرا ، ثالث عشر اقرار ، رابع عشر دعوی ، خامس عشر بینات
وتحلیف ، سادس عشر قضا حقننده در .

۱۲۸۰ سنه هجریه سنده ترتیب وتنظیمنه ابشدار ایله ۱۲۹۳
تاریخنده یعنی طقوز سنده پذیرای حسن ختام اولمشدر . بعنایه الله
تعالی [روح المجله] دخی برسنده تحویر و ۲۳ ربیع الاول سنه ۱۳۲۵
تاریخنده تکمیل ایدلدی .

ایکینجی مبحث

مجله جمعیتی

مجله جمعیتی ترکیب ایدن ذوات فقاہتسمات مأمورین شرعیه دن
بولنلری حسینله مدت مزبورہ ظرفنده بعضیلری مأموراً طشره یه
عزیمت ایتملرندن و کیسی معذرت واقعه لرندن ناشی انفکاک ایلدکلرندن
یرلرینه دیگر ذوات تعیین قلمش واکال مأموریتله عودت ایدنلردن
بعضیسی یه دوام ایتمشدر . هر کتابک نهایتده هیئت جمعیتک امضالری
محرر اولقله کیملرک اعضا اولوب قننی کتابک ترتیب وتنظیمی مذاکره
سنده بولندی آکلاشیلور .

رئیس جمعیت جودت پاشا مرحوم ذاتاً طریق علیهدن نشأت
ایدوب ادبیاته وتاریخه متعلق آثار ادیبانه ومدققانه لرله اثبات کمال
ایتمش فضلالی وزرای عظامدن اولوب ریاست مشارالیه ایله انتخابی مجله
احکام عدلیه نیک صورت مرغوبه ومستحسنده تالیف وتنظیمه بادی

اولش و طرز تحریر بنده « صک قانونی » اختراعیله بر اسلوب لطیف اختیار و انشا بیورمشدر. اگرچه مشارالیهک والیک ایله طشریه عزیمتده تحریر ایدلمش اولان رهن و امانات حقنده کی کتاب خامس و سادسده امضالری یوغیسه ده رسمی و غیر رسمی مخبرات ایله معلومات و مطالعات علیه لری منضم حتی بوصره ده قلمه آلمش اولان [کتاب الودیمه] نشرینی متعاقباً موقع رسمیتدن رفع ایدیلرک بوکا بدل [کتاب الامانات] جمع و ترتیب و نشر اولمشدر.

اعضای کرآمدن سید خلیل افندی مقام عالی مشیختی و فتوی امانتی احراز ایله تمیز ایش فقهای عصردن اولدینی کبی صدور عظامدن و مدققین ققهادن سیف الدین افندی اصول فقعه متبحر و احد حلمی افندی فقیه اولمغله مشهر اولدقلرندن مجله نك بدایتندن نهایتنه قدر جمعیت اعضا لغنده بولنه رق صرف یارای همت ایش و اعضای سائر نك دخی درچه درجه رأیاً و قلماً معاوتی واقع اولمشدر.

§

تصادفات حسنه دندرکه [مکتب حقوقك] بدایت تأسیسهنده یعنی ۱۲۹۷ تاریخنده تدریسی تقرر ایدن مجله و کتب سائره فقهیه و عملکارینه مکتب منبوره « بلاغت عثمانیه » معلمکنی درعهده نیورمش اولان مشارالیه جودت پاشانك دلالتیه مجله جمعیتی اعضاسندن بعض ذوات کرام مأمور اولدقلرندن مسائل مجله مؤلف و مرتب لری اولان فقها جانبدن تدریسات منتظمه ایله بر مکتب عالیدن نشر فیوضات ایشدر.

اوجنچی مبحث

مجله نك فواری

[مجله احکام عدلیه] سیاسی و علمی فوائد کثیریه بی موجب اولمشدر.

از جمله محاکم و مجالس دولته دستور العمل اولدیفندن بشقه جه بر «قانون مدنی» تنظیمنه حاجت بر اقامه شد .

بالجمله اهلینک از چوق مسائل فقهیه یه کسب و قوف و اطلاع ایدرک احکام جلیله شرعیه یه مهمما امکن تطبیق و تقریب معاملاتنه سبب اولمشدر . محاکم نظامیه و مجالس رشمیه و خدمات سائرده معلوماتی مأثور لرک تکثیر یله انتظام امور و معاملاتنه بادی اولمشدر .

مجله نك شرح و ایضاحنه و مسائل متفرعه سنه دائر خلیجه کتب و رسائل فقهیه نك تحریر و نشری ایله انتشار علمی موجب اولمشدر که [روح المجله] دخی انلر میاننده بولمقله مباحیدر .

ذیل

بر رجعیت علمیه معرفتیه ترتیب اولنان فقه کتابلری ایکیدر بریسی [مجله احکام عدلیه] در . دیکری [فتاوی هندیه] دیو مشهور اولان [فتاوی عالمگیریه] در .

امرای هنددن ابی المظفر محی الدین محمد اورنک زیب بهادر عالمگیر رحمه علیه جانبندن العلامة الهمام مولانا شیخ نظامک ریاستنده عقد اولان هند علماسندن مرکب بر رجعیت علمیه طرفندن غریجه تألیف و ترتیب و مذهب حنفی ارزره اولان مسائل متشتمله فقهیه دن عبادات و مناکحات و معاملات و عقوبات و فرائضه دائر و اقوال صحیحیه یه مستند اولانلرک پک جوغی جمع و تلفیق ایدلشددر اوج بیک صحیفه یی متجاوز والقی جلددن عبارت اولان بو کلیات ایکنجه دفعه اوله رق ۱۳۱۱ سنه هجریه سنده مصرده طبع و تمثیل اولمشدر .

ایکنجی باب

علم اصول فقہ را زود

مقدمه مجله ده مندرج قواعد فقهیه ادله شرعیہ نک زبده سی کبی
اولدیفنه و روح المجله ده دخی مسائلک دلائلندن بحث ایدلدیکنه بناء
بوابده علم اصول فقه ایله موضوعی اولان ادله واحکام حقننده فکر ارجالی
حاصل اولتی ایچون مختصراً تعریف و بیانی مناسب کورلدی .

برنجی فصل

اصول فقہک تعریف و موضوع و غایتی

اصول فقه ؛ احکام شرعیہ یی ادله تفصیلیه سندن استنباطه توسل
اولنور بر علمدرکه بر طاقم قواعد کلیه واسطه سیله ادله دن احکام شرعیہ نک
کیفیت استخراجی واحکامک نه دیمک اولدیفنی بیلدیرر چونکه مسائل
فقهیه ادله معینه مستند اولدیفندن استنباط مسائل ایچون ادله
واحکامک احوالی بیلک لازم اولمقله بواحوالک . معرفته متکفل اولان
علمه [اصول فقه] تسمیه اولمشدر .

فقه ؛ مسائل شرعیه علمیه یی بیلک معاسنه اولوب مجله نک برنجی
ماده سنک شرحنده ایضاح اولنه جقدر .

اصول ؛ اصلک جمی اولوب دلیل معناسنهدر . دلیل ؛ دخی ذاتنده
ویا احوالنده وصفاتنده فکر صحیح ایله تأمل اولندقدنه بر مطلوب خوییه
ایصال ایده بیلان شیدر مثلاً [ان الله یأمر بالعدل ، ولا تعبدوا] ایت
کریمه لری تأمل اولندقدنه برنجیسی عدل واجبدر ، ایکنجیسی ظلم حرامدر
قضیه لرینی اثبات ایدر ایشه بو آیتلر برر دلیل شرعیدر دلیلک جمی
اولان ادله شرعیه کتاب ، سنت ، اجماع ، قیاسدن عبارتندر بونلرینی

بشقه درجه ثانیه ده بعض دلیلار اولوب التنبی مجعده ذکر و تعداد
ایدیلور. احکامک ؛ نه دیمک اولدینی فصل مخصوصنده تعریف اولنور.
ادله واحکامک احوالندن مقصد دخی ؛ ادله نك احکامه مطلقا
ویاعندالعارض دلاتی، یاخود ادله دن استنباط احکام اولنه یغنی اعتباریله
لاحق اولان اعراض ذاتیه در .

اصول فقهک موضوعی ؛ ادله واحکام شرعیه در یعنی ادله دن احکام
استنباط اولدینی جهته ادله ، احکام فقهیه ادله شرعیه ایله ثابت
اولدینی حیثیتیه احکامدر .

اصول فقهک غایی ؛ احکام شرعیه یی بیلک یعنی ادراک قواعد ایله
استنباط احکامه اقتدار حاصل ایلکدر .

بناءً علیه اصول فقه ایله کثرت اشتغالدن حاصل اولان ملکه سایه .
سند هرکس کندی اقتدارنجه ادراکات جزئییه مقتدر اوله بیلور
ایسه ده بوصورت اخلاص احکامی موجب اوله جغندن ادله تفصیلیه دن
مستفاد اولان خصوصیات احکامدن باحث برعلمه احتیاج درکار اولوب
اوده علم فقهدر .

ایکنجی فصل

ادله

برنجی مبحث

کتاب

کتاب ؛ اصولیونه گوره حضرت محمد صلی الله علیه وسلم افندهنه
من طرف الله نازل اولوب مشار الیه دن متواتراً منقول اولان نظم
جلیلدر .

زمان سعد اقتران حضرت رسالت پناهیده دائماً نزول و یا نسخ احکامه
 ترقب و انتظار اولند یغندن آیات جلیله نك جمع و تدویننه ابتدار
 اولم یوب [اَنَا نَحْنُ نَزَّلْنَا الذِّكْرَ وَاَنَّا لَهُ لَحَافِظُونَ] وعد کریمه
 اعتماداً سوره سوره متفرقاً اصحاب نزدند حفظ اولمشیدی . زید بن
 ثابت و عبدالله بن مسعود و ابی بن کعب رضی الله تعالی عنهم حضراتی
 و سایر بعض اصحاب دخی تمامی تحریر و حفظ ایلمشیدی .
 حضرت فخر کائنات علیه افضل التحیات افند مزك عالم فانیدن
 انتقائند نص کره نزول وحی و احتمال نسخ امنیه سی منقطع اولمغله ابو
 بکر الصدیق رضی الله تعالی عنه حضرت تیرنك زمان خلافت پناهیلرنده
 « یمامه » ید اعزام بیوریلان اصحابدن بر خلی قرانك وقوع شهادت لرینه
 مبنی منقوش حافظه لری کندولری ایله بر لکده کیتدیکنندن [قرآن]
 عظیم الشانك ایلروده بر کونه شبهه ید محل قلمیه حق و جهله جمعی حقنده
 حضرت عمر رضی الله تعالی عنھك اخطاری اوزرینه خلیفه حضرت لری
 وحی کاتب لرندن و مشاهیر قراء اصحابدن زید بن ثابت رضی الله تعالی عنھك
 ریاستنده بر هیئت تشکیل ایلدی اصحاب نزدند بولنان اجزاء شریفه
 جلب و جمع ایله برر برر تدقیق ایلد کد نص کره زمان عالی حضرت
 رسالت پناهیده آیات قرآنیہ نه وجهله ترتیب اولندی ایسه هر سوره نك
 محتوی اولدینی آیات بینات ینسه اولوجهله ترتیب ایلدیله رك زید بن
 ثابتك قلمیه یازیلان و بالجمله سوره و آیت لری جامع اولان [نسخہ سی]
 حضرت عمر رضی الله تعالی عنه حیاتده و مدینه ده بولنان اصحاب کرامك
 مواجعه سنده سراپا قرائت ایتد کده عمومی صحتنه شهادت ایتمکله بو
 نسخہ مصدوقه بی حضرت ابابکر وانك وفاتده امیر المؤمنین عمر و بونك
 دخی وفاتده کریمه سی زوجات مطهرات نبویه دن ام المؤمنین حضرت
 حفصه رضی الله تعالی عنھم حفظ ایلدی .

بروجه محرر سور و آیات قرآنیہ تماماً ضبط و تحریر ایدلش
ایسهده قنغی سورہ شریفہ قنغیسندن اول تحریر و قرائت ایدلک لازم کله جکی
قرار لشدیر لیدیغی جهتله هر سورہ مستقل کبی بولندیغندن حضرت
عثمان رضی اللہ تعالیٰ عنہ زمان خلافتنده نعمتہ مصدقہ من بورہ بی اخذایله
تشکیل ایدلیکی بر « جمعیت حفاظ » معرفتیه معلوم اولدیغی وجهله ترتیب
و [مصحف عثمان] تسمیه ایدلدی. و جمعیت من بورہده بولنان ذوات معرفتیه
یدی نسخه مصحف شریف تحریر اولندی و تکرار محضر صحابهده قرائت
ایله بولورده مکتوب اولانک [قرآن] ایدوکنه اجاع و اتفاق حاصل
اولدقدنصرکه بری مکة مکرمهده ، دیگرکی شان ، اوچنجیسی بصرهده
در دنجیسی کوفهده ، بشنجیسی بحرینه ، التنجیسی یمنه ارسال ویدنجیسی
نزد جناب خلیفهده حفظ ایدلدی .

الی یومنا هذا زیور ایدی تعظیم و احترام اولان صد هزاران
هزار نسخه مصحف شریفک جله سی اساساً مصحف عثماندن استنساخ
ایدلش اولغله پینارنده هیچ برفرق یوقدر و بوجهله قرآن عظیم الشان
زمان سعادت اقوتان حضرت رسالتپناهیدن شمدییه قدر نازل اولدیغی
وجهله زیاده و نقصان اولقسزین متواتراً نقل ایدیلکله کلش و صنعت
طباعک ایجادی دخی الی ماشاء الله تعالی تمام محفوظیتی مستلزم بولنشدر .

§

اصول فقهک الک مهم قسمی کتاب بمحیدر زیر اکتاب اس الاسادر
بوراده ایضاح و تفصیله محل اولیوب یالکز شوقدر بیان اولنورکه
کتابه متعلق مباحث ایکی نوع اولوب بریمی صرف کتابه متعلقدر اوده
قرآن عظیم الشانک متواتراً ثبوتیه و تواتر ایله ثابت اولمیهانه قرآن
دینلمیه چکنه مدار مسائلدر .

ایکنجیسی کتاب ایله سنت بیننده مشترک مباحث اولوب انلرده
لفظك وضعی ، معنایه دلالتی ، معناده استعمالی ، لفظ ایله معنایه وقوف
اعتباریله حاصل اولان احوال واقسامنه داثردر .
بر طاقم شیرلر ده اولوب انلرده مسائل مستنبطه نك مأخذ ، معنی ،
ترتیب ، احكامنی بیلسكدر یعنی الفاظك افعه معنالی ندر وقفنی موضعده
استعمال اولنورلر و شرعه كندولرنندن نه مراد اولنشدردر و تمارض
ایتدكری حالده قنغیسی ایله عمل اولادر و كندولریله ثابت اولان احكام
قطعی ویا ظنمیدر واجب و اباحه و ندب و تحریمیدر ؟ یونلری بیلماك
لازمدر .

ایکنجی مبحث

سنت

سنت ؛ لغتده طریق و عادتیه اطلاق اولنور . اصطلاح شرعه
رسول اکرم محمد مصطفی صلی الله تعالی علیه وسلم افندمن حضر تلو نندن
قولاً ویا فعلاً ویا خود تقریراً صادر اولان شیرله دینور
قول ؛ ذات معالیمات حضرت رسالتپناهیه نسبت اولنان سوزدر که
بوکا بالخاصه [حدیث] دینلور و « حدیث شریفده وارد اولمشدر » کبی
حدیث لفظی علی الاطلاق ذکر اولندقدده [سنت قولیه] مراد اولنور .
فعل ؛ ذات نبوتسمات افندمن حضر تلو نندن صادر اولان ایشدر .
تقریر ؛ جناب پیغمبر صلی الله علیه وسلم حضورنده ویا عصرنده
سویلنور ویا ایشلنور ایکن ایشیدوب ویا کوروبده بلاعذر منع بیورمدینی
بر سوز ویا فعل دیمکدر که ذات عالی رسالتپناهینك سکونی او کیسه یی
اشبو قول ویا فعلی اوزرینه تقریر اولدیغندن رضاء تصدیق نبوییه

اقترانی حسبیلہ او قول ویا فعلہ [حدیث تقریری] دینلمشدر فقط
بو سوز ویا فعلک حد ذاته ممنوع اولماسی شرطدر

§

سنتک جناب پیغمبردن صدوری بطریق الوحی اولوب وحی دخی
ظاهر ، باطن دیو ایکی نوعدر . وحی ظاهر دخی اوج قسم اولوب
برنجیسی ؛ لسان ملک ایله رسول الله نازل ورسول الله دخی
قرائن قطعیه ایله طرف حقدن کندویه مبلغ اولان ملک اولدیغنی بیلدیکی
حاله ملکدن سمعلریدرکه [قرآن] بنوعنددر .

ایکجیسی ، خاطرالملک دینلان وحیدرکه رسول اللهک قلب شریفلرینه
بلاحرف وصوت ملک اشارتیه واضح اولان شیدر . « روح القدس
قلبه نفخ وایما ایلدی که هیچ بر نفس رزقنی استکمال ایتمینجه ترک دغدغه
دنیا یفانی اتمیه جکدر اللهدن قورقک رزقکزی کوزللكله آرایک » مانده
اولان [ان روح القدس نفث فی روعی ان نفساً ان تموت حتی
تستکمل رزقها فاتقوا الله واجلوا فی الطلب] حدیث شریفی بوقسمه
اشارتدر .

قرآن ایله خاطرالملک دینلان احادیث شریفه بیننده شوفرقت واردرکه
قرآنده هم لفظ وهم معنی منظور فیه اولوب حدیثده یالکزمعنایه نظر
اولنور .

اوجنجیسی ؛ جناب حقک الهامیه — ملکک توسطی اولمقسرین —
رسول اللهک قلب شریفلرینه بلاشبهه لایح اولاندركه [حدیث قدسی]
نوعنددر . اقسام ثلثه مذکورهک کافهسی جناب پیغمبردن امتی اوزرلرینه
حجت اولمقله انلره اتباع واجبدر .

§

نوع ثانی که وحی باطنی در. یعنی جناب رسالتیناهک حکم نصیحت
 تأملی ایلله اجتهاد ایدرک نائل اولدقلری حکمدر بوده مال اعتباریله
 وحیدر چونکه اجتهادلری اوزرینه تقریر بیورملری اول اجتهادک
 حقیقه وابتداء وحی ایلله ثابت اولمش کبی حق اولدیغنه دلالت ایدر.
 فقط وحی ظاهر کبی بین العلما متفق علیه اولیوب اشاعیه واکثر معتزله
 اجتهاد رسول علیه الصلوة والسلامی [وما ینطق عن الهوی ان هو الا
 وحی یوحی] نص کریمه متمسکا منع ایتدیلر و امام مالک و امام شافعی
 و امام ابویوسف و عامه اهل حدیث اجتهاد نبوی بی مطلقا تجویز ایلدیلر
 امام ابویوسفدن ماعدا ائمه حنفیه عندنده مختار اولان رسول اکرم صلی
 الله علیه وسلم بر حادته وقوعنده وحی ظاهر نزولی ایچون منتظر اوله
 کلدکلری وقت مقداری منتظر اولوردی شومدت ظرفنده وحی نازل
 اولدی بی حالده اول حادثه نك فوتندن خوف ایدر ایسه اجتهادلری ایلله
 عمل بیورر ایدی زیرا جناب پیغمبر حقنده وحی اصلدر اجتهاد اندن
 خلفدر خلفه رجوع اصله وصولدن عجز حالنده جائز و متحقق اولور.
 سنتک افاده احکامده حجت اولدیغی جناب حقک « رسولک سره اتیان
 ایتدیکنی آلاک نهی ایتدیکی شیدن چکنک » مألنده اولان [وما انا کم
 الرسول فخذوه و ما نهکم فاستهوا] قول شریفیله ثابتدر.

اوجنجی مبحث

اجماع

اجماع ؛ لغته غزم و اتفاق معنا سنه در . اصطلاح شرعه امت
 محمد علیه الصلوة والسلامدن بر عرصه بوانان بالجمله مجتهدینک بر حکم

شرعی اوزرینه اتفاق ایتملرینه دینور. شو تعریفدن مستبان اولدیغنه کوره دین محمدیده بولمیان ویا بولنوبده مرتبه اجتهادی احراز ایتیانلرک بر خصوصده اتفاق ایتملری متفق علیه اولان شیئک شرعاً حجت اتخاذه مستلزم اولماز زیرا اجاعک حجت اتخاذه امت محمدن اهل سنت و جماعته مخصوص اولدیغی کبی مسائل اجتهادیده اتفاق عوامه شرعاً اعتبار اولدیغندن اتفاق ایدن کیسهلرک مرتبه اجتهادی احراز ایتیش اولملری وفاسق و اهل بدعت اولمالملری لزومی بدیدر معافیه عوام ناسک اجرت استحکام مثلاًو اجتهاده محتاج اولیان خصوصاًتده اتفاق ایتملری معتبردر زیرا ناسک استعمالی بر حمتدرکه انکله عمل واجب اولور .

حکم شرعی ؛ حکم فیر دینی اوزرینه اولان اتفاقدن احتراز ایچون اولوب اتفاقدن مقصد دخی مجتهدینک اعتقاد ویا فعل ویا خود قولده اشتراکلریدر .

§

اجاعک رکنی ؛ مجتهدینک اتفاقی اولوب بو اتفاق ایکی صورتله حاصل اولورکه برینه [عزیمت ویا اجاع قولی ویا علی] و دیگرینه [رخصت ویا اجاع سکوتی] دینور .

اجاع قولی ویا علی ؛ مجتهدینک بر خصوصده قولاً ویا فعلاً اتفاق ایتملریدر .

اجاع سکوتی ؛ مجتهدیندن بعضیلرینک سویلدیکی سوز ویا ایشلیدیکی ایش دیگر مجتهدلرک معلومی اولدقده مدت تأمل اولان ختام مجلسه قدر ونه‌ایت اوچ کون کچدکدن صکره اوسوز ویا فعلی رد ایتیموب سکوت ایتملریله حاصل اولان اتفاقدر .

§

اجاعک شرطی ؛ بر عصرده بولنان مجتهدین قاچ کشی اولورسه

اولسون كافه سنك اتفاقا قلدرد . عصر دن مقصد دخی آز ویا خود چوق
بر زمان دیمکدر ،

مجتهدیندن بری مخالف قالسه اجاع منمقد اولماز . چونکه مجتهدلر
بعضاً اصابت و بعضاً خطا ایلدیکندن مخالف رأیده بولنانک اصابت
ایتمش اولمسی مختلدر .

مع مافیه اکثر مجتهدینک بر مسئله ده اتفاقی بر دلیل شرعی راجح
ویا قطعیته وجودینه دلالت ایده جکنه و اکثر ایچون حکم کل بولند .
یعنه بناءً اجاع قطعی اولمسه دینه حجت اولور .

§

اجاعک حکمی ، عوارضدن قطع نظر کتاب وسنت کبی یقین
افاده ایتمکدر .

§

اجاع امتک شرعه حجت اولدینی جناب حقک امت محمدیه خطاباً
« سر امتک خیرلیسی اولورق معروف ایله امر ایدر و منکردن نهی
ایلر اولدیفکیز حالده ناسه اظهار اولدیکیز » مألنده اولان [کنتم خیر
أُمَّةٍ أَخْرَجَتْ لِلنَّاسِ تَأْمُرُونَ بِالْمَعْرُوفِ وَتَنْهَوْنَ عَنِ الْمُنْكَرِ] آیت جلیله .
سیله ثابتدر . بوبابده احادیث شریفه دخی وارد اولمشدر . عقلده
بونی مؤیددر . چونکه مجتهدین کبی ارباب کالک مشروع و معقول
اولیان بر شی اوزرینه اتفاقا قلدری عقلاً و حکمةً و عادةً متمتعدر . عادةً
متمتع اولان شی ایسه حقیقه متمتع کییدر . بناءً علیه مجتهدینک اتفاق
ایتدکری ماده نک مستحسن و سائر حجت اولمسی طبعیدر . اگر اجاعک
مستند اولدینی دلیل شرعی بر دلیل قطعی ایسه اجاع حجت مستقلة
اولیوب حجت مؤکده اولور . و اگر خبر واحد ویا قیاس کبی بر دلیل

ظنی ایسه اجاع اول دلیك ظنیتنی قطعیتیه قلب ایدرك حجت مستقله
اولور كه اجاعك دلیل شرعی اولدیغنی بیاندن اصل مقصود اولانده بودر.

در دنجی مبحث

قیاس

قیاس ؛ لغتده تقدیر معناسنده در . نته کیم ایکی ذاتک یکدیگرینه
فضیلة مساوی اولدیغنی بیان اقتضا ایتدکده « فلان فلانده قیاس اولنه
بیلور » دینلمکده در . اصطلاحده : بر اصل شرعیده یعنی کتاب و یا
سنت و یا خود اجاعده اولان حکمک مثانی بیدرلنده اولان علت جامعیه
بناء فرعده رأی ایله اظهار ایتکه دینور .

معلوم اوله که کتاب، سنت، اجاع احکام اثباتنده ادله مستقله اولدقلرندن
بو اوچنه « اصول مطلقه » تعیر اولنور . هر تقدیر ظاهرأ حکمک استادی
جهتیه قیاس دخی احکام اثباتنده دلیل اولمغله مجموعنه « ادله اربعه »
دینلمش ایسه ده قیاس دیگر اوچ دلیل کبی اثبات احکامده مستقل
اولوب انلردن استنباط اولفسی اعتباریه اصول ثلثة مذکور نك
فرعیده . یعنی قیاس بر حکم جدید اثبات اتمز بلکه ادله ثلثة اصلیه دن
برینه ثابت اولوب دلیلی خفی بولنان بر حکمی اظهار ایدر حقیقتده
حکم اول دلیله مستنددر . اصول مطلقه دن هریری بر حکم اصلی
اثباتیه برابر قطعیت افاده ایدر شوتنده و یا دالالتنده طارض اولان
بر امره مبنی ظنی اوله بیلور قیاس ایسه بر حکم اصلینک وصفنی
خصوصدن عومه قلب وظنیت افاده ایدر و انجیق بر امر عارضه مبنی
قطعی اوله بیلور .

بناء علیه فخر الاسلام « قیاس » اصول ثلثه دن مستنبط اولاندر .
دیو تقیید ایلشدر .

موضوع بحث اولان قیاسدن مقصد « قیاس شرعی » و تعبیر دیگرله « قیاس فقهی » اولوب برده « قیاس منطقی » واردر اوده « قضیه لر دن مرکب بر دیلدر که هر نه وقت اول قضیه لر تسلیم اولنور ایسه آندن بلذات بر قضیه دیگر لازم کلور » دیو تریف اولنور .

قیاس فقهی ایله قیاس منطقی بیننده بو وجهله فرق واردر که اول قیاس منطقی معقولانده و اصول دیاننده و قیاس فقهی احکام حوادثه مستعملدر . ثانیاً قیاس منطقده مقیس علیه معقولان دن اولوب قیاس فقهیده اصول مطلقه ثلثه دن بری و یا قیاس خفی دیکلری [استحسان] ایله ثابت بر حکم شرعی اولق لازم کلور . §

بولردن بشقه صحت قیاس ایچون ایکی شرط ده واردر که برنجیسی اصلک یعنی مقیس علیک حکمی نص آخر و یا اول اصله اختصاص اوزرینه دلالت ایدر اجاع سببیه کندوسنه تختص اولما مقدر . مثلاً بر خصوصده اصحابدن خزیمه رضی الله عنک یالکز جه شهادتک قبولی مشعر اولان [من شهد علیه خزیمه فحسبه] کلامیه شاهد واحد قبولی خزیمه یه مخصوص اولدینی مجله نک « ۱۶۸۵ » نجی ماده سنده بیان قلندی اوزره نصاب شهادته رعایتی آمر اولان [فاستشهدوا شهیدین] آیت کریمه سببیه معلوم اولدیغندن حضرت خزیمه حقنده کی حدیث نبوییه قیاساً یالکز بر شاهد استماعیه اکتفا اولنه من یعنی علی خلافه القیاس ثابت اولان شی سائر مقیس علیه اولماز .

ایکنجیسی اصل یعنی مقیس علیک حکمی ، علت و حکمتی عقل ادراک ایتامسی جهتیه طریق مسلوک قیاسدن اخرج ومائل اولما مقدر .

مقدرات شرعیه کی

مقادير حدودك معنى وعلتلى متعل ومدرک اولماقوله بونلره
حکم آخر قیاس اولنماز بناءً علیه مواد جزائیه قیاساً حکم غیر جائزدر .
کذلک طریق مساووک قیاسدن مستثنی اولماقدر . مثلاً عقد ایله
منفعت مأجورک تقوم ایتمی بالاستثنا تجویز اولنشدر . بؤکا قیاساً
منفعت غصبک دخی مضمون اولسی لازم کلز .

کذلک ابتداءً شرع اولنوبده شرعنده نظیری اولیان حکم ، سنت قیاسدن
معدول اولمقلا کاحکم آخر قیاس اولنماز حکم مذکور کرک معنى وعلتی معلوم
اولان احکامدن اولسون تنه کیم رخص سفر ، مشقت معناسی اولدینی
ایچون شرع اولدینی کی . کرک علتی معلوم اولیان احکامدن اولسون
جنایتلری یوغیکن عاقله اوزرینه دیت ضربی کی .

§

قیاسک ارکانی : قیاسی وجود پذیر ایدن شی درتدر . بریسی
اصل یعنی مقیس علیدر . دیگرى فرع یعنی مقیسدر . او جنجیسی
(حکم اصل) یعنی نص ، یا اجماع ویا قیاس خفی اولان استحسانک
افاده ایتدیکی حکمدر . دردنجیسی (علت) دیمک ایله هسمی اولان
وصف جامعدرکه نصک صیغه ویا اقتضاء مشتمل اولدینی اوصافدن
حکم نصه علامت قلنان وصفدر .

§

قیاسک حکمی : تعدیدر یعنی مقیس علیه اولان اصلده کتاب یا
حدیث ویا اجماع ایله ثابت اولان بر حکم شرعینک نظیری اولان
فرعه یعنی مقیسه تعدیسیدر .

§

قیاسک اثبات احکامده حیجت اولدینی کتاب وسنت واجماع ایله
ثابتدر . کتاب ایله ثبوتنه [فاعْتَبِرُوا يَا أُولِيَ الْأَبْصَارِ] نص جلیلی دلالت
ایدر . سنت ایله ثبوتنک دلیلی [الْحَمْدُ لِلَّهِ الَّذِي وَفَّقَ رَسُولَ رَسُولِهِ]

عَا يَرْضَى بِهِ رَسُولُ اللَّهِ [حدیث شریفیدر . یعنی ذاتِ عالی حضرت
 رسالتِ پناهی صلی الله علیه و سلم اصحابدن معاذ رضی الله تعالی عنہی
 مأموراً عنه حین اعزامنده کند و بسندن د عباد الله بیننده نه ایله قضا
 ایدرسک » دیوسوال بیورد قلمزنده معاذ » ابتدا کتاب الله ایله ، کتابده بولمز
 ایسه م سنت رسول الله ایله . انه دخی بولمز ایسه م رأیله اجتهاد و شهادت
 قلم ایله عمل ایدرم » دیسه ایله جناب پیغمبر حضرت معاذی رأی
 واجتهادی ایله حرکتدن منع بیور مدقندن بشقه موفقیقت حاصله دن
 طولانی ذکر اولنان حدیث شریف ایله حق تعالیه جد و ثنا ایتشدرد .
 اجماع ایله ثبوتنده اصحاب کرامدن حضرت عمرو ابن مسعود
 رضی الله تعالی عنهما نك و سائر لرینك قیاس حقننده روایت ایتد کبری
 اخبار و آثار ی سائر اصحاب کرامك رد و انکار ایتاملری ایله اجماع
 حاصل اولمشدر .

بشنجی مبحث

استحسانه

بعض مسائل شرعیه وارد رکه قیاساً عدم جوازی لازم کورایکن
 اسباب اربعه دن برینك وجودینه مبنی استحساناً تجویز اولمشدر . اسباب
 مذکوره دن برنجیسی حدیثدر . مثلاً سلم و اجاره ده معقود علیک ابتداء
 معدوم اولسی قیاساً عدم جوازی مستلزم ایکن حدیث شریف ایله
 استحساناً تجویز بیورلمشدر .

ایکنجیسی اجماعدر . مثلاً استضاعده مصنوعك ابتداء معدوم اولسی
 عدم جوازی مستلزم اولدینی و جوازی حقننده بر اثر دخی بولندینی
 حلاله اجماع ایله استحساناً تجویز ایدلمشدر .

او چنجیسی اضطرار در. مثلاً بر آدم آج قالوبده برینک اگه کنی بیسه
 بوندن طولایی او آدم علیهنده بر حکم شرعی ترتب ایتمز. چونکه حق
 حیات حقوق امواله مقدم اولدیفندن تأمین حیاتده مضطر اولسی عدم
 مسؤولیتنی استلزام ایدر. فقط اضطرار غیرک حقنی ابطال ایتمه جکندن
 بعده اگه کک قیتنی ویرمسی لازم کلور ۲۳ کذلک بیع بالوفانک تجویزی
 دخی بوقیلدندر ۱۱۸

در دنجیسی قیاس خفیدر، مثلاً بیع و مشتری میبعک قبضندن
 اول ثمنک مقدارنده اختلاف ایتدکری واقامه بینندن عاجز اولدقاری
 صورته مشتری زیاده ثمنی منکر اولمق حسبیله یالکز انک عین
 ایتسی لازم کلور ایکن مشتری زعمنده ثمن اولان شی مقابلنده میبعک
 وجوب تسلیمنی انکار ایتسندن ناشی استحساناً بیعک دخی عین ایتسی
 لازم کلور ۱۷۷۸ §

قیاس خفی صورتیه تجویز اولنان مواد استحسانیه احکامی غیره
 دخی تعدی ایدر و مثال سالف الد کرده بیان قلندیغی وجهله میبعی
 قبل القبض متبایعان وفات ایدوب، وارثلری ثمن میبعده اختلاف
 ایتسه مورثلرینک مقامنه قائم اولدقارندن وارثلر تحلیف اولنور فقط
 اثر، اجاع، ضرورت ایله تجویز ایدیلان مواد استحسانیه احکامی سائره تعدی
 ایدمه من زیرا بونلر قیاس جلیدن بالاستثنا تجویز اولنشدر. علی
 خلاف القیاس ثابت اولان شی سائره مقیس علیه اولماز.

آلتنجی مبحث

ادلّه متفرعه

استنباط احکام فقهیهده اصل اولان ادله اربعمیه متفرعه بعض

دایر اولوب انلرکده باشلیجه سی استصحاب ، تحکیم ، فقدان دلیل ، تقلید ، شهادت قلبدر .

استصحاب

استصحاب ؛ لغته بر شیء اولدینی حاله اوزره ایقا معناسنه در ، اصطلاح اصولیونده زمان ماضیده ثابت اولان حکمک تغیری نی موجب بر سبب بیلنماک حسیله جالاً باقی اولدینغه حکم اتمکدر . پوکا « استصحاب الحال » دیرلر زمان ماضیده اولان بر حکمی زمان حاله یاخود زمان حالی ماضیده ثابت اولان بر حکمه مصاحب قیلمق دیمکدر .

§

استصحاب درت نوع اولوب برنجیسی زمان ماضیده ثابت اولان بر حکم حسی ویاعقلی ویانقلینک — تغیری نی موجب بر سببک عدم وجودینه بناء — استصحابیدرکه بوصورت کتاب واجاع ایله جائزدر . مثلاً بر مدت تطبیق وتنفیذایدلیان بر مسئله شرعیه نک فسخنی متضمن بر سبب شرعی اولدینی حاله لدی الایجاب مسئله مزبوره یه توفیق معامله ایدلمسی کبی .

ایکنجیسی تأیید وتوقیتدن مطلق دلیل ایله ثابت اولوبده حقنده بر سبب معتبر بولنمیاندر . بونوع استصحابک عدم جوازی رأینده بولنانلر وار ایسه ده قول مختاره کوره جائز اولوب « عن انکار صلح » بوقیلدنر . ۱۵۵۰

اوچنجیسی ابتداء بر حکم اثبات ایدن ودر دنجیسی تأیید وتوقیتدن آزاده بر حکمک مغیری تحری ایدلمکسزین اولان استصحابدرکه برنجیسی موضوعه مخالف وایکنجیسی جهل محض قیلمدن اولمغله غیر جائزدر .

تحکیم الحال

تحکیم الحال ؛ حال حاضری حکم قیلقدر . بوده استصحاب قیلقدر .
 اولوب « استصحاب الماضی واستصحاب المقلوب » دینلور .
 قول مختاره کوره بر حکم منقییه دفع مقامنده حجت اولور اما بر حکم
 شرعی اثبات ایچون حجت اوله ماز . مجله نك ۱۱ نجی ماده سنده محرر
 اولدینی وجهله بر امر حادثك اقرب اوقاتنه اضافتی و ۱۷۷۶-نجی
 ماده سنده بیان قلنان دکر من مسئله سنده حال حاضرک تحکیم ایدلسی
 بوقیلقدر .

فقدان دلیل

فقدان دلیل ؛ حقنده دلیل شرعی اولیان شینك نفی ایله حکم ایتمکدر .

تقلید

تقلید ؛ بر کیسهیه وجوب اتباع ایچون بر دلیل شرعی اولمقسرین
 کلامنده مصیب و محق اولدینیه اعتقاد ایله اکا اتباع ایتمکدر . مجتهدینك
 یکدیگرینه تقلیدی جائز دکلسمده مقلدینك مجتهدینه تقلیدنده فی الجملة
 دلیله استناد بولندیغندن معتبردر .

شهادت قلب

شهادت قلب ؛ دلیل خارجینك فقدانی حالنده حکم شرعی بی
 اثبات ایچون علی الاکثر مراجعت اولنور بر دلیلدر . اهل خبره نك
 تقدیری کبی ۳۴۶

لاحقه

حکم واحده ادله متعددك جمعی جائزدر کویک بر نوعدن اولسون

نصوص متعاضده و اقيسه متوافقه ده اولديني كې و كرك متعدد نوعلردن اولسون كتاب ايله سنت و اجاعك اجتماعي كې. انكيون نيجه احكام شرعيه نك اثباتي خصوصنده بو حكم هم كتاب ايله هم سنت ايله همده اجاع ايله ثابتدر دینلور.

وكذا موافق قياس اوله رق وارد اولان ادله نك قياس ايله اجتماعي كې.

انجق ادله نك تعددي حالنده هر بری حجت مستقله اوليوب يكدیكری تأکید ایدرلر نته کیم ۱۰۵ نجی ماده شرحنده بیان قلندیغی اوزره بیعك مشروعیتی هم كتاب وهم سنت همده اجاع ايله ثابت و قیاسیه موافقدر شوقدرکه بیعك مشروعیتی كتاب ايله ثابت اولوب ادله سائره دخی مؤیددر دینلور.

اوچنجی فصل

احكام

برنجی مبحث

حكم

حكم ؛ افعال عبادہ متعلق اولوب خطاب الہی ايله ثابت اثردر. ايکی نوع اولوب بری تکلیفی ، دیگرى وضعيدر .

حكم تکلیفی

حكم تکلیفی ؛ اقتضا و یا تخیر ايله افعال مکلفینه متعلق خطاب شارعك اثریدر. بالاقتضا افعال مکلفینه متعلق خطاب شارعدن مقصد مکلف به اولان فعلك مکلفدن صدور و یا ترکى مقتضى اولان خطا ایدرکه امر

ونہیک مدلولی دیکدر . بونلرده فرضیت ، وجوب ، سنت ، ندب ،
کراہت ، حرمقدر .

تخییر طریقہ افعال مکلفینہ متعلق خطاب بشارع ؛ مباحاتہ متعلق
اولان خطابدرک . بوندہ مکلف بہ اولان فعلک مکلفدن صدور ویاترکندن
ہیچ بری مطلوب شارع اولمدینی جہتلہ مباح اولان ایشی ایشیوب ایشلمہ مکده
مکلف اولان کیسہ مخیردر

اباحیہ حکم تکلیفی اطلاق تغلیبہ محمولدر §

احکام تکلیفیہ بعضاً فعل مکلفک صفتی و بعضاً اثری اولور مثلاً حرمت
عصبک صفتی ، مالیت شرانک اثریدر .

اثر فعل دخی ایکی درلودر برنجیسی ملکیتدر بیعده مشترینک میبعہ
وبایعک عنہ مالک اولسی کی ایکنجیسی ملکہ متعلق شیلدر کہ بعضاً منفعت
قیلندن اولور . اجارہ دہ مستأجرک منفعت مأجورہ واعارہ دہ مستعیرک
منفعت عاریتہ مالک اولسی کی . بعضاً ذمت قیلندن اولور . کفالتدہ کفیلک
وحوالہ دہ محال علیک مطالب اولسی کی §

صفت فعل دخی ایکی درلودر . برنجیسی مفہومندہ اولاً وبالذات
مقاصد دنیویہ معتبر وایکنجیسی مقاصد اخرویہ ملحوظ اولان صفتدر .
ابتدا برنجی نوعی ایضاح ایدہم : مقاصد دنیویہ ؛ دنیادہ حاصل
اولان شیلدر . تفریغ ذمت واختصاصات شرعیہ کی . تفریغ ذمت ؛
برکیسہ نک عہدہ سنہ مترتب اولان دینی ایفا ایلہ ذمتی دیندن بری قیلقدر
اختصاصات شرعیہ ؛ عقودک اوزرینہ ترتب آیدن غرضلدر .

مثلاً مشترینک برمالی صاتون المقدن اولاً وبالذات مقصدی میبعہ مالک
اولقدر مشترینک اجرای عقدہ دائر اولان فعلی کا ینبغی حصول مقاصد
دنیویسنہ موصل اولور ایسہ اوفعلہ صحت وعقد واقعہ صحیح دینور . فعل

مذكورك اساننده يعنى ركننده خلل اوله رق حصول مقصد ايده من ايسه
اوفعله بطلان وعقده باطل اطلاق اولور

فعل من بورك ركننده خلل اولميوب فقط بعض اوصاف خارجيه سى
حصول مقصده مانع اولور ايسه اوفعله فساد وعقده فاسد تسميه قنور.
فعلك اجزاي تصرفي يعنى ايجاب وقبول متعلقنده اثرى ظاهر اوله جق وجهله
يكديكرينه ارتباط ايدر ايسه اوفعله انعقاد ومرتبطنه منعقد ، ايتيمسه غير
منعقد دينور. فعل منعقدك اوزرينه فى الحال اثر ترتب ايدر ايسه اكالزوم
واوعقده لازم دينور. خيار اتدن برى بولمق كبي فعل منعقد بر مانع حيلواى
ايله فى الحال اثر ترتب ايتيمسه غير لازم اولور .

اسباب محرره يه بناء مجله ده ذكرو بيان اولنان عقودك كافه سى :

صحت فعل اعتباريله — صحيح ، باطل ، فاسد

انعقاد اعتباريله — منعقد ، غير منعقد

نفاذ اعتباريله — نافذ ، غير نافذ

لزوم اعتباريله — لازم ، غير لازمه تقسيم مواد مندرجه سى شوتقسيماته
كوره تنظيم ايدلمشدر .

§

مفهومنده اولاً وبالذات مقاصد اخرويه ملحوظ بولنان صفت اعتباريله
اولان فعله كلنجيه بوده ايكي نوع اولوب برنجيسى عزيمت ايكنجيسى
رخصتدر .

عزيمت : انسانك معذرت مشروعه سنه مبتنى اولمقسزين ابتداء
مشروع قلنان افعالدر. بونلرده فرض ، واجب ، سنت ، مندوب ، حرام ،
مكروه ، مباحدر. مثلاً جهاد ايله مكلف اولان شخصك خدماتنده اولاً
وبالذات مقاصد اخرويه ملحوظ اولوب استحصال منافع دنيويه مقصدي
ايكنجى درجه ده قالور ومجاهد فى سبيل الله اولان كيسه نعم اخرويه يه نائل

وبلا عذر مقبول جهاددن اعراض ايليان عذاب آخرته مستحق اولور .
 رخصت ؛ انسانك اعذار مقبوله سنه بناء مشروع اولان افعاليدر ، نته كيم
 مجله نك ٢١ نجى ماده سينده محرر اولدينى وجهله ضرورتلر ممنوع اولان
 شيلرى مباح قيلديغندن آخرك مالنى تلف ايدن كيمسه يه دنيا ده ضمان ،
 آخريته عذاب ترتيب ايدز ايكن مكرها آخرك مالنى تلف ايليانه بر شى
 لازم كليور ١٠٠٧ .

مطالعہ

اوروپا ارباب علم حقوقنه كوره قوانينك مادى ومعنوى ايكي نوع
 نفوذى واردر . نفوذ ماديہ ؛ قوانين موضوعه احكامنك عائد اولدينى
 مأمورين طرفندن حسن تطبيق وتنفيذدر .

نفوذ معنويه ؛ احكام قوانينك قبول عاميه مظهريتيدر . شو مظهريته
 نائل اولميان قوانينك تطبيق وتنفيذنده مشكلات حدوديله نفوذ مادي سنه
 حلال كلور . احكام جليله شرعيه نك دخى تطبيق وتنفيذى مأمورينه
 مفوض اولعله نفوذ مادي سنك درجه تعاليسى مأمورينك احكام شرعيه يي
 حسن تطبيق وتنفيذده واقع اوله جق همت وغير تلرينه كوره در . فقط
 نفوذ معنويه شرعيه قوانينك نفوذ معنويه اصلا مقيس ومشا به اوليوب
 چونكه افعال عباد صفتى اعتباريله ترتيب ايدن احكام شرعيه اقتضاسنجه
 هر مسلم فعلندن طولاي اشبو فعلده ايستر اولاً وبالذات ايستر ايسه
 ثانياً وبالتبع مقاصد اخرويه بولسون اكر فعل مزبور مستحسن ايسه
 آخريته باعث ثواب ، قبيح ايسه موجب عتاب وعذاب اوله جفنى
 بيلور وبواعقاد ايله اسلام اولور شايد بريسى منصوص عليه اولان
 احكام شرعيه يي مثلاً حرامى حلال اعتقاد ايدوب فرض اللهى انكار
 ايلر ايسه اسلاميتدن چيقار بناء عليه مسلمانلرك كافه سنجه احكام جليله

شرعیه نافذ و مقدس اولوب مواقع و خصوصیت حال کبی عوارضک
 قطعاً تأثیری یوقدر اوروپاده ساکن بر مسلم احکام جلیله شرعیه
 نصل رعایت و اطاعت ایلرایسه قطعات سائر عالمده بولنان مسلمانلرک
 کافه سی اولیه رعایت و اطاعت ایلر بناءً علیه حکام شرعک معاملاتی
 حقنده اعتراض وارد اولسه بیله نفوذ معنویه شرعیه اعتباریه مسلمانلر
 طرفندن اعتراض و شکایت قطعاً جائز و وارد اولیوب بوبابده هر مسلم
 عرض تسلیمیت ایدر حق مساخرده « شریعتک کسدیکی پارمق آجیماز »
 عباره سی ضرب مثل اولمشدر .

شومظهریت عالییه شریعت جلیلهیه مخصوص برخاصه علویه اولوب
 هیچ بر قانون بوشرفه نائل اوله مامشدر و اوله من خصوصیه هر دولتک
 قانونی — بعض مستثنیاتندن قطع نظر — کندیی ملهکننده و کندیی
 تبعه سی حقنده مرعی الاجرا اولمغله حکم و تأثیری محدوددر .

حکم وضعی

حکم وضعی ؛ علی طریق الوضع افعال مکلفینه متعلق خطاب شارعک
 اثریدر . بو اثرله ثابت اولان رکنیت ، علت ، سببیت ، شرطیت ،
 علامت کبی شیلردر که مجلهده رکن ، علت ، سبب ، شرط ، علامته
 دائر مندرج موادک کافه سی احکام وضعیهی بیان قیمننددر .

رکن ؛ حکم تکلیفینک جزئی اولور . علت ؛ حکم تکلیفیدن خارج
 اولوب آنده ایقاع اثر ایدر . سبب ؛ حکم تکلیفیده مؤثر اولیوب اکا
 فی الجمله ایصال ایدر . شرط ؛ حکم تکلیفییه ایصال ایتیموب انجق حکم
 تکلیفینک وجودی اکا متوقف اولور . علامت ؛ حکم تکلیفی اکا متوقف
 اولیوب بلکه حکم تکلیفینک وجودینه دلالت ایدر .

ایکینچی مبحث

ماکم

احکام شرعیہ نك حسن و قبحندہ مکلفین اوزرینہ حاکم شارعدر یوقسه عقل دکلدر کرک عقل ایله بلا کسب و یا بعد الکسب بیلنوراموردن اولسون کرک اولسون یعنی عقل حکم شرعی محیطدر. فقط بعض مسائل توقیفیه وارد کرک عقل انلرک سبب مشروعیتی ادراک ایدمه مدیکندن توقف ایدر مثلاً عباداتده صلاة مقروضه نك بش وقته تخصیصی ، عقوباتده مقادیر دیات ، ارثمه ایکی قرداشدن ارککک ایکی وقیزک بر نسبتنده حق ارثه نائل اولسی کی .

قوانین موضوعه عقایده ده دخی بومثلاًو مسائل موجوددر . حبس جزای ایچون منتهای مدتک اوچ ، موقت قلعه بندلکک اون بش سنه اولسی کی .

ارباب علم حقوق مسائل تقدیریہ حقنده « واضع قانون بویله مناسب کورمشدر » دیرلر فقهای عظام دخی مسائل تقدیریہ شرعیده ده « طرف شارعدن بویله تقدیر بیورلمشدر » دیوب موجبجه عمل ایدرلر .

مطالعه

اوروپا ارباب علم حقوقنه کوره احکام قوانینک حسن و قبحندہ مکلفین اوزرینہ حاکم عقلدر وعقل بر نور الهی اولوب انک واسطه سیله ادراک اولتان احکامک دخی مستحسن والهی اولسی لازم کلور . فقهای اسلامیه کوره حقیقه عقل شرع شریفک توقفایتدیکی بعض مسائل ایله معرفه اللهده حسن وقبحی ادراک و بیان ایدر لکن

تکلیفی موجب اولان بالجمله اموره عقلی حاکم اعتبار ایتمک جائز اوله من
زیرا عقل آلات سائره کبی کندی کندینه فاعلسز ایش کور مکدن عاجز
بر آلتدر بو حالده انی علی الاطلاق حاکم اتخاذ ایتمک صحیح اولمز .

واضع قانون اولانلرک اعمال نظر وفکر ایله استنباط ایتدکری
احکام نفس الامر تماماً مطابقیدر ؟

عقلادن هیچ بری بویه بر ادعاده بولنده من چونکه عقول متفاوت
وعقلانک معلومانی یکدیگرندن متفاضل اولدقجه بر حکیمک نفس الامر
مطابق اولمق اوزره رأی و بیان ایلدیکی بر ماده نک بطلاتی کندوسندن
دها عاقل بر حکیمک اثبات ایتسی ممکندر .

نته کیم الیوم کره ارضک بر نقطه مندن حرکت ایدن سیاح دنیای
دائراً مدار دولاشدقدن صکره ینه حرکت ایتدیکی نقطه یه کلیور و بو
صورتله ارضک مدور اولدیغنی بالذات فعلاً اثبات ایده یور مقدم اوعلی
الخصوص امریقانک کشفندن اول اوروپا و لرجه افکار عمومی دنیانک
خیمی اولسته ذاهب اولوب عکسفی ملاحظه ایدنلرک علیه نه بولنورلر
ایدی بطلانی ثابت اولان افکار مزبوره اصحابی مجنونعی ایدی ؟ خیر :
عاقل ایدیلر حتی شیو فکری بر طاقم استدالات عقایه یه بناء در میان
ایده یورلر ایدی . لکن علملرینک نقصانی حسبله طوغری استدلال
ایده میوب نتیجه ظنلرینک خطا اولدیغنی بالآخره ماده ثابت اولدی .

حالبوکه [وآیه لهم الیل تسلیخ منه النهار فاذا هم مظلون والشمس

تجری لمستقر لها ذلك تقدیر العزیز العالی والقمر قدرناه منازل حتی
عادکالارجون القدیم لا الشمس یبغی لها ان تدرك القمر ولا الیل سابق
النهار وکل فی فلك یسبحون] آیات کریمه سنی نور عرفان ایله تأمل ایلان

علمای اسلام ارضك مدور اولوب اجرام سائرہ ایلہ برابرفضای افلاکده یوزدیکنی بیلیور لر ایدی .

دعك اولیوزكه وضع وتعیین شریعت ایچون عقل کافی اولیوب بلکه عقل ادراك احکام شریعت ایچون بر آلدنر . بو آلت بعضاً اصابت وبعضاً خطا ایتدیگندن قواعد منطقیه بناء تنظیم اولنان قوانین موضوعه احکامی تماماً خطادن سالمدر دینه من .

شارع حقیقی جل جلاله نقصان صفتلردن منزہ وکمال صفاتیلہ موصوف اولدیغندن اس اساس شریعت اولان کتاب الہیده خطا تصور اولنن من . ذات عالی حضرت رسالتیناهی وحی الہی ایلہ مشرف اولدیغنی جهتله سنن سنیهده دخی خطا بولنن من . اجاع مجتهدین کتاب وسنت ایلہ موضوع اصول شرعیهده موافق اولمغله مشروطدر ویر مسئله حقنده مجتهدینک خطاء تفاقی متممدر . قیاس وادلہ متفرعه اصول ثلثه اساسیهدن مستنبطه واکثریسی عرف وعادته مستنددر .

تفصیلات محرره دن مستنبان اولدیغنه کوره شریعت اسلامیه قوانین موضوعیه نفس الامرده مطابقت حیثیتیلہ من کل الوجوه راجع اولدیغنی کی بولنلردن دهامهم بر سبب رجحان واردر .

شویله که : ارباب علم حقوق بخشایش الہی اولان نور عقل ایلہ استنباط اولنان احکامك دخی الہی اولسی لازم کله جکنی سویلیور لر . عقل ایلہ هر استنباط اولنان مسئله نك مقصد الہییه مطابق اولمیه جغنی ایضاحات محرره ایلہ اثبات ایدلدیکی کی موافق دنیا نلری دخی علی طریق الاستدلال ظن اولنیور . قرآن عظیم الشان ایسه [کلام الله] اولوب او امر ونواهی شرعیه صراحة تعین و بیان بیورلدیغندن مقصد الہی واضحاً ظاهر وعیاندر . تصریح مقابله سنده دلالت اعتبار یوقدر ۱۳

اوچنجی مبحث

محکوم به

محکوم به ؛ خطاب شارعك تعلق ایتدیکی شیدر . ودرت نوعدر .
برنجیسی حقوق الله خالصه درکه منفعتی هر کسه شامل اولوب
بعض اشخاصه مخصوص اولمیان حقوق عامه در ۱۰ و بونی جناب حقه
نسبت ایتک ، حقنده زیاده اعتنا ایدمک ایچونددر . وسکزر نوعدر .

- ۱ : عبادات خالصه — ایمان ایله فروع ایمان کبی
- ۲ : کندنده مؤنت یمنی نفقه اولان عبادت — صدقه فطر کبی
- ۳ : کندنده عبادت معناسی اولان مؤنت — عشر کبی
- ۴ : کندنده عقوبت معناسی اولان مؤنت — خراج کبی
- ۵ : عبادت ایله عفوبت بینده دائر اولان حقوق — کفارات کبی
- ۶ : عقوبت کامله — قطاع طریق وسارق لری تأدیب کبی
- ۷ : عقوبت قاصره — قتلاک مانع میراث اولمسی کبی
- ۸ : بنفسه نابت اولوب ذمت عبده تعلق ایتیمان حقوقدر — معادنن
یت الماله عائد اولان حصه کبی .

محکوم بهدن ایکنجیسی حقوق عباد خالصه درکه منفعتی یالکزر بعض
اشخاصه منحصر اوله رق تعلق ایدن حقوقدر . بیعده مشترینک میبعه
وبایعک ثمنه مالک اولمسی ، غصبه مال مقصوب تلف اولمش ایسه
بدانک تضمینی کبی .

بونوع حقوقک مصونیت ومحفوظیتی شرعاً پک زیاده مطلوب
وملتزمدر ووبایده اسلام ایله غیر مسلم اولانلر بینده فرق یوقدر
بناءً علیه حقوق شخصیه ده مساوات مقتضای شرع عالیدر .
اوچنجیسی حق الله وحق عبد اجتماع ایدوب فقط حق الله غالب

اولاندر. حدقذف کی که مقذوف وفات ایتسه چونکه حدده قازفی
دخی زجر اولوب بوايسه حق الله اولدیغندن ارثه مانعدر حدك مقذوفدن
عارز نای رفع ایتسیده حق عبد اولدیغندندر .

دردنجیسی حق الله وحق عبد اجتماع ایدوب فقط حق عبد غالب
اولاندر. قصاص کی که ورثه قتلک عفو یله قاتلک قصاصدن خلاصی
حق عبدك غالب اولمئندن، شبهه ایله قصاصك سقوطی حق اللهدن
ناشیدر .

كرك حقوق الله كرك حقوق ناس بهضاً اصل وبعضاً خلف اوله رق
ثابت اولور مثلاً بیعه ثمنك یاعه و بیعك مشتریه تسلیمی متبایعانه
عقد ایله ثابت اولان حقوق اصلیه دندر. غصبه مفسوب منهك حق
اصلاً مال مفسوبه نابت اولمغله انك غاصبدن استردادی لازم كلور
ایكن مفسوب تلف اولمش ایسه قاعده اصلك ایفائی قابل اولدیغی
حاله بدلی ایفا اولنه جغندن مفسوب منهك حق مفسوبدن خلف
اوله رق بدلنده ثابت اولور .

دردنجی مبحث

محكوم علیه

محكوم علیه ؛ فعلته خطاب شارع تعلق ایدن مكلفدر .
تكلیف مكلفك، اهل اولمئنه موقوفدر. اهلیت شرعیه دخی « عقل
بالملكیه » تعلق ایدر « چونکه برایشدن مقصدنه ایسه حکم اکا
کوره در » قاعده سنه نظراً برایش اوزرینه حکم شرعی ترتب اتمک
ایچون فاعلنك اوایشی برقصده مبنی ویاخود قصد ممکن اولدیغی حالده
خطاء یا عیش اولسی لازمدر قصد ایسه عقله توقف ایدر .

عقل ، روح انسانی تنویر ایدن بر نور در که انک ایله اکتساب کالات اولانور .

افراد انسان بحسب الفطره کال و نقصان و اعتدال امرجه اعتباریله متفاوت اولدیغندن عقل دخی متفاوت اولوب عقل هیولائی . عقل بالمملکه ، عقل بالفعل ، عقل مستفاد دیو درت مرتبهیه تقسیم اولمشدر . عقل هیولائی ؛ علمدن خالی فقط تحصیل علومه قابل اولان مرتبه عقل دیمکدر کوچك چوجقلرك عقلی بو مرتبهده در که بونئر خالی الذهن ایسه لوده صحائف عقلی ادراک اشیا ایچون کشاده در . عقلک بومرتبه سی صور دن خالی فقط صوری قابل اولدینی ایچون عقل هیولائی دینلمشدر .

عقل بالمملکه ؛ ضروریاتی ادراک ایله تحصیل نظریاته مستعد اولان مرتبه عقل دیمکدر . مثلاً یکر می یاشنده ای بر آدمک تعلم کتابته مستعد اولمسی کی .

عقل بالفعل ، ادراک نظریات ایله ایستدیکی زمان استحضار علمه مقتدر اولان مرتبه عقل دیمکدر که ارباب کتابتک هر نه زمان ایستر ایسه یازی یازمغه مقتدر اولمسی کی عقلک دخی تحصیل کال ایله ایستدیکی یولده صرف ماحصله مقتدر اولمسیدر .

عقل مستفاد ؛ برشی مشاهده ایتدکه در حال علم حاصل اولان مرتبه عقله دینور . فرط ذکا ودها اصحابنک عقلی کی .

عقل اولیان کیسه نك افعالی قصده مقرون اولمیه جنی کی عقل هیولائی مرتبه سنده بولنانلر مستعد کالات اولدق لرندن و عقل بالفعل خواصه و عقل مستفاد خاص الخواصه مخصوص اولوب احکام شرعیه ایسه عجم ایچون موضوع و خواص عمومده داخل بولندیغندن شرعاً

« عقل بالملكه » مرتبه سى مناط تكليف عد اولمشدر . §

افراد انسانك امور باطنه دن اولان « عقل بالملكه » مرتبه سینه
واصل اولوب اولمديغنى تعيين متمسر اولديغنه وامور باطنه دن اولان
شيئك دليل ظاهرى انك برينه قائم اولمق قاعده دن ايدوكنه بناء
بر كيمسه نك « عقل بالملكه » مرتبه سینه واصل اولوب اولمديغنى تعيين
خصوصنده « بلوغ » ميزان اتخاذ اولمشدر زيرا علام بلوغ مرتبه كال
عقله نشانه در بوسيه مبنى مناط تكليف اولان عقل بالملكه مرتبه سنى
حائز اولانه و تعبير ديكرله عقل بالملكه مرتبه سینه وصولك علام
ظاهرى اولمق اعتباريله بالغ اولان كيمسيه شرعاً [مكلف] دىنلور .
مناطق تكليف اولان عقل بالملكه مرتبه سینه وصوله و تعبير ديكرله بلوغه
دخى [اهليت] اطلاق اولنور . §

بورده كى اهليتدن مقصد « اهليت كامله » در زيرا اهليت ايكي يه
منقسم اولوب برينه اهليت وجوب ، ديكرينه اهليت ادا دىنور .
اهليت وجوب ؛ انسانك له وعليهنده حقوق مشروعه نك ثبوت
و تحققى ايچون اولان صلاحيتدر . اهليت ادا ؛ بر فلك شرعاً معتبر اوله جق
وجهله انساندن صدورى ايچون اولان صلاحيتدر . جنين ايچون اهليت
ادا ثابت اولماز فقط اهليت وجوب ثابت اولور يعنى جنيندن برشى
طلب اولنه ماز فقط جنينك مثلاً پدرى وفات ايتسه وارث اوله رق
حق ارث كندوسنه ثابت اولور كذا لك جنينه وصيت جائزدر .
صغير غير ميترك وليسى اذن ويرسه بيله تصرفات قوليه سى معتبر

اولماز تصرفات فعليه سى معتبردر . مجنونلرده بويله در . §

اهليت ادا ايكي يه منقسم اولوب برينه « اهليت قاصره » دىنور
صغير ميتر ايله بالغ اولان معتوهك اهليت كى . ديكرينه « اهليت كامله »

دينور. عاقل و بالغ اولانلرك اهليقي كي . §

اهليت ادا ايكي شرطك وجودينه توقف ايدر برنجيسي ادراك يعنى فهم خطاب ايكنجيسي اقتدار عملدر. ادراك عقله و اقتدار عمل بدنه تعلق ايتديكندن بر كيمسه مكلف اولمق اوزره روحاً و جسماً مرتبه كاله واصل اولمق لازمدر. بومرتبهيه وصولك نشان خارجيسي بلوغ ايسه ده صغير مميز اولانلره صغير غير مميز اولانلر كي ادراك و اقتداردن كاملاً عاجز ديتله ميه جكندن بونلرك تصرفات قوليه لرندن حقارنده قبول هبه كي نفع محضى موجب اولان شيلرده بالغ حكمنده اولوب جائز و نافذ ، مالى بشقه سنده اهدا ايتك كي حقارنده محض ضرر اولان خصوصانده صغير غير مميز حكمنده اولوب باطل ، بيع مثلاً نفع ايله ضرر بيننده متردد اولان خصوصانده ولي ويا وصيلرينك اذنه موقوف اولوب اذن و يررلر ايسه جائز و نافذ ، و يررلر ايسه باطل اولور .

مادامكه علام بلوغ مرتبه كاله نشانه اتخاذ ايديلوب بلوغ كال ايچون شرط دكلدر بعض صغير مميز نا بالغ مرتبه كاله تقرب اينده جكندن و بالغ اولان معتوهرلر ذاتاً اهل اولدقلى حالده عته عارض اولديغندن بونلرك تصرفات قوليه دن كلياً محجوريتلىرى حقارنده ضرر محض اوله رق غير جائز اولمغاله تصرفنده منفعت كوريلان صغيرلره ولي ويا وصيلرى طرفندن اذن و يريله چكي كي ولي ويا وصينك امتناعي حالنده حاكم طرفندن دخى اذن و يريلور انجق بالغ اولان معتوهرلرك ولسي حكام اولديغندن انلر حكام طرفندن حجر اولنه جقلىرى مثلاً اذن دخى يالكلر حكام طرفندن و يريلور و معتوه مأذون صغير مميز مأذون حكمنده اولوب ضرر بين اولمديغى حالده تصرفاتى معتبر اولور . §

بلوغ ؛ اقتده ايرشمك و كال بولمق معناسنه اولوب اصطلاح فقهايه

مناطق تکلیف اولان عقل بالملکة مرتبه سنه واصل اولمقدرد. یعنی بر کیسه بالغ اولدوقده عوارض مکتسبه طبیعیه دن اولان حد صغری نهایت بولوب اهلیت کامله حاصل یعنی مکلف اولور.

مادامکه بلوغ مرتبه عقل بالملکة و وصولدر ماهیت و حقیقتی مجهول اولدیفندن بر کیسه نك حد بلوغه واصل اولوب اولمدیغی انزال و احبل کبی دلیل ظاهر یسنه نظراً حکم اولنور. اکثریا ارککده تام اون ایکی وقیزده تام طقوز یاشندن اعتباراً اون بش باشلرینه واصل اولنجیه قدر علام بلوغ ظاهر اولدیفندن شو یاشلر مبدأ و منتهای بلوغ عد اولمشدر. مبدأ بلوغه واصل اولانلر همان بالغ اولمازلرایسه بالغ اولنجیه دک «مراهق و مرأقه» دینلور. مبدأ بلوغه واصل اولانلر منتهای مدت بلوغه واصل اولنجیه قدر هر نه زمان ایسترلرایسه بالغ اولدقلرینی دعوی ایده بیلورلر. حاکم دخی انلرک جمه سی بلوغه متحمل اولماق کبی ظاهراً اقرارلرینی تکذیب ایدر سبب اولمدیغی حالده اقرارلرینی تصدیق یعنی بالغ اولدقلرینه حکم ایدر. ۹۸۹ اون بش یاشنی تکمیل ایدن بر ارکک ویا قیزک خستهک ویا ضعیف اولمق کبی بر سیدن ناشی جمه سی بلوغه متحمل اولسه وکندر و سنده اثار بلوغ ظهور ایتسه مادامکه منتهای سن بلوغه واصل اولمشدر. حکماً بالغ عد اولنور. §

عوارض ؛ اهلیت و چوب و اهلیت ادایه عارض اوله رق ایکلیسنی بردن ویا خود یالکز بر یسنی تماماً ازاله ایدن ویا بعض احکامنده تغیر حصوله کثورن شیردر .

عوارض ایکی نوع اولوب برنجینی عوارض سماویه ایکنجیسی عوارض مکتسبه در .

عوارض سماویه ؛ انسانک اختیار واکتسابی اولمیان طبیعی بر

طاقم عارضه لردر که انلرده صغر ، جنت ، عته ، نسیان ، نوم ، اغماء ،
رق ، حیض و نفاس ، مرض ، موتدر .

عوارض مکتسبه ؛ انسانک اکتسابنده دخلی بوکندینی و یا خود
مقتدر اولدینی حالده ازاله ایتمدیکی عارضه لردر که انلرده جهل ، سکر
هزل ، سقه ، سقر ، خطا ، اکراهدر .

مجله نك حجر و اکراه حقنده کی طقوز تجی کتابی ایله کتب سائره سنک
متن و شرح لرنده تعریف و احکامی ذکر و بیان اولنور .



موجبه عمل اوله
صورت خط همایون

مقدمه

ایکی مقاله بی ما زید

مقدمه ؛ لغتده اوکه کچمک معناسنه در. ایکی نوع اولوب بری مقدمه
علم دیکری مقدمه کتاید.

مقدمه علم ؛ مسائل علمه شروع کندوسی اوزرینه متوقف اولان شیدر.
بوراده کی مقدمه دن مقصد دخی بودر. زیرا علم فقهک و تعبیر دیکرله مجله ده
مندرج قواعد و ضوابط و مسائل فقهیه نک لایقوله اکلا شلمسی مقدمه علمک
و تعبیر دیکرله علم فقهک تعریف ایله قواعد اصلیه فقهیه نک بیانسنه متوقفدر.
بونوع مقدمه یه [مدخل] دخی دینلدیکندن تعریف اصول فقهه
دائر یازیلان ایضاحات مقدمه علم فقهدن ایکن مقدمه مجله دن تفریق
و تمیز ایدمک ایچون [مدخل] دینلدی.

مقدمه کتاب ؛ کتاب البیوعک ابتدا سنده تعریف اولنور

مقاله اولی

علم فقهک تعریف و تقسیمی بیاندر

علم ؛ لغتده مطلقا ادراک معناسنه در. اگر نسبت تائه خبریه بی اذعان
ایسه تصدیق ، بویه دکل ایسه تصوردر.

برفک اسمی اولان علم اوج معنایه کلور. اولاً اوفنک مسائلی
ادراک ثانیاً نفس مسائل وقواعد ثالثاً مسائل وقواعدی ادراکک
نکررندن حاصل اولان ملکه معناسنه اطلاق اولنور.

نته کیم «فلان علم فقهه آشنادر» دینلمسی قواعد و مسائل فقهیه یی بیلور دیمکدر و برنجی ماده ده محرر تعریف بومعنايه کوره در.

«علم فقهه دأثر بحث اولنیور» دینلکده علمدن قواعد و مسائل فقهیه قصد اولنور.

«فلان علم فقهده مجتهددر» دینلکده مسائل و قواعد فقهیه یی ادراک تکررندن حاصل ملکه صاحبی اولدینی اکلایلیور.

علم ؛ اصطلاح فقهاده ظن و تقلیده عام و شامل اولان تصدیق یعنی اعتقاد راجح و مناسبه در.

فقه ؛ لغته بر شیء ذهن و فطنت ایله کرکی کبی اکلایوب بیلک معنا سنه در.

اصطلاحده بر معنای عومیمی برده معنای خصوصیمی واردر معنای عومیمی نفس انسانینک کندی لهنه و علیهنه اولان احکامی بیلک ایچون حاصل ایلدیکی ملکه در.

بو تعریفده اعتقادیاته ، وجدانیاته ، عملیاته دأثر احکام داخل اولور.

و قتیله عملیاته دأثر اولان احکام شرعیه دن تمیز ایدلک ایچون احکام اصلیه و اعتقادییه متعلق مسائله [فقه اکبر] دینلور ایدی مؤخرأ مسائل مزبوریه [علم کلام] وجدانیاته دأثر مسائله [علم تصوف و اخلاق] تعبیر اولنه رق [فقه] احکام شرعیه علیه تخصیص و ادله و احکام شرعیه دن بحث ایدن قسمی [علم اصول فقه] عنوانیه تمیز ایدیلوب [فقه] لفظی فروغ مسائل شرعییه علم اوله رق حصر ایله شه و یله تعریف اولندی .

۱ ماده علم فقه ؛ مسائل شرعیه عملیه یی بیلیمکدر.

مسائل ؛ مسئله نك جمعیدر . مسئله ؛ بر مطلوبه دینلور که اثبات ایچون اکابرهان و دلیل اقامه اولنه و علمدن غرض او مسئله یه

اطلاعر مجله ده مندرج مسائل ، احكامی متضمن اولديغندن مجله
جهيتك زيرده محرر شرح وايضا حندن مستبان اولديغنه كوره تعريفده كي
[مسائل] لفظی احكامه دخي تشميل ايدلمشدر . احكامك نه ديمك
اولديغني مدخله بر تفصيل بيان قلندي .

شرعيه ؛ حق تعالانك عبادينه وضع و تعيين ايلديكي دين و آينه
متعلق مسائل ديمك اولوب جبر و هندسه كي عقل ايله ؛ اتش ياقچيدر
كي حس ايله ، فاعل مرفوعدر كي اصطلاح اوله رق بيلتان مسائلدن
احتراز ايچوندر ،

علميه ؛ آنفاً ذكر اولنديغي وجهله دين و آيين واعتقاديات
و وجدانيات دخي شامل اولديغندن [علميه] قيديله تعريفدن بونلر خارج
براقيله رق علمك كيفيته متعلق مسائله تخصيص وادله واحكام شرعيه
دائر مسائل « علم اصول فقه » عنوانيله تميز ايدليكنندن اشبو [علميه] قيدي
مسائل فروع فقهه حصر ايدلمشدر .

مسائل شرعيه علميه ادله شرعيه دن استنباط اولنديغي جهتله
تعريف مذكور صفات ازليدن اولان علم الهي ، وحيه مستند علم
رسول احييه غير شاملدر .

بنابر ين فقه ؛ شارع تعالي ورسولي جابندن عباديه مخصوص اوله رق
وضع اولنوب يالكنز ادراكات و استدلالات عقليه و حسيه و اصطلاحيه
ايله معلوم اولميان فروع علميه ده دائر مسائل شرعيه ني بيلكدر .

مسائل فقهيه يا امر اخريته تعلق ايدر كه احكام عبادتدر و يا خود امر دنياه
تعلق ايدر كه مناكات و معاملات و عقوبات قسملرينه تقسيم اولنور شويله كه :
جناب حق بو نظام عالمك وقت مقدره دك بقاسني ازاده ايدوب بو ايشه
نوع انسانك بقاسته و نوعك بقاسي تمزاسل و توالد ايچون ذكر و وانانك ازدواجنه
منوطدر و برده نوعك بقاسي اشخاصك عدم انقطاعيله در انسان ايشه اعتدال

مزاجی حسیله بقاده غذا و لباس و مسکنجه امور صناعیه به محتاج اولور بودخی افرادی بیننده تعاون و اشتراك حصوله توقف ایدر الحاصل انسان مدتی الطبع اولدیغندن سائر حیوانات کبی منفرداً یاشایه میوب بسط بساط مدنیت ایله یکدیگره معاونت و مشارکته محتاجدر حالبوکه هر شخص کندویه ملایم اولان شیء طلب و مزاجهم اولان شیء غضب ایدر اولدیغندن بینلرنده عدل و نظامک خللدن محفوظ قلمسی ایچون کرک ازدواج و کرک مابه التمدن اولان تعاون اشتراك خصوصیلرنده برطاقم قوانین مؤیده شرعیه به محتاج اولورکه اولکیسی فقهک مناکحات قسمی ایکنجیسی معاملات قسمیدر و امر تمدنک بو منوال اوزره پایدار اولسی ایچون احکام جزا ترتیبی لازمکلوب بودخی فقهک عقوبات قسمیدر .

اشبو معاملات قسمک کثیر الوقوع اولان مسائلی کتب معتبره دن جمع ایله کتابلره و کتابلر بابلره و بابلر فصللره تقسیم اولمق اوزره بوجمله نک تألیفنه ابتدار اولمشدر .

ایشته محاکمه معمولیه اوله حق مسائل فرعیه بوجه آتی ابواب و فصولده ذکر اولنه حق مسائلدر انجن محققین فقها مسائل فقهیه برطاقم قواعد کلیه به ارجاع ایشلدرکه هربری نیجه مسائلی محیط و مشتمل اوله رق کتب فقهیه ده مسلماتدن اولمق اوزره بومسائلک اثباتی ایچون دلیل اتخاذ اولنور و اولاصرده بوقواعدک تفهیمی مسائله استیناس حاصل ایدر و مسائلک ذهnlرده تقرینه وسیله اولور بناء علی ذلک طقه ان طغوز قاعده فقهیه جمع ایله مقصوده شروعدن مقدم بوجه آتی مقاله ثانیه اولمق اوزره ایراد اولنور و اگرچه بونلردن بعضیسی منفرداً اخذ اولندقدنه بعض مستثنیاتی بونلور ایسه ده یکدیگرینی تخصیص و تقییه ایتدکلرندن من حیث المجموع کلیت و عمومیتلرینه خلل کلز .

علم فقهک مبادیسی

فقهک تعریفی مبادی علمدن ایسه ده مبادی تعریفدن عبارت اولدیغندن دیگرلری دخی مجمللاً بیان قلنور شویله که :

علم فقهک مبادیسی بو علمک اسمی ، تعریفی ، واضعی ، مأخذی ، موضوعی ، محمولی ، غایتی ، فائده سی ، فضلی ، حکمی اولوب بونلره

« مبادئ عشره » اطلاق اولنور وكتاب الیوئك مقدمه سی شرحنده بیان قلنده جفی اوزره مبادئ تصویری و تصدیقیه اوله رق ایکی یه تقسیم قلنور .

علم منبوره فقه دینلسنك وجه تسمیه سی و تعریفی آنفا ذکر اولندی . علم فقهك واضعی ؛ امام اعظم ابوحنیفه نعمان بن ثابت رضی الله تعالی عنه افندمن حضرتلریدر . مدخلك طبقات فقها مجتمده بیان قلندیغی اوزره مشار الیه فقهك اصولی وضع و تكثیر و اصول مذكوره اوزرینه فروغی تقریع و طریق تقریعنی توضیح ایلدیكى جهتله « واضع » دینلسنكدر یوقسه آندن اول فقه اولیوبده مشار الیه وضع ایلدی ديك دكلدر . مأخذی ؛ ادله اربعه و متفرعاتی و موضوعی ؛ مكلفك فعلی و محولی ؛ احكام شرعیهدن بری اولان قضیه لر در كه بونلره دأر مدخلك ایكنجی باینده تفصیلات لازمه درج و بیان قلندی .

غایتی ؛ انسان احكام شرعیه علمیه یی بیلهرك اكا توفیق حرکته سعادت دارینه نائل اولمقدردر .

فائده سی ؛ برنجی ماده یه مجله جمعیتجه یازیلان ایضا حاتدن مستفاد اولدینغی وجهله صلاح ظاهره مدار اولوب افعال و احوال انسانیه نك حق اوزره جریانته سبب اولور .

فضلی ؛ علم تفسیر و حدیث و كلام و اصول فقهدن صكره بالجمله علومه مقدمدر زیرا علوم منبوره دین و دنیا یه متعلق احكامی شامل و فقهك مأخذی اولوب انلردن صكره فقه حوادثك احكام شرعییه تطبیقی مبین اولمغله علوم سائرهدن فضیله مقدمدر .

حکمی ؛ [طلب العلم فریضة علی کل مسلم و مسلمة] حدیث شریفی مقتضای عالینجه مكلف اولان کیسه ایچون کندویه لازم اوله حق

قدر مسائل فقهیه بی او کر نمک فرض عیندر آخره نفع ویره جک در جهده
فقهی تحصیل ایلمک فرض کفایه در وعلم فقهده بجر ایتک مندوبدر
[من یرد الله به خیراً یفقهه فی الدین]

مقاله ثانیه

قواعد فقهیه بیاندهدر .

قواعد ؛ قاعده نك جمعیدر . قاعده ؛ اقتده اساس معناسنه اولوب
اصطلاح فقهاده جزئیاتك احکامی بیلنك ایچون اوجزئیاتك کلیسنه
یا اکثریسنه منطبق وموافق اولان حکم کلی ویا اکثریدر .
جزئیاتك احکامی بیلنك طریقی اوقاعده بر صغرای سهله الحصوله
کبری قیلنمقددر یعنی ترتیبی قولای بر « صغری » یاسیلوب قاعده کلیه
دخی اکا « کبری » قیلندقدده « نتیجه سی » یعنی جزئیاتك حکمی استحصال
ایدیلور .

مثلاً هر بر امر حادثك اقرب اوقاته اضافتی اصلدر قاعده کلیه سنك
جزئیاتندن بری اولان زیدك وارثنه اقرارینك حکمی استنباط ایدیلک
قصد اولندقدده « متوفی زیدك وارثنه اقراری امر حادثدر وهر بر امر
حادثك اقرب اوقاته اضافتی اصلدر - حد اوسط طرح اولندقدده -
متوفی زیدك حیاتنده وارثنه اقرارینك اقرب اوقاته اضافتی یعنی حال
مرضه نسبتی اصلدر » نتیجه سی حیقار . §

مجلهده یالکیز معاملاتده متعلق مسائل فقهیه دن بحث اولنمسنه نظراً
قواعد مزبورده مجلهده مندرج مسائله مخصوص ظن اولنسون علم فقهک
عبادات، عقوبات، مناحکات کبی بالجله اقسامنه دائر مسائل فقهیه دخی
بوقاعده لره تطبیق اولنور .

لكن مجله جمعيتك مدخله مندرج مضبطه سنده بيان قلنديني وجهله
حاکم کتب معتبره فقهيه ده بر نقل صريح بولدقچه يالکز قواعد مزبور
ايله حکم ايده من چونکه قواعد مذکوره اولاً کليه اوليوب اغليه
اولديغندن اكا تطبيقاً حکم اولنان حادثيه مخصوص بر مسئله فقهيه
اوله بيلور .

ثانياً بوقاعده لرك كافه سي صاحب مذهب امام اعظم رضى الله تعالى
عنه دن مروى اوليوب متأخرين فقها جانبندن حضرت امامك كلامندن
استخراج طريقيله ترتيب اولنشدن .

مع مافيه قواعد مزبوريه وازجمله ٥٥ نجى مادهيه مجله جمعيتجه
ايراد اولنان امثله فروعات فقهيه دن اولغله انلره تطبيقاً عمل وحکم
اولتور .

قواعد مزبور فقهواجه مسلماندن [*] اولسنه ومسائل فقهيه نك
انضباطنه کلی فائده لری بولمنسه مبنی ارباب مطالعه نك مسائل فقهيه يي
ابله سيله ضبط ايتمنسه مدار اولور حتى ابن نجيم رحمه الله عليه «بوقواعد
اصول فقه کبي اولوب بونکله مقلد في الفتوى اولان کيمسه مجتهد في الفتوى
درجه سنه واصل اولور يعنى مجتهدين عظامك نص ايتدکری احکامی
انلرك قواعد واصلوندن استخراججه مقتدر اولور» ديمشدر .

فقيه اولميان کيمسه نك دخي قواعد مزبوريه مطلع اولدقده معاملاتى
مهما امکن شرعه توفيق وتقریب ايده نييله چكى مجله جمعيتك مضبطه سنده
بيان اولنمشدر

[*] مسلمات ؛ شول قضيه لردرکه خصم طرفندن تسليم اولنش اولغله اول
خصمك دفی ايچون كلام او قضيه اوزرينه بنا قلنور كرك خصمين ييننده
اولسون كرك اهل علم ييننده اولسون .

قواعد کلیه فقهیه بی ابتدا مشارالیه ابن نجیم «الاشباه والنظائر» نام کتابنده
یکرمی بش قاعده اوله رق جمع و ترتیب وایکی به تقسیم ایدوب باشلوجه لری
اولان النیسنی برنجی و دیکر لرینی ایکنجی قسم عد ایشدر .
مؤخرأ ابوسعید محمد اخادمی رحمه الله علیه کبی بعض محققین فقه
دخی بویولده قاعده لر ترتیب ایتمشدر که قواعد مزبوره مشارالیه ک اثری
اولان «مجامع الحقایقه» مندر جدر .

مجله جمعی دخی ابن نجیم مرحومک سالف الذکر قاعده لرندن
اکثرین قواعده مذکورہ نک مستقلاتندن اوله رق اشباه ونظائرده
مسائل میانده ذکر اولان وفقهای سائر طرفندن بشقه کتابلرده ایراد
ایدیلان قواعد وضوابطدن بعضیلرینی جمع و ترجمه ایدرک مقدمه مجله ده
۹۹ قاعده اولمق اوزره درج و تعداد ایش و دیکر لریده روح المجله نک
مناسب محللرنده ذکر و ایراد اولمشدر . §

مجله جمعیتنجیه برنجی ماده یه یازیلان بالاده محرر شرحده بیان
اولندیغی وجهله قواعد مزبوره دن بعضیسی منفرداً اخذ اولندقدیه
مستثنیات بولنور ایسه ده یکدیگرینی تخصیص و تقیید ایتدکلرندن من
حیث المجموع کلیت وعمومیتلرینه خالی کلز .

قواعد مذکورہ دن قنغیسنک دیکرینی تقیید و تخصیص ایتدیگی شرح
وایضاحی صره منده کوستریلور انجق ابن نجیمک برنجی قسم اعتبار
ایلدیکی اتی قاعده کلیه اس الاساس اولمغله مسائل فقهیه نک مستثنیاتندن
ماعداسی بولنره ارجاع ایدیله بیله جکی و تعبیر دیکرله بوقاعده لرندن مستثنی
اولمیان بالجله مسائل فقهیه تفریع اولمغله بیله جکی جهله پک زیاده شایان
اعتنا اولدیغندن ذکر و ایراد اولنور .

[بر ایشدن مقصد نه ایسه حکم اکا کوره در، عقودده اعتبار مقاصد

و معانی در الفاظ و مبانی به دکلدر، شك ایله یقین زائل اولماز : مشقت
تیسیری جلب ایدر، ضرر ازاله اولنور، عادت محکمدر. §
قواعد نوعندن بعض ضوابط فقهیه واردر که ایکنجی کتابک برنجی
یابنده تعریف و بیان اولنور .

کذلک محله نك حاوی اولدیغی کتابلرک کافه سنك اوائلنده و بمضاً
مسائل صره سنده ذکر و بیان اولنان اصطلاحات مبادی تصوریه دن
اولمغله بونلرده قواعددن معدوددر . رأساً بر حکمی حاوی اولمیان
تعریفدن عبارت اوله جغندن حکام ایچون مدار حکم اوله ماز .

۲ ماده بر ایشدن مقصد نه ایسه حکم اکا کوره در

یعنی بر ایش اوزرینه ترتب ایده جك حکم اول ایشدن مقصد نه ایسه
اکا کوره اولور .

مثلاً بر کیسه صید ایچون بر محله آغ و طوزباق کبی برشی وضع
ایدوبده بر آو طوتلسه اول کیسه نك مالی اولور . زیرا آغ و طوزاغی
آو طوتقی مقصدیله وضع ایتشددر .

فقط بر کیسه آغی قوریمقی ایچون بر محله سروبدده اکا بر آو
طوتیلیویرسه انك مالی اولماز . زیرا مذکور آغی قوریمقی مقصدیله
وضع ایدوب آو خلاف مقصدی اوله رق طوتلشددر ۱۳۰۳

شومالاردن دخی اکلاشلدیغنه کوره هر ایش فاعلنك مقصدیله متداثردر
و فاعل مکلف هر نه بی قصد ایتمش ایسه ترتب ایده جك حکم اکا
کوره اولور زیرا اعمال نیات ایله یعنی حالاً و یا مالاً دفع ضرر و یا
جلب منفعت ایچون بر فعلک ایجاد و یا ترکی جاننده قلبک توجهی
و اول ایجاد و یا ترکی قصداً قورمقلنی ایله معتبر و بلانیة ایشلیان
و یا ترك اولنان بر ایش حقنده بر کونه حکم شرعی ترتب ایتیه جکی

جهتله باطل اولدیغندن بالائیة ایش صدوری صبیان و حجانینه نسبت اولنور . عاقل و بالغ اولان کیمسه نك بلا قصد بر شیء ایجاد و یا ترک ایتسی استبعاد اولنور . بناء علیه فاعل مکلفدن صدور ایدن هر ایش بر مقصده مبتنی اولمق لازم کلوب حقیقه و یا مجازاً بر مقصده حلی ممکن اولدجه برایش حقنده بلا قصد یا نیشدر دنیه من و افعال اوزرینه ترتب ایده نك احکام شرعیه دخی مقاصده کوره اولور انجق قصد امور باطنه دن اولوب حقیقته اطلاع متعسر اولمغله دلیل ظاهریسی انك مقامنه قائم اوله رق حکم اکا بنا قیلنور ۶۸ شویله که :

مثالزده مذکور اولان آغ صید ایچونعی یوقسه قوریمق ایچونعی وضع اولنشدر بوراسی اکلاشلق اوزره موقع وزمانه و عرف و عاده باقیله رق ظاهر حال صید ایچون وضع اولندیغنه دلالت ایدر ایسه دلالت ظاهریه قصد مقامنه قائم اوله جفندن حکم اکا بنا ایدیلور والا فلا .

§

بو قاعده [اِنَّمَا الْأَعْمَالُ بِالنِّيَّاتِ] حدیث شریفندن مستنبطدر .

وبر ایش اوزرینه حکم شرعی ترتب ایتک ایچون قصده مقرون اولسی لزومی بیان قلمشدر . شو حالده قصده مقرون اولمیان ایش حقنده برکونه حکم شرعی ترتب ایتماک لازم کلور حالبوکه برینک ایاغی قایوبده دوشدرک آخرک مالی اتلاف ایتسه ضامن اولور ۹۱۳ بونده قصد یوقسه ده حقوق ناسی صیانة تجویز اولنشدر .

کذا ۸۸۱ نجی ماده شرحنده بیان و ایضاح اولنه جنی وجهله بر کیمسه دیگرینک مالی اذن اولمق سرین لطیفه طریقله اخذ ایتسه مقصده باقلیوب حکم غصب ترتب ایده جکندن و ۱۷۱ و ۱۷۲ نجی ماده لر احکامنجیه مستقبل و امر صیغه لر یله حال مراد اولندجه بیع قصد

ایدلسه بیله منعقد اولمیه چغندن قاعده و شروحنك بو مثللو مستثنیاتی وارد در .
 كذلك فعله مقارن اولمیان قصد تصورات ذهنیه دن عبارت قاله چغنه
 ونیت ایسه عمل ایله تمام اوله چغنه و حکم شرعی ظاهر حاله بنا ایدیله چکنه
 کوره برایشه مقرون اولمیب وجدانده قالمش اولان قصده دخی بر
 کونه حکم شرعی ترتب ایتمامك لازم کاور . §

شوتفصیلات اعمال قیلندن اولان شیلره دائر در ترك قیلندن اولان
 خصوصات یالکیز نیت ایله تمام اولور . مثلاً کفالتك حکمی مطالبه در
 فقط مکفول له کفیلدن مکفول بیی طلب ایتمامکی نیت ایدر ایسه کفیل
 حقنده برکونه حکم ترتب ایتمز .

۶۲ نجی ماده شرحیله ۱۰۰۷ نجی ماده ذیلنده محرر عوارض بچشندن
 مستفاد اوله جنی اوزره نائمك صایقلامسی قصده مقرون اولمیه چغندن
 کلامدن عدیلله حکم ترتب ایتمز .

۳ ماده عقودده اعتبار مقاصد و معانی یه در الفاظ و مبانی یه دکلدر .

بناءً علی ذلك [بیع بالوفا] ده رهن حکمی جریان ایدر .
 عقود ؛ عقدك جمعی اولوب عقد ، لغتده دو کوملك معناسنه در .
 اصطلاحده طرفینك بر خصوصى التزام و تعهد ایتملیردیر که ایجاب و قبو
 لك ارتباطندن عبارتدر . فقط اسقاطات و تبرعات مثللو طرفینك التزام
 و تعهدینه محتاج اولمیان شیلرده یالکیز ایجاب ایله ده منعقد اولور .
 مقاصد ؛ مقصدك جمیدر . نه دیمك اولدیفی ایکنجی ماده شرحنده
 بیان قلندی .

معانی ؛ معنائك جمعی اولوب لفظدن قصد اولنان حکم دیمکدر .
 الفاظ ؛ لفظك جمعی اولوب سویلنیلان سوزدر . آلدیم و یردم کی .
 مبانی ؛ مبنینك جمعی اولوب الفاظ دیمکدر و افاده مرآمده واسطه

اتخاذ ایدلیدیکی ایچون مبانی دینلکله الفاظک عطف تفسیریدر . S

الفاظ ایله معانی اده سنده نسبت آرانسه برلفظک یالکیز برمعنایه
وبعضاً برقاج معنایه دلالت ایتدیکنه وکذلک برقاج لفظک یالکیز برمعنایه
ویاخود بربرلینه مقارب ویایغیر مقارب معنایه اطلاق اولندیغنی بولور
وبوجهتله الفاظک مترادفه، متباینه، متفقہ، منفردیه منقسم اولدیغنی اکلارزه
الفاظ متفقہ قسمندن اولان اسماء متشابهه دخی باشلوجه ایکی
صنفه آریلور برنجی صنف، معنای اصلی اساس اتخاذ اولدورق بر
مناسبت ویامشابهت ملاحظه سینه مبنی شبهنه دخی اطلاق اونور که
اصلنه دلالتی « دلالت حقیقیه » وشبهنه دلالتی « دلالت مجازیه » در
نوردن علم، ظلمندن جهل قصد اولمسی کی .

معنای اصلی اساس اتخاذ ایدلیدیکی حالده لفظک شبهنه اطلاقندن
مقصد اظهار مشابعت ایسه اکا « تشبیه » دیرلریکیک آدمه آرسلان،
کوزل یوزلویه آی اطلاق کی .

اکر مقصد اظهار مشابعت اولیوب شبهنه دلالتی دخی اصالت
حسیله در کی کوستریلور ایسه اکا « استعاره » دیرلر میزان، عقرب،
قوس ودها بونلره مماثل الفاظک صور کواکبه دلالتی کی .

ایمدی ایکنجی مادهده بیان قیلندیغنی وجهله احکام شرعیه مقاصده
کوره اولمق لازم کلدیکنندن والفاظ ایسه بروجه محرر معنای موضوعنک
غیریده استعمال اوانه بیله جکندن عقودده اعتبارک دخی احکام فقهیهیه
مستند مقاصد ومعانی یه اولوب الفاظ ومبانی یه اولماسی ایجاب ایدر .
بناء علی ذلک بیع بالوفا هر نه قدر بیع لفظیه منعقد اولور ایسهده بوندن
عاقیدنک مقصدی تأمین دین اولدیغندن یعنی « بیع بالوفا » ناعیله داین
مدیوننه بر شی صاندقدده « بیع بالوفا » سوزی بیع قطعی معناسنی متضمن

اولیوب تأمین دین ایچون وضع اولنش بر عقدہ موضوع اولمغله انک
 قصدا یدلایکنه دلات ایدوب « بیع » لفظنک مبادلہ اموال معناسی مراد
 اولئمیه جفتدن موضوع بحث اولان قاعده یه مبنی مشتری مبیع ایله انتفاع
 ایلمسنه نظر آ بیع جائز حکمنده ۳۹۸ ، طرفین بونی فسخه مقتدر اولدقلری
 جهتله بیع فاسد حکمنده ۳۹۶ ، مشتری مبیعی اخره صاته مدینی ۳۹۷
 وسائر غرمان دن احق اولدینی ۴۰۳ و وفاء مبیعی اخر طرفدن وقوعبو
 لان دعواده دخی بایع ایله مشترینک مجلس محاکمه ده حضور لری شرط
 اولدینی ۱۶۳۷ جهتله رهن حکمنده در .

بوحالده بیع بالوفاده کاه بیع جائز ، کاه بیع فاسد ، کاه رهن حکمی
 جریان ایدر متن مجله ده یالکزر رهن حکمی جریان ایتدیکنک کوسترلمسی
 اکثریا رهن حکمی جریان ایتدیکندن در . §

بعض عقدلر واردرکه انلرده بوقاعده دن بالاسستشما الفاظ معتبردر .
 مثلاً بر کیسه نفی ثمن ایله بر مالی صاتسه یعنی مشتری یه « بومالی سکا
 پاره سز صاندم » دیوب اوده قبول ایتسه بیع باطل اولور یوقسه هبه اولمز .
 کذلک موجر مستأجره « شومالی اجرت سز اوله رق سکا ایجار ایتدم »
 دیوب اودخی قبول ایتسه عقد مذکور عاریت اوله رق منعقد اولیوب
 بلکه اجاره فاسده اولور . §

قاعده مشروحه ده واقع [عقود] لفظی بوقاعده نک حکمی عقود
 شرعی یه دائر اولدینی بیان ایچوندر .

عقوددن اولمیان وجدانیاتک، الفاظ دلیل ظاهریسی اولدیغندن عین وسائر
 شهادات وجدانیه ده لفظه اعتبار اولنور . ویالان یره عین ایتدیکی ثابت
 اولمده منکر اولان کیسه یعنی اوزرینه مؤاخذه دن منع اولنور . زیرا
 ایمان الفاظ اوزرینه مبنی اولوب اغراض اوزرینه دکادر .

كذلك قصاصدن عفو، طلاق، عتق كې اسقاطانده و نكاح مثلاً وجود و هزلی
 شرعاً مساوی اولان شیرده دخی اعتبار الفاظ و مبانی یه در. §
 عقودده اعتبار مقاصد و معانی یه اولدیغندن ایجاب و قبول لفظاً
 ایراد اولتمکسزین مکاتبه، تعاطی، دلسرک اشارات معروفه سی کبی
 تراضی طرفینه دلالت ایدوب تعیین مقصد ایلیان شیرله دخی عقد
 منقذ اولور ۱۷۳، ۱۷۴، ۱۷۵، ۴۳۶، ۴۳۷، ۸۳۹.

۴ ماده شك ایله یقین زائل اولمز، - خلافتیه دلیل اولدقجه -
 مثلاً برگیسه دیگر کسنه نك ذمتی ابراء عام ایله ابرا ایتدکدن
 صکره تاریخ بیان ایتمکسزین آنندن برحق دعوی ایتسه دعواسی مسموع
 اولمز. زیرا اول حق ابرادن مقدم اولوب ابرا ایله ساقط اولق
 و یا خود ابرادن مؤخر اولوب حالا ذمتیه باقی قالمق احتمالی سیان
 اولدیغندن بوجه اوزره واقع اولان شکل ایله یقیناً ثابت اولان
 ابرانك زوالنه حکم اولمز. اما ابرادن مؤخر تاریخ ایله برحق حادث
 دعوی ایتسه او حالده دعواسی استماع اولنور.

چونکه شك؛ لغتده مطلقاً تردد ایتك معانیه اولوب اصطلاحده؛
 برشیئك وقوع و یا عدم وقوعنده طرفین سیان اولهرق تردد ایتمکدر
 یعنی ایکی شیدن برینی ترجیحی موجب سبب اولماغله قلبك بر طرفه
 میل ایدمه رك وقوفیدر.

یقین؛ لغتده بر شیئك حقیقی اوزرینه قلبك اطمینانه
 دینوب اصطلاحده؛ احد طرفینك بر دلیل قطعی یه مستند اولهرق
 مجزوم اولمندن عبارتدر که قلب او دلایله مستنداً انك حقیقت اولدیغنی
 جزم ایله تیقن ایدر. ۷۲ نجی مادهده ایضاح اولندیغنی اوزره «ظن
 غالب» دخی یقین منزله سنده در. یقین كرك عیناً یقین اولسون كرك

خبر ویا دلالت جهت بریله یقین بولسون ویا منطقونک بیان ایتدکری اولیات، مشاهدات، مجربات، حدسیات، متواترات کی انتاج تعین ایچون ترتیب اولسان مقدمات یقینیهدن مستفاد اولسون هر حالده موجب اطمینان اولدیغدن یقین اصلدر . شك اصل اوزرینه طاری اوله جق احوالدر. یقین اصلی ثابت و مستقر صفات اصلیه دندر. شك ایسه اصلی غیر ثابت وهم وتردددن وصفات عارضه دن عبارتدر . صفات اصلیه ده اصل اولان وجود اولدیغی کی صفات عارضه ده دخی اصل اولان عدمدر. عدم دخی یوق و یوقلق دیمکدر. یوق اولان بر شیئک اصلاً ثابت و سابق بولنان بر شی ایله مقاومت ایدمه جکی و مدافعه ده بولنه . میه جفی درکاردر بنابرین شك ایله یقین زائل اولمز قاعده سنک مفهومی محققددر. یعنی اصلی متیقن و ثابت اولان بر شیئک خلافنه دلیل اولمدقجه مجرد شك ایله اول شیئک زوانه حکم اولمز .

§

یقین مثلی یقین ایله زائل اولور .
زیرا اصلی ثابت بولنان بر شیئک خلافنه حجت و دلیل ظهور ایدر ایسه بوده یقین حاصل ایدر . واولکی یقینک مثلی بریقین اولمش اولور یقین ایسه مثلی یقین ایله زائل اولور . چونکه یقین اولک دوام و ثباتی ایچون سبب قالمز

§

زیرده محرر ۵، ۶، ۸، ۹، ۱۰، ۱۱، ۱۲ نجی ماده لر بوقاعده دن استخراج اولمشدر. بناءً علیه اصل قاعده ده «معتبر اولان» خلافنه دلیل اولمدقجه «قیدی بونلرده دخی معتبردر» ،

۵ ماده بر شیئک بولندیغی حال اوزره قالمسی اصلدر . مثلاً ودیعه نك صاحبی غائب اولوبده حیات و نجاتی معلوم اولسه مستودع انی صاحبك وفاتی تبین ایدنجه ده دك حفظ ایدر ۷۸۵ .

مودعك حقیقهٔ ویا حکماً موتی تبین ایتدجکه ورثه سی « جائز که وفات ایتشد در دیومستودعدن ودیعه یی اخذ واقتسامه قادر اوله منزلر . زیرا حکم مفقود مفقودک کندی ذاتنده ونفسی حقنده حی اولمقلعیدر موت ایسه محتملدر یقیناً ثابت اولان بر شی احتمال ایله زائل اولمز .

§

بو اصله « استصحاب » اطلاق اولنوب استصحاب ایسه مدخلک ادله بحثنده بیان اولندیغی وجهله فی الاصل ثابت اولان شیرلی ابقاده حجت اوله بیلور ایسه ده بدایهٔ واستحقاقاً برشی اثباتده حجت اوله من . مثلاً مفقودک حیاتنده اولمی تقدیرنده وارث اوله جنی اقرباسندن بریسنک وفاتی وقوعنده ترکه سندن اصابت ایده جک حصهٔ ارثیه سی مفقودک ملکی اولمق اوزره حکم اولنمیوب حقیقت حال اکلاشیلنجه ده قدر موقوف طوتیلور .

۱۶۸۳، ۱۷۷۶، ۱۷۷۷ نجی ماده لرده دخی بوکا دائر ایضاحات وامثله لازمه ایراد اولمشدر . §

بوقاعده نك دخی بعض مستثنیائی واردر . ازجمله مستودع « وديعه هلاك اولدی » دیو ادعا ویمین ایلسه ضمان لازم کلمز . چونکه امین یعنی ایله تصدیق اولنور .

حال بوکه قاعدهٔ مبسوطیه کوره وديعه نك استصحاباً مستودعك نزدنده بقاسنه حکم اولمق لازم کلور ایدی یعنی ایله وديعه نك هلاکنه حکم اولنمی خلاف اصلدر . بونک حکمتی شودر که مستودع ذمتک ضماندن برائتی ادعا ایده یور که ۸نجی ماده حکمنجه اصل اولان بودر . اما مودع انک ذمتک مشغولیتی ادعا ایلیر که خلاف اصلدر .

۶ ماده قدیم قدمی اوزرینه ترك اولنور .

مثلاً برخانه نك يغمور صولرى از قديم قومشونك خانه سنه آققدده
اولدينى حالده قومشوسى بوندن صكره آققام ديو منع ايده من ۱۲۲۹
قديم اولنى بيلور كسسه اولميان شيدر قديمك قديمى اوزره ترك
اولنسى متأخرينك متقدمينه اولان حسن ظنندن يعنى مادامكه اساساً
نامشروع ومضر دكلدر البته محسناندن برشيئه بناءً ياپلشدن مطالعده سندن
نشأت ايتشدن . وبويله بر حسن ظن عموم خواطرده واردر . فقط
قديمك خلافنه دليل اولنجه تغير ايده چكى كې شرعه مخالف اولان قديمه
دخى اعتبار يوقدر . يعنى فى الاصل نامشروع اوله رق ياپلش اولان شى
قديم اولسه ده حسن ظنه محل قاليه جغندن اكا اعتبار اولنمىوب ضرر
فاحشى وارايسه ازاله اولنور وضرر قديم اولمز وضرر اشد ضرر اخف
ايله ازاله اولنور قاعده لرينه توفيق معامله ايديلور .

ذكر اولنان مثال وافاداتم ۷، ۲۷، ۱۶۶، ۱۲۲۴، ۱۲۲۹ نجى ماده لردن
مأخوذ اولوب ۱۲۳۰، ۱۲۶۹ نجى ماده لر دخى بوقاعده يه متفرعدر .

۷ ماده ضرر قديم اولمز .

يعنى ضرر اولان شيئه قديم حكيمى ويريلوپيده بولندينى حال اوزره
ابقا اولنه من . مثلاً طريق عام اوزرنده الحق چيقينديلر وشه نشينلر كې
ماره يه ضرر فاحشى اولان شيلر قديم اولسه بيله رفع ايتديريلور ۱۲۱۴
چونكه طريق تامدن هر كسك كرك بنفسه اولسون كرك حيوانيله
بولنسون حق ضرورى اولديغندن ماره يه ضررى اولان شيلرده
مخاصمه يه ورفع ودمع ومنع ونزعه حق واردر . زيرا كلوب كچنلرى
متأذى قيله جق نسنه لرى بغير حق طريق عامده احداث ايتك آنلر
حقنده محض ضرر وظلدر . ضرر وظلم ايسه حد ذاتنده واجب الازاله در .
بناءً عليه قديم اولان شئيئك باعث اولدينى ضرر عمومه عائد

و فاحش اولور ایسه همه حال ازاله اولنوب قدیمی اوزره ترك وابقا
ولنر. ضرری فاحش اولمديني حالدله ترك ايديله بيلور ایسه ده بعد الزوال
قدیمدر دیوتکرار احداث ایتدیرلیوب منع اولنور ۱۲۱۳ ضرر؛ عمومه
عائد اولیوب بر ویا بر قاچ کیمسهیه منحصر اولور ایسه نظر اولنور .
ضرر؛ فاحش ایسه پای وجه کان دفع ایتدیریلور. ۱۲۰۰ ضرر؛ فاحش
اولیوب حق مرور ، حق مجری، حق مسیل کبی شیرلر ایسه ماده
سابقهده محرر قاعدهیه توفیقاً خلافه دلیل اولمديجه قدیمدن اوله
کلدیکی وجه اوزره ترك وابقا اولنور ۱۲۲۴ زیرا صاحبك اسباب
تملكدن بریله اكا مالك اولديني محتمل اولوب قديمي دخي دلالت ایدر.

§

بوماده نك ۲۰ نجی مادهدن صكره ایراد اولنسی ایجاب ایدر ایكن
بوراده ذكر اولنسی بوندن اول بیان قلنان ۶ نجی ماده حکمنجه قدیمی
اوزره تركی لازم کلان قدیمك حدذاتنده بروجه محرر ضرری موجب
اولماسی اقتضا ایده جكنی ایضاح و او ماده نك بونكله مقید اولديني
بیان ایچوندن .

۸ ماده برأت ذمت اصلدر.

بناء علی ذاك برکیمسه برینك مالنی تلف ایدوبده مقدارنده اختلاف ایتسهر
سوز متلفك اولوب مال صاحبی ادعا ایتدیکی زیادهیه اثباته محتاج اولور .
بالبنیه اثبات مدعا ایتدیکی حالدله موجبيله حکم اولنور .
برأت ذمتك اصل اولسی ذمم ناس یعنی انسانلرك ذاتی فی الاصل
عقوق و حقوقدن عاری و بری خلق اولنش اولدیغندندر . بناء علیه
متلفك افاده سی اصله مقارندر . زیادهیه دعوی ایتك خلاف اصل
اولوب بینه دخی خلاف ظاهری اثبات ایچون مشروع اولدیغندن

زیاده‌ی دعوی ایدنك اثبات اتمسی لازم كلوره ایده‌مدیكي صورتده
بر یمین حق قالمغله طاب اولور ایسه جا كم انك طلبی اوزرینه
اصلی ابقا ایچون مدعی علیه یمین تکلیف ایلز. مدعی علیه یمین ایدر
ویا خود مدعی یمین ویردیرمز ایسه جا كم مدعی بی مدعی علیه معارضه‌دن
منع ایدر. مدعی علیه یمیندن نكول ایدر سه جا كم نكولایله حکم ایدر.
اصل مذکوره بناءً هر نوع دعاویده احکام و معاملات بو وجهله
جریان ایدر.

۱۸۲۰، ۱۸۱۹، ۱۸۱۸ ۱۸۱۷، ۱۷۴۷، ۱۷۴۶، ۷۸، ۷۷، ۷۶

§

ذمت ؛ لغتده عهد معناسنده در . عهددن دونك موجب ذم و عار
اولدیغندن عهده ذمت دینلور . اصطلاحده ؛ ایکی معنایه اطلاق
اولور که بری نفس و ذات معناسی ، دیگری کندوسیلله بر شخصك
ایجاب واستیجاب اهل اولدیغنی وصف معناسیدر . قاضیه مشروحده
نفس و ذات معناسی مراد اولمشدر .

۹ ماده صفات عارضه‌ده اصل اولان عدمدر .

مثلا شرکت مضاربده کار اولوب اولدیغنده اختلاف اولنسه عدمی اصل
اولدیغنه بناءً سوز مضاربك اولوب صاحب سرمایه کار اولدیغنی اثباته محتاج
اولور .

صفات عارضه ؛ تجارت ، عیب ، علل کبی اصل موصوفك
وجودیله موجود اولیوب صکره‌دن عارض اولان حالاتدر .

کتاب الشریکتک باب سابیی مندرجاتندن مستبان اوله‌جنی اوزره
مضاربه بر طرفدن سرمایه دیگر طرفدن سعی و عمل اولق اوزره بر
نوع شرکتدر . بونده رب المال مالی و مضارب عملی ایله رب‌بده مشاعاً

مشترك اولور لر . انجق مضاربده كار اولوب اولديغنده اختلاف اولنسه ريخ في الاصل سرمايه نك وجوديله موجود اوليوب صكره دن عارض اولور حالات و صفات دن اولديغدن مضارب اصله متمسك بولمسي جهته له سوز كنديس نك اولوب رب المال كار اولديغني اثباته محتاج اولور .

§

صفات عارضه عندالفقهها « صفات اصليه » مقابلنده ذكر اولنور صفات اصليه دخي صحت ، سلامت ، رضا كي اصلك وجوديله موجود اولان حالاتدر .

بناء عليه متعاقديندن بري عقدك كرها ديكرى رضاء وقوعبولديغني بيان ايله اختلاف ايتسلر عقودده رضا صفات اصليه دن اولمغله رضاء وقوعني بيان ايدن اصله متمسك اولديغدن سوز كنديس نك اولوب كرها وقوعني دعوى ايدنك بالبينه اثبات مدعي ايتسي لازم كلور . خلاصه صفاتده اختلاف اولندقدده اكر صفات عارضه دن ايسه عدمي اصل اولديغندن وجوديني دعوى ايدنك ، اكر صفات اصليه دن ايسه وجودي اصل اولديغندن عدمي ادعا ايدنك اثبات ايتسي لازم كلور .

§

بوقعه نك بعض مستثنياتي واردر . ازجله ۱۷۷۳ نجى ماده ده مصرح اولديغني اوزره واهب هبه دن رجوع ايتك ايعتيو بنده موهوب له دخي موهوبك تلف اولديغني دعوى ايتدكده سوز بلا يعين موهوب له كدر . حال بوكه قاعده مشروحيه نغراً سوز واهبك اولمق لازم كلوردي زيرا موهوبك تلف اولمسي صفات عارضه دندر . انجق موهوب له وجوب ردی منكر اولمغله مستودعه شبيه اولديغندن برائت ذمت اصلدر قاعده سنه بناء سوز كندوسنك اوليور .

دینک که قاعده مشروحه [برائت ذمت اصلدر] قاعده سیله مقیددر .

۱۰ ماده برزمانده ثابت اولان شیئک خلافنه دلیل

اولمدجقه بقاسیله حکم اولنور .

بناءً علی ذلک برزمانده برشی برکیسه نیک-ملکی اولدینی ثابت اولسه ملکیتی ازاله ایدن برحال اولمدجقه ملکیتک بقاسیله حکم اولنور .

مثلاً برکیسه دیگر کسنه دن آله جق دعوی ایتدکده شاهدلر اکر اول کیسه نیک مدعییه اولمقدار دینی اولدیغنه شهادت ایتسدر کفایت ایدر ۱۶۹۴، ۱۶۹۵ دینک حالا مشهود علیک ذمتده اولدیغنی ذکر وتصریحه حاجت یوقدر .

زیرا مدعی علیک ذمتده مدعینک حقی ثابت اولدقدن صکره بونک زائل اولوب اولمدیغنی مشکوکدر . شک ایله یقین زائل اولمیه جغندن مدعی علیه مدعا بهدن برائتی اثبات ایده مدیکی حالد دینک بقاسیله حکم اولنور .

§

بوماده بشنجی ماده ایله متحد واستصحاب ایله عمل قییلندندر . واستصحابک هرایکی نوعنه یعنی استصحاب ماضی واستصحاب حاله شاملدر شویله که : مثال مذکورده بیان قلنان شاهدلر مدعی علیک ذمتنه ترتب ایدن دینک تاریخ وقوعنی زمان ماضیه اسناد ایتمه رک یالکیز مدعینک مدعی علیه ذمتده حالا الهجنی بولدیغنه شهادت ایدرلر ایسه مدعی علیه اولجه ایفای دین ایتدیکنی اثبات ایتدجکه تاریخ مزبور دن مقدم دخی مدعا بهک ذمتده ثابت اولدیغنه حکم اولنور .

۱۱ ماده براضر حادثک اقرب اوقاته اضافتی اصلدر .

یعنی حادث اولان برایشک سبب وزمان وقوعده اختلاف اولنسه زمان بعیده نسبتی اثبات اولمدجقه حاله اقرب اولان زمانه نسبت اولور .

مثلاً برکیمسه برمالی ورثه سندن برینه هبه ایدوبده وفات ایتدکده
دیگر ورثه آنی مرض موتنده هبه ایلش اولدیغنی وموهوبله دخی
حال صحتده هبه ایتش ایدوکنی ادعا ایتدکده موهوب لهک بنیه سی
ترجیح قلنور ، ۱۷۶۶

زیرا هبه امرخا ددر حادث اولان برشی ایسه فی الاصل موجود
اولمیوب صکره دن وقوع بولمشدر بونک مرض موتده وقوعنی ادعا ایدن
ورثه اصله متمسک اولدیغندن موهوب لهک هبه بی حال صحتیه یعنی
زمان بعیده اسناد ایتسی خلاف ظاهر اولمغله اثبات ایتسی لازمدر .
۱۷۶۶ نجی ماده حکمنجه صحت بنیه سنک مرض موت بنیه سی اوزرینه
ترجیح ایدلمسی بواصله مستنددر . §

مع مافیة برأت ذمت اصل اولدیغندن ا کا متفرع بعض مسائل
بوقاعده دن مستثنا اولمغله قاعده مشروحه [برأت ذمت اصلدر]
قاعده سیله مقیددر .

مثلاً اقرار دین ایدن صغیر حین اقرارنده بالغ اولدیغنی ومدعی
دخی بالغ اولدیغنی ادعا ایلسه بلوغ امر حادث اولمسنه نظراً سوز
مدعینک اولوب مقرك حین اقرارنده صغیر اولدیغنی اثبات ایتسی ایجاب
ایدر ایکن برأت ذمت اصل اولمسنه دینی مدعینک ، مقرك بلوغنی
اثبات ایتسی لازم کلیور .

۱۲ ماده کلامده اصل اولان معنای حقیقیدر .

مثلاً برکیمسه « وفاتدن صکره ثلث مام فلان کسنه نك اولادینه
ویريله » دیو وصیت ایدوب مصرأ علی ایصائه وفات ایتدکده اول
کسنه نك اولادی وار ایکن احفادینه برشی ویرلز .
اصل ؛ بوراده راجح معناسندهدر .

علماء علم بیانہ کورہ طرق بیان اوچدر حقیقت، مجاز، کنایہ درہ.
فقط اهل اصولہ کورہ کنایۂ بیانہ دن بعضیسی حقیقت و بعضیسی مجاز
اولدیغندن انلرک راینجه طریق افادہ حقیقت و مجازدن عبارتدر. مجاز
۶۱ نجی مادہده تعریف اولنه چقدر بورادہ حقیقتدن و بونک اصل
اولمسندن بحث ایدلم :

حقیقت ؛ لفظک معنادہ استعمالی اعتباریلہ موضوع الہی اولان
معنادہ موضوع الہی اولدیغی حیثیتدن طولایی مستعمل اولان لفظدر.
بووضعده یا حقیقت شرعیہ اولور شہادت کی یا حقیقت لغویہ اولور
ارسالان کی یا خود حقیقت عرفیہ اولور بوده یا عرف عامدر دابہ کی کہ
پر یوزندہ یوریا نلرک اسمی ایکن فرسده استعمالی حقیقت عرفیہ عامہ
اولمشدر کہ بر صنف انسانلرہ مخصوص اولیوب صورت عمومیدہ مستعملدر
یا عرف خاصدر اصطلاحات فنیہ کی کہ اربابی بیننده معنای لغویسنک
غیری بر معنادہ استعمالی حقیقت عرفیہ خاصہ اولمشدر .

امدی ۶۱ نجی مادہده دخی ایضاح اولنه جنی وجهلہ بر لفظک معنای
موضوع الہنک غیرید، استعمالی معنای موضوع الہی ارادہ بی مانع قرینہ نک
وجودینہ متوقف اولوب بویلہ بر قرینہ اولمدجہ معنای حقیقی بی ارادہ اقتضا
ایدر زیر الفاظک مجازاً استعمال اولندیغی اکلا شلق ایچون معنای حقیقی بی
ارادہ بی مانع قرینہ یہ احتیاج واردر حال بوکہ کلامک حقیقت معناسی
ارادہ اولفق ایچون قرینہ یہ احتیاج یو قدر بو صورتده حقیقت اصلدر
مجاز اندن خلفدر اصل طورر ایکن خلفہ اعتبار اولمز نته کیم مثالده
بیان قلندیغی اوزرہ [اولاد] لفظنک کرک مفرد اولسون کرک جمع
اولسون ذکور ایچون ولد صلیبدہ و اناث ایچون ولد بطینده استعمالی
حقیقیدر بناء علیہ موصینک [وفا تمدن صکرہ ثلث مالم فلان کسنده نک

اولادینه ویریله [دیمسی او کیمسه نك اوغلنه و قزینه ویریله دیمکه
محولدر زیرا حقیقت یقین منزله سنددر عجباً موصی احفادی دخی اراده
ایتدی می دیوشك ایله زائل اولمز.

اما اوکسنه نك اولادی اولیوب احفادی واریسه حقیقت متعذر
اولدقه مجازه کیدیله چکندن موصینك مقصدی دخی اوکسنه نك احفادینه
وصیت اولدیغنه یعنی مجازه حل اولنور زیرا کلامك اعمالی اهماندن اولی
اولدینی کی حقیقت معنایی اراده می مانع اولان قرینه ملابس دیله شك
دخی یقین درجه سنه ارتقا ایدر چونکه معنای حقیقی ایله معنای مجازی بر
زمانده لفظ واحد ایله اراده واحده ده مجتمع اولمز یعنی لفظ واحد استعمال
اولسون و اطلاق واحده معنای حقیقی و مجازی ایکیمی بردن مراد
اولسون بو اولمز زیر معنی ایچون لفظ شخص ایچون لباس منزله سنددر
مجاز، ثوب مستعار، حقیقت، ثوب مملوك کیدر ثوب واحدك حالت
واحده ده ملك و عاریت طریق لیله جمعاً استعمالی یعنی بر کیمسه نك لابس
اولدینی اثوابك هم کندی مالی همده بشقه سنك مالی اوله رق عاریه
لابس اولسی مستحیل اولدینی کی بر لفظ کده حقیقت و مجاز جهت لیله
بردن استعمالی محالدر.

۱۳ ماده تصریح مقابله سندده دلالت اعتبار یوقدر.

مثلاً بر کیمسه برینك اذنیله خانه سنه داخل اولدقه میدانده طوران
قدح ایله صوایچمه کده دلالت مآذوندر وصو ایچر کن قضارا یدندن قدح
دوشوبده قیراسه ضمان لازم کلز فقط صاحب خانه «اول قدحه طوقفه»
دیونهی ایتمش ایکن الله الولیده دوشه رك قیرلسه ضامن اولور. ۷۷۲
تصریح؛ لغتده سوزی آچیق سونلک معناسنه اولوب اصطلاحده
کثرت استعمالی و استعمالده غلبه سی جهتله مراد و مقصود اولان معنی

غایت آچیق اوله رق میدانہ حیقان برسوز ایله افادہ صرام ایتکدر .
 دلالت تصریحہ قیاس و نسبت ایله ضعیف اولوب ضعیف دخی قوی
 قارشوسنده ساقط و بی اعتباردر بناءً علیہ تصریح ایله دلالت تعارض
 ایتدکده دلالتہ اعتبار اولمز بوصورتده مثالک جزء نایسندہ بیان قیلندی
 وجهله صاحب خانہ نک منع اتمش اولدیغی قدح ایله صوایچمکه مسافرک
 دلالتہ حائر اولدیغی مأذونیتک حکمی قالمافله قدحی آلمسی مأذونیتی
 تجاوز اولدیغندن حقندہ حکم غصب جریان ایدر . §

لکن صراحت اولمیان یرده دلالت ، صراحت حکم و قوتندہ
 بولنه جفندن مأذوناً دیگرینک خانہ سنه داخل اولان کیمسه میدانده
 طوران قدح ایله صوایچمک کبی عرفاً مسافرک یاه بیلہ جکلری شیء
 اجراییه دلالتہ مأذون اولدیغندن مثالک جزء اولنده بیان قیلندی
 وجهله مسافرک الله آلمش اولدیغی قدح قضارا دوشوب قیرلسد ضمان کلزمه
 زیرا قدح کندی یدنده امانت اولوب امانت دخی مضمون دکدر . ۷۶۸

§

دلالتک موجبیه عمل اولندقدن صکره تصریحک حکمی قالماز .
 مثالک جزء اولی موجبیه مسافر صوایچمک اوزره الله المش
 اولدیغی قدح قضارا دوشوب قیرلدقه صاحب خانہ « اول قدحه
 طوقمه » دیو منع ایتسه حکمی اواز . زیرا تصریحی صرفه محمل
 بولنمز . §

صریحک حکمی یعنی انکله ثابت اولان اثر موجب و مقتضاسنک
 ثبوتیدر . حتی متکلمک نیتندن مستغنیدر . زیرا لفظ صریح معناسنک
 وضوحی سببیه معنی مقامنه قائم اولمش و او معناده لفظک توسطی
 قالماش اولدیغندن حکم شرعی بی ايجاب ایتدکده متکلمک نیتنه احتیاج قالماز .

بناءً عليه بر کیمسه « فلان مالمی صادم » و یا « فلان مالمی صاتون
الدم » دیرسه مقصود حاصل اولور . متکلمك معنای مرادی نیت
ایدوب ایتدیکنه باقیماز .

متکلم لفظ صریحک محتمل اولان دیگر بر معنایی مراد ایتدیکنی
ادعا ایلسه بو ادعاسی قضاء رد اولنور .

۱۴ ماده مورد نصده اجتهاده مساع یوقدر .

مثلاً ۷۶ نجی مادهده [پنه مدعی ایچون و عین منکر اوزر بنه در]
دینلیور . بوقاعده [السبینه للمدعی واليمين علی من انکر] حدیث
شریفندن مأخوذ اولوب معناسی واضحاً ظاهر در . آراق بشقه یولده
معنی ویریلوب دیگر صورته اجتهاده جواز شرعی یوقدر . چونکه
اجتهادك صحتی اصول وفروعه نص شارع بولنماسیله مشروطدر .

§

نص ؛ لغتده واضحاً ظهور معناسنده در . اصطلاحه کلنجه : نظم
قرآن وحدیث معنایه دلالتی اعتباریله سکنز درلودر . دردی مراتب
ظهور ودیگر دردی مراتب خفا جهتیله در .

مراتب ظهور جهتیله اولان اقسام اربعه دن برنجیسی « ظاهر » درکه
مجرد صیغه سنی استماع ایله معناسی متضخ اولور .

ایکنجیسی : « نص » درکه ، معناسنك ظهوری حضرت شارعك
نصب ایتدیکی قرینه دن نشأت ایدر . بویکی قسمك تأویل و یا تخصیصه
ونسخه احتمالی اولور .

اوچنجیسی : « مفسر » درکه لاحق اولان بیان تفسیر و یا بیان
تغییر ایله معناسنك وضوحی برقات دها مزداد اولوب تأویل و یا
تخصیصه احتمالی قالمز . نسخه متحملدر .

در دنجیسی: « محکم » در که وضوحی تام اولمغله برابر نسخه دخی
احتمالی بولنمز .

مراتب خفا جهتیه حاصل اولان اقسام اربعه دن برنجیسی
« خفی » در که معناسی نفسنده اولمیان بر سبب عارضه مبنی مشتبیه اولور .
ایکنجیسی « مشکل » در که مجرد صیغه سنی ایشتمکله معناسی ظاهر
اولمیوب انجق تأمل ایله ادرا کی ممکن اولور .

اوچنجیسی « محال » در که معناسی تأمل ایله ادراک ممکن اولمیوب
بیان وایضاح ایدلمسی مأمول بولنور .

در دنجیسی « متشابه » در که تأمل ایله ادرا کی ممکن اولمدیغی کی
بیان وایضاح ایدلمسی دخی مأمول اولمز .

نص ؛ عند الفقهها معنای سالف الذکرده مستعمل اولدیغی کی اجاع
وقیاس مقابلنده دخی استعمال اولنور . مطلق لفظ اوزر بنده اطلاق
اولنور ، زیرا قول حاله نسبتله زیاده وضوحی مشتملدر .

معناسنک ظهوری حضرت شارعک نصب ایتدیکی قریندن نشئت
ایتمسینه نظراً مورد نصده اجتهاده مساع اولمیغجه آندن ده قوی
اولان نظم مفسر و محکمه دخی اجتهاده مساع اولمدیغی اولویتله
نابتدر . نظم ظاهرک معناسی دخی آشکار اولمغله محتاج اجتهاد دکلدر .
بنابرین ماده مشروحده واقع [نص] کله سنندن مقصد مراتب ظهورده
مستعمل نظم قرآن وحیث اولمسئله شو حالده نص ؛ قرآن کریم
وحیث شریفده وارد اولوب معناسنده اصلاً شبه اولمیان کلام
ودلیل و حجت وبرهان دیمکدر . §

اجتهاد ؛ لغتده پک چوق چالشمق معناسنده در . اصطلاحده مجتهدک
بر حکم شرعی فرعی بی دلیل شرعی سنندن استباط خصوصنده ده

ایلهری کیتمکدن عجزینی ا کلا بنجهیه قدر تام قوتی صرف ایتسیدر .
 اجتهدک حکمی ؛ افاده ایتدیکی حکمد خطا احتمالی اولمغله برابر
 غلبه ظنذر ، نصاً وارد اولان نظمک مدله لی ایسه ظهور و وضوح ایله
 حکم شرعی قطعی بی محتویدر . مجتهدک خطایه محتمل اولان
 اجتهدی ایله حکم قطعی بی مبین نص شرعی تبدیل و تغییر ایدیله من .
 زیرا شک ایله یقین زائل اولمز . بناء علیه مورد نصده اجتهدده مساع
 یو قدر . فقط مراتب خفاده وارد اولان نظم محتاج ایضاح اولمغله
 بونلرده اجتهد مساع واردر .

۱۵ ماده علی خلاف القیاس ثابت اولان شی سائرده

مقیس علیه اولمز .

مثلاً : برخانه نك سکناسی مقابله بر بستان استیجار اولنده بیلور
 ۴۶۳ لکن برخانه نك سکناسی مقابله اجرت دیو ویریلان ملک
 بستانده شفعه جریان اتمز ۱۰۲۵

چونکه کتاب البیوعک باب ثانیسنک فصل اول وثانیسی مندر جاتندن
 مستبان اوله جفی اوزره حین بیعه مبعک موجود و تسلیمی ممکن و مقدور
 و مال مقوم اولسی انقضاء بیعک معقود علیه راجع شرائطندن اولوب مذکور
 شرطلر کند یسنده بولغیان بیعک بطلانی طبیعیدر . حال بوکه اجاره ده معقود
 علیه که انشاء منفعتدر حین عقدده معدوم اولدیغندن و تسلیمی ممکن و مقدور
 و کند یسی مال اولدیغندن قیاساً اجاره نك باطل اولسی لازمدر . انجق
 بوکارگاه عجیب الصنایعه هر کس یکدیگر نك تناسر و تعاونده و خصوصیه
 فقیر غنی نك مالنه و غنی فقیرک عملنه محتاج اولدیغنه و حاجت ناس دخی
 عقود شرعیده اصل ایدوکنه بناءً اجاره معامله سی ناسک احتیاجی

دفع ایچون علی خلاف القیاس استحصاناً تجویز اولندیغندن ۶۳ نجی ماده ده
بیان قلندیغی وجهله بیعه ثمن اولغنه صالح اولان شی اجاره ده
بدل اولغنه صالح اولدیغی کی ثمن اولغنه صالح اولیان شیلر یعنی اعیان
و منافع دخی بدل اجاره اوله بیاور . بناءً علیه مثلاًك جزء اولی وجهله
[بر خانه نك سکناسی مقابلنده بر بستان استیجار اولنه بیاور] یعنی
منفعت منفعت مقابلنده بیع اوله بیاور .

لکن علی خلاف القیاس ثابت اولان شیئك قیاساً عدم جوازی
لازم کلور ایدی تجویزی ضرورتدن ناشیر . ضرورتلر کندی مقدار
لرجه تقدیر اولندیغندن ۲۲ علی خلاف القیاس ثابت اولان شی موردینه
مقصور و منحصر اولق کلور . شو حالده مادامک اجاره ده منافع ثمن اولیور
بوصورتده مثلاًك جزء نایسنده بیان قلندیغی وجهله بر خانه نك سکناسی
مقابلنده اجرت دیو ویریلان ملك بستانك ثمنی خانه نك سکناسی یعنی
منفعی اولغنه مذکور ملك بستانده شفعه جریان ایتسون دینله من چونکه
۱۰۲۵ . نجی ماده حکمنجه شرط شفعه دن بریده بدلك معلوم المقدار
مال اولمسیدر . بناءً علیه مال اولیان بدل ایله عملک اولنان عقارده
شفعه جاری اولمز زیرا علی خلاف القیاس ثابت اولان شی سائر مقیس
علیه اولمز سائر مقیس علیه اولسه قیاساً لازم کلان شیئك مثلاًشفعه ده
بدلك معلوم المقدار مال اولمی حقتند کی شرطك بطلافی لازم کلور
بوده جائز دکلدر زیرا فرع اصلی ابطال ایده من خصوصیه قیاسدن
مقصود مقیس علیک حکمنک تعمیمی اولوب ابطالی دکلدر .
قیاسك تعریف و اقسام و احکامی مدخلک ایکنجی بابنده ذکر و تفصیل
اولمشدر .

۱۶ ماده اجتهاد ایله اجتهاد نقض اولمز .

یعنی مجتهدیندن بری بر حادثه ده بر درلو اجتهاد و حکم ایتد کدن
صکره دیگر مجتهد مثلی حادثه ده بشقه درلو اجتهاد و حکم ایتسه « فلان
مجتهد بویله بر مسئله حقنده شویله اجتهاد و حکم ایتشدر . » دینلهرک
اولکی مجتهدک اجتهادی و حکمی نقض اولمز .

کذلک بشقه بشقه اولیوب بر مجتهد بر مسئله ده بر درلو اجتهاد ایتدرک
انکله عمل و بر حادثه ده اول اجتهادی موجبجه حکم ایتد کدن صکره مثلی
مسئله حادثه ده بشقه درلو اجتهاد و حکم ایتسه اجتهادی تبدل ایتدیکندن
طولایی اولکی اجتهادینی وانک موجبجه ویرمش اولدینی حکم منتقض
اولمز . خلاصه بر مجتهدک اجتهادینی نه دیکری نه ده کنیدیسی نقض ایده من .

بو سببه مبنیدرکه مذهب حنفی اوزره لاحق اولان احکام شرعیه
شافعی المذهب اولان حاکم لطفندن کنندی مذهب لرینه مخالف کورملریله
نقض اولنه میه جفی کبی حاکم حنفینک ائمه حنفیدن مثلاً امام اعظمک
اجتهادی موجبجه بر حادثه ده حکم ایتد کدن صکره مثلی حادثه بی امامینک
یا خود برینک اجتهادی وجهله حکم و قضا ایلسه بوقضاسیله اولکی حکمی
منتقض اولمز اوده نافذ و مرعی الاجرادر .

ینه بو حکمته مبنیدرکه علی العموم محاکم شرعیه و نظامیه دولت
علیه دن ویریلان حکملرک نقض و فسخی و اعاده محاکمه بی موجب اسباب
بولند قجه کرک حکمی ویرن محکمه و کرک عین درجه ده ویا فوقنده کی
محاکم طرفندن مجرد « فلان محکمه دن بویله بر مسئله حقنده بشقه یوله
حکم ویرلشدر . بناءً علیه بوایکنجی حکم نافذ و مرعی الاجرا اوله من »
دینلهرک نقض و فسخ و اعاده محاکمه ایدیله من .

چونکه ۱۴ نجی ماده شرحنده بیان قلندینی وجهله اجتهادک
حکمی غلبه ظندن عبارت اولدیفندن خطا اولق احتمالی واردر .

رایلر ایسه مشترکدر . یعنی بر مسئله ده ایکی رأیدن برینک دیکری
اوزرینه مزیتی یوقدر . برنجی اجتهادك خطا اولسی محتمل اولدیغی
کی ایکنجی اجتهاده دخی بو احتمال واردر . اجتهادات كرك بر
كرك متعدد مجتهدلر طرفندن ایدلمش اولسون خصوصیه اجتهاد اول
موجبجه حکم اولنش ایسه بو اجتهاد حکم واقع ایله تقویت ایدر .

§

لکن اجتهادك مشروعیتی شروطنی جامع اولمغله مشروط ایدوکندن
شروطنی جامع اولمایان اجتهادك خطاسی ظاهر اولمغله وخطاسی
ظاهر اولان ظنه قاعده اعتبار اولمغه جغنه مبنی بویله بر اجتهاد
شروطنی جامع اجتهاد ایله نقض اولنور .

مثلاً بر ملک قسمت قضا ایله حکماً تقسیم اولندقدن صکره قسمته
غبن فاحش اولدیغی تبین ایدر ایسه فسخ اولنهرق تکرار قسمت عادلّه
ایله تقسیم اولنور ۱۱۶۰ مادامکه برنجی قسمت ، قضا ایله تقویت
ایتمشدر . اجتهاد ایله اجتهاد نقض اولنمز قاعده سنه بناء فسخیله تکرار
تقسیمی غیر جائزدر دنیله من . چونکه اجتهادك مشروعیتی شروطنی
جامع اولمغله مشروطدر قسمتك دخی عادلانه اولسی شرطدر ۱۱۲۷
غبن فاحش ضرر بین اولمغله عدله مغایر وازالهی واجب اولدیغندن
خطاسی ظاهر اولان قسمت اول فسخ اولنهرق تکرار قسمت عادلّه ایله
تقسیم اولنور .

محاکمندن ویریلان حکملرده دخی بویله معامله اولنور . یعنی بر
حکمه اعاده محاکمه ویا فسخ ویاخود نقضی موجب بر سبب اصولنه
توفیقاً تبین ایتدکه محاکمه اعاده ویا استیناف ویاخود تمیز ایدیلهرک
حکم واقع فسخ ویا نقض اولنور .

مجتهدین متعدد و مسائل مجتهد فیها متنوع و کثیر اولدیفندن حکام
هر بری بر مجتهدک رأیله عمل ایتدکده اجتہاد ایله اجتہاد نقض اولنمز
قاعدہ سنه بناءً عین مسائل حقیقه یکدیگرینه مخالف و بریلان حکم لک
نافذ و مرعی الاجرا اولسی لازم کله جکندن حکم لریننده جهت وحدت
بولنق ایچون محاکم شرعیه جه مذهب حنفیدن مفتابه اولان مسائل
شرعیه تطبیقاً حکم اعطاسی اوتدنبرو اصول اتخاذا ایدلدیکی کی قضاء
بعض خصوصیاتک استثناسیمیه تقید و تخصص ایده جکی ۱۸۰۱ جهته
مجله جوعیتک مضبطه معلومده سنده بیان قانددینی و جهله مسائل مجتهد
فیاده امام المسلمین حضرتلری هر قننی قول ایله عمل اولنق اوزره امر
ایدرسه موجبجه عمل اولنق واجب اولدیفندن محاکمه مسائل
مجتهد فیادن اشبو مجله ده قننی مسئله ذکر و بیان اولنش ایسه آنک
موجبیه حکم اولنده رق مسئله دیگره تطبیقاً حکم ویریه من مثلاً
استصناع منعقد اولدقدن صکره مصنوع تعریفه موافق اولماق کی
برسبب مشروع اولدقجه طرفینک بازارلقدن دونه میه جکی ۳۹۲ نجی
ماده ده محرردر . بو ایسه امام ابو یوسف رحمة الله علیک قولیدر .
حکام بوماده یه تطبیق معاملیه مجبور اولوب امام اعظم رضی الله عنک
اجتهادینه کوره استصناعاً منعقد اولان یعدن مستصنع هر حالده رجوع
ایده بیلور دیرک مصنوعک تعریفه عدم موافقتی کی برسبب اولمقسرین
مستصنعک رجوعیه عقد استصناعک فسخنه حکم ایده من . خلاصه
تبعه اوزرینه تصرف مصلحتیه منوط اولدیفندن امام المسلمین حضرتلری
مسائل مجتهد فیاده هر قننی قول ایله عمل ایدلسنی امر ایدر ایسه
مصلحت انده دیمک اولمسیله دیگر قول ایله حکم و عمل ممنوع اولور .

۱۷ ماده مشقت تیسیری جلب ایدر .

یعنی صعوبت سبب تسهیل اولور و طارلق وقتنده وسعت کوسترملک لازم کاور . قرض وحواله و حجر کبی پک چوق احکام فقهیه بو اصله مقررعدر وقفهائک احکام شرعیه ده کوستردکاری رخص و تخفیفات هب بو قاعده دن استخراج اولمشدر .

رخص ؛ رخصتک جمعیدر . رخصت ؛ ائتمده مساعدده و مأذونیت معناسنه اولوب اصطلاحده ؛ معذور اولمان کیسه حقنده تجویز اولنمان برشیده معذور اولان آدمه اولمان مساعدده و مأذونیتدر . تخفیفات ؛ تخفیفک جمعی اولوب رخص اوزرینه معطوف وانی مؤیددر .

۱۶۶۰ ، ۱۶۶۱ ، ۱۶۶۲ نجی ماده لرده بیان قلنان مدتلردن صکره دعوی استماع اولمز ایکن ۱۶۶۳ نجی ماده ده تصریح اولندیغی وجهله مدعینک وصیسی بولنسون بولنسون صغیر یا مجنون یا معتوه اولسی یا خود مدت سفر اولان آخر دیارده بولنسی و یا خود خصمنک متغلبه دن اولسی کبی اعذار شرعیه دن بریله مرور ایدن زمانه اعتبار اولنیوب مرور زمانک مبدئی عذرک زوال و اندفاعی تاریخندن اعتبار اولنور مثلاً بر کیسه نك حال صغرنده کچن زمانه اعتبار اولنیوب مرور زمان انحق حد بلوغه واصل اولدیغی تاریخندن معتبردر .

جناب حَقِّک « و ما جعل علیکم فی الدین من حرج — یرید الله بکم الیسر ولا یرید بکم العسر » آیت جلیله لری ونبی ذیشانک « لا حرج فی الدین — احب الدین الی الله تعالی الخفیة السمحة السهلة » حدیث شریف لری احکام منجه امر دین و شرع مبین عسر و صعوبته مبنی اولیوب یسر و سهولته مبتیدر یعنی الله تعالی امر دینی تصعب ایتیموب قولالرینک کرك عبادات كرك معاملاتجه احتیاج و مضایقه و ضرورتلرینک اندفاعی

ضمننده يك چوق وسعتلر احسان ايلش و بوجهتله امور عبادك تسهيلاتى
ايچون طارلق وقتنده وسعت كوستراسى لزومنى ارايه و اراده بيور مشدر.
بو كا بناء فقهاى عظام طرفندن [مشقت تيسيرى جلب ايدر] قاعدهسى
وضع اولنمشدر.

خالق تعالى انسانى استعداد و حواسجه مساوى صورتده خلق
بيور مشدر و بينلرنده متعدد رابطه و جهت وحدت واردر هر نه قدر
هر كسك مقصدى بر بشقه يولده ايسده ينه يكدى كرينه مربوطدر
بو حالده اتحاد و شركت طبيعت انسانيه اقتضاسندن اولمغه انسانه « مدنى
بالطبع » دينلور بناء عليه انسانلرك حيوانات سائر كه منفرداً يشايه ميوب
جمعيت حالنده بولنلرى طبيعتلرى اقتضاسندن اولديغى كه انسانلر
هر نقدر قواى جسمانيه و روحانيه جه حيوانات سائر دن ممتاز و طبيعة
حائز اولدقلى قابليت جهتله استعداد نامتناهى يه مالك ايسه لرده خلقتلرى
اقتضاسنجه غايت ضعيف و عاجز اوله رق عالم شهوده كلوب ابتدا ابو ينك
معاونتته محتاج اولور لر و بيود كجه احتياجلىر دخی بالنسبة ترايد ايدر ك
هر نه حال و مسلكده بولنور لر ايسه بولونسونلر دائماً يكدى كرينك معاونتته
مظهر اولدقجه كسب كال ايدمهزلر بو حالده انسانلر امور و معاملاتده غيريدن
استعانه يه محتاج بولندقلى كه غيرك ملكى ايله انتفاعه دخی محتاجدر لر.
مثلا برداين مديونى ذمتنده كى حقى صاعلم واسلم بر صورتته ربط ايدمه
بيلمكه محتاج بولنديغى كه حقى مديونك غيريدن دخی استيفايه محتاجدر
كذلك حق و مطلوبنك كاملاً اخذينه موفق اوله مديغى تقديرده دينك
بر مقدارينى ويا كليسى اسقاط ايدمه بيلمكه دخی محتاجدر .

زير اهر كسك انتفاعى كندى مالنه و ماملركنه استيفاي حقوقى من عليه الدينه
واندن كاملاً اخذ ايتمنه و تعاطى امور و تمشيت خصوصى دخی كندى
نفسه محصور و منحصر اوليدى و اولو جهله مكلف بولنه ايدى مصالح و امورى

مشكلات عظيمه دوچار اوله جنی وحقيله احتیاجاتی دفع اید: میه جکی
 بدیدار ایدی بناءً علی ذلک اشبو مشکلات و احتیاجاتک دفعی ضممنده
 اجاره، اعاره، قرض طریقله غیرک ماليله انتفاعک وکالت، ایداع، شرکت،
 مضاربه، مزاعره، مسااقات، حواله جهتلیله غیریدن استعانه
 واستیفانک، رهن، کفیل ایله توثیق علی الدینک، صلح، ابرایله
 دخی دینک بعض ویا کلیسی استقاطک اباحه و مشروعیتله خلقتک امور
 وخصوصلری تسهیل و تیسیر و دائره معاملاتی توسیع ایدلمشدر. سلم،
 بیع بالوفا و بالعوم صبیان و مجانین حققرنده کی رخص و تخفیفات دخی
 بو حکم و اساسه مستندر . §

اسباب تخفیف بدیدر. برنجیسی سفردر. بوده ایکی نوع اولوب
 نوع اول سیر معتدل ایله اقلی اوچ کونلک یعنی اون سکز ساعتک که
 تقریباً ۹۰ کیلو مترو مسافده بولمقدردر. بومدت بالاده محرر مثاله
 بیان قلندیغی وجهله اسباب معذرت عد اولنهرق ارده کچن زمان
 دعوانک استعانه مانع اولمز. ۱۶۶۳، ۱۶۶۴

نوع ثانی اون سکز ساعتک مسافدن قریب محله بولمقدردر. بومدتک
 مرور زمانه مانع اولمق کبی معاملاتده تأثیری اوله من ایسه ده مسافر
 اولان کیسه نک جمعه نمازینی و جماعتی ترک ایتمسنه مساعدده اولمق کبی فقهک
 عبادات قسمنده تأثیری واردر .

ایکنجیسی مرضه در که مریض اولان کیسه مرضنک شدتلمسندن
 خوف و احتراز ایتدیکی حالده تیم ایده بیلمسنه و رمضانده اورج طو-
 تمامسنه مساعدده اولمق کبی علی الاطلاق احکام عباداتده باعث تخفیف
 اولوب احکام معاملاتده ایسه مرض، موته متصل اولدیغی حالده
 اسباب جردن عد اولنور .

بناءً علیه بر کیمسه نك حال صحتمند اقرار ایتدیکی دینی ، مرض
موتنده اقرار ایتدیکی دینی اوزرینه تقدیم اولنور . ۱۶۰۲ وارثه دین
ویاعین اقراری ویاخود ثاث مالندن زیاده سی حقننده وصیتی دیگر
ورثه مجیز اولمقدجه صحیح اولمز . ۱۵۹۸

اوچنجیسی اکراهدر . ایکی نوع اولوب برینه اکراه معتبر و دیگرینه
اکراه غیر معتبر دینور . ۱۰۰۳ ، ۱۰۰۴ ، ۱۰۰۵ نجی ماده لرده
محور شرائطی جامع اولان اکراه معتبر اسباب تخفیفیه دن معدود اولوب
دیگری اسباب تخفیفیه دن دکلدر انکیچون غیر معتبردر .

اکراه معتبر ایکی یه ، منقسم اولوب برینه اکراه ملجی ، دیگرینه اکراه
غیر ملجی دینور ۱۹۴۹ اکراه ملجی هم تصرفات قولیده همده تصرفات فعلیه ده
معتبردر . یعنی هرایکیسند اسباب تخفیفیه دن اولوب اکراه ملجی ایله
وقوعبولان تصرفات قولیه مثلاً بیع ، شراء ، ایجار ، هبه ، فراغ ، عن مال
صلح ، اقرار ، ابراء ، تأجل دین ، اسقاط شفعه معتبر اولمدیغی کی تصرفات
فعلیه اوزرینه ترتب ایده جك ضمان وعقوبت فاعله ترتب ایتیموب آمر
مجبوره ترتب ایدر . مثلاً بر کیمسه دیگرک مالی اکراه ملجی ایله تلف
ایتسه ضمان آمر مجبوره لازم کلور .

اکراه غیر ملجی ؛ یالکز تصرفات قولیه ده معتبر واسباب تخفیفیه دن
معدوددر .

شوراسنی اخطار ایده لمکه کرک اکراه ملجی اولسون و کرک اکراه
غیر ملجی اولسون مکره اکراه زائل اولدقدن صکره مجیز اولور
ایسه اول حالده اکراه ایله اجرا قلمش اولان تصرفات قولیه کندیسی
حقننده معتبر اولور .

دردنجیسی نسیاندر . بونک اثری احکام عباداتده ظاهر اولور .

احکام معاملاتده اسباب تخفیفه دن عد اولمز .

بشجیسی جهلدر ؛ محل خفاده سبب تخفیف اولوب غیریننده اولمز . مثلاً بر کیسه بر خانه بی استیجار ایتدکدنصکره « بن صغیر ایکن مدرم بو خانه بی بنم ایچون اشترا ایتمش حین استیجارده خبرم یوق ایدی » دیوب موجردن ادعا وبویولده بر قطعه سند ابراز ایاسه دعواسی مسیوع اولور ۱۶۵۵ . فقط مرور زمان بولنان بر دعواده مدعی « مرور زمان مانع دعوی اولدیغنی بیلیموردیم » دیه جک اولور ایسه بو جهل عذر اولمز . بوکا دئر کتاب اخجرده عوارض بحشده دها زیاده ایضا .
حات ویرلدی .

التجیسی عسر و عموم بلویدر . قرض ، شرکت ، صلح ، وکالت ، اجاره ، عاریت و دیعه کی عقودک مشروعیتی هپ عسر و عموم بلوی سییلهدر .

یدنجیسی نقصدر بوده صغیر ، مجنون ، معتوه ، سفیهده اولوب یونلر حقنده کوستریلان رخص و تخفیفات شرعیه نک سبی کندولرنده بولنان نقصاندر .

§

[مشقت تیسیری جلب ایدر] قاعده سی مطلق اولیوب حقنده نص اولمیان مواده جاریدر امانص-وص علیه اولان مواده حکم نص هرته ایسه انک یرینه کتوراسی ایجاب ایدر .

۱۸ ماده بر ایش ضیق اولدقده متسع اولور .

مثلاً بر صبی دیکرک مالی اتلاف ایتسه کندو مالندن ضمان لازم کلور مالی یوق ایسه حال یسرینه انتظار اوانور وایسنه تضمین ایتدیرلمز ۹۱۶ بوماده ماده سابقده محرر قاعده نک فروعاتنددر . وانک کبی منصوص علیه اولمیان مواده جاریدر . [ضیق] دن طاراق و مشقت مراد

اولنوب [متسع اولور] ترکیبی دخی وسعت کرسیتیلور ورخصت ویزیلور مقامنده در بناء علیه برایشده طاراق کورلدکده رخصت ویریلور دیمک اولور نته کیم مثله محرر اولدینی اوزره مالی اولیان صی اوزرینه ترتب ایدن ضمان حال یسرینه تعلیق ایله رخصت ویریلور.

§

بوقاعدنک عکسی اولان «برایش متسع اولدقده ضیق اولور» جمله سی دخی قاعده در. الحاصل حدینی تجاوز ایدن ضدی ایله منعکس اولور.

۱۹ ماده ضرر ومقابله بالضرر یوقدر .

مثلا برکیمسه بغیرحق برینک دیوارینی هدم ایتسه دیوار صاحبنک دخی مقابله اوکیمسه نک بر دیوارینی هدم ایتسی یاخود بشقه بروجهله اضرار ایلسی مشروع اولیبوب ۹۱۸ نجی ماده موجبنجه حکومته بالمرأجه ضررینی ازاله ایتدیرر .

بوقاعده عدالت شرعیدنک دلائل جلیله سنیدن اولان «لاضرر ولاضرار» حدیث شریفندن اخذ اولنش واندن مترجم بولنمشدر . بخاری شریفده محرر اولدینی اوزره عدالت فرمای جهان وجهانیان، مفخر عالمیان ، پیغمبر آخر الزمان صلی الله علیه وسلم افندمن حضرتلری «حجة الوداعده» موقف عرفاتده وایرتسی کونی مناده ایراد بیوردقلری خطبه لرده هرکسک جان ومال وعرضنک حرام اولدینی بیسان ایله تعرضدن مصونیتنی تأمین بیوردی .

خطیب منبر شریعت ، ناشر مناشیر عدالت ، در شهواره خاتم رسالت علیه افضل الصلوة والسلام افندمن حضرتلری هنوز عرفاتده موقفده ایکن [الیوم اکملت لکم دینکم وانمتم علیکم نعمتی ورضیت

لَكُمْ الْإِسْلَامَ دِينًا] آیت کریمه سی نازل اولمشدرکه مال عالیمی « بوکون دینکزی ا کمال ایلدم ونعتمتی اوزریکزه اتمام ایتدم وسرک ایچون دین اسلامی بکندم واختیار ایلدم » دیمکدر.

§

اساسی توحید باری اولان دین اسلامک کالی هرکسک جان و مال و عرضنک تأمینله حاصل و حیات شو تأمینات ایلله قائم اولدیغندن نعمت عظمی اولمغله احکام شرعیه بواساسلره بنا قلمشدر.

شرعه بدایه ضرر جائز اولدیغی کبی مقابله دخی ضرر جائز دکلدر . و ضررک بقدر الامکان ازاله سی واجبددر . بناء علیه برکیسه متضرر اولمغله آخره ضرر اتمک صلاحیتی اوله میوب دوچار اولدیغی ضررک ازاله سی چاره سنه تثبیت لازمدر شوبله که :

ضرر آسایش عمومی به تعلق ایتمیوب جزئیاتدن اولور و ایقاع ضرر ایدن کیسه متضرری حکومته مراجعت ایتسنه حاجت براققرین ارضا ایدر ایسه رضا دعوایه منافی اولدیغندن ارتق مسئله ختام پذیر اولور . لکن ضرر واقع آسایش عمومی به تأثیر ایدر و یا خود آسایش عمومی به تعلق ایتسه بیله متضرر حقوق شخصیه سندن طولانی محکمه یه و یا بوکی شیرلی رؤیت و تسویه وظیفه سیله مکلف مأمورینه مراجعت ایلر ایسه حکومت معرفتیه ازاله اولور .

بویله اولیوبده هر متضرر بالمقابله ایقاع ضرره قیام ایتسه افراد بیننده خصومت و عداوت دوام ایدر طورر . و بوضورتله بین الافراد امنیتسزک تکثر و تعمم ایدرک آسایش عامه و انتظام احوال و اداره بی آدمه کلی خلال طاری اولور . بوایه نوع بشرک خلقتنده اولان مقصد الهی یه و کسندولری ایچون خلقتلرندن بکسکری مقصده مغایر اولور . بنابرین متضرر اولان کیسه حکومته مراجعت ایتیبده بالمقابله

ضرر ایقاع ایتدیکی تقدیرده برنجیسی ایکنجیسی وایکنجیسی برنجی فی
 اضرار ایلدیکندن طولای خلاف شرع حرکانه بولنش اوله جققرندن
 اولاً عندالله ثانیاً حکومتجه مسئول اولورلر . §

مأمورین حکومتجه ازاله ضررده فعله نظر اولنور . مستلزم جزا
 دکل ایسه ۲۰ نجی ماده ایله متفرعانه و مجلهده مندرج مواد ایله حقوقه
 متعلق مسائل سائر شرعیه و قانونیه احکامنه توفیقاً اصولی دائره سنده
 ضرر ازاله ایتدیریلور . مثلاً بری دیکرینک مالی غصب ایتش ایسه
 موجود اولدینی حالده غاصبدن اخذ ایله صاحبنه ویریلور . تلف
 اولش ایسه مثلی ویا قیمتی تضمین ایتدیریلور .

ضرر واقع جزائی مستلزم ایسه متضررک حقوق شخصیه سی تضمین
 ایتدیرلمکله برابر ایقاع ضرر ایدن حقنده لازم کلان معامله جزائی
 دخی اصول و قانونه توفیقاً تعیین واجرا قلنور . §

ایقاع ضرر ایدن کیسه یی جزا اندیرمق؛ حقنده ضرر اولمقله قاعده مشرو
 حه یه مغایر کی کورینور ایسه ده تعیین جزادن مقصد بر شخصه مجرد
 اذا وجفا اولیوب منافع عمومیه یی تأمین ایچون عبرة للسائرین اجرا
 قلنه جغندن حقیقته ضرر اولیوب محض منفعدر . وشو حکمتی
 « وَلَكُمْ فِي الْقِصَاصِ حِكْمَةٌ » آیت کریمه سی واضحاً میندر . زیرا اشخاصک
 نفسنه ترتب ایدن جزا لک آغری قصاص اولوب قصاصده ایسه
 انسانلر ایچون حیات واردر .

شو حالده [ضرر و مقابله بالضرر یوقدر] قاعده سی عام مخصوص
 اولش اولور :

۲۰ ماده ضرر ازاله اولنور .

مثلاً بر کیمسه نك صوقو ییسی قربنده قومشوسی بر کنیف یا کاریز
یا بوبده اول قوینك صوینی افساد ایاسه ضرری دفع ایتدیریلور . و بر
وجهله دفع ضرری قابل اولمز ایاسه او کنیف یا کاریز قپاندیریلور . ۱۲۱۲
بو ماده ماده سابقه ده محرر قاعده نك اسباب موجبہ سی مقامندہ در
یعنی ضرر و مقابله بالضرر یوقدر زیرا ضرر ازاله اولنور چونکہ
حد ذاتندہ واجب الازاله در دیمك اولمغله اس اساس قواعد در .
کذلک ماده سابقه دخی بو ماده نك اسباب موجبہ سی عد اولنه بیلور
یعنی ضرر ازاله اولنور زیرا ضرر و مقابله بالضرر یوقدر دینلور .
حاصلی بو ایکی ماده [لا ضرر ولا ضرار] حدیث شریفندن
مستفاد اولوب یکدیگری نك متممیدر . و بو قاعده ایله مشقت تیسیری
جلب ایدر قاعده سی متحددر یعنی بری دیگرینی تصدیق ایدر یا خود
بری دیگرندہ داخلد . و بو قاعده ایله متفرعاتی دخی مشقت تیسیری
جلب ایدر قاعده سی کبی مخصوص علیه اولان موادك غیری ده جاریدر .
وزیرد، محرر ۲۱، ۲۲، ۲۳، ۲۴، ۲۵، ۲۶، ۲۷، ۲۸، ۲۹، ۳۰،
۳۱، ۳۲ نجی ماده لر بو قاعده نك متفرعاتندن اولدینی کبی ۵۴۵، ۵۴۶،
۵۴۸، ۵۵۲، ۵۵۶، ۵۵۷، ۵۹۴، ۶۰۲، ۶۰۳، ۶۰۴، ۶۰۶، ۶۰۷،
۶۰۸، ۶۱۱، ۸۹۱، ۹۱۲، ۹۱۳، ۹۱۴، ۹۱۶ نجی ماده لردہ بیان
قلنان ضمان متلفات ۱۲۰۰، ۱۲۰۱، ۱۲۰۲، ۱۲۰۶، ۱۲۱۲، ۱۲۱۴
نجی ماده لردہ محرر مسائل حیطان هپ بو قاعده یه متفرعدر . و شرائطی
متممق اولدینی صورتده قسمت و یا مہایاتہ جبر ، انواع خیارات ،
شفہہ ، ائمہ و قضات نصبی کبی پك چوق احکام شرعیہ دخی بو قاعده دن
استخراج اولمشدر .

۲۱ ماده ضرور تار ممنوع اولان شیلری مباح قیلار .

مثلاً بر کیمسه دیگره « فلانك مانی اتلاف ایت یوخسه سنی قتل
ایدرم یاخود بر عضوکی کسرم » دیوبده مکره دخی اتلاف ایتسه اکراه
معتبر اولوب ضمان انجق مجبره لازم کلور . ۱۰۰۷

اون طقوزنجی مادهده بیان قلندیخی وجهله ضرر ومقابله بالضرر
بو قدر بناء علیه هیچ بر کیمسه دیگرینك مانی اتلافه صلاحیتی اوله منه
انجق کتاب الاکراهك باب ثانیسنده محور شرائطی جامع اوله رق
آمر مجبرك امرینی مکرهك یرینه کتور مامسی؛ قتل ایدلمسی و یا عضوینك
کسلسی کی مشقتی مستلزم اولور مشقت دخی تیسیری جلب ایده جکندن
مکره حقنده غیرك مانی تلف مباح اولور. واضطرار غیرك حقنی ابطال
ایتمه جکندن ضمان مجبره لازم کلور .

بو حالده مواقع ضرورت قواعد شرعیهدن مستثنی اولمغله ضرورت
وقتنده ممنوع اولان شیلره مباح نظریله باقلمسی یعنی مباح حکمی
اجراسی اقتضا ایدر . زیرا مشقت تیسیری جلب ایدر فقط بوده
مطلق اولوب زیرده کی ماده وجهله ضرورتلر کندو مقدارلرنجه تقدیر
اولنور . و ۲۳ نجی ماده حکمنجه اضطرار غیرك حقنی ابطال ایتمز .
۲۲ ماده ضرورتلر کندو مقدارلرنجه تقدیر اولنور .

مثلاً ایکی خانه بیننده کی دیوار مهردم اولوبده باندن دیگرینك مقر
نسوان اولان محلی کورینور اولدیخی جهتله برینك صاحبی مشترکاً
دیواری بنا ایتمک ایستدیکی حالده دیگرینك صاحبی امتناع ایلمسه بنایه
جبر اولمز فقط تحتهدن یاخود سائر نسنهدن بالاشتراك ینلرنده بر ستره
انحاذ ایتملری ایچون حاکم طرفندن جبر اولنور . ۱۳۱۷

کتاب الشریکتك باب خامسنك فصل اولی مند جانتدن اطرافيله
اکلاشيله جنی وجهله شریکک عمارت اوزرینه جبر اولمغلسی قاعدهدن

ایسه ده مثالده محرر اولدینی وجهله مسلم و یا غیر مسلم هر کیم اولولور سه اولسون مقرر نسوان اولان محلتك قومشوسی طرفندن کورلمسی حقنده ضرر اولدینی کبی آداب و اخلاق عمومیه دخی مغایر ایدوکنه و حکامك ولایت عامدسی حسیله اخلاق و آداب عمومی محافظه یه مأموریتلری بولندیغنه و ضرورتلر ممنوع اولان شیلری مباح قیله حفته بناءً [شریک عمارت اوزرینه جبر اولمز] قاعده سندن بالاستقنا مشترکاً برستره اتخاذاً اتمك اوزره حاکم طرفندن جبر اولنور .

انجق حاکم جبر ایتسی مانع آداب اولان حاکم رفعی لزومندن تولد ایتدیکی جهتله جبرك درجه سی دخی مقصد ایله مناسب اولاق ایجاب ایده جکندن مثلاً تحت پرده انشاسی حصول مقصده کافی لیکن طاش دیوار یا بلیق اوزره جبره حاکمك صلاحیتی اولمز هر حالده ضرورتلر کندو مقدار لر نجه تقدیر اولنور . ۴۳۷ ، ۱۲۰۲ ، ۱۳۱۷ ، ۱۶۸۵ نجی ماده لر دخی بوقاعده یه متفرعدر . §

ضرورتلر کندو مقدار لر نجه تقدیر اولنور قاعده سندن مقصد « برای ضرورت مباح قلنان شی ضرورت مقداری ایله تقدیر اولنور » دیمکدر . چونکه ضرورت ؛ آجلق کبی یا امر سماوی اولور یا خودا کراه کبی امر غیر سماوی اولور . ایکی صورتده دخی ضرورت ؛ دوچار ضرورت اولان ایچون امر اختیاری اولدیغندن تقدیر و تحدیدی مقصور دکلدر . کورلمیزی که آجلق حد ذاتنده و غیر اختیاری اوله رق اجاغه دوچار اولانده نقدر حاصل اولمش ایسه اولقدر اولوب انك درجه سی تحدید ، و تنقیص قلنده من . اما آجلق ضرورتیله ثابت اولان — غیرك مالی بلا اذن اخذ ایده یلمك — جوازی تحدید اولانه ییلور . شو حالده قاعده مبسوطه ماده سابقه ده محرر قاعده یی تقید و تخصیص

ایدرده « ضرورتلر ممنوع اولان شیلرک ازاله ضرورت ایده جک
مقدارینی مباح قیلار » دیعک اولور و بو صورتده برای ضرورت تجویز
اولان شی یالکیز دفع ضرورت ایده جک قدر ایشلنیه بیلوب یوقسه
ضرورت وسیله سیله اندن زیاده سی ایشلنیه من . §

بو بایده بش مرتبه تصور اولتور .

۱ اضطرار ؛ یعنی مضطر اولان کیسه نك ممنوعی تناول ایتدیکی
تقدیرده هلاک فی مستلزم حالدر . ضرورتک بودرجه سی حرام
و ممنوعک تناولنی مباح قیلار .

۲ حاجت ؛ مضطر اولان کیسه نك ییه جک بوله مسه تلف اولز
ایسه ده جهد و مشقته دوچار اولسیدر . بو مشقت حرامی مباح قیلز
ایسه ده صاعه « فطری » مباح قیلار .

۳ منفعت : لجم غنی ایستک ایدنک ارزوسی کی .

۴ زینت ؛ طاتی و میوه لری ارزو ایدنلرک ایستکی کی .

۵ فضول ؛ اکل حرام و شبهه ایله توسع ایتمکدر .

مثلا برکیسه آجلقدن هلاک اولمه مرتبه سنه وارمش دکل ایکن
مجرد قیون اتی ، طاتی و میوه لری جانی ایستمکله بلا اذن دیکرک
مالندن بونلری آله من آله غایب و فعل ممنوعی مرتکب اوله جقندن
آرزو و خواهشندن بختله [ضرورتلر ممنوع اولان شیلری مباح قیلار]
قاعده سنه بنای مدعا ایده من . زیرا برای ضرورت مباح قلنان شی
ضرورت مقداری ایله تقدیر اولور . بو اوچ مرتبه ده ایسه اباحه یی
موجب اوله جق ضرورت یوقدر .

۲۳ ماده برعذر ایچون جائز اولان شی اول عذرک

زوایله باطل اولور .

مثلاً حاکم طرفندن حجر اولنان سفیه کسب صلاح ایتدکده حجری
فک اولنور. ۹۵۸، ۹۹۹

بوماده دخی [ضرر ازاله اولنور] قاعده سنک متفرعاتندن اولوب
ماده سابقده محرر [ضرورتلر کندی مقدارلرنجه تقدیر اولنور]
قاعده سنه قریب بر قاعده در.

۹۵۸ نجی ماده شرحنده ایضاح اولندیغی وجهله سفهانک
سفاهتندن طولای کرک کندولرینه کرک بشقه لرینه ایراث ایده جکلری
ضرری ازاله ایچون حاکم طرفندن حجر اولنه بیلورلر ایسه ده کسب
صلاح ایتدکلرنده حجرلرینک فکی لازم کلور. زیرا سفهای تصرفات
قولیه لرندن منع ایتمک یعنی اساساً ضرر اولان برشی حق لرنده اجرا
قیاق سفاهت لرندن طولای ایقاع ایده جکلری ضرری منع ایچون تجویز
اولنوب کسب صلاح ایتدکلرنده منعه لزوم قالمیه جفتندن حجرلرینک فکی
ایجاب ایدر.

الحاصل بر عذر ایچون جائز اولان شی حد ذاتنده غیر جائز ایدی
اول عذر سیبیه جائز اولدی عذر زائل اولدقده سبب جواز قالمیه جفتندن
سبب جائز اولان شیئک دخی باطل اولسی لازم کلوب زیرده کی ماده
موجبجه :

۲۴ ماده مانع زائل اولدقده ممنوع عودت ایدر.

مثال دیگر : بر حیوان اشترا اولنوبده مشتری عندنده خسته اولدقده
فصکره عیب قدیمی میدانده حقیقه مشتریانی بایعه رد ایده میوب ۳۴۶ نجی
ماده موجبجه نقصان ثمن آلور. فقط اول خسته لق زائل اولسه مشتری
عیب قدیمی ایله اول حیوانی بایعه رد ایدر. ۳۴۷

ضرر ازاله اولنور قاعده سنه بناء میبعک عیب قدیمی ظهورنده

مشتري قبول ايله رد پيئنده مخير اولور ايسه ده مشتري عندند مبيع خسته اولوق كي عيب حادث ظهور ايتسه بر ضرر كندى مثلى ايله ازاله اوانه ميوب يا بلا ضرر يا خود كندندن اخف بر ضرر ايله ازاله اولوق اقتضا ايدنه جكندن عيب حادث مانع رد اولغله مشتري بايعدن نقصان ثمن اوله رق ضررى بقدر الامكان ازاله ايدر انجق سالم ديوماش اولدينى عيلى حيوان اننده قاله جكندن مانع رجوع اولان عيب حادث زائل اولدقده مشتري كويا عيب حادث وقوع بولماش كي كافى السابق مخير اولوب ديگر سه نقصان ثمن ايله بالا كتفا بيعى مخير اولور ايستر سه حيوانى اصولى دائره سنده رد ايدوب ثمنك اوست طرفى دخى استرداد ايدر اكر مانع زائل اولدقده ممنوع عودت ايتسه مثال مزبورده بيان قلندينى وجهله عيب حادث زائل اولدقده نصكره معيب اولان حيوانى مشتري نك اعاده ايدنه مامسى لازم كلوب بوده غير جائز در چونكه ضرر ك ازاله سى واجبدر .

۱۸۶۹ ، ۱۵۹۷ ، ۱۵۹۹ ، ۱۶۵۳ ، ۱۶۵۴ ، ۱۶۵۵ ، ۱۶۵۷ نجى ماده لر بوقاعديه مفرددر .

۲۵ ماده بر ضرر كندو مثليه ازاله اولغله .

مثلا بر كيمسه قابل قسمت اولان ملك مشتركى تعمير ايتك ايتسه يوبنده مشاركى امتناع ابتدئى حالده او كيمسه حاكمه مراجعت ايتسه تعميره جبر اوانه من فقط جبراً تقسيم اولنه بيلور ۱۳۱۲

آنف البيان قواعددن مستبان اولديغنه كوره ضرر حد ذاتنده واجب الازاله در بناء عليه بر ضررى كندى مثليه ازاله ايتك جائز اولميان بر شى عيى شى ايله منع ديمك اولوب بودخى باطل اولغله ضرر ك بلا ضرر ازاله سى لازمدر .

نته كيم مثاله محرر اولدينى اوزره قابل قسمت اولان بر خانه نى تعميردن اجتناب ايتك ديكر شريك حقنده ضرر اولدينى كي اجتناب

ایدن شریکی تعمیر ایچون جبرایتمک دخی رضاسنی نفی ایده جکی جهتله انک
حقنده عین ضرر اولدیغندن اجبار اولنه من فقط ملک مشترک تقسیمی
حالده شریکدن هر برینک مال مشترکده اولان حصه شایعه لری تعین
ایدرک منفعلری تکمیل و مالارنده حفظلری تتم اولنه جغندن بوصورته
ضرر اولدقدن بشقه برینک تعمیردن اجتنابی ایله دیکرینه ایراثی ملحوظ
اولان ضرر دخی ازاله ایدیش اولور. §

مع مافیه بعض شیر واردر که بلا ضرر از له سی قابل اوله من بوقوله
احوالده دخی ۲۷ نجی ماده حکمنجه ضرر کندندن اخف بر ضرر
ایله ازاله سی اقتضا ایدر نه کیم مثال محرزده بیان قلنان خانه قابل قسمت
اولز ایسه تعمیری طلبنده بولان کیمسه شریکنک امتناعی اوزرینه
۱۳۱۳ نجی ماده موجبنجه یا حاکمه مراجعتله یا خود بلا استیدان تعمیر
ایدرک شریکنک حصه سنه اصایت ایدن مقداری ماده مذکورده احکامنه
توفیقاً استیفا ایده یلور.

هر نه قدر شریکنک عمارت اوزرینه جبر اولنه مامسی قاعده دن ایسه ده
دیگر شریک تعمیرده مضطر قالمشدر زیرا تعمیر ایدمندیکی حالده ملک
خراب اولور.

واقعاً شریکنک عمارت اوزرینه جبر اولنسی دخی رضاسنی اخلال
ایده جکی جهتله حقنده ضرر ایسه ده امتناعی ایله شریکنه ایراث ایده جکی
ضرره نسبتاً اهنودر.

۲۶ ماده ضرر عامی دفع ایچون ضرر خاص اختیار

اولور.

مثلاً طیب جاهلی منع اتمک یواصلدن تفرع ایدر.

طبيب جاملى اجراى طبابتدن منع ايتىك ، حقننده ضرردر . فقط
مساعده اولدينى تقديرده كنديسنىك جاهلانه تداويسندن بك چوق
مضرتلر تولد ايدىبيلور .

حال بوكه حق حيات وصحتك محافظه سى اهم والزم اولديغندن
بومقوله كيمسلىرى اجراى طبابتدن منع ايتىك حكومتك وظائقندن
اولدينى كى برضررك بلاضرر ازاله سى قابل اوله مدينى حالده ابقاسندن
ايسه كنديسندن اخب برضرر ايله ازاله سى اولادر . بناء عليه ۹۵۸ ،
۹۵۹ ، ۹۶۴ نجى ماده لرده بيان قلندينى وجهله طبيب جاهل ايله سفیه
ومديون اولنلرك جبرى و ۹۱۹ و ۹۲۸ نجى ماده لر حكمنجه حريقك
انقطاعى ايجون برخانهك وطريقه مائل اولان ديوارك هدمى واحتكارك
منعى مثولو احكام شرعيه بوقاعديه مستنددر .

§

ضرر عامى دفع ايجون ضرر عام اختيار اولنمز زيرا ضرر كندى
مثليه ازاله اولنمز .

ضرر عام ؛ عمومه متعلق يعنى بر كوى ويا قصبه ويا خود بر محله ويا
برزقاق اهالىسنه شمولى اولان ؛ ضرر خاص ؛ بر ويا برقاج شخصه
منحصر بولنان ضرردر .

۲۷ ماده ضرر اشد ضرر اخف ايله ازاله اولنور .

مثلا بر كيمسه پذرندن موروث اولان عرصه اوزرينه اول عرصهك
قيمتندن زياته اچقه صرفيله ائيه انشا ايتد كدن صكره برى عرصه مستحق
چيقتسه اول كيمسه عرصهك قيمتى ويروب عرصه بي ضبط ايدر ۹۰۶
ائيه انشا ايدن كيمسه هر نه قدر عرصهك قيمتى ويروب تملك ايدر
ايسه عرصه صاحبي مجبورييت شرعيه مستدا عرصه سنى صاته جفتندن

حقنده ضرر در . انجق اقل اکثره تابع اولسه قیمتی زیاده اولان ابنیه نك
قیمتی آز اولان عرصه یه تابع اولسی لازم کلوب بودخی ابنیه صاحبی
حقنده ضرر در .

ضرر ك بقدر الامكان ازاله سی واجب اولدینی کبی ابنیه صاحبی سبب
شرعی زعمیله بنا ایتدیکندن سوء قصدی بولنه میه جنی جهتله عرصه نك
قیمتی و یروب ضبط ایتسی ضرر اشدك ضرر اخف ایله ازاله سی اولور .
۲۸ ماده ایکی فساد تعارض ایتدکده اخفی ارتکاب
ایله اعظمك چاره سنه باقیلور .

مثلا بر محله ده حریق وقوع بولمغله بر کیسه بر خاندی صاحبنك اذنی
اولقسزین یقوبده اوراده حریق منقطع اولدقده اگر امر اولی الامر
ایله یقیمش ایسه ضمان لازم کلز . واکر خود بخود یقیمش ایسه ضمان
اولور ۹۱۹

خانه نك یقیمسی صاحبی حقنده ضرر ایسه ده یقیمدینی صورتده دخی
حریق توسع ایدرك پك چوق مضرتلر ایراث ایده بیله جکندن شو
صورتله تعارض ایدن ایکی فساددن اخفی ارتکاب یعنی مذکور خاندی
یقیمق ایله اعظم فساد اولان حریقك اطفا سنه چالیشمق اولادر .
مع مافیه حکمت و مصلحت مستنداً رعیه اوزرینه تصرف اولی الامر
اولالره منحصر اولمغله حریقك اوکی النقی ایچون مذکور خاندك
یقیمسی موافق مصلحت اولوب اولدینی تقدیر دخی انلره عائد ایدو .
کندن بر کیسه امر اولی الامر اولقسزین بر خاندی یقیمسه صلاحیتی
اولمیان برایشی ایشلمش اوله جفندن ضمان اولور .

تعارض ایدن فسادك ايکي دخی متوازی و متساوی ايسه دوچار اولان کيسه بوايکدن ديلديکني ارتکاب ايدر . §

قاعده مشروحه [ضرر اشد ضرر اخف ايله ازاله اولور ، اهون شرين اختيار اولنور] قاعده لری ايله مالا متحدر . و شرعاً ارتکاب فساد غير جائز اولديغي حالده ايکي فساد تعارض ايتدکده بريني ارتکاب ضروری اولوب ضرورتلر ايسه کندی مقدار لر نجه تقدير اولنده جغندن و اخفي ارتکاب ايله دفعی ممکن اولان اعظم فسادك ارتکابنده ضرورت بولمديغندن اخفي ارتکاب تجویز اولمشدر .

۲۹ ماده اهون شرين اختيار اولنور .

مثلاً برکيسه نك النده کی الی غرو شلق اینجوسی دوشوبده ديکرك بش غروش قيمتلو طاووغی آنی یوتسه اینجوصاحبی بش غروش و یروب طاووغی آلور . ۹۰۲

اگر طاووغی قيمتيله اله مسه اینجو کیده جکندن متضرر اولور آلسه صاحبی طاووغی صاتمغه مجبور اوله جغندن مجبوریت دخی بونک حقنده ضرر در انجق سالف البیان مواد شرحنده ايضاح اولنديغي وجهله بومقوله خصوصاً نده اهون شريني اختيار اولادر . §

بوماده ۲۸ نجی ماده ايله متحدر و [ضرر ازاله اولنور] قاعده اساسيه سنه مبتئدر .

۳۰ ماده دفع مفاسد جلب منافعدن اولادر .

مثلاً شرکت عقد ايله شريك اولان ايکي کيسه بر معامله نك اجرا ايديلوب ايدلامسنده اختلاف ايتسه عدم اجراسنی افاده ايدنک رأيی ترجیح اولنور .

چونکه اجراسنی بیان ایدن جلب منافم صددنده بولنیور عدم
اجراسنی افاده ایدن مضرت ملحوظه دن توقی ایدیه یور هر نقدر اجرا
ایدیلدیکی صورتده دخی اجرای معامله حالنده مأمول اولان فائده دن
محروم قانورایسه ده کار، ضررک اور تاغی اولدیغندن هرا اجرا ایدیلان
معامله تجاریه دن کار اوله جنی مشکو کدره عدم اجراسی رأینده بولنان
شر بکک در میان ایده چکی مضرت ایسه کاره نسبه یقین درجه سنده در
شک ایله یقین زائل اولیه جغندن معامله بی ترک ایله مأمول اولان
فائده دن کچیلرک مضرت ملحوظه دفع ایدیلور وبوصورتله آهون شرین
اختیار اولور زیرا شرعه منهای مأموراتدن ده ازیاده معتادر و مانع
ایله مقتضی تمارض ایتدکده مانع تقدیم اولور . §

بوماده ۲۸ نجی ماده نك نظیره سیدرو ۱۱۹۲، ۱۲۰۷، ۱۲۰۸ نجی
ماده لر بونك تفرعاتنددر .

۳۱ ماده ضرر بقدر الامکان ازاله اولور .

مثلا مغصوب مستهلك عدديات متفاوته دن اوله رق جنسندن مثليه
تضمینی متعذر اولدوقده مغصوب مستهلكك يوم غصبده اولان قيمتی تضمین
ایله ضرر ازاله اولور ۸۹۱ مغصوب، مستهلك اولدیغندن عیناً رد قابل
اولدیغنی کبی مثلی بولنسه بیله مادامک متفاوتدر مثنی اعطا ایله امر
ایتمک غایب حقه ده ضرر اولوب بالمقابله ضرر دخی جائز اولدیغندن
و ۵۳ نجی ماده حکمنجه اصلک ایفای قابل اولدیغنی حاله بدلی ایفا
اقتضا ایده جکندن غایب مغصوب مستهلكك يوم غصبده اولان قيمتی
تضمین ایله مغصوب منه حقه ده ایقاع ایتدیکی ضرری بقدر الامکان
ازاله ایدر .

۳۲ ماده حاجت عمومی اولسون خصوصی اولسون

ضرورت منزله سنه تنزیل اولنور .

بیع الوفاك تجویزی بوقیله ندرکه بخارا اهایسندمه بورج تكثر ایتدکده کوریلان احتیاج اوزرینه بومعامله مرعی الاجرا اولمشدر .

حاجت : تخفیف ایله احتیاج معناسنه در یعنی انسان ایچون لزومی اولوب محتاج ایله اولدیغی شیدر . جمعی حاجات و حوایج کلور نته کیم « یا قاضی الحاجات » دیو جناب حقدن نیاز واستمداد اولنور . واتمک ، صوکی شیلره « حوایج ضروریه » دینلور .

حاجتک ضرورت منزله سنه تنزیلی مشقت تیسیری جلب ایتدیکندندر . برکیمسه نك اقراض ایلدیکی پاره مقابلنده ربح و کار اولمسی ربا اولمغله شرعاً ممنوع اولمسنه و بناء علیه بیع بالوفاده مشتریك بایعه و یردیکی اودنج یعنی ثمن مبیع مقابلنده ۳۹۸ نجی ماده وجهله انتفاعی غیر جائز بولمسنه نظراً [بیع بالوفا] ذاتاً ممنوع اولدیغی حالده بخارا اهایسندمه بورج چوغالدقده کوریلان احتیاج اوزرینه تجویز ایله مشقت تیسیر اولنورق خلقك احتیاجاتی ضرورت منزله سنه تنزیل قلمش ومدیونلرك دینی مقابلنده ملکرینی قطعیاً فارغ اولمق صورتیله ترتب ایده جك ضرر بوجوجهله ازاله اولمشدر .

کذلک امامت کبی طاعات اوزرینه استیجار واجرت ایله جامه دخول معامله لرینك تجویزی دخی بوقیله ندر . زیرا طاعات اوزرینه عمله عامل معناً مستفید اولور . مثلاً بر معلم بر چوجغه علوم دینه تعلیم ایتمسیله عند الله نائل اجر و ثوابت اولور . بناء علیه قیاساً طاعات اوزرینه استیجار باطلدر . انجق تبدل و تعیر زمان حسنیله نائل اله جقلری اجر و ثوابت ایله قناعات ایدر معاملر ، اماملر ، مؤذنلر

بوانه مامنه باشلدیغندن و خلقك بونلره احتیاجی درکار ایدوکنسندن طاعات اوزرینه استیجار استیساناً تجویز اولندی. ۵۷۰

کذا اجاره ده معقود علیہک معلوم اولسی شرط اولوب مادامکه جامه دخول ایدن کیسه نك مکئی ونه مقدار صو استعمال اینه جکی مجهولدر قیاساً جامه دخول معامله سی فاسددر . انجق انسانلر جامه دخول محتاج اولدقنندن فسادى ايله حکم اولنسه خلقك احتیاجی تضییق ایديله جکی جهته مشقت اولوب مشقت دخی تیسیری جلب ایده جکندن اجرتله جامه دخول معامله سی دخی استیساناً تجویز اولنمشدر . الحاصل اجاره ، سلم ، استضاع مثللو علی خلاف القیاس استیساناً احتیاج اوزرینه تجویز اولنان معاملات هپ بو اصلدن تفرع ایدر . ومنصوص علیه اولماق شرطیله مقیددر .

۳۳ ماده اضطرار غیرك حقى ابطال ایتمز .

بناءً علی ذلك بر آدم آج قالوبده برینك امکنی یسه بعده قیمتی ویرسی لازم کلور .

شرعاً هیچ یرکیسه دیکرینك ملکنه تعرض ایتمکه حق اولمدینی حالده آج قالان کیسه نك دیکرینك امکنی اذن اولقسزین یمکه مساعده اولنسی یعنی حق حیات ايله حق ملك تعارض ایتدکده حق حیاتك ترجیح ابدلسی اضطرار دن نشأت ایدر .

اضطرار: بوکالمق معناسنه در . کرک سماوی و کرک غیر سماوی اولسون برسبيله بوکالمش بولنانلره معاونت و مساعده مقتضای شرع و ضرورتدر زیرا مشقت تیسیری جلب ایدر . و ضرورتلر ممنوع اولان شیرلی مباح قیلار . انجق ضرورتلر بقدر الامکان ازاله اولنه جفندن آجلق ايله مضطر اولان کیسه یه بشقه سنك امکنی یمکه مساعده اولنش ايسده انك

آجلنی دیکرینک حق ملکینک زوالنه سبب اوله من. یعنی اگکی یمک ایله
غیرک حق کندی اوزرینه کچمش بولنه جفی و حقوق عباد ایسه عفو ،
استحلال ، احلال ، قیمت و یابدانی تأدیه نک غیری ایله ساقط اولمیه جفی
جهتله عفو و استحلال و احلال اوله مدینی ضرورته حال اضطرارده
یمش بولندینی اگکک قیمت و یابدانی و یرمسی ایجاب ایدر و « بن مضطر
قالش اولدینم حالده اکل و تن اول ایتدم اوزرمنه ضمان ترتب اتمز »
دیدرک قیمت و یابدانی ایفاده مخالفت و ممانعت ایسه مسموع اولمز .

بناءً علیه ۲۱ نجی ماده حکمنجه ضرورتلرک ممنوع اولان شیاری
مباح قیلمی بوقاعده ایلده مقیددر ۷۷۲ ، ۱۳۱۳ نجی ماده لر دخی
بوقاعده یه تفرع ایدر .

§

اضطرار ایکی قسمدر قسم اول سبب داخلیدن نشأت ایدن اضطراردرکه
بوکا « اضطرار سماوی » دینلور . آجلق کبی .

قسم ثانی سبب خارجیدن ناشی حاصل اولان اضطراردرکه بوکا
« اضطرار غیر سماوی » دینلور . اکراه ملجی ، اکراه غیر ملجی کبی ۱۰۰۷
شو قدرکه اکراه ملجیده ضمان مجبره عائد اولوب اکراه غیر ملجیده
متلف ضامن اولور .

§

[غیرک حق] تعیرندن دخی مستبان اولدینغه کوره اضطرار غیرک
حق شخصیدینی ابطال اتمز . یوقسه مضطراً ایشنیلان بر فعلدن طولانی
حق الله اکثریا ساقط اولور . مثالده بیان قلندینی وجهله دیکرک اگککی
مضطراً اکل ایدن کیسه حقنده بر کونه جزا ترتیب او اتمز .

۳۴ ماده آلمسی ممنوع اولان شیئک و یرمسی دخی ممنوع اولور .

مثلاً بر کیسه حر اولان بنی آدمی اسیر دیو صائسه ۲۱۰ نجی ماده
حکمنجه بیع باطل اولور . مشتری میبع اولان آدمک حر اولدینغی

كر ك بيلسون، كرك بيلسون يعنى مشتري، « بن مبيعك حر اولديغنى بيلور دم
 بناء عليه عقدك باطل اولماسى لازم كلور » ديسسه مشموع اولماز .
 چونكه معاملات ناسك معتبر طو تلمسى ايچون اساساً مشروع اولمى
 لازمدر . مشروع اولميان ايشى ايشلك غير جائز وعقد واقع باطلدر .
 جائز اولميان بر شى آلمق ويرمك ممنوعدر فقط ضرر اشد ضرر
 اخف ايله ازاله اولنور . قاعده سته نظراً ضرر اشدى ازاله ايچون
 جرمه اعطاسى كې ضرر اخف اختيار اولنه بيلور . يعنى ويرمك
 خصوصنده قاعده مشروحه نك بعض مستثنائى بولنه بيلور ايسه ده آلمق
 خصوصنده بويله براستناييده محل يوقدر زيرا بلا سبب مشروع برينك
 مالى بر كيمسه نك اخذ ايلمى جائز اولمز ۹۷ و مثال محررده بيان قلنديغى
 وجهله مبيعك حر اولديغنى بايعك بيلم ديمسى جهالت معتبره دن اولمديغى
 جهتله عقدك مشتري حقنده صحيح اولمى ايجاب ايتمز . بناء عليه
 مشتري ميبى اعاده وتسليم ايتد كده ثمنى استرداد ايدر چونكه قاعده
 اوزرينه واجب اولميان شى اعطا ايدن استرداد ايدنه بيلور .

كذلك جرمه ويرن كيمسه ويردىكى پاره يى استرداد ايدنه بيلور زيرا
 قاعده بر غرضه بناء و ضرورة ويرلمش اولان شيلرك استردادى جائزدر .

۳۵ ماده ايشننمى ممنوع اولان شيدك ايشننمى دخی

ممنوع اولور .

مثلاً ظلم ايتك ممنوع اولديغى كې برواسطه ايله اخره ظلم ايتديرمك

دخی ممنوعدر .

كتاب الغصبك احكام مندرجه سى بو قاعده يى ايضاح ايدر
 نته كيم ۹۱۸ نجى ماده دن مستبان اولديغنه كوره بر كيمسه ديكر ك خانه
 ودكان مثلاً عقارينى بغير حق هدم ايتمى ممنوع اولديغى كې بشقه سنك

هدم ایتمی طلب ایتمی دخی ممنوعدر .

بناء علیه بر کیسه دیگرینه اکراه ملجی صورتیله اولمیهرق « فلانک
خانه سنی ییق یاق » دیوبده او کمنده ده ذکر اولنان خانه یی ییقبوب یاقسه
مباشر اولدینی جهتله ضامن اولور ایسه ده امرایدن دخی تمذیر اولنور .

§

قاعده مذکوره یه کوره دعواسنده حقی اولدینی حالده خصمک
انکارینه مقارن اقامه بینهدن عاجز قالان مدعینک مدعی علیهک تحلیفی
طلب ایده مامسی لازم کلور . چونکه مدعی علیه یمین ایتسون دیمک
یلان یره یمینی طلب ایله کدر . حال بوکه ییلان یره یمین ایتمک شرعاً
ممنوعدر شرعاً ممنوع اولان بر شیئک اجراسنی طلب دخی ممنوعدر .
بویله ایکن ۱۷۴۲ نجی ماده مألنه نظراً مدعی دعواسنی اثباتدن اظهار
عجز ایلدیکی تقدیرده دعواسنده حقی اولسون اولسون آنک طلیله
مدعی علیه یمین ویریلور . فقهای عظامک رأینه کوره اشبو یمین
مسئله سی موضوع بحث اولان قاعده دن مستنادر . مع مافیه شورا سیده
شایان ملاحظه در که مدعینک دعواسنده صدق کنندی اعتقاد و معلوماته کوره
اولوب نظر حاکمه هنوز مرتبه ثبوت و اصل اولماشدر . بنابرین مدعی
« دعوامده صادق فقط شرعک عدم مساعده سندن طولای خصمندن یمین
طلب ایده مام » دیسه التفات اولنه میه جنی مثلاً خصمک یمین ایتمی
طلب ایدن مدعی یه « سن دعوا کده صادق شرعاً ممنوع اولان بر شیئ یعنی
خصمک ییلان یره یمین ایتمی طلبه حقک یوقدر » دخی دنیه من . بونکله
برابر مدعینک خصمندن یمین طلب ایتمی « بلکه یمیندن نکول ایله حق
ثابت اولور » مقصدینه دخی مستند اوله بیله جکندن « مدعی ممنوع
اولان بر شیئ طلب ایده یور » دخی دنیه من . شو مطالعاته کوره ذکر

اولنان مسئله قاعده مشروحه مخالف دوشمنز. مع مافیه امام اعظم رضی
 الله عنہن روایت اولندیغنه کوره برکسنه اوزرینه واقع اولان دعوانک
 صحت وعدمنده شک ایدرایسه لایق اولان عینه عجله ایتیموب مصالحه
 ایله خصمی راضی ایتلیدر. اگر دعواسنده شبهه ایدوبده رأی دخی
 مدعینک دعواسنده محق اولدینی جهتنده ایسه عین ایتسی جائز دکلدر. §
 قاعده میس-وطه بوندن اول بیان اولنان قاعده یه قریب اولوب هر
 ایکسی یکدیگرینی مؤید و متممدر. شو ایکی قاعده یه بناء ممنوع اولان بر
 شینک النوب ویرلسی ویا ایشلمسی جائز اولدینی کبی النوب ویرلمسی
 ویا ایشلمسی تقویه ایچون طلب وامرووساطت و معاونت دخی جائز
 دکلدر. بناء علیه غصب، سرقت، ضرب، جرح، قتل مثلاً موادده آمر
 وشریک و معین اولانلر حقلرنده معین اولان احکام بوقاعده لره متفرعدر.

۳۶ ماده عادت محکمدر.

یعنی حکم شرعی بی اثبات ایچون عرف و عادت حکم قلنور کرک عام
 اولسون و کرک خاص اولسون.

عرف عامه مثال ؛ بر کیسه نك اشترا ایلدیکی یوز یورطه دن ایکی
 اوج عددی چوروك چیقسه مشتری عقدی فسخ ایده من . ۳۵۴
 چونکه بو کبی جزئیات هر یرده عرفاً و عادة شایان استکثار
 اولمديغندن معفودر. عادت ایسه محکمدر.

عرف خاصه مثال ؛ بر کیسه برکون ایشلمک اوزره بر اجیرطوتدینی
 صورتده طلوع شمسدن عصره قدر یا خود غروب شمسه قدر ایشلمک
 خصوصنده عرف بلده نه ایسه اکا کوره عل اولنور . ۴۹۵ §

محکم ؛ تحکیمک اسم مفعولیدر . ۱۷۹۰ نجی ماده ده [تحکیم ؛
 خصمینک خصومت و دعوالرینی فصل ایچون رضا الریله آخر کیسه یی

حاکم اتخاذ ایتلرندن عبارتدر. اول کیسه یه فقتین ایله حکم و میک ضعی
و حانک قحی و کاف مشددۀ مفتوحه ایله حکم دینلور [دیو محرر اولوب
عادت محکمدر قاعده سندن مقصد دخی کندی اوزرینه بنای حکم ایچون
دلیل اوله رق عند النزاع مرجع دیمکدر . §

عرف و عادتۀ کلنجہ ، فقہادن بعضیلری بر شیده عادنک ثبوتی اول
شیدک مرة بعد اخری یعنی چوق کره تکرریله حاصل اولور .
عرف ؛ شهادات عقول ایله شهرت بولوب عقول سلیمه اصحابنک
مقدوح و مذموملری اولیان شیدر .

دیوب عرف ایله عادت بیننده فرق اولدیفنی سـ و یلشـلر ایسه ده
اکثریسی : عادت ؛ عقول سلیمه اصحابی عندنده مقدوح و مذموم اولمیدرق
چوق کره تکرریله استقرار ایدن شیدر . عرف دخی بومعنایه در . دیوب
عرف و عادتنک کلمات مترادفدن اولدیفنی بیان ایتمشلردر . مجله نک کرک
اشبو ۳۶ نجی ماده سنده کرک مواد سائر سنده عرف و عادتنک بر معناده
استعمال اولدیفنی ظاهر در . §

ذکر اولنان تعریفدن اکلشلدیفنه کوره بر شیده عادتنک تحقیق چوق
کره تکرریله حاصل اوله جغندن عادت اولان شیدک مطرداً یا خود غالباً
تکرر ایتسی لازم اولدیفنی کی عقول سلیمه اصحابی طرفندن قدح و ذم
اولوب اولدیفنی بیلنک ایچون دخی شایع اولماسی اقتضا ایدر . بنابرین
بر شیده عادتنک تحقیق ایچون :

اولاً : مطرداً و یا غالباً تکرر ایتسی .

ثانیاً : شایع اولسی .

ثالثاً : عقول سلیمه اصحابی طرفندن قدح و ذم ایدلماش بولنسی .

رابعاً : شرعاً ممنوع اولماسی شرطدر .

بوشرائطه کوره شرعاً ممنوع اولان یاخود عقول سلیمه اصحابی طرفندن قدح و ذم ایدیلان عادات مقدوحه و مذمومه شایان اعتبار اولمدیغی کبی نادر و نو ظهور عادتلر دخی مظهر حسن قبول اولملری مشکوک ایدو کندن احتجاجه صالح اولمز. شوراسیده دفته سزادرکه شرائطی جامع اولان عرف و عادت موجبجه حکم اولنه یلمک ایچون حادثه نك وقوعندن اول شایع اولمش اولسی لازمدر حادثه نك وقوعندن صکره شایع اولان « عرف طاری » او حادثه حقنده تحکیم اولنه من . §

عرف و عادت صراحة تلقی بالقبول ایلیان و یا هیچ اولمز ایسه قدح و ذم ایتمیان عقول سلیمه اصحابی بعضاً بر صنفه منسوب و یا بر مملکت اهالیسندن اوله بیله جکی کبی بعضاً اصناف مختلفه و بلاد عدیده اهالیسندن اوله جغندن عرف و عادت بوضورتله ایکیه منقسم اوله رق اگر متعارف اولان شیر جمع بلاد متعامل و متعارف ایسه اکا « عرف عام » یا لکیز بر صنف معین یاخود بر بلده و یا محله اهالیسنه مخصوص ایسه « عرف خاص » اطلاق اولنور .

عرف خاص قییلندن اولان اصطلاحات فقهیه به « عرف شرعی » دخی دیلور مثلاً عقد ، لغته دو کو مملک معناسنه ایکن عرف شرعیده ایجاب و قبولک ارتباطنه اصطلاح اولمشیر .

عرف و عادت بعضاً « قول » و بعضاً « فعل » ایله ثابت اولدیغندن بوضورتله دخی « عرف قولی ، عرف فعلی » دیو ایکیه تقسیم اولنور .
نته کیم اصطلاحات مکرراً تلفظ ایدیله رک عرف لفظی اولدیغی کبی صاتیلان یوک بارکی رینک یولارینک حین بیعه ذکر اولندیغی حاله بیله بیعه داخل اوله رق بایع طرفندن حیوان ایله بر لکده مشتری به ویرلسی فعلاً عادت اولان یرلرده عرف فعلی اولمش اولور . § ۲۳۳

عرف وعادتدر دیو ادما اولنان بر شیئک حقیقه عرف وعادت اولوب اولمدیفنی تدقیق ایچون احکام فقهیه اقتضاسنجہ اربانک معلومانہ مراجعت اولنق لازم کلوب انجق اربابی کیملردر ونہ یولده مراجعت اولنق لازم کلور ؟ بورالری حکامک تقدیرینه منوطدر . یالکز بوبابده تجارت اولطہ لرینه کرک محاکم جانبدن کرک طرفیندن مراجعت وقوعبولدقدہ اولطہ جه نظامی موجبنجہ بیان مظالمہ اولنور .

کذلک طرفین معتبر تجارہ مراجعتلہ بیاننامہ لر آلہ بیلورلر و محکمہ ده اقامہ شہود ایله دخی عرف وعادتی اثبات ایدہ بیلورلر . §
کلہلم احکامنہ ؛ شرعاً منصوص علیہ اولمیان خصوصاتده عرف وعادت حکم قننورزیرا ناسک استعمالی بر جتدرکہ انکله عمل واجب اولور ۳۷
منصوص علیہ اولان خصوصاتده مجله جمعیتک مضبطہ معلومہ سندہ بیان قلندیفی وجہله امام اعظم وامام محمد حضراتی ایله امام ابویوسف حضرتلرندن برروایتہ کورہ عرف ایله نص تعارض ایتدکده نص معتبر طوتیلور زیرا نص قاطع وعرفدن اقوادر . اقوی کندیسندن دون اولان ایله ترک اولنمز .

امام ابویوسفدن دیگر برروایتہ نظراً اگر نصک ورودی عرف وعادته مبتنی ایسه اعتبار عرف وعادته در . دکلسه نصہ در .

مثلاً زیتون ویاغ کبی شیلرک اخذ واعطالری کیلا ، آلتون وکوشک اخذ واعطالری وزنآ اولمسی حقندہ نص وارد اولمغله امامین حضراتہ وامام ابویوسف حضرتلرندن برروایتہ کورہ بونلرک معاملانده نصہ اعتبار اولنق لازمدر . خلاف نص اولمرق ناسک تعاملنه اعتبار اولنمایلندر . امام مشار الیہدن دیگر روایتہ کورہ بغدادی ، آریہ ، طوز ، خرمانک اخذ واعطالری کیلا آلتون وکوشک معاملاتی وزنآ اولمسی حقندہ وارد

اولان نص عصر سعادتده ناسك عرف وعادتی اوילה اولسنه میندر بوکبی
عرف وعادته مبتنی اولان نصك حکمی دخی عرف وعادتک تبدیلیه تبدل
ایدر بناء علیه اعتبار عرف وعادته در .

بعض محققین فقها امام مشارالیهن ایکنجی روایتہ تقویت وبره رک
آنی ترجیح ایتشدیر الیوم ناسك اکثریا طوز وخرمای و زنا ، آلتون
وکوشی عددآ الوب ویرملری اشبو روایت ثانییه توافق ایده بیلور . §
عرف وعادت اکثریا معاملات تجاریده جاری و مرعی اولسنه
ومعاملات تجاریه حقنده دولته قوانین معلومه وضع اولنوب انلرده بولنمان
خصوصاتده احکام فقهیهیه تطبیق حوادث ایدلرکده بولنسنه مبنی بوبابده
تجارت قانونلری دخی مطالعه اولنهرق اجرا قلن ان تدقیقات فقهیه
وقانونیه دن شونتایج حاصل اولدی :

۱ : شرع وقانونك احکام صریحه سیله منع اولنمان عرف وعادت هر
حاله معتبردر زیرا ناسك استعمالی برحمتدرکه انکله عمل واجب اولور .
۲ : بین التجار معروف اولان برعادت شرع وقوانین تجارتك منعيله
حکمدن ساقط اولور .

بوقاعده برنجی قاعده نك نتیجه طبعیه سیدر . نته کیم ۱۰۷۶ نجی مادهده
[مشرتک اراضی بی صاحب لرندن بری زراعت ایتکلر دیکرینك عادت بلده
اوزره حاصلاتدن ثلث یا ربع کبی بر حصه المغه صلاحیتی یوقدر]
وتجارت بریه قانونك ۹۲ نجی ماده سنده دخی [پولیچه لرك تأدیسه
ایچون مراعات و مساعده وعادات بلده قیلندن اولهرق هر درلو مهل
اعطاسی کیفیتی لغو اولنشدیر] دیو محرردر .

۳ : عرف عام ایله حکم عام ثابت اولور .
زیرا عرف عام وضع قدیم کییدر بناء علی ذلک مالک عثمانیه ده جاری

و مرعی اولان عرف عامه مستنداً مثلاً در سعادته عقد اولنان بر مقاوله ده
 عاقدیندن بری هر نه قدر بو مثللو مقاولات حقنده بالفرض از میرده شو یولده
 بر حکم ترتب ایده یور ایسه ده در سعادته بویله بر حکم ترتب ایده میه جگنی
 ادعا ایتسه مسموع اولمز مادام که معامله عرف عام ایله ثابتدر . حکمی
 در سعادته اجرا قلنان معاملات و مقاولات حقنده دخی ثابت اولور .
 مثلی معامله حقنده از میره مخصوص عرف خاص بولمسی حکم عامی اسقاط ایتمز .
 ۴ : عرف خاص ایله حکم عام ثابت اولمز . انجق عرف خاص ایله
 متعارف اولان نسندلری کندولرینه عرف و عادت اتخاذایدن کیسه لره
 مخصوص اوله رق حکم ثابت اولور .

مثلاً کورکی قاپلامق شرطیله صائق متعارف اولان بلده اهالیسندن
 بری شرط مذکور ایله اول بلده ده برینه کورک صائسه بایعک شرط
 مذکوره مراعات ایتسی لازم کلور . فقط شرط مذکور ایله بیع
 متعارف اولیمان بلده ده بر کیسه شرط مذکور ایله کورک صائدینی حاله
 شرط مفید و بیع فاسد اولور ۱۸۸ مشتری «فلان بلده ده کورکی قاپلامق
 اوزره صائق عادتدر .» دیوبیعک صحیفی ادعا ایتسه مسموع اولمز .

۵ : عادات مقاولاتک مفسریدر .

یعنی عادات مقاولاتی فسخ و انقا ایده میوب فقط لفظاً و حکماً اکال
 ایده بیلور . لفظاً اکال ایده بیلور . یعنی بر مقاوله نامده محرر الفاظ
 مصطلحه دن حقیقت لغویه مراد اولنیوب عرفاً معلوم اولان معنی قصد
 ایدیلور . بناء علیه عرف ایله حقیقت لغویه تعارض ایتدکه عرفه
 اعتبار اولور اصطلاحاتک کافه سی بویله در .

عادات، مقاولاتی حکماً اکال ایده بیلور . مثلاً عادت اولدینی اوزره
 مکاری ایله فلان محله قدر برابر کی راستیجار اولندقه مکاری بوجه معتاد بر

بارکیر ایله اول کیسه یی اورایه ایصال ایتمه بورجلی اولور. یعنی حین مقاولده مأجور اولاز بارکیر تعین قلندیغندن مطلق متعارفه مصروف وموچر معتاد وجهله مستأجری بر بارکیر ایله منزل مقصوده ایصاله مجبور اولور . ۵۴۱

۶ : عادات احکام شرعیه وقانونیه نك مفسریدر .
یعنی عادات مقاولاتی تفسیر ایتدیگی کبی احکام فقهیه وقانونیه یی
دخی تفسیر ایدر .

۷ : قوانین تجارت احکامی ایله عرف وعادت تجارت تعارض
ایتدکده نظر اولنور . اگر احکام قانون ، تجارت بریه قانوننك ۹۲نجی
ماده سنده محرر اولدینی وجهله پولیچیلرک تأدییه سی ایچون قانوناً معین
اولان مهلدن زیاده مهل ومساعده نك ممنوعیتی کبی بره معامله نك اجراسنی
نهی ایده یورایسه عرف وعادت ایسترام ایستراخاص اولسون حکمی اولمز .
حکم قانون بر معامله یی نهی ایتیوب اجراسنی امر ایلیر ایسه
بوصورتده عرف عام معتبر اولور . عرف خاصك حکمی اولمز . فقط
حکم قانونه قارشو عرف خاصك معتبر اوله جغنی عقد مقاوله ایدنلر
شرط ایدرلر ایسه اصولنه موافق شرطه رعایت اولنور ۸۳
شو ایضا حاکم امام ابویوسف حضر تلرینك رأینه تماماً موافق
اولدینی تفصیلات سابقه دن مستبان اولور .

۸ : عادات انتظام عامیه متعلق احکام شرعیه وقانونیه قارشو
هر حالده معتبر اولمز .

یعنی انتظام عامیه متعلق احکام شرعیه وقانونیه عمومك منافعنی
متضمن اولمسیله «عادت بویله ایش» دهرک عادتك ممنوعیتنه دائر صراحت
شرعیه وقانونیه بولمسه بیله منافع عامیه یی مغل برشی تجویز اولنمز .

۹ : عادات تجاریه ایله تجارتیه متعلق اولمیان احکام شرعیه
وقانونیه تعارض ایتدکده عادات معتبردر.

بوده امام ابو یوسف حضرتلرینک رأینسه موافقدر نته کیم
۳۸۹نجی مادهده بیان قلندیغی وجهله استصناعی متعامل اولمیان شیلرده مدت
بیان قلندقدده عقد استصناع سَلَمَه منقلب اولدیغی حالده استصناعی متعامل
اولان شیلرده علی الاطلاق یعنی مدت بیان اولنسون اولنسون استصناع تجویز
اولنش ۱۵۸۴نجی مادهده [شرطه تعلیق اولنان اقرارر باطلدر فقط عرف
ناسده حلول اجله صالح اولان برزمانه تعلیق اولنور ایسه دین مؤجلی
اقراره حل اولنور] دینلشدر .

۱۰ : عرف خاص ایله عرف عام تعارض ایتدکده عرف خاص معتبر اولور .
یعنی بر ماده حقننده عموم تجار بیننده معروف اولان عاداته
مغایر اولهرق مثلاً یالکیز بر مملکت ذخیره تجاری بیننده برنوع عادت
اولسه او مملکت ذخیره تجارینک معاملاتنی بینلرنده معروف اولان عاداته
تطبیق اولنور . زیرا خصوصی شیلر عمومی شیلره راجعدر . لکن
بر مملکت ذخیره تجاری بیننده خصوصی عادت اولمیوبده معاملات جاریه
عمومی عادتله تطبیقاً اجرا قلندیغی حالده « فلان مملکت ذخیره تجاری
بیننده شویله بر عادت وار ایش » دینلهرک عرف عامک حکمی تقید
ایدیله میه چکی آنفاً بیان قلندیغندن بو حالده عرف خاصه اعتبار اولنمز
زیرا بینلرنده معروف وصرعی دکلدر . §

زیرده محرر ۳۷ ، ۳۸ ، ۳۹ ، ۴۰ ، ۴۱ ، ۴۲ ، ۴۳ ، ۴۴ ، ۴۵نجی
مادهلر [عادت محکمدر] قاعده سَنَك تفسیر و شرائط واحکامنی حاوی
اولدیغی کبی ۲۴۴ ، ۲۵۱ ، ۳۵۴ ، ۴۹۵ ، ۵۵۵ ، ۵۶۹ ، ۸۷۶ ، ۱۵۰۹
نجی مادهلر وسائر برچوق مواد احکامی دخی بوقاعدهیه متفرعدر .

تفصیلات مبسوطه دن مستبان اولدیغنه کوره بر حکم شرعی بی اثبات ایچون حکم اتخاذ اولنه جق عادتک معروف اولسی لازمدر . بناءً علیه خارق العاده شیر اثبات احکام ایچون حکم اتخاذ اولنه من فقط معجزه نبی و کرامت ولی مستثنادر .

۳۷ ماده ناسک استعمالی بر جتدر که انکله عمل

واجب اولور .

بوکا « تعامل و تعارف » دخی دینلور .

بناءً علی ذلك ۱۶۸ نجی ماده ده بیان قلندیغی وجهله عرف و عادت بلده ده انشای بیع ایچون مستعمل اولان لفظلر که مملکت مزده اکثریا . آلام ، صادم .. کلمه لری مستعملدر کړک بونلر ایله کړک مستعمل اولان سائر لفظلر ایله ایجاب و قبول وقوعنده بیع منعقد اولور .

بوقاعده ۳۶ نجی ماده ده محرر [عادت محکمدر] قاعده سیله مالا متعذر و « ناسک عرف و عادت بر جتدر که لری الحاجه اکا مراجعت و موجبی ایله عمل واجب اولور » دیکدر . چونکه [مارأه المسلمون حسناً فهو عند الله تعالى حسن] حدیث شریفی ایله حضرت فخر کائنات علیه افضل التحیات اقدم من جله نك خوش کوردیکی شی عند الله مستحسن اولدیغی بیان بیوردقلری کبی بوبانده اجاع دخی حاصل اولمشدر . اجاعک حصولی کلك کذب دن عصمتنه مدار اولدیغدن تعامل و عرفک حجت اولسنک مداری اولمشدر .

فقها طرفندن دخی بو حدیث شریفدن [عادت محکمدر ، ناسک استعمالی بر جتدر که انکله عمل واجب اولور] قاعده لری بالاستنباط پک چوق مسائل فقهیه تقریر ایدلشد . از جله ۲۴۴ ، ۳۸۸ ، ۳۸۹ نجی ماده لر بوایکنجی قاعده یه متفرعدر . §

فقه‌آدن بعضیلری [استعمال، عادت] کلمه لرینی الفاظ مترادفه دن عدایدوب بعضیلری دخی عادت ؛ برلفظی معنای مجازی یه عرفاً نقل دیمک اولوب اما استعمال ؛ برلفظی موضوع اصلیسندن یعنی معنای حقیقیسندن معنای مجازی یه شرعاً نقل وانده استعمالک غلبه سیدر دیو ذکر و بیان ایشلر دره شو حالده ناسک استعمالی حجت اولمق ایچون شرعه ونص فقهایه مخالف اولماق لازمدر بوصورت ماده سابقه شرحنده محرر ایضاحاتدن بالاطراف مستبان اولور . §

کتاب اصولدن «منافع الدقایق فی شرح مجامع الحقایق» ده محرر اولدیغنه کوره حدیث عالی مذکوره ذیل [وَمَارَآهُ الْمُؤْمِنُونَ قَبِيحًا فَهُوَ عِنْدَ اللَّهِ تَعَالَى قَبِيحٌ] وارد اولدیغندن یعنی مؤمنلرک قبیح کوردیکی شی عندالله دخی قبیح اولدیغنی بیان بیورلدیغندن نص ایله ممنوع اولسه بیله ناسک قبیح کوردیکی شیلری ایشلامک لازمدر .

۳۸ ماده عاده ممنوع اولان شی حقیقه ممنوع کیدر . بناءً علی ذلك ۷۹ ، ۱۵۸۹ نجی ماده لر شرحنده ایضاح اولندیغنی وجهله برکیمسه محجور و مکروه اولندیغنی و اقرارینی ظاهر حال و یا حاکم تکذیب ایتدیگی حالده بر دین اقرار ایتسه اقرار یله مؤاخذه اولور زیرا کاذباً اقرار عاده ممنوع اولغله حقیقتاً ممنوع کیدر .

کذلك ۱۶۲۹ نجی ماده شرحنده بیان فلندیغنی اوزره فقر ایله معروف اولان برکیمسه دیگر کمسنه دن مثالیوز بیک غروش قیمتند اشیا سف غصب اتمش اولدیغندن بحمله استردادینی طلب وادما ایتسه دعوا سف مسموع اولماز . زیرا فقیر الحال اولان کیمسه ده یوز بیک غروش قیمتند اشیا بولنق عاده ممنوع اولغله حقیقه ممنوع کیدر . §

ذکر اولنان مثاللردن مستبان اولدیغنه کوره امتناع ؛ «عادی، حقیقی»

دیو ایکی قسمدر. امتناع عادی ، برشیئک وجودی عادةً ممکن اولماق ، امتناع حقیقی ایسه برشیئک عدمی عقلاً ضروری اولمقدور.
احکام شرعیهدۀ عادت محکم اولدیغندن امتناع عادی اولسه بیلله عادةً تمتنع اولان شی حقیقهً تمتنع کبی عدم اولنمشدر. زیرا تعدیل واعتماد عادات اوزرینه در .

۳۹ ماده ازمانک تغیر یله احکامک تغیری انکار اولنه ماز .
مثلاً و قتیله کوفه مثللو بعض مملکتلرده مرعی اولان عادتۀ کوره خان و خانۀ لر بر طرزده انشا اولنوب بیوکلک ، کوجکلک ، یکیکک ، اسکیکک دن ماعداکلی فرق اولدیغندن اشترا اولنان خانۀ نک داخلی کوزمک خیار رؤیتی اسقاط ایچون کافیدر دینلش ایسده مؤخرآ صورت انشا تغیر و طرز ابنیه شکل کونا کونه تبدل ایتمکۀ باشلدیغندن حضرت امامک شاگردلرندن امام زفر رجه الله علیه اشترا اولنان خانۀ نک هراوطه سی رؤیت اولنلق لزومی رأینده بولنمش و فقهای متأخرین طرفندن دخی بوجمله افتا ایدلمککۀ مجله جمعیتجه ۳۲۶ نجی ماده اول صورتله قلمه الئشدر .

کذلک مجله جمعیتنک مضبوطۀ معلومه سنده بیان قلندیفی و جملۀ امام اعظم حضرت تلرینک عندندۀ استصناءً منعقد اولان بیعدن مستصنع هر حالده رجوع ایدۀ بیلور ایسده امام ابویوسف حضرت تلرینک رأیی موجبجه - مصنوع تعریفۀ موافق اولدینی حالده - رجوع ایدۀ میه جکنک ۲۹۲ نجی مادهده تصریح ایدلمسی ، متقدمین فقها علی الاطلاق منافع غصبک مضمون اولدینی رأینده بولندقلری حالده ۵۹۶ نجی ماده نک فقرۀ استثنایه می حکمنجه متأخرین طرفندن مال وقف و مال صغیرده منفعت مغبوبک مضمون اوله جفتنک بیان قلمسی ، امام اعظم حضرت تلرینک

عندئذ قصاص کبی بعض مواددن ماعدا خصوصاً تده خصم طعن
ایتمدیکی حالده تذکیه شهوده لزوم یوق ایسهده امامین حضر ترینک
رأی موجبجه ۱۷۱۶ نجی مادهده خصم طرفندن طعن وقوعبولسون
بولسون شاهدلرک هر حالده تذکیه ایملرینک بیان قلنسی خصوصلرنده
کوریلان اختلافات دخی هپ بوقاعدهیه متفرعدر . چونکه اختلاف
قرون واعصار ایله مصالح وحوایج وعرف وعادات و اوضاع واطوار
وآثار خلق تبدل ایدر .

تیسیر مشقت وتهوین احتیاجاته وعرف وماداته بناء تجویز اولنان
احکام فروع ، تغیر ازمان ایله متغیر اولسه برعصرده نافع ومصلح کورینان
احکام تعاقب وتوالی ازمان ایله مضر اوله بیله جکندن وامور عامه ایچون
منفعت ومصلحت کوزدلمک وضرردن توقی و مجابت ایلمک لازمهدن
اولدیفندن اساساً تجویز و تشریعنه مخالف ومشتقی مستلزم اولور .
مشقت ایسه تیسیری جلب ایدر . §

شو تفصیلاتدن مستبان اولدیفنه و ۳۶ نجی ماده شرحنده ایضاح
ایدلرکنه کوره قاعده مبسوطهده بیان قلنان [احکام] دن مراد عرف
وعادته مبنی اولان احکام فروع اولدیفنی کبی بوبابده بین الفقها واقع
اولان اختلافات دخی عن دایل اولمیوب اعصار وقرونک تغیرندن
متولد اختلاف زمانیدر . بوقسه عن دلیل ثابت اولان احکام شرعیه
ازمانک تغیر بیله تغیر ایتمز زیرا نص شرعی ایله عرف وعادات تعارض
ایلدکده نص معتبردر . نته کیم خیار رؤیتده مطلوب اولان کیفیت ،
مقصد شرایه کوره علم کافی حاصل ایتمکدن عبارت اولسبیله خانهک
براطهسنی کورمک ویاخود هر اوطهسنی رؤیت ایلمک خصوصی قاعده
شرعیهک حواده امر تطبیقنده تبدل احوال زماندن متولد اولوب
اصل قاعده شرعیه تبدل ایتمور . §

احكام فرعيه از مانك تغيير يله تغيير ايتديكي كبي امكنه نك تبدليه دخي
تبدل ايله بيلور .

۴۰ ماده عادتك دلايليه معنای حقیقی ترك اولنور .

۱۵۸۴ نجی ماده ده بیان قلندینی وجهله شرطه تعلیق اولنسان
اقرار باطلدر . فقط عرف ناسده حلول اجله صالح اولان برزمانه تعلیق
اولنور ايسه دین مؤجلی اقراره حمل اولنور .

مثلا بر کيسه ديگر کسنه يه « بن فلان محله واررسم يا خود فلان
حصصتی درعهده ايدرسم سکا شو قدر غروش دیندر » ديسه اشبو
اقراری باطل اولوب مبلغ منبورك تأديه سی لازم کلز . اما « فلان آيت
ايتداسی يا خود روز قاسم کورسه سکا شو قدر غروش دیندر » ديسه دین
مؤجلی اقراره حمل اولنور و اولوقتک حلوننده مبلغ منبورك تأديه سی لازم کطور
۱۲ ، ۶۰ ، ۶۱ نجی ده لر احکام نجه کلامده اصل اولان
معنای حقیقیدر . فقط معنای حقیقی متمدن اولدقده مجازه کيديلور . زیرا
کلامک اعمالی اهمالندن اولادر .

مواد مذکوره شرحنده ايضاح اولندینی وجهله حقیقتدن مجازه
عدول ایچون معنای حقیقی بی اراده بی مانع قرینه لازمدر . بوقرینه
عقلی و یا حسی و یا شرعی اوله بيله چکی کبی موضوع بحث اولان قاعده دن
مستبان اولدیغنه کوره عرف وعادت دخي قرینه مانعه دن معدوددره
زیرا عادت محکمدر .

۴۱ ماده عادت انجق مطرد و یا غالب اولدقده معتبر اولور .
زیرا :

۴۲ ماده اعتبار غالب شایعه در نادره دکلدور .

مثلاً ۹۸۷ نجی ماده حکمجه منتهای سن بلوغه وارمشیکن کندوسنده
آثار بلوغ ظاهر اولیان کیمسه حکماً بالغ عد اولنور .

بلوغ ، لغته مناط تکلیف اولان عقل بالملکه مرتبه سنه واصل
اولمق دیمکدر . بومرتبه نك حقیقی مجهول اولوب حقیقته اطلاع متعسر
اولان امور باطنده دخی دلیل ظاهر یسی ایله حکم اولنه جفندن وحد
بلوغك ثبوتنه دلیل اولان احتلام واحبال وحیض وحبل کبی آثار
ظاهره اکثریا ارککده تام اون ایکی وقزده تام طقوز یاشندن باشلوب
نهایت ایکیسنده دخی تام اون بش یاشنه واصل اولنجیه قدر ظهور ایتمکده
بولندیغندن شومدلر سن بلوغك مبدأ ومنتهای عد اولنمشدر . اگرچه
مبدأسن بلوغه واصل اولمق سزین بالغ اولانلر یاخود منتهای سن بلوغه
وارمشیکن کندولرنده آثار بلوغ ظاهر اولیانلر بولنور ایسه ده بومقوله لر
مادر اولوب نوادر دخی معدوم حکمنده در . §

اشبو ۴۲ نجی ماده ۴۱ نجی ماده ده محرز قاعده نك اسبابه
موجبه سی حکمنده در وایکیسی دخی حکم شرعی بی اثباته حکم قلنه جقه
عادتک شرائطی میندر .

۴۳ ماده عرفاً معروف اولان شی شرط قلنمش کییدر
مثلاً یوک ایچون استکرا اولنسان حیوانك سمیری ایله ایپ وچواله
هوچردن اولمق عرف وعادت بلده ایسه حین عقدده ذکر اولنسون
اولنسون موجرك تدارك ایتمی لازمدر ۵۵۴ موجرك « حین عقدده
بونلر ذکر اولنماشیدی بناء علیه بن تدارك ایده مام » دیمکه حق اوله ماز .
زیر اعرفاً معروف اولان شی شرط قلنمش کییدر .

۴۴ ماده بین التجار معروف اولان شی بینلرنده شرط

قلنمش کییدر .

مثلاً پیشین یا ویره سی یه لاقر دیسی اولقسزین چارشودن بری برشی
آلسه آچه سنی پیشین ویرمسی لازم کلور. زیرا بیع مطلق پیشین اولاق
اوزره منعقد اولور.

فقط آی یا هفتقه باشنده ثمنك تمامی یا خود بر مقدار معینی التلق عادت
بلده ایسه اول عادت رعایت اولنور. ۲۵۱

یعنی آی یا هفتقه باشنده ثمنك تمامی یا خود بر مقدار معینی التلق عادت
اولان بلده بیع مطلق بر موجب عادت ثمنك تأجیل و تقسیطی شرطیله
عقد اولنش عد اولنور. تصریح حاجت یوقدر چونکه بین التجار معروف
اولان شی بینلرنده شرط قلمش کیدر. S

بوقاعده نك مالی قاعده سابقه داخل ایسه ده شرعاً امور تجارتیه
ویریلان اهمیتیه بیی بشقه جه ذکر اولنشدر.

۴۵ ماده عرف ایله تعیین نص ایله تعیین کیدر.

مثلاً بر کیسه دیگرینه « بکاسوت آل » دیوبده نه سوتی اولدیغنی
تصریح ایتمسه بلده ده معروف اولان سوته محمول اولور. ۱۴۷۳
یعنی مؤکلك مقصده بیی عرف تعیین ایدر. و وکل معروف اولان
مثلاً قیون سوتی الدقدن صکره مؤکل « بنم مقصدم اینك سوتی ایدی »
دیوب انی قبول ایتمامکه حق اوله مزیرا عرف ایله تعیین اولنش اولان
شی نص ایله تعیین اولنش کیدر.

۸۱۶ نجی ماده دخی بوقاعده بی ایضاح ایدر.

۴۶ ماده مائع و مقتضی تعارض ایتد کده مانع تقدیم اولنور.

بناءً علی ذلک بر آدم بورجلیسی یدنده مرهون اولان مالی آخره صائله
چونکه عقد بیعك نفاذی ایچون میبعك مقدور التسلیم اولمسی
لازمدر ۱۹۸ مرهون اولان میبع ایسه مرهونك یدحفظ و امانتده در.

ورهنك حكمی فكنه قدر مرتهنك حق حبسی اولمقدر . ۷۲۹ بناءً علیه مرتهنك
رضاسی اولمقسزین راعن رهنی صاقدقه مبیعك تسلیمنه مقتدر اوله میه جفندن
بیع، مرتهنك رضاسنه موقوفاً منعقد اولوب مرتهن راضی اولور ایسه نافذ
اولور. راضی اولمز و راعن ایقای دین ایله مرهونی مرتهندن بالاخذ مشتری یه
تسلیم ایده من ایسه مشتری بخیر اولوب دیلرسه رهنك فكنه قدر بكار
ودیلرسه حاكمه مراجعتله بیعی فسخ استدیور . ۷۴۷ - §

مقتضى : اقتضا مصدرندن فعل لازمدر . افعال لازمه دن اسم فاعل
حقیقه سی اسم مفعول معناسنده دخی مستعمل ایسه ده بوراده کی [مقتضى]
کله سی اسم فاعل اوله رق مستعمل اولوب « اقتضا ایدن » معناسنده در اسم
مفعول معناسنده « اقتضا ایتش » ديك دکلدر .

مانعك مقتضى یه تقدیم و ترجیحی دفع مفاسد جلب منافعدن اولی
اولدیغندندر . §

۵۹۰ نجی ماده ایله کتاب الشركتك اكثر موادى بوقاعده یه متفرعدر
بعض استثناسی دخی وارددر . نته کیم ۱۰۸۱ نجی ماده ده ذکر اولندی
اوزره حصه داراندن بری غائب اولدیغی صورتده حاضر اولان کیمسه
مشترك خانه ده ساکن اولور . مذکور خانه ده غائبك حصه سی بولنمی
حاضر ك انده ساکن اوله بیلمسنه مانع و حاضر ك حصه دار بولنمی
۱۱۹۲ نجی ماده یه مبنی انده ساکن اوله بیلمسنی مقتضى اولوب بومسئله ده
مقتضى طرفی ترجیح اولنمشدر . ترجیح اولنمسه حاضر ك شريك غائبدن
زیاده متضرر اولمسنی ایجاب ایدر ضرر ایدر اخف ایله ازاله اولنور
وایکی فساد تمارض ایتد کده اخفی ارتکاب ایله اعظمك چاره سنه باقیلور .
۴۱ ماده وجودده برشیئه تابع اولان حکمده دخی اکا

تابع اولور .

بناءً على ذلك بر كبه حيوان صاتله قنده ياوريسى دخی نبعاً
ساتلش اولور .

زيرده محرز ۴۸ ، ۴۹ ، ۵۰ نجی ماده لر ايله ۲۳۰ ، ۲۳۲ ، ۱۰۷۴ ،
۱۱۶۳ ، ۱۳۴۳ ، ۱۴۰۲ نجی ماده لر بوقاعده يه متفرعدر .

۴۸ ماده تابع اولان شيئه ايروجه حکم ويريله من .

مثلا بر حيوانك قازنده كي ياوريسى ايروجه صاتيله من .

زيرا وجودده بر شيئه تابع اولان حکمده دخی اکا تابع اولور . انجق
۶۶۱ نجی ماده حکمنجه كفيلك برائتندن اصيلاك برائتي لازم کليه چکی
و ۱۲۶۹ ، ۱۵۷۴ نجی ماده لر شرحنده بيان قلنديني وجهله برارضه
تابع اولان حق شرعي استثنائيله ارضي صائق وجنين ايچون سبب صالح
بينيله مال اقرار ايتک و يا وصيت ايتک دخی جائز اولديني کي ۱۵۷۲
نجی ماده شرحنده ذکر اولديني اوزره بر کيمسه يدنده بولنان قوزيلي
قويونك بشقه سنك مالی اولديني اقرار ايتسه بواقاراری قوزي يه شامل
اولماز . يعنی قاعده مبسوطه نك بومثلاو مستثنياتي واردر .

۴۹ ماده بر شيئه مالک اولان کيمسه اول شيئه ضرر .

رياتندن اولان شيئه دخی مالک اولور .

مثلا بر خانه يي صاتون آلان کيمسه اکا موصل اولان طريقه دخی مالک اولور .
برشيدن استفاده ضرورياتندن اولان شيئه دخی مالکيتله اولورنته کيم
مثله محرز اولديني اوزره خانه دن استفاده ، طريقه مالک اولمغله حاصل
اولور . طريقه مالک اولمتسرين خانه دن استفاده اولنده من . بناء عليه خانه يي
صاتان کيمسه طريقی دخی بر لکده صاتيغنی سويلسه بيله طريق من غير
ذکر بيعده داخل اولور . ۳۳۱

۵۰ ماده اصل ساقط اولدقده فرع دخی ساقط اولور.

۵۱ داین مدیونی ذمتده آله جفی اولان مبلغدن انك ذمتی ابرا
ایتد کده اول دین اصیلک یعنی مدیونك ذمتندن ساقط اولدیتی کبی فرعك
یعنی اول دینه کفیل اولان شخصك ذمتندن دخی ساقط اولور . ۶۶۲
چونکه کفالت بر شیئك مطالبه سی حقنده ذمتی ذمته ضم اولدیغندن
کفیل اصیلک ذمتنه ترتب ایدن شیء تمهیدندن طولایی مطالبه اولنور .
اصیلک برائی تحقق ایدنجه کفیل ایچون دخی محل مطالبه قالمز . یعنی فرع
اصاله مستدر اصل ساقط اولنجه فرع پایدار اولمز زیرا بر شیئك
استداده سی اصلی ایله معتبردر . S

انجق فرعك ساقط اولمسی ایچون اصلك قابل اسقاط اولمسی شرطدر .
قابل اسقاط اولیان حق اسقاطك حکمی اولیوب اسقاط مذکور باطلدر .
مثلا بر کیمسه دیگر کسینه نك ملکنده واقع طریق ویامسیلی یعنی طریقك
ویامسیلیک رقبه سی بولنوبده او کیمسه اول کسینه بی مذکور طریق ویامسیلدن
اسقاط ایتسه ساقط اولمز . زیرا عین اولان ملکدن اعراض ایله او ملک
باطل یعنی مذکور عین ترك ایله متروك اولیوب بلکه انده کی حق ملک
ساقط اولمق ایچون بیع وهبه وتسلیم کبی بروجهله تملیك لازمدر . S
قاعده مزبورده نك بعض مستثنیاتی واردر . ازجهله اصیل مکفول
بهی انکار ایدوبده یعنی ایله برائی حاصل اولور ایتسه عین حجت قاصره
اولدیغندن کفیلک برائی لازم کلز .

کذاک ۶۴۸ نجی ماده موجبجه اصیلک برائی شرط ایدیلهرک
کفالت حواله به منقلب اوله جفندن کفیل بری اولمز . S
فرع ساقط اولدقده اصل ساقط اولمز .

مثلاً داین مدیونی ذمتمده مطلوبی اولان اله جفندن اول دینه کفیل
اولان شخصک ذمتی ابرا ایتیمیله اصلک ذمتی دین مذکور دن بری
اولز . ۶۶۱

چونکه اساساً مدیون اولان اصیلدر . کفیل اوزرنده یالکزر حق
مطالبه واردر حق مطالبه نک سقوطیله اصل دین ساقط اولز . یعنی
خرعک سقوطی مستند اولدینی اصلی اسقاط ایتمز . فقط بونکده بعض
استثناسی واردر . مثلاً کفیل دینی تأدیه ویا مکفول لهی بری اوزرینه
حواله ایله برأت ایتسه اصل دخی بری اولور . ۶۶۱

۵۱ ماده ساقط اولان شی عودت ایتمز .

یعنی کیدن کبرو کلز .

مثلاً برکیمسه برخانه دعواسندن خصمنی ابرا ایلسه ارتق اول
خانهیه متعلق دعواسی مسموع اولز . ۱۵۶۴

خانه دعواسندن خصمنی ابرا حق ادعایی اسقاط دیمکدر . برشیئک
عودت ایتسی ایچون موجود اولسی لازمدر . ساقط اولان شیرایسه
طاغیلوب نحو اولور ۲۸۱ ، ۳۴۱ ، ۳۴۲ ، ۳۴۴ ، ۹۷۰ ، ۱۲۲۷ ،
۱۵۵۸ ، ۱۵۵۹ ، ۱۵۶۲ نجی ماده لر ایله احکام ابرایه متداثر مواد
سائره بومادهیه متفرعدر .

۵۲ ماده برشی باطل اولدقده انک ضمننده کی شی دخی

باطل اولور .

مثلاً برکیمسه مال صاتوب و ثمنی قبض ایدوبده میبعه متعلق کافه
دعاویدن مشتری بی ابرا ایتدیکی کبی مشتری دخی انی ثمن مذکوره
متعلق کافه دعاویدن ابرا ایتمش و بوجمله بیدلرنده سند تعاطی ایدلش
ایکن میبع بالاستحقاق ضبط اولنسه ابرانک تأثیری اولیوب مشتری

ویرمیش اولدینی ثمنی بایعدن استرداد ایلر . ۱۵۶۶

میبع بایعک ملک اولمق اوزره عاقدین یکدیگرینی ابرا ایتیش ایدی .
میبع بایعک ملک اولمدینی تحقق ایدنجسه بایع اذن و ولایتی اولمق سزین
غیرک مالنده تصرف ایتیش دیمک اوله جفندن عقد باطل اولدینی کی
آنک ضمننده بایع و مشتری نک بر منوال مشروح یکدیگرینی ابرالری و سندن تعاطیلری
دخی لغو و باطل اولور . بنابرین مشتری ویرمیش اولدینی ثمنی بایعدن
استرداد ایده بیلور .

۵۳ ماده اصلک ایفاسی قابل اولمدینی حالده بدلی ایفا اولنور .
مثلاً حکم غصبده اصل اولان مال مغضوب عیناً موجود ایسه مکان
غصبده صاحبنه رد و تسلیمدر ۸۹۰ لکن مال مغضوبی غاصب استهلاک
ایتیش و یا خود تلف و ضایع ایش اولمسیله عیناً اعاده سی قابل اوله من
ایسه غاصبک مال مغضوب قیامتدن ایسه زمان و مکان غصبده کی قیمتی
و مثیلتدن ایسه مثلی ویرمسی لازم کلور . ۸۹۱

اصلک ایفاسی قابل اولمدینی حالده بدلتک ایفاسی ضرر بقدر الامکان
دفع اولنور قاعده سنه مبنی اولمغله قاعده مزبوره یه تطبیق معامله ایدمک
ایچون اصلک ایفاسی قابل اوله مایق اقتضایدر . اصلک ایفاسی قابل اولدینی
حالده بدلی ایفا اولنه من . زیرا اصلی ترک ایله اندن خلف اولان بدلتک
ایفاسی موجب سبب بولنمز . بناءً علیه اصلک ایفاسی ممکن اولدینی حالده
بر امر عارضدن طولای انعامی خلفیتک شرطیدر . شرط بولنمینجه
جزاً تحقق یتمز .

بنابرین مثال محررده مذکور مال مغضوب عیناً موجود اولدینی حالده
غاصب رد و اعاده سندن استنکاف ایله قیمت و یا مثلی تضمین ایتک ایستسه
مسموع اولمز .

عين مفسوبك رد و اعاده سنده « اداء كامل » ، ضايع و تلف اولوبده
 ملك و يرلسنه « مثل معقول ايله قضا ، قضاء كامل » ، قيمتك و يرلسنه
 « قضاء قاصر » ديلور . چونكه ملك اعطاسي مال مفسوب مستهلك صورتاً
 و معناً مثليه قضا اولوب قيمتك و يرلسي صورتاً اوليوب فقط معناً قضا در .
 ۵۴ ماده بالذات تجويز اولميان شي بالتبع تجويز اولنه ييلور .

مثلاً مشترى ميبى قبض ايچون بايى توكل ايتسه جائز اولماز اما اشترا ايلديكى
 ذخيره ي اولچوب قوعق ايچون بايه چوالى و يروپ اودخى ذخيره يى چواله وضع
 ايديجك ضمناً و تبعاً قبض بولور .

عقد كه ايجاب و قبولك ارتبساطندن عبارتدر . عاقدينك دخى متعدد
 اولسي لازمدر . بناء عليه مشترى ميبى قبض ايچون بايى توكل ايتسه بايع
 مشترى مقامنه قائم اوله جغندن بو صورتده بر كيمسك هم بايع و هم مشترى
 اولسي لازم كلوب بوده تعدد عاقد مخالفدر . اما مشترى اشترا ايلديكى ذخيره يى
 اولچوب قويمق ايچون بايه چوالى و يرد كنه بايع طوغرى بدن طوغرى يه قبضه
 و كل اوليوب قبض ذخيره نك چواله وضعيله ضمناً و تبعاً و قوعبولور .

كذلك حق شرب ، حق مسيل ، حق مرور كى حقوق مجردة قابل
 اعتياض اولمديغندن بونلرى بالذات بيع جائز اولماز ايسه ده ارضه تبعاً
 يعنى ارض ايله بر لكده بيع جائزدر . چونكه بالذات تجويز اولميان شيلر
 بالذات تجويز اولنان شيلره تابع اولديغى حالده مادامكه تابع اولان شيئه
 آيروجه حكم و يريله ميور وجودده تابع اولديغى شيئه حكيمده دخى تابع
 اولور و بو صورتله تابع دخى متبوعك حكمنده داخل اولماش اولور . S

بوماده ۴۸ نجى ماده كى ۴۷ نجى ماده ده بيان قلنان قاعده نك
 حكيميله مقيددر . ۲۱۶ ، ۷۱۵ ، ۸۴۸ ، ۱۰۴۲ ، ۱۲۳۳ ، ۱۳۳۴ ،
 ۱۵۵۵ نجى ماده لر متفرعاتنددر .

۵۵ ماده ابتداء تجویز اولنمیان شی بقاء تجویز اولنه یلور.

مثلا حصه شایعه بی هبه ایتک صحیح دکلدر اما برمال موهوبک بر حصه شایعه سنه مستحق چیقوبده ضبط ایتسه هبه باطل اولیوب حصه باقیه موهوب لهک اولور.

۸۵۸ نجی ماده ایله شرحنده بیان وایضاح اولندیغی وجهله موهوب میز اولمز ایسه قبض کامل بولنه من هبه نك تمامیتی ایسه قبض کامل ایله اولور بناء علیه حصه شایعه بی هبه جائز دکلدر . اما برمال موهوبک بعد القبض بر حصه شایعه سنه مستحق چیقوبده ضبط ایتسه هبه باطل اولیوب حصه باقیه موهوب لهک مالی اولور . زیرا :

۵۶ ماده بقا ابتدادن اسهلدر .

اخطار : مثال مذکور قابل قسمت اولان مالک حصه شایعه سنی هبه حقنده در یوقسه ۸۵۸ نجی ماده شرحنده ذکر وایضاح اولندیغی وجهله قابل قسمت اولمیان شیک حصه شایعه سنی هبه جائز اولندیغی کی قابل قسمت اولان بر مالک حصه شایعه سنی هبه ایدن کیسه مذکور حصه نی بالا فراموهوب لهه تسلیم ایدر ایسه هبه ینه جائز و تام اولور .

۵۷ ماده تبرع انجق قبض ایله تمام اولور .

مثلا بر آدم برینه بر شی هبه ایتسه قبل القبض هبه تمام اولماز .

تبرع : مجبور اولمقصرین بر شی بخش واعطا معانسته اولوب هبه داخلی تبرع قیلندندر .

۸۳۷ نجی ماده شرحنده ایضاح اولندیغی وجهله واهب ایجاب ایله موهوب لهه غیر لازم اوله رق اثبات ملک ایدر ایسه ده هرعالیجناب اولان کیسه دیکرک متدار لط و عاطفی اولغی ایستیه چکنندن هبه نك انقادی ایچون موهوب لهک قبولی شرطدر . مع مافیه هبه ایجاب

موقوف اوله منعقد اوله رق موهوب له بر ملك اثبات اولنيور ايسهده
وامع هبه دن قبل القبض رجوع ايده بيله چكي جهته غير مستقر اولديغندن
موهوب ايك مال موهوبده اولان حق تملكی قبض ايله تمام ومستقر
ولور .

§

۸۴۴ ، ۸۴۶ نجی ماده لردن مستبان اولديغنه كوره قبض ، تبرع
اولنان شیء متبرع لهك حقیقه و حكماً قبض ايتسی و يا خود ذاتاً يده
قبضند بولنسی ايله حاصل اولور . ۸۴۹ ، ۸۶۲ ، ۱۵۹۱

۵۸ ماده رعيه يعنی تبعه اوزرينه تصرف مصلحته منوطدر .
مثلاً ۱۲۱۶ نجی ماده ده بيان قلنديغی وجهله لدى الحاجه امر
سلطانی ايله بر كسنه نك ملكی قيمتيله النوب طريقه الحاق اولنه بيلور
فقط تأديۀ ثمن اولدر چقه ملكی يندن النماز .

بايعك رضاسی بيعك شرائط صحندن اولديغی حالده لدى الحاجه
يا امر سلطانی بر ملك اشترا اولندقه عقدك صحتی بايعك رضاسنه متوقف
دكلدر . چونكه ذات حضرت پادشاهينك تبعه سی و املاكی اوزرينه
ولايت عامه سی اولديغندن مصلحه استملاكه حاجت مس ايدن بر ملك
صاحبك رضاسنه باقلمسرين ثمنی ويريله رك اصولی وجهله با اراده سنيه
استملاك اولنه بيلور .

زيرا دولتك انتظام عامه يي محافظه ايله ترفيه وتسعيد حال رعایا
ايچون حقوق لازمه يي حائز اولسی اقتضا ايدر .

۵۹ ماده ولايت خاصه ولايت عامه دن اقوادر .

مثلاً متولی وفقك ولايتی قاضينك ولايتندن اقوادر .

ولی ، وصی ، و كلك ولايتی دخي بويله در .

ولایت ، لغتده یقین اولوق معناسنه اولوب اصطلاحده ، غیر اوزرینه تصرفک ایستر ایسته من نافذ اولسنه دینور .

ماده سابقهده ایضاح اولدییغی وجهله دولتک امور عامهیه متعلق خصوصاتده تبعهسی اوزرینه اولان ولایتی ولایت عامه اولوب تبعه اوزرینه تصرفاتی مصلحتیه منوط اولدییغی کبی قضاة و حکام دخی طرف دولتن مأمور اولمغله بونلرک ایتمام ، مجابین ، معتوه مثالو نفسپرلینه وامور و خصوصاتیه نظردن عاجز اولانلر حققرنده و ترکات و اوقاف و سایر امثالنده ولایت عامه لری اولدیغندن خصوصیات منبورهده تصرفلری دخی مصلحتیه منوطدر . انجق توکیلده تقیید اصل اولدیغندن قضاة و حکامک ولایتلری ذات حضرت پادشاهی جانبندن ویریله جک مساعدیه کوره اولور . مثلاً اموال ایتمامک محافظه و ارباحی درسعادته اداره اموال ایتمام مدیریتنه عائددر محاکم نظامیه بوباید صلاحیتدار دکلدر .

§

مع مافیه رعیه اوزرینه تصرفک مصلحتیه منوط اولسی قاعدهسنه نظر احکام و سایر مأمورین دولتک دائره مأذونیتلری داخلنده اولورق مغایر حکمت و مصلحت اولان تصرفاتی شرعاً غیر معتبر اولدییغی کبی ولایت خاصه ایله ولایت عامه تراجم ایتمه ولایت خاصه ترجیح اولنور . مثلاً ۹۷۴ نجی مادهده درجاتی محرر اولدییغی اوزره اب وجد و بونلر طرفندن منصوب وصی ایله و صیلرک تعیین ایده جکلری و صیلردن بری بولندیغی حالده حاکمک صغیر اوزرینه تصرفی معتبر دکلدر .

چونکه اب وجدک صغیرلر اوزرینه طبیعه حق ولایتلری اولدییغی کبی هرکس کندینک و اولاد و عیالک حین حالی متضمن خصوصاتی ملاحظه و اجرایه مأذون اولدیغندن اب و یا جدک صی اوزرینه وصی

تعیینی ایله حائز اولدینی حق طبعی بی تصرف ایش اولور .
 انجق ۵۹۷ نجی ماده ده محرر اولدینی اوزره حاکم بر صغیر میزک تصرفنده
 منفعت کوردیکی حالده مرتبه کندی وسندن مقدم اولان ولی اذندن امتناع
 ایتسه حاکم بو خصوصده اول صغیره اذن ویره بیلور و دیگر وایسی
 ارتقانی حجر ایده من .

هر نقدر ولایت خاصه ولایت عامه دن اقوی ایتسه ده حاکمک
 ولایت عامه سی وکیله دخی شامل اولغله برابر حاکمکن منافع عامه بی
 عمومیتی اعتباریله ولیددن زیاده دوشنور واینک مجرد کندی منفعتی
 ایچون صغیره اذن ویرمماک احتمالی اولوب بوسورت دخی صغیر حقنده
 ضرری موجب اوله جفندن حاکم ازاله ضرر ایچون اذن ویرر .

کذلک ۷۶۱ نجی ماده ده بیان قلندی و جهله زامن یا خود ورثه سی
 غائب بولور ایتسه رهنی صامتی اوزره وکیله جبر اولور و عناد ایدر
 ایتسه حاکم کندو صاتار .

یعنی وکیل عناد ایتدیکه حاکم رهنی صاتماز زیرا وکیل غایبک
 مالی اوزرینه اولان ولایتی حاکمک ولایتندن اقوادر فقط وکیل عناد
 ایدر ایتسه مرتن حقنده ضرری موجب اوله جفندن حاکم رهنی کندو
 صاتار و ضرری ازاله ایدر .

§

ولایت خاصه نك مراتبی در تدریجیسی : حسب القرابه اولان
 ولایتدر که اصحاب فرائض و عصبیات و ذوی الارحامدن اولان اقربانک
 ولایتدر . ولایت بونلرک ذاتلری ایله قائم بروصفدر بناء علیه کندولرینی
 ولایتدن عزل ایدمزلر شوقدر که اب وجدک صغیرک هر شی اوزرینه
 ولایتی اولدینی حالده سائر اقربانک یالکزن نکاح اوزرینه ولایتی
 واردر .

نجیسی : وصی مختار و یا وصی منصوبك ولايتيدر . بونلرك، صغيرك
منافعی محافظه شرطيله اموالی اوزرينه ولايتلری اولديغندن مال يتيم
اوزره خيانتلری تحقق ايتدكده حاكم عزل ايله ديكر بروصی تعيين ايدر .
برصغيرك بالفرض هم جدی اولديخی وهم پدری طرفندن منصوب وصیسی
بولنديخی حالده قنغيسنك تصرفی نافذ اوله جنى ومتفرعاتی ۹۷۴ نجی
ماده ده تعيين قلمشدر .

اوچنجیسی : وكيلك ولايتيدر . بونك ولايتی غيرلازم اولديغندن
غيرك حقی تملق ايتديكى حالده موكل وكيلنى عزل ايدمهيله چكى كې وكيل
دخی كندینی وكالتدن عزل ايدمه ييلور ۱۵۲۱ ، ۱۵۲۲
دردنجیسی . واقف و یا حاكم طرفندن تعيين قلند ان ناظر ومتولى
وقفك ولايتيدر .

بونلرمقترابه اولان رأيه كوره واقفه نظراً وكيل حكمنده اولدقلرندن
واقف هر حالده عزل ايدمه ييلور و حاكم خيانتلری تحقق ايدرايسه عزل
ايدمه ييلور . زیرا ناظر ومتولى منافع وقفی محافظه يه مأمور اولدقلرندن
خيانتلری تحقق ايتديكى حالده حاكم طرفندن عزل ويرلرينه مناسبلری
تعيين ايديلهرك ضررازاله اولنور .

بالفرض واقف عزل ايدلمالرينی شرط ايتمش اولسه ييله شرعه مغاير
اولان شرط معتبر اولمز وكندو كنديلرينی عزل ايتدكلر تده حاكم نصديق
ايدر ايسه معتبر اولور .

۶۰ ماده كلامك « ممكن اولدينى قدر » اعمالی اهلاندن اولادر .

يعنى بكلامك برمعنايه حمل ممكن اولدقجه اعمال يعنى معناسر اعتبار اولنماليدير .
مثلاً مريضك مرض موتنده كندوسنه وارث اولميان كيمسه يه اقرار

ایتمش اولدینی برعین هنوز بیع یا هبه اولنش یا خود آخردن ارثاً انتقال
ایلمش اولق کبی برسیبله وقت اقرارده انک ملکی اولدینی چوق کیسه لرك
معلومی اوله رق کندو اقرارنده کاذب ایدوکی ظاهر اولور ایسه بواقاراری
مذاکره وصیت اثناسنده ایسه وصیت، دکسه هبه معناسنه محمول اوله رق
حقنده احکام وصیت و یا هبه جریان ایدر . ۱۶۰۱

ایکنجی ماده شرحنده بیان قلندیغی وجهله نیتسنر عملک، اقل مکلفدن
صدوری مستبعد اولدینی کبی افاده مرام ایچون موضوع اولان کلامک
دخی معناسر اوله رق تفوهی عاقلدن استبعاد اولنور بناء علیه سویلنیلان
سوزلرك کلامده حقیقت اصل اولدیغندن اول امرده معنای حقیقیلری
اراده اولنور اگر حقیقی اراده متعذر اولور ایسه اندن خلف اولان
مجازه کیدیلور مجازاً استعمالی دخی ممکن اولمز ایسه اهمال ایدیلور .

نته کیم مثاله بیان قلنان اقراردن معنای حقیقیسنی اراده بی مانع قرینه شرعیه
واردر یعنی ظاهر حالک اقراری تکذیب ایتماسی شرط اولدینی حالده
ذکر اولنان اقراری ظاهر حال تکذیب ایتدیکنندن حقیقی اراده متعذر
اولغله اقرار واقع مجازاً وصیت و یا هبه معناسنه حمل اولنور و بو وجهله
کلام مذکور اهمال ایدلیوب اعمال اولنور . §

۶۱ ، ۶۲ ، ۶۳ ، ۶۴ ، ۶۵ ، ۶۶ ، ۶۷ نجی ماده لر بوقاعده نك
قروع و مقمیدر .

۶۱ ماده معنای حقیقی متعذر اولدقده مجازه کیدیلور .

بناء علی ذلك خصوصته و کالتدن شرعاً مرافعه یه و کالت اراده اولنور .
کتاب الوکالتک باب ثالثک فصل خامسنه باق

مجاز ؛ برعلاقه و مناسبت مخصوصه دن ناشی قرینه مانعه یه مستند
اوله رق موضوع لهنک غیریده استعمال اولنان الفاظه دینور و بو مثالو

لفظله مجاز دیناسنك وجهی دخی موضوع اولدقلری معنادن دیگر بر
معنایه تجاوز ایتدکلریدر .

ذکر اولان علاقه ومناسبت مخصوصه مشایهتدن عبارت ایسه «استعاره»
دکل ایسه « مجاز مرسل » دینور .

استعاره ایله مجاز وعلاقه نك انواع واقسامی بلاغت و اصول فقه
کتابلرنده مفصلاً بحث و بیان اولنوب بوراده ایضاحه محل اولدیغندن
وعندالفتها کنایه بیانیه دن بعضیسی حقیقت و بعضیسی مجاز اولدیغندن
انلره کوره طریق بیان حقیقت و مجازدن عبارت اولسیله اشبو ماده ده
محور [مجاز] کله سی کلام حقیقیه مقابل اوله رق ذکر ایدلدیکی ومطلقاً
مجازك حکمی کندوسیه اراده اولنان معنائك ثبوتی اولدیغنی بیان ایله
اکتفا اولنور . §

کلامده معنای حقیقی بی اراده بی مانع قرینه شرعی ، عقلی ، حسی ،
عرفی اولور .

شرعی به مثال : بالاده ذکر اولدیغنی وجهله خصوصته وکالتدن
مرافعه یه وکالت اراده اولنور چونکه خصوصتک معنای حقیقیسی اولان
منازعه شرعاً مهجور ونباء علیه . معنای حقیقی بی اراده بی شرع مانع
اولدیغنه وکلامك اعمالی اهمالندن اولی اولدیغندن معنای حقیقی متقدر
اولدقده مجازه کیدیه چکنه بناء خصوصتدن مجازاً مرافعه اراده اولنور .
عقلی به مثال : « شو دکانی هوا سیله صات » دنیلدکده هوانك
صاتلسنی اراده بی عقل مانع اولدیغندن هوایی ذکر ایله حق تصرفك
اراده ایدلدیکی اکلاشیلور .

حسی به مثال : ۱۲ نجی ماده ده محور تفصیلاتدن مفهوم اوله جغه
کوره برکیمسه دیگر کسنه نك اولادینه ثلث مالندن بر مقدار وصیت

ایدوبنده اوکسنه نك اولادی اولیوب احفادی اولسه وصیت اولنان مال احفادینه ویریلور هر نه قدر « اولاد » لفظنك ذکور ایچون « ولد صابده » واث ایچون « ولد بطنیده » استعمالی حقیقی ایسه ده مادامکه اوکسنه نك اوغلی و قزی یوقدر اولادکله سنك معنای حقیقیسنی اراده یی حساً مانع اولغله مجازاً « احفاد » مراد اولنور .

عرفیه مثال : ۴۰ نجی ماده شرحنده ایضاح اولدینی وجهله شرطه تعلیق اولنان اقرار باطل اولدینی حالده عرف ناسده حلول اجله صالح اولان بر زمانه تعلیق اولنور ایسه دین مؤجلی اقراره حل اولنور . §

بوقاعده ۶۰ نجی ماده ده محور اصله متفرع اولدینی کبی ۱۲ و ۴۰ نجی ماده لر ایله بیننده مناسبت و ارتباط واردر .

۶۲ ماده بر کلامك اعمالی ممکن اولماز ایسه اهمال اولنور . مثلاً بر کلامك حقیقی و مجزی بر معنایه حلی ممکن اولماز ایسه اول حالده مهمل یعنی معناسز براخیلور .

مثلاً بر کیمسه سنأ کندوسندن بیوک ویا غیریدن نسبی معروف اولان زوجه سی حقنده « بو بنم قزدر » دیش اولسه بوسوزی معناسز عد اولنور .

چونکه « قزدر » دیدیکی زوجه سی سنأ کندوسندن بیوک ویا نسبی معروف اولدیغندن کلام مزبورك معنای حقیقیسنی اراده متعذر اولدینی کبی مادامکه زوجه سی اولق حسیله کندوسنك وارثیدر کلام مذکور و وصیتیه حل ایله معنای مجازی یی اراده دخی متعذر اولدیغندن اهمال اولنور .

خلاصه ؛ کلامده اصل اولان حقیقتدر . فقط حقیقت متعذر اولدقه

کلامک اعمالی اهلاندن اولی اولدیغندن مجازه کیدیلور. مجاز دخی معذر
اولور ایسه اهلان اولور. بنابرین بوقاعده ۶۰ نجی ماده ده محرر قاعده نك
نتیجه سی اولمش اولور. و ۱۰۰۷ نجی ماده ذیلنده یازیلان عوارض
بجشدن مستفاد اوله جنی اوزره نائمك صایقلامسی معنیدار اولسه بیله
قصده مستند اولیه جغندن کلامدن عدیله حکم ترتیب ایتمز.

۶۳ ماده متجزی اولیان بر شئیك بعضی ذکر ایتك

کلنی ذکر کیدر.

مثلا شفیع « عفار مشفوعك نصفنده حق شفعمی اسقاط ایتدم »
دیش اولسه حق شفعمی کلیاً ساقط اولور. مشفوعك دیگر بر مقدارینی
آلغه حق اوله ماز. ۱۰۴۱

شفعه حقوق مجرددن اولدیغندن قابل تجزی دکدر بناء علیه
مشفوعك بعضی حقنده شفیعك حق شفعمی ترك ایتمی کلیسی
حقنده حق شفعمی ترك ایتك کیدر. زیرا قابل تجزی اولیان
شیلرك بعضی ذکر ایله مثلا حق شفعمی بر مقداری ترك
اولندی حاله متروك ایله غیر متروكك اجتماعی لازم کلور. قابل تجزی
اولیان شیلرك انقسامی ممکن اوله میه جغندن یا ذکر اولنان شئیك مذکور
اولماسی و یا خود ذکر اولنانك مذکور اولانه الحاق ایتمی اقتضا ایدر
مذکور اولان بر شئیله مذکور دکدر دیمك جائز اوله میه جغنه و خصوصیه
ساقط اولان عودت ایتیه جگنه مبنی کلامک اعمالی اهلاندن اولادر قاعده -
سنه بناء ذکر اولنمیان دخی مذکور عد اولنه رق متجزی اولیان بر شئیك
کلنی ذکر ایتك نه حکمی افاده ایدر ایسه بعضی ذکر ایتك دخی او حکمی
افاده ایدر.

بوقاعده نك بعض مستثنیاتی و ارایه ده مسائل نكاح كبی مجله ده
مندرج اولمیان احكام شرعیه متعاق اید و كندن بوزاده بختندن صرف
نظر اولندی .

۶۴ ماده مطلق اطلاق اوزره جاری اولور . اكر نصاب یا خود-

دلالة تقیید دلیلی بوانماز ایسه

مثلاً علی الاطلاق بیعه وکیل اولان کیمسه موكلنك مالی آزه
چوغه یعنی مناسب کوردیگی بها ایله پشین ویا ویره سی یه صاته بیلور لیکن
ویره سی یه صاتدیغی تقدیرده اول مال حقنده بین التجار معروف اولان
مدت ایله ویره سی یه صاتسی لازم کلور عرف وعادته مخالف برمدت
طویله ایله صاته میه جنی کبی موكل « بومالی بروجه پشین صات » دیو
صراحتاً یا خود « شومالی صاتده بورجی ویر » دیرك دلالة پشین
صاتق اوزره تقیید اتمش ایسه وکیل آنی ویره سی یه دخی صاته ماز ۱۴۹۴

§

۱۴۹۸

مطلق؛ مدلولی کندی جنسی میانده شایع اولوب جمیع افراد شمولی
اولمیان و تعیین و تخصیص دلالت اتمیان افظدر آت لفظی کبی که مطلق
ذکر اولند قده آت جنسك جمیع افرادینه شایع اولور فقط ادات استغراق
ضمیله هر آت دینلور سه آت جنسك جمیع افرادینه شمولی اولور . ایشته
لفظ مطلق ایله لفظ عام بیننده بوضورتله فرق واردر

مقید؛ مدلولی من وجه شیوعدن چیقان افظدر یاغز آت کبی که
آت لفظی یاغز قیدیه مقید اولدیغندن وصفاً شیوعدن چیقوب قیر ، آل
وسائر رنگلی آتله شامل اولماز فقط جنسیتده بر اولد قلرنندن آت لفظی
افزادینه شایعدر بوحالده مطلق ایله مقید نسبی اولوب یکدیگر نندن اعتباراً
افتراق ایدر لر

کذلك مطابق ، ذاته دلالات ايدوب نفيآ واثباتآ صفته دلالات ايتمز . مقيد بونك خلافتده در .

مثلا بر کيمسه ديکرينه « بنم ايچون برآت آل پاره سني ويره يم » ديسه مطلقاآت آلمغه توکيل ايتمش اولور اما « بنم ايچون برياغز آت آل » ديمش اولسه « ياغز » قيديله مقيد اوله رزق آت آلمغه توکيل ايتمش اولور . والحاصل مطلق ، قيددن بري و آزاده اولديغندن حکمي دخي اطلاق اوزره جاري اولمقدر . مقيد ؛ بونك عکسي اولوب حکمي دخي نساويا دلالة تفيد اولنديني وجهله جاري اولمقدر ٥٧٢ ، ٦٣٩ ، ٦٥٣ ، ٨١٦ ، ٨١٧ ، ٨٢٦ ، ٨١٩ ، ١٤١٤ ، ١٤٢٠ ، ١٤٢١ ، ١٤٢٢ ، ١٤٢٣ ، ١٤٧٠ ، ١٤٧١ ، ١٤٧٩ ، ١٤٨٤ ، ١٤٩٤ ، ١٤٩٥ . نجی ماده لر ايله سائر بعض مواد بوقاعده يه تفرع ايدر .

٦٥ ماده حاضرده کي وصف لغو و غائبده کي وصف معتبردر .

مثلا بايع مجلس بيعده حاضر اولان بر قير آتي صاته جق اولديني حالده « شو ياغز آتي شوقدر بيک غروشه صاتم » ديسه ايجابي معتبر اولوب « ياغز » تبيري لغو اولور . اما ميدانده اوليان بر قير آتي ياغز ديو صا . تسه وصف معتبر اولمله بيع منعقد - يعني لازم - اولاز ٣١٠ وصف ؛ برشيئك خلقآ وخلقآ غلامني تعداد ايشکدر . صفت ؛ دخي بومعنايه اولوب انجق برکيمسه نك ذاتي ايله قائم اولان حالته دخي « صفت » ديرلر .

لغو ؛ قائده سز يعني حکمدن ساقط بولنان و کندوسنه اصلا حکم تعلق ايتيان سوزدر ٢٠٠ ، ٢٣٨ نجی ماده لرده بيان قلنديني وجهله بيعده نمك معلوم اولمسي شرط اولديني کي مبيعك دخي مشترينك معلومي اولمسي شرطدر . برشيئك معلوميتي اول شي سائرندن تميز

و تفریق ایدر صورتده « تسمیه و توصیف » ایله ویا اولشی حاضر ایسه
اکا « اشارت » ایله حاصل اولور . حاضر اولمیان و میدانده بولمیان
شیئه اشارت ممکن اوله میه جفتدن آنده یالکزن تسمیه و توصیف بولنور .

حاضرده ایسه هم اشارت وهم تسمیه و توصیف بوانه بیلور §
برجنسدن اولان شیلرده اشارت ایله تسمیه بریرده جمع اولدقده
اشارت معتبر اولور زیرا اشارت مقصوده دلالتده ابلغدر یعنی اشارت
ایله حاصل اولان تعریف تسمیه و توصیف ایله حاصل اولان تعریفدن
ابلغدر . چونکه اشارت برشی اوزرینه وضع ید ایتک منزله سنده درکه
انکله تمیز تام حاصل اولور . زیرا برشیئه اشارت اولنوبده و اشارت
ایله اوشیئک غیرینی مراد ایتک ممتنعدر . تسمیه ده ایسه اشتراك عوارض
واردر بناءً علیه اشارت حسیه تسمیه دن اقوادر .

بو حالده اشارت حسیه بولندیغی یرده تسمیه و توصیف لغودر
نته کیم مثال مذکورک جزء اولنده بیان قلندیغی وجهله مجلس بیعده
حاضر و اشارت حسیه ایله معین اولان قیرآته بایعک « یا غزآت »
دعسی لغودر . §

اما ایکی جنسدن اولان شیلرده امر بونک عکس و خلافتدر .
یعنی تسمیه و توصیف ایله حاصل اولان تعریف ، اشارت ایله حاصل
اولان تعریفدن ابلغدر . چونکه تسمیه برشیئک ماهیتی وکنه و حقیقتی ،
اشارت ایسه برشیئک انحق اشارت حسیه ایله مشار ایله اولسی صحیح
اوله حق وجود خارجینی تعریف ایده چکی وایکی جنسدن اولان
و خصوصیه مختلف الجنس بولنان شیلرده تمیز تامک حصولی تسمیه
و توصیف ایله تعریفه متوقف بولندیغی جهتله بوبانده تسمیه و توصیف
اشارتدن ابلغدر .

بناءً عليه بيع واجاره كبی عقودك بدلارندن برنده ویا هر ایکسندده
اشارت ایله تسمیه جمع اولدوقده جنسی مختلف اولانلرده یعنی مشار الیه
مسمانك جنسندن اولیوب بشقه جنسیدن بولنانلرده عقد مسمایه تعلق ایدر
و مسمانك عدم وجودینه مبنی عقد باطل اولور .

نته کیم ۲۰۸ نجی ماده دن منقهم اولدیغنه کوره بر کیسه « شو
یاقوت طاشی شوقدر بیک غروشه سکا صاندم » دیوب مشتری دخی قبول
ایتد کدنصکره طاشک یاقوت اولیوب صرچه اولدیغنی ظاهر اولسه عقد
باطل اولور .

چونکه مشار الیهک صرچه اولدیغنی و مسماکه یاقوت طاشدر
مشار الیه انك جنسندن اولیوب بشقه جنسیدن بولندیغنی و مسمی دینلان
و عقد کندویه تعلق ایدن یاقوت طاش اولدیغنی اکلاشلش اولسی جهتله
عقد باطل اولشدور .

اما جنسی متحد اولانلرده یعنی مشار الیه مسمانك جنسندن بولنوبده
فقط وصفنده مختلف بولنانلرده عقد مشار الیه اوزرینه واقع اولور .
و مشار الیهک وجودینه مبنی عقد منعقد اولور . انجق وصفک بولنامسی
جهتله مشتری بخیر اولوب دیلرسه بیعی فسخ ایدر و دیلرسه مجموع ثمن
مسمی ایله بیعی قبول ایدر .

نته کیم ۳۱۰ نجی ماده ده محرر اولدیغنی اوزره بر کیسه کیجه وقتنده
برکسنه یه « شو قرمنی یاقوت طاشی شوقدر بیک غروشه سکا صاندم »
دیوب او دخی قبول ایتد کدن صکره طاشک قرمنی اولیوب صاری
اولدیغنی ظاهر اولسه عقد منعقد اولوب فقط مشتری بخیر اولور .

چونکه مشار الیه اولان صاری یاقوت ایله مسمی دینلان قرمنی
یاقوتک بر جنسندن اولدقلری ویا لکز قرمنیلق و صاریلق وصفنده مختلف

بولندقلرى ومشار اليهك موجود بولنديغى واكجه وقتى ياقوتك قرمزى
وياصارى اولدىغى لايقيه فرق اوانه ميه جنى جهته عقد مشار اليه يعنى
صارى ياقوت اوزرينه واقع اولمش ووصف يعنى قرمزى باق سوزى اغو
وصارى به اشارت معتبر طوتمشدر . §

وجود ويا عدمك بيلمى تجر به موقوف اولان اوصافده مبيع
حاضر اولسه بيله ينه اشارت معتبردر .

نته كيم ۳۱۰ نجى ماده ده بيان قلنديغى وجهله « صاغيلور » ديو
صاتلمش اولان براينكك سوتدن كسلش اولديغى ظاهر اولسه مشترى مخير
اولور . §

ميدانده اولميان شيمه اشارت ممكن اولمديغى جهته غائب حقنده هر
حاله تسميه وتوصيف معتبردر .

نته كيم بالاده محرر مالك جزء ثابته بيه بيان قلنديغى وجهله بايع
ميدانده اولميان هر قير آتى « ياغز » ديو صاتسه وصف معتبر اولمغله بيع
لازم اولموب مشترى مخير اولور .

۶۶ ماده سؤال جوابده اعاده اولمش عد اولنور .

يعنى تصديق اولمش بر سؤالده نه دينلمش ايسه مجب اتى سويلمش حكمندهدر .
مثلا بر كيمسه ديكر كيمسه يه « بنم سنده جهت قرصدن بيك غروش
اله جغم يوقيدر » ديدكده او كيمسه « اوت ، ياخود واردر » ديسه او
كيمسه يه بيك غروش بورجى اولديغى اقرار ايتمش اولور .

زيرا بر سؤالدن صكره وارد اولان لفظ بر كلام مستقل اولماز
ايسه اول سؤاله جوابدر حتى جواباً ايراد اولنان لفظ ، عام اولسه
دخى حالك دلالتيله تخصص ايدرك سبق ايدن سؤالى متضمن اولور .
نته كيم مثالده محرر اولديغى اوزره مجب اولانك « اوت » ديمى

« سكا جهت قرضدن بيك غروش بورچم واردر » حكمنده اولوب
 بوصولته سائلك « سنده جهت قرضدن بيك غروش آله جغم يوقيدر »
 سوزى اعاده اولنش عد اولنور .

لفظك كلام مستقل اولماسى سؤال كندوسنده اعاده اولمديجه
 انك بر معنى افاده ايتماسيله اولور . نته كيم مثال مذكورده واقع [اوت]
 كلمه سيله سؤال اعاده اولنماش اولسه كلمه مزبوره بر معنى افاده ايتمز
 زيرا اوت كلمه مى مستقل بر معنى افاده ايتيوب سبق ايدن بر كلام
 استفهامى و يا خبرى يى على حاله تقرير ايدر يعنى موجب ايسه ايجاب
 ومنفيه ايسه نفى اوزره براقير . §

اما بر سؤالدن صكره وارد اولان لفظ بر كلام مستقل ايسه سؤال
 جوابده اعاده اولنش عد اولنميه جفى كې جواب سؤالان فضله اولور
 ايسه بوتقديردى جواب دخی سؤال مقدارى اعاده اولنش اوله جغندن
 فضله سى مبتدا اولمش اولور . نته كيم ۱۷۸ نجى ماده مثالنده محرر اولديغى
 اوزره بايم « شو مالى سكا بيك غروشه صاندم » ديوب مشترى دخی
 « بيك بشيوز غروشه الدم » ديسه بيع بيك غروش اوزرينه منعقد
 اولوب فضله اولان بش يوز غروش باييك قبولنه معروض ايجاب
 حكمنده بولنور .

بايع اول مجلسده قبول ايدر ايسه مشترى طرفندن زياده قلنش
 اولان بش يوز غروشك دخی اعطاسى لازم كلور . §

بوقاعده نك طلاقه متعلق بر مسئله ده استثناسى واردر شويله كه زوجه
 زوجنه « بنى طلاق ثلثه ايله تطليق ايت » ديوبده زوج « تطليق ايتدم »
 ديسه بر طلاق واقع اولوب طلاق ثلثه ايله تطليق ايدمش اولماز .

۶۷ ماده ساکته بر سوز اسناد اول نماز لکن معرض

حاجتده سکوت بیاندر .

یعنی سکوت ایدن کیمسه شو سوزی سویله مش اولدی دینلر لکن سویله جک پرده سکوت ایتمی اقرار و بیان عد اولور .

مثلا بر کیمسه برندن برشی عاریت ایسته یوبده صاحبی سکوت ایلش اولدیفی حالده آله غاصب اولور ۸۰۵

زیرا معیزک سکوتی قبول صایلماز صایله اساساً متبرع اولان معیری تضییق لازم کلور .

فقط بر کیمسه « شومالی سکا عاره ایتدم » دیوبده اوکسنه برشی سولکسزین قبض ایتسه عاره منعقد اولور ۸۰۴ زیرا معرض حاجتده سکوت بیاندر . خلاصه احکام شرعیه مقاصده کوره اولوب قصد ایسه امور وجدانیه دن اولغله ترجان الغیب اولان لسانک بیاننه احتیاج درکاردر .

بیان ؛ مقصوده بروجهله تعلقی اولان برکلام ویا فعل سبقت ایتدکن صکره اول مقصدی اظهار اولدیفندن مخاطب معرض حاجتده یعنی سویله مک ایجاب ایتدیکی حالده سکوت ایدرایسه اقرار و بیان عد اولور . زیرا سکوتی قبولنه دلالت ایدر . امور باطنه دن اولان برشیئک دلیل ظاهر یسی انک یرینه قائم اولور . ایشته بوکا اصطلاح اصولیونده

§

« بیان ضرورت » دینور

معرض ؛ میمک فتحی و رانک کسری ایله موضع وزننده اولوب محل بیان دیمکدر . مجله احکام نتیجه نه کی یرلرک معرض حاجت اولوب انلرده سکوتک اقرار عد اولغسی لازم کله جکی ۳۳۵، ۲۸۱، ۲۷۶، ۱۷۵، ۷۷۲، ۷۴۳، ۷۰۷، ۴۷۲، ۴۳۸، ۴۲۶، ۳۴۴، ۹۷۱، ۸۴۳، ۸۴۱، ۷۷۳

۱۰۳۲، ۱۴۵۱، ۱۴۸۵، ۱۲۷۶، ۱۵۶۸، ۱۵۸۰، ۱۶۵۹، ۱۷۵۱ نجی ماده -
لرک متن و شرح لرنده بیان قلندشدر .

۶۸ ماده بر شیئک امور باطنه ده دلیلی اول شیئک مقامنه
قائم اولور .

یعنی حقیقته اطلاع متعسر اولان امور باطنه ده دلیل ظاهر یسی ایله حکیم اولنور .
مثلاً مشتری میببی عیب قدیمه بعد الاطلاع بیعه عرض ایتسه یعنی
صاتیغه چیقارسه عیبه رضادیمک اوله رق ارتق رد ایده من ۳۴۴
کتاب البیوعک باب سادسک خیار عیبه دأر اولان فصل سادسنده
مفصلاً بیان قلندیغی اوزره بیع مطلق میبعک عیبیدن سالم اولسنی
اقتضا ایده جکندن بیع مطلق ایله صاتیلان بر مالک عیب قدیمی تبین
ابتدکه مشتری نخرردر دیلرسه رد ایدر و دیلرسه من مسمی ایله قبول
ایلر انجق ذکر اولانان مثاله محرر اولدیغی اوزره مشترینک عیب
قدیمه اطلاعدن صکره میببی صاتیغه چیقارمی عیبه رضاسنه دلالت
ایده جکندن بعده ردایتمکه قالدیشسه دعواسی مسموع اولماز هر نه قدر
رضا امور باطنه دن اولوب حقیقته اطلاع متعسر ایسه ده مشترینک
میببی صاتیغه چیقاره رق تملکک لوازمندن اولان بروجه ایله تصرف
ایتمسی ظاهرأ عیبه رضاسنه دلالت ایده جکندن «خیار عیبی» اسقاط
ایتمش اولور . §

دلیل ؛ شول شیدر که اکا علم شیء آخره علمی مستلزم اولور .
۶۹ ماده مکاتبه مخاطبه کییدر .

مثلاً ایجاب و قبول شفاهاً اولدیغی کبی مکاتبه ایله دخی اولور ۱۷۳
مخاطبه ، سولیشمک ، مکاتبه ؛ مکتوبلشیمق معنائینه در . انسان خلقی

مقتضای اوله رق یکدیگری ایله سوبلشمک حقنه مالک اولدیغی کبی مکالمه نك شکل تحریرسی اولان مکاتبه حقنه دخی مالک اولدیغندن بو ماده نك حکمی انسانلره یکیدن برحق ویرمک دیمک اولیوب مکاتبه نك مخاطبه کبی شرعاً معتبر اولدیغنی بیاندر .

اگر مکاتبه مخاطبه کبی اولسه عقود و معاملاتک مرعیتی مخاطبه یه منحصر اولمق لازم کلوب بونک دخی نه درجه لرده مشقتی مستلزم اوله جنی مستغنی بحث وایضا حدر . مشقت ایسه جالب تیسیردر . بناءً علیه انسان لساناً واقع اولان اقرار ایله نصل مؤاخذه اولنور ایسه کتاب الاقرارک باب رابعنده مندرج اولدیغی اوزره تحریراً وقوعبولان اقراری ایله دخی او یله جه مؤاخذه اولنور

§

مراسله دخی مکاتبه کبیدر ۱۴۵۴ نجی ماده یه نظر بیور یله .

۷۰ ماده دلسزک اشارت معهوده سی لسان ایله بیان کبیدر .

بناءً علی ذلک دلسزک اشارت معهوده سیله یعنی معتبردر ۱۷۵۲

یعنی : جناب حقه اسمنه قسم ایتمکدر . بونده اصل اولان تلفظدر انجق دلسز اولان کیمهلر تلفظه مقتدر اولمقدلرندن یعنی وسائر خصوصاتده اشاراتی معتبر طوتلمسه مشقتی مستلزم اولور مشقت ایسه تیسیری جلب ایدر . بناءً علیه دلسزلرک بینلرنده معروف اولان اشارتلیر معاملات و مناکحاتده لساناً بیان حکمنده طوتیلور .

یالکز ۱۶۸۶ نجی ماده ده بیان قلندیغی وجهله دلسزلر رکن شهادت اولان «شهادت ایدرم» جمله سی ذکر و ایراد ایده میه جکلرندن شهادتلیر مقبول دکلددر .

کذلک شبهه ایله ساقط اولان حدود شرعیده دلسزک اشارتنه

اعتبار اولنمز. لکن مقتولک وارثی دلسز اولوبده قاتلی قصاصدن عفو ایتسه صحیح اولور. §

دلسزلردن صدور ایدن اشارت ایکی نوعدر. نوع اول: انکاره دلیل اولان اشارتدر دلسزک باشنی عرضاً تحریک ایتسی کبی. سا کتیه بر سوز اسناد اولنماز قاعده سنه نظراً دلسز مقام انکارده ساکت اولسه انکارینه محمول اولور. اشارت ایله انکارینی تأکیداً بیان ایتش دیمکدر.

نوع ثانی: اقراره دلیل اولان اشارتدر. دلسزک مقام اقرارده باشنی طویلاً تحریک ایتسی کبی بوتریک اقرار معانسنه اوله رق کندو. سندن صدوری معروف اولدینی تقدیرده قاعده مشروعهیه تطبیقاً اقرار صاییلور. §

دلسزک ایکی نوعدر. بریسی اصلی، دیکری عارضیدر. اصلی اولان دلسزک، بر کیمسه نك اعضای تلفظیه سنده نقصان و یا خلل اولمسیله تلفظه عدم اقتداریدر. بونوع دلسزلرک اشارتلی بینلرنده معروف و مستعمل اولدیغندن لسان ایله بیان کیمدر. و بو قاعده دن مقصد دخی [معهوده] کلمه سندن مستبان اولدیغنه کوره بونوع دلسزلرک اشارتیدر. عارضی اولان دلسزک ؛ بر کیمسه نك ذاتاً اعضای تلفظیه سی تام و صحیح اوله رق تلفظ ایتدیکی حالده مرض و علت سببیه معتقل لسان اولمسیدر که بونلرک اشارتی «اشارت غیره عروقه» در.

عارضی اولان دلسزلرک معاملات و مناکحاتی حقننده حکم شرعی ترتیب ایتک ایچون نظر اولنور اگر آلت تلفظ اولان زبانی قطع ایدمک یا خود مفلوج اولوب اقتدار تلفظی ساقط اولمق مثللو بر سبب و یا علت ایله حال اعتقالی وفاته قدر باقی و ثابت اولور ایسه اول حالده قبل الموت اشارتیه

وقوع بولان اقراری برنجی نوع دلسر لرك اقراری کبی معتبر اولور .
 لکن مرض کسب خفت ایدرک لسانک اچیلسی اجمالی اولدیغی
 صورتده اشارتی معتبر اولماز . چونکه اشارتک لسان ایله بیان مقامنه
 قائم اولسی دفع حاجت و ضرورت ایچون مشر و عدر ضرورتلر کندو
 مقدار لرنجه تقدیر اولنور .
 §

دلسر یازی یازمق بیلدیکی حالده یازدیغی شیلر مکاتبه مخاطبه کیدر
 قاعده سنه بناءً معتبردر مثلاً برمالی صاتون المق ایستیان دلسر اشارت
 ایتیموب یازی ایله ایجاب و بایع لساناً قبول ایلسه بیع منعقد اولور .
 بایع بالآخره « مشتری دلسر ایدی اشارت ایتیمی لازم کلوردی انک
 کتابتنه اعتبار اولنماز » دیه من چونکه اصل اولان نطقدر ناطق اولان
 کیسه نك مکاتبه سی مخاطبه کبی عدا و لنجه نطقی متعذر اولان دلسرک
 مکاتبه سنک مشر و عیتی اولویتله ثابت اولور .

فقط دلسر تحریراً برمالی المق ایستسه و اشارتله دخی المق ایستدیکی
 مالک دیگر برشی اولدیغی کوسترسه یعنی دلسرک اشارتی ایله کتابتی
 بر ماده ده تعارض ایلسه بایع مخیر اولور . زیرا ارا نیلان شی قصه دک
 اکلا شمسیدر . بویابده لسان ایله بیان بلیغ اولدیغندن اصلدر کتابت
 و اشارت اندن خلفدر بیع کتابتنه تعریف و بیان ایله ، اشارتنه
 ال و باش ایله نطقه یقین بر صورتده معلوم اوله جغندن ایکی نوع ایجاب
 واقع اولمش اولمسیله بایع دیلدیکنی قبول ایدر .
 §

۱۷۴ ، ۴۳۶ ، ۱۵۸۶ نجی ماده لر قاعده مشر و حده متفرعدر .

۷۱ ماده ترجمانک قولی هر خصوصده قبول اولنور .

مثلاً حاکم متخاصمینک یا خود شاهد لرنک لسانلرنی فهم ایده مدیکی

صورتده ترجان واسطه سیه محاکمه واستشهاد ایدر وبخصوصده
ترجانه قولى قبول اولور .

ترجان ؛ فصیح اولان نانك قىمى و رانك سكونى و جيك ضمى
ایله اولوب بر لغتى آخر لغت ایله بیان و تفسیر ایدن آدمه دینلور .
ترجانه قولى ترجانی اولدینی کیتمه نك قولندن بدل اولیوب
آنك مرهم و مقصدینی افهام ایچون سولدیکی سوزی بالترجه افاده دن
عبارتدر . آنك ایچون ترجانه سوزی هر نه قدر لفظاً متحد دكلمه ده معناً
بردر . اكر ترجانه قولى هر خصوصده قبول اولمسه بشقه لسان
بیلیم کیسه لر ایچون ترجان قولانماق اقتضا ایدر ك موجب مشقت
اولور . بوده جائز دكلدر شو قدر كه ترجانه موثوق و مؤتمن اولسی
شرطدر .

§

۷۲ ماده خطاسی ظاهر اولان ظنه اعتبار یوقدر .

مثلاً اصیل، کفیلنك اداسنه واقف اولیه رق حالا دینم وار ظنیله
تأدیة دین ایتدکن صکره دین مذکورى کفیلنك اداسی ظاهر اولسه
اصیل تکرار اوله رق و یرمش اولدینی مبلغی استرداد ایدر .
کذلک کفیل اصیلک اداسنه مطلع اولیه رق کفیل اولدینی دین حالا باقیدر
ظنیله مکفوله اولان دینی داینه ادا ایتدکن صکره دین مذکورى
اصیلک تأدیة سی یا خود داینک اصیلی دین مذکور دن ابراشی ثابت اولسه
کفیل و یردیکنی استرداد ایدر .

۴ بجى ماده شرحنده بیان قلندیغی اوزره شك ؛ بر شئك وقوع
ویاعدم وقوعده طرفین سیان اوله رق تردد ایتمکن و یقین ؛ احد طرفینك
بردایل قطعی یه مستند اوله رق مجزوم اولمسندن عبارتدر .

موضوع بحشمز اولان ظن ؛ دخی ائنده تقریباً اکلامق معناسنه اولوب اصطلاح اصولیونده احد طرفینک دیکرندن قوی اولسنه دینور . بوقوت یالکنز ترجیحی موجب اوله جق درجه ده ایسه « ظن » واکر دیکرینی طرح ایده بیله جک مرتبه ده ایسه « ظن غالب » دینور که یقین منزله سنده در . خطا ؛ طوغری اولمیان شیئه دینوب ظنک خطاسی ظاهر اولدقچه یقین حکمنی افاده ایده بیلور ایسه ده خطاسی ظاهر اولدقه اعتباردن ساقط اولور . ونباء علیه مثاله محرر اولدینی اوزره هنوز باقیدر ظیله تأدیه اولنان دینک اولجه تسویه ایدلدیکی ویا داینک مدیوننی دین مذکوردن ابرا ایلدیکی تحقق ایتدیکی حالده چونکه برحق ایکی کره استیفا اولنه میه جفی کبی داین مدیوننی ابرایتدیکی صورتده کفیلی مطالبه ده دخی محل قالمیه جغندن دین حالا باقیدر ظنیه ویریلان پاره نك استردادنی لازم کلور .

۷۳ ماده سنده مستند اولان احتمال ایله حجت یوقدر .

مثلا برکیمسه ورثه سندن برینه شوقدر غروش بورجی اولدینی اقرار ایتدیکی تقدیرده اگر مرض مؤتده ایسه دیکر ورثه تصدیق ایتدیکچه بواقارای حجت دکلدور . زیرا دیکر ورثه دن مال قاجرمق احتمالی مرض موته مستنددر اما حال صحده ایسه اقراری معتبر اولور . واول حالده اولان احتمال مجرد برنوع توهم اولدیغندن اقرارک حجینه مانع اولمز .

کتاب البیوعک باب سابعنک فصل خامسی و کتاب الهبه نك باب ثانیسنک فصل ثانیسی و کتاب الاقرارک باب ثالثنک فصل ثانی مندر جاتندن بر تفصیل مستبان اوله جفی وجهله هرکس مال و ملککنده کیف مایشا تصرف ایده بیلور ایسه ده ثلث مالندن زیاده بی وصیت ایتک و مالنی ورثه سندن برینه ویروبده دیکر لرینی اندن محروم بر ائق شرعاً جائز دکلدور انجق برکیمسه ورثه سندن بعضیلرینه هیچ برشی ویره مامک اوزره مقید دخی

اولمديغندن بركيمسه ورثه سندن برينه شوقدر غروش دين اقرار ايتد كده
عجيبا حقيقه بور جيميدر. يوقسه ديكر ورثه دن مال قاچيرمق مقصديله مي
اقرار ايتمشدر. ايكي سنده بمقتل اولوب شوقدر كه اقراري حال صحتنده
وقوع بولمش ايسه ورثه دن مال قاچيرمق احتمالي برنوع توهمدن عبارت
اولور. اكر مرض موتنده اقرار ايتمش ايسه احتمال مذكور سنده يني
مرض موته مستند اوله جغندن ديكر ورثه تصديق ايتد كجه حجت اوله من.
خلاصه احتمالات سنده مستند اولد كجه توهم عد اولنهرق حكمي
اولماز. اما سنده مستند اولور ايسه ظن درجه سنه ارتقا ايدرك خطاسي
ظاهر اولد كجه معتبر اولور.

۷۴ ماده توهمه اعتبار يوقدر.

مثلاً برينك انسان بويندن يوكسك يرده پنجه سني اولوبده « احتمالكه
نردبان وضعيله قوموشوسنك مقر نسوان اولان محله نظر ايلر » ديو
قوموشوسي اول پنجه يني سد ايتديره من ۱۲۰۳

۷۲۴ نجی ماده لر شرحنده بيان قلنديني وجهله برشيئك وقوع وعدم
وقوعي يامتساويآ ويا متفاضلاً ملاحظه اولنور. اكر طرفين سيان
اولهرق تردد ايديلور ايسه « شك » بري ديكرندن قوي اولور ايسه
« ظن » وپك قوتلي بولنور ايسه « ظن غالب » وبوقوت بر دليل قطعي يه
مستند اولور ايسه « يقين » ديلور.

اكر احدهما اخردن ضعيف اولور ايسه اكا « وهم » ديرلر نته كيم
مثالده محرر اولديني اوزره قوموشونك نردبان وضعيله قوموشوسنك مقر
نسوان اولان محله باقق احتماليده وار باقماق احتماليده وار. فقط
نردبان قويوبده قوموشوسنك پنجه سندن باقده باقق احتمالي سنده
مستند اولوب توهم صرف و احتمال مجرددن عبارت قاله جغندن پنجه

سد ایتدیر یله من چونکه توهماته اعتبار اولنسه هیچ بر معامله و حکمک
قطعیست کسب ایده ماسی لازم کلور . بوده محافظه نظام عالمه مغایر در .

۷۵ ماده برهان ایله ثابت اولان شی عیاناً ثابت کیلدر .

مثلاً بر کیمسه دیگر کسنه دن جهت قرضدن بیک غروش طلب و دعوی
ایتدکده او کسنه نك انکاری اوزرینه اول مقدار بورجی اولدیغنه دائر
شبهه تدویر و تصنیعدن سالم بر سندن ابراز ایله حاکم سند موجبجه حکم

ایدر ۱۷۳۶ ، ۱۸۱۸

برهان ؛ لغتده دلیل و حجت واضحه معناسنه در . اصطلاح منطقیونده
مقدمات یقینیندن مرکب اولان قیاسه دینور . بومقدمه لر کرک بدیهی
اولسون کرک نظری اولوبده بدیهی به منتج اولسون نته کیم عالم متغیر در
وهر متغیر حادثدر اولیه اینسه عالم حادثدر دیدیکیمز کبی علم حساب . علم
هندسه دیالاری دخی هب برهان جلیدر . اصطلاح اصولیونده ؛ حق
باطلدن تفریق و صحیحی فاسددن تمیز ایلیان بینة عادلیه دینور بوقاعدهده
دخی برهاندن مقصود بینة عادلدر .

عیان ؛ عینک کسریله باب مفاعله دن مصدر اولوب برشی شبهه سن
و آچیقندن کورمک معنانه در نته کیم « فلان شی معاینه ایتدی » دینلور که
کوزی ایله کوردی دیمکدر . بنسایرین ماده مذکور « برهان یعنی بینة
ادلّه ایله ثابت اولان شی عیاناً یعنی معاینه و مشاهده بصر ایله ثابت
اولمش کیلدر » دیمکدر چونکه برهان ایله علم یقین حاصل اوله جفندن
بینه اوزرینه ترتیب ایدن اثر موجبیه حاکمک اوزرینه قضانک و جویدر
شو حالده ۱۸۲۸ نجی مادهده محرر اولدیغی اوزره حکمک سبب و شرطلری
بولندقدّه حاکمک حکمی تأخیر ایتسی جائز دکلدر . §

زیرده محرر ۷۶ ، ۷۷ ، ۷۸ ، ۷۹ ، ۸۰ نجی ماده لر بوقاعدهده

مقرع اولدینی کی کتاب الاقرار ، کتاب الیقات ، کتاب القضاء
احکام مندرجه سی دخی بوقاعده لره مقرعدر .

۷۶ ماده بینه مدعی ایچون ویمین منکر اوزرینه در .

۱۰. مثلا بر کیسه دیگر کسینه دن جهت قرضدن بش بیک غروش طلب وادعا
ایتدکده اوکسینه انکار ایدر ایسه حاکم مدعیدن بینه طلب ایدر . مدعی
بالینه دعواسنی اثبات ایتدیکی صورتد . حاکم انک اوزرینه حکم ایدر واثبات
ایده مدیکی صوته بریمین حق قانعله طالب اولور ایسه حاکم انک طلبی
اوزرینه مدعی علیه یمین تکلیف ایلر . مدعی علیه یمین ایدر سه یاخود
مدعی یمین ویردیزمن ایسه حاکم مدعی بی مدعی علیه معارضه دن منع ایدر .
اگر مدعی علیه یمیندن نکول ایدر سه حاکم نکولیه حکم ایدر

۱۸۱۷ ، ۱۸۱۸ ، ۱۸۱۹ ، ۱۸۲۰

بینه ؛ لغته ظاهر و آشکار اولمق معناسنه در . دلیل وبرهان معنا .
سند دخی قوللانیلور . اصطلاحده : حجت قویه دیمکدر . حق وباطل
وصدق وکذب کندیسيله واضح و آشکار اولمسی وینلری انکله فصل
وتمیز قلمسی . تعدی اتمسی جهتله حجت قویه ده « بینه » اطلاق
اولمشدر .

مدعی ؛ حضور حاکمه برندن حقنی طلب ایدن کیسه در ۱۶۱۳
یمین ؛ لغته صاغ اله دینور . زور وقوت وقدرت معنالرنده
مستعملدر .

سلفده عربلر عهد وحلف خصوصنده صاغ الی رفیقنک صاغ الله
ضرب وسمع ایلدکاری علاقہ سيله حلف وقسمه « یمین » دینلشددر .
اصطلاح فقهایه کوره یمین ؛ خبرک طرفینندن بری مقسم به ایله یعنی
اسم الهی ذکر ایله قوللندر مکدر .

چونکه خبرك صدق و كذبہ احتمالی وارد و خبرك طرفینی
صدق و كذب جهتلر بدرکه عین ایدہ جك کیمسه کندیشنك حقیقتاً ادعا
وقولنده صادق اولدیغنی بیلهرك عین ایدر ایسه صدق جهتی و كاذب
اولدیغنی بیلدیکی حالده خلاف یره عینہ جسارت ایدر ایسه كذب
جهتی قوتلندیرمه عزم و قصد ایتش دیمکدر §

کتاب البیناتک مندرجاتدن تفصیلاً اکلاش-یلہ جنی اوزره بینہ
ایکی قسمدر برنجیسی شہادت اولوب بوده یادرجه تواتره واصل
اولور یا اولماز ایکنجیسی حجج خطیه درکه کتاب مذکورك باب نایسنده
بیان و ایضاح اولمشدر .

اسباب حکمدن بری اولان « قرینة قاطعه » دخی بینہ دن معدوددر
قاعدہ مشروحه مشهور و متواتر اولان [البینة للمدعی والیمن علی من انکر]
حدیث شریفنك ترجمه سیدر . و بو اصلده بالجمله مجتهدین حضراتی
متفقدر چونکه مدعینك دعواسی خلاف ظاهر او اعلیه ضعیف اولدیغندن
قول مجردینہ بنای حکم ایدیلہ میه جکی جهتلہ بینہ ایله تقویه به محتاجدر
و منکر اولان مدعی علیه برائت ذمت اصلدر قاعدہ سنه بناء اصله
متمسك اوله رق تفریغ ذمتی طلب ایدہ جکندن بونی تقویه ایچون
اقامه بینہ به حاجت اولیوب عینی کافیدر .

الحق امام شافعی رجه الله علیه « رد عینی » تجویز ایتش و مذهب
حنفیه یو جهته کیدلماش اولسنه و زمانزده رد عین مسئله سی ارباب
حقوق میانده دخی موضوع بحث ایدلمکده بولمسنه مبنی استطراد
قیلندن اوله رق عرض ایضاحات ایدیلور شویله که :

مدعی ، مدعی علیه دن طلب وادما ایتدیکی جهت قرضدن بش بیک
غروش آله جفنی اثبات ایدہ میوبده طلبی اوزرینه حاکم طرفندن مدعی علیه

اول مقدار بورجی اولدیغنه یمین ایتسی تکلیف اولندقدن مدعی علیه
اول مقدار آله جنی اولدیغنه مدعیك یمین ایتسی طاب ایتسه امام
شافعی حضرت لرینه کوره مدعی به یمین تکلیف اولنور یمین ایدر ایسه
موجبیه مدعی علیه اوزرینه حکم اولنور نکول ایدر ایسه معارضه دن
منع ایدیلور.

حضرت شافعیك بروجه محرر رد یینی تجویز بیورملری روایت
اولنان بر حدیث شریفه مستنددر امام اعظم حضرت لرینه کوره رد یینك
عدم جوازی اسبابی متعدددر.

اولا بینه مدعی ایچون و یمین منکر اوزرینه در معارضه اولان حدیث
شریف متواتراً مشهوردر رد یینك جوازی مشهور اولان حدیث ایسه
غریبدر. یعنی هر نه قدر حضرت فخر کائنات علیه افضل التحیات افندمزدن
صدوری روایت اولنش ایسه در روایت واقعه یی یحیی بن معین حضرت لر
رد ایله در حدیث غریب ایله حدیث مشهور و متواتر حکمی
تغیر ایتمز.

ثانیاً بینه خلاف ظاهری اثبات و یمین اصلی ابقا ایچون مشروع اولوب
مدعیك مدعی علیه دن جهت قرضدن طلب ایتدیکی بش بیک غروش
خلاف ظاهردر چونکه ۸ نجی ماده ده بیان قلندی و جهله برائت
ذمت اصل اولدیغندن مدعی اثبات مدعا دن عاجز قالدینی حاله مدعی
علیه معارضه دن منع ایدمك لازم کلور ایسه در بعض خصوصه
سند و یا شاهد تدارك اولنه میه جغندن مدعیك حقلی اولوب فقط سند
و یا شاهدی اولماسی حسیله اثباتدن عاجز قالمسی و مدعی علیه
دخی مدعی بی اضرار ایچون انکار ایلسی ملحوظ اولغله بومقوله
ملاحظاته محل قالمق اوزره مدعی طلب ایتدیکی حاله مدعی علیه

اول مقدار بورجی اولدیغنه دائر عین ایتیمی تکلیف اولنور عین ایتدیکی
حالده مدعی معارضه دن منع ایدیلور نکول ایلدیکی صورتده نکولیله
مبلغ مغربوری ویرمک اوزره حکم اولنور .

زیرا مدعی علیه حقی اولدیغی حالده عین ایدر ایسه عینی ذکر
وتکیل مقامنه کچر حقسز اولدیغی حالده عین ایدر ایسه کندیتی
مدعینک حقی اسم الله قسم ایدرک ابطال ایتدیکندن ذاتی عدالت الیهیه
تسلیم ایتمش اولور . اگر عیندن نکول ایدر ایسه نکولی امام اعظم
حضر تدرینه کوره بندلر . امامین حضراتنه کوره برنوع اقراردر . کرک
بذل کرک اقرار اولسون نکولیله مدعا بی ویرمک اوزره حکم اولنور .
شو تفصیلاتدن مفهوم اولدیغنه کوره مادامکه برائت ذمت اصلدر .
مدعی اثبات مدعان عاجز اولدیغی حالده معارضه دن منع ایدمک لازم
کلور ایکن مدعی علیه عین تکلیف اولنمق شاید مدعی بی اضرار ایچون
انکار ایدیه بور ایسه نکولی ایله مقصدک حاصل اولسی وحقی ایسه عین
ایدرک تأمین وجدان ایلسی ایچوندر .

ثالثاً عیندن نکول بذل ویا اقرار اولغله شرعاً حق اوزرینه عین
ایتمکدن اجتناب ایجاب ایتز فقط یلان یره عین ایتک شرعاً مذمومدر .
بناءً علیه حقی اولان کیسه نک عیندن نکول ایتسنه هیچ بر سبب اوله من
نکولی یا ورع وتقواسندن ویا خود حقسز اولسندن ایلرو کله جکندن
نکول ایتسی باذل اولسنه یعنی مالی عین ایچون فدا سنه یا خود مقر
اولسنه دلالت ایدر .

مادامکه مدعی علیه عیندن اجتناب ایله مدعا بی ویرمکه راضی
اولیور ، یا خود مدعا بی اقرار ایدیه بور ارتق مدعیدن پینه طلب
ایدمکه لزوم قالمز که عین تکلیف اولنه یلسون .

۷۷ ماده ینہ خلاف ظاہری اثبات ایچون ویمین اصلی
ابقا ایچوندر .

بوماده ینہ ایله یمینک سبب مشرعیتنی و ینہ مدعی ایچون ویمین منکر
اوزرینہ اولمسنک حکمتنی بیان ایچوندر .

خلاف ظاهر ؛ صفات عارضه ده وجود ، برکیمسه نك ذمتك
مشغولیتی ، امر حادثك ابعده زمانه اضافتی کبی شیردر . بوكا « خلاف
اصل » دخی دینور .

اصل ؛ صفات عارضه ده عدم ، برأت ذمت ، امر حاثك اقرب
اوقاته اضافتی کبی شیردر . بوكا « ظاهر » دخی دینور .

ظاهر حاله موافق و مطابق اولان شی که اصل دیمکر ه نجی ماده
حکمنجه برشیک بولندیخی حال اوزره قالمی یعنی خلافنه دلیل اولدیغنه
اولدیخی حال اوزره ابقا و بقاسی اصل و راجح و اعتبارده مقدم اولدیغندن
ظاهر حاله متمسك اولان کیمسه نك بیاننه ظاهر حال شاهد اولغله یننه
محتاج اولیوب شو قدر که دلالة اولمسنه و خصوصیه مدعی علیه انکاری
کندی حقنده یا جلب منفعت و یا دفع مضرت مقصدینه مستند بولمسی
احتمالنه بناء ضعیف ایدو کندن بالتقویه اصلی ابقا ایچون مدعی طالب
اولدیخی حالده مدعی علیه یمین تکلیف اولنور . اما مدعینک ظاهر حاله
مخالف کورینان دعواسی قول مجردندن عبارت اولدیغندن یننه ایله
تقویه محتاجدر .

خلاصه برکیمسه غیرک فعلنی انکار ایدر ایسه مع الیمین قول منکر کدر
زیرا اول منکر اصله متمسکدر . اما کندی فعلنی ادعا ایدن کیمسنه نك
قولی انجق حجت و یننه ایله مقبول اولور .

مثلاً بر کیمسه معدل الاستقلال اولیان خانه سنی دیگر بر کسنه یه و یروب
 اودخی بر مدت ایچنده ساکن اولدقدن صکره بینلرنده اختلاف واقع اوله رق
 خانه صاحبی « بن بوخانه یی سکا مدت معلومه تمامنه دکن شوقدر
 غروشه ایجار ایتشیدم » دیو دعوی و ایچنده اوطوران دخی « بلا
 اجرة اسکان ایتش ایدک » دیو دفع دعوی ایتد کتری و طرفینک بینه سی
 اولدینی حالده قول؛ خانه ده ساکن اولان کیمسه نکدر . زیرا غیرک
 فعلی انکار ایتشدر . یعنی مذکور خانه نک کندوسنه ایجار ایله ویرلیوب
 بلا اجرة اسکان ایدلدیکنی صورت دفعده ادعا و بیان ایتشدر . و منور
 خانه دخی ذاتاً معدل الاستقلال اولدیغندن مدعی علیه اصله متمسک اولغله
 مدعی طالب اولدینی حالده اصلی ابقا ایچون کندوسنه عین تکلیف اولنور
 اما او کیمسه که کندی فعلی ادعا ایتشدر « یعنی شوقدر غروش اجرت
 ایله اسکان ایتدم » دیتشدر معدل الاستقلال اولیان بر خانه حقنده بو
 سوز خلاف ظاهر اولغله اثباته محتاجر .

الحاصل ۱۶۹۹ نجی ماده ده بیان قلندینی وجهله بینه بر حق
 اظهار ایچون مشروع اولدیغندن خلاف ظاهر ارلان شیرک اثباتی
 بینه یه محتاج اولوب عین اصلی ابقا ایچوندر . بناءً علیه فلان کیمسه
 او ایشی ایشلیدی ، فلان شی فلان کسنه نک دکلدر . فلانک فلانه
 بورجی یوقدر کی نفی صرفه شهادت مقبول اولماز .

فقط نفی متواتر بینه سی مقبولدر . یعنی نفی متواتر بینه سی بوقاعده دن
 مستثادر . چونکه تواتر علم ضروری حاصل ایدر .

مثلاً بر کیمسه « فلان کسنه یه فلان وقت فلان محله شوقدر
 غروش اقراض ایتدم » دیو جهت قرضدن اول مقدار غروش دعوی
 ایدوب حال بوکه اول کسنه نک اول وقت اوراده اولیوبده بشقه محله

بولنديغى تواترأ اثبات اولنسه اشبوتواتر بېنەسى مقبول اولوب مدەنىك
دعواسى مسموع اولماز. وكذا ۱۶۹۹ نجى ماده شرحنده ايضاح اولنديغى
اوزره شروطـدە نفي اوزرينه شـهادت يعنى مدعا بـهـك شرطه معلق
اولنديغى اثبات جائزدر .

عقود واقرارائده « طوع » يعنى عقـد واقـرارك عاقدىنك ومقرـك
حسن رضـالـرى ايله اولمىسى اصل ، اكراه ايله اولمىسى خلاف ظاهر
اولمغله هر كيم كه عقود واقرارائده خلاف ظاهر اولان اكراه دعواسنه
قيام ايدرسـه اندن بېنە طلب اولنور . ومدعاـنى اثبات ايدەمدىكى
صورتدە طلبى اوزرينه اسلى ابقا ايچون مدعى عليه عىن ويريلور .
عاريت ووكلات خصوصـلـرنـدە تقيد اصل ، اطلاق خلاف ظاهر
ومضاربه وكفالت بابلرنده اطلاق اصل ، تقيد خلاف ظاهر اولمغله
بونلرده هر كيم خلاف ظاهورى ادعا ايدرسه اندن بېنە طلب اولنور . §
مدعى عليهك يعنى ايله مدعىنىك حقى باطل اولماز . يالكز معارضهـدن
منع ايدىلور . چونكه يمينده بېنە قوتى يوقدر . حتى امير المؤمنين عمر
رضى الله تعالى عنه لقامه بېنەدن عاجز قالمىسى اوزرينه مدعى عليهك
يعنيله معارضهـدن منع ايتدىكى مدعىنىك مؤخرأ احضار ايلدىكى بېنەسى
قبول ايتمش اولديغى كى امير المؤمنين حضرتلى جانبندن بصرهـ
ومؤخرأ حضرت على كرم الله وجهه جانبندن كوفـهـيه قاضى تعيين
بيوريلوب تمش سنه ايفاي خدمت شرعيه ايتمش اولان مشهور شريح
رحمة الله عليه دخی « عىن فاجرهـنك ردی بېنە عادلەنك ردندن احقـدر »
دير ايتمش .

۷۸ ماده بېنە حجت متعديه واقرار حجت قاصرەدر .

مثلاً قبل القسمه متوفانك تركهـسندن اولان فقط ورثەدن برىنك

یافته بولان بر آتی بر کیمسه « بنم مالم اولوب متوفایه ایداع ایتیش ایدم »
 دیو ذی الیددن دعوی ایدوبده انک اقرار یله حکم اولنور ایسه بو حکم
 سائر ورثه یه سرایت ایتمز انک اقراری انجق کندی حصه سی مقدار نجه
 نافذ اولوب انک اول آتده اولان حصه سی مدعینک اولمق اوزره حکم
 اولنور . واکر ذی الید اولان وارث انکار ایدوبده مدعی دعواسنی
 اثبات ایدرسه مجموع ورثه علیه حکم اولنور . ۱۶۴۲ §

بینه ؛ حجت قویه دیمکدر ۱۶۷۶

حجت سند معناسنده در .

متعدیه ؛ تعدیدن مأخوذ اولوب تعدی ؛ غیره تجاوز ایتک معناسنده
 درکه غیردن مقصد مشهود علیه و مقضی علیه بدین بشقه دیمکدر . ارباب
 قوانین بوکا « شخص ثالث » دیور .

قاصره ؛ قصردن مأخوذ اولوب غیره تجاوز ایتیمان دیمکدر . §
 بینه ، شهادت و حجج خطیه یه منقسمدر . واسباب حکمدن بری
 اولان « قرینه قاطعه » دخی بیندن معدوددر .

بونلرک اسباب حکمدن عد اولنسنک حکمتی کتاب الینانده ایضاح
 و بیان اولنسه جقدر . حجت متعدیه اولملری یعنی غیره تعدی و تجاوز
 و سرایت ایتملری سینه کلنجه :

۱۷۰۰ تجی ماده ده مصرح اولدیی اوزره شهادتده جر مغنم و دفع
 مغنم اولماق شرط ایدو کندن شاهدلرک شهادتی بی طرفانه اوله جنی کبی
 بینه انجق حاکم قضاسیله حجت اولور . حضور حاکم غیریده اقامه
 اولنان بیننک حکمی اولماز . مثلاً شاهدک افاده سی مقرون صحت
 اولدیغندن بمثله موجبیه عمل ایدلک یعنی بر موجب شهادت مدعی علیه
 مسئول عد اولنمق ایچون صلاحیتی اولان بر حاکمدن شهادت واقعه

اوزرینه صدور ایتش بر حکم لازمدر . حکامک ایسه ولایت عامه سی
بولندیغندن حکم وقضاسی کافه ناس حقنده نافذ اولور .

وبو وجهله شهادت ویا حجاج خطیه ویا خود قرینه قاطعه نک حکمی
محکوم علیه و غیره سرایت وتأثیر ایدر . §

اما اقرار بویله دکلدر . غیره تعدی وتجاوز وسراچی اولیوب فقط
۷۹ نجی ماده موجبجه کشی اقرار یله مؤاخذه اولنه جغندن یالکیز مقرر
کندی علمنده حجت اوله ییلور . چونکه اقرار بر کیسه دیگر کسنه نک
کندوسنده اولان حقنی خبر ویرمک دیمک اولدیغندن بر کیسه کندی
اوزرنده اولان آخرک حقنی خبر ویرمک و اقرار یله مؤاخذه اولنق
ایچون قضایه احتیاج وتوقف وتعلقی یوقدر . انجق مقرر ولایتی نفسنه
منحصر اولدیغندن اقراری دخی کندی حقنده حجت اولور . ونفسی
اوزرینه قاصر بولور . §

هر نه قدر ولی ووصی ومتولیلرک دخی ولی ووصی ومتولیس اولدقلری
اشخاص وتوایت اوزرینه حق ولایتلری وار ایسه ده نظر ایله مقید
اولدیغندن ولی ووصیسی اولدقلری اشخاص ویا متولیس بولندقلری
اوقاف علمنده اولان اقرارلری معتبر دکلدر . §

۷۹ ماده کشی اقرار یله مؤاخذه اولنور .

مثلا برکسه دیگر کسنه دن جهت قرضدن بیک غروش طلب وعوی
ایتدکده او کسنه یعنی مدعی علیه مدعی به « اولوجهله بیک غروش
بورجم واردر » دیدکده اقراری موجبیه بیک غروش مدعی به ویرمک
اوزره امر اولنور .

اقرارک حجت شرعیه اولدیغنی کتاب ، سنت ، اجماع ایله ثابت

وعقل مؤید در کتابت ایلله شوتنه [ء اقررتیم و اخذتم علی ذلکم اصری
 قالوا اقرربنا ، ولیمیل الذی علیہ الحق ، ولیتق الله ربہ ولا ینحس منه
 شیئاً ، کونوا قوامین بالقسط شهداء لله ولو علی انفسکم] آیت کریمه لری
 دلیلدر .

رسول اکرم صلی الله علیه وسلم افندمن حضر تلی دخی مدعی
 علیی اقرار یله الزام بیورمش واجاع دخی حاصل اولمشدر .

چونکہ اقرار بر کیسه دیگرینک کندی اوزرنده اولان حقی اخبار
 دیمک اولوب هر نه قدر آثار مرتبه قیلندن اوله رق بعضاً حکم انشادخی
 ترتب ایدر ایسه ده اساساً اخباره موضوعدر . خبر دخی صدق و کذب
 احتمالی اولان سوزدر . انجق عاقل و بالغ اولان کیسه تک نفسنه و یامالنه
 ضرری موجب اولان برشی کاذباً اقرار ایتسی عادة ممتنع اولوب
 عادة ممتنع اولان شی دخی حقیقه ممتنع کیدر .

بناءً علیه عاقل اولان کیسه دن صادر اولان اقرار کندی علمنده
 حجت اولوب اقرار یله الزام اولنور یعنی حکم الزام مقردن منفک اولماز
 اقرار ایتدیکی شی ذمته لازم و واجب اولور .

بو تقدیر جه صغیر ، محنون ، معتوه اولانلرک اقراری حجت اوله میوب
 فقط ۱۵۷۳ نجی ماده حکمنجه صغیر میز مأذون ایلله معتوه مأذون
 کندوسنک مأذونیتی صحیح اولان خصوصاً صوره بالغ حکمنده در .

کذلک عاقل اولان مقرک مکروه و محجور اولماسی ، ظاهر حالک
 اقراری تکذیب ایتماسی ، مقرامک جهالت فاحشه ایلله مجهول اولماسی ،
 بیع و اجاره کبی معالجهاله صحیح اولیان عقودده مقرامک مجهول اولماسی ،
 اقرارک شرطه تعلیق ایدلماشی - فقط عرف ناسده حلول اجله صالح

بر زمانه تعلیق. اولنور ایسه دین مؤجلی اقراره حل اولنور ۱۵۴۸ -
ناطق اولان کیسه نك لساناً و یا تحریراً اقرار ایتمی ، اقرارك حاكمك
حکیمه تکذیب اولنمادی ، بر کیسه وقوع بولان اقرارنده کاذب اولدیغنی
بیان ایتدیکی حالده مقررله اقرارنده کاذب اولدیغنه عین ایتکدن نكول
ایتمادی لازمدر .

کتاب الاقرار بوقاعده و شرائط محرره نك تفصیل احکامنی جامعدر
انك مطالعه سیله معلوم اولور .

۸۰ ماده تناقض ایله حجت قالماز لکن متناقضك
علیهنه اولان حکمه خلل کمز .

مثلا شاهدلر شهادتلرندن رجوع ایله تناقض ایتدکارنده شهادتلی حجت
اولز لکن اولکی شهادتلی اوزرینه قاضی حکم ایتش ایسه بو حکم دخی
بوزیله میوب محکوم بهی شاهدلرک تضمین ایتمی لازم کلور . ۱۷۲۹
تناقض ؛ لغتده بری برینی بوزمق معناسنه اولوب اصطلاح فقهایه
کوره ؛ مدعیدن کندی دعواسنه متناقض یعنی دعواسنك بطلاقی موجب
سوز سبقت ایلش اولمقدر .

حجت ؛ بینه و اقرار معنالرینه شامل ایسه ده بوراده یالکمز بینه معناسنده
مستعملدر .

رجوع ؛ لغتده کیرو دو نك معناسنه اولوب اصطلاحده ؛ مدعی
ویا شاهدك اولجه اثبات ایتدیکنی نفی دیمکدر .

بو حالده تناقض قولینك اجتماع و توفیقی صورت امکانه اولمیه رق
وجوداً و عدماً مدعینك و یا شاهدك ایکی سوزی بیننده کی منافات ذاتیه دن
عبارتدر .

مثلا دیکرندن برشی طلب و ادعا ایندن کیسه نك دعواسی اجتماع

ایدلك ایچون انك حقسز اولدیغی اصولاً ثابت اولدقجه اوشی
دعواده حقلی فرض اولغسی اقتضا ایدر .

مدعی کندی ادماسنك بطلاقی موجب برسوز سویلدیکی حالده
کندی حقسرانغی کندوسی اعتراف ایتش دیمك اولدیغندن دعواسی
مسموع اولماز .

بوسبیه مبنی تناقض ملکیت دعواسنه مانع اولور .
بناءً علیه برکیمسه بر مالی دیگر کمنهك اولدیغی اقرار ایتدکن
صکره بندر دیو دعوی ایتسه صحیح اولدیغی کی آخرک طرفندن
بالوکاله ویابالوصایه دعوی ایتسی دخی صحیح اولماز ۱۶۴۸ .

اکن تناقض حریت ، طلاق ، نسب دعوالرینه مانع اولماز .
حکمک تصدیق ، حاکمک تکذیبی ، محل خفا اولوبده مدعینک
معذرتنک صحیح اولسی ، متناقض کورینان ایکی کلامک توفیق ممکن
اولوبده مدعینک توفیق ایتسی ایله تناقض مرتفع اولور ۱۶۴۷ ،
۱۶۵۳ ، ۱۶۵۴ ، ۱۶۵۵ ، ۱۶۵۷ مدعی علیه مدعا بهی انکار
ایتدکن صکره اقرار ایلسه « اولجه انکار ایتشدرد . اقراری تناقض
اولدیغندن اعتباره شایان دکادر » دینله من زیرا اولجه انکار ایتش
اولدیغی بر شیشی اقرار ایله حق غیری تصدیق ایتش اولدیغندن
کندوسی ایچون موجب تهمت اولماز .

§

تناقض ایله حکمک قالماسی سببنه کلنجه : برشیشک حجت اولسی
ایچون وثوق واعتداده شایان بولغسی لازمدرد . حجج شرعیه دن بری
اولان شهادتده دخی شاهدک اخبار ایده چکی شیئی یقیناً بیلسی شرط
اولدیغندن ۱۶۸۴ نجی ماده شرحنده ایضاح اولدیغی وجهله « پک
ایو خاطر مدعه قالمدی اما غالباً شویله ایدی » کی افاده لر بیلله شرعاً

شهادت دیو تنقی اولنه میه جغندن بعد اداء الشهاده حضور حاکمه
 شهادت لرندن رجوع ایندکاری حالده صحت شهادتک شرائطندن اولان
 علم یقین شویله طور سون کندی سوزلرینی کندیولری تکذیب ایده جکلرندن
 شهادت لرینک کا ن لم یکن حکمنده طوتلسی طیبعیدر . انجق شاهدلرک
 رجوعی اعطاء حکمدن اول ایسه احد طرفینک حققی ابطال واتلاف
 وقوع بولماش اوله جغندن یالکز یالان یره شهادت ایدرک ممنوعات
 شرعیده بولندقلرندن طولایی تعذیر اولنورلر . اعطای حکمدن صکره
 ایسه تناقض ایله حجت قالماز ایسه ده کلام ثانی صدق اوزره دلالتده
 اولکی کلام کی اولوب « شاهدلرک بز شهادتدن رجوع ایلدک » دینلری
 یعنی شهادت لرینک طوغری اولمادیغنی افاده ایللری حاکمک نظرند
 طوغری اولمق اوزره نصل تنقی اولنور ایسه ایضا ایتمش اولدقلری
 شهادت دخی اویله جه طوغری اولمق اوزره تلقی اولمش وانصال
 قضا ایله تا کد ایتمش وترجیح قلنش اولدیغندن کلام ثانی یونی نقض
 ایده من . و حاکم کلام متناقض ایله حکم ایده میه جکی کی ۱۸۳۷ نجی
 ماده حکمنجه اصول شرعه سنه . موافق اوله رق حکم واعلام اولسان
 دعوانک تکرار رؤیت واستماعی جائز اولمادیغندن کلام متناقض ایله
 اعطا ایلش اولدیغنی حکمی دخی بوزمه ماز .

بوصورتده اگر شاهدلرک بیضیسی رجوع ایدوبده باقیسی نصاب
 شهادته بالغ اولور ایسه رجوع ایدنر یالکز تعذیر اولنور . و اگر باقیسی
 نصاب شهادته بالغ اولماز و یا جله سی بردن رجوع ایدر ایسه محکوم ییدن
 حصه لرینه اصابت ایده جک مقداری ضامن اولورلر ۱۷۲۹ ، ۱۷۳۰ .
 فقط ۱۷۲۹ نجی ماده شرحنده ایضاح اولندیغنی وجهله قصاصه شهادت
 ایدنلرک رجوعیله حکم واقع انفاذ اولنه میه جغندن بوقاعده دن مستثنادر .

۸۱ ماده اصل ثابت اولدینی حالدہ فرعک ثابت

اولدینی واردر .

مثلا بر کیمسه « فلانک فلائه شو قدر غروش دینی واردر بن دخی اکا کفیل » دیمه واصلک انکاری اوزریمه داین ادعا ایتسه مبلغ مزبوری کفیلک ویرمسی لازم کلور .

کفالت بر شینک مطالبه سی حقنده ذمتی ذمته ضم ایتمکدر . شرا .
 ئظنه موافق اولهرق کفیل اولان کیمسه مطالبه اولنور . و مکفول له
 مخیر اولوب ایستر مکفول عنه ایستر ایتسه کفیله و باخود هر ایکیمسه
 مراجعت ایده بیلور . بو حالدہ مکفول عنهک انکاری اوزرینه کفیله
 مراجعتده کفیل « مادامکه مکفول عنه انکار ایتمکدر . کفالتک دخی
 حکمی قالمادشدر » دیمه من چونکه کفالتک صحتی مکفول عنهک قبولیله
 مشروط اولوب بر کیمسه خبری اولمقسزین دیکرینه کفیل اولهرق
 انک مطالب اولدینی شی التزام ایده بیله چکنیدن کندوسنک کفالتی
 مکفول عنهک انکارینه مانع اوله میه جفی مثللو مکفول عنهک انکاری
 دخی کفیلک التزامی حکمسز براقز زیر ۷۹ نجی ماده حکمنجه کشی
 اقراریله مؤاخذه اولنور .

ایشته بونک کی بعض مسائلده اصل ثابت اولدینی حالدہ فرعک
 ثابت اولدینی واردر .

۸۲ ماده شرطک ثبوتی عندنده اکا معلق اولان

شینک ثبوتی لازم اولور .

اول امرده شوراسنی بیان ایده لم که شرط ایکی درلو اولور . بری
 شرط تعلیقی ، دیکری شرط تقییدیدر . مثلا بایع مشترتییه « بو مالی

ثمنی پشین ویرمک شرطیله شو قدر غروشه سکا صادم « دیسه شرط
تقییدی اولمش اولور .

اما بایع مشترییه « بو مالی شو قدر غروشه سکا صادم اکر پدرم
راضی اولور ایسه « دیسه بو شرط شرط تعلیق اولمش اولور .
شرط تقییدی ۸۳ نجی مادهده ذکر اولندیغندن بوراده شرط
تعاقیق حکمی بیان قانمشدر . شویله که :

شرطه تعلیق صحیح و مشروع اولان تصرفات شرعیهدن بری شرطه
تعلیق اولندیغنی تقدیرده شرطك تحقق و ثبوتنده اكا معلق اولان تصرفك
دخی تحقق و ثبوتی لازم اولور . اما اول شرطك ثبوتندن اول یعنی
هنوز شرط ثابت اولمدجه اكا معلق اولان شی معدوم اولور یعنی ثابت
اولماز زیرا اول شی قبل وجود الشرط ثابت اولسنه وجود المشروط
بدون الشرط لازم کلور .

مثالبر کیسه دیگر کسنهیه « فلان تاجر بورایه کلور ایسه بنم شو آتمی
صاتمق اوزره سنی وکیل ایتدم « دیوبده اودخی قبول ایتسه وکالت اول
تاجرك کلسنه معلق اولهرق منعقد اولور اول تاجر کلور ایسه وکیل
دخی اول مالی صاته بیلور والا صاته ماز . ۱۴۵۶

لکن شرطه تعلیق صحیح اولمایان تصرفات شرعیهدن بری شرطه
تعلیق اولندیغنی تقدیرده شرطك تحقق و ثبوتنده اكا معلق اولان تصرفك
فك ثبوتی لازم کلز . بوراسی ایضاحات آتیهدن مستبان اولور .

§

شرط ؛ لغته علامت لازمه معناسنهدر . اصطلاح فقهایه کلجه
بعضیلری شرط ؛ هنوز ظهور ایتماش بر شی صیغه مخصوصه ایلهینه
ظهور ایتماش بر شیده التزام ایتکدر .

بر طاقیده شرط ؛ بر شیدر که تأثیر واقضا اولمقرین دیگر بر
شیک وجودی اکا توقف ایدر . یعنی شرط بر امرک وجودینه تأثیری
یعنی علتی اولدینی وانی بر حکمه ایصال ایتدیکی یعنی سببی اولدینی
حالده مجرد وجودینک موقوف علیهی اولان شیدر دیمش .

تعلیق ؛ حقنده دخی بعضیلری هنوز ظهور ایتماش برشی کلمات
مخصوصه سیله ینه ظهور ایتماش برشی اوزرینه ترتیب ایتمکدن عبارتدر .
دیوب دیگر لرینه کوره تعلیق ؛ بر چله نک مضمونک حصولنی دیگر بر
چله نک مضمونک حصولنه ربط ایتک دیمکدر که ربط اولسان شیئه
معلق بالشرط وجزا ، مربوط الیه اولان شیئه دخی معلق علییه
وشرط دینور .

بوصورتنده شرط ؛ بر چله نک مضمونک حصولنی دیگر بر چله نک
مضمونک حصولنه تعلیق ایتک دیمک اولور .

آنف الیـان مثالده مذکور اولدینی اوزره « فلان تاجر بورایه
کلور ایسه بنم شوآتمی صائق اوزره نی وکیل ایتدم » دینلده آنک
صائقسی او تاجرک کلمسنه تعلیق ایدلمش اولور .

شرطه تعلیق اولسان شیلرده جزا فی الحال وقوعندن شرطک
وجودینه تغییر اولور .

نته کیم حکم وکالت فی الحال اجرا قلمیوب تاجرک کلمسنه تعلیق
ایله تغییر اولور مع مافییه ناجر کلمده آتی صانه بیله جکنی یعنی شرطک
وقوعی حالده جزانک واقع اوله جفنی مبین ایدوکنندن بوکا اصطلاح
اصولیونده « بیان تغییر » دینلور . §

تعلیق اکثریا ادات شرطی ذکر ایله حاصل اولور .
ادات شرط ؛ لسانعزده « اگر ، ایسه » کبی کلملر اولوب بونلرک

بعضاً ایکیسی بردن ذکر اولور اکر فلان تاجر بورایه کلورایسه کی .
بعضاً یالکز « ایسه » ایله اکتفا اولور . فلان تاجر بورایه
کلور ایسه کی .

تعلیق بعض کره دخی ادات شرط ذکر اولمیوب یالکز معناسی
ملحوظ اولغله حاصل اولور فلانده ثابت اوله حق الهجفکه کفیل دیمک
کی که فلانده الهجفک ثابت اولور ایسه کفیل مقامنده سویلمکله
بورجک ثبوتی حالنده مطالب اولور . §

کرك ذكر اولنسون كرك بلا ذكر معناسی ملحوظ اولسون . ادات
شرط ؛ تعلیق ك ركیندر . و شرطك خطر وجود اوزره معدوم
اولمقنی یعنی شرط هنوز موجود اولیوب مسبقله ظهور ووجودی
مكن اولان شیلردن بولتمقنی دخی تعلیقك صحتك شرطیدر .
بو حالده شرط ؛ ایلروده اولوب اولساق وظهور ایدوب ایتماك بیننده
متردد بر حاله بولتمق لازمدر . نتهکیم مثال سالف الذکردن بوراسی
اکلاشیلور . چونکه تاجرك کلوب کلامسی محتملدر .

بناءً على ذلك حقيقةً ویا حکماً موجود اولان شیئه تعلیق تجنیز دیمک
اولدیغندن و مستحیل اولان شرطه تعلیق دخی عدمی تنی اوله رق لغو
اوله جفندن جائز دکلدر .

مثلاً یارین صباح اولور ایسه یا خود فلان متوفی تاجر تکرار دنیایه
کلور ایسه کی شرطره تعلیق باطلدر . زیرا صباحك اوله جنی ، متوفانك
کله میه جکی معلومدر شك اولمز .

بوصورتده « یارین صباح اولور ایسه شوآتی صاتقی اوزره سنی
وکیل ایتدم » دینلده چونکه صباحك اوله جنی معلوم اولدیغندن معاق
علیه اولان شی که صباحك اولسیدر . شرطك ذکر آنده حکماً صباح

اولمش عد اوله رق تعلیق اولنان شرط منجزاً یعنی همان ثابت اولمش اولور .
 كذلك محل اولان شرطه تعلیق ایدلدیکی حالده دخی مادامکه شرط
 ثابت اوله میه جقدر اکا تعلیق باطل اولوب کلام لغو سویلنمش اولور .
 جمله شرطیه ایله جمله جزائیه نك قائلک لسانده لکنت اولمق کبی
 بر عذر بولمادیخی حالده بر برینه متصل اولمی دخی شرطدر .

مثلاً موکل « فلان تاجر بورایه کلور ایسه » دیندکن صکره بر
 مدت بلا عذر سکوت ویابشقه برکله تقوه ایدوب بعده « بنم شوآتمی
 صائق اوزره سنی وکیل ایتدم » دیسه جائز اولماز . §
 تعلیق حکمی ؛ تصرفک علیننه یعنی حکمی ایجاب ایده جک
 صورتده فی الحال انعقادینه مانع اولمقدر .

مثلاً برکیمسه دیگرینه بلا تعلیق « شوآتمی صائق اوزره سنی وکیل
 ایتدم » دیوبده وکیل دخی قبول ایتسه ایدی بوسوز وکالتک فی الحال
 انعقادینی دخی ایجاب ایدزدی اما « فلان تاجر بورایه کلور ایسه شو
 آتمی صائمغه سنی توکیل ایتدم » دیوبده اودخی قبول ایتسه وکالت
 اول تاجرک کلمسنه معلق اوله رق منعقد اولوب شرط بولنان اول
 تاجرک کلمسی تحقق ایتدکجه حکمی افاده آتمز . زیرا شرطه تعلیق
 علنک علینتی منع ایدنجه بوندن بالضروره حکمی منع لازم کلور .

§

شرطه تعلیق قننی نوع عقدلرده جائز و قننی نوعلرنده غیر جائزدر ؟
 بوراسی قولایلقله اکلاشلق ایچون فقها ایکی قاعده وضع ایتمدر .
 برنجی قاعده ؛ بیع کبی مالی ماله مبادله اولان عقوددی شرط
 فاسده تعلیق باطلدر . فقط صدقه ، هبه مثلاًو معاوضات مالیه دن اولوب
 تبرعاتدن بولنان عقوددی شرطه تعلیق صحیح و شرط فاسد اولور .

چونکه شروط فاسده نك حقیقی مقتضای عقددن اولیان و مقتضای
عقدی تأیید ایتیمان و مسامحہ شرعی به و یا عرف و عادت و عبتی بولنمیان
زیاده لکدن عبارتدر .

بو زیاده لك عقود مالیه مخصوص اید و کندن و شرعاً عوضدن
خالی زیاده لك ربا عد اولندیغندن مالی ماله مبادلدن عبارت اولان
عقودی شروط فاسده به تعلیق باطلدر .

معاوضات مالیه دن اولیان و یا تبرعاتدن بولنن عقودده ربا اوله میه جغندن
بولنن شرط فاسد ایله باطل اولماز یعنی شرط فاسد ، عقد صحیح اولور .
اخطار: هر نقدر محله جمعیتك مضطبه معلومه سیله ۱۸۹ نجی
ماده شرحنده شرط مفسد اولنجیه بیك دخی فاسد اوله جنی محرر ایدنده
بوندن مقصد ادات شرط صراحت مذکور اولیان شروط مفسده دیکمکر .

شرطك تعلیق صورتنده ادات شرط صراحت مذکور اولدینی جهتله
ادات شرط شرطه معلق اولان شیئك علیتی منع ایدر . زیرا شرط
قصداً علت اوزرینه داخل ایشدر علیتی منعندن بطریق الضرور
حکمی دخی منع لازم اولور . بوضوئیه مشروط علیهك انعقادین
مانع اوله جغندن شرط مفسد ایله تعلیق اولندان عقود معاوضه ایله
شرط تعلیق قبول ایتیمان عقود سائره فاسد اریلوب باطل اولور .

چونکه تصرفات شرعیه معتبر اولماق ایچون عائدینك اهلیتی و محل
عقد ایله تصرفك محل عقد انصالی لازمدر . بوجالده عائدیندن بر
مجنون و یا مبیع معدوم اولدینی حالده بیع باطل اولدینی مثلاً ادات شر
مذکور اوله رق شرط مفسد ایله تعلیق علیتی منع انده چکی جهتله تصرف
محل عقد متصل اوله میه جغندن مشروط علیه دخی باطل اولور .
مثلاً برکیمسه دیگرینه «اگر پدرم بفرمایدن کلور ایسه شو قصصراغ

سكايك غروشه صاندم « ديوب مشتري دخي قبول ايتسه شرط مفسد وبيع باطل اولور .

زيرا شرط مذكور مقتضاي عقد دن ويا خود مقتضاي عقدي تايد ايدن ويا شرعاً مساغ اولان ويا خود مقتضاي عرف و عادتدن بولتان شروطن دكلدر .

اما بر كيمسه ديكرينه « سكا شو قصر اغني بيك غروشه صاندم اكر يدرم راضي اولور ايتسه « ديوب، مشتري دخي قبول ايتسه بيع مذكورك لزومي باييك پذيريك رضا عنه تعليقاً منعقد اولور . زيرا خيار شرط مساغ شرعي يه مستندر .

ايكنجي قاعده تملكات و تقيدات قيلندن بولتان عقودك شرط محضه تعليق جائز دكلدر زيرا شرطه تعليق ايدلده بر طرف ايچون حاصل اوله حق منفعت مقالي اوليوب قار نوعندن اولوركه بوده شرعاً غير جائزدر . فقط اطلاقات، اسقاطات التزامات، تحريضات، ولايات قيلندن اولان عقودك شرطه تعليق جائزدر آنجق التزامات ايله اسقاطات محضدن عبارت اولانلرني مطلقاً يعني كرك ملايم كرك غير ملايم شرطه تعليق جائز اولوب اطلاقات و ولايات قيلندن اولان شيلري يالكر شرط ملايمه تعليق جائزدر .

§

برنجي قاعده ده بيان قلنان معاوضات، تملكات قيلندن شوقدر كه معاوضاتده مبادله اموال اولديغندن عاقدينك ايكي سيمه برر شيئه مالك اولور . فقط بعض عقود واردر كه آنده يالكر عاقديندن برينه تملك واردر . بو صورته معاوضات ايله تملكات بيننده عموم و خصوص مطلق واردر يعني عقود معاوضه نك كافه سي تملكاتندن فقط تملكاتندن اولان عقودك كافه سي معاوضاتدن دكلدر بناء عليه تملكات اعمدر معاوضات اخصدر .

§

خلاصه شوايکي قاعده يه نظراً [شرطك ثبوتی عندئذیه كما معلق اولان
شیئك ثبوتی لازم اولور] دیك شرطه تعاقب قابل اولان شیلردن بری
شرطه تعلیق اولنور ایسه شرطك ثبوتی عندئذیه كما معلق اولان
شیئك دخی ثبوتی لازم اولور معناسنده در .

شرطه تعلیق ایله باطل اولمیان تفرعات شرعیه قرض، یصاء، وصیت،
شرکت، مضاربه، کفالت، حواله، وکالت، قضا، تجارت، اذکی شیلردر .
بونلردن بعضیسی معاوضات غیر مالیه دن و بعضیسی تبرعات و بر
طاقیده اسقاطات قبیلندن اولدیغندن شرط مالایه تعلیق اولنور ایسه
هم شرط وهم عقد صحیح اوله جغندن شرطك ثبوتی عندئذیه اکا معلق
اولان شیئك ثبوتی لازم کلور . شرط غیر مالایه تعلیق اولنور ایسه شرط
باطل و عقد صحیح اولور .

§

شرطه تعلیق صحیح اولمیان عقود شرعیه بیع، اقاله، خیار، عیب ایله رد
مبیع حقنی ابطال، خیار شرط ایله رد مبیع حقنی ابطال، قبل البیع تسلیم
شفعه، قسمت، اجاره، اعاره، اجازت عقدیه یعنی شول عقدلرکه شرطه
تعلیق صحیح اولیه موقوفاً منعقد اولدقده آنک اجازتی شرطه تعلیق،
دیندن ابرا، مزارعه، مساقات، عزل وکیل، اقرار، تحکیم، حجر
مأذون، رهن کبی شیلردر . عقود مذکورهدن بری شرطه تعلیق
اولدقده هم شرط وهم عقد باطل اولور .

بناء علیله بویله بر شرطك ثبوتی عندئذیه اکا معلق اولان شیئك ثبوتی
لازم کلز . فقط بعض مستثنای و اردر شویله ده .

۱: داین ابرایی کندوسك وفاتنه تعلیق ایتدکده وصیتیه جل
اولندرق صحیح اولور .

دینی مدیونه هبه دخی ابرا نده اولدیغندن آنک حقیقده ده حکم

كذلك داین مديونه شو ايشمی يپار ايسهك آله جغمدن بری اول
دیوبده مديون اول ایشی ایفا ایتسه دیندن بری اولور هر نه قدر
ظاهرأ تعلیق ايسهده معناً اجاره یه حلی ممکن اولدینغدن صحیحدر.

۲: اقرا، عرف نامه حلول اجله صالح اولان بر زمانه تعلیق
اولور ايسه دین مؤجلی اقراره حل اولنه رق صحیحدر ۱۵۸۴

۳: ۱۸۴۱ نجی ماده شرحنده بیان قلنه جغی اوزره امام محمد
حضر تریك اجته دینه كوره تحکیمی شرطه تعلیق صحیحدر.

۴: عقد بیعك مشتریك فعل قلنه تعلیق صحیحدر. مثلاً بايع مشتری یه
خطاباً ايشكه كلور وياسودك ویاخود ايستر ايسهك بوآت بیك غروشه
سنك اولسون دیوبده مشتری دخی ايشمه كلدی ویاخود سودم ویا
ايسترم دیسه بیع منعقد اولور.

ذیل اضافت

عقود شرعیه دن بضییی زمان مستقبله اضافه اولنه بیلور نته کیم
۴۰۸ نجی ماده ده تعریف وتمثیل اولندیغی اوزره كله جك فلان
آيك ابتداسندن اعتباراً بر خانه ایجار اولنسه اجاره مضافه اوله رق
منعقد اولور. عقدی بر وقت معینه اضافه تعلیق ديك دكلدر بینلرده
ماهیه فرق واردر شویله كه : تعلیقك حکمی تصرفك علیتنه یعنی
حکمی ایجاب ایدجك صورتده فی الحال انعقادینه مانع اولمقدر اما
اضافده عقد فی الحال منعقد اولور انجق عقد مضاف اوزرینه همان
حكم شرعی ترتب ایتوب مضاف الیه اولان وقتك حلونه قدر
تأخر ایدر.

باء علیه شرطه تعلیق صحیح اولان عقودك زمان مستقبله اضافه یی
دخی صحیحدر حتی شرطه تعلیق صحیح اولمیان بعض عقود واردر كه

تأخیر حکمنک جوازندن طولای زمان مستقبله اضافه اولنه بیلور .
 اجاره ، مزارعه ، مساقات کبی . چونکه اجاره تملیک منفعت اولوب
 منفعت ایسه آنا فائداً محدث ایده جکندن مستقبله حاصل اوله حق
 منفعتک مستأجره تملیکی جائز اوله بیلور . مزارعه و مساقات دخی
 انتهاً اجاره حکمنده در .

زمان مستقبله اضافتی صحیح اولان عقود شرعیه ، اجاره ، فسخ
 اجاره ، مزارعه ، مساقات ، مضاربه ، وکالت ، کفالت ، ایضا یعنی وصی
 نصب ایتمک ، وصیت ، قضاء ، اعاره کبی شیردر . §
 اما فی الحال تملیک و یا اسقاطی متضمن اولوب تأخیر حکمی جائز اولمیان
 عقودک زمان مستقبله اضافتی صحیح اولماز . انلرده ، بیع ، اجازت عقد ،
 اقاله ، قسمت ، هبه ، مالدن صلح ، دیندن ابرا ، رهن کبی شیردر .

۸۳ ماده بقدرالامکان شرطه مراعات اولتمق لازم کاور .

مثلاً بایع مشتری به « فلان کسنده ی کفیل و یرمک شرطیه شومالمی
 بدل معلوم ایله سکا صاندم » دیوب مشتری دخی اولوجهله قبول
 ایتمسه عقد صحیح و شرط معتبر اولور . حتی مشتری شرط مذکوره
 رعایت ایتمز ایسه بایع بیعی فسخ ایده بیلور زیرا بو شرط مقتضای
 عقد اولان تسلیم ثمنی تأیید ایلر ۱۸۷

قدر ، قافک فتمی و دالک سکونیه « بدر » وزننده اوله رق تاب
 و طاقت دیعکدر . مالدن دخی مستبان اولدیغنه کوره بوقاعده موجبنجه
 رعایتی لازم کلان [شرطدن] مقصد ادات شرط صراحة مذکور اولمیان
 شرطلر دیعکدر که شرط تقیدیدر چونکه تصرفات شرعیه بعضاً ادات
 شرط صراحة مذکور اولمیه رق بر شرط ایله تقید ایدیلور و تقید اولتان

شعنه « مشروط و مقید بالشرط » و اول قیده « شرط » دینلور و بوش شرط
« اوزره ، شرطیله » لفظیله افاده اولنور. §

تصرفات شرعییه فی شرطه تعلیق ایله شرط ایله تقیید بنهسته کی
فرقه کلنجه : قاعده سابقه شرحنده بر تفصیل بیان اولندیغی وجهله
تعلیق تصرفک علیتنه یعنی حکمی ایجاب ایده جک صورتده فی الحال
انعقادینه مانع اولور. لکن شرط ایله تقیید اصل تصرفک حکمی افاده
ایده جک صورتده فی الحال انعقادینه مانع اولماز. شوقدرکه : شرط مذکور
شرط جائز قیلندن ایسه عقد اول شرط ایله مشروط و مقید اوله رق
فی الحال منعقد و صحیح شرط معتبر اولور. اگر شرط مفسد ایسه عقد
فاسد آ منعقد اولوب انجق فساد و ام ایده میه جکدن یا صحته منقلب اولور
یا خود عقد فسخ اولنور و اگر شرط لغو قیلندن ایسه شرط مذکور
حکمز اوله رق عقد بلا قید و شرط منعقد و صحیح اولور.

شو حالده [بقدر الامکان شرطه مراعات اولنق لازم کلور]
قاعده مسندن مقصد شرعاً معتبر اولان شرطه رعایت یعنی اول شرطک
موجبیله عمل اولنق ممکن اولدیغی قدر لازم کلور دیمکدر .

زیرا [الْمُسْلِمُونَ عِنْدَ شُرُوطِهِمْ] حدیث شریفی موجب عالیسنجه

شرطه رعایت مقتضای شان دیانت و مروتدر . §

شرطک صلب عقدده اولسی لازمدر بناءً علی ذلك بعد العقد
الحاق اولنان شرطه اعتبار یوقدر. مثلاً بر کیسه بر مالی مبايعه ایتد کدن
صکره مشتری یا یعه « میعی خانه مه قدر کوتور مک اوزره آلیشیدم » دیسه
مقتضای عرف اولدیغی تقدیرده - شرط مذکوره اعتبار اولتماز . §

کذاک در میان اوانان شرط ممکن الاجرا و مقید اولور ایسه معتبردر
دکسه لغودر. مثلاً مستودعک خانه سنده حفظ اولنق شرطیله بر مال

ایندع اولمشیکن حریق وقوعیله دیگر محله نقلنه مجبوریّت کاریکده اول
شرطه اعتبار اولتماز و بو صورتده و دیعه دیگر محله نقل اولنوبده
بلا تعد و لاتقصیر تلف یا ضایع اولسه ضمان لازم کلز .

زیرا شرطه مراعاتک لزومی شرطک ایفا و اجراسی ممکن اولان
یرده در یوقسه [لایکلف الله نفساً الاوسعها] آیت جلیله سی منطوقجه
امکانک خار چند بولنن بر شرطی یرینه کتور مکله هیچ بر کیسه مجبور
و مکلف طوتلنز .

کذلک و دیعه خانه نک فلان او طه سنده حفظ اولنقی شرط
اولمشیکن مستودع انی اول خانه نک دیگر او طه سنده حفظ ایتدیکی
صورتده اگر اول او طه لر امر محافظه ده مساوی ایسه لر اول شرطه
اعتبار اولتماز . ۷۸۴

مادامکه او طه لر امر محافظه ده مساویدر « بو او طه ده صاقلامه
اوته کنده صاقله » دیمک بر کونه فائده یی موجب اولیه جفندن شرط
مذکور لغو اولور و بوحالده و دیعه تلف اولسه کذلک ضمان لازم کلز

§

صحیح و معتبر اولان شرطلره رعایت لازم اولدیگی محله نک ۱۸۶
۱۳۶۷، ۱۸۸، ۱۸۷، ۲۸۷، ۳۰۰، ۴۶۸، ۵۰۵، ۶۰۵، ۶۹۶، ۸۵۵، ۱۳۶۷، ۱۳۷۰، ۱۳۹۰، ۱۴۲۰، ۱۴۶۷ نجی ماده لرنده مسطوردر .

شرعاً غیر اولمیان شرطلرک بمضیدی شروط اولان عقدی افساد
ایتموب کندی لغو اولور و بمضیدی افساد ایدر .

یعنی عهده مقتضاسندن و یا عهده ملائمی اولمیان و یا مقتضای شرع
و یا عرفه مستند لیمیان شرط ایله صحیح و شرط مذکور لغو و غیر معتبر
اولان عقود نفردر : وکالت ، تجارت ذن ، عزل و اضی ، قضا یعنی

حاکمك، كفالت، ابراعن الكفاله، بعد الشرا تسليم شفقه، وصيت، حواله كبی
 شرط ملائمه تعلیق صحیح اولانلر ایله، قرض، هبه، صدقه، رهن، ایضا
 یعنی وصی نصب ایتک، اقاله، حجر مأذون کبی شرط ملائمه تعلیق جائز
 اولمیانلردر.

مثلا برکیمسه دیگر کسنهیه « بنده کی آله جفکدن بنی ابرا ایتک شرطیله
 سنی فلان خصوصه وکیل ایتدم » دیوب اوده قبول ایتسه وکالت صحیح،
 شرط لغو اولور.

شرط فاسد ایله صحیح اولمیان یعنی فاسد اولان عقود دخی:
 بیع، قسمت، اجاره، اجازت عقد، مالدن مال تقابلنده عن اقرار،
 عن انکار. عن سکوت صلح ابرا عن الدین، مزارعه، مساقات، وقفدر.
 مثلا برکیمسه دیگر کسنهیه « بکا بره دیه ویرمک شرطیله شوخانه یی
 بو قدر غنوشه سکا ایجار ایتدم » دیوب مستأجر دخی اولوجهله قبول
 ایتسه شرط مفسد اولغله بیع فاسداً منعقد اولور.

۸۴ ماده وعدلر صور تعلیق اکتسا ایله لازم اولور.

وعد : انسانک نفسنده، مرکوز اولوب مخاطبک سرورینی موجب
 اوله حق برشی اظهار ایتک ایچون انشا معناسنه اولوب لسانغزده « سوز
 ویرمک » دنلور و بوسوز کلام جک زمانده برشی ایشلیک ایچون اولور.
 ص : صادک ضمی وواوک فخیله صورتک جمعیدر. اکتسا : افتعال
 وزند : وب لباس کیمک و کیمک معناسنه در. وعد جسم اولدیغندن
 حقیقه : ورت و اکتسا اوله من بنابرین کلامده استعاره واردر یعنی
 وعدلر : ص : صور اثوابه تشبیه ایدلش و یا خود اکتسا، ارتباط
 واتص : مناسی ایچون استعاره قلنشددر. خلاصه قاعده منوره دن
 مقصد : لر برجهله نک مضمونک حصولنه تعلیق اتمق ایله لازم اولور.

لکن وعدلر صور تعلیق اکتسا ایتدکجه مجرد وعد ايله لازم اولماز.
مثلا بر کیمسه « بنم شوقدر غروش دینی سن کنندی مالکدن ادا
ایت » دیو آخر کسنهیه امرایدوب اودخی وعدایتدکن صکره ادادن
امتناع یتسه مجرد وعد ایتش اولمسایله اول کسنه ادای دینه جبر
اولماز. ۱۵۱۱.

چونکه مجرد وعد ایدن کیمسه بر شیء الزام وتعهد ایتش عد اولندمن
وبر کیمسینی وراخنه ایتک ایچون اوزرنده مؤاخذینی موجب بر حقا
شوقی لازمدر . مجرد وعد ايله بوبله بر حق ثابت اولماز . مع مافه
وعد مجردی ایفادن استکاف ایدن کیمسه وعدینی حکمسز براقه جفندن
وحکمسز برسوز لغو اولوب ارباب عقل ورویت لغویات ايله اشتغال
ایتمه جکی کبی انسانک وعدینی ایفا ایتسی یعنی سوزنده طور مسی دخی
شان مسوت اقباضاسندن اولدیفندن عقل ورویت و مسوت ايله تمیز ایدن
عالیه ذوات یا عیه جنی ویا خود یا عیه جنی بر شی ایچون سوز ویرمن
وسوز ویردیکی حالد ایفی وعدی ایچون بذل مجهود ایلر .
افادات مسروده دن مقصد وعد مجرد اوزرینه بر حکم شرعی ترتب
ایتمه جکنی بیاندیر . یالکز بر مسئله مسئله ادر شوبله که :

بر کیمسه دیگر کسنهیه بر مالی ثمن مثندن دون بر بیع ايله یعنی
غبن فاحش ايله بیع ایتدکن یعنی بیع مذکور می مطلق اوله رق عقد
ایتدکن صکره مشتری محضر شهردده ویردیکی پاره نک مثنی بایع کند .
وسنه اعاده ایتدکه بیعی فسخ ایده جکنی وعد ایتسه مشتری یا بعد وقایه
واری اوزرینه وعد مذکورک ایضامی لازم کلور ، وبع منبور « بیع
بالوفا » اولور .

§

ایضاحات واقعه دن مستیال اولدیفنه کوره و مدلر ایکی نوع اولوب

برینه و عد مجرد ، دیگرینه و عد معلق دینور . قاعدۀ مشروحه و عد معلقه
در اولوب ۸۲ نجی ماده نك فرعی مشابه سنده در .

۸۵ ماده بر شیئك نفعی ضمانی مقابله سنده در .

یعنی برشی تلف اولدینی تقدیرده خساری کیمه عائد ایسه انك ضمانده دیک
اولوب اول کیمه نك بووجهله ضمانی اولشی ایله انتفاعه مقابل اولور .
مثلاً خیاریع ایله رد اولنان بر حیوانی مشتری قولانمش اولسندن طولانی
بایع اجرت آله من زبر اقبل الرد تلف اولیدی خساری مشتری به عائد اوله جق ایدی
بو قاعده [اَخْرَاجُ بِالضَّمَانِ] حدیث شریفندن اخذ اولمشدره .
حدیث شریفك سبب ورودی بووجهله مرویدر که : عَصْرُ سَعَادَتِهِ
بَرَمِيعُكَ رَدِّيْهِ اِجَابَ اَيْدِرْ عَيْبُ قَدِيْمَتِهِ مَطْلَعُ اَوْلَانِ مُشْتَرِيْهِ بَايِعِ اَيْلِهِ حُضُورُ
نَبُوِيْدِهِ بَعْدَ الْمُرَافَعَةِ بِمِيعُكَ رَدِّيْ وَثَمَنُكَ تَمَامًا اَخْذُ وَاسْتِرْدَادِيْ اَيْلِهِ
حَكَمُ شَرْعِيْ صَادِرُ اَوْلَدَتِهِ بَايِعُكَ « يَانِيْ اللّٰهُ مُشْتَرِيْ مِيبِيْ قَوْلًا لَّمْ تُشْدِيْ
اَجْرَتِ لَازِمْ كَلْمِيْ ؟ » سؤالی اوزرینه ذات عالی حضرت رسالتپناهی
حدیث شریف مذکور ایله اجرت لازم کلیه جکنی بیان بیورمشلردر .

§

خراج : بر شیدن خروج ایدن شیلره دینور . برشی نیدن
ظهور ایتمش ایسه انك خراجیدر . خراج ایکی نوعدر . بری مادی ،
دیگری معنویدر . برنجیسنه « زوائد » ایکنجیسنه « منافع » دینور ،
زوائد : مثلاً حیوانك سوتی ، طوغورمش اولدینی یاوری ،
اغاچك حاصل اولان میوه سی کی اعیانندن ظهور ایدن زیاده لکدر .
منافع : مرور زمان ایله بر عینی استعمال ایدن شخصك اراسنده
اولان تعلقات مخصوصه در . مثاله محرر اولدینی اوزره مشتریك
میبی قولانمشندن حاصل اولان فائده کی .

بومادهء مندرج [نفع] کلاه سی حدیث شریفه نظراً زوائد ایله
منافعدن اعم طو تلقی اقتضا ایدر . اگر چه بجه جمعیتجه یا زلمش اولان
مثال منافعہ دائر ایسده بوندن برشینک زوائدی ضمانی مقابله سنده
اولدینی اکلا شلما ملی برشینک زوائدی دخی ضمانی مقابله سنده در .

مثلاً خیار عیب ایلله رد اولان بر اینکک مشتری یدنده حاصل
اولوب استهلاك اولنان سوتنک قیمتی بایع آله ماز .

ضماندن مقصد دخی مؤثدره حیوانک مصارف انفاقیه سی ، عقارک
مصارف ترمیمیه سی کی . §

بوقاعدهء مبنی در که ۱۳۴۷ نجی مادهء بیان اولدینی وجهله
شرکت عقد و مضاربدهء ربجه استحقاق بمضاً ضمان ایلله اولور . انجق
قاعدهء منبوره اوزرینه ایکی سؤال وارددر . برنجی سؤال ؛ ۲۹۳ نجی
ماده حکمنجه مبیع قبل القبض بایعک یدنده تلف اولسه مشتری حقنده
برشی ترتب ایتوب ضرری بایعه عائد اولور و موضوع بحث اولان
قاعدهءیه نظراً مادامکه برشینک نفی ضمانی مقابله سنده در . مبیعک قبل
القبض حاصل اولان ثمره و زیاده سی دخی بایعه عائد اولق لازم کلور
ایکن ۲۳۶ نجی مادهء بعد العقد و قبل القبض مبیعهء حاصل اولان
ثمره و زیاده نك مشتری یه عائد اولدینی محرردر .

جواباً دینلشدرکه برشینک نفی ضمانی مقابله سنده در دیک بر
کیمسه کندی ملکی اوله رق خسارینه متحمل اولدینی شینک نفعنه دخی
ثائل اولور معناسنه در حال بوکه بیع ایجاب و قبولک متعلقنده اثری
ظاهر اوله جق وجهله یکدیگره بوجه مشروع تعلقی ایلله منعقد اوله جفندن
بیع منعقد اولنجه ملکیت مشتری یه ثابت اولور . مبیع بایعک یدنده امانت قالور .
انجق مبیع حین عقدده تعین ایدوب ثمن ایسه تسلیم ایلله تعین ایده .

جکندن پشین صاا شده مشتری ثمنی تماماً تأدیه ایدنجیه دک بایعک میبی
حبس و توقیف ایتسی تجویز اولمشدر .

بو حالده میبی حبس و توقیفده بایع ایچون منفعت واردر . مبیع
تلف اولدقهده مشتری ثمنی ویره جک اولسه نائل حاصل اولهمیه جفندن
ومادامکه بایع بر منفعت ایچون میبی حبس و توقیف ایتمشدر . مضرت
منفعت مقابله سنده اولوب یعنی بر شیئک منفعتنه نائل اولان انک مضرت
متحمل اولمق اقتضا ایده جکندن میبعک ضرری بایعه عائد اولور .

قبل القبض میبعده زیاده لک حاصل اولدقهده مادامکه عقد ایله میبی
مشرترینک ملکی اولور . بر شیئه مالک اولان انک زواندیشه دخی مالک
اولمق اقتضا ایده جکندن و نایمه آروجه حکم ویریه میه جکندن زواند
میبع مشترینک اولور .

ایکنجی سوال ؛ بر شیئک نفی ضمانی مقابله سنده اولیدی ۸۹۱ نجی
مادهده ذکر اولندیفی وجهله مال مغضوب غاصبک ضماننده اولیدیفی
وغاصبک ضمانی غیر بسنک ضمانندن اقوی ایدوکی جهله زواند
المغضوب غاصبک ملکی اولمق لازم کلوردی حال بوکه ۹۰۳ نجی ماده
حکمنجه زواند مذکوره مغضوب مملکدر .

بو وجهله جواب ویرلشدرکه ، بوندهکی ضمانندن ضمان خاص یعنی
ضمان مالک قصد اولمقدهدر . بوتقدیرده بر شیئک نفی ، اول ش
تلف اولیدی کیمک مملکنده تلف اولمق اقتضا ایدرایسه انکدر . یعنی
بر مملکک نفی مالکنکدر . دیعک اولوب مال مغضوب غاصبک ضمانند
ایسهده غاصبک ملکی دکدر .

۸۶ ماده اجرت ایله ضمان مجتمع اولماز .

مثلاً رکوب ایچون استکرا اولنان حیوانه یوک یوکدیلوبده حیوان
تلف اولسه ضمان لازم کلور لکن یوحالده اجرت لازم اولماز ۵۵۰
۶۰۵ نجی مادهده بیان اولندیغی اوزره مشروطک مافوقنه
تجاوز ایله مستأجرک کندی مأذونیتنه مخالفی ضمانی موجب اولور .
اما مثله یا خود مادونه عدول ایله مخالفی ضمانی ایجاب ایتز . زیرا
موجرک موقت ایتدیکی منفعتک مثله و یا مادونه دخی موافقت ایدجکی
عقد اجاره نك مفهومندن اكلاشیلور . نته کیم ۵۵۸ نجی ماده موجبنجه
یوک ایچون استکرا اولنان حیوانه بینله بیلور . چونکه رکوب
تحمیلدن اخفدر .

فقط رکوب ایچون استکرا اولنان حیوانه یوک تحمیل اولندقدنه
عقد اجاره نك فوقده وموجرک رضای خلافده حرکت ایله تعدی
ایدلمش اولور . اندن صکره حیوان کرک یوکک قتلتنن کرک بلاسبب
حلول اچلندن طولایی تلف اولسون ضمان ایچون دیگر برسبب ارامنه
لزوم اولدیغی کبی مستأجر مأذونیتنه مخالفه عقد اجاره نك متضمن
اولدیغی معنی زائل اوله جفندن دائرة مأذونیتنه عودت ایتسه بیله ینه
ضامن اولور و ضمان ایله تلف اولان حیوانه تعدی ایتدیکی اندن اعتباراً
مالک اولور آن مذکور دن صکره حیوانی کندی مالی اوله رق قوللاغشی
دیك اوله جفندن و هیچ برکیسه نك کندی مالی قوللاغسندن طولایی
اجرت اعطاسی لازم کلیه جکندن مستأجرک دخی تعدی ایتدیکی زماندن
صکره اجرت ویرمسی لازم اولماز .

شو حالده قاعده مشروحه دن مقصد « سبب واحد دن طولایی
حل واحدده اجرت ایله ضمان مجتمع اولماز ، دیگدر ۵۳۶ ، ۵۴۷ »

اما سبب و محل مختلف اولور ايسه اجرت ايله ضمان اجتماع ايدمه بيلور .
 مثلا بر محل معينه دك حيوان استيجار ايدن كيسه مكارينك اذني
 اولدقجه اول محلي تجاوز ايدمه من و تجاوز ايتدكده صاغ و سالم صاحبنه
 تسليم ايدنجيه دكين اول حيوان مستأجر ك ضماننده اولوب كرك
 ذهبا بنده كرك ايا بنده تلف اولسه ضمان لازم كاور فقط محل معيني
 تجاوز ايلديكندن طولاي اجرت لازم كلز . ۵۴۸

شواكالده مستأجر ك محل معينه دك كيتديكندن طولاي اجر مسماي
 ويرمسي و محل معيني تجاوز ايتدكن صكره حيوانك تلف اولمىندن
 طولاي ضامن اولسي اقتضا ايدر . و بوصورتله محل يعني حيوان
 بر ايسه ده سبب اجرت و ضمان مختلف اولديغندن اجرت ايله ضمان
 اجتماع ايدر .

اجرت ؛ كرا ديمك اولوب ضمان ؛ دخي بر شيك مثلي ايدن ايسه
 مثلي و قيمت ايدن ايسه قيمتي و ير مكدور .

۸۷ ماده مضرت منفعت مقابله سينده در .

يعني بر شيك منفعت نائل اولان انك مضرتنه متحمل اولور .
 مثلا ير كراسي و بكجي اجرتي كي رهنك محافظه مني ايجون اولان
 مصرف مرتنه عائددر . ۷۲۳ زيرا مرتنه المش اولديغي رهن ايله
 اله جفتي تأمين ايدمه يور . ديمك كه رهن مرتنه حقنده منفعتي و رهن
 حقنده مضرتي موجوددر .

ير كراسي و بكجي اجرتي كي شيلرك دخي رهن طرفندن تسويه مني
 لازم كلسه مضرت مضرت اوزر ينه اواق ايجاب ايدر . بوده معقول
 اولمه جفتدن رهنك مصارف منفعتنه نائل اولان مرتنه تحمیل ايديلور .

قاعده ۸۵ نجی ماده ده محرر قاعده نك عكسيدر يعنى « برشيئك
 نفى ضمانى مقابلہ سنده اولدينى كې ضمانى دخی نفى مقابلہ سنده در »
 دیکدر. زیرا برشيئك منفعتته نائل اولان مضرته دخی متحمل اولور ۲۹۲
 ۱۰۷۳، ۱۱۵۲، ۱۳۰۸، ۱۳۱۹، ۱۳۲۴، ۱۳۲۷، ۱۳۲۸ نجی
 ماده لر قاعده مشروحه ده مقرر عدر.

۸۸ ماده کلفت نعمته ونعمت کلفته کوره در .

بناءً على ذلك ۱۳۰۸ نجی ماده ده محرر اولدينى اوزره بر ملك مشترك
 تعمیر و ترميمه محتاج اولدقده صاحبلى حصه لرینه کوره بالاشترک تعمیر
 ایدر لر هج برى حصه سندن زیاده مصرفه جبر اولماز زیرا کلفت نعمته
 کوره در .

کذلك ۵۰۶ نجی ماده دن مستبان اوله جنى وجهله بر کیسه درزى به
 ویرمش اولدينى لباسى اکنه آردى دیکمک اوزره شو قدر وایو لغامه
 دیکمک اوزره بو قدر غروشه پازالق ایتدکده درزى قنى صورتده
 دیگر ایسه اکا کوره اجرت اخذینه مستحق اولور زیر انعمت کلفته کوره در.

§

[کلفت نعمته کوره در] جمله سى [مضررت منفعت مقابلہ سنده در]
 قاعده سنك مراد فى اولدينى مثلاً [نعمت کلفته کوره در] جمله سى دخی
 [برشيئك نفى ضمانى مقابلہ سنده در] قاعده سنده مذکور اولمغله قاعده
 مشروحه ایله دیگر لری بیننده کی فرق صورت تحریردن عبارتدر .
 بنابرین شو اوچ ماده یکدیگرینه مزاج وتالیق ایدلکده « بر
 شیدن متفیع اولق نه در جده ایسه اندن حاصل اولان کلفت و مشقت
 دخی او راده ده در. کذلك چکیلان مشقت نه نسبتده ایسه اندن کور یله جك

منفعت دخی اونسته در « عبارہ سی حاصل اولور .

۸۹ ماده بر فعاك حكمی فاعلنه مضاف قلنور و مجبر

اولد بجه آخرینه مضاف قلنماز .

مثلا بر کیسه دیگره « فلانك مالی اتلاف ایت یوخسه سنی ضرب یا حبس ایدرم » دیوبده اودخی اتلاف ایتسه اکراه معتبر اولیوب ضمان انجق متلفه لازم کلور .

اما « فلانك مالی اتلاف ایت یوخسه سنی قتل ایدرم یا خود بر عضوکی کسرم » دیوبده مکره دخی اتلاف ایتسه اکراه معتبر اولوب ضمان انجق مجبره لازم کلور . ۱۰۰۷

فعاك حكمی : ضمان کی اوفعل اوزرینه ترتب ایدن اثر در و هر کس کندی نیک و بد افعالندن مسئولدر و بر امر حادثك اقرب اوقاته اضافتی اصلدر و فاعل « بو ایشی فلانك امریله ایشلدم » دیسه کندوسنی مسئولیتدن بری ایده من زیرا غیرك ملکنده تصرفله امر ایتك باطلدر . و برشی باطل اولدقده انك ضمننده کی شی دخی باطل اولور . بناء علیه آمری باطل اولدینی کی مأمورك فعلی دخی باطلدر . یعنی بلا اذن شرعی ایشلش اولور .

بنابرین هر فعاك حكمی فاعلنه مضاف قیلقی اصلدر . انجق فاعل مسئولیتی جهته کیدیلان فعلی کندی رضا و اختیار یله ایشلدیکنی و یا خود اتلاف ایتدیکی شی آمرک مالی ظن ایدوب بشقه سنك مالی او . لدینی بیلدیکنی افاده ایله بیان معذرت ایتسه انك معذرتی دخی نظر مطالعه ده المامق موافق حقانیت اولیه جفندن معذرتی احکام شرعیه ده هستند اولدینی و یا مأمور صبی و آمر بالغ بولدینی حالده حکم آمره

مضاف قلنور . بونلری بروجه زیر ایضاح ایدهلم . §
 اکراه ؛ کتاب الاکراهده تفصیل وایضاح اولندیغی وجهله بر
 کسنه یی اخافه ایله رضاسی اولقسزین طبعاً ویا شرعاً کریه کوردیکی
 برایشی ایشلک اوزره بغیر حق اجبار ایتمکدر . اکراه ایکی قسم
 اولوب قسم اول اکراه ملجیدرکه اتلاف نفس ویا قطع عضو ویاخود
 بونلردن برینه مؤدی اولور ضرب شدید ایله اولان اکراهدر .
 قسم ثانی اکراه غیر ملجیدرکه یالکز غم و المی موجب اولور
 ضرب وحبس کبی شیرله اولان اکراهدر .
 کتاب مذکورده محرر شرائطنه موافق اولان اکراه هر حالده
 مکرهک رضاسنی سلب ایدر . فقط اختیارینی بعضاً افساد ایدر بعضاً
 ایدهمن .

اکراه ملجی ؛ مکرهک رضاسنی نفی ایله برابر اختیارینی دخی افساد
 ایتسنه نظراً مکره عادتاً مجبره برآلت اولدیغندن اکراه ملجی تصرفات
 قولیه وفعلیهده معتبر اولوب بالاده محرر مثاک ایکنجی فقره سی موجبنجیه
 حکم مجبره اسناد اولنور .

اکراه غیر ملجی ؛ مکرهک رضاسنی نفی ایدر ایسهده اختیارینی افساد
 ایتیه جکندن مکره قصدوعزمنده مستقل اولمغله مثاک فقره اولیسنده بیان
 قلندیغی اوزره اکراه غیر ملجی تصرفات فعلیهده معتبر اولیوب حکم فاعله
 مضاف قلنور اما صحتی عاقدینک رضاسنه متوقف وفسخی قابل اولان
 عقود مثلاً تصرفات قولیده اکراه غیر ملجی دخی معتبردر §

مکرهدن صدور ایده جک تصرفات ایکی قسمدر . بریسی آمر
 و مجبره نسبتی ممکن اولاندر . دیکری آمر و مجبره نسبتی ممکن اولیوب
 افعاله فاعله ، اقوالده متکلمه نسبت اولناندر . بیع و شرا و اجاره

واقرار مثلوا اقوال اوزرینه جاری اوله جق اکر اهده متکلمک غیره
آت اولغه صالح اوله مامسی جهته مجبر ایچون مطلوب اولان فعلی
بنفسه ایجاد ممکن اولوبده اول فعلی اخافه ایله مکره کورده رد کده
کویا بنفسه اول فعلی ایتمیش اوله جق مثلوا اگر مجبرک بنفسه و بذاته
اول فعله مباشرتی ممکن اوله میوبده اول ایشی غیر اوزرینه حل ایلدیکی
تقدیرده اول فعل مکره اوزرینه مقصور اولور .

اقوال اوزرینه واقع اولان اکر اهده متکلمک غیره یعنی مجبره آت
اولغه صلاحیتی اولمدینی باهردر ، زیرا کندی لسانده اصلاً اختیاری
قالماق اوزره انسان ایچون غیرک لسانیه حماً تکلم ایده بیلک ممکن
اولماز بناء علیه مکرهک مجبره آت اوله بیلسی ممکن اولمیان یرلرده
اقوال احکامی ایله بالضروره متکلم اوزرینه مقصور اولور . یعنی
آمر و مجبره نسبت اولنقسرین قول متکلمه مضائی قلنور . و شو حالده
متکلمدن مکرهآ صدور ایندن قول بیع و شرا واجاره کی فسخی ممکن
ورضایه متوقف عقوددن ایسه مکرهآ واقع اوله جق عقد محلنده و اهلندن
صدور ایتدیکی یعنی شرائط انعقاد بولندینی حالده منعقد اولور . انجق
رضا بولندینی و فساد هئوز کندوسنده بقای جهته فاسداً منعقد اولور .
نته کیم ۱۹۰۶ نجی ماده ده بیان قلندینی اوزره اکره معتبر ایله
وقوع بولان بیع و شرا و اجار و هبه و فراغ و عن مال صلح و اقرار و ابرا
و تأجیل دین و اسقاط شفقه معتبر اولماز . کرک اکره ملجی اولسون
و کرک اکره غیر ملجی اولسون زیرا عقود مذکوره نک صحتی رضایه
متوقف اولوب اکره ایسه هر حالده رضایی سلب ایده جکندن عقود
مذکوره اکره ایله وقوع بولندینی حالده فاسداً منعقد اولور .
لکن نکاح و طلاق و عتاق و قصاصدن عفو کی رضایه قنومف

و فسخی قابل اولیان و هزل و جدی مساوی ارلان عقودده مکرها
واقع اولان سوز معتبر اولور زیرا عقود مذکوره اسقاطات قیلندن
اولغله بونلر کرچک واطیفه ایله منعقد اولدینی کی اکره ایله دخی
منعقد اولور وبعده فسخ ایدیله من .

§

بحسب الاکراه واقع اولان افعال دخی ایکی قسمدر .
۱ - افعالک بعضیسی فاعلک یعنی مکرهک آمر و مجبره آلت اولماستنده
اقوال کیدر که فاعل اوزرینه مقصور اولدق آمر مجبره تعدی و تجاوزی
اولور بومقوله شیرده هر نقدر آمر مجبروار ایسه ده فاعل حکمی ینه فاعلنه
مضاف قلنور .

مثلاً کل کی که غیرک اغزی ایله مقصور اولماز یعنی ایل اغزی ایله
اکلک نیاز بناء علیه بوکیلرک احکامندن هیچ برشی مجبرو آمره رجوع ایتمز .
۲ - بعض افعاله دخی اقبال اوزرینه واقع اکراه کی اولدیوب بلکه
بومثللو افعاله فاعلک آمر و مجبره آلت اولسی محتملدر بناء علی ذلک
بیوله یرلرده فاعلک حکمی فاعلنه مضاف اولمبارق یالکز آمر مجبره
مضاف قلنور .

مثالک جزؤ نایدینده بیان قلمدینی وجهله مکره مکره علیه ایفا
ایتمدیکی زمان مجبرک مکرهی اللریله طووب بیانی آلت اتلاف کی
مکره علیه اوزرینه سوق ایتمسی و بوضورتله مکرهک مجبره آلت اوله بیلسی
خیزر امکانه در .

§

جهات ، مثلاً برکسه « شومالی دکره آت » دیوبده مأمور دخی انی
بیشقه سنک مالی اولدینی بیلمه رک آتسه ضمان — مجبر اولسون اولسون —
آمره لازم کلور مأموره لازم کماز چونکه مأمور مالی آمرک ظنیه دکره
آتمشدر هر کس مالی کرک بالذات کرک بر بشقه سی معرفتیه تلف ایدیه بیله

جکندن و معرض خفاده اولان جهالت معتبر اید و کندن مأمور آمرک مالی
ظن ایدرک انک اذنیله تلف ایتمش اوله جفی جهتله ضمان کندوسنه لازم
کلمیوب آمرضامن اولور . §

صاوت ، مثلاً عاقل و بالغ اولان کیمسه بر صبی یه برینک مالی اتلاف
ایتمک اوزره امر ایدوبده اوده بشقه سنک مالی اولدیفنی بیلهرک اتلاف
ایتسه ۹۶۰ نجی ماده حکمنجه چوجفک ضامن اولمسی لازم کلور و بعد
الصمان چوجق آمره مراجعت ایدر .

چونکه ۹۰ نجی ماده شرحنده ایضاح اولندیفی اوزره صبی غیر
مأذونی استخدام تعدی اولدیغندن صیینک مأمور به اولان شیء اتلافنه
آمر متسبب تعدی اولمش اوله جفندن حکم متدبیه اسناد اولنور فقط
آمر صبی اولور ایسه بعد التضمین آمر صبی به مراجعت اولنه من .

۹۰ ماده مباشر یعنی بالذات فاعل ایله متسبب مجتمع

اولدقده حکم فاعله مضاف قلنور .

مثلاً برینک طریق عامده قازمش اولدیفی قوییه دیکری برینک حیوانی
الفا ایله اتلاف ایتسه اوضامن اولوب قوییه حفر ایدن کیمسه به ضمان لازم کلور
مباشر ؛ اول کیمسه درکه فعلی ایله تلف بینته فاعل مختارک فعلی یعنی
بر فعل اختیاری حیولت ایتکمترین محضا کندی فعلیه تلف حصوله کله .
متسبب ؛ اول کیمسه درکه کندی فعلی تلفه مفضی اولوب انجق

فعلی ایله تلف بینته اختیاری و یا اضطراری بر فعل حیولت ایتمش اوله
بو حالده ۸۸۷ ، ۸۸۸ نجی ماده لرده تعریف اولندیفی وجهله بر
شیء بالذات تلف ایتمه « مباشرة اتلاف » و برشینک تلفنه سبب اوانقه
یعنی برشیده دیکرشینک علی جری العاده تلفنه مفضی اولان برایش احداث
« ایتمه تسبیاً ، اتلاف » دینلور . نته کیم مثالده محرر اولان قوییک حفری

حيوانك دوشوب تلف اولسنه سبب وحيوانى قوي يه القا مباشرتدر چونكه طريق عام عمومه مخصوص اولديغندن هر كسك طريق مامدن ضرره حقى واردر انجق كرك طريق عامك كرك عمومه مخصوص اولان ساتر شيلرك شخصاً مالكى تعين ايده ميه جكندن بونلرك تدبير و تصرفى حكومته غايد اولمغله اذن ولى الامر اولد قجه طريق عامده تصرف ايده من ايتديكى حالده خلاف شرع حركت ايله تعدى ايتمش اوله جقندن اندن تولد ايده جك ضرر وزيانى دخى ضامن اولور . برينك بلا اذن طريق عامده قويى قازمى دخى تعدى اولمغله اندن تولد ايده جك مضرتيه متحمل اولق اقتضا ايدر . زيرا قويى قازان رفع مانع ايدرك حيوانلرك دوشمنسه و ساتر برطاقم مضرتلره سبب اولور .

لكن متسبيك ضامن اولسى ايچون ۹۳ نجى ماده حكمنجه متعدى اولسى و ۹۲۵ نجى ماده دن اكلاشيله جنى اوزره سبب ايله تلف اراسنه بر فعل اختيارى حيلوت ايتماسى شرطدر .

بنابرين بر كيسه كندى ملكنده قازمش اولدينى قوي يه ديكر ك حيوانى دوشهرك تلف اولسه ضمان لازم كلز . زيرا هر كس كندى ملكنده كيف مائشا تصرف ايده بيله جكندن قويى قازمسنده تعديسى يوقدر يعنى قويى حقسز اوله رق قازماشدر .

امابر كيسه بلا اذن ولى الامر طريق عامده بر قويى قازوبده اورايه ديكر ك حيوانى دوشهرك تلف اولسه ضمان لازم كلور زيرا بلا اذن ولى الامر طريق عامده تصرف ايتمى تعديدر . و هر نه قدر حيوان كندى اختياريله دوشمش ايسه ده حيوان طبعاً سير و حركته مجبور و نيك و بد احوال دن احترازى تفكره غير مقتدر اولديغندن انك فعلى دخى سبب اضطرارى حكمنده اوله رق حكم متسبيه اسناد اولنور . لكن

دیگر برکیمه بر حیوانی طوطوب مذکور قوییه القا ایلمسه حیوانی
بالمذات اتلاف ایتمش اوله جغندن ضمان دخی کندوسنه لازم کلوب
متسبب ضامن اولمز . §

بیلرنده کی فرق کلاشلیق ایچون مباشرت ایله تسبی ایضاح ایلمه لم:
برشی مباشره اتلاف ایتمش اوشیئک تلفنه علت اولمق دیک
اولدیفندن مباشرت علتدر . علت ؛ لغته مرض کی متغیر معناسنه
اولوب اصطلاح اصولیونده ؛ وجوب حکم ابتداء کندوسنه مضاف
اولان شیئک اسیدر .

وجه تسمیه سی برشی عدمدن وجوده ویا خصوصدن عمومه تغیر
ایتمیدر . چونکه علت بر خارج مؤثر در که حکمه موضوعدر یعنی حکم
علته مضافدر و علت حکمه مؤثر در و حکم علتدن متأخر اولیوب
علت ایله برابر حکم دخی وارد اولور . یعنی علت زمان جهتیه معلوله
مقارندر . اره لرنده بشقه واسطه یوقدر شاید واسطه اولور ایسه اوده علت
اخیره در اگر علت معلوله مقارن اولسه علتک ثبوتیه حکمک ثبوتی
جائز اولماق لازم کلوردی و بوجله ثبوت احکام ایچون وضع علتدن
مقصود حاصل اولماز دی .

سبب ؛ لغته طریق وایب و قاپو معالریته اولوب اصطلاحده
انجق حکمه موصل برشی دیمکدر .

سبب حکمه موضوع بر خارج مؤثر اولیوب فقط معلوله بریولدر
هر وقت سبب ایله حکم بیننده بر علتک یعنی خارج مؤثرک توسطی
لازمدر . بوعلت بر فعل اضطراری کی سببه مضاف و سبب ایله حادث
اولور ایسه سبب علت مقامنه کچهرک متسببه اسناد اولنورده انفا بیان
قلندینی وجهله طریق عامده بلا اذن حفر اولسان قوییه بر حیوان

کنند بکندن دوشوب تلف اولسه قوی بی حفر آیدن کیسه یه ضمان لازم کلور .

واکر متوسط اولان علت فعل اختیاری کبی سببه مضاف قلنور ایسه حکم مباشره اسناد اولنورده قازیلان قوی یه دیکری برینک حیوانی آتوب تلف ایسه ضمان متلفه لازم کلور .

شوالده علت سبیدن قویدر قوی موجود ایکن ضعیف حکمی اولمز . مکرکه بروجیه محرر سبب علت مقامنه کچه بویله اولدقچه [مباشر یعنی بالذات فاعل ایله متسبب مجتمع اولدقده حکم اول فاعله مضاف قلنور .]

§

اصول فقه کتابلرنده علل واسبابک اقسام عدیده سی مفصلاً بیان اولنوب بوراده ذکر وایضاحه محل مساعد اولدیغندن مجله مندر جائندن مناسبی اولان مواده ایضاحات لازمه تحریر ایدمک اوزره بوقدرله اکتفا وقاعدۀ مزبوره نك بعض مستثنیاتی بولندیغی بیان اولنور .

ازچله : مستودع ودیعه بی سارقه ارئه ودالات ایدوبده سارق دخی اول ودیعه بی سرقت ایسه قاعدۀ مشروحیه نظراً مباشر اولان سارقك تضمین ایتمی ایجاب ایدرایسه ده استثناء مستودعك تضمین ایتمی لازم کلور . چونکه مستودع ودیعه بی حسن محافظه بی تعهد والزام ایتدیکی حالدۀ سارقه دلالتله حفظنده تقصیر ایتش اولدیغندن ضمان کندوسنه ترتب ایده یور .

کذلک ۱۷۲۹ نجی ماده شرحنده ذکر وتفصیل اولدیغی وجهله شاهدلر بعدالحکم حضور حاکمه شهادتلرندن رجوع ایتدکلرنده محکوم بی کندولرینک تضمین ایتمی لازم کلور . حال بوکه حکم واقعۀ شاهدلر سبب وحاکم علت اولدیغندن قاعدۀ مزبوره یه نظراً حاکم

تضمین ایتسی ایجاب ایدر ایکن شاهدلر ضمان ایله مکلف طو تلسدر .
 چونکه بعد اداء الشهاده شهودك عدالتی تحقق ایتدکده حکم ایتک حاکم
 اوزرینه واجب اولور ۱۸۲۸ بو تقدیرده حاکم شاهدلر طرفندن
 حکمه مجبور اولور . و برده ضمان حاکم اوزرینه لازم کلمه غرامت
 خوفندن طولانی اربابی تقلد قضادن امتناع ایدر . بنابرین حاکم اوزرینه
 ایجاب ضمان ممکن اولدیغندن متسبب اولان شاهدلرک تضمینی لازم کلسدر .
 زیرده محرر ۹۱ ، ۹۲ ، ۹۳ نجی مادهلر بوقاعده نك شرائطی میندر .

۹۱ ماده جواز شرعی ضمانه . منافی اولور .

مثلاً بر آدمک کندی ملکنده قازمش اولدینی قوی بیله برینک حیوانی دوشوب
 تلف اولسه ضمان لازم کلز .

هر نه قدر قوی نیک حفری حیوانک دوشمنه سبب اولوب حیوان
 تسبیاً اتلاف ایدلمش دیمک ایسه ده ۱۱۹۲ نجی ماده ده بیان قلندینی
 اوزره هر کسک ملکنده کیف مایشتا تصرفی شرعاً جائز اولغله مالکک
 کندو ملکنده تصرف یعنی مثلاً ده محرر اولدینی وجهله قوی بی حفر
 ایتسی تعدی اولدینی کبی تلف اولان حیوانی دخی نه قصداً ونده
 من غیر قصد القوا و اتلاف ایتماش اولدیغندن کندوسنه برشی لازم
 کلیوب حیوانک دی هدر اولور .

کذاک ۹۱۹ نجی ماده دن منقهم اوله جفته کوره بر محله ده حریق
 وقوع و اولغله بر کیمسه بر خانه بی صاحبک اذنی اولمقسزین امر ولی الامر
 ایله بیقسه ضمان لازم کلز . هر نه قدر خانه بی صاحبک اذنی اولمقسزین
 بیقمنغله مباشر متعدی اولیور ایسه ده [ایکی فساد تعارض ایتدکده
 اخفی ارتکاب ایله اعظمنک چاره سنه باقیله جفندن] فعل مذکور
 جواز شرعی یه مستند اولغله ضمان لازم کلز .

حاصلی کرک تسبیاً و کرک مباشرةً اتلافده متسبب و یا مباشره ضمان ترتب ایتک ایچون واقع اولان فعللرینک جواز شرعی به مستند اولماسی اقتضا ایدر . جواز شرعی به مستند اولان افعالن طولای ضمان لازم کلز . یعنی برایشک ایشلمسی شرعاً جائز اولمغله برکیسه اوایشی ایشلیوبده اندن طولای برزیان ترتب ایتسه اول کیسه بوزیانی ضامن اولماز . زیرا جواز شرعی سبب مستحسنة مستند اولوب ضمان ایتسه سبب غیر مستحسندن نشأت ایده جکندن برشیده هم جواز شرعی بولنسون و همده ضمان لازم کلسون و ایکیسی دخی بردن ماده واحدهده بحتمع اولسون دینله من دینلسه معقول اولماز عقلاً قبول اولنمیان برشی شرعاً جائز دکلدر . بوحالده [جواز شرعی ضمانه منافی اولوب] مانعة الجمعدر .

§

بوقاعده ۳۳ نجی ماده ایله بعض مرتبه تقید ایدر . زیرا آج قابوبده برینک امکانی بیان ادمک بوقاعدهیه نظراً ضامن اولماسی لازم کلور . ماده مزبوره مثالنده ایتسه [قیمتی و یرمسی لازم کلور] دیو محرردر . چونکه اضطرار غیرک حققی ابطال ایتمز و ضرورتلر کندو مقدارلرنجه تقدیر اولنور .

۹۲ ماده مباشر متعمد اولمسهده ضامن اولور .

[مثلاً بر کیسه کندی مالی ظنیله دیکرک مالی تلف ایتسه ضامن اولور .] ۹۱۴

۹۰ نجی ماده شرحنده تفصیل و ایضاح اولندیغی وجهله مباشرت علتدر . علت حکمه موضوع و حکمده مؤثر و حکمه مقارن اولمغله هرکس کرک قصداً و کرک خطاء وقوع بولان افعال و حرکاتشدن مسئولدر . و تلف ایتدیگی شیء ضامن اولمق لازم کلور . فقط قصداً

ومن غير قصد وقوع بولان افعاله مترتب احكام شرعيه ده فرق اوله بيلير
از جمله قاتل متعمد اولدجه شرعاً قصاص لازم كلز .

۹۳ ماده . متسبب متعمد اولدجه ضامن اولماز .

[مثلاً برصياد آوه تفنك آتوبده سسندن ديكر ك حيواني اوركهرك
فرار ايدركن دوشوب تلف يا خود اياغي سقط اولسه ضامن اولماز .] ۹۲۳
هر نه قدر حيوانك فراريله دوشوب تلف ويا سقط اولسنه
صيادك آتمش اولديني تفنك سسي سبب اولمش ايسه ده ۹۰ نجی
ماده شرحنده تفصيل وايضاح اولنديني اورره سبب حكمه
بر يول اولوب حكم ايله سبب اراسنده دائماً برعات حلول ايله جكندن
حكم متسببه اسناد اولنقى ايچون متسبب متعمد اولمغله برابر فلي جواز
شرعى به مستند اولمايى وسبب ايله حكم اراسنه فاعل مختارك فعل
اختيارى حلول ايتمايى لازمدر . حال بوكه مذكور مثالده بيان قلنديني
وجهله حيوانك فرار ايله دوشوب تلف ويا سقط اولسنه تفنك صدامي
سبب اولمش ايسه ده بونده صيادك قصدى يوقدر .

[اما حيواني اوركتمك قصديله تفنك آتمش ايسه ضامن اولور] ۹۲۳

§

ايكى شخص متسبب اجتماع ايتدكه نظر اولنور . هرايكيسنك
تسببي وقوع ضرره مفضى اولور ايسه ايكيسيده فاعل حكمنده بولنورلر .
يا لكز برينك تسببي ضرره مفضى اولور ايسه اوكننه فاعل حكمنده
بولنوب ديكرى مين اولمش اولور .

مثلاً بر كيسه نك قاپوسى قپالى آخورده مقيد بر حيواني اولوبده ايكي
شخصدن برى انك يولاريني چوزوب ديكرى اخورك قاپوسنى آچسه
وبوصورتله حيوان كندولكندن چيقوب كيدرك ضايع اولسه ضمان

آخر قابوسی آچان اوزرینسدر . چونکه قابوی آجه ایدی بالکن
یولارینک چوزلمسیله حیوان فرار ایدیه من ایدی . اما قابوی ایکسی
برلکده آچارایسه ایکسیده فاعل حکمنده اولوب مشترکاً ضامن اولورلر .

۹۴ ماده حیواناتک کندولکندن اوله رق جنایت

ومضرتی هدردر .

مثلاً برخانده مشترک اولان یکی کشی حیوانلری برحمله باعلاوبده
برینک حیوانی دیکرینک حیوانی تلف ایتسه ضامن لازم کلر ۹۴۹
کذلک بر حیوان بوشانوبده کندولکندن اوله رق برینک ملکته

دخول ایلر برضرر ایتسه صاحبی ضامن اولماز ۹۳۱ §

[جنایت] شرعاً بمنون اولان بر فعلک اسمیدر که اول فعل بالانسانک
تقصیرنه ویا اعضا سنه ویا مالنه ویا عرضنه تعلق ایدر . فقط جنایت
عندالفقه معنای اول وثانیده متعارفدر .

قانون جزایه کوره جنایت اعدام وقلعه بندک مثلاً محازات
ترهیبیه مستلزم افعاله دینور که زمانمرده بومعانده استعمالی کثیردر .

بنابرین قانوناً جنایت عدولان افعالك کافه سی شرعاً دخی جنایتدن
معدود ایتسه شرعاً جنایت دینلان هر فعل قانوناً جنایتدن معدود
دکدر خصوصیه حیوانات حقننده شرعاً جزا ترتیب اولنیه جفندن
افترک جنایتی ایقاع ایتش اوله قبری ضرر مالی دیمکر .

[هدر] هانک وداک فقه لریله اولوب لغو وباطل یعنی ضمانی
ایجاب اتمز دیمکر . §

شریعت اسلامیه اقتضاسنجه احکام مقاصده کوره در . حیوانانده
مقصد تصور اولنده میه جفندن کندولکنرندن اوله رق وقوع اولان جنایات
ومضراتدن طولای حیوانلر حقننده احکام ترتیبنه محل اولدیغی کبی بر

حيوانك كندولكندين وقوعبولان جنایت ومضرتي ايچون صاحبن ويا
سائر برکيسه يي بلاسبب مسؤل ايتك دخي جائز دکلدر .

انجق ۹۰ نجی ماده شرحی ايله كتاب الفصيح ايكنجی بابنك جنایت
حيوان حقنده اولان دردنجی فصلی عندر جاتندن مستبان اوله جغه کوره
حيوانانك مقتضای طبيعتی اولان افعال وحرکاتندن متولد ضررک وقوعنه
بريسي تعدی وياقصیری ايله سبب اولمش ايسه علت ضرر متسبب طرفندن
واقع اولان سببه مضاف اوله جفندن، حکم متسبب اولان کيسه يه اسناد
اولنور .

استطراد

اوروياده ايکی اوچ عصره کلنجيه قدر حيوانات ؛ کندولکلرندن
وقوعبولان جنایت ومضرتلرندن طولايي مسؤل عد اولنور ايمش حتی بر
آدمی تلف ايدن بر اوکوزک محکمه يه احضار واعدامنه حکم اولنورق
صلب يدلديکی معارف ناظری اسبق منيف پاشا حضرتلرينک فرانسرجه دن
بالترجه مکتب حقوقده ندریس بيوردقلى « مدخل علم حقوقده » محرردر .
شمديکی حالده بومثللو غير معقول شيلری ترک ايدوب قانونلری مقتضای
حکمه توفیق ايتمکه چالیشيورلر . اسلاملر ايسه ظهور دين اسلامدن يعنی
اون اوچ عصردنبرو حکمت شرعيه ايله تمجيد الحمد لله على نعمائه .

۹۵ ماده غيرک ملککنده تصرفله امر ايتك باطلدر .
مثلا برکيسه ديکرينه « فلانک شو مالنی دکزه آت دیو » امر ايتسه
بوامرک حکمی اولماز .

ملك ؛ انسانك مالک اولدینی شيدر كرك اعيان اولسون وكرك منافع
اولسون .

۱۵۱۰ نجی ماده حکمنجه بر کیمسه نك امری انجق کندو ملکی
 حقنده جاری اولور غیر اوزرینه ولایتی اولقسزین و غیرک مالنده
 تصرفه اذن واجازت و وکالتی بولنقسزین انک مالنده تصرفله امر
 ایتیمی باطلدر . و برشی باطل اولدقده انک ضمننده کی شی دخی باطل
 اولور مأمور، باطل اولان شو امره بناءً مأمور بی اجرا ایدر یعنی غیرک
 مالی ذکره آثار ایسه خلاف شرع حرکته بولنش اوله جغندن و هر فعلک
 حکمنی فاعلنه مضاف قیلق اصل اولدیغندن کندوسی ضامن اولور .
 زیرا آمر مأمور بهک اجراسنی طلب ایتمشدر مأمور ایسه
 اختیار یله او فعلی ایشلشدر . §

انجق ۸۹ نجی ماده شرحنده ایضاح اولندیغنی اوزره آمر
 مجبر اولور و یا خود مأمور آمرک اتلافی امر ایتدیکی شیئک بشقه سنک
 مالی اولدیغنی بیلز ایسه ضمان آمره لازم کله جکی کبی مأمور صبی و آمر
 بالغ اولدیغنی وصی مأمور غیرک مالی اولدیغنی بیلهرک اتلاف ایتدیکی
 تقدیرده دخی صینک مالندن تضمین ایدلد کدنصکره آمره مراجعت اولنور .
 کذلک ۱۵۰۶ نجی مادهده محرر اولدیغنه کوره بر کیمسه
 دیگرینه شخص آخره اولان دیننک اداسنی امر ایتسه جائز اولوب
 بعدالادا آمره رجوع ایدر .

۹۶ ماده بر کیمسه نك ملککنده انک اذنی اولقسزین
 آخر بر کیمسه نك تصرف ایتیمی جائز دکلدرد .

۹۶ ماده بر کیمسه نك ملککنده انک اذنی اولقسزین آخر
 بر کیمسه نك تصرف ایتیمی جائز دکلدرد .

مثلا بر کیمسه آخرک عرصه سنی غصب و زراعت ایلسه حاجی عرصه
 سنی استرداد ایتدکده اول کیمسه نك زراعتیله ترتب ایدن نقصان ارضی
 دخی تضمین ایتدیر ۹۰۷

زیرا غیرک ملکندہ تصرفلہ امر ایتک باطل اولدینی کی غیرک
صراحتہ یاد دلالتہ اذن واجازتی ویغیر اوزرینہ ولایتی ویاخود شرعاً
مأذونیتی اولمقسزین ومضطر قالمقسزین آخرک ملکندہ بالذات تصرفلہ
دخی کیسه ناک صلاحیتی یوقدر حتی شرکت ملک ایله شریک اولمق
دخی ملک مشترکی مستقلاً تصرف ایده بیلک ایچون سبب اوله نماز .

مثلاً برکیسه دیگرلیله مشترکاً متصرف اولدینی عرصه یی بلا اذن
مستقلاً زراعت ایلمسه شریکی عرصه دن حصه سنی اله قدہ اول
کسنه ناک زراعتیله ترب ایدن نقصان ارضه دن حصه سنی تضمین
ابتدیرر . ۹۰۷

زیرا شرکت ملکندہ متشعارکلردن هربری دیگرک حصه سنده
اجتیدر . بریسی دیگرک وکلی دکلدنر . بناءً علی ذلک برینک اذنی
اولمقسزین دیگرکی انک حصه سنده تصرف ایده من . §

فقط مشترک خانه سکتاده ودخول وخروج کی توابع سکتادن
اولان احوالده صاحب لرندن هر برینک علی وجه الکمال ملک مخصوصی
اولمق اوزره اعتبار اولنهرق هربری دیگرینک ملکندہ تصرف
ایده بیلور . ۱۰۷۵

چونکه بوصورت امر ضروریدر . ضرورتلر عنوع اولان شیلری
مباح قیله جفتدن قاعده مشروعه دن بالاستثنا تجویز اولنشدنر .

۹۷ ماده . بلا سبب مشروع برینک مالئی برکیسه ناک
اخذ ایلمسی جائز اولماز .

مثلاً بر باغچه ده مکان اتخاذایدن آریلرک بالی باغچه صاحبنک اولوب
دیگر کسنه اول بالی اخذ واستهلاك ایلمسه ضامن اولور . ۹۰۴

فقط ۷۹۹ نجی ماده دن مفهم اوله جفته كوره صاحب وديعه
غائب اولوبده اوزرينه نفقه سی واجب اولان كيمسه نك مراجعتی اوزرينه
حاکم اول غائب وديعه اولان اچمه سندن اول كيمسه يه نفقه تقدير
ايتد كده مستودع كندو يديعه اولان اچمه دن اول كيمسه نك
نفقه سنه صرف ايتسه مستودعه ضمان لازم كلديكي كبی اول كيمسه يه
دخی ضمان لازم كلز.

۹۵ ، ۹۶ نجی ماده لرده بيان قلنان قيود و شروط و ايضاحات بوماده يه
دخی شاملدر.

شرعاً تصرف املاك مصونیتی غایت اهمیتله ملتزمدر. ذات عالی
حضرت رسالینهای صلی الله علیه وسلم [لا یحل لاحد ان یأخذ متاع
اخیه لأعباً ولا جاداً فان اخذه فلیرده] حدیث شریفله هیچ بر
كيمسه يه ديكر كيمسه نك متاعنی لطیفه یا جدی صورقه آلمسی حلال اولیوب
آلدینی صورته رد و اعاده ایتسون بیور مشدر .

ینه بو حکمته مینی وقاعده مشروحه يه متفرعدر که [کندنه واجب
اولیان شی آخره ویرن كيمسه انی استرداد ایده بیلور مکرکه علی
وجه الهیه ویرمش اولوبده مانع رد بولنه] جله سی ضوابط فقهیه دندر.
۹۸ ماده برشیده سبب تملكك تبدلی اول شينك

تبدلی مقامنه قائمدر .

مثلاً موهوب له موهوبی بیع ايله یا خود هبه و تسلیم ايله ملکندن
اخراج ایلسه واهبك رجوعه صلاحیتی قالماز . ۸۷۰

۸۶۱ ، ۸۶۴ نجی ماده لر احکامجه موهوب له قبض ايله موهوبه
غیر لازم اوله رق مالک اوله جفتندن واهب بعد القبض موهوب لهك

رضاسيله هبه دن رجوع ايده بيلور . وموهوب له راضي اولماز ايده
واهبك مزاجتي اوزرينه حاكم موانع رجوع يونغيسه هبه يي فسخ ايده بيلور .
فقط موهوبك موهوب اهلك ملكندن خروجي موانع رجوع دندير
چونكه دنيا ده هرشي سبب ايله حاصل اولديفندين سبب تبدل اينجه
مسبب دخي تبدل ايتمش حكمنده عد اولنور . ومثاله بيان قلنان
موهوب مادامكه موهوب له طرفندن بيع وياعبه وتسليم ايله بر بشقه سنك
ملكته داخل اولمشدر . هر نه قدر عينا واهب اولك هبه ايتديكي شي
ايسه ده حكما تبدل ايتمش عد اولنور زيرا سبب تلك دكيشمشدر .

برشیده سبب تملكك تبدلی اوشينك تبدلی مقامنه قائم اولسه
انسان برشيئه مالك اولمق اچون سيني استحصال واستحضاره مجبور
اولماق لازم كلور بوايسه حكمته مخالف اولقله برابر « اشتراك اموال »
مذهبن دخي منتج اولور كه شرعاً اصلاً جائز دكلدر . §

اسباب تملك ۱۲۴۸ نجی ماده ده ذكر وتعداد وانی ولی ایدن
موادده ايضاح اولنمشدر . وصك وسندك تبدلی دخي سنيك تبدلی
منزله سنده در .

۹۹ ماده کیمکه برشی وقتندن اول اسه تعجیل ایلر

ايسه محرومیتيله معاتب اولور .

بناءً عليه برکيسه مورثی بغير حق قصاص يا خود کفارتی موجب
قتل ايله قتل ايتسه نائل ميراث اولمق سيني وقتندن اول استعجال
ايلش اولديفندين اوکيسه مورثنه وارث اولماز .

کذلك مستأجر بوجه پشین اجرتی تسليم ايتسه آجر اكا مالک
اولوب بعده مستأجر انی استرداد ايده من ۴۶۷

اجارده منفعت آنا فآنا حادث اوله جفندن اجرت دخی حادث
ولان منفعت مقابلنده لازم اولور بناء علیه اجارده عقد مطلق ایله
اجرت لازم اولماز فقط مثاله بیان قلندیغی وجهله مستأجر تجیل ایله
جرتی ویرر ایسه لازم اولور وارتنق مأجوری استعمال ایله منفعت حاصل
ولمديغندن بحث ایدرك ویردیکی اجرتی استرداد حقندن محروم اولور.
وکنذا ۴۴۰ نجی ماده شرحنده بیان قلندیغی وجهله اجاره
ضافده اجیر وقتندن اول ایفای عمل ایدر ایسه متبرع اولوب اجرتیه
سب استحقاق اتمز. §

بوماده نكده استثناسی واردر شویله که بر کیسه کندیسنه بر سینه
دله مؤجلاً بیک غروش بورجی بولنان دیگر بر کسینه یی قتل ایسه
ول کیسه نك مذکور آله جنی پشینه تحویل ایده جکندن در حال مدیون
قتولک ترکه سندن استیفا ایده بیلور.

۱۰۰ ماده هر کیسه که کند و طرفندن تمام اولان شی

نقض ایتمه سعی ایدر ایسه سعی مردوددر.

مثلاً بر مراقب حضور حاکمه بالغ اولدیغی اقرار ایتد کده جئه نك
وغه تحمیلی اولوبده ظاهر حال کندوسنی تکذیب ایتزایسه تصدیق
ولنور و عقود و اقراری نافذ و معتبر اولور و بر مدت صکره « بن اول
قت یعنی حین اقرارده بالغ دکل ایدم » دیوب بعد الاقرار واقع اولان
سرفات قولیه سنی فسخ ایتمک ایسته اکا التفات و اعتبار اولتماز. ۹۸۹
زیرا کشتی اقرار ایله مؤاخذنه اولنه جفندن اقرار ایله تمام اولان بر
نقض ایتمه سعی بالطبع مردود اولور.

کنذاک بر کیسه بر مالی دیگر کسینه بیع ایتمه که بر شخص کفیل

اولدقدن صکره کفیل مرقوم بیع کندوسنک ملکی ایدوکنی ادا
ایتسه قبول اولماز چونکه بیعک تمامی کندوسنک کفالتی قبول ایتسیله
اولمغه انی دعوی کندو طرفندن تمام اولان شی نقض اولور.

§

بوماده نك دخی مستثنایاتی واردر . از جمله برکیمه اوغلنك ووصی
یتیمک ومتولی وقفك مالنی برینه صائدقدن صکره غبن دعواسنه قیام
ایتسه لر منع اولماز .

چونکه بونلر محافظه منافع ایله مأموردر . شوقدرکه اومالی ثمن
مثلی ایله صائدقلمری اولجه اقرار ایتشلرایسه دعوالری رد اولنورایسه ده
غبن فاحش ایله صائدقلمری تحقق ایتدکده کندولری تضمین ایدر .

§

کذا مشتری صاتون الدیغی عماری بایعك قبل البیع مقبره ومسجد
قیلش ایدوکنی ادا ایتسه استماع اولنور .

بوتقدیرده عمار مزبور مشروع اولمیهرق صاتلش دیک اولوب
افعال غیر مشروعه ایسه معتبر دکدر .

§


كذلك متبايعاندين بری وقوعندن صکره بیعه بر وجهله فساد
بولندیغی وحين بیعه اوفسادی بیله مدیکنی ادا ایتسه قبول اولنور .
زیرا محل خفاده کی جهل معتبردر . وفساد نفاذ بیعه مانعدر .



- ۲ دیباجه
 ۵ مدخل — برنجی بابك برنجی فصلی ابتدای خلقت انساندن زمانزه قدر فقهك تاریخی
 ۱۷ ایکنجی فصل مجله نك سبب و صورت و فوائد تنظیمی
 ۳۰ ایکنجی بابك برنجی فصلی اصول فقهك تعریف و موضوع و غایتی
 ۳۱ ایکنجی فصل ادله شرعیه
 ۴۶ اوچنجی فصل احکام

مجله نك مقدمه سی

- ۶۱ مقاله اولی علم فقهك تعریف و تقسیمی
 ۶۶ مقاله ثانیه قواعد فقهیه
 ۶۹ برایشدن مقصد نه ایسه حکم اکا کوره در . قاعده سی و سائر
 ۷۴ شك ایله یقین زائل اولمز قاعده سیله متفرعاتی
 ۸۶ مورد نصد اجتهاده مساع یوقدر قاعده سیله متفرعاتی
 ۹۲ مشقت تیسیری جلب ایدر و برایش صنیق اولدقده متسع اولور
 ۹۸ ضرر و مقابله بالضرر یوقدر قاعده سیله متفرعاتی
 ۱۱۷ عادت محکمه قاعده سیله متفرعاتی
 ۱۳۱ مانع و مقتضی تعارض ایتدکده مانع تقدیم اولور قاعده سیله دیگر بعض قواعد
 ۱۴۲ کلامك اعمالی اهمالندن اولادر قاعده سیله متفرعاتی
 ۱۶۱ برهان ایله ثابت اولاق شی عیاناً ثابت کییدر قاعده سیله متفرعاتی
 ۱۷۵ شرطك ثبوتی عندننه اکا معلق اولان شیتك ثبوتی لازم اولور قاعده سیله متفرعاتی
 ۱۹۶ بر فلك حکمی قاعده مضاف قلنور قاعده سیله متفرعاتی



قال النبي صلى الله عليه وسلم
[من يرد الله به خيراً يفقهه في الدين]

شرح المجتلة



ايکنجی جلد
کتاب الیہوعک شر حیدر



محرری
اسبق موصل والیسى، مکتب حقوقدن مأذون

حاجی رشید پاشا



(ترجمان حقیقت) مطبعه سنده طبع اولنمشدر

دارالخلافة العلیه

۱۳۲۷

بسم الله الرحمن الرحيم

کتاب اول

یوع حقنده اولوب بر مقدمه ایله یدی بابه منقسمدر .

کتاب ، فعال و زننده مصدر اولوب فقط اسم مفعول معنا سنده استعمال ایله « مکتوب » دیمک ایسده عنانلور مکتوبه کتاب دیمز حقی « الکتاب کاخطاب » قاعده سی محله جمعه تنجیه [مکانیه مخاطبه کیدر] دیو ترجمه اولمشدر .

کتاب لفظی اسان عربده و خصوصیه عنانلور ییننده مسائل منفرد متجانسه نیک جمع و تدویندن حاصل اولان « مجموعه » اطلاق ایلمکده عرف عام اولمشدر . بناءً علیه بومثلو مجموعه لک کافه سنه « کتاب » دینلور فقط جمعی کوچک اولانلر « رساله » نامیه تمیز و تفریق ایلمکده و برجستدن اولیان مسائل متفرقه بی حاوی بولنانلره « مجموعه » دینلمکده در .

اصولونه کوره کتاب ؛ شرایع و احکامی متضمن اولان شینه دینور بوده قرآن ، توره ، انجیل ، زبور اولوب جمع صیغه سیله « کتب الهیه » دینلکده دردی ویا لکیز « کتاب الله » ویا « کتاب » دینلکده قرآن عظیم الشان قصد اولنور .

کتاب لفظی عندالفقهها جنس واحددن برطاقم مسائل مخصوصیه دلالت ایدن الفاظه اسم اوله رق جنس مقامنده قوللانش و بوراده دخی بومعناده استعمال اولمشدر .

مسائل فقهیه بی اک اول امام اعظم ابوحنیفه رضی الله تعالی عنه حضرتلری اثنای تدریسده کتابلره ، بابلره ، فصللره تقسیم ایدوب اولاً « کتاب العباره » ثانیاً « کتاب الصلاة » ویده فقهک

عباداته متعلق سائر کتابلری ذکر ایلدی کد نص کره معاملات قسمی
اینان ومیراثه متعلق مسائل یعنی کتاب الفرائض ایله ختم ایلشدور .
مشاراییدن صکره فقها جانبدن تحریر اولنان مؤلفات فقهیه ده
شواصوله رعایت اولنه رق برجنسدن اولان مسائله « کتاب » وانواعنک
هر برینه « باب » وبابارک منقسم اولدینی صنوفه « فصل » دینلوب
کتابلر وبابلر وفصللر دخی موضوعنه دلالت ایدر برر « عنوان »
ایله یکدیگرندن تمیز اولنشدور . واکثر کتابلرده مقصده شروعدن
اول بعض اصطلاحات تمهید ایدیلوب اسمنه « مقدمه » دینلمش
ومسائل اراسنده علی طریق الاستطراد بیان قلنان شیرل استطراد ،
تذنیب ، تذیل ، لاحقه ، مسائل شقی وسائر بو مثللو ناملر ایله تفریق
وبعض کتابلرک نهایتده دخی « خاتمه » عنوانیله بر طاقم مسائل درج
وتتبیق ایدلشدور .

احکامی متضمن فقراته « مسئله » دینلوب انحق مجله ده بعضاً
ایکی ویا ده زیاده مسئله مجتمعاً تحریر ومسئله لر فیاننده « اصطلاحات »
تذکیر ایدلدی کندن عمومه شامل اولق ایچون [ماده] دینلشدور .
وجهلری ترکیب ایدن الفاظ دخی ایکی نوع اولوب قید احترازی ،
قید وقوعیدر .

§

مسائل فقهیه نك كتب و تحریرنده بو وجهله صنوفه تقسیمچی پك
چوق فواندی مسئلزمدر . برنجیسی مسائل فقهیه کتابلره تقسیم اولنسه
یعنی اجناسه رعایت ایدلمسه برجنسدن اولان مثلاً بیوعه متعلق مسائلک
اجاره ، هبه کی اجناس سائرده متعلق مسائل ایله قاریشمسی اقتضا
ایدرك مسائلک قولایلقله اكلالشمسینه مانع اوله جئندن مسائلک اجناس ،
انواع ، صنوفه تقسیمچی سرعت تفهیم وتفهمی موجب اولور .

ایک جنسی اجناس و انواع و صنوف مسائل موضوعه دلالت ایدر
عنوانر ایله توصف اولندیغندن برکتابه ویا باب ویا خود فصله نظر
اولندقدہ مندرجاتی نہیہ دائر اولدینی درحال اکلاشیلور . مثلاً مجله نك
برنجی کتابہ بافلدقدہ مندرجاتنك بیوعه متعلق اولدینی اکلاشیله جنی
کبی حادی اولدینی بدی بابك وهر بابك فصللرینك مندرجاتی نہیہ دائر
اولدینی عنوان باب و فصلدن اکلاشیلور .

کذلک مسائل فقہیہ نك تحریرسندہ دخی سرعت و سهواتی موجب
اولور . مثلاً بیوعه متعلق بر مسئله نك تحریری ایجاب ایتدکده کتاب
البیوعك قننی بابنك قننی فصلنه متعلق ایسه فهرسته باقیلار ق
قولایلقه بولنور .

اوجنسی مسائلک اجناس و انواع و صنوفه تقسیمی علم فقہک
مضبوط بر طاقم قواعد تحتنه وضعی موجب اولمشدر . مثلاً کتاب
البیوعك برنجی بابنك برنجی فصلنی مطالعه ایتدکده رکن بیعك ندن
عبارت اولدیغنی رشر لطنی اکلازرز و رکن و شرط مبیعه متعلق معاملاتنی
مذکور باده مندرج قواعد و مسائله تطبیق ایدرز . اکر قواعد
مذکورہ بوصورتله مضبوط اولسه حوادثی قواعد و مسائله تطبیق
وارجاع دخی مشکل اولور .

اسباب محررہ یه مبنی مجله اونی القی کتابه وهر کتاب
بابلره ویا بلر فصللره تقسیم اولنمش و فقہانك ترتیبی وجهله [کتاب
البیوع] طبیعی الوقوع معاملاتہ دائر واستعمالی کثیر اولدینی
واعیانك بیع وشراسی منافع و فوائد اعیانہ متدائر ایجار واعاره
ورهن مثلاً عقوده نسبتہ اصل ایدوکی جهتله کتب سائرہ یه تقدیم
ودیکر لری دخی موضوعلرینك احتیاج عصره نسبتہ اهمیتنه و بربرلرینه

اولان مناسبتہ نظرآ ترتیب ایدیلہ رک بیوع حقہ اولان اشبو کتابک
مجلہ نک حاوی اولدینی اون الی کتسابدن برنجیسی اولدینی ویدی
بایدن عبارت بولندینی عنوان کتابده بیان قلمشدر.

اشبو کتابہ جمع صغہ سیلہ [کتاب لبیوع] دینلمسی زیرده محرر
مواد احکامدن منہم اولہ جغنه کورہ بیعک انواع عدیدہ سی اولدینہ
اشارت ایچوندرد.

مقدمہ

بیوعہ متعلق اصطلاحات فقہیہ بیانندہ در.

مقدمہ نک مقدمہ علم و مقدمہ کتاب اولہ رق ایکی یه منقسم اولدینی
مقدمہ مجلہ نک شرحندہ بیان و مقدمہ علم تریف اولنمشیدی بورادہ کی
مقدمہ دن مقصد مقدمہ کتابدر کہ : کتابک حاوی اولدینی کلامدن
مقصودہ ارتباطی و مقصودک تسہیل حصولی ایچون ابتدا ذکر اولنان
الفاظ دیمکدر. کتاب البیوعک مقدمہ سندہ مندرج [اصطلاحات فقہیہ]
دخی بوتوع الفاظندرد.

اصطلاحات، اصطلاحک جمیدرد. اصطلاح؛ لغتہ اتفاق معناسنہ در.
ارباب فنون یدندہ بر فن اصحابک برلفظی معنای اصلیسنک غیری
بر معنایہ تخصیصنہ اتفاق ایتلرینہ دیرلر. اولفظہ در «صطلح» دینور.
اصطلاح دخی اطلاق اولندینی واردر. فلان اصطلاح بردازانہ
سوز سویلبور کی

الفاظک معانی لغویہ و اصطلاحیہ سی اراسنده مناسبتک وجودی شرط
دکدر. بمضاً مناسبت اولدینی کی بمضاً اولمز. مناسبت اولدینی
صورتہ لفظ مذکورہ «منقول» و اولدینی تقدیرده «مرتجل» دینور.

بوراده مذکور اولان [اصطلاحات] لغظندن معنای مصدوری
 قصد اولمق جائز اولدینی کی « مصطلحات » معنای دخی قصد اولنه بیلور.
 اصطلاحات فقهیه « عرف فقهاء » دخی دنیلور . §

مقدمه ، مبادیدن معدوددر . انحق مبادی ، مسائل بلا واسطه
 کندوسنه متوقف اولان الفاظه دینوب مقدمه ، دیو مسائل بواسطه
 کندوسنه متوقف اولان الفاظ . دینلایکندن مبادی ایله مقدمه بیننده
 عموم وخصیص مطلق وارددر . یعنی مقدمه مبادیدن اولوب فقط مبادینک
 جمله سی مقدمه دکلدر .

علم فقه مسئله جهتیه ایکیه تقسیم اولوب برینه « مبادی » مسائل
 فقهیه « دیگر برینه « مسائل فقهیه » دینلور .

مبادی مسائل فقهیه دخی ایکیه تقسیم اولوب برینه « مبادی »
 تصویریه ، واور برینه « مبادی تصدیقیه » اطلاق اولنور .

مبادی مسائل فقهیه علم فقهیه مقصود بالذات اولوب بلکه مقصود
 بالذات اولان مسائل فقهیه کندولرینه ایتنا قلنمق ایچون ایراد اولنان
 شیرلدر . بناء علی ذلک اشبو محله جلیله ده دخی مقصود بالذات ، احکامی
 حاوی اولان مواد اولوب مبادی دکلدر . انحق برعامی تحصیلدن مقصودک
 وانواع موضوعنک لایقوله استحصالی وبرکتابک مندرجاتنک قولایلقوله
 اکلاشلمسی موضوعنک تعریفاتی ایله تقسیماتنک و بعض اصطلاحاتنک
 بیانمنسه متوقف اولدیغندن تسهیل تفهیم و تفهیم ایچون محله نک هر کتابنک
 اولنده او کتاب مندرجاتنک تعریفات و تقسیماتی ایله بعض اصطلاحات ذکر
 ودرج اولنشدر که جمله سی « مبادی » تصویریه قییلندندر .

مبادی تصدیقیه ؛ مسائل فقهیه نک اثباتی ایچون ایراد اولسان
 دلیللردر . مثلاً مجهولی بیع فاسددر زیرا جهالت نزعی موجبدر

بیعت صحیح ایسه رضایه متوافقدن نزاع رضایه منافی اولمقله مجهولی
بیعت فاسددر . دینلده بیه ، فاسد ، صحت کلمه لری اصطلاحات
فقهیه دن اولوب مثال مذکورک اگلاشلمسی اول امرده مذکور
کلمه لری محل استعمالی بیلیمکه متوقف اولدیغندن بونلرک مقدمه ده تعریفی
مبادی تصوریه ، نزاعک رضایه منافی اولمسی عقد بیعتک فسادینه
سبب اولدیغنیک بیان قلمسی دخی مبادی تصدیقه قیلندن اولمش اولور .
مسائل شرعیه عملیه یی اثبات مقامده ادله اربعه دن اوله رق
فقهانک ایراد ایتدکری دلیلارهب مبادی تصدیقه قیلندندر . چونکه
مسائل فقهیه یی اثباتده ادله اربعه نک حجت اولمسی علم اصول فقهده مبرهن
اولمقله ادله مذکورده دن هریری علم فقهی نسبتله اصول موضوعه
ومقدمات مسلمه دندر . انجق مجله نک حادی اولدینی کتابلرک جمله مندم
مبادی تصوریه دن لازم اولانلری ذکر اولدینی حالده مبادی تصدیقه دن
یا لکزشش اون مسئله ده بحث اولمشدر . حال بوکه احکام مسائل
فقهیه لایقیله اطلاع ایچون مبادی تصوریه دن زیاده مبادی تصدیقه نک
بیانمنسه لزوم واردر . مبادی تصدیقه بیانمنسه احکام مسائله
اولان وقوف یک سعی اولور . جمعیت جلیلانک مبادی تصدیقه دن
بحث ایتامسی بر نقصان اولیوب بلکه متن اوله رق ترتیب اولنان کتب
فقهیه ده وقوانین موضوعه دولت علیه ده مبادی تصدیقه دن بحث ایدلیوب
بوراسی شرح وتفسیر ایدنلره براغلمش اولمنسه نظراً مسکوت عنه
قالمشدر .

۱۰۱ ماده ایجاب؛ انشای تصرف ایچون ابتدا سویلنیلان

سوزدر که تصرف انکله اثبات اولنور .

مثلاً بايع « شو مالی سکا شو قدر ضرر وشه صا تدم » دید کده اشبو
سوزيله بیی اثبات ایدرک قبول ایدوب ایتماک اقتدارینی مشتری به
ویرمش اولور .

ایجاب ، لغتده مطلقاً بر شی اثبات ایتماک معناسنه در .
و ۱۶۹ نجی ماده مثالندن مستبان اوله جفته کوره ایجاب ، مشتری طرفندن
دخی وقوع بوله بیلور .

۱۰۲ ماده قبول ؛ انشای تصرف ایچون ثانیاً سویلنیلان
سوزدرکه انکله عقد تمام اولور .

۱۶۹ نجی ماده نك مثالندن مستبان اوله جفته کوره بوسوزی
سویلان ایستر بايع اولسون ایستر مشتری .

قبول ، لغتده تکلیف اولنان شی رد ایتماک معناسنه در ماده
مشروحده محرر [سوز] دن مقصد دخی بحبک اثبات ایتماک اولدینی
شی رد ایتماکدر .

شوایکی ماده دن اکلایدیغه کوره بیع و اجاره کی معاوضاتدن
اولان عقودک تمامی ایچون ایجاب و قبول شرطدر . یالکیز ایجاب ایله
عقد تمام اولماز فقط کفالت کی تبرع قبلندن و یا اسقاطاتدن اولان
عقود یالکیز متبرعک و یا مسقطک ایجابیله منعقد اولور . ۶۲۱

ایجاب و قبول ایله انشا اولنه حق یعنی وجوده کتوریله جک
[تصرفدن] مقصد دخی بیع و اجاره و امثالی تصرفات شرعیه در . §

عقودک کافه سنده انشای تصرف ایچون ابتدا سویلنیلان سوزه
ایجاب ، ثانیاً سویلنانه قبول دینور یوقسه ایجاب و قبول لفظلری
کتاب البیوعک مقدمه سنده ذکر اولنسته نظراً بیوعه مخصوص ظن

اولنسون بوراده ذکرى مادامک مجله نك كافه احكامى عقود شرعيه به
 دائر در. عقود وجود بولسى ايچون سويلنيلان سوزلرك معانى اصطلاح-
 حيسنى اك اول بيلمك لزومنه مبنيدر. بو حالده كتاب اليوعك مقدمه -
 سنده مندرج موادى ايكي به تقسيم ايتك ايچاب ايدر. بريسى ايچاب -
 قبول، عقد، انعقاد كي هم كتاب اليوعده وهم كتب سائرده
 مندرج مسائله متعلقدر. ديكرى بيع، ركن البع كي يالكز كتاب
 اليوعده مندرج مسائله متعلقدر. مقدمه مندرج اصطلاحاندر
 قنيسى عموم كتابلر بيننده مشتركدر وقنيسى يالكز كتاب اليوعه
 متعلقدر دقت اولندينى صورتده اكلاشلور.

ايچاب وقبولك بهمه حال برى اول وديكرى صكره ايراد اولنق
 شرط اوليوب ايكيسى بردن ذكر اولنه ييلور. مثلاً بايع دشومالى سكا يوز
 خروشه صاندم، ديراكن مشتري دخى دشومالىكى يوز خروشه آلام،
 ديسه عقد تمام اولور. بو حالده طرفينك سوزلرى هم ايچاب وهم
 قبول اولور.

§

ايچاب وقبولك بوجه مشروع سوز ايله اولسى اصلدر. آنجق
 قبولدن مقصد ايچاب ميبى رد ايتماكدور. بناءً عليه مقصده دلالت ايدن
 شيلر يعنى ۱۷۳، ۱۷۴، ۱۷۵ نجى ماده لر ايله شرح لرندن مستبان
 اوله جفته كوره مكانبه، مراسله، دلسرك اشارت معهوده سى، مبادله
 فعليه ايله دخى ايچاب وقبول اولنه ييله چكى كي عافديندن مثلاً بايمك
 شفاهاً ايچابى اوزرينه ديكرندن قبوله دلالت ايدر فعل صادر اولسه
 ويا خود بايمك اشارت معهوده سى ويا ايچابه دلالت ايدر برفعلي ويا
 مكتوبى اوزرينه مشتري طرفندن شفاهاً قبول وقوع بواسه يته عقد
 بيع تمام اولور.

مثلاً بر کیمسه آتمکچی به در قیه اتمک آلمدیهرک تمنی اعطایند کده
 آتمکچی هیچ برسوز سویله میوب باره بی قبض ایلسه بومعاملاسی لفظاً
 قبول مقامنه قائم اوله رق عقد بیع تمام اولور .

۱۰۳ ماده عقد طرفینک بر خصوصی التزام و تعهد ایتملیردرکه
 ایجاب و قبولک ارتباطندن عبارتدر .

عقد ؛ لغتده دو کوملمک معناسندهر .

اول امرده شونی افاده ایدولمکه عقدک تعریفنی ایضاح ایچون
 [ایجاب و قبولک ارتباطندن عبارتدر] دینایور حال بوکه عقد یعنی
 تعهد و التزام عاقدینک فعلیدر . ارتباط ایسه ایجاب و قبول ایله قائم
 برصفتدر . عاقدینک فعلی اولان عقد یعنی تعهد و التزامی ایجاب و قبولک
 صفقی اولان ارتباط ایله تفسیر صحیح اولماز . بلکه ارتباط انعقادک
 معناسنده معتبردر حال بوکه عقد انعقادی مستلزم اولماز . چونکه
 عقد انعقادک علت شرعیسه و انعقاد او علت اوزرینه مرتب اولان
 بر حکم شرعیدر علت شرعیه ایسه علت عقلیه کی اولیوب علت
 شرعیده معلولک علتدن تخافی جائزدر بناء علیه عقدک تعریفنده
 عقد ؛ طرفینک بر خصوصی تعهد و التزام ایتملیردرکه ایجاب و قبولی
 بررینه ربطندن عبارتدر . دینلملی ایدی . §

طرفین [محیب ایله قابل دیمک اولوب بونلره عاقدین ، متعاقدین
 دینلدیکی کی وصف عقده کوره اسم مخصوصلری دخی واردور . مثلاً
 عقد ، بیعه ، دائر ایسه متبایمان ، اجارهده موجر و مستأجر ، هبهده
 واهب و موهوبله کی §

۱۰۱ ، ۱۰۲ نجی ماده لرده بیان قلندینی اورره عقود معارضده

انشای تصرف ایچون ایجاب و قبوله لزوم اولدینی کی ایجاب و قبول
 کلام لغو اولماق اوزره لاجل التصرف برشیدک وجودی دخی لازمدر.
 مثلا عقد بیعه بایع «فلان شیء» سکا شوقدر غروشه صاتم «ومشتری
 «آدم» دیدیکی زمان «آدم» صاتم، کمالرینی بر غرضه حمل ایتک
 اوزره الملک برشیده تعلقه لزوم واردر. ایشه تعریفده کی [خصوصی]
 کلمه سندن مقصد ایجاب و قبولک متعلق دیمکدر. بایع «فلان شیء» شوقدر
 غروشه صاتم «دیدیکی زمان مبیی ویرمکی و مشتری «آدم» دیدیکی
 وقت اوقدر غروشی بایعه اعطا ایتکی تعهد و التزام ایده جکندر تعهد
 و التزامه دلالت ایدن ایجاب و قبولک مربوطیتنه عندالفقهها [عقد]
 دینلمشدر. و بوتعریف موجبجه عقددن مقصد یالکز ایجاب و قبولک
 مربوطیتی اولوب عقد ایستر صحیح، یا غیر صحیح اولسون عمومته شاملدر.
 برده مثلا کیفیک ایجابیله کفالت منعقد اوله جفتدن تبرعات
 و اسقاطندن اولان عقودده یالکز متبرعک بر خصوصی التزام و تعهدینه
 و یا مسقطک بر حقنی اسقاطه دخی عقد دینلوب بو، مثلا عقودده
 قبولک ارتباطی شرط دکدر.

۱۰۴ ماده انعقاد؛ ایجاب و قبولک متعلقنده اثری ظاهر

اوله جق وجهله یکدیگریته بوجه مشروع تعلقیدر.

انعقاد؛ عقد باغلامق معناسهدر. و بوماده نک دخی حکمی بالجمله
 معاملات شاملدر. انجق کتاب البوعک مقدمه سنده ذکر ایدلمش اولسون
 ملاسه سیله بوماده بی تشریح معرضنده بیع منعقدی مثل اتخاذا ایدلم
 شویله که: بیعه ایجاب و قبولک متعلق تمن ایله میبع اولوب بونلرده
 ظاهر اوله جق اثر ایسه حکم بیعدن عبارتدر که اوده ملاکیتدر. یعنی

بایعك ثمنه ومشتريك مبيعه مالك اولمسيدر مع مافيه ملكيت بيعك
حكم اصايسيدر بوكا تابع برطاقم احكام دها اولوب انلرده مشتريك
تمنى وبايك مبيعى تسليم ايتمى واجب اولمق ومبييع ملك عقار ايسه
شفعه اصحابى ايچون حق شفعه ثابت اولمق كې شيلردر . §

۱۰۳ نجى مادهده بيان اولندينى اوزره عقد ، ايحباب وقبولى
يكديكره ربط ايتمكدن عبارتدر . انعقادده ايسه اثرى ظاهر اولمق ايچون
اجزاء تصرفك يعنى ايحباب وقبولك شرعاً ارتباطى لازمدر . §

كرك انعقاد وكرك زيرده كى مادهلرده محرر اولدينى وجهله بيعك
انعقاد يعنى ذات وحكم اعتباريله صحيح وفاسد وسائر انواعه اتقسامك
اسبابى مدخلك ايكنجى بابنده برتفصيل بيان قلندي . وشرايط واحكامى
ايلروده فصول متعلقه سنده ذكر وايضاح اولنه جقدر . بوراده مجملأ
افاده ايدملهكه : بر عقدك انعقادى شرايط انعقادك وجودينه منوط
اولدينى كې بيعك بروجه محرر انعقادى دى شرايطك تحققنه متوقف
اولوب بوشرطلر دى عاقده ، معقود عليه ، نفس عقد ، مكان عقد
متعلق اولمق اوزره درت نوعدر . عاقده متعلق اولان شرط ايكيدير .
۱ : عاقد عاقل ومميز اولمقدر . ۲ : ۳۶۱ : عاقد متعدد بولمقدر .
مادامكه ايحباب وقبول متعدددر عاقدك دى متعدد اولمى اقتضا ايدر
برذات هم مجيب وهم قابل اوله ماز . فقط بعض استثنائى واردر .

معقود عليه متعلق اولان شرايط بشدر . ۱ : معقود عايك موجود
اولمى ۲ : مقدور التسليم بولمى ۳ : مال منقوم اولمى ۴ : حد ذاتنده
مملوك اولمى ۵ : بايع كنديسى ايچون ساندنيى تقديرده ملك كندوسنك
بولنميدر كه ايكنجى ويدنجى بابلك برنجى فصلاننده ذكر اولنمشدر .
نفس عقد متعلق اولان شرطلر ايكيدير . ۱ : ايحباب وقبولدن هر بريسى

صرف وعادته انشای بیع ایچون استعمال اولنان لفظلردن اولسی
۲ : قبولک ایجابیه موافق بولنمسیدرکه برنجی بابک برنجی وایکنجی
فصللرنده محررور .

مکان عقده متعلق اولان شرط ، مجلس عقدک حقیقه ویا حکماً
اتحادی اولوب برنجی بابک اوچنجی فصلنده بیان قلمشدر .

۱۰۵ ماده بیع : مالی ماله دکیشمکدرکه ذات وحکم

اعتباریله منعقد یاخود غیر منعقد اولور .

بومادهک برنجی جزئی بیعی تعریف ایکنجی جزئی زیردهکی
مادهلرده بیان قلمدینی وجهله بیعی تقسیم ایدیور .

[مالی ماله دکیشمک] دیوتعریف اولنان [بیع] کلهسی لغتدهخی
بومعنایه در . انحق هرنه صورتله اولور ایسه اولسون مبادله امواله
لغه بیع دینلور ایسهده شرعاً بیعک صحتی ایچون طرفینک رضاسی
وسائر بعض شرائط وجودی مشروط اولمقله احد طرفینک رضاسی
اولیان ویا شرائط سائردهسی بولنیمان بیع فاسد اوله جغندن مطلقاً بیع
دینلدرکه بیع صحیح یعنی بالتراضی مبادله اموال معناسی مراد اولنور .
بیع لفظی «شرا» کلهسی کی اشداددن اولوب ایکسی دخی
میعی ملدکدن اخراجیه وادخاله اطلاق اولنور . یعنی آلدیم وصاتدم
مقارنده قولالانیله رق اشترا ایتدم دینهجک یرده بیع ایتدم وبیع ایتدم
دینهجک یرده اشترا ایتدم دینه بیلور . لکن صرفاً بیع لفظی بایعه
وشرا ، اشترا ، اتباع لفظلری مشترییه خاص قلمشدر .

ومالی ماله دکیشمک بیع دینلمک ایچون شرعاً اموالک بطریق
الاکتساب مبادله ایدناسی لازمدر . اموالی تبرع طریقله ویا عوض

مقابلنده هیه صورتیله مبادلہ ایتک بیع دکارد . اموالک نه صورتله
مبادلہ اولنه بیله چکی باب اولک رکن بیع حقنده اولان فصل اولی
مندرجاتندن اکلایلور . §

بیعک مشروعیق کتاب ایله ثابت وسنت واجماع وعقل مؤیددر .
جناب حق عم نواله قرآن عظیم الشانده [احل لله البیع وحرم الربوا
ولا تأکلوا اموالکم بینکم بالباطل الا ان تكون تجارة عن تراض]
بیورمشدر . پیغمبر من محمد علیه الصلوٰۃ والسلام اقد من حضر تلری
[یا معشر التجار ان البیع یحضره اللغو والحلف فشوبوه بالصدق]
بیورمشدر . ۱۲۴۸ نجی مادهده بیان قلندی اوزره بیع اسباب
تملکدن بری اولمق حسیله جوازنده اجماع امت واقع اولمشدر . بقای
حیاته وادامه انتظام انامه مدار اولدیفندن مرغوییتق عقل دخی
تسلیم ایدر .

۱۰۶ ماده بیع منعقد ؛ انعقاد بولان بیع دیمک اوله رق
صحیح وفاسد ونافذ وموقوفه تقسیم اولنور .

۱۰۷ ماده بیع غیر منعقد ؛ بیع باطلدر .

۱۰۸ ماده بیع صحیح ؛ یعنی بیع جائز ذاتاً ووصفاً مشروع

اولان یعدر .

بیع صحیحک [یعنی بیع جائز] دیو تفسیری بیع باطل وبیع
فاسد مقابلنده ذکر اولندیقنی بیان ایله یالکزی بیع باطل مقابلنده
ذکر اولندیقنه ذهاب اولنماق ایچوندرد . [ذاتاً ووصفاً مشروع
اولان بیع] دیمکدن مقصد دخی رکن وشرائط انعقاد وحتیثه خلل

اولیان بیع دیکدر. بیع موقوف، بیع نافذ، بیع لازم، بیع غیر لازم ذاتاً ووصفاً صحیح اولدیفندن بوتعرف انلره دخی شاملدر.

بوخالده بیع صحیحك شرطی انعقادینه، صحته، نقاذینه، لزومینه دائر اولوق اوزره دت نوعدر. شرائط انعقادی ۱۰۴ نجی ماده شرحنده ذکر وتعداد ایدلدی. شرائط مذکوره تماماً کندوسونده موجود اولان بیع، منعقد واولیان باطل اولور. بوعتبار ایله بیع صحیح بیع باطل مقابلدر.

شرائط صحتی؛ وصف اعتباریله اولان شرطلراولوب عامه وخاصهیه منقسمدر.

شرائط عامه ۱: بیعك موقت اولماسی ۲: بیعك ۳: ثمنك معلوم اولمری ۴: بیعده شرط مفسد بولنماسی ۵: طرفینك رضای ۶: بیعده بر فائده ملحوظ اولسیدرکه هر نوع بیعك صحتی ایچ-ون بونلرك وجودی لازمدر.

شرائط خاصه ۱: ویرهسییه پاره ایله پشین مال آلدقدده مدت اجلك معلوم اولسی ۲: پشین پاره ایله ویرهسییه مال آلدقدده پارهك پشین ویرلسی ۳: بیع منقرلك قبل القبض مشتری طرفندن بشقه سنه صالناماسی ۴: مبادله قولیده تسمیه ثمن ایدلسی ۵: اموال ربویهك بیعنده بدلینك مساوی اوله رق شبهه دیادن خالی اولسی ۶: بیع صرفده بدلینك افتراق مجلسدن اول قبض ایدلسی ۷: بیع مرایحه وتولیه ووضیعهده ثمنك یعنی بابع قاچ آلمش ایسه آمك بیانی شرطدرکه بونلردن بعضیسنك بعض بیعلرده بولنسی لازم ایسهده جمله سنده لازم اولدیفندن شرائط خاصه دینلمشدر.

شرائط عامه وخاصه دن بری کندوسونده موجود اولان بیع منعقد

صحیح و اولیان فاسد اولور . بوعتبار ایله بیع صحیح بیع فاسد
مقابلیدر . و اکثریا صحیح افطی فاسد مقابلنده ذکر اولنور .
بیعک شرائط نفاذی، بیعده انفا بیان قلنان شرائط انعقاد و صحیح
وجودیله برابر ۱۱۳ نجی مادهده تعریف اولندینی وجهله حق غیر
تعلق ایتمکدر . شرائط لزومی دخی اشبو شرائط ایله برابر ۱۱۴ نجی
مادهده تصریح ایدلدیکی اوزره خیاراتدن عاری اولمقدور . بیع صحیح
بوعتبار ایله دخی بعضاً بیع موقوف و بعضاً بیع غیر لازم مقابلنده
ذکر اولنور .

شرائط مذکوره دن بعضیلری مواد آتیاده تعریف و احکامک
اکثریسی یدنجی بابده و بعضیلری فصول و مواد سائرده بیان قلممشدور .
۱۰۹ ماده بیع فاسد ؛ اصلاً صحیح اولوبده و صفماً صحیح
اولیان یعنی ذاتاً منعقد اولوبده بعض اوصاف خارجییه سی
اعتباریله مشروع اولیان بیعدر « باب سابعه باق »

۲۱۳ ، ۲۳۷ ، ۲۴۰ ، ۲۴۸ نجی ماده لره دخی باق .

بیع فاسدده بیعک رکن و شرائط انعقادی بولنه چقندن ذاتاً
مقصوده ایصالی اقتضا ایدر ایسه ده عاقیدنک رضایی بولمق و میبع
معلوم اولمق کی شرائط صحته دن بری و یا برقاچی بولنماق له و صفماً
ایصال مقصوده مانعدر . بناءً علی ذلک ذاتاً مقصوده موصل اولدیقندن
منعقد ایسه ده و صفماً مانع بولندیقندن صحیح اولیوب فاسددر . بوحالده
[ذاتاً منعقد] تعبیرندن مقصد ایجاب و قبول اهلندن صادر و محکمده
واقع اولمق کی رکننده خلل اولیان و [اوصاف خارجییه] جمله سندن
مقصد دخی رکنک خارجنده کی اوصافده مثلاً ثمن میبع مجهول اولمق
کی خلل اولان بیعدر .

۱۱۰ ماده بیع باطل ؛ اصلاً صحیح اولیان بیع در .

یعنی بیع با مال بر فله که رکن و شرائط انعقادینک کلیسند و یا بعضیسند خلل اولدیفندن او فعل ایله مقصوده وصول قابل اوله میه جنی جهله بیع یوق دیمکدر . بناءً علیه صبی غیر ممیزک بیع و شرایی کبی اهلندن صادر اولیان و مال اولیان بر شیشی صاتمق و یا مال اولیان بر شی ایله بر مال صانون آلمق کبی محکمه وقوع بولیان بیع با مالدر .

۱۱۱ ماده بیع موقوف ؛ غیرک حتی تعلق ایدن بیع در .

فضولی کبی .

یعنی بیع موقوف اول فعلدر که رکن و شرائط انعقاد و محکمه خلل اولدیفنی جهله مقصوده موصل ایسهده مبیع غیرک مالی بر لنتق و یا رهن ایدلمش اولق کبی حق غیر تعلق ایتدیکنندن مقصوده لایقيله وصول اول غیرک و یا خودیرینه قائم اولانک اجازتنه موقوفدر . بوحالده بیع موقوف بیع صحیح اولوب بیع نافذ مقابلندهدر . §
بیع فضولی ؛ زرده کی ماده دن ا کلاشیله جنی اوزره بر کیسهه بغیر اذن شرعی دیگر کیسهه نک مالی بیع ایتیمکدر .

۱۱۲ ماده فضولی ؛ بغیر اذن شرعی دیگر بر کیسهه نک

حقننده تصرف ایدن کیسهه در .

فضولی ، فضول کله سنک منسوبیدر . فایک ضمیمه « فضول » زیاده معناسنه اولان « فضلاک » جمیدر . فضول کله سنک مفرد معناسنده استعمالی غلبه ایتدیکنندن مفرد منزله سنه تنزیل ایله

یای نسبت الحاق وحد و وظیفه سی خارجنده سوزسویلیان وایش ایشلیان
کیمسه به اطلاق اولنشددر .

[اذن شرعیدن] مقصد صاحب حق طرفندن وکالت یاخود انک
اوزرینه ولایت ووصایت کبی شرعاً تصرفه مأذونیددر . بنابرین بویله
برمأذونیتی اولمقسزین دیکرک حقنده تصرف ایدن کیمسه به [فصرولی]
دینلور .

۱۱۳ ماده بیع نافذ؛ غیرک حتی تعلق ایتمیان بیعدرکه لازم
وغیر لازم قسملرینه منقسم اولور .

نافذ ، لغتده نفرذ ایدیجی یعنی ایشلیوب اوتہ کچی معناسنه
اولوب اصطلاحده فی الحال اوزرینه اثر ترتب ایدن فعله دینور .
بیع نافذ بیع موقوف مقابلیدر . و بیع صحیحندن اخصدور یعنی
هر بیع نافذ صحیحدر . فقط هر بیع صحیح نافذ دکلدر . زیرا بیع
صحیح ۱۱۱ نجی مادهده بیان قلندبنی اوزره حق غیر تعلق ایندیکی
زمان موقوف اولور حال بوکه بیع نافذ اوپله بر فعله دینور که رکن
وشرائط انعقاد و صحته خلل اولمقدن بشقه حق غیر دخی تعلق
ایتمیرک همان مقصوده لایقوله موصل یعنی مشتری مبیعه و بیاع ثمنه
فی الحال مالک اولور .

بیع نافذ اولدقدانصرکه تراضی طرفین اولمقسزین رفی قابل اولوب
اوله میه جنی بجئی وارد اوله جغندن بیع نافذ بصورتله ایکی به آریله رق
یرینه [لازم] و دیکرینه [غیر لازم] دینلمشددر .

۱۱۴ ماده بیع لازم؛ خیاراتدن عاری اولان بیع نافذدر .

یعنی تراضی طرفین اولمقسنزین رفی قابل اولمیان بیعدر .

۱۱۵ ماده بیع غیر لازم؛ کندوسنده خیاراتدن بریسی بولنان

بیع نافذدر .

یعنی تراضی طرفینه باقلمقسنزین رفی قابل اولان بیعدر .

۱۱۶ ماده خیاری؛ مخیرلك دیمكدر .

یعنی دیگر طرفك رضائنه باقلمقسنزین کندیمی ایچون خیاراتات

اولان کیمسه نك عقدی فسخه قادر اولمیدر .

ته کیم باب مخصوصنده یعنی باب سادسده بیان قلنه جقدرد .

۱۱۷ ماده بیع بات؛ بیع قطعی دیمكدر .

بات، کلمه سی «بت» مصدرندن اسم اولوب قاطع معناسندهدر . قطع

وجز می افاده ایچون عریجه و عثمانلوجهده مستعمل اولان «البته» لفظی

«بت» کلمه سنك اولنه حرف تریف علاوه سیله حاصل اولمشدر .

بیع بات؛ بعضاً بیع الوفا و بیع بالاستغلال طریقله اولمیان و بعضاً

کندوسنده خیاراتدن بری بولمیان بیع معناسنده استعمال اولنور .

وایکنجی معناده استعمالی کثیردر . حق «بات بازارینك» اسمی دخی

اوراده صاتیلان شیرل ایچون عاقدینك مخیر اولمقلرینه دلالت ایدر .

تعبیر دیگرله اوراده آلتان صاتیلان شیرل ایچون مخیرلك اولمدیغندن

«بات بازاری» دینلمشدر .

۱۱۸ ماده بیع الوفا؛ بر کیمسه بر مالی آخره ثمنی رد

ایتدکده کیرو ویرمك اوزره شو قدر غروشه صاتمقدرکه

۳۹۸ نجی مادهده بیان اولندیفی اوزره مشتری میبع ایله انتفاع

ایلمسنه نظر آبیع جائز حکمنده و ۳۹۶ نجی ماده ده بیان اوانده
 ینی اوزره طرفین بونی فسخه مقتدر اولدوقلری جهتله بیع
 فاسد حکمنده و ۳۹۷ نجی ماده ده محرد اولدینی اوزره مشتری
 میببی آخره صایه مدینی و قبض ایله تمام اولدینی و ۳۰۳ نجی
 ماده موجبنجه مشتری سائر غرمادن احق اولدینی و ۱۶۳۷ نجی
 ماده ده بیان قلندینی وجهله وفاء میببی اخر طرفین وقوعبولان
 طلب و دعوا ده مشتریک با بیع ایله برابر مجلس محاکمه ده - ضروری
 شرط اولدینی جهتله رهن حکمنده در .

چونکه قاعده اصولیه جه بر شیشک دیگر ایکی شیئه مخلف ایکی
 وجهدن طولایی مشابهتی اولدینی صورتده هر برینه اولان مشابهتک
 حکمیه عمل اولنور و بوکا « عمل بالذهبین » ذیلور .
 مع مافیه عقودده اعتبار مقاصد و معانی به کوره اولسنه نظر آبیع
 بالوفاده رهن جهق خالبدر .

وفاء ؛ افتده عهد و پیمانی محافظه ایلک معناسنده در . بو نوع بیعه
 [بیع الوفا] تسمیه اولنسی با بیع نمی رد ایتدکده مشتری دخی میببی
 رد ایتک اوزره ایلدیکی عهده وفاسی شرط اولدینی ایچوندور و بوکا
 بیع بالوفاء ، بیع بشرط الوفا ، بیع الجائز ، بیع الامانه ، بیع الاطاعه
 دخی دیرلر . فقهایی شافیه « رهن المعاد » تسمیه ایتشلردر .

۱۱۹ ماده بیع بالاستغلال ؛ با بیع بر مالی استیجار ایتک
 اوزره وفاء بیع ایتمکدر .

استقلال؛ افتد غله سی حاصل اوله حق بر شیک غله وفائده سی
المق مناسنه اولوب بیع بالاستقلاله بایعک میبی استیجار ایلمه سی
مشروط اولدیفندن مبیعک غله سی یعنی اجرتی مشتری به شرط قلندش
دیمک اولور .

بیع بالاستقلاله [استیجار اتمک] قیدی معتبر اولدیفندن بیع
بالاستقلال مقید؟ بیع الوفا مطلق اولغله بینلرند عموماً و خصوص
مطلق واردر و بیع بالاستقلال دخی بیع الوفا کی رهن حکمنده اولغله
قید مذکورک ایجاب ایتدیکی تجدد عقددن قبض شرط اولماسندن ماعدا
بیع الوفا ده جای اولان احکام بیع بالاستقلاله دخی جای اولور .

یعنی بیع الوفا ده مشتری قوللانهرق مبیعدن استفاده ایدیه یلوب
بیع بالاستقلاله ایسه میبی بایعه و یا بشقه سنه ایجار ایدرک اجرتندن
استفاده ایدیه جکندن شوا یکی بیع یشنده صورت انتفاعده وانی موجب
اولق اوزره تجدد عقدده فرق وادایسه ده بیع الوفا کی بیع بالاستقلال
دخی مشتری میبی ایجار ایله استفاده ایتسنه نظراً بیع جائز و قبض
ایله تمام اولدینی و طرفین فسخه مقتدر اولدقلمی جهتله بیع فاسد
و مشتری میبی آخره صاته مدینی و سائر ضرمان احق اولدینی و استقلالاً
مبیبی آخر طرفدن وقوع بولان طلب و دعوا ده مشتری بایع ایله
برابر محاسن محاکمه حضوری شرط اولدینی جهتله رهن حکمنده در . §
بوندن ناشی اولق کرکدر که مجله ده اشبو تعریفن بشقه بیع
بالاستقلاله دائر مسئله یلزمه شدور .

و بیع بالاستقلال رهن حکمنده اولوب رهنه ایسه مرتهن اهی
راهنه ایجار ایله یدقبضندن چبقارر ایسه ۷۴۷ نحی ماده شرحنده بیان
قلندینی اوزره احاطه باطل اولوب ایداع و اعاره منزله سننده قاه جفته

نظراً بروجه محرر بیع بالاستغلاک عدم جوازنی لازم کلور ایسه ده
اولاً مرتن رهن ایله یالکز توثیق دین ایدرب استیفای دین
ایدنجیه قدر مطلوبی اولان اتجه نك فائده سندن محروم قالور .
حال بوکه بیع بالاستغلاکده میببی ایجاز ایله اجرتندن مستفید
اولور بایع دخی مالکینی کماکان تصرفله انتفاع ایدره . ثانیاً مرتن
استیفای دین ایچون رهنی صائیره بیلور ایسه ده بیع بالاستغلاکده
بایع رضاسی اولمئسزین میببی صائیره مبوب فقط مدت معینه نك
کذرائندن صکره بایعدن اجر مثل طلب واخذ ایدره بیلور . وبایع دخی
رهن کی مالکی تصرفندن چقماز .

اسباب محرریه میببی بیع بالاستغلاک طرفین حقنده رهندن و بیع
الوفادن دها زیاده فائده لو اولدیفندن بوده بیع الوفا کی حاجت عمومی
اولسون خصوصی اولسون ضرورت منزله سنه تنزیل اولور قاعده سنه
بناءً علی طریق الاتحسان تجویز اولمئشدر . §

[بایع برمالی استیجار ایتک اوزره] دینلمش ایسه ده مشتری
میببی بشقه سنه دخی ایجار ایدره بیلور . بیع بالاستغلاکدن مقصد مشتری نك
میببی ایجار ایله انتفاع ایدره بیللمسنه بایع راضی اولورق بیع
ایتمش اولمئسدر .

۱۲۰ ماده بیع ذاتاً یعنی حکم اعتباریله درت قسمه منقسم اولدینی کی

مبیع اعتباریله دخی درت قسمه تقسیم اولور .

قسم اول ثمن مقابله سنده دیگر مالی صائمقدرکه بیوعک

الك مشهوری بو اولدیفندن بوکا [بیع] تسمیه اولور .

قسم تانی صرف و قسم ثالث بیع مقایضه و قسم رابع

سلمندر .

مبیع یا مال و یا منفعت اولور . منفعت اقسامیه سه ورت بیعی [کتاب الاجار اتده] بیان قلمش اولدیغندن بو ماده ده ذکر اولنسان مبیعدن مقصد مالدر . و بیعک مبیع اعتباریه درت قسمه وجه تقسیمی شودر که اموالک بعیضی یعنی نقد ایله نقد حکمکنده اولان شیلر ثمن اوله رق ، عروض و عقار و حیوانات کی مثلیاندن اولیان شیلر مبیع اوله رق ، مکملات و مثلیاندن اولان شیلر کا . ثمن و کا مبیع اوله رق استعمال اولورلر . و نقد اکثر یا عین مقابلنده مبادله اولندیکی کی بعضاً نقد مقابلنده و آنلاک عین دخی بعضاً عین مقابلنده مبادله اولنور . ایشته بو صورتله بیع ؛ بیع شهرور ، صرف ، مقایضه دیواج قسمه تقسیم اولنمشدر . و حین عقدده مبیع وجود اولق لازم ایکن سلم و استصناع طریقله معدومی بیع علی طریق الاستحسان تجویز اولند . یغندن اقسام بیع درته ابلاغ اوله رق بیع شهرور بو ماده ده و دیگر ادچی یعنی بیع صرف و بیع مقایضه ایله سلم و استصناع زیرده کی ماده لرده تعریف ایدلمشدر . و شو تقسیمه کوره ماده مشروحده محرر [سلم] کله سفی سلم و استصناعدن اعم طوتمق و یا خود استصناعی دخی بشقه وجه ذکر ایلك اقتضا ایدز .

برده یا لکنز [بیع] کله سفی بیع شهرورده مستعمل اولوب صرف و مقایضه بیع کله سفی ایله برلکده استعمال اوله رق بیع صرف و بیع مقایضه دینور . سلم و استصناع اکثر یا منفرداً استعمال اولنور .

۱۲۱ ماده صرف ؛ تقدی نقدہ بیع ایتمکدر کہ ترکیه

اقچه بوزمق تعبیر اولنور .

نقدہ علی الاطلاق بوزمق وتحويل ایتک معناسندور .

نقد ایله نقد حکمنده اولان شیلر ۱۳۰ ، ۱۳۳۹ ، ۱۳۴۰ نجی ماده لرده تعریف و بیان اولمشدر . تقدی نقد ایله ویا نقد حکمنده اولان باقر سکه ویا خود غیر مسکوک التون وکروش ایله مبادله عند الفقهها [بیع صرف] تسمیه اولمشدر . [اقچه بوزمق] تعبیری ترکیه مزده مسکوک اقچه بی مبادله دده مصروف اولوب غیر مسکوک آلون وکروش « اقچه » وبونلرک مبادله منه دائر اولان معاملیه « اقچه بوزمق » دینلمسی معروف دکلسده صرفک سکه مضروبده وقوعی کثیر و بین الناس شایع اولدیفندن وحد ذائنده صرفک نام معنائی فاده ایدر ترکیه تعبیر اولدیفندن تغلیب صورتیله [ترکیه اقچه بوزمق تعبیر اولنور] دینلمشدر .

کرتک نقد وکرتک نقد حکمنده اولان شیلر بمن اولدیفندز صرف ؛ تمنی نمه بیع دیمکدر . و بیع صرفه دائر مجلهده یالکیز بو تعریف واردور . احکامندن بحث اولنماسی معاملات صرافیه نک تجارت قانونلرینه و عرف وعاده تطبیقاً فصل وحل ایدلمکده بولمنسندن ناشیدر .

۱۲۲ ماده بیع مقایضه ؛ عینی عینه یعنی غیر از تقدین

مالی ماله مبادله ایتمکدر که لسان ترکیده « طراپه » دینلور .

[نقدین] کلهسی التون وکروش مسکوکات معناسنه ایسه ده ماده
 سابقه شرحنده بیان قلندی اوزره باقراقچه وانهالی دخی نقد حکمنده
 اولدیقندن [نقدین] کلهسنگ انلرده شامل اولسی اقضا ایدر ۱۳۰
 [عین] معین و مشخص اولان شیدر و دائمی بیع اولدیقندن
 [طرابیه] ایدیلان ماللرک ایکسینده دخی مبیع شرائطی معتبردر ۱۵۱
 بیع مقایضه دن یالکز ۳۷۹ نجی ماده ده بحث اولمشدر .

۱۲۳ ماده سلم ؛ مؤجلی معجله صاتمق یعنی پشین پاره ایله
 ویره سی یه مال آلمقدرد .

سلم ؛ ذنجین ایله سلف معناسنه اولوب بالاخره اعطا اولنه حق
 مال ایچون اولجه ویریلان اقچه ویا مال دیمکدر . عندالفقهها بویولده
 وقوعبولان عقدک اسمی اوله رق استعمال اولنمشدر . §

[پشین پاره] تمیرندن مقصد رأس المالك بهمه حال نقد اولسی
 لازم کور دیمک اولیوب رأس المالك پشین ویرلسی لزومی بیاندر . بناءً
 علیه بیعه ثمن اولغه قابل اولان شیرسلمده رأس المال اولور . لکن
 ویره سی ثمن ایله پشین مال آلق سلم اولیوب بیع مؤجلدر .

بایعه مسلم الیه ، مشتری یه مسلم ، رب السلم ، سلم صاحبی ،
 پشین ویریلان پاره ویا مال یعنی ثمنه رأس المال ، مبیعه مسلم فیه دینلور .

۱۲۴ ماده استصناع ؛ برشی یامق اوزره اهل صنعت ایله

عقد مقاوله اتمکدر که یاپانه [صانع] ویا پدیرانه [مستصنع]

ویا پدیریلان شیئه [مصنوع] دینلور .

استصناع ؛ لغتده برشبك يالدينى طلب ايتك مناسبه در .

لاحقه

سالف الذكر مواد احكامندن مستفاد اولدينى وجهله بيع ذات
ومبيع اعتباريله انواعه منقسم اولدينى كى ثمن اعتباريله دخى درت
قسمه منقسمدر .

برنجيسى ؛ مساومه دركه بايع مبيع كندوسنه قاچه مال اولدينى
حين عقدده ذكر وتصريح ايتك سزى طرفينك بالتراضى تسميه
ايتدكرى بدل ايله صائغه دينور .

ايكنجيسى ؛ مراحجه اولوب بايع مبيع كندوسنه قاچه مال اولدينى
بيان ايله اندن زياده يه اوچنجيسى ؛ توليه دركه باشه باش دردنجيسى ؛
وضيه دركه نقصاننه صائمه در .

۱۲۵ ماده ملك ؛ انسانك مالك اولدينى شيدركرك

ايعان اولسون وكرك منافع اولسون .

ملك ؛ ميمك هم كسرى وهم ضى ايله او قنور . فقط مناجه
بينلرنده فرق واردر . شويله كه :

كرك ايعان اولسون وكرك منافع اولسون انسانك مالك اولدينى
شيتك كافه سته كسر ميم ايله « ملك » دينور .

ضم ميم ايله « ملك » انسانك شرعاً مالك اولسون اولسون برشى
اوزرينه قدرت حسيه سندن عبارتدر .

مثلا مبيع منقول قبل القبض مشتري به ثابت ملكدر . لكن مشتري
۲۵۳ نجى ماده حكمنجه آخره صائمه جندن ملكى دكار . §

ايعان ؛ مينك جمى اولوب معين ومشيخ اولان شيدر . ۱۵۹ §

منافع ؛ منفعتك چى اولوب اعيان استعمال ايله مرور زمانك ارتباطندن حاصل اولان تعلقات مخصوصه در كه ملكك تعريفده داخلدر . مثلاً بر آدم ساكن اولوق اوزره برخانه استيجار ايدر كندوسنك اشبو خانه ده ساكن اولمسيله مرور زمانك ارتباطندن حاصل اولان تعلقات مخصوصه ده « منفعت » دينور .

بر عينه مالك اولان منفعتنه دخى مالك اولور ايسه ده بر شينك منفعتنه مالكيت عيئنه دخى مالكيتي مستلزم اولميه چنى شوه نالدين دخى اكلاشيلور . بناءً عليه [ملكك] اعيان و منافعه شامل اولديني بيلنمك ايچون [كرك اعيان اولسون و كرك منافع اولسون] جمله لريله توضيح ايدلمشدر . §

مذهب حقيده تقويم مالتى مستلزم اولوب يالكيز ملك مالتى مستلزم دكلدر . يعنى هر مال ملكدر فقط هر ملك مال دكلدر بيلنرنده عموم و خصوص مطلق واردر .

لكن ملكك تعريفده « انسانك مالك اولديني » تعبيرندن مقصد بالفعل مالك اولديني شى ديمك ايسه كه - ظاهري اولانده بودر - ملك يله مال بيلننده عموم و خصوص من وجه واردر . زيرا ملك اموال ساحه ده شامل اولمديني حالده مال انلرده شامل اولديقندن مال اعم ملك اخص اولور . ملك منافعه شامل اولوب مال شامل اولماسى حسبيله ده ملك اعم و مال اخص اولور . وعين مملوكه دخى هم ملك هم مال اطلاق اولنور .

بورالري بيلنمك ايچون مال ندر . و مال منقوض نه ده ديرلر . برده آيرو آيرو تعريف ارلنمش واسه باب ملك ۱۲۴۸ نحي ماده ده كر و تعداد ايدلمشدر .

۱۲۶ ماده مال ؛ طبع انسانی مائل اولوبده وقت

حاجت ایچون ادخار اولنه بیلان شیدر که منقوله و غیره منقوله
شامل اولور .

بناءً علی ذاک طبع سبیم انسانی کندوسنه مائل اولمیان لاش-
وسائره و جزئیات منقوله سندن اولان بر قاج دانه بغدادی وسائره ایله
منافع کبی ادخاری قابل اولمیان شیلر مال دکلدور . انجق طبع انسانی
مائل اولمیان شیلر ایله وقت حاجت ایچون ادخاری قابل اولمیان شیلر
مال اولماسنده فرق واردور . شویله که طبع انسانی مائل اولمیان شیلر
قابل ادخار اولسه بیله ینه مال دکلدور . لکن طبع انسانی مائل
اولوب وقت حاجت ایچون ادخاری قابل اولدیفندن طولانی مال
اولمیان منافع بعضاً تقوم ابدور . نته کیم منافع مال اولدیفندن طولانی
نمن مبیع اوله من ايسه ده بدل اجاره ارله بیلور .

۱۲۷ ماده مال متقوم ؛ ایکی معنایه استعمال اولنور

بری انتفاعی مباح اولان شیدر .

بغدادی و برنج کبی .

بعض شیلر واردور که مالک تعریفنده داخل ايسه ده شرعاً مباح
اولدیفندن متقوم دکلدور . مثلاً خر شرعاً حرام اولدیفندن مسلمان
ایچون مال متقوم دکلدور . لکن ادیان سائره ده حرام اولدیفندن
مسلمانلردن ماعداسی ایچون مال متقومدر بناءً علیه تعریفک بوجز
شرعاً مباح اولمقله مقیددر .

دیگری مال محرز دیمکدر.

مثلاً دکرده ایکن باقی غیر منقول اولوب اصطیاد ایله احراز اولندقدن مال منقول اولور .

مال محرزك انواع واحكامنه دائر كنساب الشمر كننده تفصیلات واردر .

۱۲۸ ماده منقول ؛ بر محلدن محل آخره نقلی ممکن اولان شیدر که نقود وعروضه ومکیلات وموزوناته شامل اولور .
۱۲۹ ماده غیر منقول ؛ عقار دینلان خانه واراضی مثللو محل آخره نقلی ممکن اولمیان شیدر .

[عقار] لفظی بین الناس کرایه ویریلوب ایراد کتورن شیلره دینلور ایسده فقهده مال غیر منقولله اطلاق اولور . وخاب ، خانه ، دکان کی عقار لرده حقیقه غیر منقول اولان ارض اولوب اوزرنده کی اشجار وابنه مستقر اولدقجه ارضه تبعاً غیر منقول عد اولور . ۱۰۲۰ انجیق اراضی امیرییه وموقوفه نك متصرفلری مذکور اراضینك یالکنز حق تصرفنه مالک اولوب رقبه سنه مالک اولدقلرندن ارضی موقوفه ویا امیرییه اوزرنده متصرفلری طرفندن غرس وانشا اولنان مالک اشجار وابنه حقننده اراضیه تبعیت ایله مال وقف ویا مال میری معامله سی اولنه میه بنندن ۱۰۱۹ نجی ماده ده محرر اولدینی اوزره وقف بر یا خود ارضی امیرییه اوزرنده کی مالک اشجار وابنه معاملات شرعاً منقول حکمنده عد اولنهرق بو مثللو اراضی ایله اشجار وابنه بشقه بشقه حکمه تابع قلنمشدر .

۱۳۰ ماده نقود؛ نقدك جمعی اولوب آلتون وكوشدن

عبارتدر .

لكن مسكوك اولملى شىرندىر . مسكوك اولملىان آلتون وكوش ايله
معامله بين الناس عرف وعادت ايسه نقود ، دكلمه عروض
حكمندهدر . ۱۳۴۰

رايج اولان باقر سكه عرفاً نقوددن معدوددر ۱۳۳۹
نيكل وسائر معدنياتدن ضرب اولنان مسكوكات ايله طوغرىدن
طوغرى . جانب دولندن وياخود دولت ناسنه بر هئدت صرافيه
طرفندن طبع ايتديريلوب موقع تداوله قونيلاان قائمه لر دخى نقوددر
معدوددر . بانق قائمه سى كى . §

مسكوك اولان آلتون وكوش دائماً مثلى وئندىر . مبيع اوله مان
مسكوك اوليوب فقط بين الناس معامله اولملى عرف - وعادت اولان
آلتون وكوش ايله رايج اولان باقر وسائر مسكوكات معدنيه وقوات
نقديه عرف وعادت جارى اولان يرلرده ووقت رواجده مثلى
وئندىر .

لكن بين الناس معامله عرف وعادت اولملىان غير مسكوك آلتون
وكوش ايله رايج اولملىان باقر وسائر مسكوكات معدنيه وقوات
وغيره ضددر .

استطراد

جناب خالق متعال آلتون وكوشى نمن اوله رق خلق بيورمىد
زيرا مقياس قيمده مطلوب اولان خصائص ماهية جامعدرلر شويله كه
اولاً آلتون وكوش معادن سارمه نسيته قليل و ماهية واو

جلیل اولدیفندن طولانی هاده اغری و یوکده خقیف اوله رق واسطه
مبادله اولمق خصیصه سی کماله جاعدر . مثلاً ایکی درهم ثقلننده
النون فی زماننا یوز قیه ثقلننده تیمورک قیمتته معادلدر .

ثانیاً التون و کروش خالص اولمق شرطیله متجانس اولوب اعلی
واوسط و ادنی اولمق کی انواعی یوقدر و مرور زمان ایله بوزیلوب
قیمتندن دوشمن معادن و مخلوقات سائره جذباً متحد اولسه بیله
نوعاً مختلفدر .

ثالثاً التون و کروش قدر چرق اجزایه تقسیم اولسه و حق توز
حاله افراغ ایدسه ینه هر جزئیه قیمت نسبه سی محافظه ایدر .
مثلاً بر عدد عثمانلی التونی یوز غروش قیمتته اولدینی کی نصفی
اللی غروش قیمتته اولوب تناقص ایتز . اما یوز غروش قیمتته
اولان مثلاً بر قطعه یاقوت و سائره تنصیف ایدسه اللی غروش ایتیموب
قیمتی زیاده سیله تناقص ایدر .

رابعاً التون و کروشک استحصالی نادر اولمقله برابر اوانی و سائر
مصنوعاتده استعمالندن زیاده اقیچه اوله رق تداول ایتمکده بولدیفندن
قیمتک تبدلاتی غایت بطی و مدت مدیده مرورینه متوقفدر . معادن
و مخلوقات سائره ک قیمتتی سرعتله و زیاده سیله تبدل ایتمکده اولدیفندن
بویله بر میزان ایله اجرا ایدیلان مقایساتک صحیح دوام ایدمه بککنه
مبنی نقد خدمتی ایفا ایدمک مالک ممکن مرتبه قیمتتی ثابت اولمق
لازم کلورکه بوده انحق التون و کروشده واقعدر .

بنابرین التون و کروشک نقد اولملری امر اعتباری اولوب
ماهیتلری ایجابندن اولمقله اصلدر . مسکوکات سائره و علی الخصوص
قواشم نقدیه امر اعتباری اولمقله وقت رواجنده نقد حکمندهدر .

انجق التون وكموش كاچه حائده اوله رق واسطه مبادله انخاز ايدلك ايستلسه حين مبادله ده هر قطعه نك وزن وعيارني تعين ايتك اقنضا ايدر كه بوده تاخرات ومشكلاتي موجبدر . با خصوص عيارك تعين عمليات كيميوويه متوقف اولديغندن هر كسك النذن كله جك بر شیده دكادر . بوسيله مبنی مانی مشكلاتندن قورتارمق اوزره حكومتلر اقچه اوله ق استعمال اولنه جق التون وكموشك وزن وعيارني تحت تصديقه الهرق ضرب واعمالی درعهده ايتمش ومذكور معدنلك مجبوري التداول اوله بيلمسی ايچون جانب حكومتدن اعمال واحضار اولنه رق رسمي تمغا اورلمش اولمسی شرط اساسيه صره سنه كچمشدر .

۱۳۱ ماده عروض ؛ عرضك جمی اولوب نقود وحيوا-
ناتدن ومكيلات وموزوناتن بشقه اولان متاع وقاش امثالی
شيلردر .

[عرض] كله سنك محل استعمالی ۱۶۵ نجی ماده شرحنده
ايضاح ايدلمشدر .

۱۳۲ ماده مقدرات ؛ كيل ايله اولچلوب يا وزن يمتی
قنطار وترازو وامثالی ايله طارتيلوب يا صايي ايله صاييلوب يا ذراع
ايله اولچلوب مقداری تعين اولنان شيلر اولوب مكيلات
وموزونات وعدديات ومذروعاته شامل اولور .

مقدرات ؛ مقدارك جميدر . مقداری تقدير وتعين ايديلان

شیر اولوب اموال منقولیه شامل اولدینی کی مقاری ذراع ایله
تعیین اولنان عقار مذروعات قییلندن اولمغا کا دخی شامل اولور.

۱۳۳ ماده کیلی و مکیل ؛ کیل ایله اولچیلان شی

۱۳۴ ماده وزنی و موزون ؛ طاریلان شی

۱۳۵ ماده عددی و معدود ؛ صاییلان شی

۱۳۶ ماده ذری و مذروع ؛ ارشون ایله اولچیلان شی

بعض مکيلات و موزونات و عدديات و مذروعات واردر که کیل
و وزن و تعداد و ذرع اولمق سزین بیع اولور . مثلا قماشلر اکثریا
طوب ایله صاتیلور بناءً علیه ارشون ایله اولچلمک سزین صاییلان
برطوب قماشه ذری و کلدرد دینلمز زیرا ارشون ایله اولچله رک تقدیری
قابلدر . و قس علیه البرقی

۱۳۷ ماده محدود ؛ حدود و سنورلری قابل تعیین اولان عقار

۱۳۸ ماده مشاع ؛ حصص شایعه بی حاوی اولان شی .

۱۳۹ ماده حصه شایعه ؛ مال مشترک هر جزئه ساری

و شامل اولان سهمدر .

مثلا ایکی یا زیاده کسه کرک منقول و کرک غیر منقول بر مالک
هر جزئه مشترکاً مالک اولسلر سبب تمسکری و مقدار حصه لری
بر برینه ایست مساوی ایستر میان ولسون او مالده بولنان حصه لریته
[حصه شایعه] و او مال [مشاع] تسمیه اولور .

اما مال مشترك مثلا خانه اولوبده سلامق جهتی برینک و حرم
طرفی دیگرینک اولنی اوزره تعیین قنمش ایسه بو حالد هر برینک
مالک اولدینی حصهیه [حصه معینه و مفرزه] و مذکور خانیه [مال
مشترك] املاق اولتور.

بویکی ماده نك تفصیلاتی كتاب الشر کتده مندر جدر .

۱۴۰ ماده جنس ؛ شامل اولدینی افرادی بیننده غرضجه

تفاوت فاحش اولیان شیدر .

جنس ؛ لغتده حکماً غیر متحد افراد کثیره بیننده مشترك بر
معنایه موضوع اولان اسمدر .

نوع ؛ حکماً متحد افراد کثیره بیننده فی الجمله مشترك بر معنایه
موضوع اولان اسمدر .

مثلا دوه قسمی . بهائیدن بر جنسدر و توپلودوه مطلقادوه جنسندن
بر نوعدر . بناء علیه جنس نوعندن اعمدر . جنسك فن منطقه معانی بشقه
و فقهده بشقه در . فن منطقه جنس ؛ حقیقتلری مختلف و کندولرنده داخل
اولان بر امر ذاتی ایله یکدیگرندن متمیز افراد کثیرهیه محمول اولان
مفهوم کلی ذاتیه اطلاق اولتور . مثلا حیوان بر جنس اولوب
انسان و فرس و سائر انواع حیواناته شاملدر . حال بوکه انسان ایله
فرسك و سائر حیواناتك ماهیتلری بر برینه مخالف اولوب کندولرنده
داخل اولان امر ذاتی ایله مثلا انسان ناطقیت و فرس صاهلیت ایله
یکدیگرندن متمیزدر . بونلرك هر بریسی اصطلاح منطقه برر نوع
اولوب جنس دکلدر .

فقهده جنس ؛ اشبهو ماده موجبجه شامل اولدینی افرادی

یافته غرضجه، تفاوت فاحش اولیان شیدر. بحالده شامل اولدینی افرادی
 یکننده غرضجه تفاوت فاحش بولنان شی ففهمه جنس واحد عد اولتاز.
 مثلاً منطقاً جنس واحد اولان حیوانك شامل اولدینی انسان،
 فرس، بقر، بغل و سائر انواعی یکننده غرضجه تفاوت فاحش
 بولندیغندن عندالفاقهها جنس واحد دکلدر. چونکه فقهها و منطقیهونك
 غرض و مقصدلری متخالف اولوب مثلاً فقههاك مقصدلری اصناف
 اشیا بی اغراض و احكامك تفاوتی اعتباریه ضبط ایتك و منطقیهونك
 مراملری معانی کلیه بی ماهیتلری و دیگر مفهومات اوزرینه صدقلری
 حیثیتیه تحت انضباطه آلمقدن عبارت اولدیغندن ایکی فنك اصطلاحی
 بربرینه مخالف اولمشدر. حتی فقهها غرضجه تفاوت فاحش اولوب اولماستنه
 قصد نظر اعتبار ایتدکلرندن حیوانانك ارککی ایله دیشیسی آراستنه
 غرضجه تفاوت فاحش اولدیغنه بناءً عندالفاقهها ارکک ایله دیشیسی
 مثلاً آن ایله قسراق جنس واحد عد اولدینی حالده انسانك ارکک
 ایله دیشیسی آراستنه غرضجه تفاوت فاحش اولدیغنه مبنی بونلر آرو آرو
 جنس عد و اعتبار اولنور. ۱۴۶۸

۱۴۱ ماده جزاف و مجازفه، کوتوری بازار دیمکدر.

۲۱۷ نجی مادهیه باق

۱۴۲ ماده حق مرور، آخرك ملکندن چكك حقیدر.

یعنی طریقك رقبه سی بشقه سنك اولوب یالکیز چكك حقنه مالکیت
 دیمکدر که حقوق مجرد قیبلندندر. احکام تفصیلیه سی کتاب الشرکتك
 اوچنجی بابك دردنجی فصلنده مندر جدر.

۱۴۳ ماده حق شرب، برنهر دن نصیب معین معلومدر.

مثلاً بومد برساء - یا خود حقنه بر کون این و حیوان صولامق
ایچون سو ایله انفع بتمک بوقیدر .

برده حق شفہ واردر که اوده سو ایچمک حتی دیمکدر . یعنی
حق شرب سو ایچمک حقنه دینلدیکی کی انفع حقنه دخی دینور .
حق شفہ یالکز صواچمک حقیدر . حق شرب و حق شفہ حکامی
کتاب الشریکتک دردچی بانک دردچی فصلنده بیان تفصیل اولمشدر .
۱۴۴ ماده حق مسیل ، برخانهک خارجه صوی وسیلی

آقق و طملهلق حقیدر .

یعنی صویک وسیلک و طامهک آقایی یر بشقه سنک اولوب
یالکز آقق حقنه مالکیتدر . بوکا « حق مجری » دخی دیرلر .
احکامندن کتاب الشریکتک اوچنچی یانک دینچی فصلنده بحث
ایدلشدر .

۱۴۵ ماده مثلی ؛ چارشو و بازارده معتدبه یعنی بهانک اختلافی

موجب بر تفاوتسز مثلی بولنان شیدر .

شو تعریفدن مستیان اولدیفنه کوره برشی مثلیاندن اولوق ایچون
اولاً چارشو و بازارده مثلی بولنقی لازمدر . معرض بیعده اولیوب
شونک بونک ید تصرفنده مثلی بولنقی مثلیاندن عد اولنسنه سبب
اوله ماز .

ثانیاً چارشو و بازارده بولنان شیرک بهاسی یننده یا تفاوت بولنور
یا بولنماز تفاوت بولنقی نقدیرده یا معتدبه درجهده اولور یا اولماز . مثلاً
مطبوع کتابلرک اکثریا فیناتی مقطوع اولوب تفاوت بولنماز بعضاً

دخی فثاتی غیر مقطوع اولور ایسه ده معتدیه اولیه جق بر فرق ایله
صانیلور فقط بعض کره اثالی آزاله رق چارشو و بارارده بولماز
یاخود بولنسه ده متفاوت فیئاتلر ایله صائلغه باشلار .

مثلیده اصلا تفاوت اولماق ایجاب ایتمیوب فقط معتدیه تفاوت
اولماق لازم کادیکندن مثلزده محرر اولدینی و جهله برنجی وایکنجی
صورتلرله صانیلان کتابلر مثلی و اوچنجیسی قیمی اولمش اولور .

۱۱۱۹ نجی ماده ده محرر اولدینی اوزره مکملات و عددیات - تقاربه
وال ایشی اولیان ادانی کی اختلاف ضعت حسبیه مخالف و متفاوت
اولیان موزومات و برجنس چوقه و قاربته معمولانی اولان بزر کی
افرادی بدینده تفاوت و لمیوبده «ذرعی شوقدر غموشه» دیو صانیلان
ذرعیات و بونلره م ثل قاربته معمولاتی مثلیاتنددر .

۱۴۶ ماده قیمی ؛ چارشو و بازارده مثلی بولنمیان یاخود

بولنورسه ده فیاتجه متفاوت اولان شیدر .

۱۱۱۹ نجی ماده ده محرر اولدینی اوزره عددیات و تفاوت و آربه
ایله قایشیق بفرای کی خلاف حسبیه یکدیگرندن تمیز و تفریق
بولنه میه جق صورتده مخلوط اولان شیات وال ایشی اولان ادانی کی
اختلاف صنعت حسبیه مخالف و تفاوت اولان موزومات و قاربته معمولانی
اولیان بزر کی افرادی بدینده تفاوت اولان ذرعیات و یازمه کتابلر
و بونلره م ثل شیلر قیمیاتنددر .

کذلک باصمه کتابلر کی حد داننده مثلیاتدن اولوبده آزاددینی
جهتله چارشو و بازارده مثلی بولنمز اولان و یا متفاوت فیئاتلر ایله صائلغه
باشلایان شیلر دخی قیمیاتدن معدوددر .

۱۴۷ ماده عددیات متقاربه ؛ احاد وافرادی پیننده قیمتجه
تفاوت اولیان معدود اندر که هپ مثلیاننددر. جوز ویمورطه کی
۱۴۸ ماده عددیات متفاوته، احاد وافرادی پیننده قیمتجه
تفاوت بولنان معدود اندر که هپ قیمیاندن معدود اولور.
قیون، کچی کی

۱۴۹ ماده رکن البیع، یعنی مبیعک ماهیتی مالی ماله
دکشمکدن عبارت اولوب انجق بوکا دلالت ایتک حسبیله
ایجاب وقبوله دخی [رکن البیع] اطلاق اولنور.

رکن، لغتده برشیئک جانب اقواسنه اطلاق اولنور. اصطلاحده
بر جزؤ ذاتیدر که ماهیت ایدن و بشقه سندن ترکیب ایدر. برشیئک
ماهیتنه دخی رکن اطلاق اولندیکی واردر.

بیعک تحققه ایجاب و قبول و بونلرک متعلقه اتری ظاهر اوله جق
وجهله بر برینه ارتباطی لازمدر. بوا ارتباط اوزرینه مبادله ترتب ایدر.
مبادله بایع نمه و مشتری مبیعه مالک وهر بری کندینه استقبال ایدن
بدله تصرفات مشروعهیه قادر اولسندن عبارتدر.

ماهیت بیع ایجاب و قبول ایله ارتباطک محج و عندن عبارت اولور ایسه
ایجاب و قبول ماهیت بیعه داخل اوله رق رکن حقیقی اولور. و احواله
ماهیت بیع اوج جزؤدن ترکیب ایتش اولور که ایکسی اولان ایجاب
و قبول جزؤ حسی وبری بولنان ارتباط جرؤ عقیددر. و اگر ماهیت

بیع اشبو ماده ده بیان اولندی بی اوزره مالی ماله دکشمکدن عبارت اولور ایسه ایجاب وقبول ماهیت بیعدن خارج اوله رق حقیقه رکن اولمز بلکه رکن حقیقی مبادله مذکور در فقط مبادله مذکور به دلالت اتمک حسیده ایجاب وقبوله دخی مجازاً رکن اطلاق اولور .

ماهیت بیعی مالی ماله دکشمکدن عبارت قیلانلر اجزاء ثلثه مذکور دن جزؤ عقلی به اعتبار اتمشله وانحق انی بیعک رکنی قیلمشلردر . جزؤ عقلی مبادله اولوب انفاً بیان قلندی بی وجهه ایجاب وقبولک بر برینه ارتباطدن عبارت ایسه ده اشبو ارتباط اوزرینه مبادله ترتب ایلدیکندن بیعی مبادله مذکور ایله تعریف ایلمشلردر .

۱۵۰ ماده محل البیع ، میعدن عبارتدر .

۱۵۱ ماده میبع ، صاتیلان شی که بیعه تعین ایدن عیندر

و بیعدن مقصود اصلی اودر .

زیرا انتفاع انحق اعیان ایله اولوب ثمن مبادله امواله وسیله در .
بواصله میبدر که میبع قبل قبض بایعک بدنده انک صغ . تقصیری اولمقسزین تلف اولسه بیع منفسخ اولور . ۲۹۳ اما ثمن منستری بدنده تلف اولسه بیع منفسخ اولماز .

ینه بوسیده میبدر که ثمن دخی میبعک متعلق اولدینی حالده محل بیع اوله مدیفندن ماده سابقه ده [محل البیع میعدن عبارتدر] . دینلمش §
آت وخانه کی ، ثلیانندن اولمان اعیان دائماً میبدر ثمن اوله من بئذ علیه میبعک معلوم ومعین اولسی لازمدر . مکیلات وموزونات وعددیات متقاربه مثلاً نقدک غیری اولان ثلیات اگر نقد ایله مقابله

اولنور و مثلاً « فلان یرده کی بشو قدر کیله بغدادی بوقدر النوبه سکا
صاندم » دیو بیع ایدیلور ایسه مبیع یعنی مثنی اولور .

مثلیات مذکوره عین ایله مقابله اولنور ایسه نظر اولور اگر
مثلیات دخی متعین ایسه بیع مقایضه اولور . متعین اولوب فقط
« شو حیوانکی بکرمی کیله بغدادیه آلم » کی نمنه مخصوص ادا تلدن
بری کندویه الحاقی اولنور ایسه ینه مثنی اولوب انجق بیع سلم اولور .
مثلیاتدن بری دیگر مثلی ایله تقابل ایدوب متعین و مقرر و موجود
و مشارایه اولور لر ایسه ایکسیدمه مبیع اولوب بیع مقایضه اولور .
معین اولان اوچ کیله بغدادی معین اولان بش کیله آریه دکشمک کی
۱۵۲ ماده ثمن ؛ صاتیلان شیئک بهاسیدر که ذمته تعلق

ایدن شیدر .

یعنی ذمه تعلق ایتیمی صحیح اولان شیدر یوقسه ثمن هر وقت
ذمه تعلق ایدر دیمک دکلدر . مثلاً میدانده موجود اولوب کندویه
اشارت و تعیین اولان معلوم المقدار التون ایله بر مال اشترا اولنوبده
محاس بیعده بایعه تسلیم ایدلایکی صورتده ثمن ذمه تعلق ایتیم دکلدر .
فقط ذمه تعلق صحیحدر . مثلاً صورت مذکوره میدانده اولان
التونلر بایعه تسلیم اولنمازدن اول ضایع اولسه بیع باطل اولوب
ثمن مشتریئک ذمتنه تعلق ایدر . ثمنک ذمه تعلق صحیح اولدیفندن
وقت بیعده موجود اولسی شرط دکلدر .

بیعدن مقصود اصلی ثمن اولدیفندن بیع صحیحده عقدده کی تعیین
ایله ثمن تعیین ایتیمز . فقط عقد فاسد اولور و یا ثمن نقودک غیری مثلیاتدن
ولور ایسه تعیین ایله تعیین ایدر .

برده ۱۳۰ نجی ماده ده بیان قلندی فی وجهله نقود مسکوکه دائماً و نقود حکمنده اولان شیر وقت رواجده نمندر میبع اوله ماز .
 شوایی ماده دن مستبان اولدیقه کوره اعیان غیر مثله دائماً میعدر
 نم اوله مز . نقود ایله نقود حکمنده اولان شیر دائماً نمندر میبع اوله مز .
 و عددیات متقاربه کی . ثلایات بعضاً میبع و بعضاً نم اولورنه زمان میبع
 و نه زمان نم اولدیغی تعیین ایچون حین بیعه تعیین ایدوب ایتدیکنه
 باقلمق لازم کور .

۱۵۳ ماده نم مسمی ؛ طرفینک بالتراضی تسمیه و تعیین
 ایتد کوری نمندر کرک قیمت حقیقیه به مطابق اولسون و کرک
 ناقص یا زائد اولسون .

مسمی ؛ تسمیه اولنش دیمکدر تسمیه آد قویق معناسنده در .
 برشیته آد قونلدیغی سورنده اولشی تعیین و سائرندن تمیز ایدلش
 اوله جغندن عندالفقها [تسمیه] تعیین معناسنده استعمال اولنور بناء علیه
 اشبو ماده ده [تعیین] تسمیه اوزرینه عطف تفسیر طریقه عطف ایدلشدور .

۱۵۴ ماده قیمت ؛ برمالک بهای حقیقیسیدر .

مالک بهای حقیقیسی یعنی دگری نه ایسه اولشی اومالک مقاضه
 قائم اولدیغندن بوکا [قیمت] دینلور و قیمت مالک معیاری منزله سنده
 اولدیغندن زائد و ناقص اولمز . [نم ثل] دخی بویه در .

۱۵۵ ماده مثنی ؛ برنجی میمک ضعی و نالک قعی وایکنجی

مبكم تشديدى ايله اوقنوب ثمن مقابلنده صالمش شى يعنى مبيع
ديمكدر .

۱۵۶ ماده تأجيل ؛ تفيل وزنده اولوب دينى بروقت معينه
تعلق و تأخير ايتمكدر .

لغته ، برمعين وقته قدر مطابقا مهلت تعيين ايلك معناسنه در .
بروقت معينه تعلق و تأخير اولنان دينه رخی [دين مؤجل] دينور
۱۵۷ ماده تقسيط ؛ دينى متعدد ومعين و قتلرده تأديه
ايتك اوزره تأجيلدر .

لغته ، مطلقا پارچه پارچه ياقى واجزای معينه به تقسيم ايتك
معناسنه در .
تقسيم ايله مطلقا تأجيل يئنده كي فرق تقسيطه دينك متعدد
ومعين و قتلرده تأديه ايدلك قيدينك بولمى سندن و تأجيلده بويله بر قيدك
بولمامسندن عبارتدر

۱۵۸ ماده دين ؛ ذمتده ثابت اولان شيدر .
مثلا برکيمسه نك ذمتده شوقدر غروش بورجى و ميدانده موجود اوليان
شوقدر غروشن و ميدانده موجود اولان اقچه نك يا خود برييقين بنديك قبل
الافراز برمقدار معينى هب دين قيبلىنددر
چونكه قبل الافراز مقدار معينه اشارت قابل دكلدر .
سکونجى ماده شرحنده بيان قلندينى وجهله ذمت ؛ نفس ذات
معناسنه کلور که بوراده كي [ذمتدن] مقصد اودر و [دين] بر وصفدر
وصفدر عمل طلب اوله بيه جفتدن ذات و نف يعنى مديون مطالبه اولنور .

۱۵۹ ماده عین ؛ معین و مشخص اولان شیدر .

مثلا برخاه و برآت و برصندالیه و میدانده موجود بریفین بغدادی و بر مقدار آقچه هب اعیاندر .

بریفین بغدادیک تمامی و یا بعدالافراز بر قسم معینی دیمکدر .

۱۶۰ ماده بایع ؛ مال صاتان

۱۶۱ ماده مشتری ؛ صاتون آلان

۱۶۲ ماده متبایعان ؛ بایع ایله مشتریدر که [عاقدین] دخی

دینور .

[طرفین] دخی دینور .

۱۶۳ ماده اقاله ؛ عقد بیعی رفع وازاله ایتمکدر .

اقاله ؛ قول لفظندن مشتق و همزه سی سلب ایچون اولدیغندن مطابقا عقدی رفع وازاله ایتمکدر . بوراده عقد بیعه تخصیص مقامه نظرآدر . یوقسه اقاله اجارده ، قسمته ۱۱۵۹ و سائر قابل فسخ اولان عقودده جاری بر عقددر و ایجاب و قبول ایله منعقد اولور .

بناء علیه نفاذی غیرک اجازتیه موقوف اولان عقد لرده من له الاجاره نك جاریت و برماسی و عقود غیر لازمهده من له الحبارك فسخ ایتسی اقاله و محبوب اقاله نافذ و لازم اولان عقد لرده جاریدر .

اقاله نك مشروعیته [من اقال مادام بیعتیه اقال الله عزته يوم القيامة] حدیث شریفی دایل شرعی اولدینی کی مادامکه عقد طرفینك ایجاب

وقبولی ایله منعقد اولور انلرک فسخی ایله منفسخ اولمسی لازم کله جکی
عقلاً دخی . ساجدر .

۱۶۴ ماده تقریر ؛ فعل وزنده اولوب الدائمق معناسنه در .
ثلاثی « ضرور » اولوب الدائم « غار » والدغمشه « ضرور »
دنیلور .

۱۶۵ غبن فاحش ؛ عروضده نصف عشر و حیوانانده
عشر و عقارده خمس مقداری و یا دهها زیاده الدائمقدر .

غبن ؛ لغتده غبنک فسخی و بامک سکونیه در . بر آدمی معامله ده
آلدامق معناسنه اولوب آلدانان کیمسهیه « مغبون » دینور اصطلاحده
غبن ؛ مغبون ایله قائم اولان وصف معناسنده استعمال اولنور که
مصدر مجهولدر . یعنی الدائمق معناسنده در . §

غبن ایکی درگو اولوب بری فاحش دیکری یسیردر . زیاده ک
و آزلق امور نسیبه دن اولمقله بقها غبن فاحش ایچون اشیو ماده ده
معین حدلری تعیین ایتشلردر .

بونلردن نقصان اولانه [غبن یسیر] اطلاق اولنور و بوباید مالک
قیمت حقیقه سی نسبت اتخاذ ایدیلور .

ثمن مثلندن نقصانه بیع ایتکه [محبات] دینور . §
[عرض] کلمه سی جودت پاشا مرحوم طرفدن بوجهله شرح
ایدلمشدر .

عروض کلمه سی عقار و حیوانات و مکيلات و موزوناته مقابل اولورق استعمال
اولنور اینه ده بعضاً دخی یالکز حیوان و عقارده مقابل اولورق استعمال
اولنور ۴۲۱ ۱۳۴۲

مجله نکه ۱۶۵ نجی ماده سنده مکيلات و موزونات مذکور اولدیغندن عروض
بوراده مکيلات و موزوناته شامل اولور مجله جمیعنده بوجهله مطالعه اولمشدر .

۱۶۶ ماده قدیم ، اولدرکه اولنی بیلور کمنه اولیه .

قدیم ؛ اغنده قديم ايله مصف اولان شیشه دسوب متکلمین ،
لاسه و فنها بشقه بشقه تعریف ایتشلردر .
فقهایه کوره قس دینلجه اولکی حاتی بالمشهد بیلور کمنه
اولیان شی مراد ایدیلور .

باب اول

عقد بیعه متعلق مسائل بیاننده اولوب بش فصلی حاویدر

فصل اول

رکن بیع حقنده در

۱۶۷ ماده ایجاب و قبول ايله بیع منعقد اولور .

زیرا بیعك انقه دی ایجاب و قبولك بروجه شرعی مربوطیدن
عیارت اولمقله ایجاب و قبول ايله بیع منعقد اولمقدن اسماً و معاً
و حکماً علندرلر بوحالده یالکیز ایجاب و یا خود یالکیز قبولك علت
وله مامسی لارم کلور انحق معلول اولان حکم بیع قبول ايله وجوده
کمنه و قبولك بیعده معناً تأثیری درکار بولمنسنه نظراً یالکیز قبول
معاً و حکماً علت اوله بیلور اسماً علت اوله من .

کذلك ایجابك حکمه تأثیرده دخلی درکار اولمقله یعنی برشی
بول ایجاب متوقف بولمقله یالکیز ایجاب معناً علت اوله بیلور سده
الکیز ایجاب بیع دینلمدیکندن و بیع ایجاب منفرد ايله منعقد اولیه
جندن اسماً و حکماً علت اوله من . §

بیعک انعقادی لفظاً ایجاب و قبوله حصر ایدلیوب ایجاب و قبول ایله
 بیعک منعقد اوله جنک بیان قلنمسی تراخی طرفینه دلالت ایدن
 شیلرله ومثلاً بیع، تاطی طریقله دخی منعقد اولدیغندن ناشیدر فقط
 بیعده جدیدت شرط اولدیغندن هزل یعنی شقه طریقله وقوع بولان
 ایجاب و قبول ایله بیع منعقد اولماز . §

ایجاب و قبولک متعدد اولسینه نظراً عاقیدینک متعدد اراسی لازم
 کلور . یالکیز برکیمسه عقدک طرفیننی تولى ایده من یعنی برشی هم ایجاب
 وهمده قبول ایده من .

فقط شوبش مسئله مستنادر .

۱ : برصغیرک مالی باباسی کندوسی ایچون حسب الولایه ساتوب
 بالاصاله آله بیلور . وبالعکس کندی مالی صغیره بالاصاله ساتوب
 حسب الولایه آله بیلور و یالکیز ایجابی ومثلاً شومالی اوغلمه ساتدم
 دیمسی کافیدر . یعنی پدرک اولادی حقنده کمال شفقتی اولدیغندن قبوله
 توقف ایتیمکسربن ایجاب ایله بیع منعقد اولور و بیعده غبن فاحش
 اولوب اولدیغنه دخی باقلماز زیر بابانک اولادینی اضرار ایتمی تصور
 اولماز .

۲ : صغیرک باباسی اولیوبده باباسنک باباسی بولور و سه بوده باباسی
 مقامنه قائم اولدیغندن انک کی صغیرک مالی کندوسی ایچون اشترا
 و کندو مالی صغیره بیع ایده بیلور .

۳ : صغیرک اب وجدی اولیوبده و صیسی بولندیغنی حالده بودخی
 کندو مالی صغیره ساتار و صغیرک مالی کندوسی ایچون آله بیلور
 انحق صغیر حقنده نفی موجب اولق شرطیله مقید اولوب غبن فاحش
 اولور ایسه عقد صحیح اولماز .

٤ « وصی قاضینک امریله صغیرک مالی حسب الوصایه قاضی به صاتوب بالوکاله قاضی ایچون آله بیلور زیرا بالذات تجویز اولنمیان فی بالنسب تجویز اولنه بیلور .

اما قاضی بالذات یتیمک مالی صاتوب کندوسی ایچون آله منزیرا شو فعل قضا اولوب قاضینک نفسی حقننده قضاسی باطلدر .

٥ : بر بابانک ایکی صغیر اوغلی اولدقده برینک مالی دیگرینه صاتوب آنک ایچون آله بیلور . اما بر کیمسه ایکی صغیرک وصیسی اولدقده برینک مالی دیگرینه صاتوب آله ماز .

١٦٨ بیعده ایجاب وقبول عرف وعادت بلده ده انشای بیع ایچون مستعمل اولان لفظ لر در که بونرله بازارلق کسلوب لسانمزده [خیرلشمنق] تعبیر اولنور .

انشای بیع ایچون مستعمل اولان الفاظ السنه وبلادک تخافیه مختلف اوله جفتدن هر لسانده وهر بلده ده بومعناده قننی لفظ مستعمل ایسه اکا اعتبار اولمق لازم کلور زیرا انانک استعمالی بر حجتدر که انکله عمل واجب اولور §

[لسانمزده خیرلشمنق تعبیر اولندیغنیک] سببی عنانلورک مکارم اخلاقی آتارندن اولمق اوزره بایع ایله مشترینک بربرینه « وارخیرینی کلور » دهرک الفاظ دعائیه ایله اجرای عقدک عادت اولمسیدر .

١٦٩ ماده ایجاب وقبول ایچون اکثریا ماضی صیغه سی استعمال اولنور .

یعنی ایجاب و قبول انشای بیع اولدینی حالدہ ماضی صیغہ سی استعمالک سببی شودرکہ مضارع کبی انشا معناسنه موضوع اولان صیغہ لر وعد و یا امر معناسنه اولوب حال بوکہ عقد بیع هر بقدر انشاء تصرف ایسه ده شرعاً اخباره موضوع اعتبار اولدیغندقی و ماضی صیغہ سی بیعک تحقق وقوع و ثبوتنه دلالت ایدوب طرفینک رضای حاصل اولدینی تعیین ایچون بشقه جه دلیل تحریرسنه لزوم قالمیه جغندن انشای بیعه و عقود سائرده اکثر یا ماضی صیغہ سی استعمال اولور .

مثلاً بایع شومتاعی سکا یوزغروشه صاتمدم ومشرتری دخی آلدیم و یا خود مشتری آلدیم و بایع صاتمدم دیسه بیع منعقد اولوب اولکی صورتده [صاتمدم] لفظی ایجاب و [آلدیم] لفظی قبول و ایکنجی صورتده [آلدیم] لفظی ایجاب و [صاتمدم] لفظی قبولدر . و کذا بایع صاتمدم و یا خود تملیک ایتدم دیوب مشترتری دخی آلدیم پرندہ راضی اولدم و یا خود قبول ایلدم دیسه بیع منعقد اولور .

یعنی عقودده اعتبار مقاصد و معانی یه اولوب الفاظ و معانی یه اولدیغندن انشای بیع مقصدینی متضمن اولان الفاظ ایله بیع منعقد اولور .

۱۷۰ ماده آلورم و صاتمدم کبی مضارع صیغہ سیله حال مراد

اولنور ایسه بیع منعقد اولور و اگر استقبال مراد اولنور ایسه منعقد اولماز .

مضارع صیغہ سی بعضاً حال و بعضاً استقبال معنای پرندہ مستعمل اولدیغندن ماضی صیغہ سی کبی طرفینک عقد بیعه راضی اولدقلرینه قطعاً دلالت ایتمز نه مقامده استعمال اولدیغنک تعیینی اقضای ایدر . حال مراد اولنور سه بیع منعقد اولور . استقبال مراد اولدینی تقدیرده مضارع صیغہ سی بایعندن صادر ازمیش ایسه وعده ، مشتریدن صادر اولمش ایسه مساومه حمل اولنور .

۱۷۱ ماده آله جنم، صاته جنم کبی وعد مجرد معناسنه اولان
مستقبل صیفه سیله بیع منعقد اولماز .

زیرا وعدلر صور تعلیقی اکتسا ایتدیکی لازم اولماز . §
کذلک شومالی بکا صانار میسک بی اسفهام صیفه سیله دخی بیع
منعقد اولماز .

۱۷۲ ماده صات و صاتون آل کبی امر صیفه سیله دخی
بیع منعقد اولماز . فقط بطریق الاقتضا حاله دلالت ایدن
امر ایله دخی بیع منعقد اولور

مثلا مشتری شومالی بکا شوقدر غروشه صات دیوب بایع دخی صاتم
دپسه بیع منعقد اولماز .

مشترینک امری حاله دلالت ایتدیکی ایچون [شومالی بکا شوقدر
غروشه صات] سوزی مساومه یه محمول اولدیغندن بایعک [صاتم]
سوزی ایجاب مقامنده قاله رقی قبوله محتاجدر .

اما بایع یومالی شوقدر غروشه آل دیوب مشتری دخی آلدیم دپسه یاخود مشتری
آلدیم دیوب بایع دخی آل و یاخود وار خیرینی کور دپسه بیع منعقد اولور .
زیرا دلالت بالاقتضا ؛ کلامک شرعاً محتاج الیه اولان لوازم متقدمه
دلاقی اولقله بومقامده [آل] یاخود [وار خیرینی کور] تعبیرلری
« ایشته صاتم آل » دیمکدر .

۱۷۳ ماده ایجاب و قبول شفاهاً اولدینی کبی مکاتبه ایله
دخی اولور .

چونکه مكانه مخاطبه كيدر و مكانه كرك طرفين بشقه بشقه بلده ده
اولسونده يكديكرينه تحريرات يازسونلر كرك بر بلده ده مقيم اولوبده
تذكره كوندوسونلر جائزدر شوقدر كه كوندريلان تحريرات ويانذكره
معنون و مرسوم ياني رسم وعادته موافق و ممضى و يامهور اولق ايجاب
ايدم چكي كي مكنوب اليه بالذات او قويه رقي و يا برشته سنه او قوتديره رقي
مائله مطالع اولدقده نقرق مجلس وقوع و ملتسز ن ايجاب واقعي شفاها
قبول ايتسي و يا خود همان قبولي متضمن جواب يازمسي لازمدر . §
كذلك ايجاب و قبول رسول واسطه سيله دخی اولور .
شوقدر كه رسولك تبليغ رسالت ايتديكي مجلسده مرسل اليه
قبول ايتسي لازمدر .

۱۷۴ ماده دلسرك اشارت معروفه سيله بيع منعقد
اولور .

چونكه دلسرك اشارت معروفه سى اسان ايله بيان كيدر . §
دلسر اولمائلرك اشارت ليله بيع منعقد اولماز چونكه ايجاب
و قبولده اصل اولان تلفظدر دلسرك اشارت معروفه سيله بيعك انقادى
ضروره تجويز اولمشدر . ضرورتلر كندو مقدار لر نجه تقدير اولنور .
فقط مشترى بابه بومالى شوقدر غروشه آلم راضيميسك ديوبده
بايع دخی رضاسنه دلالت ايدر صورتده باشيله اشارت ايتسه بيع
منعقد اولور .

زيرا اشارتي سكوت مقاومتده اولوب معرض حاجتده سكوت
بياندر .

۱۷۵ ماده ایجاب و قبولدن مقصد اصلی که تراضی طرفیندر

بوکا دلالت ایدن مبادله فعلیه ایله دخی بیع منعقد اولور.

یعنی بیع اساساً طرفینک رضاسیله منعقد اولور انجق رضا امور باطنه دن اولمغه دلیل ظاهر بی اولان ایجاب و قبول انک مقامه قائم اولور شو حالد بیعک بهمه حال لفظاً ایجاب و قبول ایله انعقادی لازم کلیوب رضای طرفینه دلالت ایدن مبادله فعلیه ایله دخی منعقد اولور.

وبوکا [بیع تعاطی] دینلور.

بناءً علیه تعاطی به دخی بحارا درکن بیع، اطلاق اولور. وبو نوع بیعده مبادله فعلیه ایله بیع و بمن تعین ایده چکنندن عقده فساد

دخی عارض اولمز ۱۹۷، ۲۳۷

مثلاً بازار قسز و لاقدیسز مشتری آچییه و یروب انکی دخی اکا انکی ویرسه بیع منعقد اولور.

مثال مذکورده ایجاب و قبول مشتری انکی آچییه و انکی چکننک انکی ویرسی فنلاری اولوب هرا یکی طرفدن فعل اعطاک و قوعنه

§

مثالدره.

اما بازارلق اولسه و لاقدی یعنی شفاهاً ایجاب و قبول و یا خود یا لکز ایجاب و یا قبول و قوعب اولسه بیع تعاطی اولماز.

نته کیم اصناف طرفدن اکثریا اجرا قلمعده اولدینی وجهله بیع مثلاً اوزومک قیه سی قرق یارمه صانیورم دیدیکی حالد مشتری برشی سولیکسزین قرق یاره و یروب برقیه اوزوم آله بیع منعقد

§

اولور ایسه ده بوکا بیع تعاطی دینلمز. و کذا مشتری آچییه و یروب قارپوزی آله و بیع سکوت ایسه ینه بیع منعقد اولور.

شو مثالدن ایکی شی ا کلاشیلور بری یالکز بایع مشتری طرفدن
 فعل اعطانک صدور یله دخی بیع منعقد اولور ایکنجیسی بیعه
 سکوتک معرض حاجت اولدینی و بناءً علیه قارپوز جینک سکوتی
 معرض حاجتده سکوت بیاندر قاعده سنه توفیقاً مشترینک و یردیک
 اچه ایله قارپوزی صائمه دلالت ایده چکی مفهوم اولور . §

و کذاک مشتری بغدادی آملق ایچون بغدادچی به بش آلتون و یروب و شو بغدادی
 قاچه صاتیورسین دیوب اودخی کیلهسی بر آلتونه دیمسی اوزرینه مشتری سکوت
 استدکدن صکره بغدادی استدیکنده بایع یارین و یررم دیسه وینلرنده ایجاب
 و قبول جریان اتمسه بیع ینه منعقد اولور . حتی فرداسی بغدادی کیلهسی بر
 یچق آلتونه چیقسه بایع ینه بر آلتون فی ایله و یرمکه مجبور اولور و بالعکس
 بغدادی بهاسی نزل ایتسه مشتری بوندن طولای اولسکی فی ایله آلتون امتناع ایده من .
 یو مثالده بیع کندوسیه منعقد اولان فعل مشترینک بغدادی
 آملق ایچون بش آلتون و یرمسندن عبارت اولوب بایع طرفدن بر فعل
 صادر اولماشدر . مشترینک [قاچه صاتیورسین] دیو سؤالی ، بایع
 [بر آلتونه] دیمسی ، مشترینک سکوتی ، بغدادی طامی بایع [یارین
 و یررم] دیمسی نه ایجاب ونه قبولدر . §

کذاک مشتری بولحمک شوراسندن بکا شو قدر غروشلق طارت دیمسی
 اوزرینه قصاب دخی کسوب طارتسه بیع منعقد اولوب مشتری آلتون امتناع ایده من .
 یعنی یالکز بایع طرفدن فعل اعطانک صدور یله دخی بیع
 منعقد اولور .

حتی مشتری تمنی و یرمکسزین لحمی آلوب کونورسه و یرمسی به
 آلمش اولارق بیع منعقد و تمن ذمتده ثابت دین اولور . §
 [بولحمک شوراسندن] قیدی احترازیدر یعنی مشتری قصاب
 دکاشنده بولنان اتلره اشارت ایدرک بواتلردن شو قدر قیه طارت دیسه ده
 قصاب اتلردن بر پارچه کسوب طارتسه مشتری میبھی قبض ایتدجه

ويا قصابه برقاب ويره رك اكا قويد يرتد قبحه امام محمد رحمة الله عليه
 كوره مشتري بخير اولور. زيرا كردن قابورغدن احسن اولمق كي بر
 قيونك اعضاسي بينده فرق واردر . §

بيع تعاطيده بين الفقه - اختلاف اولوب بعضيسي هم بايع وهم
 مشتري جانبدن فعل اعطائك صدوري لازم كلهه برابر بونوع
 بيعك اشياي خسيسه منحصر طولمسي رآينده بولمشدر .

اصح اقواله كوره يالكز بايع ويا مشتري طرفدن صدورايده جك
 فعل اعطايه بيع تعاطي جائز اولدني كي بونوع بيع هم اشياي خسيسه وهم
 اشياي نفيسه ده جائز اولدني بوزالري اكلا شلمق ايچون امثله متعددده
 يراد اولنش وخصوصيله ايكنجي مثال فعل اعطائك مشتري طرفدن
 صدورينه دأثر ايكن ينه مشتري طرفدن فعل اعطائك صدوريني
 معان اولان اوچنجه مثال يرادي بيع تعاطينك اشياي نفيسه ده دني
 جوازينه اشارت مقصدندن نشأت ايتمشدر . §

تعاطيله بيعك منعقد اولمسي تعاطي سابقاً وقوع بولان بيع فاسد
 ويا باطل اوزرينه مبنى اولماق ايله مشروطدر .

بناءً عليه بر آوجي هواده اوچان بر قوشى بش فروشه صاندقن
 سكره صيد ايله بيع مذكوره بناءً مشتري به تسليم واوده نمنى اعطا
 ايتسه بيع منعقد اوليوب مشتري پشيان اولدقده نمنى وكذلك بايع
 پشيان اولدقده قوشى استرداد ايد بيلور .

وكذا بر كيسه مبايمه ايتمش اولدني بر منقولى هنوز قبض ايتمكسز بن
 بشقه سنه صا تو بده بعد القبض اعطا و مشتري نمنى ادا ايتسه صحيح اولماز .
 زيرا برشى باطل اولدقده انك ضمانتده كي شى دني باطل اولور .

شوقدركه طرفین بیع باطل و یا فاسد دن متارکه وجهه فراغت ایتد .
کارندن صکره تعاطی ایتسه لر بوحالده بیع منعقد اولور .

۱۷۶ ماده بعدالعقد ثمنك تبدیلی و یا خود تزیید و یا
تزیلی ایله تکرار بازارلق اولدقدده عقد ثانی معتبردر .

مثلا برمالک یوز غروشه بازارلق کسلدکد نصکره بریوزلك آلتونه یا خود
یوز اون و یا طقسان غروشه تکرار بازارلق اولدقدده عقد ثانی معتبردر .
قاعده برعقد تمام اولدقدن صکره تکرار ایدیلور ایسه ثانی باطل
اولور . مثلا حواله علی الحواله و برحقك اسقاط و ابراسنی متضمن اولان
وصاح بعدالصالح باطلدر ۱۵۵۸ . انحق بیع و اجاره کبی معاوضات
مستندار . ۴۳۹

مع مافیه بیعك محقق کندی اوزرینه برقائده ترننه متوقف اولدقدندن
ثمنك تبدیلی یا خود تزیید و یا تزیلی ایله برقائده ترتب ایتدکسزین عقد
تکرار ایدلسه ثانی لغو اولمش اولور .

ایکنجی فصل

قبولك ایجابیه موافق اولمسنك لزومی بیانندهدر

برنجی فصلده بیعك رکفی بیان اولدقدن صکره بوفصلدن اعتبار
بیعك شرائطی بیانه ابتدار اولمشدر .

بیعك شرائطی دوت نوعدر شرط انعقاد ، شرط صحت ، شرط
نفاذ ، شرط لزومدر . شرط انعقاد دخی دوت اولوب قاقده ، تفسر
عقده ، مکان عقده ، مقود عایه دآردر .

بوفصلده نفس عقده دآر اولان شرط بیانقلنبورکه اوده [قبولك

ایجاب موافق اولمسی لزومندن [عبارتدر وبو شرط تحقق ایتدکج بیع منعقد اولماز . زیرا فرق صفتی موجب اولوب بوایسه زیرده بیان قلنه جنی و - هله احد عاقدین حقنده ضرری مستلزم اولور . ضرر دخی حد ذاتنده غیر مشروعدر .

۱۷۷ ماده عاقدیندن بری هر نه ایله نه بی ایجاب ایدر ایسه دیگری دخی بعینهما انکله انی قبول ایتک لازمدر .
بوماده دن مقصد دیگر طرف ایجاب وجهله قبوله همه حال مجبور اولوردیمک دکلدر . چونکه مخاطب ایچون « خیارجلس » واردز . ۱۸۲ فقط عاقدیندن بری نه جنس ونه نوع ونه مقدار مالی ایجاب ایدر . ایسه بیع منعقد اولمق ایچون دیگرینک دخی اولوجهله قبول ایتسی لازمدر . یوقسه ثمن یا خود مشنی تبعیض و تفریق و یا تبدیل و تغییر ایتک صلاحیتی یوقدر .

مثلا بابع مشتری به شوقاشی سکا یوز غروشه صاندم دیدکده مشتری اولوجهله قبول ایدر سه تمام اوقاشی یوز غروشه آلور . یوقسه اول قماش یا خود نصفی الی غروشه قبوللانه من .
کذا شوا یکی حیوانی اوج بیک غروشه صاندم دیدکده مشتری قبول ایدر سه ایکسینی اوج بیک غروشه آلور اما ایکسیندن برینی بیک بش یوز غروشه آله مازه کذلک بابع شوقاشی سکا بر یوزلاک عثمانلی آلتوننه صاندم دیدکده مشتری مذکور قماش بر یوزلاک آلتوننه قبولده بخیر اولوب یوقسه کروش آچه ویره رک ثمنی تبسیدله و یا دیگر بر نوع قماش آلهرق ثمنی تغییر صلاحیتی یوقدر .

§

والحاصل تفریق صفتیه جائز دکلدر .

صفتیه؛ لفته حین بیعده عاقدیندن بری الی دیگرینک انه اورمق

مضامنه اولوب بين افقها مجاورت علاقہ سبيلہ نفس عقدہ استعمال اولمشدر .

تفريق صفتہ درت سورتلہ وقوعبولہ بيلور شويہ کہ :

۱ : موجب واحد وقابل متعدد اولوبده ايجارلردن بعضيلرينك قبولي وبعضيلرينك عدم قبولي .

مثلا برکيمسه مالک اولدني آتني ايکي کسنه به نمن معلوم ايله بروجہ اشتراك بيبي ايجاب ايتدکارده ايکيسين بردن اولوجمله قبول ايدرايسه بيع منعقد اولور يالکيز بري قبول ايدوب ديکري ايتزسه قبول ايدن حقتده دخی بيع منعقد اولماز .

۲ : موجب متعدد وقابل واحد اولوبده يالکيز برينك ايجاني قبول وديکري لرينك ايجاني عدم قبولي .

مثلا ايکي کيمسه علي الاشترک مالک اولدقلى برباب منزلي بر شخصه بيبي ايجاب ايتدکارنده اوشخص هر ايکيسينك حصه سي يعنى بتون منزل حقتده بيبي قبول ايدرسه منعقد اولور . اما برينك حصه سنده بيبي قبول ايدوبده ديکري نك حصه سنده قبول ايتزسه قبول ايتديکي حصه حقتده دخی بيع منعقد اولماز .

۳ : موجب وقابل متعدد اولوبده قابلدن بعضيسينك قبول وبعضيسينك عدم قبولي وياخود موجبلردن برينك ايجاني قبول وديکري نك کفی عدم قبوللري .

مثلا ايکي کيمسه علي الاشترک مالک اولدقلى برباغچه بيبي ايکي کسنه به اشتراكاً بيبي ايجاب ايتدکاری صورتده هر ايکيسی موجبلردن هر ايکيسينك حصه لري حقتده بيبي قبول ايدرلرسه منعقد اولور . موجبلردن يالکيز برينك حصه سي حقتده بيبي قبول ايدرلرسه ياخود يالکيز برينسي هر ايکيسينك

حصه لری حقنده بیی قبول ایدوب دیکری قبول ایتمسه بیع منعقد اولماز :

۴ : موجب واحد، قابل دخی واحد اولوبده نمی یاخود مشق تبیع و تفریق و یا تبدیل و تغیر ایدرک قبول ایتمسی ایله صفقه تفریق ایدر. مثاللری بالاده مذکوردر .

شو قدر وار که مبيع متعدد و مثلاً باندن اولق کی نمن کندویه اجزا اعتباریه تقسیم اولنور شیلردن اولدینی تقدیرده قابل مبیعک بمضایندنه نمنن حصه سیله بیی قبول ایدوب موجب دخی راضی اولیورسه شو حالده قابلک قبولی ایجاب و موجبک رضاسی قبول عد اولنورق اومقدار حقنده بیع منعقد و ایجاب اول باطل اولور .

مثلاً بایع شو بش کیله باندابی سکا یوز غروشه صاندم دیدکده مشتری دیلرسه مجموعی یوز غروشه آلور . یوقسه صفقه بی تفریق ایدرک بر کیله سی یکر می غروشه آلهماز. انجق بایمک بر وجه محرر ایجابی اوزرینه مشتری بر کیله سی یکر می غروشه آلدیم دیوبده بایع دخی ویردم دیسه شو حالده مشتری یکر می غروشه الدم سوزی ایجاب و بایمک ویردم سوزی قبول عد اولنورق بر کیله حقنده بیع منعقد اولور .

اما مبيع متعدد و قییمانندن اولق کی نمن کندویه قیمت اعتباریه تقسیم اولنور شیلردن اولدینی تقدیرده ۱۷۹ ، ۱۸۰ نجی ماده لر احکامنه توفیق معامله اولنق لازم کلامر §

عاقیدنندن یا لکنز برینک تفریق صفقه به قدر اوله ما - مسنک اسبابنه کلامجه : مبيع واحد اولدینی صورتده اگر مشتری تفریق صفقه ایدرسه بایع اشتراک سبیلده متضرر اولور . و اگر بایع تفریق صفقه ایدرسه مشتری ینه حصول اشتراک

سبيله ضرر كورر . مبيع متعدد اولاديني تقديرده چونكه ايوي ،
 فاني بربرينه قارشديروب فاني سورمك ايجوز ايومالك بهاسني تنقيص
 ايتك اهل سوق بيننده معتاد اولاديقندن اكر مشتري بعضيسنده بيبي
 قبول ايدوب ديكر بعضيسنده قبول ايتمامكده مخير اولسه ايو مال
 حقنده بيبي قبول ايدوب فاني ترك ايدر . بوصورنده فنا مال باييك
 النده قالديني حالده ايو مال دكرندن نقصان بها ايله باييك ملكندن
 چيقار و بوجهتله بايع متضرر اولور .

مشتري اشياي متعدده حقنده بيبي ايجاب ايتدكده اكر بايع
 بعضيسنده قبول ايدوب بعضيسنده ايتمامكده مخير اولسه انلك
 بعضيسي ايله مشتريك حاجي مندفع اولماز . ديكر لريني بشقه يردن
 تدارك دخی كندوسنه كوج اولور . بنابرین مشتريك الندن مالی
 یعنی ویره جی نمن کتیدیکی حالده حاجی مندفع اولماز . وبوجهتله
 ضرر دیده اولور . §

ماده مشروحه دن شفقه مسئله سی مستأدر شویله که :
 بر کیمسه ملك عقارینی مفروشـانیله برلکده صاتمـش اولسه
 تفصیل نمن ایتـش اولسون اولسون شفیع نمندن حصه سـیله عقار
 مشفوعی آله بیلوب صفقه نك تفرقی شفقه نك محتمه مانع اولماز . اسبابی
 ۱۰۲۱ نجی ماده شرحنده بیان قانور .

۱۷۸ ماده قبولك ايجابه ضمناً موافقتی كافيدر .

یوقسه صراحة موافقتی بهمه حال لازم دکلدر .

مثلا بايع شو مالی سكا بيك غروشه صاتم ديوب مشتري دخی بيك بش
 یوز غروشه آلدن دیسه بیع بيك غروش اوزرینه منعقد اولور .

یعنی بیک فروش ایجاب موافق اولدیفندن بیع بومقدار اوزرینه منعقد و لازم اولوب قصور بش یوز فروش بایعك قبولنه منوط بر ایجاب حکمنده بولنور .

انجق اول مجلسده بایع اول زیاده بی قبول ایدرسه مشتری طرفندن زیاده قانمش اولان بش یوز غروشك دخی اعطاسی لازم کلور .
 کذا مشتری شو مالی بیک غروشه آلام دیوب بایع دخی سکز یوز غروشه و بر دم دیسه بیع منعقد اولوب ایکی یوزك حط و تنزیل لازم کلور .
 بایع ایکی یوزی حط و تنزیل ایله حققی اسقاط ایدیور . اسقاطات ایسه قبوله متوافق دکلدر . بناءً علیه مشتری قبول ایتسون ایتسون بیع سکز یوز غروش اوزرینه منعقد اولور . لیکن مشتری صراحة رد ایدرسه منعقد اولماز . ۲۵۶

۱۷۹ ماده متبایعاندن بری متعدد شیلرك بهالرینی تفصیل ایتسه بیله صفة واحدة ایله یعنی طوبدن اوله رق بیعی ایجاب ایتدکده دیکری دخی اولوجهله قبول ایدرك مجموع ثمن ایله مجموع مییمی آله بیلور . یوقسه صفة بی تفریق ایدرك ایچندن دیلدیکنی ذکر اولنان بهاسیله قبول ایدوب آلمقده خیر دکلدر .

مثلا بایع شو ایکی حیوانی اوچ بیک غروشه صاتم شو بیک غروشه و بو ایکی بیک غروشه و یاخود هربری بیک بشر یوز غروشه در دیسه مشتری ایکسینی اوچ بیک غروشه آله بیلور . یوقسه ایکسندن دیلدیکنی ذکر اولنان بهاسیله آله ماز .

و کذا بايع شو اوج طوب قاشی يوز غروشه صادم ديوب مشتری دخی
بر طوبی يوز غروشه باخود ايکی طوبی ايکی يوز غروشه قبول ایتدم دهسه
بيع منقذ اولاز .

تفصیل نمن هر برينك بيعنه باييك رضاسنی مشعر اولسنه نظراً
مشتريك ديلديكنی آله بيلمسی لازم كلور ايسهده فنا شيلری ايلور
ايله برلكده صاتمق عادت اولديقندن استحساناً ماده مشروحهده بيان
اولنديغی وجهله تقيد اولمشدر . مع مافيه بعدالبيع مبيعك بر قسمنه
مستحق ظهور ايتسه اومقدار حقنده بيع فاسد اولوب باقیمی کما كان
موجب اولور زیرا بقا ايتدادن اسهلدر .

۱۸۰ ماده متبايعانندن بری متعدد شيلرك بهالرينی تفصیل

وبشقه بشقه بیعی ايجاب ايتدیکی صورتده ديکری ديلديكنی
نمن مساميله قبول ايتسه بيع منقذ اولور .

مثلاً بايع متعدد مبيعك بهالرينی تفصیل وتعيين ايله برابر صادم لفظی
دخی تکرار ايدرك شونی بيك غروشه صادم و بونی ايکی بيك غروشه صادم
ديرسه اول حالحه مشتری ايکيسندن بری معین اولان بهاسيله قبول
ايديوب آله بيلور .

چونکه تفصیل بها ايله هر برينك نمنی تعین ايدمچکی کبی ايجابك
تکراريله دخی باييك هر برینی بشقه بشقه بيعنه رضاسی اكلاشيله جفتندن
مشتريك ديلديكنی آلمسيله بايمه برکونه ضرر ترتب ايتمز و بوضوئله
يعنی تفصیل نمن وتکرار ايجاب ايله صفقه تعدد ايددر . يوقسه ماده سابقهده
بيان اولنديغی وجهله ايجاب تکرار ايتمکسزن يالکز تفصیل نمن
ايله صفقه تعدد ايتمز .

فصل ثالث

مجلس بیع حقننده در

۱۸۱ ماده مجلس بیع بازارلق ایچون اولنان اجتماعدر.

[مجلس بیع] انعقاد بیعک مکان عقدہ راجع اولان شرطیدرکه ایجاب و قبولک حقیقہ و یا حکماً بر مجلسده اولمسندن عبارتدر . و بو شرط بولمقدجه بیع منعقد اولماز . حکماً اجتماع؛ مکتوب و یا رسول واسطه سیله اجتماع دیمکدر .

مثلاً بایع مشتری به سکا فلان مالی شو قدر غروشه صاندم دیو خبر کوندره رک بیی ایجاب ایدوبده مشتری دخی مکتوبک وصولیه مآله مطلع اولدینی و یا رسولک تبلیغ ایتدیکی مجلسده ایجاب مذکوری قبول ایتسه منقه را ولور . زیرا غائب حقننده مکتوب حاضرده خطاب کی اولوب رسالت صورتشده دخی رسولک ایجابی ، مر- ملک ایجابی کیدر §

شو ایضا حاندن اکلاش-لدیغنه کوره طرفین حقیقہ و یا حکماً مجلس بیعده اجتماع ایتسه بیع منعقد اولماز .

بناءً علیه بر کیسه مجلس بیعدن غائب اولان بر کمنه ایچون بو مالی فلان شو قدر غروشه صاندم دیهرک بیی ایجاب ایدوب فقط مکتوب و یا رسول کوندر مکسزین اول کمنه آخردن ایجاب واقعی ایشدیکی آنده قبول ایتسه مادامکه مبالغ ایجاب ایدنک رسولی دکلدر . بیع منعقد اولماز .

انجق مجلس ایجابده حاضر بولنه انلردن بری اول غائب ایچون
فضولی اوله رق بیع مذ کوری قبول ایتسه اول حالده غائب مرقومک
اجازتنه موقوفاً بیع منعقد اولور .

۱۸۲ ماده مجلس بیعده بعدالایجاب نهایت مجلسه قدر
طرفین مخیردر .

انجق ۱۸۳ ، ۱۸۴ ، ۱۸۵ نجی ماده لر ایله شرحلرنده بیان اولنان
احوالک عدم وقوعی شرطدر . و امتداد مجلسه ماذونیت تأمل
وملاحظه ایچوندن زیراً بیع بایع ایچون ازاله ومشتری حقنده اثبات
ملکی موجب اولدیغندن شایان تأمل وملاحظه موادندربوکا مساعده
اولنمه عقدک جبراً وقوعی لازم کلورکه بوده شرعه مغایردر . §
اشبو مخیرلکه «خیار مجلس» خیار قبول» دینور وبونوع خیار
بیعک انعقادندن اول اولان مخیرلک دیمک اولوب باب سادسده بیان
اولنان [خيارات] بیعک انعقادندن صکره اولان مخیرلکدر .

مثلاً متبایعاندن بری مجلس بیعده بومالی شوقدر غروشه صاتم یاخود
آلدم دیو بیعی ایجاب ایلسه دیکری درعقب آلدیم یاخود صاتم دیویوده بر
مدت آراسی کچدکدن صکره بنه اول مجلسده قبول ایتسه بیع منعقد اولوب
هر نقدر مجلس اوزون اوزادی به سورمش وایجاب وقبولک آراسی خیلی
اوزامش اولسه ده ضرر ویرض .

حتی بایمک نظرندن غائب اولیه حق قدر مشتری تباعد ایتسه بینه ضرر ویرض
کذلک ایکی کیسه یورر ایکن بری ایجاب ایدوب دیکریده همان
قبول ایتسه بیع منعقد اولور اما جوانی فصل ایدر یعنی بر مقدار
یوریدکدن صکره قبول ایلر ایتسه مجلس متفرق اوله جفتندن بیع منعقد
اولماز .

یورر ایکن طور مق ویا طورر ایکن یورومک کی افتراق مجلسی موجب حالر دخی انعقاد بیعه مانعدر. فقط متبایعاندن بری اوطورر ایکن بیعی ایجاب ایله کده دیکری آیاقده بولنوبده اوطور دقدن صکره قبول ایتسه بیع منعقد اولور و کذا سفینه سیر و حرکت ایدر ایکن بری ایجاب و دیکری همان ویا بر مدت تأملدن صکره قبول ایتسه بیع ینه منعقد اولور .

۱۸۳ ماده بعدالایجاب قبل القبول احد طرفیندن اعراضه دلالت ایدر بر قول یا خود فعل بولنور ایتسه ایجاب باطل اولوب قبوله محل قالماز .

مثلا متبایعاندن بری صادم یا خود آلام دیدکدن صکره ایکسندن بری بشقه بر ایشله یا خود بر دیکر بحث و مذاکره ایله مشغول اولسه ایجاب باطل اولوب اندن صکره قبول ایله بیع منعقد اولاز .

ا کر قبل القبول بحیب اعراضه دلالت ایدر بر قول ویا فعلده بولنور ایتسه ایجاب واقعندن رجوعنه ، مخاطب بولنور ایتسه عدم قبولنه دلالت ایدم چکنندن علی کلا التقدیرین ایجابک حکمی قالماز . یعنی عقود معاوضه ده اعراض و رجوعه دلالت ایدن شیلرله ایجاب باطل اولور .

۱۸۴ ماده متبایعاندن بری بیعی ایجاب ایدوب انجق دیکرینک قبولندن اول رجوع ایتسه ایجاب باطل اولوب اندن صکره قبول ایله بیع منعقد اولماز .

مثلا بايع بومناعى شو قدر غروشه صاڤدم ديويده مشتري قبول ايتدم
ديدين رجوع ايتسه مشتريك صكره دن قبول ايتدم ديميله بيع منعقد
اولماز .

ماده سابقه حكمنجه ايجاب اعراضه دلالت ايدن قول ويا فعل
ايله باطل اولانجه صراحة رجوع ايله باطل اوله جنى دركازدر .
فقط دلالة ايجاب واقع اولدقدن ومخاطب قبول ايتدكده صكره
مجبب صراحة رجوع ايتسه حكمن اولماز . زيرا دلالت موجبيله
عمل اولدقدن صكره وقوعبولان صراحتة اعتبار اولماز
موجبك رجوعيله قابلك قبولى بردن واقع اولسه يعنى موجبدن
رجوع وقابلدن قبول ايكميسيده آن واحده صادر اولسنه مانع
ومتقضى تعارض ايتدكده مانع تقديم اولنور قاعده سنه بناء رجوع
ترجيح اولنورق بيع منعقد اولماز .

برده موجبك ايجابدن رجوعنى مخاطبك ايتسمى لازمدر .
اكر رجوعى ايتسمكسزين قبول ايدرسه رجوعك حكمن اوليوب
قبول معتبر اوله رق بيع منعقد اولور .

١٨٥ ماده قبل القبول ايجابك تكرارى ايجاب اولى ابطال

ايدوب ايجاب ثانى يه اعتبار اولنور .

مثلا بايع بومالى يوز غروشه صاڤدم ديدكده صكره هنوز مشتري قبول
ايتدم ديددين دونوب يوز يكرى غروشه صاڤدم ديسه ومشتري قبول ايتسه
ايجاب اوله اعتبار اوليوب بيع يوز يكرى غروش اوزرينه منعقد اولور .
بعدا لايجاب قبل القبول اعراضه ، رجوعده ، ايجابى تكرارده

ضرر ملحوظ اولمديقدن بونلر تجويز اولنمشدر . چونكه طرفين
ايچون ذاتا خيار مجلس واردور .

فقط مخاطب قبول ابله عقد تمام اولدورن صکره مجلس متفرق اولمسزین بریسی اعراض یا جوع و یا خود ایجابی تکرار ایتسه دیکری قبول ایتدکجه حکمی اولماز ۱۷۶، ۳۷۵ زیرا امتداد مجلس حقنده کی مساغ شرعی قبول ایجاب ایچوندور . قبول ابله بیع منعقد اوله جفندن اندن صکره مجلس نقدر امتداد ایدر ایتسه ایتسوز بریسی رجوع ایتدکده دیکری تصدیق ایتدکجه بیع منفسخ اولماز . چونکه بیعک انقادبله بایع ثمنه و مشتری مبیعه مالک اولدیغندن یکدیگرنندن مفارقت ایتدکسزین بریسی فسخه مقتدر اولسه دیکرینک عقد ابله مالک اولدینی مبیع و یا ثمنی رضای اولمسزین سلب اقتضا ایده جکی جهتله حقنده ضرری موجب اوله جفندن جائز دکلدر §
 كذلك : بعد الايجاب قبل القبول متبايعان دن بری فجاءت وفات ایتسه و یا مبیع هلاک اولسه و یا خود ازدیاد و یا تناقص بولسه و یا بایع ثمن مبیعی مشتری به هبه ایتسه ایجاب باطل اولوب قبوله محمل قالماز . و وفاتی وقوعنده خیاری قبول وارثه انتقال ایتز .

فصل رابع

شرطله بیع حقنده در

۸۲ ، ۸۳ نجی ماده لرده شرح و ایضاح اولدینی اوزره [شرطله بیعدن] مقصد شرط نقبیدیدر . شرط تعلیقی ابله بیع صحیح اولمازه و شرطک صلب عقدده اولسی لازمدر بعدالقد الحاق اولنان شرطه اعتبار یوقدر .

۱۸۶ ماده عقد بیعک مقتضاسندن اولان ینی انشای

عقدده ذکر اولمسه بیله عقد سببیه لازم کلان شرطله بیع صحیح

و شرط معتبر اولور .

مثلا بايع قبض نمى ايدنجيه دك ميبى - حبس ايمك شرطيله صادقده بو شرط بيه ضرر و برميوب بلکه مقتضای عقدی بیاندر .

زیرا بايع شرط مذکورى حين عقد بيمده ذکر اولمسه بیله ٢٥١ نجی ماده حکمنجه بیع مطلق بشین اولمق اوزره منعقد اولور ٢٧٨ نجی ماده منطوقجه بشین صائشده مشتری نمى تماماً تأدیبه ایدنجیه دك بايمك ميبى - حبس ايمك - قى واردر بو صورنده شرط مذکور مقتضای عقدی بیان اولمش اولور .

١٨٧ ماده مقتضای عقدی تأیید ایدن شرطله بیع صحیح

و شرط معتبردر .

مثلا فلان شیئى ترهين ايمك يا خود شو آدمى كفيل و برمك شرطيله برشى صائقى صحیح و شرط معتبردر . حق مشتری بو شرطله رعایت ایتمز ایسه بايع بيمى فسخ ایدم بیلور . زیرا بو شرطله مقتضای عقد اولان تسام نمى تأیید ایلر .

مثالده [فلان شی ، شو آدمى] جمله لر یله اشارت اولندیغی وجهله ترهين اولانه حق شينك و كفيل اوله حق شخصك معلوم اولمسی لازمدور . بونلوك معلومتی بحاس بيمده حاضر ایسه لر اشارت و بیان ایله ، دكل ایسه لر اسمیه و توصیف ایله اولور .

اگر ترهينى شرط قلنان شى مجهول اولور ایسه بیع فاسد اولور . زیرا رهنك مجهولق نزاعه وؤدی اولور یعنی بالاخره مشتریترينك ویردیكى رهق بايع قبول ایتیموب بشقه برمالك ترهينى طلب ایدر و بوسبيله بینلرنده نزاع ظهور ایدر نزاع رضایه منافی اولدیندن رهنك

مجهول بقی بیعی افساد ایلر مدرکه عاقدین مجلس بیعده اوشیشی تمینه
اتفاق ایتمکله برابر مشتری قبل الفزق بایعه دفع و تسامیم ایلله یاخود
مشتری نمن میبئی بشین اوله رق همان ادا ایلله رهنی ابطاله افاق ایدمه لر
بوصورتلرده بیع صحیح اولور .

کفیل مجلسده حاضر ایسه کفالتی او مجلسده قبول ایتسی ، غائب
ایسه متبایعین مجلس بیعدهن افتراق ایتمکمزین کلوب کفالتی قبول
ایلسی لازمدر کفیل حاضر اولوبده کفالتی قبول ایلمسه و یا غائب اولوبده
افتراق مجلسدن صکره کفالتی قبول ایلمسه بیع صحیح اولار .

رهن اعطاسی مشروط اولوبده مشتری رهنی تسلیمدن امتناع
ایدرسه اول امرده مشتری به یا رهنی و یا قیمتی و یاخود نمنی بایعه دفع
و تسامیم ایتملیسک دینلورا کر بوزردن هیچ برینی یا پیمز ایسه بایع بیعت
فسخنده مخیر قننور .

§

شرط انشای عقدده ذکر اولنقی لازمدر عقد تمام اولدقدن صکره
متبایعین بر شرط فاسدی الحاق ایلدکاری تقدیرده شرطک اصل عقدده
النحاق ایدوب ایتمه چکی خصوصنده بین الفقهها اختلاف اولنش ایسه ده
مقتابه اولان قوله کوره شرط اصل عقدده النحاق ایتمز بنشاء علیه
عقد فاسد اولماز .

لکن عقدک تمامدن اول متعافدن کندی ینلرنده بویه بر شرط
قرارلشدیروبده بلا شرط عقد ایلدکاری صورتده اکر عقدی اوشروطه
بنا ایلدکارینه اتفاق ایدرلر ایسه عقد اول شرط ایلله شرط اولور
واکر بویه اولدیقنه اتفاق ایتمز لسه اولماز .

مثلا بر آدم خانه نی آخره وفاء صامق اوزره ینلرنده قرار
لشدیروب ظاهراً صورت قطعییه صاندیقی تقدیرده عاقدین بمدالعقد

بيعتك وفا اولديغنده يعنى شرط سابق اوزرينه بنا قلنديغنده تصادق ايدر لر ايسه بيع اول شرط ايله منعقد اولمش اولور . §
 بوخصوص وفاء فراغلرده دخى جارى ايسه ده تزويره عمل قالمق ايچون وفائي ناطق سند ابراز اولمقدجه فراغ بالوفا دعواسنك استماعندن حكام منع بيورلمشدر . §

بوخصوصه صده حواله دخى كفالت كيدر . يعنى مشتري ثمن مبيع ايله بايى بر كسنه اوزرينه حواله ايتك شرطيله صاتمق كفالت شرطيله صاتمق حكمنده اولوب استحصاناً بيع صحیحدر . زيرا مشتريك بايى ديكر بر كسنه اوزرينه حواله ايتسي ثمن بهي توثيق اولوب مقتضای عقد اولان تأديۀ ثمنی تا كيد ايدر .

اما بايع ثمن مبيع ايله مشتري اوزرينه بر كسنه يي حواله ايتك شرطيله صاتسه بيع فاسد اولور . مثلاً بر كيمسه بر متاعى ديكر كسنه يي بيع ايدر اولدقده اول كيمسه بر شخصى مذكور متاعك ثمنيله مشتري اوزرينه حواله ايتك شرطيله صاتسه فاسد اولور . زيرا باييك بر كسنه يي ثمن ميبى قبض ايتك اوزره مشتري اوزرينه حواله ايتسي ثمن ميبى توثيق ومقتضای عقدى تا كيد ايچون اولوب بلكه مجرد استيفای ثمن ايچوندر .

۱۸۸ ماده . متعارف يعنى عرف وعادت بلده ده جارى

اولان شرطه بيع دخى صحيح و شرط معتبردر .

مثلاً كوركي قابلامق وكليدي برينه ميخلاق و برتق البسه يي يامه ق شرطيله صاتمق صحيح اولوب بو شرطه دخى باييك رعايت ايتسي لازم كلور .

كذلك شرعاً مساغ اولان شرطه دخى بيع صحيح و شرط معتبردر .
 خيار شرط وخيار نقد ايله ويا تاجيل ثمن شرطيله بيع كى

بروجه بالا ذکر اولنان دوت نوع شرطه [شرط جائز] اطلاق اولنور .

۱۸۹ ماده احد عاقدینه نفی اولیان شرطه بیع صحیح اولوب انجق شرط فاسددر .

یعنی افودر .

مثلا آخره صائمق یاخود صرمایه صالیویرمک شرطیله بر حیوانی صائمق صحیح اولوب فقط شرط لفودر .

[آخره صائمق] قیدی معین بر شخصه صائمق شرطیله بیعدن احتراوا یچوندر . زیرا فلانه صائمق اوزره بیع ایدلسه طرفین حضراتنه کوره فاسد اولور . §

احد عاقدینه نفی اولان شرطه بیع فاسد و شرط مفسددر .

مثلا آرا القده کندوسی بنمک شرطیله بر حیوانی صائمق فاسد و شرط مفسددر . §

بویکی نوع شرطدن برنجیسنه [شرط افو] وایکنجیسنه [شرط مفسد] دینلور . شروط مذکوره نك اسبابی مجله جمیتك مضبطه . سنده و ۸۲، ۸۳ نجی ماده لر شرحنده بر تفصیل ذکر و بیان اولندیقندن تکراره حاجت کورلمدی .

فصل خامس

اقاله بیع حقه در

۱۹۰ ماده عاقدین بعد العقد رضالیله بیعک کلیسنده ویا

بعضیسنده بیعی اقاله ایده بیلورلر .

عاقدینك وفاندن صکره وارنلری دخی اقاله ایده بیلورلر .

والحاصل بیع وشرایه مالک اولان کیمسه اقاله به دخی مقتدر در .
 انجق متولی ووصی وصی ماذومک بیع وشرایه دکرندن زیاده به
 بیع واکسکه اشتراکی ولف ویا بتم ویا خود وصی حقنده بیع وشرایه
 نفی ظاهر اواسه بونلرک اقاله لری حقلمنده ضرری موجب اوله جفتندن
 وتصرف لری ایه دفع شرطبله مقید اولدیفندن اقاله لری صحیح و معتبر
 اولدینی کی شرایه وکیل اولانلر دخی موکلرینسک اذنی اولمقسنزن
 بیی اقاله ابتداءلر موکلرلی حقنده نافذ اولماز چونکه قاله شرط وکالتله
 منافدر . ۱۴۹۳ §

اقاله نک به دیمک اولدینی واصل عقدلرده اجرا قلنه بیله جکی
 ۱۶۳ نحی ماده شرحنده ذکر اولندی . بوراده احکامندن بحث ایدلم .
 شویله که :

امام اعظم رحمة الله علیه کوره بیع ایسترمقول وایستر غیر منقول
 اواسون واقاله کرک قبضدن اول وکرک صکره اجرا قلنسون هر حالده
 طرفین حقنده عقدک موجباتنده فسخدر .

امام ابویوسف رحمة الله علیه کوره قبل القبض منقولاتک بیی جائز
 اولماسنه نظراً اقاله سی فسخ دیمک ایهده غیر منقولک قبل القبض بیی
 جائز اولدیفندن اقاله سی دخی طرفین حقنده بیع جدیددر . بعدالقبض
 بیع کرک منقول وکرک غیر منقول اواسون اقاله سی کذلک بیع دیمکدر .
 هرکه شرائط بیعک فقدانیهله عقدک تعذرینه بنسأ فسخ عداولنه
 بوده متعذر اولور ایه اقاله باطل اولور .

امام محمد رحمة الله علیه کوره امام اعظم حضرتلرینک اجتہادی
 وجهله اقاله قبل القبض فسخ اولدینی کی بعدالقبض دخی فسخدر .
 انجق بعدالقبض فسخ متعذر اولور ایه بیع و بوده متعذر اولور ایه اقاله
 باطل اولور .

بو فصلك مندرجاتى امام اعظم رحمه الله عليهم اجتهادى وجهله
تنظيم اولنشدر . و اقاله طرفينه كوره بيع جديد اوليوب عقدى
فسخ اولمسنه نظراً شو احكام تفرع ايدر .

برنجيسى: متعاقدين بيننده بيع نه وجهله وقوعبولمش ايسه اقاله
دخى بمينه اولوجهله بيع سابقى كلياً ويا ۱۹۵ نجى ماده ده بيان قلنه جنى
وجهله قسمأ رفع ايدر .

بناءً عليه مثلاً ثمنين بر مقدارينك تنزيلي شرطيله اقاله صحيح
و شرط باطلدر . طرفين پشيانلق ناميله و نام ديكرله نقصان ويا زياده
ثمن ويا بشقه جنس بدل شرط ايتسه حكيمى اوليوب بايع آلمش اولدينى
ثمنك عيني ويا مثلى رد ايدر . زيرا فسخ ايتك عقد اولى اساسندن
رفع ايله اصلاً واقع اولگامش مثابه سنده قيلمقدردر . بوايسه ثمن اولك
عيني ويا مثلى ردى مستلزمدر .

شو قدر واركه مبسع مشترى ينده عييلاندقدن صكره عيبك
ايراث ايتديكى نقصان مقدارينى ثمنين تنزيل ايتك شرطيله بيعى اقاله
ايتسه لر صحيح و شرط معتبر اولوب تنزيل اولنسان مقدار عيب حادثه
مقابل اولور .

اما اقاله عقدك موجب ثمنين اولمان بر شرط و امر زامدايله ثابت اولان
شيدو — شخص ثالث حقنده اولدينى كى — عاقدين حقنده دخى
بيع جديد اعتبار اولنور .

بناءً عليه بر كيمسه ديكر آهسته نك ذمه ثمنين اولان و ثمن اوله جنى مقابلنده
قبل حلول الاجل اندن بر مال اشترا ايتد كد نصكره بيعى اقاله ايتسه لر
اصل مودت ايتيوب آله جنى پشينه تحول ايدر . چونكه ساقط اولان
شى عودت ايتمز و كويا مشترى مبيعى بايمه ساتمش محكمنده اولور .

بوجهتله بايع مديون في الحال ثمن بيبي مشـتري به رد ايمكه مجبور اولور .

ايكنجيسى : ميبعد بعد القبض زياده متصله غير متولده حاصل اولدقدن صكره اقاله جائز دكلدر . مثلاً مبيع خانه اولوبده مشـتري صيو اتسه ارتق اقاله ايده من .

كذلك زياده منفصله متولده دخي مانع اقاله در . مثلاً مبيع حيوان اولوبده مشـتريك ينده طوغورسه ارتق اقاله ايديله من .

زيرا شوايكي نوع زياده نك نمندن حصه سي بولنيه جفتدن ربا اولور . اكر امام ابو يوسف حضـرتـلـريـنـك اجتهادي وجهله بيع جديد اوليدي اقاله لري جائز اولوردي .

فقط مبيع حـوان اولوبده سميرلك كي زياده متصله متولده ويا مشـتريـنـك مبيعي ايجار ايدوب انتفاع ايلسي كي زياده منفصله غير متولده اقاله نك صحته مانع دكلدر .

كذلك زياده منفصله ويا متصله كرك متولد اولسون و كرك غير متولد اولسون قبل القبض وقوعولور ايسه اقاله به مانع دكلدر .

اوچنجيسى : بالاده بيان قلنديني اوزره تنقيص ويا تزديد ثمن شرطيله اقاله صحيح و شرط لغو اولديني كي ثمن بر مدت صكره ويرمك شرطيله دخي اقاله صحيح و شرط لغو اولوب مشـتريـنـك ثمن عاجلاً و پرمسي لازم كلور .

دردنجيسى : اقاله يي اقاله جائز در و بايع اقاله دن صكره مبيعي قبض اتمكسـزـن تـكـرـار مشـتري به صاته بيلور . اكر اقاله فسخ اوليوبده بيع جديد اوليدي مئة لارك قبل القبض بيبي جائز اولمديغـنـدن مبيع منقولي بعد الاقاله وقبل القبض بايمك مشـتري به صاته مامسي لازم كلوردي .

بشـنجـيـسي : مبيع مكيلات وموزوناتدن اولوبده قبل القبض اقاله

ایلدکده کیل ووزنه حاجت یوقدر. ۱ بر اقاله بیع جدید اولیدی
کیل ووزن ایلمسی لازم کلوردی. §

اقاله بولفظ ایله اجرا فلندقدمه مبيع قبض اولنسون اولنسون شخص نائنه
نظراً بیع جدید حکمنده اولدینی ائمه مشارالیه جانندن منفقاً بیان قلنمشدور.
اماطرفین اقاله لفظنی سولویوبده بیعی فسخ ایتدک ویا منارکه ایلدک
دیرلرایسه تصریح معتبر اوله جفندن شخص ثالث حقنمه دخی حکم
فسخ ترتب ایدر.

برده منقول ملک قبل القبض بیعی جائز اولمیدیندن مبيع منقول
اولوبده قبل القبض اقاله ایدیلور ایسه ینه شخص ثالث حقنمه دخی
حکم فسخ ترتب ایدر.

اقاله ملک بروجه محرر شخص نائنه نظراً بیع جدید حکمنده
اولسندن طولانی دخی شو احکام تفه ایدر.

۱ : شفیع عقار مشفوعده اولان حق شفعه سنی اسقاط ایتدکن
صکره عاقیدن اقاله ایدرلا عقار مزبور مشتریك ملکندن زائل اولوب
بایع اولک ملکینه عودت ایتسه شفیع مرقوم ایچون مجدداً حق شفعه
ثابت اولور. اگر اقاله شخص نائنه نظراً بیع جدید حکمنده اولسه
اولجه ساقط اولمش اولان حق شفعه عودت ایتیه جکی جهتله شفیعك
طلب شفعه ایدمه ماسی لازم کلوردی

۲ : بر کیمسه اشترا ایتمش اولدینی بر حیوانی آخر کمنه
صاندقدن صکره اقاله ایله حیوانی تکرار قبض ایتدکده عیب
قدیمه مطلع اولسه بایع اولنه رد ایدمه من. چونکه بایع اول
منقلاً باینه نظراً شخص ثالث مرتبه مننده قالمغه اقاله ملک حقنمه
بیع جدید حکمنده در. بر شیده سبب تملکك تبدیلی اول شیشك تبدیلی

مقامنده اولدیفندن مبيع كندينك ساتمش اولدینی حیوانك
غیری حکمنده اولدینی جهته انك كندوسنه ردی جائز اولمز. اكر
اقاله اكا نظراً دخی فسخ اولیدی رد مبيعك جائز اولمسی لازم كلوردی.

۳ : موهوب له موهوبی بر كیمسه صائدقندن صكره بیی اقاله ابدوب
موهوبی تکرار قبض ایلسه واهب هبه دن رجوع ایله موهوبی طالب
ایده من. زیرا كندوسی متقابلینه قارشو شخص ثالث اولقله اقاله اكا
نظراً بیع جدید حکمنده اولدیفندن موهوب دخی اسباب ملكك تبه لیلله
تبدل ایتمش حکمنده در. اكر فسخ اولیدی رجوعی صحیح اولوردی.

۴ : بر كیمسه مثلاً بیک غروشه اشترا ایتش اولدینی بیی بر كیمسه
بدل معلوم ایله صائدقندن صكره بیی اقاله ایتسه لر مبيع مزبوری بايع
اوله بیک غره شدن نقصان ویا زیاده صانه ییلور. زیرا انفاً بیان
قننان اسبابه مبی بايع اول شخص ثالث حکمنده اولوب مبيع دخی
تبدل ایتمش حکمنده در. اكر شخص ثالثه نظراً دخی فسخ اولیدی
مییی بدل مذکور دن نقصان ویا زیاده صانه مامسی لازم كلوردی.

۵ : بر كیمسه اشترا ایتدی عقراری بشقه سنه ایجار ویا رهن
ایتد كدن صكره بیی اقاله ایلسه شخص ثالث مقامنده اولان مستاجر
ویامهرتك اجازتنه موقوف اولور. زیرا آنلره كوره بیع جدید در.
اكر فسخ اولیدی اجار تهرینه لزوم كورلیوب بیع فی الحال نافذ اولمق
لازم كلوردی §

بیعه اولدینی کی اقاله ده دخی خیارش شرط وخیایا زعیب جاریدر
وشرطه تعلیقی صحیح دكلدر.

۱۹۱ ماده بیع کی [اقاله] دخی ایجاب و قبول ایله
اولور.

مثلاً عاقبتیدن بری بیی اقاله یا خود فسخ ایتدم و دیگر بری قبول ایتدم دیسه و یا خود بری بیی اقاله ایت و دیگر بری ایتدم دیسه اقاله صحیح یعنی بیسم منفسخ اولور . فقط اقاله لغظی ایله بیعک فسخی شخص ثالثه نظراً بیع جدید حکمنده اولمغله اقاله ایله فسخ و متار که یننده حکماً فرق اولدینی ماده سابقه شرحنده بیان قلندی .

§

بطریق الاقتضا حاله دلالت ایتمیان امر صیغه سیله بیع منعقد اولدینی حاله ۱۷۲ شو . مثلاً بیان قلندی و جهله شیخین حضراتنه کوره علی الاطلاق امر صیغه سیله اقاله جائزدر . چونکه اقاله تأمل و تفکر کردن صکره اجرا قلندینی جهله امر صیغه سی بیع کی مساومه به محمول اوله ماز .

§

اقاله قبول بوجه محرر قولاً اولدینی کی قبوله دلالت ایدن فعل ایله دخی اولور . مثلاً بایع بیی اقاله ایتدم دیدکده مشتری برشی سویلیکسزین مبی رد ایتسه بیع منفسخ اولور .

۱۹۲ ماده ایجاب و قبول مقامنه قائم اولان تعاطی صورتیله دخی اقاله صحیح اولور .

اسبابی ۱۷۵ مجی ماده و شرحندن مستفاد اولور .

۱۹۳ ماده بیع کی اقاله ده دخی اتحاد مجلس لازمدر .

یعنی مجلس ایجادیه قبول بولتی لازم کلوب بوقسه عاقبتیدن بری بیی اقاله ایتدم دیوبده دیگر اول مجلسده قبول ایتدین مجلس بوزلسه یا خود احد طرفیندن اعراضه دلالت ایدر برشی صادر اولسه بعده دیگرینک قبولی مفید اولمازه

۱۹۴ ماده حین اقاله ده مبیع مشتری یدنده قائم و موجود

اولق شرطدر .

بناءً عليه مبيع تلف اولش ايسه اقاله صحيح اولماز .
 مبيع معدوم ويا خطر عدمده اولسه ويا خود مقدور التسليم اولسه
 اقاله ينه صحيح اولماز يعني باطل اولور . ۳۶۳
 چونكه اقاله عقد ييى رفع وازاله دن عبارت اولمقله قبل الاقاله عقد
 بيعك قيامى اقتضا ايدر . بيعك قيامى ايسه مبيع ايله در . زيرا بيعدن
 مقصود اصلى ميبعدر . §

۲۹۳ نجى ماده حكمنجه مبيع قبل القبض تلف اولدقه ضررى
 بايعه عائد اولدينى كي اقاله ده دخى بعد الاقاله وقبل القبض هلاك اولدقه
 ضررى مشترى به عائد اولور . ۳۸۷ نجى ماده شرحنده ايضاح اولنه جنى
 اوزره مسلم فيك قبضدن اول سلمك اقاله - نى اقاله دخى صحيح اولماز .
 ۱۹۵ ماده مبيعك بعضيسى تلف اولسه باقيسنده اقاله جائز در .
 مثلا بايع اكينيله برابر ملكى اولان ارضى ساتوبده مشترى اكينى ييچدكن
 حكره اقاله ايسلر ارضده نمندن حصه سيله اقاله صحيح اولور .
 هر قدر فرق صفة حاصل اولور ايسده ابتداء تجوز اولنميان
 شى بقاء تجوز اولنه بيلور .

۱۹۶ ماده ثمنك تلف اولسى اقاله نك صحته مانع دكلدر .
 چونكه اقاله دن مقصد ثمن اوليوب ميبعدر ثمنك تلف اولسى
 مقصدى فوت ايتز زيرا ثمن ذمتده ديندر ثمنك تلف اولسى ذمتدن
 برائى استلزام ايتز . فقط بيع مقايضه ده مبادل اولنان مالارك ايكي سيده
 هم ثمن هم مبيع اولديغندن بونلردن بى تلف اولسه اقاله صحيح
 اولماز . بالعكس بيع صرفده بدلينك تلف اولملى اقاله نك صحته مانع دكلدر .

باب ثانی

مبیعه متعلق مسائل بیاننده اولوب درت فصله منقسمدر .

فصل اول

مبیعك شروط و اوصافی حقنده در .

بوفصلده واقع ۱۹۷ ، ۱۹۸ ، ۱۹۹ نجی ماده لرده انعقاد بیعك
موقوفه علیه راجع اولان شرطلری و مواد سائر سنده بیعك شرائط
بیان اولنیور . شرائط انعقاد بولمینیجه بیع باطل اولور .
شرائط صحك فقدان ایسه بیعی افساد ایدر .

۱۹۷ ماده مبیعك موجود اولسی لازمدر .

بیعك ركن اقواسی مبیع اولدیقندن وجودی لازمدر .

۱۹۸ ماده مبیعك تسلیمی ممکن و مقدور اولق لازمدر .

ممکن و مقدور التام اولیان شی معدوم حکمنده در . ۲۰۵ نجی
ماده حکمنجه معدومك بیعی باطلدر . ۲۰۹ نجی ماده شرحنده
بیان قلندی اوزره تسلیمی ممکن و مقدور اولیان شی معدوم
حکمنده در .

آنحق امر تسلیمده مطلوب اولان قدرت ، فعله مقارن اولان
استطاعت مناسنه اولیوب اسباب و آلاتك سلامتی دیمك اولدیقندن
بایع اکثریت اوزره خرج و مشقت چكه کمترین مبیعك تسلیمی ممکن
و مقدور اولق لازمدر . ۲۰۹ نجی ماده به نظر اولنه .

۱۹۹ ماده مبیعك مال مقوم اولسی لازمدر .

مالك متقوم اولماسى بالاشه كى انتفاعك مباح اولماسندن نشأت ايدركه
 بوبله بر شى صائمق شرعاً جائز دكلدر. يا خود دكزده باقى كى اصطيا دايله
 احراز اولنماش اولمسندن ايلرو كلوركه معدوم حكمنده در. §
 شو ماده دن دخى مفهم اوله جفته كوره مبيعك حين بيعده ملوك
 بو مقدور التسليم اولمى لازمدر.

بناءً عليه بر صياد صيد ايدم جكي ويا خود صيد ايله تملك ايتد كدن
 سكره قاجير ديفى قوشى بيع اقبسه صحيح اولماز. زيرا احوال محرره ده
 مشترى ايچون بر فائده ترتب ايتز. فائده سى اوليان شيلرا يسه لغودر.
 بو حالده بيعده بر فائده اولمق دخى لازمدر.

بناءً عليه بر مشترك عقارك حصه دارلرندن برى اول عقارده
 اولان حصه شايعه سنى سهم و حصه ده كندويه مساوى بولن ان آخر
 حصه دارك حصه شايعه سنى مقابل بيع اقبسه صحيح اولماز.

۲۰۰ ماده مبيع مشترينك معلومى اولمق لازمدر.

يعنى تسليم وتسليمه عتاج اولان شيلرك مشترى عدنده جهالت
 فاحشه ايله مجهول اولماسى شرطدر. باييك معلومى اولمق لازم دكلدر.
 اسبابى ۲۱۳ نجى ماده شرحنده محرر در.

۲۰۱ ماده مبيعك معلوميتى سائرندن تميز ايدم جك

حال ووصفنى بيان ايله حاصل اولور.

مثلا شو قدر كيله قزله بىدايى يا خود فلان و فلان حدود ايله محدود اولان
 عرصه دبو صائلسه مبيع معلوم وبيع صحيح اولور.

۲۰۲ ماده مبيع محاس بيعده حاضر ايسه اشارت

حسيه كافيدر.

ارتاق سائرندن تمیز ایدمك حال ووصفی بیانه حاجت یوقدر .
زیرا کوز اوکنده در .

مثلا بايع شو حیوانی ساتدم دیوب مشتری دخی کوردهك قبول ایدیجك
بیع صحیح اولور .

۲۰۳ ماده میمك مشتری عننده «ذاتاً» معلوم اولمسی

کافی اولوب بشقه صورتله تعریف و توصیفه حاجت یوقدر .

۲۰۴ ماده میبع عقدده کی تعیین ایله تعین ایدر .

مثلا بايع اشارت حسیه ایله تعیین ایدرك شوساعی ساتدم دیوب مشتری
دخی قبول ایتدکده بايكم اول ساعتی عیناً و برمی لازم کلور . یوقسه انی
آلیقویوبده یرینه اول جنسدن دیگر بر ساعت ویره من .

زیرا میبع محل البیعدر . حین عقدده تعیین ایتسه محل بیع بوانه من
و بیمك حکمی ملکیت اولدیفندن بايع میبعی البیویسه مشتریك حقنی
غصب ایتش اولور اكا بدل بشقه سفی ویره کندو اوزرینه عقد واقع
وبناء علیه مشتری ایچون ملکیت ثابت اولیان بر شیئی اعطای ایتسی
لازم کلور بونلر ایسه شرعاً غیر جائزدر .

فصل ثانی

بیعی جائز اولوب اولیان شیر بیاننده در

۲۰۵ ماده معدومك بیعی باطلدر .

مثلا براغاجك هیچ بلورممش اولان میوه سفی صائق باطلدر .
مادامك محل بیع میعدر . میبع موجود اولیجه بیع واقع اولماز .
چوانكه ۲۶۲ نجی ماده حکمنجه بعدالمقد مشتری نفی بايعه و بايع دخی
میعی مشتری به ویرمكه بورجلو اولور . معدومك بیعی باطل اولیوب

صحیح اولسیدی بعد انعقد مشتری نمی بایمه تسلیم ابتدایه باع میی
 مشتری به ویر که مقتدر اوله میه جفتدن بیرون مقصود بیع اولدینی
 حاله عدم امکان و اقتدار تسلیم ایله مشتریك مقصدی حاصل اولماز .
 ۳ نجی ماده ده بحر قاعده به نظراً عقودده اعتبار مقاصده اولوب حصول
 مقصد ممکن و قدور اولیان عقودده اعتبار اولنه میه جفتدن باطل اولور .

۲۰۶ ماده کاملاً بلورمش اولان میوه یی اكله صالح

اولسون اولسون اغاجی اوزرنده ایکن صائمق صحیحدر .

چونکه هم معین و موجود و هم انفصالی قابلدر . §

فقط اصل خلقت ایله دیگر شیء متصل اولوبده انفصالی ممکن

اولیان بر مالی صائمق باطلدر .

مثلاً دیری قیونك دریسق صائمق باطلدر . زیرا قیون كسلمدكجه

دریسق تسلیم ممکن دكلدر . ۸۵۶ نجی ماده شرحه نظر بیوريله .

۲۰۷ ماده افرادی متلاحق اولان یعنی بردن ظهور

ایتموبده رفته رفته ظهوره کلان میوه و شکوفه و یاپراق

و سبزهك بر مقدار ی بلورمش اولدینی حاله انلره تبعاً انلره

برابر هنوز بلورممش اولانلری دخی طوبدن صائمق

صحیح اولور .

معدومك یی باطل اولمسه قیاساً بومسهك بطلانی لازم كلور

ایسه بالذات تجویز اولنیلان شی بالتبع تجویز اوله بیلور قاعده سه

بناءً واستحساناً امام محمد حضرتلری جانبندن تجویز اولنمشدر .

وجه استحسان مضبطه معلومه ده بیان قلنمشدر .

۲۰۸ ماده جنسی بیان اولنهرق صانیلان شی بشقه

جنسندن چیقسه بیع باطل اولور .

مثلا بایع صرچه بی الماس دیو صائنه باطلدر .

میبع جنسی بیان اولندقدده عقد مسایه تعلق ایدر میبع بیان اولنان جنسك غیرى ظهور ایدنجه حین عقدده میبعه « شوالماس » دیواشارت اولنسون اولنسون مسمی بولنمیه جفتدن عقد باطل اولور .

۲۰۹ ماده تسلیمی ممکن ومقدور اولیان شیئی

صاتمق باطلدر .

مثلا دریایه باطوبده اخراجی ممکن اولیان قایقک وطوتوبده تسلیمی ممکن اولیان برفراری حیوانک بیی باطلدر .

هرنه قدر قایقی چیقارمق وحیوانی طوتمق ممکناتدن ایسهده ۱۹۸ نجی ماده شرحنده بیان قلندیغی اوزره خرج ومشقته متوقف اولدیغندن شرعاً معدوم حکمندهدر .

§

تسلیمنده بایع ایچون ضرراولان شیئی صاتمق فاسددر .

۲۱۰ ماده بین الناس مال اولیان شیئی صاتمق یاخود

انکله برمال صاتون آلمق باطلدر .

مثلا لاشه بی وحر اولان بی آدمی صاتمق ویاخود انلرک مقابلنده برمال اشترا ایتک باطلدر .

زیرا بیع مالی ماله مبادله اولوب مال اولمیان شیئی صاتمق یاخود آنکه برمال صاتون آلمق موضوع بیعه مخالفدر . موضوعه مخالف اولان شی دخی باطلدر . فقط حقوق مجردهدن ویا مباح اولان شیر برماله تبعاً صاتیله بیلور . ۲۱۶

۲۱۱ ماده متقوم اولمیان مالی صاتمق باطلدر .

بیعه مقصود اصلی میعدر . میبع متقوم اولمیانجه مقصد حاصل اولماز .

۲۱۲ ماده متقوم اولمیان مال ایله برمال صاتون آلمق فاسددر .

بوحالده متقوم اولمیان مال ثمن حکمنده بولنیور . بیعه ثمن مقصود اصلی اولیوب مبادله امواله وسیله اولدیغندن بونک مال غیر متقوم اولسی بیعی ابطال ایتیوب افساد ایده یور . چونکه بیع رکنی اولان مبادله موجود اولدیغندن اصل بیعه فاسق اولیوب وصفنده اولمغله باطل اولیوب فاسد اولیور .

§

شو ایکی مادهدن مستبان اولدیغنه کوره بیع مقایضه بدلندن بری مال متقوم، دیکری مال غیر متقوم اولدینی تقدیرده بدلنسک ایکسیده هم میبع و هم ثمن اولسنه منی مال غیر متقومه کوره عقد باطل و مال متقومه کوره عقد فاسد اولور و بو صورتله بر عقد حقنده ایکی حکم جریان ایدر .

۲۱۳ ماده مجهولک بیعی فاسددر .

مثلاً بايع مشتری به مالک اولديغ کافه اشياي سکا شو قدر غروشه صاتم
ديوب مشتری دخی آلدن دیسه ولکن اشيا مشترینک معلومی اولسه بیع فاسد
اولور .

شو مثالدن دخی اکلاشیله جغه کوره بیعک فساد ایچون
میعک تسلیم وتسلمه محتاج شیلردن ایسه جهالت فاحشه ایله مجهول
اولماسی لازمدر . میع مشتری عننده مجهول اولنجه بالا خره
نزاعی موجب اولور . نزاع رضایه مخالفدر . حال بوکه بیعک صحتی
ایچون رضا شرطدر .

§

فقط میع بايع عننده مجهول اولورسه بیع فاسد اولماز .
مثلاً بر کیمسه کندوسه ارنآ انتقال ایدن بر مالی، معلومی
اولمقسزین صاتسه بیع صحیح اولور و آرتق بومال مجهول ایدی
دیهرک بیعی فسخ ایدمز . چونکه کندوسی ایچون میعی اکلامق
اقتداری وار ایکن آکلامقسزین صاتسی هر نه اولور ایسه اولسون
بیعه راضی اولدیغنه دلالت ایدر . هر کیمکه کندو طرفدن تمام
اولان شیئی نقض ایتکه سعی ایدر ایسه سعی مردود اولور .

§

ککاک میعک مشتری عننده جهالت یسیره ایله مجهول اولمی
بادی نزاع اولیه جغندن بیعی افساد ایتمز . ۳۱۶

برده تسلیم وتسلمه محتاج اولیان شیلرده میع جهالت فاحشه
ایله مجهول اولسه بیله بیع فاسد اولماز یعنی صحیح اولور .

مثلاً بر کیمسه فلان کیمسه نک بر مالی و ذیعه اوله رق یدمده
موجوددر دیو اقرار ایتدکن صکره اومالی او کیمسه دن صاتون
آلسه هر نه قدر حین بیعه اومالک نه اولدیغی ومقداری تعیین وتسمیه

ایدلمسه بیله بیع صحیح اولور . مادامکه ید امانتده در کند و سنجه معلوم دیمک اولمغله نزاعه محل قالمیه جفندن حین بیده تعیین و آسمیه ایدنامسی عقدی افساد ایتمز .

۲۱۴ ماده بر ملک عقارک قبل الافراز بر حصه معلومه

شایعه سنی مثلاً نصفنی یاثلثنی یاخود عشرینی صاتمق صحیحدر .
[ملک] قیدی وقندن احتراز ایچوندرد ؛ زیرا اوقافک تصرفی احکام مخصوصهیه تابعدر . [عقار] قیدی وقوعیدر . چونکه منقولاتک دخی قبل الافراز بر حصه معلومه شایعه سنی صاتمق جائددر .
[حصه معلومه] قیدی حصه مجهوله دن احتراز ایچوندرد .
اگر حصه شایعه نک مقداری مجهول اولور ایسه بیع فاسد اولور .

§

حصه معلومه شایعه نک قبل الافراز بیعی جائز اولسی سبینه کلنجه ؛ بیع امر حکمی اولدیغندن حصه شایعه نی مشترییه عیناً تسلیم ممکندر . و مشاع کرک قابل قسمت اولسون کرک اولسون مساویدر . چونکه بایع شریکی ایله مشترکاً اصل استفاده ایده یور ایسه مشتری دخی اولیله جه استفاده ایده بیلور . کتاب الشریکته بوکا دائر تفصیلات واردرد .

۲۱۵ ماده بر کیمسه حصه شایعه سنی شریکندن اذن

آلمقسزین آخره صاته بیلور .

۱۱۹۲ نجی ماده حکمنجه هرکس کند و ملککنده کیف مایشاء تصرف ایده بیلور . کرک منقول اولسون کرک غیر منقول اولسون . فقط

میبع ملک عقار ایسه شریکی ایچون حق شفعه ثابت اوله رق کتاب
الشفعه احکامنه توفیق معامله اولنق لازم کلور .
برده مال مشترک مخلوط ویا مختلط اولدینی تقدیرده ۱۰۸۸ نجی
ماده حکمنجه مشارکنک اذنی لازمدر .

۲۱۶ ماده ارضه تبعاً حق مرورک وحق شربک
وحق مسیلک وقنواته تبعاً صویک بیعی جائزدر .

حق مرور وحق شرب وحق مسیل حقوق مجرددن
اولدیغندن قابل اعتیاض دکلدر . صو ایسه اوت و آتش کبی ذاتاً
مباحدر . ۱۲۳۴ بنا برین بونلردن صویک بالاتفاق و دیگرلرینک
مقتایه اولان قوله کوره مستقلاً بیعلری جائز اولیوب بالذات
تجویز اولنمیان شی بالتبع تجویز اولنه بیلور قاعده سنه بناء ارضه
وقنواته تبعاً بیعلری تجویز اولنمشدر . ۱۱۴۵ فقط ۱۱۶۸ نجی
ماده دن منضم اولدیغنه کوره بعضاً حقوق مجردد دخی بیع
اولنه بیلور .

قنوات ، قناتک جمعیدر . قنات ، قافک فتحیه یرده صو اجرا
ایده جک کونک وکاریز مثللو صو یولیدر .

مثلاً برکیمسه قنات مملوکه سنده جریان ایدن شوقدر ماصورا
صوینی قنات مذکوره ایله برابر دیگر کیمسه یه بیع ایتسه صحیح
اولور .

§

میبع جنسنک غیریله صاتیلور . بناءً علیه برجنسدن اولان میبع
عین جنسندن اولان مال ایله صاتیله مر .

چونکه برجنسیدن اولان شیلرک انواعی تغیر ایدر بری دیگرندن
اعلا اولور . بوضورتله برطرف ایچون حاصل اولان زیاده فائده نك
مقابلی اولمدیغندن غیر جائزدر . مثلاً برکیله بغدادی مقابلهنده برکیله
بغدادی صاتلقدده بغدادیلرک ایکسیسیده برترلا محصولی اولمق کبی
جنسا ونوعاً ووصفاً متحد ایسه لر شو مبادلهده برغرض مشروع
بولکندمه جغندن لغو اولور . جنساً متحد ونوعاً ووصفاً مختلف
ایسه لر برطرفک ویردیکی ادنا بغدادی مقابلهنده آلدینی اعلا بغدایک
فضلهسنه بلا بدل مالک اوله جغندن ربا اولمغه غیر جائزدر .

کذلک بر جنس مسکوکات عین جنس مسکوکات ایله صاتیله من .
فقط بر جنس مسکوکات نوعی مسکوکات ایله صاتیله بیلور .

مثلاً بر عدد سیم مجیدیه ینه بر عدد سیم مجیدیه ایله صاتیله من .
فقط سیم مجیدیه اوقافلنی اولان چاریک وغروشلق سیم مسکوکات
ایله صاتیله بیلور .

دینی دین ایله بیع دخی باطلدر . زیرا بیع ملی ماله مبادلهدر .
دین ایسه مال دکلدر .

کذلک دینی مدیوندن بشقهسنه تملیک دخی جائز دکلدر .

فصل ثالث

بیمیعک کیفیت بیعنه متعلق مواد بیانندهدر

۲۱۷ ماده مکملات وموزونات وعددیات ومذروعاتک

کیل ووزن وصایی وذراع ایله بیعی صحیح اولدینی کبی
جزافاً صاتمق دخی صحیحدر .

مثلاً بايع بريغين بغدادی و برطام صافی و بریغین طوغله یی و بر دنك
متاعی کوتوری صاتسه صحیح اولور .
شو قدرکه جزافاً یعنی کوتوری صاتشده مبيعك ممیز و مشار الیه
اولمسی شرطدر .

۲۱۸ ماده حبوباتی برمعین قاپ و اوچك ايله اوچلوب
ویا خود برمعین طاش ايله طارتوب صاتسه هر نه قدر
اول قاپ و اوچك نه مقدار ایدوکی و طاشك قاج قیه
و درهم اولدینی معلوم دکلسه ده بیع صحیح اولور .

زیرا مبيعك مقدارینی تعیین ایچون آنلر برر مقیاسدر . فقط
کیل و درهم کی مذکور مقیاسلرک مقداری معلوم اولمديغندن بیع
لازم اولماز . اول قاپ و اوچك نه مقدار و طاشك قاج قیه و درهم
ایدوکنه مشتری مطلع اولدقده کندوسنه « خیار کشف الحال »
ثابت اوله رق عقد یارضا سیله لازم اولور و یا خود فسخ ایدیلور .

§

[طارتوب صاتسه] تعییندن مستبان اولدیغنه کوره بوماده
مبيعك معجلاً نسلینی صورتیله قلمه النشد . اگر مقدار وثقلتی
معلوم اولمیان برمعین قاپ و یا اوچك و یا طاش ايله طارتمق اوزره
صاتسه بو تقدیرده اول قاپ و اوچكك قبض و بسطه قابل و طاشك
او فقلتمغه مستعد اولماسی شرطدر . چونکه زنییل کی قبض
و بسطه قابل اولان شی ايله مبيع اوچلدا کده مشتریك « ایوجه
ایلمدن طارتلدی » و او فقلتمغه مستعد طاش ايله طارتلدقده

« اولجه كوردېكم كې دكلدر اوفقلانمش » دېرك نراع ايلمسی
محمل اولديغندن عقد فاسد اولور .

۲۱۹ ماده منفرداً صاتلمسی جائز اولان شېك

مبيعندن استثناسی دخی جائز اولور .

مثلاً بايع بر آغاجك ميوه سندن شوقدر قيه سی کندوسنه قالمق اوزره
باقیسی صاتسه صحیح اولور .

منفرداً صاتلمسی جائز اولمان شېك مبيعندن استثناسی دخی جائز
اولماز .

مثلاً بر که حیوانك بيعنده قارنده کی یاورسی استدا ایداسه
بیع فاسد اولور .

زیرا بيعك حکمی مالکیتدر . ملکیت ايسه مالک ایچون کیف مایشاء
تصرف ایده بيلمك حققی استلزام ایدر . مبيعندن انفکاک قابل اولمان
شېك بايعك ملکنده قالمسی مشتریك کیف مایشاء تصرفنه بايع طرفندن
ممانعت ایقاعنه سبب اوله بیله جکندن مبيعندن استثناسی جائز دکلدر .
فقط منفرداً صاتلمسی جائز اولان شیلرده شو محذور وارد
اولديغندن مبيعندن استثناسی جائزدر .

۲۲۰ ماده . مقداراتك يالکز افراد و اقسامنه بها تقدير

ایدرک طوبدن صاتمق صحیح اولور .

مثلاً بر بیغین بقدایی وبر قایق اودونی وبر سوری قیونی وبر پاستال
چوقه یی کیله سی یاچکیسی یا قیه سی ویا هرأس یاخود هر ذرائی شوقدر غروشه
اولق اوزره صاتمق صحیح اولور .

یعنی عقد بیع مجموعی اوزرینه واقع و مجموعنده لازم اولور .

مقدراتك بيمنده دوت صورت اوله بيلور . برنجيسي : جزافاً
صائمقدركه ۲۲۷ نجی مادهده بيان قلندي ، ايكنجيسي : افراد واقسامنه
صائمقدر ايتيوب فقط طوبنك مقداری وبهاسی بيان اولنهرق صائمق
وچنجيسي : هم افراد واقسامنه بها تقدير وهمده طوبنك مقداری
بيان اولنهرق صائمقدركه ۲۲۳ نجی ماده ايله مواد تاليهسنده بيان
ولنور ودردنچيسي : يالكز افراد واقسامنه بها تقدير ايدرك فقط
طوبنك مقداری وبهاسی بيان اولنهقسزين صائمقدركه ماده مشروحهدهكي
يعدن مقصد بودر .

مجله جمعيتك مضبطهسنده بيان اولنديني وجهله اشبو مادهده
نور صيره مسئلهسي امامين حضراتنك قوايدر . امام اعظم
حضرتلرينك اجتهادينه كوره بريغين بغدادی وپر قايق
ودون وپر پاستال چوقه كي شيلرك مقداری مجهول اولوب
جهالت ايسه نزاعه مؤدى و عقدی مفسد اولمغله بونلرك كيلهسي
چكيسي ياقهسي شوقدر غروشه ديو بيعده يالكز بر كيله يار چكي
يا برقهسي حقنده بيع صحيح اولور . مكركه ميبك اول مجلسده
ولجيلوب مقداری اكلاشيلهرق جهالت مرتفع اوله . قيون كي افرادي
سنده تفاوت بولنان شيلرده ايسه اسباب محررهه مبنی برقيون حقنده
يله بيع صحيح اولماز . مكركه شواون رأس قیونی بهری یوزر غروشدن
يك غروشه صائدم كي مجموعنك مقداری وبهاسی تعيين اولنمق مثللو
سبب ايله جهالت رفع ايديله .

۲۲۱ ماده محدود اولان عقارات ذراع ودونم ايله

سالمديني كي تعيين حدود ايله دخی صائيلور .

یعنی محدود اولان عقار ذراع و دونم ایله بیع اولندوقده تعیین حدود اولنمسه بیله بیع صحیح اولدینی مثللو تعیین حدود ایله صاتیوبده ذراع و یا دونم بیان اولنمسه بیع ینیه صحیح اولور . زیرا میبع اشبو صورتلرک هربری ایله معین و معلوم اولور .

۲۲۲ ماده عقد بیع نه مقدار اوزرینه واقع اولورسه

آنحک اکا اعتبار اولور .

بوماده اصل اولوب زیرده کی مواد بوکا متفرعدر .

۲۲۳ ماده مکملات و عددیات متقاربه ایله تبعیضند

ضرر اولیان موزوناتدن بر مجموعک مقداری بیان اولنه رق

صاتیقده کرکسه یالکیز اول مجموعک ثمنی ذکر اولنسون

کرک کیه سنک یاعدد ووزنتک بهاسی بیان و تفصیل اولنسون

بیع صحیح اولور . فقط لدی اتسایم تمام چیقارسه بیع لار

اولور . و ناقص چیقارسه مشتری مخیر اولوب دیلرسه بیع

فسخ ایدر و دیلرسه ظهور ایدن مقداری ثمندن حصه

آلور .

ینی میبع ناقص چیققدقه تفریق صفقه لازم کلدیکی و مقد

موجوده مشترینک رضایی بولمیدینی ایچون مشتری مخیر اولور

وبوکا « خیار تفریق صفقه » دینور .

وزائد چيقارسه زياده سي بايعكدر.

چونكه عقد مقدار معين اوزرينه واقع اولوب اول مقدار
دخی موجود اولديغندن و تقريق و تبعيضی مضر و منازعه يه مؤدی
اولمديغندن بيع صحيح و لازم اولوب مقدار ميبی مشتری
و بونلرده مقدار وصف قیلندن اولیوب بیعه داخل اولدیغی جهتله
زياده سي بايعكدر. بناءً عليه بوصورت اخيره ده طرفیندن هیچ بری
مخیر اوله ماز.

مثلاً بايع بريغين بغدادی طوبدن اوله رق الی کيله اولق اوزره بش یوز
غروشه یا خود الی کيله اولق اوزره هر کيله سی اوزر غروشه صا تندقده
تمام کلورسه بيع لازم اولور و قرق بش کيله چيقارسه مشتری مخیر اولوب
ایسترسه بیی فسخ ایدر ایسترسه قرق بش کيله بی درت یوز الی غروشه
آلور والی بش کيله چيقارسه فضله سی اولان بش کيله بايعكدر.

و کذا برکوفه یورطه یوز عدددر دیو الی غروشه یا خود یوز عدد دیو
دانه سی یکر میشر بازه یه صا تندقده عند التسلیم طقسان عدد چيقارسه مشتری مخیر
اولوب دیلرسه طقسان یورطه یی قرق بش غروشه آلور و اگر یوز اون
عدد چيقارسه فضله سی اولان اون یورطه بايعكدر.

کذاک برفوچی یاغ یوز فیه اولق اوزره صا تلسه حکمی منوال مشروح
اوزره در.

۲۲۴ ماده تبعیضنده ضرر اولان موز و ناتدن بر مجموعك

مقداری بیسان و یا لکیز اول مجموعك بهاسی ذکر اولنه رق

صا تندقده «بيع صحيح اولوب فقط» لدی التسلیم ناقص چيقارسه
«بومقوله موز و ناتده وزن وصف قیلندن اولوب اول وصف تماماً
موجود اولدیغی و بوندن طولای مشتری ایچون ضرر ملحوظ

مرغوبك فقدانی لازم كلدیكندن و زیاده چیقارسه تبعیضی مضر
اولدییی جهته بایعه رد اولنه میوب و مشتری آلدییی حالدیه ثمنك
تزییدی لازم كلوب زیاده بی التزام ایسه نفع ایله قاریشیق بر ضرر
اولدیغندن مشتری مخیر اولیور . یاییقی فسخ ایدر یاخود میبعك
اقسام واجزا سندن هر برینك بهاسی بیان اولمق سببیه وزن من وجه
اصل اولوب یعنی كندو اوزرینه صراحة عقد واقع اولمامش
ایسه ده تبعاً عقده داخل و ثمندن حصه سی بولندیغندن اقسام واجزا
ایچون بیان اولنان بها حسابیه یعنی نقصان چیقمش ایسه ناقصه
ثمندن اصابت ایدن حصه تنزیل اولندقدن صكره باقی ثمنه ، زیاده
چیقمش ایسه زائده اصابت ایدن حصه نك ثمن مستمایه ضم و علاوه
سیله آلور .

مثلا بش قیه در دیو هر قیه سی قرقر غروشه صاتیلان بر باقر منغال درت
بجق یاخود بش بجق قیه چیقسه ایکی صورتده دخی مشتری مخیر اولوب
دیلمسه ترك ایدر و دیلمسه اول منغالی درت بجق قیه ایسه یوز سكسان
غروشه و بش بجق قیه ایسه ایکی یوز غروشه آلور .

۲۲۶ ماده كرك عرصه اولسون و كرك امتعه واشیای

سائر اولسون علی العموم مذروعاتدن بر مجموعك . مقداری

ریالكنز اول مجموعك بهاسی بیان یاخود ذراعنك دخی

های تفصیل اولنه رق صاتلدقده ایکی صورتده دخی حكمی

۲۲۴ ، ۲۲۵ نجی ماده لرده بیان اولندیغی وجهله « تبعیضنده ضرر

ولان موزوناتك حكمی كییدر . فقط كرباس و چوقه مثلاو

قطع و تبعیضنده ضرر اولیان امتعه واشیا « ۲۲۳ نجی ماده ده
بیان اولنان » مکملات حکمنده در .

مثلاً یوز آرشون اولق اوزره بیک غروشه صاتیلان بر عرصه طقسان
بش آرشون چیقسه مشتری بخیر اولوب دیلرسه ترك ایدر و دیلرسه اول
عرصه بی بیک غروشه آلور وزائد چیقسه مشتری تماماً اول عرصه بی بیک
غروشه آلور .

و کذا برقات روبه اقی اولق اوزره یاپلمش اولان بر طوب قشاش سکر
آرشوندر دیو درت یوز غروشه صاتلسه یدی آرشون چیقدینی تقدیرده
مشتری بخیر اولوب دیلرسه ترك ایدر و دیلرسه درت یوز غروشه اول طوب
آلور و طقوز آرشون چیقدینی صورتده مشتری تماماً اول طوبی درت یوز
غروشه آلور .

چونکه ذراع و صفدر . الحبق بوراده و صفدن مقصد بر شیئه
صفت عرضیه سی معناسی اولیوب معنای اصطلاحی سیدر . شویله که
وصف اصطلاح فقهاده بر شیئه تابع غیر منفصل اولوب انده حاص
اولدقده حسنی زیاده ایدن شیئه دینور .

بومعناجه وصف حد ذاتنده جوهر دخی اوله بیلور . برطوب
قماشک بر ذراعی کی .

سالف الذکر مثاللرده عرصه نک یوز و برطوب قماشک سکر
ارشون اولدیفنک بیانی کمال حسنی اتیان اولوب الحبق عرصه و قش
طوبدن صاتلمش و تبعیضنده ضرر اولان مواددن بولنش اولدیفنک
انک ثمنندن وصفی حصه دار اوله میه جنی جهتله مقدار مذکور
نقصان ظهور ایتدکده ثمنندن برشی تزیلی لازم کلز ایسه ده ح
و کما انه نقصان عارض اولسی حسیله مشتری آرزوسنه تماماً
اوله میه جفندن طولایی بخیر اولور .

كذلك يوز ارشون اولق اوزره هر ارشونی اوتر غروشدن دیو صاتیلان
رعصره طقسان بش یاخود یوز بش ارشون چیقدینی تقدیرده مشتری بخیر
ولوب ترك ایدر. یاخود طقسان بش ارشون ایسه طقوز یوزاللی غروشه ویوز
بش ارشون ایسه بیک الی غروشه آلور .

و کذا برقات روبه لقی اولق اوزره یایلمش اولان برطوب قاش سکز ارشوندر
دیو ارشونی الیشر غروشه صاتلنه یدی یاخود طقوز ارشون چیقدینی صورتده
مشتری بخیر اولوب ترك ایدر . یاخود یدی ارشون ایسه اوچ یوز الی غروشه
وطقوز ارشون ایسه درت یوز الی غروشه آلور .

بومثالرده اجزاء ثمن اجزاء مبیعه تقسیم ایدلمش اولدیغندن بونلرده
ذراع وصف درجه سنده قالمیوب قدر مرتبه سینه ارتقا ایده جکندن
تمدن حصه دار اولور .

اما برپاستان چوقه یوزاللی ذراع اولق اوزره یدی بیک بش یوز غروشه
دیو یاخود هر ذراعی الیشر غروشه دیو صاتلنقدده یوز قرق ذراع چیقسه
مشتری بخیر اولوب دیلرسه بیعی فسح ایدر . و دیلرسه یوز قرق ذراعی یدی
بیک غروشه آلور . و اگر زائد چیقارسه زیاده سی بایع کدر .

بونده ارشونی شوقدر غروشه در . دیو تفصیل ثمن ایدلماش
اولمسند بآس یوقدر . تفصیل ثمن ایدلسون ایدلسون ۲۲۳ نجی ماده ده
بیان قلندی بی وجهله تبعضنده ضرر اولمیان موزونات حکمنده در .

۲۲۷ ماده عدیات متفاوتده یالکز مجموعک مقدار بهایی

بیان اولنه رق صاتلنقدده عندالتسلیم تمام کلورسه بیع صحیح
ولازم اولور . و ناقص و یاخود زائد کلورسه ایکی صورتده
دخی بیع فاسد اولور .

مثلا الی رأسدر دیو ایکی بیک بش یوز غروشه صاتیلان برسوری
قیون عندالتسلیم قرق بش یاخود الی بش رأس چیقسه بیع فاسد اولور .

چونكه يالكز مجموعك مقدار بهاسى بيان اولنوب احاد و افرادينك بهاسى تفصيل اولنديغندن و عديديات متفاوتدن اولان شيلر قيمي اولمغله عدد ، تبعيضنده ضرر اولان موزونات و مزدرو عاتدن يالكز مجموعك مقدار بهاسى ذكر اولنه رق صاتي لان شيلرده اولدينى كى وصف قىلندن اوليوب ثمندن حصه سى بولنديغندن اجزاء ثمن اجزاء مبيعه انقسام ايده چكى جهتله نقصان صورتنده ناقصك ثمن مسمان حصه سى تعين ايده مزكه ثمندن اول مقدار تنقيص اولنه بياسون بوحالده ثمندن تنقيص اولنه حق مقدارك جهالتى ثمنك جهالته و جهالت ثمن دخى فساد بيهه مؤدى اوله جنندن بيع فاسد اولور .

زياده صورتنده زائد عقده داخل اولدينى جهتله بايعه ردى لازم كله جكسندن ورد اولنه حق زائدى بايع قيمتى زياده اولانلردن المى و مشترى دخى قيمتى آزا اولانلردن ويرمك ايستيه جكسندن بيلرنده منازعه يه مؤدى اوله حق صورتده زائد مجهول اولور . بونك جهالتى مبيعك جهالتى موجب اولمغله ينه بيع فاسد اولور .

۲۲۸ ماده عديديات متفاوتده مجموعك مقداريله احاد

و افرادينك بهاسى بيان و تفصيل اولنه رق صاتلده عند التسليم تمام كلورسه بيع لازم اولور و ناقص چيقارسه مشترى مخير اولوب ديلرسه ترك ايدر و ديلرسه اول مقدارى ثمن مسمان حصه سيله آلور و زائد كلورسه بيع فاسد اولور .

مثلا الى رأسدر ديو هربرى اليشر غروشه صاتي لان بر سورى قيون قرق بش رأس چيقسه مشترى مخير اولوب ديلرسه ترك ايدر و ديلرسه قرق

بش قیونی ایک بیك ایکی یوزاللی غروشه آلور واللی بش راس چیقارسه
بیع فاسد اولور .

مجموعك مقداريله برابر آحاد وافرادیك دخی بهاسی بیان
و تفصیل اولندقدده مجموع، ناقص چیقارسه آحاد وافرادیك ثمندن حصه سی
معلوم اولمغله ناقص چیقان مقدارك ثمنی دخی معلوم اولور و بناءً علیه
بیع فاسد اولماز . فقط تفرق صفقه لازم کلدیکی ایچون مشتری مخیر
اولور . زائد چیقارسه زائد بایع ایله مشتری بیننده ماده سابقه
شرحنده ایضاح اولندینی وجهله منازعه یه مؤدی اوله حق صورتده
مجهول اولمغله میبع مجهول و بیع دخی فاسد اولور .

۲۲۹ ماده مواد آنفهدن مشتریك مخیر اولدینی
صورتلرده مشتری میبعك ناقص اولدینی بیلهرك قبض
ایتد کدن صکره بیعك فسخنده مخیر اوله ماز .

بیلهرك قبض ایتسی میعی نقصان اوله رق قبوله راضی اولدیغنه
دلالت ایدهور و بوصورتله خیار ساقط و بیع لازم اولیور . آرتق
کنبو طرفندن تمام اولان شیئی نقض ایتکه سعی ایدرسه سعی
مردوددر .

فصل رابع

صراحة ذکر اولنمقسزین بیمده داخل اولوب

اولمیان شیلر بیانندهدر

۲۳۰ ماده عرف بلدهده میبعك شامل اولدینی هر

شی من غیر ذکر بیعده داخل اولور .

یعنی مشتملاتک دخی میعه تبعاً صالتلمسی شرط اولنمش عد اولور . زیرا عرفاً معروف اولان شی شرط قلنمش کیدر . و بوراده کی [بلده] دن مقصد بیعک عقد اولندی محلدلر .

مثلاً خانه بیعنده مطبخ و کیلاری و زیتونلک بیعنده زیتون آغاجلری من غیر ذکر داخل اولور . زیرا مطبخ و کیلار خانهک مشتملاتندلر . و زیتونلک برطاقم زیتون آغاجلری حای اولان ارضه اطلاق اولور . یوقسه یالکز برارضه زیتونلک تعبیر اولماز . ۱۱۶۳

۲۳۱ ماده میعک جزئی حکمنده اولان یعنی غرض

اشترایه نظراً میعدن انفکاک کی قابل اویان شیلر من غیر ذکر

بیعده داخل اولور .

مثلاً کلیدک بیعنده مفتاحی و سوتی ایچون آنان اینکک بیعنده سوت امن یاوریمی من غیر ذکر داخل اولورلر .

یعنی برشیء مالک اولان انک ضروریاتندن اولان شیئه دخی مالک اولور . زیرا مملوکیدن استفاده ضروریاتندن اولان شیئه مالکیتله تام اولور . نتهکیم مثاله بیان قلنان کلیددن غرض اشترا اولان آجیلوب قیامقی ایچون مفتاحک وجودی ضروریدر .

۲۳۲ ماده میعک توابع متصله مستقره سندن اولان

شیلر من غیر ذکر بیعده تبعاً داخل اولور .

مثلاً برقوناغک بیعنده میخانمش کلیدلر و یرلی دولاب و مندرلکار کی یرلی اولقی اوزره موضوع و مبنی اولان شیلر وحدودی داخلنده اولان باغچه سیله طریق عامه یاخود چیقماز زقاقه موصل اولان یوللر و باغچه و عرصه

بیعنده مستقر اولق اوزره مغروس اغاجلر بازارلقده تصریح اولمسه دخی
بیعدن آیرلیوب برابر صاتلش اولورلر .

زیرا وجودده برشیئه تابع اولان حکمده دخی اکا تابع اولور .
مکن توابع متصله نك فعلاً استقراری کافی اولیوب مستقر اولق
اوزره موضوع و یا مغروس اولسی لازمدر . بناء علی ذلک صاتیلان
رباعیجده آخره نقل اولتق اوزره دیکلمش اولان فداتلر استقرار
صدیله مغروس اولدیغندن تبعاً بیعده داخل اولماز .

۲۳۳ ماده اسم میبعك مشتملاتندن یا خود میبعك
وابع متصله مستقره سندن اولیان و میبعك جزئی حکمنده
و یا انکله برابر صاتلسی عرف و عادت اقتضاسندن بولمیان
شیلر خین بیعده ذکر اولندجقه بیعده داخل اولماز . فقط عرف
و عادت بلده جه میبعه تبعاً صاتیله کلان شیلر من غیر ذکر بیعده
داخل اولور .

مثلاً خانه بیعنده یرلی اولیان دولاب و قنه په و صندالیه کبی یرلی اولیوبده
اولدیملق اوزره موضوع اولان شیلر « میبعك مشتملاتندن اولدیغندن »
رباع و باغچه بیعنده لیمون و چیچک صاقسیلری « میبعك جزئی حکمنده بولندیغندن »
و آخر محله نقل اولتق اوزره دیکلمش اولان فداتلر و اراضی بیعنده اکین
و اشجارک بیعنده میوه « مستعد انفصال اولوب میبعك توابع متصله »
مستقره سندن اولدیغندن میبع ايله برلکده صاتلملری عرف و عادت
بلده اقتضاسندن اولدیغی تقدیرده « بازارلقده ذکر و شرط اولندجقه میبع
ایله برابر صاتلش اولمازلر . فقط برلکده صاتلسی عرف و عادت اولان یرلرده

بنك آتئك كى ويوك باركيريئك يولارى من غير ذكر بىعده داخل اولور .
زيرا عرف ايله تعيين نص ايله تعيين كيدير .

۲۳۴ ماده تبعا بىعده داخل اولان شئيئك ثمندن حصه سى

يوقدر .

مثلا يوك باركيريئك قبل القبض يولارى سرقت اولنسه ثمن مسمان برشى
تنزيل ايمك لازم كلز .

زيرا تابع اولان شئيئ آيروجه حكم ويرييله مز .

§

تابع اولان شى بايئك صنع و تقصيرى اولمقسزىن ضايع ويا
تلف اولسه ثمن مسمان برشى تنزيل ايمك لازم كلز . چونكه
هم وصف قىلندندر همده بايئك يئنده امانتدر . امانت ايسه مضمون
دكلدر . يالكز مشترى خييار وصف ايله مخير اولور .

فقط مذكور زياده بايئك صنع و تقصيرى ايله تلف ويا ضايع
اولورسه ضمان لازم كلور . ۷۶۸

۲۳۵ ماده حين بىعده علاوه اولنان بعض الفاظ

عموميه نك شامل اولدينى شيلر بىعده داخل اولور .

مثلا بايع شو خانهى جميع حقوقيله صاتم ديسه اول خانه نك حق مرورى
و حق شرعى و حق مسيلى بىعده داخل اولور .

زيرا [جميع] لفظى الفاظ عموميه دندر . على طريق الاجتماع
عمومه دلالت ايتديكندن بايع شو خانهى عموم حقوقيله صاتم
ديئك اولور .

§

[حق مرور] دن مقصد غيرك ملككنده اولان حق مرور

دیکدر . طریق عامه یا خود چیقماز زقاقه یعنی طریق خاصه موصل
اولان یوللرک ، مبیعک توابع متصله مستقره سندن اوله رق من غیر
کر بیعه تبعاً داخل اوله جنی ۲۳۲ نجی ماده ده بیان قلندیگی کی
۹۲۶ نجی ماده ده محرر اولدینی اوزره هرکسک طریق عامده حق
مروری اولدیغندن طریق عام اختصاص قبول ایتمز . بناء علیه بیعه
داخل اولماز . الفاظ عمومیه شامل اولسون اولسون مشتری
طریق عامدن مرور ایده بیلور .

کذلک [حق شرب] دخی انهار مملوکه دن اولمق لازمدر . انهار
غیر مملوکه ده هرکسک حق شربی واردر اختصاص قبول ایتمز .
۱۲۳۸ ، ۱۲۳۹

[حق مسیل] ذاتاً مملوک اولدیغندن یا صراحة ویا الفاظ عمومیه
دالایله بیعه داخل اولور .

استطراد

حق ؛ کله سی پک چوق کره ذکر اولنه جغندن معنی و صورت
استعمالی ایضاح ایده لم . شویله که : حق ؛ کله سنک لغتده اوتوزدن
زیاده معناسی اولوب فقط اکثریا مطابقت معناسنده استعمال اولنور .
نته کیم « حق اولان بوصورتدر » دنیلده کده صورت مزبور هک موافق
نفس الامر اولدینی مراد اولنور .

اکثریا جمع اوله رق قوللانیلان « حقوق » لفظی اصطلاحده
اولاً اقتدار و صلاحیت شرعیه و قانونیه دنیلور . بر ادمک حقوق
شخصیه سی کی .

بو اقتدار و صلاحیت عمومیه عائد ایسه « حقوق عمومیه » و
 شایان اعتنا اولدیغی بیان ایچون « حقوق الله » دنیلور .
 ایکی ویاز یاده کیسه لر بیننده مشترک ایسه « حقوق مشترکه »
 اطلاق اولنور .

حقننده حکم شرعی لاحق اولمق ایچون حائز حقوق بر شیئه تابع
 اولمسی اقتضا ایدرسه « حقوق مجرد » دنیلور . ماده مشروحه ده
 ذکر اولنان حق مرور و حق شرب و حق مسیل کبی که میعه تابع
 و لازم اولان شیر اولوب میبع ایله بر لکده و بر عقدده صاتیلور
 بونلردن بشقه ارباب حقوق بیننده فی زماننا شو معنالرده دخی
 استعمالی عرف اولمشدر .

۱ : حقوق لفظی ؛ برملک قوانینک مجموعی معناسنی متضمندر
 روما حقوقی کبی .

۲ : برملک قوانینک بر قسمی معناسنده مستعملدر . حقوق
 تجارت ، حقوق جزائییه کبی .

۳ : قوانین دولت علیه ده حقوق جزائییه و تجارت مقابلی
 ذکر اولمشدر . اصول محاکمات حقوقیه قانونی ، حقوق محکمه لری
 کبی .

۲۳۶ ماده بعد العقد وقبل القبض « بیع قطعی ایله صاتیلان »
 بیعه حاصل اولان ثمره و زیاده مشترییه عائد اولور .

مثلا بر باغچه صاتلقدده قبل القبض حاصل اولان میوه و سبزه مشترییه
 عائد اولور . كذلك صاتلمش اولان ایشک قبل القبض تولد ایدن یاورسی
 مشترییه مالیدر ،

زیرا بیعك انعقاديله مشتری ۳۶۹ نجی ماده حکمنجه میعه مالک اوله جغندن میعدن حاصل اولان ثمره و زیاده دخی مالک اولور .
و میع ایله حاصل اولان ثمره و زیاده بایعك یدنده امانت اولوب امانت ایسه مضمون اولمدیغندن مذکور ثمره و زیاده بایعك صنع و تقصیری اولمقسزین تلف یا ضایع اولسه ضمان لازم کلز . صنع و تقصیری ایله تلف یا ضایع اولورسه ضمان لازم کلور .

لکن بیع غیر لازمده بیعك انعقاديله مشتری میعه فی الحال مالک اوله میه جغندن بعد العقد و قبل القبض خیار ساقط اولمقسزین میعهده حاصل اولان ثمره و زیاده موقوفدر . بیع اگر تمام و لازم اولورسه ثمره و زیاده دخی مشتری به عائد و اندن صکره حقنده احکام مشروحه جاری اولور . و بیع فسخ اولورسه ثمره و زیاده دخی اصل میع ایله برلکده بایعه عائد اولور .

باب ثالث

ثمنه متعلق مسائل بیاننده اولوب ایکی فصلی حاویدر

فصل اول

ثمنك اوصاف و احوالنه . ترتب اولان مواد بیاننده در

۲۳۷ ماده حین بیمده تسمیه ثمن لازمدر .

بناءً علیه میعك بهاسی بیان اولتماز ایسه بیع فاسد اولور .
اما ثمن صراحةً نفی اولنور ایسه اصل انعقاد بولنیه جغندن بیع باطل اولور .

چونکه بیع مطلق بیع معاوضه نی اقتضایستدیکندن ثمن مسکوت

عنه اولدينى تقدیرده بايعك غرضى مبيعك قيمتى اولدينى دلالة اكلاشيلور
کويا بايع بو مالی قيمتيله صاتم ديمش کي اولور قيمت ايسه مجهول
اولديغندن بيع فاسد اولورزيرا جهالت نزاعه مفضى اولور حال بوکه
بيعك سحتى رضايه متوقف اولوب نزاع ايسه رضايه منافی اولديغندن
بيع فاسد اولور .

اگرچه مکارم اخلاق صاحبي اولانلرک بعضيسى بايعک ايسنديکي
مقدار اچهي ويروب نزاعه محل براتمز ايسهده قواعد کليه فقهييه
اقتضاسنجه اعتبار جنسه اولوب فرده اولمديغندن بومثلولرک معامله
متمزجانه لري، ثمنک مجهوليتي فساد بيعي موجب اولور قاعده سني اخلال
ايتمز .

لکن ثمن صراحة نفى اولندقدده صراحت مقابله سنده دلالتله
اعتبار اولمديغندن احد جانيندن مال بولنماش اولور. بناء عليه اصل
انقصاد بولنماز .

§

ثمن حين بيعة تسميه اولميوب فقط مجلس بيع افتراق ايتمکسزين
ثمن تسميه اولنور ايسه بيع سحتيه منقلب اولور.

برده ثمنک بهمه حال بايع ويا مشتری طرفندن تسميه سي لازم کليوب
ايکيسي دخي تسميه ايد بيلور. شوقدرکه بايع تسميه ايد رسه مشتری
متضرر اولماق ايجون بهمه حال قبوله مجبور اولميوب بخير اولور و بوکا
« خيار تکشف المال » دينور. بايع تسميه ايد رسه کندوسي ذاتاً بيعي
محيز اولديغنه و ثمن مبادله امواله وسيله ايدوکنه بناء بخير اوله ماز .

۲۳۸ ماده ثمنک معلوم اولمسي لازمدر .

جهالت ثمن نزاعه بادی اوله رق عقد ایله واجب اولان تسلیم
تسلیم مبیعه مانع اوله جفتدن بیع فاسد اولور .

۲۳۹ ماده ثمنك معلومیتی میدانده ایسه مشاهده ایله

كل ایسه مقدار ووصفی بیان ایله حاصل اولور .

مشاهده و اشارت صورتده مقدار ووصفی بیانه حاجت یوقدر
چونکه اشارت طرق تعریفك ابلغدر ارتق ثمنك مقدار ووصفی بیانه
حاجت یوقدر ثمن مشارالیه اولنجه مقدار ووصفك عدم بیانی نزاعه بادی
صحت عقده مانع اولماز .

§

فقط مکملات و موزونات کندو جنسندن بریله مبادله اولنور ایسه
شارت کافی اولیوب بدلینك مقدار لرینی بیان لازمدر . زیرا اموال
ربویه کندو جنسی ایله بیع اولندقدده بدلینك مقدار جه مساواتی
مقتضیدر .

مثلا مقداری معلوم اولمیان بر ییغین بغدای مقداری مجهول
اولان دیگر بر ییغین بغدای مقابله سنده یا خود مقداری مجهول اولان
بر آوج کموش پاره دیگر بر آوج کموش پاره مقابله سنده مجازفه
صاتسه هر نه قدر حین عقدده بدلینه اشارت اولنسه بیله ینه بیع
فاسد اولور .

§

ثمنك مقدار ووصفی بیان یا صراحة و یا دلالة اولور .
صراحته مثال : بر کیسه شوخالی بی یکر می عدد عثمانلو التوننه
صاتم دیو عقد بیع ایسه ثمنك مقدار ووصفی صراحة ذکر ایله
معلوم اولش اولور .

دلالتہ مثال : بر کیمہ بر مال الہ حق اولد قسده بايع يوز المني غروشه صاتم ومشتري يوز غروشه الورم ديو يکديکریله مساومه ايتدکلرنده اومال حين مساومه ده مشتري يذنده بولنوبده الوب کيدل وبايع سکوت ايلرايسه معرض حاجتده سکوت بيان اولديغندن مقدار ثمن يوز غروش اولمق اوزره دلالة معلوم اولمش اولور .

§

ثمن مؤجل وحمل مؤتته محتاج اولورسه مکان تسليمک دخي بياني لازمدر . تاکه بيع فاسد اولميه .

۲۴۰ ماده متنوع التون تداول ايدن بلده ده نه دراو التون اولديغي بيان اولمقسزين على الاطلاق شوقدر التون ديو بازارلق ازانسه بيع فاسد اولور . کموش سککه دخي بوک قياسي اولنه .

بويحئده درت صورت تصور اولنه بيلور . شويله که : بر بلده ده تداول ايدن متنوع التون و کموشلر ياهم ماليتده وهم رواجده مساوي اولور . بوتقدیرده بيع فاسد اوليوب مشتري ايسنديکني ويرمکده مخير اولور . ياخود هم ماليتده وهم رواجده مختلف اولور . بوضورتده بيع فاسد اوليوب مشتري انلرک رواجندن ويرر . وياخود ماليتده مساوي ورواجده مختلف اولور . بوتقدیرده ينه بيع فاسد اوليوب رواجي ويريلور . ويا ماليتده مختلف ورواجده مساوي اولور . ايشته انحق بوضورت اخيره ده بيع فاسد اولور ، چونکه ماليتده مختلف اولان مسکوکات مادامکه رواجده

مساویدر. مشتری مالیتی آ ز اولانی ویرمک و بیایع مالیتی چوق اولانی
المق ایستیه رک بینلرنده منازعه ظهوری محتملدر . نزاعه مؤدی
اولان جهالت دخی فساد عقدی موجبدر .

فقط تفرق مجلس و قوعبو لمقسزین قنغی نوع التون ویریله جکی
تعین اولنور ایسه فساد مرتفع اوله رق بیع صحته منقلب اولور .
بنابرین ذکر اولنان درت صورتک جمله سنه شامل اولان اشبو
ماده اطالاقی اوزره اولیوب [متنوع التون تداول ایدن بلده]
دن مقصد متنوع و قیمتتری مختلف التون رواجده متساویاً تداول
ایدن بلده دیمکدر .

بو تقدیرده نوعی بیان اولنمقسزین [التون] لفظیله بازارلق
اولنمسیله عقدک فسادی الفاظ مشترکدن اولدیغندن ناشیدر . زیرا
لفظ مشترک بلا نقل متعدد مغالره موضوع اولدیغندن متبايعانک
التونندن مقصدی عثمانلی التونیمیدر . یوقسه انکلیز ویا فرانسز ویا
سائر بردولت التونیمیدر . معلوم اولمیه جنی جهته بوجه بالا سبب
ترجیح بولنمیدنی ویا تعین نوع ایدلمدیکی حالده بیع فاسد اولور .

۲۴۱ ماده غروش اوزرینه بازارلق اولندقدده مشتری

رایج اولان مسکوکاتک ممنوع اولمیان هر قنغی نوعنندن
ایسترایسه ویره یلور .

هر نه قدر غروش قرق پارهیه دینلوب قرق پاره لک سکه مضروبیه
دخی وارا یسه ده [غروش] تعیری بر التون یوز غروش و بر مجیدیه
اون طقوز غروش کبی عل العموم مسکوکات عثمانیه نک تقدیر قیمتده

مقیاس اتخاذ اولئش اولدیغندن علی الاطلاق ثمن میعه « شوقدر
 غروشدر » دینلمسی ثمنك معلومیتنه کافی اولدیغی کی رسماً اون
 طقوز غروش قیمت تقدیر اولنان سیم مجیدیه ایله اوفقلنی اولان
 بش ، ایکی ، بر ، نصف غروشك رواجده « یعنی پیاسه سنده »
 فرق وار ایسه ده اساساً مالیتجه فرق اولمادیغندن غروش اوزرینه
 بازارلق ایلدکده مشتری سیم مسکوکاتك اجزاسندن بر موجب عرف
 ویره بیله جکی مثللو بر غروش قرق پاره حسابیله التون وسائر
 مسکوکاتدن دخی رواجی ایله اعطا ایده بیلور . وصور محرره شرعاً
 شایان قبول نزاعه بادی اولمیه جغندن [غروش] حسابیله بازارلق
 ایدلمسی عقد یبعك فسادینی موجب اولماز .

§

تسلیم ثمن اولتمق سزین مسکوکاتك رواجنه رخص طاری اولسه
 مثلاً حین عقدده بهری یوز اون بش غروشه صرف اولنان عثمانلی
 التونی یوز ، بش عددی یوز سکیز غروش ایدن سیم مجیدیه طقسان
 بش ، یکرمی عددی یوز غروش ایدن التلیق یوز غروشه تداول ایتمه
 باشلاسه متوسط اولان التون یوز غروش حسابیله ویرمك لازمدر . زیرا
 یکرمی عددی یوز غروش حسابیله التلیق ویرلسه یالکیز مشتری ،
 بش عددی طقسان بش غروش حسابیله سیم مجیدیه ویرلسه یالکیز
 بایع متضرر اولور . متوسط اولان التون ویریلنجه ضرر بایع ایله
 مشتری بیننده منقسم اولور .

یالکیز برنوع مسکوکاتك رواجنه رخص طاری اولسه مشتری
 دیگر مسکوکاتك ممنوع اولمان هر قننی نوعندن ایسترسه ویره بیلور
 قیمتی تنزل ایدن مسکوکاتك حین عقدده رایج اولان قیمتی ایله تأدیة

ثمن ایده من بعد التزویل تقرر ایدن قیمتی ایله تأدیة ثمن ایده بیلور .
 مثال مفروضه کوره یالکنز التلیقلزک رواجنه رخص طاری
 اولوب التون وکوشه طاری اولسه مشتری التون وکوشدن هر
 قیغسی ایله ایسترسه ویره بیله جکی کبی بعدالتزویل تقرر ایدن قیمتی
 ایله التلیق دخی ویره بیلور . فقط حین عقدده التلیغک رایجی هر نه
 ایسه ینه اورایج حسابیله ویره من . زیرا حین عقدده ثمن تسمیه
 اولمش ایسه ده تعین ایتماشدر . ثمن قبض ایله تعین ایده جکندن حین
 قبضده کی رایجی نه ایسه اورایج حسابیله ویرملک لازم کلور .

۲۴۲ ماده ثمنک وصفی بیان اولانه رق بازارلق اولندینی
 صورتده عقد هر قننی نوع نقد اوزینه واقع اولمش ایسه
 اندن ویرملک لازم کلور .

مثلا مجیدیه التونی یاخود انکلز وفرانسز التونی ویاخود یکرملک ویا
 دیرکلی ریال ویرملک اوزره دیو بازارلق اولندینی صورتده هر نه درلومسکوکات
 دینلمش ایسه اندن ویریلور .

زیرا برنوع مسکوکاتدن ویرلمسی شرط ایدلمشدر . بقدرالامکان شرطه
 مراعات اولنق لازم کلور .

§

مشروط اولان اچهنک کافه ممالکده تداولی منع ایدلسه امام
 ابو یوسف حضر تلرینه کوره نوع ثمن حین عقدده تعین ایتدیکنه
 منی حین عقدده کی قیمتک و امام محمد حضر تلرینه کوره منع و رفع
 ایدلدیکی زمان منلیاتدن قیمیاته متحول اولسنه نظراً اوزمانده کی
 قیمتک ویرلمسی لازم کلور . مشروط اولان اچهنک تداولی بیعک

وقوع بولدینی محله منع ایدیلوب ممالک سائرده کماکان متداول
اولور ایسه عیب ثمن سببیه بایع مخیر اولوب دیلرسه مشروط اولان
اچیهی عیناً قبول ایدر و دیلرسه اول ثمنک قیمتتی آلور.

۲۴۳ ماده عقدده کی تعین ایله ثمن تعین ایتمز.

مثلاً مشتری النده کی یوزلک التوتی کوستره رک شو التون ایله بومالی اشترا
ایتدم دیوب بایع دخی ویردم دیدکده مشتری عیناً اول التونی ویرمهک مجبور
اولماز بلکه انی یقویوبده یرینه مثلی اوله رق بشقه بریوزلک التونی ویره یلور.
مثالدن دخی مستبان اولدیغنه کوره ثمنک عدم تعینندن مقصد
استحقاقده عدم تعیندر یعنی مشتری نک کوستره دیکی التونه بایع مستحق
اولیوب مشتری ایستره انی و دیلرسه مثلی ویره یلور یوقسه مواد
سابقده محرر اولدینی وجهله ثمن جنساً و قدرأ ووصفاً عقدده کی
تعین ایله تعین ایدر. ثمنک عقدده کی تعین ایله استحقاقاً تعین ایتمه سنک
سابی شودرکه نقد، ثمن وعین مقصوده وسیله اولدینی جهتله انده
اصل اولان ذمیده وجوبیدر. بناءً علیه ثمنی حین عقدده تعین ایله
متعین قیلمق اصل مذکوره مخالف اولور. شو حالده بومادهده
[عقد] دن مقصد صحیحاً منعقد اولان عقد وفسخ معاوضه در.

§

بیع فاسده ثمنک عقدده کی تعین ایله تعین ایدوب ایتمه سنده
رای مختاره کوره اکر بیع فاسد اصلندن فاسد ایسه تعین
ایدر. قبل التسلیم بایع نزدنده میبعک تلف اولمی کی بر سببیه فساد
صکره دن طاری اولمش اولور ایسه تعین ایتمز.

بیع صرف، فاسد اولدینی و دین مشترکده حکمک بطلانی تحقق
ایتدیکی صورته عقدده کی تعین ایله ثمن تعین ایدر.

كذلك معاوضاتدن اولمیان امانت ، وكالت ، شركت ، هبه ،
صب ، صدقه ده تعیین ایله تعیین ایدر .

ماده مشروعه ده واقع [ثمن] کله سندن مقصد دخی تقدردر .
ایله علیه ثمنك حین عقدده کی تعیین ایله تعیین ایتما سی ایچون مسكوكات
ایله کیندوسنه بر صنعت عارض اولماش اولان کله جه التون ویا کموش
ایسی لازم کلور سائر مکيلات وموزونات ایله التون و کموشدن
سنوع اولان اوانی و حلیات عقدده کی تعیین ایله تعیین ایدر .
التون و کموشدن بشقه شدن اتخا ذ اولنوب بین الناس تداول
دن پاره لرکه ازلره « نقود اصطلاحیه » دینور رایج اولدینی مدتجه
بین ایتما مکده نقد کیدر . کسادندن صکره سائر عروض کیدر .

۲۴۴ ماده برنوع مسكوكات یرینه اجزاسی دخی ویرله
بور . فقط بو خصوصه عرف وعادت بلده یه اتباع اولمق
ازم کلور .

مثلا یکرملک مجیدیه دیوبازارلق اولدینی صورتده یکرملک یرینه اجزا -
دن اولان اولنق وبشلك دخی ویرله بیلور . اما الحاله هده در سعاد تجه جاری
لان عرف وعادته نظراً یکرملک یرینه اجزاسندن اولان قرقلق وایکی لک
ریله منر .

بو ماده نك حین تنظیمنده یعنی ۱۲۸۶ تاریخنده مثالدن دخی
الاشیلدیغنه کوره « پیاسه » ده یکرملک مجیدیه ایله نصف و چاریکی
ست موضوعه لرندن زیاده یه و اجزاسندن اولان ایکیلک و قرقلق
ست موضوعه لرله یعنی ایکی و بر غروشه تداول ایتدیکی جهتله اون
د ایکیلک و یکر می عدد قرقلق مقدارجه اصلی اولان بر مجیدیه

مساوی ایسه ده رایجه نسبة نقصان ایدو کندن مشتری ثمنک مجید
اولدیغنی بیان ایتد کدنصکره اجزاسندن اولان ایکیکل و قرقلق و یردک
بایعک متضرر اولمسی لازم کله جکندن جائز دکل ایدی الیوم مجیدیه
اجزاسی اصلندن قیمتی اولمغله مشتری ثمنک مجیدیه اولدیغنی بیان
ایتد کدنصکره اجزاسنی و یردکده بایعک قبول ایتمسی لازم کلور چون
بو صورتده بایع ایچون ضرر ملحوظ اولمیوب فائده درکاردر و ازمانه
تغیری ایله احکامک تغیری انکار اولنه ماز. خلاصه برجنس مسکوکا
اوززینته بازارلق اولندقدده مشتری او جنس مسکوکا کندن و یره بیله
کبی انک انواعی یعنی اجزاسی رواجده اصلنه مساوی و یا زائد ای
اناری دخی و یره بیلور نقصان ایسه و یره مز .

فصل ثانی

و عده ایله صاتش حقنده اولان مواد بیاننده در

۲۴۵ ماده ثمنی تأجیل و تقسیط ایله بیع صحیح اولور

بوراده کی [ثمندن] مقصد نقد ایله نقد حکمنده اوله رق
ترتیب ایدن شیر اولوب اعیانه شمولی بوقدر .

[تأجیل] تعقیل بابندن مصدر و ثلاثی سی اجل اولوب ثمنی و
معلومه تعلیق معناسنه در . [تقسیط] بولمک معناسنه در . ثمنی ط
بایعک حقیدر بایع ثمنی مشتری ک ذمتندن بتون بشون ابرار ایده بیله
کبی موقتاً تمامی و یا بر قسمی طلبدن دخی فراغت ایده بیلور .

§

فقط ثمن اعیانندن اولور ایسه تأجیل و تقسیطی ایله بیع

اولور. زیرا بیع مقایضه مالین هم مبیع و هم ثمن اولدیغیدن تأجیل
ایدیلان ثمن من وجه مبیع یعنی عیندر اعیان تأجیلی قبول ایتمز.
۲۴۶ ماده ثمنك تأجیلانده و تقسیطانده مدت معلوم و معین
اولق لازمدر.

شویله که:

۲۴۷ ماده شوقدر کون یا آی و یاسنه و یا خود روز قاسم
کبی عاقدین غندنده معلوم و معین اولان بروقته قدر وعده
ایله بازاراق اولنسه بیع صحیح اولور.

۲۴۸ ماده [یغمور یا غدینی وقت] کبی معین اولیان
بر مدت بیانیله بازاراق اولنسه بیع فاسد اولور.

اجل، یا معلوم و یا مجهول اولور. جهالت دخی یا متقاربه و یا متفاوته
اولور. جهالت متفاوته و یا فاحشه ؛ اجلک وجود و یا عدمی مجهول
اولقدرد. یغمور یا غدینی وقت، روزکار اسدیکی وقت کبی.
جهالت یسیره و یا متقاربه ؛ اجلک زمان حولی مجهول اولق
اوزره تعیین اولنان شیئک تقدم و تأخرنده جهالت بولنقدرد. کراز
وقتی، اوراق وقتی کبی.

اجل، معلوم اولوب ثمن دخی دین قیلانندن اولور ایسه تأجیل
صحیحدر. ثمن عین قیلانندن اولور ایسه غیر صحیحدر. زیرا اعیانی تأجیل
صحیح اولماز.

اجل ، مجهول اولدینی صورتده جهالت کرک متقاربه کرکسه
متفاوته اولسون هر ایکی تقدیرده بیع فاسد اولور. انجق جهالت
مقاربهده اجلک حلولله فساد تقرر ایتزدن یاخود فسادینه بناء
بیع فسخ اولنزدن اول من له الاجل رضاسیله اجلی ابطال ایدوب
دین مؤجلی حال قیلدینی تقدیرده بیع صحتہ منقلب اولور. لکن اجل
حلول وفساد تقرر ایتدکن یاخود بیع فسخ اولندقدن صکره
دینی معجل قیلمنله بیع صحتہ منقلب اوله ماز .

جهالت متفاوتده ؛ متبايعین افتراق ایتزدن اول مجلس عقدده
من له الاجل اجلی ابطال ایدرک نمی حال قیلر ایسه بیع صحیح اولور.
مجلسک انفساخندن صکره حال قیلمنله بیله بیع صحیح اولماز .

بوتفصیلات تأجیل ، صلب عقدده اولدینی صورتده در. اما مطلق
اوله رق بیع ایدیلوب ثمن پشین اولمق اوزره ذمتہ تعلق ایتدکن صکره
تأجیل ایدیلور ایسه اجل معلوم اولدینی صورتده تأجیل دخی صحیح
اولدینی کی جهالت متقاربه ایله مجهول اولدینی صورتده دخی تأجیل
صحیح اولور . ۵۴ ، ۵۵ نجی ماده لره نظر اولنه .

اجل جهالت متفاوته ایله مجهول اولور ایسه تأجیل باطل اولوب
ثمن حال اوله رق بیعهده خلل کلز .

تأجیلی صحیح اولان دیون سائرہ دخی بونک کبیر دین مؤجل
ویا مقسط اولوبده اجلک حلولندن اول دائن وقات ایدرسه اجل
باطل اولماز. بناءً علیه دائنک ورثه سی اجل حلول ایتزدن اول
مدیونی مطالبه ایده مزلر . لکن اجل حلول ایتکسزین مدیون وقات
ایدرسه اجل باطل اولوب دائن اله جفنی مدیونک ترکسندن حالا
ودفعه آلور .

چونکه تأجيلك فائدهسى مديون تجارت ايدوبده دينى مالئك
 نمندن اودميه بيلمكدر دائن وفات ايتديكى صورتده بوفائده باقى اولديغندن
 اجل باطل اولماز. لکن مديونك وفاتى صورتده ذمتنده اولان دين
 ترکه سنك اعيانسه تعلق ايدمچكى جهته تأجيلك فائدهسى قالميه جفندن
 اجل باطل اولور .

§

بر دينى دائن تأجيل ايدوب مديون قبول ايتديكى صورتده صحيح
 ولازم اولور. فقط قرضى ، وقت اقالده ثمنى ، شفيع حق شفعه ايله
 مشفوعى الدقده ثمنى ، دين ميتينى تأجيل صحيح ايسه ده لازم اولماز .
 بدل صرف ورأس المال سلم منللو ديونى تأجيل باطلدر .

۲۴۹ ماده ويره سى په بازارلق اولنوبده مدت تعيين اولمسه

بر آيه . مصروف اولور.

ويه سى په ساتلقدقه مدتک تعيين قلمامسى فساد عقدى موجب
 اولور کي وارد خاطر ايسه ده مدت تعيين اولنمقسزین ساتیلان
 شيلرده مدت اجلك بر آي اولمسی مهودا ولمسنه وین التجار معروف
 اولان شی بیئرلرنده مشروط کي بولنمسنه نظراً جهالت غیر
 موجوددر .

§

مدت تعیین اولنوب اولنمديغنده متبايعان اختلاف ايتسه لر اجلك
 عدمی اصل اولغله مشترينك اثبات مدعا ايتسی لازم كلور .

۲۵۰ ماده ثمنك تأجيل و تقسبطنده مقاوله اولنان مدت

مبيعك تسليمندن اعتبار اولنور.

مثلاً برسنه وعده ايله ساتلش اولان برمتاعی بايع برسنه توقيف ايتدکن صکره مشتری به تسلیم ایتسه حین تسلیمندن اعتباراً برسنه بکلمسی یعنی بیعدن تمام ایکی سنه مرورنده مشترینک اچهی ویرمسی لازم کلور .
بیعک استقراری میبعک تسلیمنه متوقف اولدیغندن مدت تأجیل میبعک تسلیمندن اعتبار اولنور وامام اعظم حضر تلرینک اجتهدینه کوزه بیمده خیار، شرط قانمش ایسه مدت مذکوره خیارک سقوطی وقتندن اعتبار اولنور .

مثال مذکورده [برسنه] تعیر یله اشارت اولندیغی وجهله بو حکم مدت غیر معین اولدیغی یعنی قنغی سنه اولدیغی تعین ایدلمدیکی تقدیرده در . اما سنه یا آی تعین ایدیلور ایسه مثلاً بیک اوچ یوز یکرمی سکیز سنه سنک ابتداسنه قدر مؤجل اولمق اوزره دیو مقاوله اولنور ایسه مدت وقت تسلیمندن اعتبار اولماز .

§

ینه مثال مذکورده [برسنه توقیف ایتدکن صکره] تعیر یله اشارت اولندیغی اوزره مدت مزبورده نک وقت تسلیمندن معتبر اولمسی مشتری میبعی طلب ایلدیکی حالده بايع تسلیمندن امتناع ایتدیکی صورتده در اما مشتری میبعی طلب ایتمیو بده برسنه کچسه ثمنی و یروب میبعی قبض ایتسی لازم کلور یوقسه حین تسلیمندن اعتباراً بايعک برسنه دهها بکلمسی لازم کلر .

۲۵۱ ماده بیع مطلق پشین اولمق اوزره منعقد اولور .

بیع مالی ماله مبادله اولدیغندن پشین ویا ویره سی به لاقردیسی اولمق سزین مطلق اوله رق عقد اولندقدن فی الحال مشترینک میبعه وبايعک ثمنه مالک اولملری اقتضا ایدر . انجق قاعدة امر مطلق

تراخی به محمول اوله رق تعجیل و تأجیلی ایجاب ایتیه جکندن طرفینک
بیعی متعاقباً بدلینی تعاطی ایتلمی جائز اولدینی کی برمدت صکره
تعاطی ایتسه لرینه جائزدر و بوضورتده دخی پشین النوب صاتلمش
اولوب ویره سی به اولماز .

زیرا امر یا لکیز طلب فعله موضوعدر . کړک تعجیل و کړک
تأجیلک وجوبی برر صفت خارجیه در . انلرک آیره وجه اثبات اولنملری
لازم کلور . امر مطلقده ایسه بونلرک هیچ برینه دلالت ایدر قرینه
یوقدر .

کذلک فعل البته برزمانده حصول بولور . حصول فعله صلاحیتده
ایسه زمان اول ایله زمان ثانی مساویدر .

فقط بیع مطلق برمدت معلومه ایله موقت و مقسط اولق اوزره عرف
وعادت اولان یرده اول مدته مصروف اولور . زیرا بین التجار معروف اولان
شی بینلرنده مشروط کییدر .

مثلاً پشین یا ویره سی به لاقردیسی اولفسزین چارشودن بری برشی آلسه
اچقه سنی پشین ویره سی لازم کلور . فقط آی یا هفته باشنده ثمنک تمامی یا خود
مقدار معینی الثمن عادت ایسه اول عادته رعایت اولنور .

باب رابع

بعد العقد ثمن و وثمنده تصرفه متعلق مسائل بیانده

اولوب ایکی فصله منقسمدر

فصل اول

بعد العقد وقبل القبض بايعك ثمنه ومشتريتك مبيعه حق

تصرفلری بیاندهدر

۲۵۲ ماده بايع قبل القبض ثمن مبيعه تصرف ايده بيلور.

مثلا برکيمسه صاتمئش اولديني مالک اچئسنی بورجنه حواله ايده بيلور.
ثمن مبيع يامعين ومشار اليه اولور . يادتمده دين اولور .
عين اولديني تقديرده بايعك انی مشتريه ومشتريك غيريسنه هبه
ويا تصرفات سائرهن بریسی ايله تملك ايتمی صحیحدر .

مثلا برکيمسه برمائی مشتريك ميدانده حاضر ومشار اليه
اولان شوقدر کيله بغدادينه مقابل بيع ايتدکدنصکره بايع اول بغدادی
قبل القبض مشتريه ومشتريك غيريسنه هبه وياسائر صورتله تملك
ايده بيلور .

ذمتده دين اولديني تقديرده قبل القبض انحق مشتريه کړك
عوض مقابله سنده وكړك بلا عوض تملك جائز اولور .

مثلا بايع ثمن مبيعي قبض ايتمكسزين انك مقابلنده مشتريدن
برمال صاتون ايلسه ياخود مشتريك برخانه سنی استیجار ايتسه ويا
مشتريه هبه ۸۴۷ ياخود تصدق ويا وصيت ايتسه جائز اولور .
حتى هبه وتصدق صورتلرنده قبضه محتاج اولمديفنندن مجرد هبه
وتصدق ايله اكا مالک اولور .

لكن آخره تملك جائز اوله من . زیرا دينی مديونك غيری هبه
تملك باطل اولوب يالكز اوج صورت مستنادر .

۱ : بايع مشتري ذمتده کی اله جفتی آخره هبه ايدوب موهوب
لهی قبضه توکيل وتسلیط ايتسه وموهوب له دخی قبض ايلسه جائز
اولور . چونکه اولاً واهب ایچون بالو کاله ثانیاً نفسی ایچون
بالا صاله قبض ايتمش اولور .

۲ : متن مجله ده کی مثاله مذکور اولدینی اوزره حواله دخی معتبردر .

۳ : آخره وصیت دخی اوله بیلور .

قرض و مغضوب مستهلک قیمتی واجرت کبی دیون سائره دخی ذمتده ثابت اولان ثمن میع حکمنده در . یعنی دائن دیون مذکور هی مدیونه بر عوض مقابلنده یا خود بلا عوض تملیک ایده بیلور ایسه ده مستثنا اولان سالف الذکر اوج صورتک ماعداسنده مدیونک غیری به تملیکی جائز اولماز .

۲۵۳ ماده مشتری قبل القبض میمی عقار ایسه آخره

صانه بیلور . واکر منقول ایسه صانه ماز .

بوماده ده [قبضدن] مقصد بایع اذن و یرد کدن و یا خود مشتری ثمن میمی تأدیه ایلد کدن صکره اولان قبضدر . زیر ۲۷۷ نجبی ماده ده بیان اولندینی وجهله بایعک اذنی اولمقسزین مشترینک ثمنی تأدیه ایتمدن میمی قبضی معتبر اولماضله بووجه اوزره قبض غیر معتبر ایله قبضدن صکره اولان تصرفیله میمی اصلا قبض ایتمکسزین اولان تصرفی حکماً مساویدر .

[میمی عقار ایسه آخره صانه بیلور] چونکه عقارده هلاک نادر اولوب نادره دخی اعتبار اولمدیغندن هلاکی تقدیرنده عقدک انفساخذن ناشی مشتری بی عن قصد تغیر و اضرار احتمالی یوقدر .

§

کذلک مشترینک اشترا ایلدیکی عقارده قبل القبض آخره اعاره و هبه ۸۴۵ و ترهین کبی تصرفاتی دخی صحیحدر . انجق ثمن میمع

پشین اولدینی حالدہ تصرفات مذکورہ نك بايع اول حقندہ نافذ
ولازم اولسی ثمن مبيعك تماماً بايعہ تأدیہ اولنمسنہ یاخود بايعك
تصرفات مذکورہ یی محیز اولمسنہ موقوفدر .

بناءً علیہ مشتری عقار مبیعی قبض و ثمنی تأدیہ ایتمدن آخرہ
صائدینی تقدیردہ مشتری اول ثمن مبیعی تماماً بايعہ تأدیہ ایدر یاخود
بايع بیع ثانی یی محیز اولور ایسہ بیع ثانی بايع اول حقندہ دخی
نافذ ولازم اولور . اگر بونلردن بری بولماز ایسہ بايع اول بیع
ثانی مذکور ی فسخ ایتمدیرہ بیلور ۲۷۸

§

متن مجلدہ مذکور [آخرہ] قیدی مشتری نك اشترا ایلدیکی عقاری
قبل القبض بايعہ بیخندن احتراز ایچوئدر . زیرا بايعہ بیعی صحیح
دکلدر . فقط قبل القبض بايعہ هبہ ایدوب اودہ هبہ سنی قبول ایدرسہ
بیع اول منتقض اولور اگر هبہ یی قبول ایتمزسہ هبہ باطل اوله رق
بیع اول علی حالہ قالور زیرا مبیعی بايعك قبض مشتری نك قبضی مقامہ
قائم اوله میہ جفندن هبہ یی معنای حقیقیسنہ حمل ممکن اولماز .
بناءً علیہ هبہ ، اقالہ معناسنہ مجاز اوله رق بیع اول منتقض اولور .
لیکن بیع ، اقالہ نك ضدی اولدینی وبرشی ضدی ایله منعقد
اوله میہ جنی جهتہ بیع ، اقالہ معناسنہ اوله مز .

کذلک مشتری مشتری منقولی قبل القبض آخرہ وبایعہ ایجار
دخی ایدہ مز لیکن قبل القبض منقولی آخرہ رهن ، اقراض ، هبہ ،
تصدق ایدہ بیلور ایسہ دہ بايعك اجازتنہ ویائمنك تأدیہ سنہ موقوف
اولور .

بوابدہ قاعدہ شودر : هر تصرفکہ اجارہ و بیع کی تمامیتی

قبضه محتاج اولیه . مشتری مشتری منقولده قبل القبض اتی یاپه مز . اما
 بر تصرفه هبه ورهن کبی تمامیتی قبض ایله اوله مشتری نک مشتری
 منقولده قبل القبض بو کبی تصرفاتی صحیح و فقط تمامیتی قبض ایله اولور .
 مثلاً مشتری برندن صاتون الدینی آتی قبل القبض برینه بیع
 ایتسه صحیح اولماز . اما اول آتی قبل القبض برینه هبه ایتسه هبه بی
 صحیح و فقط تمامیتی موهوب لیه موهوبی قبض ایتسه ایله حاصل
 اولور . شویله که : مشتری اول آتی با یعندن قبضه موهوب لیه تسلط
 ایدوبده او دخی با یعک اذنی ایله موهوبی قبض ایلسه هبه تمام اولور .
 چونکه موهوب له و اهب طرفندن و کالة کندو طرفندن اصالة
 قبض ایتش اولور . اما مشتری ثانی نک قبض مشتری اولک قبضی
 برینه قائم اولماز .

مشتری نک مشتری منقولی قبل القبض با یعنه بیعی آخره بیعی
 حکمنده در . بناء علیه مجله ده مطلق اوله رق [اگر منقول ایتسه
 صاته مز] دنیلوبده « آخره صاته مز » دنیلما مشدر . بو صورته
 مشتری مشتری منقولی قبل القبض با یعنه بیع ایتسه بیع مذکور
 صحیح اولیوب بیع اول علی حاله قالور . فقط عقارده اولدینی کبی
 مشتری منقولی قبل القبض با یعنه هبه ایتدیکی صورته با یع قبول
 ایدرسه هبه اقاله مناسنه محاز اوله رق بینارنده اولان بیع منتقض
 اولور . قبول ایتزسه هبه باطل اولوب بیع علی حاله قالور .

فصل ثانی

بعد العقد ثمن و مبیعک تزئید و تنزیلی بیاننده در

۲۵۴ ماده با یع بعد العقد مبیعک مقدارینی زیاده ایده .

بیلور و مشتری مجلس زیاده ده قبول ایدر سه اول زیاده بی
 طلبه حق اولوب با یعلک نداتی مفید اولماز. اما اول مجلسدن
 صکره مشتریك قبولی معتبر دکلدور.

مثلا یکرمی غروشه یکرمی عدد قارپوز بازارلق اولندقدن صکره با یعل
 بش دها ویردم دیوب مشتری دخی اول مجلسده قبول ایدر ایسه یکرمی
 غروشه یکرمی بش قارپوز آلور. اما اول مجلسده قبول ایتمیوبده صکره ده
 قبول ایده جک اولسه با یعل اول زیاده بی ویرمک اوزره اجار اولنه ماز.
 حین تزییده اصل میعلک موجود اولمی شرط دکلدور. حتی
 مشتری یدنده میعلک اولمش اولسه بیله با یعل مقدار میعی تزیید
 ایده بیلور. زیرا بوزیاده اصل عقدده ملتحق و بناء علیه ثمن میعه
 مقابلدر. ثمن ایسه ذمتده ثابت بردیندر.

§

کذلک زیاده اولشان شیك جنس میعدن بولنمی دخی شرط
 دکلدور. مثالده بیان قلتان یکرمی عدد قارپوزه با یعل بش عدد قاروپ
 علاوه ایسه حکم ینه بووجهله در.

§

مشتری بعدالعقد میعلک بر مقدارینی حط و تنزیل ایسه اگر
 میعلک بیلم فیه کبی دین ایسه صحیح اولور. عین ایسه صحیح اولماز.
 چونکه حط اسقاطدر دینی اسقاط صحیح اولور ایسه ده عینی
 اسقاط صحیح اولماز.

۲۵۵ ماده مشتری بعدالعقد ثمن مسای تزیید ایده.

بیلور و با یعل مجلس زیاده ده قبول ایدر ایسه اول زیاده بی

طلبه حق اولوب مشترينك ندامتی مفید اولماز. اما اول مجلسدن

صکرة بايعك قبولی معتبر دکلدور .

مثلا بيك غروشه برحيوان بازارلق اولندقدن صکرة مشتری ايکی يوز غروش دها ضم وزیاده ایتدم دیوب بايع دخی اول مجلسده قبول ایدرسه اول حیوانی بيك ايکی يوز غروشه آلور. اما بايع اول مجلسده قبول ایتیبوده صکرة دن قبول ایده جک اولورسه مشتری فضله ویره جک اولدینی ايکی يوز غروشی ویرمهک اچار اولنه ماز .

مشترينك بعدالعقد مقدار ثمنی تزیدنده مبيعك قائم وموجود اولسی شرطدر . بناءً عليه مبيعك حقيقةً ويا حکماً هلا کنند صکرة مشترينك مقدار ثمنی تزیددی صحیح ومعتبر اولماز . چونکه مبيع قبل القبض هلاک اولمش ایسه بيع منفسخ اولور . ۲۹۳ بعد القبض هلاک اولمش ایسه ثمنه ضم اولنان زیاده عوضه بدلستر قالور . ثمندن تزیدد اولنه جق مقدار ایسه مبيع مقابلنده اولوق لازمدر .

مثلا مشترينك بيك غروشه اشترا ایلدیکی حیوان قبل القبض ويا بعدالقبض تلف اولدقدن صکرة مقدار ثمنی تزیدد صحیح اولدینی کی هلاک اولوب فقط مشتری آنی بشقه سنه بيع ایش ایسه ینه ثمنی تزیدد صحیح ومعتبر اولماز . چونکه برشیده سبب تملکک تبدیلی اول شينك تبدیلی مقامنه قائم اولور . حتی مشتری مذکور حیوانی بيع ایلدیکی کیمسه دن تکرار اشترا ایسه ینه اولکی ثمننك مقدارینی تزیدد صحیح اولماز .

§

مقدار ثمنی تزیدد ایتک مشتری به مخصوص ومنحصر دکلدور .

مشتريك وفاتندن صكره وارثي ومشتريك حياتنده بيله بر شخص
ثالث مقداريني تزويد ايد بيلور . شوقدر كه شخص ثالث مشتريك
امريله تزويد ايدر ويا بعدالتنزيل مشتري محيز اولور ايسه اول زياده
مشتري اوزرينه لازم اولور . بيله اولماز ايسه زياده باطل اولور .
مكر كه شخص ثالث زياده ايتديكي وقتده اول زياده يي مشتري
طرفندن ضامن اوله يا خود زياده يي كندو مالنه مضاف قله
اول صورتده زياده شخص ثالث اوزرينه لازم اولور وانك ويرمسي
اقتضا ايدر . بو حالده اكر مشتريك امري وارايسه مشتري يه رجوع
ايد بيلور اكر امري يوغيسه تبرع قيبندن اوله رق مشتري يه رجوع
ايد مز .

۲۵۶ ماده باييك بعدالعقد ثمن مسمان بر مقداريني

حط وتنزيل ايتمي صحيح ومعتبردر .

مثلا بر مال يوز غروشه بازارلق اولندقدن صكره بايع يكرمي غروشي
تنزيل ايتدم ديسه اول مالك مقابلنده انجق سكران غروش آله بيلور .
اكر يوز غروش قبض ايتمش ايسه يكرمي غروشي اعاده ايتمي
لازم كلور .

يعني ماده سابقه ده بيان اولنديني وجهله مشتري بعدالعقد ثمن
مسمائي تزويد ايد بيلديكي كي بايع دخي بعدالعقد ثمن مسمائي ۲۶۱ نجی
ماده موجبنجه تماماً وبو ماده حكمنجه دخي قسماً حط وتنزيل
ايد بيلور .

§

ثمنك بر مقداريني تنزيلده مشتري ميبی وبايع ثمنی قبض ايتمي
اولمسي شرط دكلدر .

بناءً عليه مشتری میبایستی قبض ایتدکن صکره ثمنک بر مقدارینی
تنزیل صحیح اولدینی کبی مشتری میبایستی قبض ایتزدن اول دخی صحیح
اولور .

کذلک بایع ثمنی قبض ایتزدن اول بر مقدارینی حط و تنزیل
ایدر ایسه مجله ده کی مثاله ذکر اولدینی کبی باقی بی آلور . واکر بایع
ثمنی تماماً قبض ایتدکن صکره بر مقدارینی حط و تنزیل ایدر ایسه
بایع حط و تنزیل ایتدیکی مقداری مشتری به رد ایتسی لازم کلور .
زیرا دیون امثالی ایله قضا اولنور اعیان ایله دکل . بناءً علیه مشتری
بايعه ثمن میبایستی ادا و تسلیم ایتدکده ذمتنده اولان دین ساقط اولماز
بلکه بايعك ذمتنده مشترینك ذمتنده کی دینك مثلی بر دین حادث
اولور مطالبه متقابله مکررده فائده اولمديغندن ایکسیده بر برندن
بر شی طلب ایدمه زلر . بروجه محرر ثمنك تأدیه سیله مشترینك ذمتندن
دین ساقط اولمیوب بلکه بايعك حق مطالبه سی ساقط اولوب حقیقته
دین ذمتنده باقی اولدیغندن بايع بعدالقبض ثمنك بر مقدارینی حط
و تنزیل ایتدکده بو حط واسقاطی ذمتنده ثابت بر دینه مصادف
و صحیح و معتبر اوله رق مشترینك ذمتندن اول مقدار دین ساقط اولور
مشترینك ذمتندن اول مقدار دین ساقط اولدینی جهتله مشترینك بايعه
ثمنی تأدیه ایتمکه بايعك ذمتنده حادث اولان دیندن اول مقداری مقابلسز
قالور بناءً علیه مشتری اول مقداری بايعدن کیرو آله ییلور .

§

ثمنك بر مقدارینی تنزیله میبعك بقاسی دخی شرط دکلدر . بناءً علیه
میبعك حقیقه و یا حکماً هلاکندن صکره دخی ثمنك بر مقدارینی
تنزیل صحیح اولور .

تنزیل قبوله دخی متوقف دکلدرد لکن صراحة زرد ایدیلور ایسه
حظ و تنزیل باطل اولور .

تنزیل بالذات بایع ویا انک جانبندن تنزیله وکیل اولان کیمسه
طرفندن اولور ایسه هم مشتری هم بایع حقنده معتبر اولور . اما یالکز
بیعه وکیل اولان کیمسه تنزیل ایدر ایسه یالکز مشتری حقنده
معتبر اولرب بایع حقنده معتبر اولماز . بلکه وکیل تنزیل ابتدکی مقداری
بايعه ضامن اولمسی لازم کلوب بايع ثمن مسمانک تمامنی آلور .
کذلک وکیلک تنزیلی شفیع حقنده دخی معتبر اولیوب شفیع
عقار مشفوعی ثمن مسمانک تماميله آله بیلور .

۲۵۷ ماده بعدالعقد بايعک مقدار مبیعی و مشترینک
ثمن مسمانی تزیدد ایتلری و بايعک ثمن مسماندن تنزیلی اصل
عقده ماتحق اولور یعنی اصل عقد کویا اول تزیدد ویا تنزیل
اوزرینه واقع اولمش حکمنده طویلور .

چونکه احکام اقتصار ، استناد ، انقلاب ، تبیین طریقه ثابت اولور
اقتصار ؛ حکمک فی الحال ثبوتیدر . انشای بیع بی .
استناد ؛ بر حکمک ماقبله التحاق ایدرک فی الحال ثبوتیدر .
وتبیین ایله اقتصار بیننده دائردر .

انقلاب ؛ علت اولمیان بر شئتک علت اولمقله صیروتیدر . تعلیق کی
تبیین ؛ حکمک تقدیمی فی الحال ظاهر اولمقدر .
ماده مشروحه حکمنجه مبیع و ثمنک تزیددی و ثمنک تنزیل
استناد طریقه اولدیغندن اصل عقده التحاق ایدر .

تزیید میبعك اصل عقدہ التحاقك اثری درت شیده ظاهر
 لور . ۱ : زیادہك قبل القبض تلفی تقدیرندہ ٹمندن حصہ سنك
 قوطیدر . ۲ : زیادہك ممیب چیقمنسی تقدیرندہ ۳۵۱ نجی مادہ
 كمنك جریانیدر . ۳ : شفہ ۴ : زیادہ قانان بیعی غیر جائز برشی
 لنجہ فساد عقددر . یعنی مشتری ببعده ثمن اولمغه صالح اولیان
 شیء ثمنہ زیادہ ایدوبده بابع دخی قبول ایتسہ بیع فاسد اولور .
 یید وتنزیل ثمنك اصل عقدہ التحاقك اثری دخی تولیہ ، مراجعہ ،
 فقہہ ، استحقاق هلاك میبع ، حبس میبع ، فساد صرفده ظاهر
 لور . لکن تزیید میبع شفیع حقندہ معتبر دكلدر . تفصیلاتی مواد
 تہدہن آکلاشیلور .

۲۵۸ مادہ بعد العقد بابع میبعی تزیید ایتد کذہ زیادہك

ن مسادن حصہ سی اولور .

مثلا بابع اون غروشه صاتمیش اولدینی سکز قارپوز اوزرینہ ایکی قارپوز
 زیادہ و مشتری قبول ایتدیکی صورتدہ اون غروشه تمام اون قارپوز
 اتلش اولوب حتی قبل القبض بوایکی قارپوز تلف اولسہ بہالینك ٹمندن
 بیللہ سکز قارپوز ایچون بابع انجق سکز غروش طلب ایدہ بیلور .

کذاک بابع عرصہ سنك بیک ذراعنی اون بیک غروشه صاتمقدن صکرہ
 ز ذراع دخی زیادہ و مشتری قبول ایتدیکی تقدیردہ بر شفیع چیقسہ اون
 غروشه مجموعنی یعنی بیک یوز ذراعنی آلہ بیلور .

میعدن متولد زیادہ قبل القبض تلف اولسہ ۲۹۳ نجی مادہ
 کمنجہ ٹمندن برشی ساقط اولدینی حالہ بومادہ حکمنجہ زیادہ

مبيعك ثمنن حصه دار اولمسی بوزیاده نك اصل عقدہ التحاقدن وزیاده
مولده نك اصل عقدہ التحاق ایتامسندن ناشیدر .

۲۵۹ ماده بعدالعقد مشتری ثمن . سمایی تزیید ایتد کد
ثمن مسمی ایلہ زیاده نك مجموعی عاقدین حقندہ تمام . مبيع
مقابل اولور .

بایع ثمنی ایستر قبض ایتش اولسون ایستر اولسون .
مثلا اون بیک غروشه برملک عقار اشترا اولندقدن صکره قبل القبض
مشتری بش یوز غروش دها زیاده وبایع قبول ایتدیکی صورتده اول عقار
بهاسی اون بیک بش یوز غروش اولوب حتی بر مستحق چیقهرق بعدالاثبات
والحکم اول عقاری آلسه مشتری بایعدن اون بیک بش یوز غروش طلب
واخذ ایده بیلور . اما اول عقاره بر شفیع چیقسه چونکه انک حتی اصل عقد
تسمیه اولنان ثمن اوزرینه تعلق ایتش اولدیغنه و صکره کی زیاده نك عاقدین
کوره اصل عقدہ التحاقی انک حتی اسقاط ایده میه جکته مبنی اول عقار
شفیعی اولان کیمسه اون بیک غروشه آله بیلور . صکره دن زیاده اولنا
بش یوز غروشی بایع اندن طلب ایده من .

۲۶۰ ماده بعدالعقد بایع ثمن مبیعی حط و تنزیل ایتد کد
. مبيعك تمامی ثمن . سمائك باقیسنه مقابل اولور .

مثلا برملک عقار اون بیک غروشه اشترا اولندقدن صکره بایع بیک غروش
حط و تنزیل ایتدیکی صورتده اول عقار طقوز بیک غروشه مقابل اولور
بناءً علیه بر شفیع چیقسه آتی طقوز بیک غروشه آله بیلور .

۲۶۱ ماده بایع قبل القبض ثمن مبيعك جمله سنی
ایده بیلور .

بوحط مشترينك ذمتي ثمندن ابرا واسقاط اولمغله مشتری
حقنده صحيح و معتبر اوله رق قبولنه توقف ايتمز . لکن مشتری
صراحه رد ايدرسه حط باطل اوله رق ثمن مشترينك ذمتده على
حاله قالور .

فقط اصل عقدہ ملتحق اولماز .

چونکہ اصل عقدہ التحاق ايتسه بيع ثمنك نفی ايله واقع
اولمی لازم كلور . نفی ثمن ايله بيع ايسه باطلدر .
مثلا بايع برملك عقاری اون بيك غروشه صاندقندن صكره قبل القبض
اول اچقندن كاملاً واز كچسه شفیعی اول عقاری اون بيك غروشه آله بیلور .
يوقسه اچقسنز آلورم ديه من . ۹۵۰
چونکہ ثمن ميبك تمامك حط و تنزیلی ثمندن بر مقدارينك
تنزیلی مثلاً قیمتی تنقیص اولیوب ثمندن مشترينك ذمتی ابرا اولوب
اصل عقدہ ملتحق اولمديعی جهتله شفيع حقنده صحيح و معتبر
اوله ماز .

کذلك بايع ثمنی مشتری به هبه ایده بیلور . فقط قبل القبض هبه
ايدر ايسه اصل عقدہ ملتحق اولوب بوماده حکمنه مشابه اولور .
بعد القبض هبه ايدرسه اصل عقدہ ملتحق اولیوب عقد جدید
اولور و اصل بيمه اصلاً تعلق اولیه جفندن شفيع بواهبدن مستفيد
اولماز .

باب خامس

تسلیم و تسلیمه متعلق مسائل بیاننده اولوب اتی فصلی

حاویدر

فصل اول

تسلیم و تسلیمک حقیقت و کیفیت بیاننده در

[تسلیم] ویرمک [تسلیم] ویریلان شیئی قبول ایلمک معناسنده در. و بو فصلده بیان و تعریف اولنه جنی وجهله تسلیم و تسلیم حاصل اولدوقده ۲۹۴ ، اولمدوقده ۲۹۳ نجی ماده لر احکامی جریان ایدر .

۲۶۲ ماده بیعده قبض شرط دکلدرد فقط بعد العقد اولاً مشتری ثمنی بایعه و ثانیاً بایع میعی مشتری به ویرمکه بورجلو اولور .

بوراده کی [بیعدن] مقصد بیع مطلقدر یعنی بیع مطلقده میع ایله ثمندن هیچ برینی مجلس عقدده قبض شرط دکلدرد . [فقط بعد العقد اولاً مشتری ثمنی بایعه و ثانیاً بایع میعی مشتری به ویرمکه بورجلو اولور] چونکه مشتری نک میعده حق تعین ایتمش اولدینی حالده بایعک ثمنده حق متعین دکلدرد . زیرا ثمن ذمنده ثابت دیندر . مقتضای عدالت عاقدینک تساویسی اولمغله تساوی بی حصوله کتورمک ایچون اولاً مشتری نک ثمنی بایعه تسلیمی ایله امر اولنور . تا که بایعک ثمنده کی حق

تعیین ایتسون . چونکه ثمن انحق قبض ایله تعیین ایدر .
 مع مافیه مشتری اولائی می بایعه تسلیمه مجبور اولمق ایچون
 میبع منقولاتدن ایسه بایعک میعی احضار ایتمی واکر عقار ایسه
 بایع ویا وکیلی مشتری ایله برابر عقار اولان میبعک اولدیغی محله کیتمسی
 لازمدر . حتی برکیمسه دیکرینک بشقه بلدهده اولان خانه سنی صاتون
 آلسه بایع میعی فی الحال تسلیمه قادر اولمدیغندن مشتری ثمنی
 همان ویرمه مجبور اولماز . بلکه مشتری ایله برابر اول بلدهیه کیدوب
 ویا برینی توکیل ایدوب اوراده ثمنی قبض و میعی تسلیم ایتک اوزره
 بایعه امر اولنور .

اکر بیعهده ثمن مؤجل اولور ایسه اول مشتری ثمنی بایعه ویرمه
 مجبور اولماز . ۲۸۳ - ۲۸۴

کذلک مشتری ایچون خیاء شرط قلنمش ایسه خیاء ساقط
 اولمدیقه مشتری ثمنی ویرمه بورجلو اولماز .

بیع صرفده و بیع مقایضهده عاقدین بدلینی معاً تسلیم و تسلیم ایدر . ۳۷۹
 زیرا بیع صرفده بدلینک هر ایکسی غیر متعین و بیع مقایضهده
 متعین اوله رق بدلین بیننده مساوات بولندیغندن برینی تسلیمده تقدیم
 لازم کار .

§

[قبض] لغتده انه المق ، اصطلاحده اقتدار تصرف حاصل
 ایامک مناسنه در بناء علیه مشتری میعی بالذات انه المسه بیه اقتدار
 تصرف حاصل اولنجه شرعاً قبض ایتمش عد اولنور . قبضک انواع
 واحکای ۷۰۶ و ۸۳۷ نجی ماده لر شرحنده بیان و ایضاح اولنمشدر .
 ۲۶۳ ماده میبعک تسلیمی مشتری نک بلامانع میعی قبض

ایده بيله جك وجهله تسلمنه باييك اذن ویرمسیله حاصل اولور .
 زیرا مشتری ایچون اقتدار تصرفی اثبات ایتمش اولدیغندن حکماً
 میعی اكا اعطا وتسليم ایتمش عد اولنور بناء علیه تسلیم میعهده
 اولاً مشتریك میعی تسلیم ایتك اوزره باييك اذن ویرمسی ثانیاً
 مییع بلامانع مشتریك قبضی ممکن اوله بيله جك بر حالده بولنسی
 ثالثاً مییع مفرز اولوب حق غیر ایله مشغول اولماسی لازمدر .
 ثنك تسلیمی دخی بو صورتله حاصل اولور .

§

قبضدن مقصد قبض تامدرکه میعك کلیسك قبضیه حاصل اولور .
 قبض ناقص اولورسه مثلاً مبیاعه اولنان بر چفت قوندورهك تکی
 مشتری قبض ایتدکدنصکره دیگر تکی باييك یدنده تلف ویا ضایع
 اولسه مییع نقصان ایله معیب اوله جغندن حقنده « خیار عیب »
 حکمی جریان ایدر . [مشتریك بلا مانع میعی قبض ایده جك وجهله
 تسلمی] لازم اولسنه نظراً بايع میعی مشتریك امری اولمقسنزین
 عیالنده بولنان زوجه ویا خدمتکارینه اعطا ایتسه تسلیم عد اولنمازه
 مکرکه مشتری انلردن تسلیم ایتمش اوله .

۲۶۴ ماده میعك تسلیمی حاصل اولدیغنی کبی مشتری

دخی انی قبض ایتمش اولور .

مییع مشتریك یدینه ایستر کچسون ایستر کچسون قبض معتبره
 ترتب ایده جك حکم ترتب ایدر .

۲۶۵ ماده میبعك اختلافیله کیفیت تسلیمی دخی مختلف

اولور .

شویله که :

۲۶۶ ماده مشتری عرصه واراضینك ایچنده بواندینی

ویا خود بر طرفندن کورر اولدینی حالدده قبضه بایعك رخصت

ویرسی تسلیمدر .

۲۶۷ ماده اوزرنده اکین اولان ارضك تسلیمنده

اوزرنده کی اکینی بیچوب یا خود حیوانه یدیر و بده ارضی تخلیه

ایتمکه بایع مجبور اولور .

زیرا اکینك ارضی اشغال ایتمسی مانع تسلیمدر .

۲۶۸ ماده اوزرنده میوه اولان اغاجك تسلیمنده

میوه سنی دیوشروب اغاجی تخلیه ایتمکه بایع مجبور اولور .

میوه نك وجودی قبضه مانعدر . وشو ایکی ماده دن منفهم اولدیغنه

کوره میبعك تسلیمی ایچون غیرك حق ایله مشغول اولماسی لازمدر .

۲۶۹ ماده اغاج اوزرنده اوله رق صاتلش اولان

میوه بی شسترینك دیوشر مسنه بایعك رخصت ویرسی

تسلیمدر .

جزافاً صاتیلان شیلرک مؤتی مشتری به عاڈ اولدینی جهته اغاج
اوزرنده صاتیلان میوهی مشتریك دیوشرمنسته بایعك رخصت
ویرمسیله قبضه مانع قالمیه جغندن تسلیم عد اولنور . و بو ماده دن
مستبان اولدیغنه کوره میبعك شاغل اولدی یعنی بشقه برشیئی اشغال ایتسی
تسلیمه مانع دکلدر .

۲۷۰ ماده خانه و باغ کبی کلیدی عقارک ایچنده ایکن
بایعك مشتری به تسلیم ایتدم دیسی تسلیمدر . و خارجنده ایکن
مبیع اکر مشتری در حال انی کایدایه بیله جك مرتبه قریب
ایسه مجرد تسلیم ایتدم دیسی تسلیمدر . و اکر اول مرتبه قریب
دکل ایسه اورایه واروبده ایچنه کیره بیله جك قدر وقت
لمرور دیله تسلیم تحقق ایدر .

[کلیدی عقار] تعیرندن مقصد کلیدلنسی معتاد اولان عقار دیملدر .
و ایکنجی فقره امام اعظم حضر تلرینك رأی اولوب امامین حضراتی
عدم جوازی طرفنده بولنشلردر .

§

اگر عقار مشترك اولوبده بایع حصه شایعه سنی صامش ایسه
شایعاً تسلیم ایلدم دیملک لازمدر . میبعك مشغول اولماسی شرائط
تسلیم مقتضاسندن اولمغله بر کیمسه دیگر کمسنه ایله برلکده ساکن
اولدینی خانه سنی او کمسنه به صاتسه بایع خانہ بی تخلیه ایدوب حیقمده
مشتری قبض ایتش عد اولنماز .

۲۷۱ ماده کلیدلی عقارك مفتاحی ویرمك تسلیمدر .

[مفتاح] دن مقصد عقاره خارجدن کیریله جك قابونك اناختاری دیمکدر . یوقسه داخل مبیعه اولان او طه لرك اناختاری ویرلسه تسلیم عد اولماز .

برده [مفتاحك] قبض مبیعه رخصت مقصدیله ویرلمسی و مشتریك بومفتاح ایله — بشقه آلت و معاونت شخصییه محتاج اولمقسزین — فتح مبیعه مقتدر اولمی شرطدر .

شرائطنی جامع اوله رق مفتاحك ویرلمسیله مشتری ایچون تصرف مبیعه اقتدار حاصل اوله جفتدن تسلیم عد اولنور .

۲۷۲ ماده حیوان باشندن یا قولاغندن ویا یولارندن طوتیلوب تسلیم اولنور . فقط . مشتریك کلفتسزجه تسلیمنه قدرتی اولان محله اراهه سیله قبضه رخصت اعطاسی دخی تسلیمدر .

حیوانك باشندن یا قولاغندن ویا یولارندن طوتیلوب تسلیم ایدلمسی اجناس حیوانك اختلافله تخلف ایدن شیردندر . مثلا آت یولارندن ، حمار قولاغندن طوتیلوب تسلیم ایدیلیر . فقط مشتریك کلفتسز و معاونتسز تسلیمه قدرتی اولیان محله رخصت اعطاسی تسلیم عد اولماز . مگرکه مشتری حقیقه قبض ایله تسلیمش اوله .

۲۷۳ ماده مکيلات ووزوناندن . مشتریك امریله

کیل یا وزن اولنه رق تهیئه واعطا ایلدیکی ظرف وقاب دروننه
قوللق تسلیمدر .

۵۴ نجی ماده شرحنده بیان قلندیغی وجهله بالتبع قبض میبع
وقوعبولش اولور . [ظرف وقابك] مشتری طرفندن تهیئه واعطا
ایدلمسی خصوصنك ماده مذکورده ذکری بایعك تهیئه ایدهجکی ظرف
وقابه میبعی وضع ایتمنك تسلیم اولمدیغنه دلالت ایدر .

۲۷۴ ماده اعروضك تسلیمی مشترینك انه اعطاسیله
یاخود یاننه قویق ویا میدانده اولوبده بالارائه قبضنه رخصت
ویرمك ایلله اولور .

اوچنجی صورتده مشتری یرندن قالمه دن قبض ایدهجك قدر
میبع کندوسنه قریب ایسه تسلیم صحیح اولور والا فلا .

۲۷۵ ماده انبار وصندوق کبی کلیدلی بر محل ایچنده
بوانان شیر طوبدن صاتلدقده مفتاحنك مشتری به اعطاسیله
قبضنه رخصت ویرمك تسلیمدر .

مثلا بر انبار بغدادی یاخود بر صندوق کتاب طوبدن صاتلدقده مفتاحنك
اعطاسی میبعی تسلیم دیمکدر .
یعنی میبعك حق غیری اشغال ایتسی مانع تسلیم دکدر . فقط
صندوق بایعك مالی اولمقله مشترینك آنی آچه بیلمسی بایعك اذننه
متوقف اولدیغندن [قبضنه رخصت ویرمك] قیدیه مشترینك صندوق
آچوب میبعی آلمسی ایچون اذن ویرلمسی لزومنه اشارت اولمشدر .

۲۷۶ ماده مشتری میبایست قبض ایدرکن بایعك

گور و بده منع ایتماسی قبضه رخصتدر .

یعنی قبض مبعه صراحة رخصت و پرله چکی کبی دلالة دخی
پرله بیلور . زیرا معرض حاجتده سکوت بیاندر .

۲۷۷ ماده بایعك اذنی اولمقسزین مشتریك ثمنی

ادیه ایتمدین میبایست قبض ایتمسی معتبردکلدر .

فقط مشتری بلا اذن قبض ایدو بده یدنده میبایست تلف اولور یاخود
قطنور ایسه قبض معتبر اولور .

بیع مطلقده بایع ثمنی اخذ ایدنجیه قدر میبایست حبسه حق اولدیغندن
و حقنك محافظه سی ایچون مشتریك میبایست قبضه راضی اولمسی لازم
ور . بایعك رضای اولمقسزین مشتری میبایست قبض ایدر ایسه غاصب
اولوب انجق میبایست عقد ایله مشتریك ملكی اولمش اولدیغندن تلف
لدیغی تقدیرده ضمانی مشترییه راجع اوله جنی کبی بایع طرفندن
سترداده دخی محل قالمیه جغندن و میبایست سقطنور ایسه قیمتك
رلندن طولای ترتب ایده چك ضرر كذلک مشترییه عائد و هرایکی
ورنده دخی قبض معتبر اولوب مشتریك ثمن میبایست تماماً بایعه
برمسی لازم کلور .

فقط ثمن مؤجل ایسه بایعك حق حبسی اولمدیغندن بایعك اذنی
المقسزین مشتریك میبایست قبض ایتمسی معتبر اولور .

لاحقه

بروجه آتی ذکر و بیان اولنان احوال حکماً قبضدن معدوددر .

۱ : مشتری قبل القبض میبای تماماً اتلاف ایتسه قبض ایتش
اولور . بعضیسنی اتلاف ایتسه استهلاك ایتدیکی مقداری استهلاك
باقیسنی دخی تعیب ایله قبض ایتش اولور .

۲ : برچفت بوطین کی شیء واحد حکمنده اولان ایکی میعه
یا لکنز بریسنی مشتری قبض ایله استهلاك ویا تعیب ایتسه کلیسنی قبض
ایتش اولور . فقط بوتقدیرده مشتری بایع یدنده قالانی طلب ایلمش
ایکن بایع منع ایتدکن صکره یدنده تلف اولسه یا لکنز انک خسار
بایعه عائددر .

۳ : مشتری قیمته نقصان ایراث ایدر عیب ایله میعی تعیب
ایتسه قبض ایتش اولور . مکرکه بعدالتعیب میعک کندوسنه تسام
ایدلمسنی مشتری طلب ایتدیکی حالده بایع ویرماملکه میع بایع یدنه
تلف اوله اول حالده بایع اوزرینه تلف اولور . شوقدرکه تعیب
سببیله میعه عارض اولان نقصانی مشترینک اوده مسی لازم کلور
۴ : مشترینک امریله بایع میعی آخره هبه وتسلیم یا ایج
وتسام ایتسه ویا خود بخود میعی آخره اعاره یا هبه ویا تره
وتسلیم ایدوبده مشتری دخی مجیز اولسه مشتری میعی قبض ایتش
اولور .

۵ : بیع صحیح ایله صاتیلان میعی بایع مشتری به کتورو
ویره جک اولدقده مشتری میعی صویه آت دیسبیله بایع دخی
صویه آتسه مشتری میعی قبض ایتش اولور .

۶ : قبل القبض آخر برکمنه میعی اتلاف ایتمکه مشتری مت
تضمن ایتدیرمکه قیام ایتسه میعی قبض ایتش اولور . اما یبقا
مثللو میعی تنقیص ایتیه جک برشی یا ممسنی مشتری بایعه امر ایدو

بایع دخی قبل القبض میبده اول شیء یا پسه مشتری میبایع قبض
ایتمش عد اول نماز .

۷ : مشتری قبل القبض میبایع ایداع یا اعاره یا ایجار . ایتمسوله
یا خود مشتری ثمن میبک بعضیسنی بایعه ویروده متبایسنی تأدیه
ایدنجیه قدر بو میبک یدنده رهن طورسون دیمسوله مشتری میبایع
قبض ایتمش اول نماز . واستیجارندن طولایی بایعک اجرت ویرمی
لازم کلز .

فصل ثانی

میبک حق حبسه دائر مواد بیاننده در

۲۷۸ ماده پشین صاآشده مشتری ثمنی تماماً تأدیه
ایدنجیه دك بایعک میبایع حبس و توقیف ایتمک حق واردر .
حتی مشتری متعدد اولویده صفقه واحده ایله مبايعه ایتمدکری
بالک ثمنندن حصه سینه اصابت ایدن مقداری بریسی اولجه ویرسه
دیگری دخی ثمنندن حصه سنی تأدیه ایدنجیه قدر بایع میبک تمامی
حبس و توقیف ایده بیلوب کندوسنه مشتریلردن برینک ویرمش
ولدیغی حصه ثمن مقابلنده کی حصه میبایع اعطا ایچون امر اولنه مز .
چونکه میبک حین عقدده تعین ایتمدی مساوات حاصل اولمق اوزره
ئنگ دخی تعینی لازمدر ثمن ایسه حین تسلیمده تعین ایدر . بناء علیه
ایعک حق حبسی درکاردر و حق حبس حقوق مجرده دن اولمغله
ابل تجزی دکدر .

بوابده قاعده شودرکه : بايعك حق مطالبهسى اولان شيلرده
حق حبسى واردر . حق مطالبهسى ساقط اولنجه، حق حبسى دخی
ساقط اولور . ۲۸۲ نجی ماده نك حكمی بوقاعده دن مستثادر .

۲۷۹ ماده بايع اشياى متعدده نى صفتة واحده ايله
صادقده هر برينك بشقه بشقه بهاسنى بيان ايتش اولسه بيله
تماماً ثمنی قبض ايدنجيه دك مجموع ميبی حبس ایده بيلور .

يعنى تفريق صفقه جائز اولديغندن اشياى متعدده دن هر برينك
بهاسى ذكر وتفصيل ايدلمش اولسون اولسون بايعك ثمنی تماماً
استيفاً ايدنجيه قدر حق حبسى واردر . فقط بايع متعدد شيلرك
هر برينك بهاسنى بيان ايله برابر « صادم » لفظى دخی تکرار ايدر
يعنى صفقه تعدد ايلر ايسه مشترى هر صفقه ده کی ميبك ثمنی ويردکه
او ميبی آله بيلور .

۲۸۰ ماده مشترينك رهن و كفيل ويرمسی بايعك
حق حبسنی اسقاط ایده مز .

رهن و كفيل ثمنی توثيق ايچون مشروع اولديغندن مشترينك
رهن و كفيل ويرمسی مبادله اموالده مساوات حصولی ايچون بايع
ثابت اولان حق حبسى اسقاط ایده مز .

۲۸۱ ماده بايع ثمنی قبض ايتدين ميبی تسليم ايدر ايسه
حق حبسنی اسقاط ايتش اولور .

مساواتك حصولی ، بايعك منفعتی ايچون ایدی بايع منفعتی

ارامینجه مساواته بالطبع محل قالماز . حتی بایع میعی بالذات تسلیم
ایتموب لکن مشتری خود بخود میعی قبض ایدرایکن کوروب
سکوت ایتسه ۲۷۶ نجی مادهده بیان قلندینی وجهله دلالة اذن
اوله جفندن ینه حق حبسنی اسقاط ایتش اولور .

بوصورته ثمنی قبض ایدنجیه دک توقیف ایتک اوزره

میعی استرداد ایده مز .

ساقط اولان شی عودت ایتز .

۲۸۲ ماده ثمن میعی الموق اوزره بایع بر کیسه یی

مشتری اوزرینه حواله ایدرایسه حق حبسنی اسقاط ایتش

اولور . وبوصورته همان میعی مشتری به تسلیم ایتسی

لازم کلور .

حواله ابله ثمن تصرف اولندیغندن حکماً قبض وقوعبولمش کیدر .

§

کذلک مشتری بایعی ثمن میعی الموق اوزره دیگر بر کیسه اوزرینه

حواله وبایع دخی قبول ایلسه شیخین حضراته کوره بایع حق

حبسنی اسقاط ایتش اولور .

§

لکن بایع ثمنی قبض ایچون بریسنی توکیل ایتسه بوصورت ثمنی

تصرف اولیوب بلکه تعدد ایتش اوله جفندن بونکله بایع حق

حبسنی اسقاط ایتش اولماز .

۲۸۳ ماده ویره یی به صاآشده بایه ک حق حبسنی

اولیوب وعده سی حلوانده ثمنی قبض ایتک اوزره همان
میعی مشتری یه تسلیم ایتسی لازم کلور .

بایع میعی تسلیم ایتسه تأجیل ثمندن مقصود حاصل اولماز .
مع مافیه بایعک ثمن میبع ایچون مشتریدن رهن ویا کفیل طلبنه
حق واردر . ۲۸۰ ، ۱۵۰۰

§

برده ثمنک برمقداری پشین و برمقداری شوقدر مدت ویره سی یه
اولق اوزره صاتشده پشین ویراسی مشروط اولان مقداری قبض
ایدنجه دك بایعک تمام میعی حبس و توقیف ایتکه حق واردر .
یوقسه میبعک برمقدارینی توقیف ایله ماعداسنی همان تسلیم ایتسی
ایجاب ایتزه . شاید برمقدارینی تسلیم ایدر ایسه حق حبسنی اسقاط
ایتمش اوله جغندن تمامی تسلیم ایتسی لازم کلور . زیرا حقوق
مجرده دن اولان برشیک بعضیسنی ذکر عمومونی ذکر کیدر .

۲۸۴ ماده بایع پشین اولق اوزره صاتدقن صکره

ثمن میعی تأجیل ایدر ایسه حق حبسنی اسقاط ایتمش اولور
و وعده سی حلوانده ثمنی قبض ایتک اوزره همان میعی تسلیم
ایتسی لازم کلور .

یعنی بایع ویره سی یه صاته بیله جکی کبی پشین صاتدقن صکره
دخی ثمنی تأجیل ایده بیلور . انجق بوضورتده حق حبسی قالمیه جغندن
میعی مشتری یه ویرمی لازم کلور . مع مافیه کفیل و یارهن طلبنه
حق باقیدر .

فصل ثالث

مکان تسلیم عقدده در

۲۸۵ ماده عقد مطلق حین عقدده مبیع زرده ايسه
وراده تسليمی اقتضایدر .

مثلاً برکیمسه تکفور طاغنده کی بغدادی استانبولده برکیمسه یه صادقه
ل بغدادی تکفور طاغنده تسلیم ایدر . یوقسه استانبولده تسلیم ایتک
زرد اجبار اولنه ماز .

بوراده [عقد مطلقدن] مقصد مبیعک بر محل معینده تسلیمی
بروط اولمیان عقددر . حتی بایع مبیعی وقت عقدده بولندی
لندن قالیدردق آخر محله نقل ایدوبده مشتری مبیعک وقت عقدده
لندی محله تسلیمی طلب ایتسه اول محله تسلیم ایتک
زرد بایعه جبر اولنور . زیرا مبیعک بولندی محک مشتریجه
لوم اولمیانی اوراده قبض ایتک اوزرد الیغنه دلالت ایدر .

۲۸۶ ماده مبیعک زرده اولدیغی مشترینک معلومی

لیوبده بعدالعقد مطلع اولسه مخیردر . دیلرسه بیعی فسخ
برودیلرسه حین عقدده مبیع زرده ايسه اوراده قبض ایلر .
یعنی « خیار کشف الحال » ایله مخیر اولور .

۲۸۷ ماده بر محل معینده تسلیم اولنمق شرطیله صا ایلش
لان مالک اوراده تسلیمی لازم کلور .

كرك حمل و مؤننه محتاج اولسون كرك اولسون . زیرا بقدر
الامكان شرطه مراعات اولنق لازم كلور .

§

خلاصه عقد بيعه مبيعك مكان تسليمك تعييتي شرط دكلدر
تعين ايديلور ايسه اوراده، ايدلمز ايسه حين عقدده مبيعك بولنديم
محلده تسليمي لازم كلور . بومحل اولجه مشتريتك مجهولي ايسه
مخير اولور .

ثمنك مكان تسليمه كلنجه : « ثمن معجل » محل عقدده تسليم
اولنور . ديكر مملكتده تسليمي شرط ايديلور ايسه بيع فاسد
اولور . « ثمن مؤجل » مصارف نقايه كي حمل و مؤننه محتاج
ايسه نرده تسليم ايديله جكنك حين عقدده بياني شرطدر . بيا
ايدلمز ايسه بيع فاسد اولور . حمل و مؤننه محتاج دكلسه مكان
تسليمك بياني شرط اوليوب ديلديكي يرده تسليم ايدر . حتي بيا
يرده تسليمي شرط ايدلمش اولسه ده بوشروطه رعايت ايتسه برش
لازم كلز .

فصل رابع

تسليمك مؤتتي يعني كلنقي ولوازم تماميتي بياننده در

۲۸۸ ماده ثمنه متعلق اولان مصارف مشتري به عائددر

مثلا اچهنك صايه و طازمه اجر تلري كي مصارف صرافيه مشتري طرفده
ويرلك لازم كلور .

زيرا مشتري ثمنی بایعه تسليمه مجبور اولوب تسليم ثمن ايسه
صايه جق شيلرده صایمقله، طارتيله جق شيلرده طارتمقله تمام اولور

بوابده اصل وقاعدہ شوندن عبارتدرکہ: میعی تسلیم بایع اوزرینہ لازم اولدینی کی تسلیمک مؤتی و تسلیم میع کندویہ توقف ایدن شیلر دخی بایع اوزرینہ لازمدر .

کذلک ثمنک تسلیمی مشتری اوزرینہ لازم اولدینی کی تسلیمک مؤتی و تسلیم ثمن کندویہ توقف ایدن شیلر دخی مشتری اوزرینہ لازمدر .

زیرا مؤنت تمامیت تسلیمک لوازمندندر . فقط بعد التسلیم ثمنک زیوف اولدینی اکلایشیلوبده مشتریہ اعادہ سی لازم کلدکده اعادہ مصرفی بایعہ عائد اولور .

کنلک بایع ثمنی تعداد ایتدکنن صکرہ صایمق ویا طارتمغه لزوم کورر ایسه مصارفی کندوسنه عائد اولوب مشتریہ مراجعت ایدہ من . چونکہ قبض ایله تسلیم واقع اولمغله مشتریہ مراجعت ایدہ بیلسه کندو طرفدن اکمال اولنان بر شیئی نقض دیمک اولوب بودہ جائز دکلدر . ۱۰۰

۲۸۹ ماده میبعک تسلیمنه متعلق . مصرفلر بایعہ عائددر .

مثلا کیلی ووزنی اولان شیلر کیل ووزن ایله صاتلدینی صورتده کیله جی وقتطارجی اجرتلرینی بایعک ویرمسی لازم کلور . چونکہ بونلر تمامیت تسلیمک لوازمندندر . زیرا میعی تسلیم انجق کیل یاوزن ایله تحقق ایدر . مشترینک چوالنه دوکمک اجرتی دخی بایعہ عائددر .

کذلک معدودات عددایله و مذروعات ذراع ایله صاتلدینی صورتده صایمق واولچمک اجرتلری بایعہ عائددر .

۲۹۰ ماده جزافاً صاتیلان شیلرک مؤتتی مشتری یه

عائددر .

مثلاً بر باغک اوزومی مجازفه صاتیلده قدده دیوشر می مشتری نک اوزرینه در .
کذلک بر انبار بغدادی مجازفه صاتیلده قدده انباردن اخراج ونقل مشتری نک
اوزرینه لازمدر .

زیرا مجازفه صاتیلان شیلرک تسلیمی مشتری نک قبضه بر مانع
اولمدیغی حالده بایع قبضه ریخت ویرمسیله حاصل اولور . تسلیم
حاصل اولدقدن صکره اوزومی دیوشر مک و بغدادی انباردن چیقارمق
کبی تسلیمک موقوف علیهی اولمیان شیلر بایع اوزرینه لازم کلز .
۲۹۱ ماده اودون وکور کبی حیوان اوزرنده محمولاً

صاتیلش اولان شیلری مشتری نک خانه سنه نقل ایتمک اوزره
عرف و عادت بلده نه ایسه اکا اتباع اولنور .

شویلهکه : اولدهده بوکبی شیلری مشتری نک خانه سنه بایع نقل
ایتمی عرف و عادت ایسه نقل بایع اوزرینه واکر عرف و عادت
دکل ایسه مشتری اوزرینه لازم کلور .

۲۹۲ ماده سند و حجت تحریری اجرتی مشتری اوزرینه

لازمدر .

سند و حجت بایع بیعی انکاری تقدیرنده اثبات ایچون اولدیغندن
فائده سی مشتری یه عائددر . بناءً علیه کلفتی دخی مشتری اوزرینه

لازم کلور . ۸۷

فقط بايڪ دخى محكمه ده بيعى تقرير واشهاد ايلسى

زوم كلور .

بناءً عليه تقرير واشهاددن طولاني وقوع بولان مصارف
خى بايعه عائد اولور . زيرا بيعك وقوعى اقرار واثباتدن طولاني
بيع مستفيد اولور .

ذيل

بايع ايله مشترى بيننده اكثريا برواسطه يه لزوم كوريلور كه
كا « دلال و سمسار » دينلور . احكام فقهيه اقتضاسنجه دلال ،
بيع طرفندن مأذوناً مبيعى صاتار ايسه دلايه سنى بايعدن آلمسى
زوم كلور . مأذونيتى اولمق سزىن فضولاً صاتار ايسه اجرت آله ماز .
بالوكاله بيع ايتيؤوده فعلى بايع ايله مشترى بيننده توسط و اجراى
قده دلايتندن عبارت قالور ايسه اجرت دلايه نك صورت تسويه
مقدارى امرنده عرف وعادته رعايت اولنور .

دولت عليه جه بو بايدكى عرف وعادت تحت نظامه النهرق
دلال و سمسار لر نظامنامه سى [عنوانيله ۱ صفر سنه ۱۳۰۶
۲۶ ايلول سنه ۱۳۰۴ تاريخنده نشر اولنان نظامنامه ده
لال و سمسار لر ك انواعى و حقوق و وظائفى تعيين و رسوم دلايه ي
بين بر تعرفه تنظيم ايدلديكندن بو نظامنامه موجبنجه عمل اولنمقده در .
كا دائر « حقوق تجارت » نام اثر عاجزیده تفصيلات لازمه مندرجدر .
۵۷ نجى ماده يه دخى نظر بيوريله .

فصل خامس

هلاک میبعه مترتب مواد بیانده در

۲۹۳ ماده میبع قبل القبض بایعک یدنده تلف اول

مشتري حقنیده برشی ترتب ایتیموب ضرری بایعه عانداولو

[میبع] کله سنک مطلق اوله رق ذکر اولمسندن مستبان اولد

کوره میبع ایستر منقول و ایستر غیر منقول اولسون بویاده

مساویدر . فقط میبعک کلیدی و یا بعضیسی تلف اولمسنه و متلفه

احکام مترتبه سنده بعض فرقلر بولندیغندن ایضاح اولو

شویله که :

میبعک قبل القبض بایعک یدنده تلف اولسی بش صو

اوله ییلور .

برنجیسی : بایعک فعلی ، ایکنجیسی : میبعک فعلی ، اوچنچ

آفت سماویه ایله تلف اولور .

بواوچ صورتده بیع منفسخ اوله رق مشتری ثمنی ویرمش

استرداد ایدر . ویرمامش ایسه مشتری یه برشی لازم کمر و مش

میبعک مثلثی و یا قیمتی بایعه تضمین ایتدیره مز .

هر نه قدر بیع ایجاب و قبول ایله منعقد اولور ایسه ده استقرار

تسلیمنه منوطدر . و ۱۵۱ نجی ماده ده تعریف اولندیغی اوزره میبع حین

تعین ایدن عین اولوب مقصود اضلیدر و انتفاع قبض ایله حاصل او

بناء علیه میبع قبل القبض هلاک اولنجه حقیقت بیع که مبادله امو

و عقد مستقر اوله میهرق بیع منفسخ اولوب مشتری به ضرر
ب ایتمز .

مشتری میبعك مثلنی و یا قیمتی بایعه تضمین ایتدیره مامسنك
ایسه کانهجه : میبع ثمن ایله مضموندر . اگر قیمت و یا مثل ایله
می مضمون اولوق لازم کلسه برشیده ایکی نوع ضمانك اجتماعی
زم کلورکه بوده غیر ممکندر .

دردنجیسی : میبع آخرك فعلیه تلف اولور .

بوصورتده مشتری مخیردر . دیلرسه بیعی فسخ ایدر ، دیلرسه
ضما ایدر . بیعی فسخ ایتدیکی تقدیرده مشتری به ثمن لازم کلز .
برمش ایسه استرداد ایدر . بیعی امضا ایتدیکی تقدیرده مشتری به
ن لازم کلور . ویرمش ایسه استرداد ایده مز . چونکه مشتری
بعك مثلنی و یا قیمتی اتلاف ایدن شخصه تضمین ایتدیره بیله جکندن
جرت ایله ضمان اجتماع ایتمز .

بشنجیسی : میبع بایعك نزدنده ایکن مشتریك فعلیه تلف
لور .

بوصورتده ضرری مشتری به عائد اولور . چونکه ۲۷۸ نجی
دهدن صکره یازیلان لاحقده بیان قلندیغی وجهله مشتریك میعی
تلف و یا تعیب ایتمسبله حکماً قبض وقوع بولمش عداولنور . بو حالده
کر بیع ، مطلق یعنی خیاردن عاری اولور و یا خود خیار مشتری
بچون مشروط بولنور ایسه بیع تمام اوله رق مشتری به ثمن لازم کلور .
برماش ایسه استرداد ایده مز .

لکن عقد بیع فاسد ایسه یا خود خیار یا لکز بایع ایچون
مشروط اولوبده اتلاف خیارك سقوطندن اول واقع اولمش ایسه

بایع مشتری به میبع مثلی یا خود قیمتی تضمین ایتدیره بیلور
و بوصولده ثمن لازم کمر.

§

میبع قبل القبض بایعک یدنده قسماً تلف اولسی دخی بشر
صورته اوله بیلور .

برنجیسی : آفت سماویه ایله اولور .
میبع قبل القبض بایعک یدنده ایکن بعضیسی آفت سماویه ایله
تلف اولدوقده میبعه عارض اولان نقصان اگر نقصان قدر ایسه
ثمندن حصه سی ساقط اولور .

بوصولده مشتری کندوسنجه مقصود اولان میبعک کلیسنه مالاک
اوله میه جغندن مخیر اولوب دیلرسه بیعی فسخ ایدر . و دیلرسه باقی
قالانی ثمندن حصه سیله قبول ایدر .

واگر عارض اولان نقصان ، نقصان وصف ایسه یعنی میبعک
بعضیسی تلف اولیوبده فقط وصفی متغیر اولور ایسه اوصاف ثمندن
حصه دار اولدینی جهتله ثمندن برشی ساقط اولماز . لکن مشتری
میعی اوصاف جامعه سیله مبایعه ایتدیکی حالدده بعض اوصافنه نقصان
ترتب ایتدیکنندن مخیر اولوب دیلرسه بیعی فسخ ایدر و دیلرسه
مجموع ثمن مسمی ایله میعی قبول ایدر .
ایکنجیسی : بایعک فعلی ایله اولور .

میبعک بعضیسی قبل القبض بایعک فعلی ایله هلاک اولسه بوسبیله
میبعه عارض اولان نقصان کړک نقصان وصف کړک نقصان قدر اولسون
ثمندن حصه سی ساقط اولور . یعنی نقصان وصف بایعک فعلیه حاصل
اولدیغندن وصف قدر منزله سنه ارتقا ایله حقنده حکم غصب ترتب

ایدرک ثمندن حصه دار اولور . و میبع معیب اولدیغندن مشتری
مخیر اولوب دیلرسه بیعی فسخ ایدر . و ایسترمه ثمندن حصه سیله
آلور .

اوجنجیسی : آخرک فعلی ایله اولور .

ایمدی میبعک بعضیسی بایع یدنده ایکن آخر برکسنه انی اتلاف
ایتسه مشتری مخیر اولوب دیلرسه بیعی فسخ ایدر . و دیلرسه باقیبی
ثمندن حصه سیله قبول ایدر . و دیلرسه کلیسنی قبول ایدرک تلف
اولان مقداری اتلاف ایدنه تضمین ایتدیرر .

دردنجیسی : مشتری نک فعلی ایله اولور .

میبع بایعک یدنده ایکن هنوز قبض ایتدن مشتری بعضیسنی
اتلاف ایتسه اتلاف ایتدیکنی اتلاف ایله و باقیسنی تعیب
ایله قبض ایتمش اولور . بوصورتده باقیسی ید بایعده تلف اولدوقده
اگر بایع برای استیفای ثمن ، میبع متباقی بی حبس ایتدن تلف اولمش
ایسه خساری مشتری په عائد اولور . اما بعد الحبس تلف اولمش ایسه
بایع اوزرینه تلف اولوب مشتری اوزرینه یا لکز اتلاف ایتدیکی
مقدازک ضامی لازم کلور . ۲۷۵

بشنجیسی : معقود علیک فعلی ایله اولور .

مثلا معقود علیه حیوان اولوبده بعضیسنک تلفی کندو فعلی ایله
اولور ایسه بونک حکمی آفت سماویه ایله تلفک حکمی کیدر .

§

۱۷۷ نجی ماده دم بیان قلندینی اوزره قبولک ایجابیه موافقتی

شرط اولمغله مثلا بایع شو ایکی حیوانی اوج بیک غروشه صادم
دیدکده مشتری قبول ایدر ایسه ایکسنی اوج بیک غروشه آلوب

یوقسه ایکسندن برنی بیک بش یوز غروشه آله مدبخی حالده آنف الیان
مثالرده ذکر اولندی و جهله بعدالبیع و قبل القبض میبع قسماً یعنی
ایکی حیوان اولوبده بری تلف اولدقده مشتری نك ثمن مسمان
حصه سیله مثلاً بیک بش یوز غروشه حیاته قالان حیوانی آله بیلمسی
بقا ابدادن اسهل اولدیغنددر . زیرا بایع ایکی حیوانی اوچ بیک
غروشه صاتوب بیع منعقد اولدقن صکره قبل القبض برینك تلف
اولسیله دیگرینك حقنده بیع باطل اولیوب ثمندن حصه سیله باقی
قالور . بوضورتله ابتداء تجویز اولنمان شی بقاء تجویز اولنه بیلور .
فقط مشتری مقصودینه تماماً نائل اوله میه جفندن مخیر اولور .

۲۹۴ ماده میبع بعدالقبض تلف اولسه بایع حقنده برشی

ترتیب ایتیوب ضرری مشتری به عائد اولور .

بیع ، مطلق یعنی خیاراتدن عاری اولدینی صورتده مشتری نك
میعی قبض ایتسیله عقد مستقر اوله رق میبع بایعك مالکندن حیقوب
مشترینك مالی اوله جفندن فائده و ضرری مشتری به عائد اولور و ثمن
منهائی بایه اعطا ایتسی لازم کلور . واکر ویرمش ایسه استرداد
ایده مز . ۳۰۹ لکن بایع مخیر اولدینی تقدیرده میبع کندو ملکندن
چقمیوب ینه کندو سنك مالی عد اولنه جفندن بعدالقبض مشتری
یئنده تلف اولدینی صورتده یوم قبضنده کی قیمتی ویرمی لازم
کلور . ۳۰۸

۲۹۵ ماده مشتری میعی قبض ایدوب لکن ثمنی تأدیه

ایتمدن مفلساً فوت اولسه بایع مییی استرداد ایدمه میوب غرمایه
داخل اولور .

مشتري مییی بایعك اذنی ایله قبض ایدوب لکن ثمنی تأدیه ایتمدن
مفلساً یعنی مالی دیوننه وافی اولمدینی حالدۀ فوت اولسه بایع مییی
استرداد ایدمه میوب غرمایه داخل اولور .

یعنی مشتری متوفانك ترك ایتدیكى مالدن مجموع دیوننه نسبتله بایعك
آله جنی اولان ثمن مییعه نه مقدار اصابت ایدرسه آنی آلور . یوقسه
میناً موجوددر دیو مییی استرداد ایدمه مز . چونكه مشتریك
جیاتنده مییی قبضه بایع اذن ویرمسيله حق حبسنى اسقاط ایتمش
ولور . ساقط اولان بو حق مشتریك وفاتیه کیرو گلز . و مییك
بضیله عقد مستقر اوله رق مییع مشتریك ملکى ، ثمن ایسه ذمتده
ر دین اولور . بناءً علیه مشتری حقیقت مالکۀ یعنی مییعه ، بایع
حقى حق ملکۀ یعنی ثمنه مالک اولور . حقیقت ملک ایله حق ملک
مارض ایتدکده حقیقت ملک ترجیح اولنور . هر نه قدر بوضورتده
بیع ایچون ضرر ترتبی ملحوظ ایسه ده مشتری مفلساً فوت اولسه
بدی بایع ثمنی تماماً اخذ ایدمه جك ایدی بر شیئك منفعتنه مالک
ولان مضرتنه دخی متحمل اولمق لازم کلور .

احکام محرره بایعك اذنیله مشتریك مییی قبض ایدرك ثمنك
متده ثابت دیون عادیه دن اولدینی تقدیر ددر . فقط مشتری ثمن
بیع ایچون رهن ویا کفیل اعطا ایتمش ایسه ثمن مییع دیون ممتازده دن
وله جفندن مشتریك افلاسی حالنده بایع رهنی اصولی وجهله صاتوب
نشدن ویا بالراجعه کفیلدن تماماً استیفای مطلوب ایدر .

مشتري بايعك اننى اولمقسزين ميبى قىض ايتمش ايسه بو قبض
معتبر اولمدينى ۲۷۷ جهتله مبيع ترکه يه منقلب اولميه جفندن زي رده كي
ماده يه تطبيقاً معامله اولنور .

۲۹۶ ماده . مشتري ميبى قبض و ثمنى تأديه ايتدين مفاساً
فوت اولسه بايع ثمنى مشتري نك ترکه سندن استيفا ايدنجيه دك
ميبى حبس ايده بيلور .

يعنى پشين صاننده بايعك ثمنى تماماً استيفا ايدنجيه قدر ميبى
حبس و توقيف ايده بيلمك حقى مشتري نك وفاتيله ساقط اولماز .
۲۷۸ فقط مشتري نك وفاتيله مبيع ترکه سنه انتقال ايده جكندن :

بو صورتده حاكم بيع ايدوب ثمنى وفا ايدرسه بايعك آله جفنى تماماً ايفاء
ايدر . و فضله سى قالدینی تقدیرده فضله سنى غرمایه یعنی مشتري نك سائر آله جقلولرينه
غرامه ویرر . و اگر بايعك آله جفندن ناقص ايسه اول ثمنى بايع تماماً آله قدن
صكره نقصانى غرامه " مشتري نك ترکه سندن آلور .

برده اگر مشتري نك ترکه سى مبيعك ثمنه كفايت ايدرايسه ثمن تماماً ايفاء
و مبيع بايع يدندن آلنوب سائر متروكاتيله فروخت و اثمانى غرامه
ديكر آله جقلولرينه تقسيم و اعطا اولنور .

۲۹۷ ماده . بايع ثمنى قبض ايدوب ليكن ميبى مشتري
تسليم ايتدين مفاساً فوت اولسه مبيع بايع يدنده امانت
قالمش اولور .

بو صورتده مشتري ميبى آلوب سائر غرما مداخله ايده من .
عقد ايله مبيع مشتري نك . ليكنه انتقال ايتمش اولدينى كي

مشتري ثمنی تأديه ايتمسيه بايعك حق حبسي ساقط اولديغندن مبيع بايعك يدنده مشتريتك ملكي اوله رق امانت قالمش اولور . بناءً عليه مشتري بايعك حال حياتنده مبيعي طلب ايتد كده جبراً آله بينه جكي كي وفاتندن صكره دخي آله بيلور .

كذلك مشتري مبيعك ثمنی ويرمكسزين بايع مفلساً وفات ايتسه غريمينه مبيعه مداخله ايده ميوب فقط بوصورته مشتري ثمنی تأديه ايتمكسزين مبيعي آله ماز .

لكن عقد بيع ، بايعك مرض موتنده واقع اولمش ايسه بوصورته يدنجي بابك بشنجي فصلي احكامنه توفيق معامله اولنور .

فصل سادس

سوم شرا وسوم نظر حقنده در

سوم ؛ نوم وزننده طلب معناسنه اولوب مال صاحبي مالى حاتيلغه چيقارمق ، مال آلمق ايسيتيان كي مسه شرايى طلب ايلمك معنالننده مستعملدر . سوم شرا طريقيه آلنان ماله « مقبوض على سوم الشرا » و كوتورنه « مساوم بالشرا » وسوم نظر طريقيه آلنان ماله « مقبوض على سوم النظر » و كوتورنه « مساوم بالنظر » دنيلور . بونلره « مشتري » اطلاقى مجاز اولى قيليندندر . يا خود « مرید شرا » معناسنه در .

۲۹۸ ماده سوم شرا طريقيه يعنى تسميه ثمن اولنه رق

اشترايتك اوزره مشتريتك قبض ايدوده كوتوردىكي

مال مشتری یکنه تلف و ضایع اولدقده قیمایدن اولدینی
تقدیرده قیمتی و مثلیایدن اولدینی تقدیرده مثلی بایعه و یرمسی
لازم کلور.

اما ثمن تسمیه اولنماش ایسه مشتری یکنه امانت حکمنده
اوله رق بلا تعد تلف و ضایع اولدینی حالده ضمان لازم کلز.
مثلا بايع بوحیوانك بهاسی بیک غروشد کتور بکنور ایسه ک
آل دیوب مشتری دخی اولوجهله اشترا ایتک اوزره آلوب کتورسه
وخانه سنده حیوان تلف اولسه دکر بهاسی بایعه و یرمسی لازم کلور . اما
بهاسی بیان ایدلیه رک بايع کتور بکنور ایسه ک آلورسون دیوب مشتری
بکنور ایسه بعده بازار لغی ایدوبده اشترا ایلک اوزره کتور دکده یکنه
بلا تعد تلف اولسه ضمان لازم کلز .

سوم شرا طریقیله مشتری نک قبض ایلدیکی مال ایچون ثمن
تسمیه اولنماش ایسه ثنک تسمیه سی عقدک وقوعوبله جفته قرینه
اولدیغندن مقبوض علی سوم الشرا اولان مال بلا تعد ولا تقصیر
تلف اولسه بیاه مشتری ضامن اولور . و میع قیمایدن
ایسه ۳۰۸ شجی مادده دخی محرر اولدینی وجهله مشتری نک حین
قبضنده تحت ضمانته کیردیکندن یوم قبضنده کی قیمتی و مثلیایدن
ایسه مثالی و یرمسی لازم کلور .

اما ثمن تسمیه اولنماش ایسه عقدک وقوعنه قرینه اولیوب امانه
مقبوض اولدینی و امانت مضمون اولدینی جهته تعدی و تقصیر مثللو
موجب ضمان بر سبب اولمقیزین تلف و ضایع اولسه ضمان لازم
کلز . لکن تعدی و تقصیر مثللو بر سبب ایله تلف و ضایع اولمش

ایسه قبض امانت سبب مذکور ایله قبض ضمانه منقلب اوله رق حکم غصب جریان ایده جکندن تلف و یا ضایع اولدینی کونده کی قیمتی واکر مثلیادن ایسه مثنی تضمین ایتک اقضا ایدر .

§

ثمنك هم بايع وهم مشتری طرفدن حقیقه و یا حکماً تسمیه سی لازمدر . حقیقه تسمیه مستغنی ایضاح اولوب حکماً تسمیه اولنسی ایکی طرفدن بریسی تسمیه ثمن ایلدیکی حالده دیگر طرف ثمن تسمیه ایتکسزین کندوسندن او مقدار ثمنه راضی اولدیغنه دلالت ایده جک بر فعلک صدور یله اولور .

نته کیم سالف الذکر مثالده بیان قلندیی وجهله بايع [بو حیوانک بهاسی بیک غروشدیر کوتور بکنور ایسه ک آل] دیدکده مشتری « کوتوره یم بکنور ایسه م آنورم » دیوب کوتور سه هر نه قدر مشتری ثمنی ذکر ایتماش ایسه دهه علی وجه الشرا آلوب کوتور میسی بیک غروش ثمنه راضی اولدیغنه دلالت ایدر .

کذلک مشتری « شو حیوانی بکا ویر کوتوره یم بکنور ایسه م بیک غروشه آلورم » دیدکده بايع دخی « آل کوتور » دیسه هر نه قدر بايع ثمنی تسمیه ایتماش ایسه دهه علی وجه الشرا حیوانی ویر میسی بیک غروش ثمنه راضی اولدیغنه دلالت ایدر .

§

سوم شرا طریقله مقبوض اولان مالک قیمتی یا خود مثنی ضمان لازم کلمک ایچون مشتری یدنده صنعی اولمقسزین تلف و یا ضایع اولدینی یا خود بايع رجوع ایتدکدن صکره مشتری انی استهلاک ایلدیکی و یا قبل الرضا مشتری وفات ایدرک ورثه سی اتلاف ایتدیکی صورته در .

فقط رجوعندن اول مشتری استهلاك ايدرايسه قيمتى ويا مثلنى
ویرمك لازم كليوب ثمن مسماي ویرمى لازم كلور .
زیرا عاقد مشتری اولديغندن قبل الرجوع استهلاك
ايلديكى صورتده اول ثمن ايله عقدى امضايه راضی اولديغنه حمل
اولنهرق عقد تمام اولوب ثمن لازم كلور . اما قبل الرضا مشتری
وفات ايلدكده عقد منفسخ اوله جغندن وورثه عاقد اوندق لرندن مال
مقبوض انلرك ينده امانت اوله رق قالورده استهلاك ايلدكلى
صورتده مثلنى يا قيمتى ویرملى لازم كلور .

§

اما ثمن تسميه اولنماش ايسه هر نه قدر على وجه الشر قبض اولنش
ايسه ده مشتریك ثمن مقابلنده آلدیغنه دلالت ایده جك بر شی
اولدیغندن مال مقبوض مشتری یدنده امانت حکمنده اوله رق بلا تعد
ولا تقصیر تلف و ضایع اولدیغی حالدّه ضمان لازم کلز .
لكن قابض كندى تعدى وقصورى ايله اتلاف ايدر ايسه
هر حالدّه قيمياتدن ايسه قيمتى ومثلياتدن ايسه مثلنى ویرمى لازم
كلور .

۲۹۹ ماده سوم نظر طریقیله یعنی کورمك يا خود
کوسترمك اوزده قبض اولنان مال كرك بهاسی بیان اولنسون
و كرك بیان اولنسون قابضك یدنده امانت اوله رق بلا تعد تلف
وضایع اولسه ضمان لازم کلز .

بهاسی بیان اولندیغی صورتده هر نه قدر تسمیه ثمن وار ايسه ده

ساوم صانوان آماق اوزره قبض ايتيوب كورمك ياخود كوسترمك
 وزره قبض ايتديكندن بلا تعد ولا تقصير تلف وضايع اولديني
 ديرده ضمان لازم كلز . تعدى و تقصير ايله تلف وياضايع اولديني
 خالده قبض امانت قبض ضمانه منقلب اوله چيغندن حتمده حكم غصب
 قربان ايدرك مبيع قيمياتدن ايسه يوم هلا كنده كي قيمتي ومثلياتدن
 ايسه مثلي تضمين ايتسي لازم كلور .

باب سادس

خيارات بياننده اولوب يدي فصلي حاويدر

خيارات ؛ ۱۱۶ نجى مادهده تعريف اولنان [خيارك] جمعيدر .
 وابده انواع خيارك اكريسندن بحث اولنسنه مبنى جمع صيغهسى
 كر اولنشدور .

قابل فسخ اولان عقودك جمله سنده خيار جائزدر . فقط
 خيارات ، مدخلك ايكنجى بابنك اوچنجى فصلنده بيان قلنديني
 زيرده تفصيل اولنه چني وجهله فعل منعقدده فى الحال اثر ترتيبه
 منع اولديغندن كندوسنده خيارندن برى بولنان عقد ، غير لازم
 ولور . بناء عليه مخير اولان كيمسه عقدى فسخ ايدم بيلور .

§

خياراتك انواعندن خيار شرط ، خيار وصف ، خيار نقد ،
 خيار تعيين ، خيار رؤيت ، خيار عيب ، خيار غبن وتغدير كثير .
 وقوع اولديغندن اشبو بابك حاوى اولديني يدي فصلدن هر فصلده
 نوعى تعريف وشرائط واحكامى بيان قلنميشدر .

خيار كشف حال ۲۱۸ ، ۲۸۶ ، خيارات اجازت عقد فضولى ۳۷۸ .

۷۴۶ خیار بیع مأجور ۵۹۰ ، خیار بیع مرهون ۷۴۷ ، خیار استحقاق ، خیار عیب فسادك ذیلنده و ۱۱۲۵ نجی ماده لرده ذكر اولمشدر .

خیار تفرق صفقه ایکی نوع اولوب بری میعك ناقص ظهور ایتمسندن ۲۲۳ و دیکری قبل التسلیم میعدن بعضیسنك هلاك اولمشدن طولای صفقه نك تفرق ایتمسه منی مشتریك مخیر اولمیدر كه ۲۴ نجی ماده ده بیان قلمشدر .

خیار کیمیت ، ۳۳۵ نجی ماده زیرنده ، خیار تکشف الم ۲۳۷ نجی ماده شرحنده ذكر اولنوب فقهای عظام خیار تکشف الم ایله خیار کشف حالی برعد ایتمکده در .

خیار غبن و تغیر ، دخی قولى ، فعلی دیو ایکی نوع اولو ۳۵۷ نجی ماده و شرحنده تعریف ایدلمشدر .

بونلردن بشقه ایکی نوع خیار دها اولوب بری خیار خیار مراجحه و ایکنجیسی خیار تولیه در . بیع صرفه دائر اولدقلرن مجاهده ذكر اولنماشدر .

خیارات مذکوره بعد العقد فسخ ایچون مخیرلکدر . قبل ال دخی بر مخیرلک واردر كه اوده ۱۸۲ نجی ماده ده بیان قلنان » مجلسدر « .

قابل فسخ اولان عقود خیاراتدن ماعدا فصل مخصوصنده قلندیغی وجهله اقاله ۱۷۷۸ نجی ماده موجبجه تحالف ایله فسخ اولنه بیلور .

فصل اول

خيار شرط بيابنده در

خيار شرط ، ترکیبی مسبک سببه اضافتی قیلنددر . چونکه شرط ، خيارك سبيدر . زیرا عقدده اصل اولان طرفین حقنده لازم اولمقدر . عقدی فسخ و امضا بینده مخیر اولمق خلاف اصلدر . انك ایچون ایجاب و قبولدن صکره محاس عقدده بیه عاقدیندن هیچ بری حقنده خيار یوقدر . مکرکه عقدده خيار ، شرط قلده . اول وقت خيار ثابت اولور .

§

خيار شرط ؛ اصل عقدی قبول ایله رد آراسنده عاقدینك مخیر اولمسیدر . بناءً علیه ابتداءً لزوم عقده مانعدر . چونکه مدخناك ایکنجی بابنك اوچنجی فصلنده بیان قلندیغی وجهله احکام تکلیفیه بعضاً فعل مکلفك اثریدرکه بیعده ملکیتدر . بو اثری عدمدن وجوده کتورن شیئه دخی « علت » دینورکه وجوب حکمك ابتداءً مضاف الیهی اولان شیدر . وپونده اوچ معنی متبردر . بری : حکمه مضاف الیه اولمسی یعنی اول حکم ایچون موضوع بولنمسی ، ایکنجیسی : حکمك وجودنده مؤثرک نوعی ویا جنسی اعتباریله تأثیر ایتمسی ، اوچنجیسی : کندوسیله برابر حکمك معین بر زمانده حاصل اولمسیدر .

صحیح و نافذ اولوب فقط خيار ، شرط ایدملکه غیر لازم اولان عقد بیعده اسماً و معناً علت بولنور ایسه ده حکماً بولنمز .

چونکه اهلندن صادر اولان « شو مالی آلدن ، صاتم » لفظلری ایله منعقد « بیع » ملکه موضوع اولدیغندن اسماً علتدر . وثبوت ملکه تأثیر ایتدیگندن معنأ دخی علتدر . فقط خیاری شرط ایله غیر اولان بیمده ملکیت فی الحال حاصل اولمیوب خیاری شرطک نهایتاً تأخیر اولندیغندن بیع مذکور ملکیتک فی الحال حکماً عاتی اوله میور . مشترینک بر مالی صاتون آلمقندن مقصدی فی الحال اکا مالکیت اولوب بوجه محرر خیاری شرط شو مقصدک حصوله مانع اولمسنه نظر مفسد اولق لازم کلوردی . انجق بعض عقود محتاج تذکر اولمقل عاقیدن ایچون حین عقدده خیاری شرطی درمیان ایده بیلرلی شرعاً تجویز اولمسه حقلرنده مشقتی موجب اولور . مشقت دخی تیسیری جاب ایده جکندن خیاری شرط علی خلاف القیاس استحساناً تجویز اولنشدن

§

خیاری شرط بیع ، اجاره ، قسمت ، کفالت ، حواله کی قابل فسخ اولان عقود لازمهده صحیح اولور ایسهده نکاح و طلاق کی قابل فسخ اولمیان عقود لازمهده ، وکالت کی عقود غیر لازمهده صحیح اولماز .

۳۰۰ ماده بایع یا مشتری و یا خود ایکسی بردن مدت معلومه ایچنده بیعی فسخ ایتک یا خود اجازت ایله انفاذ ایلک خصوصنده مخیر اولق اوزره شرط قیلمق جائزدر .

بایع و مشتری کرک اصل اولسون کرک وکیل و وصی اولسون

§

بومادهده یالکیز عاقیدن ، یا خود احد عاقیدن مخیر اولق اوزره

شرط خيارك جوازی بیان قلمش ایسه ده کتب فقهیه ده محرر اولدینی
جهله عاقدین یا خود احد عاقدین بر شخص ثالث مخیر اولمق اوزره شرط
یتسه لینه جائزدر .

مثلا عاقدیندن بریسی « بن و فلان یا خود یا لکنز فلان مخیر اولمق
وزره » دیو شرط ایتسه او کیسه دخی مخیر اولور .

عاقدیندن بری ایله بر شخص ثالث مخیر اولدینی صورتده بری
عقدی فسخ ایدوب دیکری اجازت ویرسه اقدمنه اعتبار اولنور .
عنی فسخ تقدم ایدرسه بیع منفسخ اولور . اجازت تقدم ایدرسه
و طرفك خياری ساقط اولور .

فسخ و اجازت تعارض ایدر ایسه یعنی ایکسی برزمانده وقوع
ولورسه اجازت لزوم عقدی مقتضی و فسخ مانع اولدیندن وقاعده
نفع و مقتضی تعارض ایتدکده مانع تقدیم اولنه جغندن فسخ جهتی
رجیح ایدیلور . زیرا اثر اجازت مشتری ایچون حالی اثباتدر . اثر
فسخ اول حالی بایعه ابقادر . ابقا ایسه اثباتدن اولادر .

§

متبايعیندن بری یا خود هرایکسی میبعك عمومده خياری شرط
یلمق جائز اولدینی کبی میبعك نصفی و یا ثلثی مثلاًو بعضیسنده دخی
خياری شرط قیلمق جائزدر . و میبعك عمومك ثمنی معلوم اولدینی
جهتله نصف و ثلث کبی بعض شایعك ثمندن حصه سی متعین اولدینندن
میبعك بعض شایعنده خيار شرط قلمدوده او بعضك ثمندن حصه سنی تفصیل
و تعیین لازم دکدر . بوعورته میبعك خيار شرط قلمنمیان جزئنده
بیع لازم و خيار شرط قلمنان جزئنده غیر لازم اولور . بوجزؤده
مخیر اولان طرف بیعی امضا و انفاذایدرسه میبعك عمومی حقهده بیع

لازم اولور واکرمدت خيارنده بيعی فسخ ايلرسه بو جزؤ حق
بيع منفسخ اولور وديکر طرف ايله مبيعه شريك اولمش اولور .

§

کذلک مبيع متعدد اولديني صورتده علی التبعين بعضيسته خيار
شرط قيلمق جائزدر . لکن بوصورته اشياى متعدده دن هر بر
ثمنلری آری آری بیان وتفصيل ايدملک لازمدر .

§

صلب عقدده خياری شرط قيلمق جائز اولديني کي بعدالہ
آرادن بر خيلي زمان کچمش اولسه بيله خياری شرط قيلمق
صحیح اولور .

لکن قبل العقد خيار مقاوله اولنوب بعده عقد ، مطلق اولور
ایقاع ايدیلور ايسه خيار ثابت ارماز .

§

ماده مشروحهء ، [بيع] لفظی مطلق ذکر اولنست
ا کلاشيله جفته کوره بيع صحیحده خيار شرط جائز اولديني
بيع فاسدده دخی خيار شرط جائزدر ، شو قدر که بيع فاسد
قبل القبض حکمی افاده ايتمه چکی جهتله مخیر اولان کيمسه شر
خياردن مستفيد ارمق ایچون مبيعک مقبوض اولمی ایجاب ايدور

§

مدت خيار بحثه کنگجه ؛ خيار شرطده مدت خيارک مع
ومعین اولمی لازمدر . بناءً عليه مؤبداً یا خود مدت تعیین اولنمیر
مطلقاً ویا یغمور یا غنجه قدر کي معلوم ومعین اولمیان مدت
خيار ، شرط قننور ايسه بالاتفاق بيع فاسد اولور .

خيار شرط ابتداء لزوم عقده مانع اولديغندن عقدک بلا مد

قده قالمیوب کسب قطعیت ایتسی ایچون مدت تعینی ایله مدت
 ووره نك مرورنده عقدك كسب قطعیت ایدرك لزومی ، ومدتك
 م اولسی دخی جهالتله نزاعه مفضی اولماق اوزره عقدك حتی
 ون لازمدر .

فقط محله جمعیتك مضبطه سنده دخی بیان قلندیغی وجهله
 سرت امام اعظم خیار شرطك مدتی نهایت اوج کوندن عبارت
 ق لازم کلوب زیاده شرط ایدلکده بیعی افساد ایده جکی وامامین
 سرائی هر قاج کون مقاوله اولنور ایسه جائز اوله جنی رأینده
 نشر در . خیار شرطك تجویزی مادامکه تفکر غبن ایچوندر
 بده نهایت اوج کون مدت تعینی معاملاتك سور نجمه ده قالماسی
 ون پك بجا ایسه ده مبیعك حال ووصفنه و صورت اشترا سینه
 مقتضای زمانه کوره مدت خیارك بعضاً اوج کوندن زیاده اوله
 مسی لازم کله جکی مطالعه سینه مبنی امامین حضراتك قوی جال
 صلحتہ ارفق کوریلهرك بالاخیار شرح وایضاح ایدلکده بولنان
 ۳ نجی ماده ده شرط خیار نهایت اوج کون ایله تحدید ایدلیهرك
 قی ذکر اولمشدر .

§

بعدالعقد احد طرفین دیگرینی بلا مدت معلومه تخیر ایسه
 مك اعمالی اھمالندن اولی اولدیغندن مخیر اولان کیسه ایچون
 له بیعی اثبات ایتدیکنه حمل اولنهرق اوکیسه ختام مجلسه قدر
 ر اولور .

۳۰۱ ماده خیار شرط ایله مخیر اولان طرف مدت

خیارنده یعنی مخیر اولدینی مدت طرفندن دیلرسه بیعی
فسخ ایدر . و دیلرسه مجیز اولور .

فقط مخیر اولان کیمسه دیگر طرفک غیابنده خبر ویرمکسیر
بیعی مجیز اوله بیلور ایسه ده بیعی فسخ ایتدیکی تقدیرده طرفه
حضراتنک قولنججه دیگر طرفه خبر ویرمک لازمدر . زیرا بیعی
فسخ غیرک حقنده دفع میسع ایله تصرف اولدیغندن ضرردن حال
اوله منر مادامکه مخیر اولان طرف دفع غبنی تفکر ایچون خیار
شرط ایتشدیر عقدی فسخ ایتدیکی حالده دیگر طرفک دخی متضرر
اولماسی ایچون خبر ویرمسی لازمدر .

§

کذلک صفة واحدة ایله صاتیلان میبعک کلیسندده مخیر اولان
کیمسه میبعک نصفی مجیز اولوب نصف دیگرینی فسخ ایتس
قبل التمام تفرق صفتیهی موجب اوله جغندن بوصول جائز اولور
عمومی مجیز اولمش عد اولنور .

۳۰۲ ماده کرک فسخ و کرک اجازت قولا اولدینی

کبی فعلاً دخی اولور .

دلتنک اشارت معروفه سیله دخی اولور . یعنی عقد بیعه جا
اولان الفاظ و صور معلومه ایله خیار شرطک دخی فسخ و اجاز
جائزدر .

۳۰۳ ماده اجازت قوالیه اجازت ویردم یاوازی اولد

کبی رضایه و فسخ قولی فسخ ایتدم یاواز کچدم کبی عدم رضایه
دلالت ایدن سوزلردر .

۳۰۴ ماده اجازت فعلیه رضایه و فسخ فعلی عدم رضایه
دلالت ایدن فعللدر .

مثلاً مشتری مخیر اولدینی حالده مدت خیارینده مبیعی صاتیغه چیقارمق
یاخود رهن و یا ایجار ایتمک کبی تملکک لوازمندن اولان بروجهله تصرف
ایتمی اجازت فعلیه و بایع مخیر اولدینی حالده اولوجهله تصرف ایتمی فسخ
فعللدر .

۳۰۵ ماده مخیر اولان کیمسه بیعی فسخ و یاخود انفاذ
ایتمدین مدت خیاری مرور ایدر ایسه بیع تمام اولور .

چونکه ذاتاً بیع منعقد و طرفینک رضایی حاصل اولوب یا لکن
خیارک شرط ایدلمی عقدک لزومنه مانعدر . مدت خیارک مروری
ایسه مخیر اولان کیمسه نک بیعی امضا و انفاذ ایتدیکنه دلالت ایدر .
مخیر اولان کیمسه نک مدت مرورینه علمی تعلق ایتسون ایتسون
هر حالده مدت خیارک مروریه خیار ساقط و بیع تمام و لازم اولور .

§

مخیر اولان کیمسه به جنت و اغماء کبی بر سبب عارض اولسه
خیاری ساقط اولوب مدت مشروطهده کسب افاقت ایتسه کما کان
ختم مدته قدر مخیر اولور ایسهده محنون و مغموم اولدینی زمان
ظرفنده مدت خیار ختم بولسه مخیر لکی ساقط اولور . عارضه واقعه
سقوط خیاره مانع اولسه دیگر طرفک متضرر اولمی لازم

کله چکندن قاعده اھون شرین اختیار اولنور . کذلک ۱۰۲۶ نجی ماده ده مصرح اولدینی اوزره مشتری مخیر اولدینی حالده مدت خیارنده مبیع شفیع طرفندن اخذ و تملک اولنسه خیاری حکمی قالماز .
۳۰۶ ماده خیاری شرط وارثه انتقال ایتمز .

یعنی مخیر اولان طرفک و فاتیه خیاری ساقط و بیع لازم اولور .
 بوصولده مخیر اولان کیسه بایع ایسه و فاتیه مشتری مبیعه مالک اولور .
 و اگر مخیر مشتری ایسه و فاتنده وارثی مخیر اولقسزین مبیعه مالک اولور .
 چونکه خیاری اراده و مشیت و اختیاردن عبارت و مخیر اولان کیسه ایله قائم بروصف اولوب قابل انتقال دکلدر . توارث انجق قابل انتقال اولان شیلرده جاری اولور .

۳۰۷ ماده بایع و مشتری ایکسی بردن مخیر اولدقلری تقدیرده هر قنغیسی فسخ ایدرایسه بیع منفسخ اولور .
 و هر قنغیسی اجازت ویررسه یا انکز انک خیاری زائل اولوب دیگر ی مخیر قالور .

[قنغی] کله سی الفاظ عمومیه دن اولدیغندن بایع و مشتری به شاملدر .

خیاری شرط لزوم عقده مانع اولدیغندن مخیر اولان طرفیندن بری بیعی فسخ ایدرایسه عقد منفسخ اولور . و دیگر طرفک خیاریتک بالطبع حکمی قالماز . فقط طرفیندن بریسی اجازت ویررایسه انک اجازتی لزوم عقدی موجب اولمغله عقد منفسخ اولیوب یا انکز کندی خیاری زائل اولور ایسه ده بیعک تمامیتی دیگر طرفک دخی

قبوله منوط ایدو کندن و دیگر طرف ایسه مخیر اولدیغندن مدت
خیار ظرفنده فسخ ایتک ویا اجازت ویرمک اوزره مخیر قالور .

§

خلاصه بومادهده درت صورت بولنوب برنجیسی : طرفینک
اجازت ویرمسی . ایکنجیسی : طرفینک فسخ ایتسی . اوچنجیسی :
ایک اجازت ویرمسی و مشترینک فسخ ایتسی ، دردنجی : مشترینک
اجازت ویرمسی وایک فسخ ایتسیدر .

برنجی صورتده یعنی طرفین مخیر اولدقده بیع لازم و دیگر
صورتلرده منفسخ اولور . یالکز بر استثناسی واردر . شویلاکه :
ی فسخ ایتدکدن صکره دیگری اجازت ویرسه وفسخ ایدن دخی
اجازتی قبول و تصدیق ایلسه استحساناً جائز و بو معامله بیع
خر اولمش اولور .

۳۰۸ ماده یالکز بایع مخیر اولدیغی صورتده بیع کندی

لکندن چیقمیوب ینه کندوسنک مالی عد اولنور .

چونکه بایع خیاری ابتداءً حکم بیع حقهده ثبوتنه
نعدر . زیرا بیعک تمامیتی رضا ایله اولور . بایع کندیسی ایچون
باری شرط قیلمسی بیعک کندی ملکندن چیقدیغنه راضی
لمدیقتی افاده ایدر . بناءً علیه بایع حقهده بیع تمام اولماز و میبع
مک ملکندن چیقماز . حتی میبع مشتری یدنده بولسه خیار باقی
لدجه بایمک تصرفی صحیح اولور . مشترینک تصرفی صحیح اولماز .

و میبع بعد القبض مشتری یدنده تلف اولسه ثمن سمی

لازم کلیوب مشتری نك يوم قبضنده کی قیمتی ویرسی لازم
کلور .

زیرا بایع حقنده بیعك تمامیتی انك اجازتی یاخود مدت خیارك
مروری ایله خیاری نك سقوطنه موقوف ایدی . میبع قائم و موجود
اولدینی حالده بیعی امضا و انفاذ قابل اولمیه جغندن میبعك مشتری
یذنده هلاک یله بیع منفسخ اولور . و میبع مشتری یذنده و دیعه
وعاریت کی امانت محضه اوله رق مقبوض اولیوب سوم شرا طریقله
مقبوض کی اولدیغندن مضمون اولغله کرک مدت خیار ایچنده
هلاک اولسون و کرک مدت خیار ظرفده من له الحیار بیعی فسخ
ایتدکن صکره هلاک اولسون قیمیاتدن ایسه يوم عقد و يوم هلا
کنده کی قیمتته اعتبار اولمیوب مشتری میعی قبض ایتدیکی زمان
تحت ضمانته داخل اولدینی ایچون يوم قبضنده کی قیمتی و مثلیاتدن
ایسه مثلی ویرمك لازم کلور .

بایع فسخ ایتمکسزین مدت خیار مرور ایتدکن صکره میبع
مشتری یذنده تلف اولدینی صورتده مدت خیارك مرور یله خیار
ساقط و بیع تام و لازم اولدیغندن ثمن مسمی لازم کلور . قبل التسلیه
بایع یذنده تلف اولورسه بایع و مشتری دن هیچ بریسنه برشی لازم
کلیوب بیع مطلقده اولدینی کی عقد منفسخ اولور .

بایع و مشتری ایکسی بردن مخیر اولدقلری صورتده حکم ی
بویله در . شوقدرکه : بایع خیاری سبیلله میبع ملکندن چیقمدینی
کی مشتری نك خیاری سبیلله ثمن دخی انك مایکندن چیقماز .

۳۰۹ ماده یالکیز مشتری مخیر اولدینی صورتده مبیع

بایمک ملکنندن چیقوب مشترینک مالی عد اولنور .

یعنی بایع بلا خیاری ایجابیله مشتری یه اثبات ملک ایتمش اولدیغندن انک حقننده بیع لازم اولوب مشترینک مخیرلیکی شو لزومه مانع دکلدر . انجق مشتری حقننده ملک ثابت اولمق ایچون انک حصول رضاسی لازم کلوب حال بوکه کندوسنک مخیر اولمسی بوکا مانعدر . بوصورتده مبیعک ملکیتی بایعدن ساقط و مشتری یه غیر ثابت اوله رق زائل اولمق ایجاب ایدر . بوکا محل قالماق و مبیعک تلفی حالنده ترتب ایده جک احکام کندوسنه عطف واسناد اولمق ایچون مشترینک مالی عد اولنور .

و مبیع بعد القبض مشتری یدنده تلف اولسه ثمن مسمانک

اعطاسی لازم کلور .

شو ایکی مادهده بیان قلنان احکام مبیع تلف اولدینی صورتده در . مبیع اتلاف ایدیلور یا خود مانع رد اولور برعیب ایله معیوب اولور ایسه حقننده ترتب ایده جک احکام ۲۹۲ نجی ماده ایله انی ولی ایدن مواددن و اولبایدی بسط و تمهید ایدیلان ایضاحاتدن مستبان اولور .

فصل ثانی

خار وصف بیاننده در

خیار وصفده حکمک فوائده انتسابندن طولایی یالکیز مشتری

مخیر اولور . شویله که :

۳۱۰ ماده بايڪ بروصف مرغوب ايله متصف اولمق اوزره صائمش اولديني مال اول وصفدن عارى چيقسه مشترى مخير اولور. ديلرسه بيى فسخ ايدر وديلرسه مجموع ثمن مسمى ايله مبيى قبول ايدر. بوكا [خيار و صف] ديرلر.

مثلا صاغيلور ديو صائمش اولان بر اينك سوتدن كسلمش اولديني ظاهر اولسه مشترى مخير اولور. وكذا كيجه وقتى قرضى ياقوتدر ديو صاتيلان طاش صارى ياقوت چيقسه مشترى مخيردر.

چونكه بايع مبيى بروصف مرغوب ايله توصيف ايدوبده عقد اول وجهله واقع اولدقده مشترى مبيى وصف مرغوب ايله متصف اولمى حسييله اشترأ ايتمش ومبيع وصف مزبوردن عارى چيقدينى صورتده بيعه رضاى لاحق اولمامش اولور و بناء عليه كندوسى ايچون خيار وصف ثابت اولور.

[ديلرسه بيى فسخ ايدر وديلرسه مجموع ثمن مسمى ايله مبيى قبول ايدر.] يوقسه ثمن مسادن بر مقدار تنزيل ايدومز. زيرا وصف مقصود بالذات اولمامقده قدر مرتبه سينده بولنديغندن ثمندن حصه دار اوله ماز.

فقط بايع حين عقدده مبيى بروصف غير مرغوب ايله توصيف ايدوبده مبيع اول وصفدن عارى چيقسه مثلا سوتدن كسلمش اولمق اوزره صاتيلان اينكك صاغيلور اولديني تحقق ايتسه مشترى مخير اوله ماز.

چونكه مبيعك بروجه محرر وصف مرغوب ايله متصف

اولد یغنک تحقق ایتسی مشتری حقنده نفع محض اولمغله موجب خیار
دکدر . هر نه قدر بایع حقنده ضرری موجب اوله بیلور ایسه ده
کندوسی میعی بیعه راضی اولوب وصف غیر مرغوبک وجود ویا
عدمی تحقق و تدقیق مرتب ذمتی ایکن تقید ایتما مسندن طولانی
بیعی فسخ ایله مشتری بی اضرار ایتک صلاحیتی حائز اوله ماز .

§

۶۵ نجی ماده موجبجه حاضرده کی وصف لغو اولدینی حالده
مجاهده محرر مثاللرده بیان قلنان وصفلرک معتبر اولاسی سبی ماده
مزبوره شرحنده ذکر اولمشدر .

میعی توصیف اولنان وصف مرغوبدن عاری چیقدینی و مشتری
قبول ایتدیکی حالده مجموع ثمن مسای و یرمسی اوصافک ثمندن
حصه سی اولما مسندن ناشیدر .

§

فقط حین عقدده مشروط اولان وصف مرغوبدن عاری
چقان میعک ردینی موجب بر مانع ظهور ایدر مثلا صاغیلور
دیو بیع اولنوبده سوتدن کسلمش اولدینی ظاهر اولان اینسکک
مشتری نزدنده ایکن برکوزی سقطلنور ایسه ضرر کندو مثلی ایله
ازاله اولماز ، ضرر اشد ضرر اخف ایله ازاله اولنور قاعده لرینه
بناء مشتری بیعی فسخ ایله میعی رد ایده میوب نقصان قیمتله بایعه
رجوع ایدر . بو تقدیرده قیمت حقیقه ثمن مسایه مساوی ایسه
میعک اول وصف مرغوبدن عاری اولدینی حالده کی قیمتی ایله اول
وصف ایله متصف فرض اولدینی تقدیرده کی قیمتی بیننده کی تفاوت
ثمن مسادن تنزیل ایدیلور . لیکن قیمت حقیقه ثمن مسادن ناقص
ویا زید اولور سه نسبت اولور شویله که :

صاغيلور ديو صاتيلا ن اينكك حقيقه صاغيلور اولديني زمانده كي قيمتي
 ۱۰۰۰ وسوتدن كسلمش اولديني زمانده كي قيمتي ۷۵۰ غروش اولوب
 ثمن مسمي دخي ۱۲۰۰ غروش اولسه $\frac{1000}{750}$: $\frac{1200}{750}$ ديتلوب $\frac{750 \times 1200}{1000}$
 ۹۰۰ اولور . بومقدار ثمن مسمادن طرح اولنه جق اولورسه ۳۰۰
 غروش كير و آلور . اكر ثمني ويرمامش ايسه اومقدار اكسيك ويرر .

§

بيعه بر وصفي شرط قيليق جائز اولوب اولمامسنده قاعده
 شودر كه : كندوسنده الدائم احتمالي اولميان وصفي بيعه شرط قيليق
 جائزدر . كندوسنده الدائم احتمالي اولان وصفي شرط قيليق
 جائز دكلدر . مكر كه اول وصف اوصاف غير مرغوبه قيلنددن اولوبده
 بيعه اني شرط قيليق بايع عيب دعواسندن ذمتك برائتي شرط
 قيلمش مناسبه اوله . اول حالده جائز اولور .

خلاصه بيعه شرط قيلنمسي جائز اولان برشي شرط قيلنوبده
 مبيع انك خلافته ظهور ايتديكي صورتده اكر مبيع حين عقدده
 تسميه اولنان جنسك خلافي ايسه بيع اصلا صحيح اولماز . واكر
 او جنسندن اولوبده شرط قلنان وصف مرغوب بولنمازسه بيع
 صحيح فقط مشرتري ايچون خييار ثابت اولور . اكر مبيع حين
 عقدده شرط قلنان وصفدن ده خيولو بروصف ايله متصف اولورسه
 بيع صحيح ولازم اولوب مشرتري بخير اولماز .

§

بيعه تبعاً داخل اولان شيلردخي اوصاف قيلندندر . بناء عليه
 بيك عدد كوتوكي حاويدر . ديو صاتيلا ن باغ طقوز يوز عدد كوتوكي
 حاوي ظهور ايتسه مشرتري بخير اولور .

۳۱۱ ماده خیار وصف وارثه انتقال ایدر .

یعنی خیار وصف ایله مخیر اولان مشتری وفات ایدیجک میبعک اول وصفدن عاری اولدینی ظاهر اولدقده وارثک دخی بیعی فسخ ایتمک صلاحیتی و اودر .

۳۰۶ نجی ماده شرحنده دخی بیان قلندینی وجهله خیار قابل انتقال اولدینی جهتله موروث اولمديغندن [خیار وصف وارثه انتقال ایدر] دیمکدن مقصد حقیقه خیار وارثه انتقال ایدر دیمک اولوب بلکه خیار وارثه ابتداء ثابت اوله رق بوبابده وارث مورثنه خلف اولور دیمکدر . یعنی مشتری میبعه بیان قلنان وصف مرغوب ایله مستحق اولوب وصف مزبورک فقداندنه بیعی قبول ایله رد یمننده مخیر اولدینی کبی مشترینک وفاقی حالنده وارثی دخی مورثنه خلف اوله رق میبعه اول وصف مرغوب ایله متصف اولوق اوزره مستحق و میبع وصف مزبوردن عاری چیقدینی حالده مخیر اولور .
بناء علیه مخیر اولان کیسه نك ذاتی ایله قائم اولان اوصاف انک وفاتنده ساقط اولوب میبع ایله قائم اولان اوصاف میبع هر کیسه انتقال ایدر سه انک حقنده دخی ثابت اولور . خیار شرط ، خیار رؤیت . خیار غبن و تخریر برنجی ، خیار وصف ، خیار تعیین خیار عیب ایکنجی نوعدندر .

۳۱۲ ماده خیار وصف ایله مخیر اولان مشتری میبعده

تملکک لوازمندن اولان بروجله تصرف ایدر سه خیاری ابطال ایتمش اولور .

زیرا تملكك لوازمندن اولان برشی ايله تصرف میعی قبوله
دالت ایدر . ۳۰۴،۶۸

فصل ثالث

خیار نقد حقنده در

بوراده کی [نقد] کله سی برشیئک بهاسنی اعطا ایلمک معناسه در .
خیار نقد تقرر بیعه مانعدر . شویله که :

۳۱۳ ماده بایع ومشتري فلان وقته قدر تأدیة ثمن
اولمق واولنه مزسه بیدلرنده بیع اولماق اوزره بازارلق ایتسه لر
صحیح اولور بوکا [خیار نقد] دینلور .

خیار نقد ایله بیعه اقاله فاسده یعنی شرطه معلق اقاله شرط
ایدلدیکی واقاله صحیحه کندوسنده شرط قننان بیع فاسد اوله جنی
کی بویله اقاله فاسده شرط قننان بیع دخی فاسد ایدوکی جهته قیاس
اولان بیع مذکورک عدم جوازی ایسه ده استحساناً تجویز ایدلمشدر .
خیار نقدک مشروعتی مشتریئک تأدیة ثمن خصوصنده ماطله سیله
حقنده ترتب ایده جک ضرردن بایی صیانت ایچونددر . چونکه خیار
نقد اولمدینی صورتده هر نه قدر بایع ثمنی قبض ایدنجه دهک میعی جبر
ایده بیلور ایسه ده مشتریئک ثمنی تأدیه ایتمامسیله بیعی فسخ ایدوب
میعی آخره صاته ماز .

خيار نقدی بايع ايجون شرط ايتمك دخى صحيح اولور . شويله كه :
مشتري ثمن ميبى بايعه و يرو بده بايع اكر فلان وقته قدر ثمن مزبورى
مشتري يه رد ايدر ايسه بينلرنده بيع اولماق اوزره بازارلق ايتسه لر
صحيح اولور . ومدت مزبوره ظرفنده بايع ثمنى رد ايدر ايسه مشتري نك
دخى ميبى اعاده ايلمسى واستهلاك ايتمش ايسه قيمت ويا مثلنى تضمين
ايتسى اقتضا ايدر .

خيار شرطده اولديغى كې خيار تقده دخى مدتك معلوم ومعين
اولمى لازمدر . بناءً عليه مدت غير معينه ايله وشيخين حضراتنك
اجتهادينه كوره اوچ كوندن زياده بر مدت ايله خيار شرط ايديلور
ايسه بيع فاسد اولور . امام محمد حضرتلرى مدتك يالكر معلوم
ومعين اولمى لازم كلوب اوچ كوندن زياده اولمسنده باس اولمديغى
راينده بولنش و محله جمعيتنجه بو صورت مصاحت ناسه اوفق
كوريلهرك اشبو ۳۱۳ نجى مادهده [فلان وقته قدر] جمله سيله مدت
خيار هر قاچ كون اولور ايسه اولسون جائز اولوب فقط معلوم
ومعين اولمى لزومه اشارت ايدلديكى مضبطه معلومه ده بيان قلمشدر .

۳۱۴ ماده مدت معينه ده مشتري ثمنى تأديه ايده من

ايسه خيار نقد ايله عتد اوانان بيع فاسد اولور .

خيار نقد بيمك انعقادينه مانع اوليوب فقط فى الحال اثر ترتيبه
مانع اولديغى جهتله عقدى افساد ايتسى لازم كلور ايكن مدتك
معلومى فساد مانع اولور ايسه ده مدت معلومه ظرفنده ثمن تأديه

اولنه مدینی تقدیرده بایمک مدت مشروطه نك ختامندن صكره انتظار
ثمنه مجبوری قالمیه جفندن عقدده فساد طاری اوله رق بیع . فاسد حکمی
جریان ایدر . ۳۷۱ ، ۳۷۲

۳۱۵ ماده . خیار نقد ایله مخیر اولان مشتری مدت معینه

ایچنده وفات ایدر ایسه بیع باطل اولور .

خیار نقد تقرر بیعه مانع اولدینی کی حقوق مجرددن اولسی
حسیله مخیر اولان کیسه ایله قائم بر وصف ایدو کندن انك وقاتیله
خیار ، ساقط و بیع ، ذاتاً مقرر اولماسنه منی باطل اولور .

فصل رابع

خیار تعیین بیاننده در

۳۱۶ ماده . قیما تندن ایکی یا خود اوچ شیئك بشقه بشقه

بهرای بیان اوله رق بونلردن مشتری دیلد یکنی المق یا خود با بیع

دیلد یکنی ویرمك ار زره صاتمق صحیح اولور . بوكا [خیار

تعیین] دینلور .

خیار تعیین ایله بیعه مبیع مجهول اولغله ابتداء لزوم عقدده

مانع اولدیغندن قاعده غیر جائز اولدینی یعنی خیار تعیین ایله عقدك

فاسد اولسی ایجاب ایتدیکی حالده حاجت عمومی اولسون خصوصی

اولسون ضرورت منزله سنه تنزیل اولنور قاعده سنه بناء علی

طریق الاستحسان تجویز اولمشدر .

زیرا مشتری متعدد شیردن کند و سنه اوفق و ارفق اولانی اختیاره
 محتاج اولدینی کی بایع دخی متعدد شیرلی کورمکسزن مالک اولمق احتماله
 مبنی برینی تعیین و ترجیح مجبوریتنده بولنور . بنیابرین مثلیاتدن
 اولان شیردن برینی ترجیح و تعیینده احتیاج اولماقمله مثلیاتده خیار
 تعیین غیر جائز ایدوکنندن ماده مشروحهده واقع [قیمتات] قیدی
 برجنسدن اولان مثلیاتدن احتراز ایچون اولدینی کی ضرورتلر
 کندو مقدارلرنجه تقدیر اولنور قاعدهسنه بناء خیار تعیین قیمتادن
 ایکی یاخود اوچ شیده تجویز اولنوب اوچدن زیادهسی ایچون غیر
 جائزدر یعنی فاسددر . زیرا اوچده اعلی ، اوسط ، ادنی
 بولنه جغندن ضرورت اوچ شی ابله مندفع اولور .

برده خیار تعیینده میبع ایکی یاخود اوچ شیدن بری اولوب فقط
 قغیسی ایدوکی اول امرده مجهول ایدوکنندن و نزاعه مؤدی اولان
 جهالت دخی عقد بیعی افساد ایده جکندن خیار تعیینده بیع فاسد
 اولماق ایچون تخیر اولنان شیرلک [بشقه بشقه بهالینی] بیان
 اقتضا ایدر . بیان قلنمز ایسه بیع فاسد اولور .

§

خیار تعیین بیع صحیحده جائز اولدینی کی بیع فاسدده دخی
 جائزدر . یالکز شوقدر بر فرق واردرکه میبع مشتریك یدنده
 تن اولدقده ثمنی ویرملوب قیمتك تضمینی لازم کلور .
 كذلك شرطمنز خیار تعیین صحیح اولهجنی کی خیار تعیین ایله
 برابر خیار شرط دخی بولنه بیلور . وبو صورتده خیار شرطك دخی
 حکمی ثابت اولور .

۳۱۷ ماده خیار تعیینده تعیین مدت لازمدر .

مدت معین اولماز ایسه زیرده کی ماده موجینجه من له اختیار
میعی تعیین ایتک اوزره جبر اولنه میه جفی وعدم تعیینی حالنده دیگر
طرف مدت غیر معینه ایله تعیین میعه منتظر اوله رق متضرر اوله جفی
جهتله عاقدین بیننده نزاعه مؤدی اوله جفندن بیعی افساد ایدر .

۳۱۸ ماده خیار تعیین ایله مخیر اولان کیمسسه مدت
معینه مرورنده آلدینی شیء تعیینه مجبور اولور .

خیار تعیینده تعیین « شونی اختیار ایتدم » یاخود « شوکا راضی
اولدم » کی تخیر اولنمش اولان شیردن برینی تعیین واختیاره دلالت
ایدن سوزلرله اولدینی کی مخیر اولان کیمسهدن اول اشیادن برینک
تملك ویا تملیکنه دلالت ایدن فعلک صدوریه دخی اولور .

§

خیار تعیین ایله بیع منعقد اولدقندن صکره قبل القبض یا بعک
یدنده ایکی یا اوچ شیئک جمله سی تلف اولسه مخیر اولان کرك بایع کرك
مشتري اولسون بیع باطل اولور . بریسی تلف اولسه بیع باطل
اولماز . زیرا تلف اولان شی میبع اولوب بیع باطل اولمق ویا میبعک
غیری اولوب بیع باقی قالمق احتمالی سیان اولوب بو وجهله واقع
اولان شك ايك بين المتبايعين یقیناً ثابت اولان بیع باطل اولماز .
چونکه شك ایله یقین زائل اولماز .

لکن خیار تعیین ایله مخیر اولان بایع ایسه مخیر اولور . دیلرسه
باقی بری یاخود باقی ایکیدن برینی ثمنی ایله مشتری به الزام ایدر . دیلرسه
فسخ ایدر . ایسترسه ترك ایدر . اگر خیار تعیین ایله مخیر اولان مشتری

ایسه بوده مخیردر. دیلرسه باقی بری یاخود ایکیدن برینی ثمنیه قبول
ایدر، دیلرسه ترك ایدر.

§

بایع یدنده ایکن ایکی یا اوچ شیدن بریسنی تعیب ایدر ایسه
بایع مخیر اولدینی صورتده معیی مشترییه رضاسی اولمدجه الزام
ایده مز. معیب اولمیان برینی یاخود ایکیدن بریسنی ثمنیه مشترییه
الزام ایده بیلور. مشتری مخیر اولدینی صورتده دیلرسه معیب اولمیان
برینی یاخود ایکیدن بریسنی ثمنیه قبول ایدر، ایسترسه ترك ایلر.

چونکه خیار تعیین ایله بیع صورتنده میبع ایکی یا اوچ شیدن
لاعلی تعیین بری اولدیغندن مشتری مخیر اولدینی صورتده ایکی
یا اوچ شیئك جمله سنی بایعك اذنیله قبض ایدرسه انلردن لاعلی تعیین
بری میبع و باقیسی امانت اولور.

میبع مخیر اولان طرفك تعیینی ایله تعیین ایلدیکی کی تلف ویا
تعیب ایله ده تعیین ایدر. بناء علی ذلك خیار تعیین ایله مشتری
مخیر اولوبده ایکی یا اوچ شیئی بایعك اذنیله قبض ایدرك یدنده ایکن
ایکی یا اوچ شیدن بری تلف اولورسه انك میبع، باقیسنك امانت
اولدیعی تعیین ایدر. میبع اولدینی تعیین ایدن شیئك ثمنی ویرمسی
لازم کلور. باقی دخی مؤخرأ تلف اولسه بلا تعد ولا تقصیر تلف
اولمش ایسه انك ایچون برشی لازم کلز.

§

ایکی یا اوچ شیئك جمله سی معاً تلف اولدینی یاخود بربرینی
متعاقباً تلف اولوبده قنغیسنك اولجه تلف اولدینی بیلمنه مدیکی
تقدیرده امانت ایله میبع شایع اولدیغندن مشترینك تعییننده مخیر

اولدینی شی ایکی ایسه مشتری هر برینک ثمنک نصفی و اوچ ایسه
 هر برینک ثمنک ثلثی و یرمک لازم کلور . لیکن اگر ایکی یا اوچ
 شیدن بری تعب ایدر سه انک مبیع اولدینی تعین ایدر . دیگرینی
 مشتری رد ایلر . و اگر ایکسی یا اوچی بردن تعیب ایدر ایسه مشتری
 برینی اختیار و دیگرینی رد ایدر . رد ایلدیکنک عیبی ایچون بایعه
 برشی و یرمسی لازم کلز .

۳۱۹ ماده خیار تعین وارثه انتقال ایدر .

مثلا اعلی و اوسط و ادنی اولق اوزره برجنسدن اوچ طوب قاشک اوچ
 و یا درت کون یعنی برمدت معلومه ظرفنده مشتری قنغیسی اختیار ایدر سه آلمق
 اوزره بایع لاعلی التعین برینی صاتسه و مشتری دخی بومنوال اوزره قبول ایتسه
 بیع منعقد اولور . و مدت معینه مرورنده مشتری برینی تعین ایلر ثمن مسماسنی
 و یرمکه مجبوردر .

یوقسه بیعی فسخ ایلر جمله سنی بایعه رد ایده مرز . مکرکه خیار
 تعین ایلر برابر خیار شرط دخی شرط ایدلمش اوله .

وقبل التعین وفات ایتسه وارثی دخی اول وجهله برینی تعینه مجبور اولور .
 خیار تعین ایلر بیع منعقد اوله رق فقط مبیع تعین ایتدیکی
 وشک ایلر یقین زائل اولمیه جنی جهته بیع باطل اولمیدیکی کبی خیار
 تعین مساغ شرعییه مستند و مبیع اوچ شیدن بری اولق اوزره
 موجود اولدیغندن فاسد دخی دکلدر . و خیار تعین خیار شرط کی
 مخیر ارلان کیمسه یه ثابت حقوق مجرده دن اولیوب مبیع ایلر قائم
 و مبیع مخیر اولان کیمسه نك وارثه منتقل اولدیغندن موروثه خلف
 اولان وارث طرفدن تعین ایدلمک لازم کلور . یعنی خیار تعین
 ایلر مقبوض و وارثه منتقل اولان اوچ شیدن بری وارثک مکی

اولوب انحق دیکرلری یعنی آخرک ملککی قاریشمش اولدیغندن وارث کدروسته منتقل ملککی دیکرلرندن تفریق وتمیز ایتک ایجاب ایدر . اکر خیاب شرط وار ایهسه وارثه انتقال ایتیه جکندن حکمسنر قالور . مثلاً مشتری برمدت معینه ظرفنده تعیین ایتک اوزره خیر اولوبده مدت منقضیه اولمقسزین وفات ایتسه وارثک درحال تعیین ایتسی لازم کلور .

فصل خامس

خیار رؤیت حقنده در

خیارک رؤیته اضافتی مسببک سببه اضافتی قیلندن اولمغله [خیار رؤیت] رؤیت سببیه اولان مخیرلک دیمکدر . بلا شرط حکماً ثابت اوله رق تمام حکمی یعنی لزوم ملککی منع ایدر .

خیار رؤیت؛ شراء صحیح ایله اعیانی اشتراده، اجاره، قسمت، مال دعواسندن عین اوزرینه صاحده جاریدر . اوچ نوعی اجارات، انواع شرکت، بنیات حقنده کی کتابلرده بیان قلندیغندن بوراده کی [خیار رؤیت] دن مقصد اشترا اولنان اعیانک رؤیتنده ثابت مخیرلکدر .

بونک شراء صحیح ایله اشترا اولنان اعیانه تخصیصی چونکه فاسداً اشترا اولنان اعیانک فسادندن ناشی بیع فسخ اولنه بیله جکی جهته خیاره حاجت اولمیدیغنددر .

کذلک دیون ذمتده ثابت اوصاف اولدیغندن ونقود مثلیاتدن اولمغله ذاتاً معلوم ایدو کندن بونلرده دخی خیار رؤیت ثابت اولماز .

مگر که نقود مثلیاتدن قیمیاته منقلب اولمش اوله . برده نقود ایچون « خیار کمیت » واردر که زیرده محرر لاحقهده بیان قنلور .

۳۲۰ ماده برکیمسه برمالی کورمدین اشترا ایتسه

کورنجه یه دک مخیردر . کوردکده دیلرسه فسح ایدر ودیلرسه قبول ایدر . بوکا [خیار رؤیت] دینلور .

ومشتری بعد الرؤیه عقد بیعک فسحی ممکن اوله حق قدر زمان مرور ایدوبده فسح ایتسه بیله خیار رؤیتی ساقط اولماز . چونکه خیار رؤیت برمدت ایله موقت دکلدور .

الحق مشتری طرفین حضر آینه کوره عقدی فسح ایتدیکی زمان بایعه خبر ویرمسی لازم کلور . زیرا خیار رؤیت مشتری نک منفعتی ایچون اولدینی کبی فسحی خبر ویرمک دخی بایعک منفعتی ایچون لازمدر . ومشتری کورمدن قولاً قبول ایتسه کوردکدن صکره ینه فسحه مقتدر اولور . چونکه خیار رؤیت میعی کوردکده ثابت اوله جغندن قبل الثبوت اسقاط ایدیله مز . ۱۵۶۳ فقط میعی کور - مکسزین فسح عقد ایله بایعه رد ایدرسه ثبوت خیاره محل قالماز . وبویله قبل الرؤیه فسح عقده خیار رؤیت دینلمز .

§

شو تفصیلاتدن مستبان اولدیغنه و ۵۰۴ نجی مادهده مستأجر کورمدن برعقاری استیجار ایتسه [کوردکده] مخیر اولور دینلمسینه نظراً ماده مشروحهده واقع [کورنجه یه دک] کلمه سی « کورنجه » یاخود « کوردکده » مقامنددر .

۳۲۱ ماده خیار رؤیت وارثه انتقال ایتمز .

بناءً علی ذلك مشتری آلمش اولدینی مالی کورم دین وفات اینسه وارثی غیر اولقسزین اول ماله مالک اولور .

چونکه خیار رؤیت مشیت و اراده دن عبارت و مخیر اولان کیمسه یله قائم بروصف اولدیغندن وارثه انتقالی ممکن دکلدر .

۳۲۲ ماده مالی کورم دین صاتان بایع ایچون خیار

رؤیت یوقدر .

مثلا برکسه کندویه ارثاً انتقال ایدن مالی کورم دین صاتسه بیع بلا خیار تنقذ اولور .

بوراده [بایع] دن مقصد مالی نقد مقابلنده صاتان کیمسه در .
الی عین مقابلنده صاتان ایچون آله جنی شی حقنده خیار رؤیت واردر .
یرا بیع مقایضه ده ثمن دینلان شی میبع و بایع مشتری حکمنده در .
ع مافیه بایع و مشتری آله جقلری شیئی کورم مشلر ایسه ویره جکلری شیئی کورم ماش اولدقارندن طولانی مخیر اوله مازلر .

۳۲۳ ماده خیار رؤیت بمحشده رؤیت میبعک اصل

قصدی بیلدیرن حال و محلنه واقف اولمقدن کنایه در .

مثلا مشتری ایچون طیشی بردوزییه اولان ساده بز و قاشک طیشی چیچکلکی و چبوقلی قاشک چیچکلرینی و چبوقلرینی کوروب و دول ایچون آلنان بوتک ممسنی واتی ایچون آلنان قیونک آرقه سنی یوقلا یوب و ما کولات مشروبانک چاشنیسنی طابوبده « وکل یاغی کبی مشموماتی قوقلا یوبده »
مده اشترا ایله خیار رؤیت یوقدر .

بو مثالده ایضاح اولندیغنی وجهله موضوع بحث اولان [رؤیت]

کوز ايله کورمک ديمک اوليوب ميبعک اصل مقصدي بياديرن حال
و محلنه وقوفدر . بوايسه ميبعک اختلافيله مختلف اولور . و ميبعک هر
جهتي کورمک متعذر اولوب مشقت ايسه تيسيري جلب ايده چکندر
حصول مقصد ايده چک مقداري کورمک کافيدر . بناء عليه مکيلات
و موزونات و عدديات متقاربه کي احاد و اقسامی متفاوت اولميان شيلر
بر قسمی کورمک خيار رؤيتی اسقاط ايدر . انجق بوباده کي رؤيتدر
مقصد اصلی بلا حائل اولان رؤيتدر . بناء عليه برکيمسه شيش
ايجنده کي ياغي خارجدن کوره رک اشترایته بعده معتاد اوزر
کوردکده مخير اولور .

۳۲۴ ماده نمونه کوستريله رک صايلان شيلرک نمونه - فی

کورمک کفایت ايدر .

زیرا مقصد صفتی بيلمک اولوب بونکته حاصل اولور .

۳۲۵ ماده مبيع نمونه دن دون چيقار ايسه . شتري مخير

اولوب ديلرسه قبول ايدر و ديلرسه رد ايدر .

مثلا بغدادی و ياغ و بردوزی يه يالپش اولان بز و چوقه و امثالی معمولاتک
نمونه سنه باقيه رق اشترای اولنوبده بعده نمونه دن اشاغی ظهور ايتسه شتري
مخير اولور .

يعنی ميبعک جمله سنده مخير اولوب يوقسه کورمش اولديغی نمونه دن
بيع لازمدر ديتله من . چونکه خيار رؤيت صفتقه نک تمامنه مانع
اولوب کورمش اولديغی نمونه دن خياری ساقط اولسه قبل التاء
تفريق صفتقه لازم کلور بوده جائز دکلدن .

مبيع نمونه دن اعنی چيقارسه خیار رؤيته محل قالميه جفندن ماده
مشروحده [دون چيقار ايسه] ديو تقيد اولمشدن .

۳۲۶ ماده خان و خانه کبی عقاراتک اشتراسنده هر

ارطه - نی کورمک لازمدر . فقط او طه لری یک نسق اولانلرک
بر او طه - نی کورمک کافیدر .

فقره اولی مسائل مجتهد فیهادن اولوب اسبابی مضبطه معلومه ده
و ۳۹ نجی ماده شرحنده محرردر .

۳۲۷ ماده متفاوت شیرک طوبدن اشتراسنده هر

برینی بشقه بشقه کورمک لازمدر .

۳۲۸ ماده مشتری متفاوت شیرک بعضیسنی کوروبده

بعضیسنی کورمدین طوبدن اوله رق اشترا ایتسه کورمدیکی
کورد کده بکنمسه مخیر اولوب دیرسه هبسنی بردن قبول
ایدر و دیرسه هبسنی بردن رد ایدر . یوقسه بکنندیکی
آلوبده بکنمدیکی رد ایده منز .

چونکه بکنندیکی آله بیلسه تفریق صفقه لازم کله جکی جهته
جائز دکلدر . فقط مخیر اولان کیمسه مبعی صاتیلغه چیقار مق کبی
بکنندیکنه فعلاً راضی اولسه خیار رؤیتی ساقط اولور . چونکه
فعلاً رضا ایله حکماً لزوم ثابت اولور . حکماً لزومی ثابت اولان

برشیتك ردی ممکن اولمیه جفندن بیع بالضروره میبعك جمله سنده لازم اولور .

۳۲۹ ماده اعمانك بیع وشرای صحیح اولوب فقط وصفی بیلمدیکی برمال اشترا ایتدکده مخیر اولور .

مثلا وصفی بیلمدیکی بر خانه اشترا ایله مخیر اولوب وصفی اوکرنده دیلرسه قبول ایدر ودیلرسه رد ایدر .

۳۳۰ ماده میبع قبل الشرا اعمایه وصف و تعریف اولنوبده اشترا ایله مخیر اوله ماز .

اما میبع یالکزو وصف و تعریف ایله بیلنمیوب یوقلامغه و قوقلامغه و طاتمغه محتاج ایسه اعمانك یوقلامسی و قوقلامسی و طاتمی لازمدر . چونکه یوقلامق و قوقلامق و طاتمق اعمی ایچون طریق معرفتدر . بناءً علیه :

۳۳۱ ماده اعمانك یوقلامق ایله معلوم اولان شیلرده ایله طوتوب یوقلامسیله و قوقلایه جق شیلرده قوقلامسیله و طاتیله جق شیلرده طاتمسیله مخیر ایکی ساقط اولور .

یعنی بومثللو شیلری یوقلابوب و قوقلابوبده « و طاتوبده » بعده اشترا ایله بیعی صحیح و لازم اولور .

۳۳۲ ماده برکیسه شرا قصدیله یعنی آلیجی کوزیله کوروش اولدینی مالی برمدت صکره اول مال اولدینی بیله رک

اشترا ایتسه خیار رؤیتی یوقدر. فقط اول مالده برتغیر حاصل
اولش ایسه اول وقت مخیر اولور.

بوماده حکمنجه مشتری ایچون میبعده خیار رؤیتک عدم ثبوتی
ایکی شرطه متوقدر. برنجیسی اولجه [آلیجی کوزیله] کورمش
وایکنجیسی میبعده تغیر حاصل اولامش اولق لازمدر. چونکه
اولجه آلیجی کوزیله باقیوب علی العاده کورمش ایسه تأمل بالمفید ایله
رؤیت ایتدیکندن طولای مخیر اولور. میبعده تغیر حاصل اولش ایسه
تغیر سببیه اول مال بشقه برمال حکمنی آلوب بوصورته مشتری
کورمدیکنی اشترا ایتش کی اولور.

برده بومادهده بیان اولنان اصالة شرادر. وكالة شرایه کلنجه:
« موکلنک آلیجی کوزیله کورمش اولدینی مال ایدوکنی وکیل بالشرای
بیلیمیه رک اشترا ایتسه کندوسی ایچون خیار رؤیت ثابت اولور.
۱۶۶۱ شو قدرکه وکیل بالشرای معین برشیئک اشتراسنه وکیل ایسه
بوخالده خیار رؤیتی یوقدر. وبومسئله ۳۲۰ نجی ماده نك مستثاسیدر.

۳۳۳ ماده میبعک اشتراسنه یاخود قبضنه وکیل اولان

کیمسه نك رؤیتی اصیلک رؤیتی کیدر.

۱۶۶۱ نجی ماده حکمنجه وکیل عقدی موکلنه مضاف قیلمز
ایسه حقوق عقد کندوسنه راجع اولور. میبعی کوردکن صکره
موکلی مخیر اوله ماز. اکر عقدی موکلنه مضاف قیلر ایسه حقوق
عقد موکلنه عائد اوله رق کندوسی رسول حکمنده بولنه جفندن زیرده کی
ماده موجبنجه میبعی رؤیت ایتسی موکلنک خیارینی اسقاط ایتمز.

۳۳۴ ماده رسولك يعنى مجرد مبيعى آلوب كوندركه
مأموراً كوندريلان آدمك رؤيتى مشتريـنك خيار رؤيتى
اسقاط ايلز .

زيرا رسالت وكالت قىلندن اولنديغندن رسولك تصرفده دخلى
يوقدر . ۱۴۵۰، ۱۴۵۴

۳۳۵ ماده مشتريـنك مبيعه تملكك لوازمندن اولان
بر وجهله تصرف ايتسى خيار رؤيتى اسقاط ايدر .

تصرف يا قولى ويا فعلى اولور . تصرف قولى ؛ ايجار ، اعاره
بيع كى عقود شرعيه دن برينك اجرايله اولور .

تصرف فعلى ؛ ذرع ايتك ، غرس ايتك ، بنا انشا ايلمك مثلاً
فعلاً وقوعبولان تصرفدر . ماده مشروحه ده [تصرف] كلمه
مطلق صورته ذكر اولنديغندن هر ايکيسنه ده شاملدر . حتى مشتري
قبل الرؤيه مبيعه تصرف ايتسه خيار رؤيتى ساقط اولور .

اما قبل الرؤيه خيار رؤيتى قولاً اسقاط ايتسه خيار رؤيتى ساقط
اولماز . چونكه خيار رؤيتك ثبوتى رؤيت مبيعه معلقدر . معلوم
عليه ثابت اولميجه معلقده ثابت اولميه جغندن ثابت اولميان بر
اسقاط ايدلمش اولور بوده صحيح دكلدر .

خلاصه

بو فصلده بسط و تمهيد اولنان تفصيلاته نظر اخبار رؤيتى اسقاط
ايدن شيلر ايکي قسمدر . برنجى قسم ؛ كرك مبيعى رؤيتدن اولور

كرك صكره واقع اولسون هر حالده خیار رؤیتی اسقاط ایدر :
 ۱ : خیار رؤیت ایله مخیر اولان مشتری وفات ایتك ۲ : میبع
 تری نزدنده بر عیب ایله تعیب ایتك ۳ : میبعك بعضیسنك تلف
 لسی حسبیلله ویا بشقه بر سببله میبعك ردی متعذر اولمق ۴ : قابل
 مخ اولمان تصرفادن بریله مشتری تصرف ایتكدن .

ایکینجی قسم : یالکیز میبعی رؤیتدن صكره واقع اولورسه خیار
 رؤیتی اسقاط ایدوب رؤیتدن اولوقوعبولورسه اسقاط ایتمز انلرده :
 ۱ : میبعه قولاً راضی اولمق ۲ : میبعی هبه کبی بلاتسلیم حق
 رك تعلقنی ایجاب ایتمان فعل ایله تصرف ایلمدن .

لاحقه - خیار کمیت

نقود تداولدن منع ایدك صورتیه ویا دیگر بر سببله عروض
 کمینی اکتساب ایتدکده خیار رؤیت جاری اونور ایسهده بویله
 سبب اولدقجه نقود مثلیاتدن اولمغله ذاتاً معلوم ومعروف ایدو -
 دن خیار رؤیته محل یوقدر .

فقط بر کیسهه دیگرینه « فلان مالی شو چکمهجهده موجود
 مجیدهلر ایله صاتون آلدن » دیوبده بایع دخی مجیدهلرک عددینی
 میبرك صائسه بیع صحیح اولور ایسهده بایع چکمهجهده کی
 دیهلرک عددینه واقف اولدقده مخیر اولور . بوکا « خیار کمیت »
 ور .

فصل سادس

خیار عیب بیانندهدر

خیارک عیبه اضافتی بر شینك سینه اضافی قیلندن اولمغله عیب

سایله اولان مخیرلک دیمکدر . وشراده ، مالدن صلحده ، قسمته
اجارده جاری اولوب بو فصلده برنجیسندن بحث اولنیور .
مشتري ایچون من غیر شرط ثابت و حکم بیعک لزومه
اولور . زیرا :

۳۳۶ ماده بیع مطلق میبعک عیبدن سالم اولسنی اقتضایدر
یعنی عیبندن برائی شرط ایتمکسزین و صاغلام و چوروک و قصور
و قصورسز دیمکسزین مال صائق مالک صاغلم و عییسز اولسنی ایجاب ایدر
بیع مطلق کالنه مصروف اوله رق مشتری میبعه بروجه محر
قیوددن آزاده اولق اوزره مالک اولنی ایستیه جکی جهتله میبعه
اصل اولان سلامتدر . سلامت وصف مرغوب اولدیغندن میبعه
سالم اولسی عرفاً و عادة لازمدر عرف ایله تعیین ایسه نص ایله تص
کیدر .

۳۳۷ ماده بیع مطلق ایله صاتیلان بر مالک عیب قدیم
تیین ایتدکده مشتری - نیردر .

چونکه ماده سابقه حکمنجه بیع مطلق میبعک عیبندن سالم
اولسنی اقتضا ایتمکله میبعک صاغلم و عییسز اولسنی اوصاف مشرود
سندندر . و بایع عقد ایله میبعی اوصاف مشرود سیله تسلیمی تع
ایتمش اولور . بعد القبض میبعک عیب قدیمی ظهور ایتدکده بایع
اداء محض کامل ایله تسلیم ایتمدیکی تحقق ایده جکندن و مشتری
کندوسنه کاملاً تسلیم اولنمیان میبعی قبوله مجبور اولمامغه برابر و
ناقصاً اولسون ید قبضه کچمش بولندیغندن مخیر اولوب :

دیلسه رد ایدر و دیلسه من مسعی ایله قبول ایله یوق

مالی آلیقویوبده عیبی ایچون بهاسنی تنقیص ایده مز . ایشته بوکا
[خیار عیب] دینلور .

[عیب]، مطابق ذکر اواندیغندن عیب یسیره و عیب فاحشه شاملدر .
مقومینک تحت تقویملرنده داخل اولان عیبه « عیب یسیر » ، داخل
اولیانه « عیب فاحش » دینور . مثلاً بر کیسه بر ماله عیبندن سالم
اوله رق بیک غروش و معیب اوله رق طقوز یوز غروش و دیگر
کیسه اول ماله معیب اوله رق بیک غروش تخمین و تقدیر ایتسه
عیب یسیر اولور . اما جمله ناس اول ماله معیب اوله رق بیک غروشندن
دون قیمت تقدیر ایتسه لر عیب فاحش اولور .

عیب اوصافدن اولمسیله ثمندن حصه سی اولمدیغنه یعنی ثمن عندالقبض
عین ایده جکندن عینینه بر عینه مقابل اولور . وصف ایسه عرضدر .
عین ، عرضه مقابل اوله میه جنی جهتله اوصاف مجرده ایچون مستقلاً
ثمن تقدیر اولانه میوب موصوفی اولان اعیانه تبعاً ثمندن حصه دار
اوله جکندن تابع ایچون آیروجه حکم ویریله میه جکنه بناءً مشتری
کندن بر شی تنزیل ایده میوب میبع معیبی ثمنک تمامله قبول ویا رد
یئنده مخیر اولور .

اما مشتری کندنده بر عیبی حادث اولور . ویا مانع رد بولور
ایسه ۳۴۵ ؛ ۳۵۰ نجی ماده لر احکامنجه نقصان ثمن لازم کلور .

§

ماده مشروحه نك حکمی عیب قدیمه دائردر . عیب حادثه عیبک
بیب حدوشنه کوره حکم تبدل ایدر . شویله که :

۱ : فعل بایع ایله حادث اولور ایسه مشتری مخیر اولوب یا بیعی

فسخ ايدر . ياخود ۳۴۵ نجی ماده موجبنجه نقصان ثمن ايله قبول ايلر .

۲ : فعل مشتری ايله حادث اولور ايسه عقد ايله مبيعہ مالک اولمش وکندوسی تعيب ايتمش اولديغندن ثمنی تماماً تأديه ايدرک مبيعی قبض ایتسی لازم کلور . یوقسه تخیر اوله مز . مکرکه ردی موجب بشقه بر سبب حادث اوله .

۳ : شخص آخرک فعلی ايله حادث اولور ايسه مشتری ديلرسه بیعی فسخ ايدر ، ديلرسه مبیعی تمام ثمن ايله آلوب ترتب ایدن نقصانی شخص مرقومه تضمین ایتدیرر .

۴ : مبيعك فعلی ،

۵ : آفت سماویه ايله حادث اولور ايسه بو ایکی تقدیرده عیب قدیم مثللو مشتری یا مبیعی ثمن مسمی ايله آلور . یاخود بیعی فسخ ايدر .

§

مشتری مبیعی موضع شرادن بشقه بر محله نقل ایتدکدن صکره رد ایده جک اولور ايسه صاتون آلدینی محله اعاده ایتدکجه رد ایده مز . نقل مذکور ايله مبيعك قیمتی کرک ترايد وکرک تناقص ایتسون . و مؤنت رد مشتری اوزرینه لازم اولور .

§

مشتری مبيعك عینه مطلع اولوبده بیعی فسخ ایده جک اولسه نظر اولنور . اکر عیب قدیمک تحقیق قبل القبض ايسه مشتری ، بايع حاضر اولدینی حلاله خود بخود فسخ ایده بیلور . بايعك رضاسنه ویا حاکمک قضاسنه حاجت یوقدر . اما حاضر اولدقجه فسخ ایده مز .

واكر بعد القبض فسخ ايدہ جك اولور ايسہ بايعك رضاسى ويا حاكمك قضاسى اولمديجہ بيع منفسخ اولماز يعنى عيب قديمك تينى ايجون عقد بيعك فسخنه بايعك رضاسى اولمدينى تقديرده بالحاكمہ حكم حاكم لازم كلور .

شويله كه : بايع مبيع يدنده ايكن عيب قديمك موجود اولديغنى انكار ايدر ايسہ برأت ذمت اصلدر قاعده سنہ بناءً اصلہ متمسك اولديغندن سوز مع اليمين كندوسنكدر .

مشتريك خلاف اصلى يعنى عيبى اثبات ايتسى لازم كلور . وعيبك ثبوتيه مبيعك ردينه حكم اولنه بيلمك ايجون اولاً عيبك وقت دعوى وخصوصتده موجود اولدينى تحقق ايتك لازمدر . تحقق ايتز ايسہ مشتريك بايعه خصوصتى توجه ايتز .

ثانياً مبيعك عيب قديمه بناءً ردينه حكم اولنه بيلمك ايجون بايعك طلبنه حاجت اولمقسزين حاكم طرفندن مشتريه مبيعك عينه مطلع اولدقندن صكره صراحةً ويا دلالةً راضى اولمديغنه يمين ويريلور . ۱۷۴۶ .

۳۳۸ ماده عيب ديواهل واربابى بيننده مالك بهاسنه

ايراث نقصان ايدن قصوره ديرلر .

[نقصان] كرك يسير وكرك فاحش اولسون و [قصور] ولوكة اربابى اولميانلر بيننده مبيعك بهاسنه ايراث نقصان ايتسون شو تعريف غالب احواله نظر آدر عيبك تعريف نامى ؛ اصل فطرت و خلقت سليمه كندوسندن خالى اولمىنى اقتضا ايدن شيدر . مثلاً هوانك تأثيريله دانهنى طولديره ميان بغدادى عيلودر .

اما خلقت سلیمه مقتضای اولان نقصانه عیب دینلمز . مثلاً
اشترا اولنان بغدادی اپی چیقمامغله خیار عیبی مؤدی اولماز بلکه
خیار وضعی مستوجب اولور . زیرا بغدادی اعلی ، اوسط ، ادنی
اولق اوزره اصل خلقتده متعدد صورتلرله وجوده کلور .

کذاک مشترینک غرض و مقصدینی فوت ایدن شی دخی عیب
عد اولنور . مثلاً قربانلق قیونک بردیشی قیرق اولق کبی که قربان
ایدنک اعتباریله قصور اوله بیلور ایسه ده قربان نیتیه اولقسزین
ذبح ایدنک اوزره آلدقده قصور دن معدود دکلدر .

§

برده عیبک بلا مشقت ازاله سی ممکن اولماق شرطدر . مثلاً البسه تک
اوزرنده توز بولنق کبی . بوصورته عیب واردر دینله من چونکه
بلا مشقة ازاله اولنور . اما یاغ لکه لری بولنسه بولنر ازاله اولنه
بیله بیله مشقت اوله جغدن عیدن عد اولنور .

۳۳۹ ماده عیب قدیم بایع یدنده ایکن میعهده موجود
اولان قصوردر .

۳۴۰ ماده بعد الیبع قبل القبض بایع یدنده ایکن
میعهده حاصل اولان عیب موجب رد اولان عیب قدیم
حکمندهدر .

عیب ؛ قدیم وحادثه منقسم اولدینی کبی ظاهر و باطن اولق
اعتباریله دخی ایکی قسمدر . عیب ظاهر ؛ میع حیوان اولوبده
کور اولق کبی مشاهده و عیان ایله بیلنن و عیب باطن ؛ امراض

داخلیه مبتلا اولحق مثللو تینی اربابنک تقدیرینه منوط اوله رق
مشاهده و عیان ایله بیلنه میان شیلردر .

عیب ظاهر بش نوعدر . برنجیسی : عیب قدیم ، ایکنجیسی :
وقت بیع و تسلیمدن وقت خصومه قدر اولان مدت ظرفنده
حدوئه محتمل اولیان عیب حادث ، اوچنجیسی : وقت بیع و تسلیمدن
وقت خصومه قدر اولان مدت ظرفنده حدوئه و وقت بیعدن مقدم
اولسنه دخی محتمل اولان عیب حادث ، دردنجیسی : مدت بیع
اوزرینه تقدمه محتمل اولیان عیب حادث ، بشنجیسی : وقت بیعدن
وقت خصومه قدر اولان مدت ظرفنده حادث اوله بیلورمی
اوله مازمی ؟ معلوم اوله میان یعنی یقیناً کسیدیرلمسی مشکل اولان
عیبدر .

عیب باطن دخی ایکی نوعدر : بریسی آثارقائه ایله بیلنن ، دیکری
آثارقائه ایله بیلنه میان عیبدر .

میبعک عیب ایله رد اولنه بیللمسی ایچون اولایعیک تین ایتمی ،
ثانیاً عیب قدیم اولمسویا قدیم حکمنده بولنمی ، ثالثاً مانع رد بر
سبب اولمامسی ، رابعاً مشترینک عیبه قولاً و یا فعلاً راضی اولمامسی
ولدی المرافعه یمندن نکول ایتمامسی لازمدر . اسباب خمسۀ مذکورهدن
ایکیسی آنفاً ذکر اولنوب دیکرلری بروجه زیر بیان قلنور :

۳۴۱ ماده . بایع حین بیعده میبعک برعیدنی بیان ایدرک

مشتری اول عیب ایله قبول ایتدکده اول عیب سهیدیه مخیر

اوله ماز .

بر شخص آخر بیان ایدوب مشتری قبول ایتسه ویا کیمسه بیان
ایتمدن مشتری اول عیبی بیلهرک صاتون آلسه ویاخود حین اشتراده
بیلمیوب صکره مطلع اولدیغنده راضی اولسه ینه، خیر اوله ماز .
چونکه رضا ایله خیار ساقط اولور ساقط اولان شیخی عودت ایتمز .
فقط مشتری حین اشتراده عیبی کور و بده بین التجار عیب
اولدیغنی بیلیمسه و صکره واقف اولسه نظر اولنور . اگر اول عیب
هرکسک اکلایه جنی درجه ده آشکار ایه خیار عیب ساقط اولور .
چونکه عذر مقبول اوله ماز . خفی ایه ساقط اولماز . زیرا معذوردر .
[اول عیب سببله] تعمیرندن مستفاد اوله جنی وجهله مشتری
یالکیز اول عیب سببیله خیر اوله ماز . یوقسه میعک دیگر بر عیبی
ظهور ایدرسه بوندن طولانی خیر اولور . فقط :

۳۴۲ ماده بایع بر مالی هر عیب دعواسندن ذمتی بری

اولمق شرطیله صائدقده مشتری ایچون خیار عیب یوقدر .
زیرا بو ابراء اسقاط اولوب هر نه قدر من وجه تملیکی متضمن
بولنسه بیله قبول ایله تسلیم و تسلیمه احتیاج اولماسنه و مشتری
موافقتی بولنسنه بناء جهالت نزاعه مؤدی اولمیه جفتندن جائزدر .
بناء علیه حین بیعهده میعهده موجود اولان عیب دعواسندن بایعک
ذمتی بری اوله جنی کبی بعد العقد قبل القبض حادث اولوب قدیم
حکمنده اولان عیب دعواسندن دخی ذمتی بری اولور . زیرا شرط
برائتن مقصد میعک عیبندن سالم اولمسی حقنی مشتری نک اسقاط ایله
الزام عقد اولوب بوایسه میعک قبضندن اول کرک قدیم و کرک حادث
اولان بالجمله عیب دعواسندن بایعک برائت ذمتیله حاصل اولور .

۱۱۷ نجی ماده شرحنده بیان قلندی و جهله « بات بازارنده »
 صاتیلان اموالک هر نوع مخیرلکدن مبرا اوله رق بیعی معروف
 ایدو کندن اوراده مالی صاتان بایع هر عیب دعواسندن ذمتک بری
 اولدیغنی ذکر و بیان ایتسه بیله مشتری ایچون یتنه خیاری عیب
 یوقدر. ۴۴

۳۴۳ ماده مشتری بر مالی هر عیبیه مقبولدر دیواشترا
 ایلر سه آرتق انده عیب دعواسنه صلاحیتی یوقدر .
 مثلا مشتری بر حیوانی کور، طوبال، چوروک چاریق هر نه ایسه مقبولدر
 دیو صاتون آله آرتق عیب قدیمی وار ایش دیور د ایده من .
 مشتری اختیار یله خیاری عیبی اسقاط ایتشد ساقط اولان شی
 عودت ایتمز .

۳۴۴ ماده مشتری میبعک عیبیه مطلع اولدقن صکره
 آنده تملکک لوازمندن اولان بروجیه یله تصرف ایتسه خیاری
 عیبی اسقاط ایتش اولور .

مثلا مشتری میبعی عیب قدیمه بعد الاطلاع بیعه عرض ایتسه یعنی
 صاتیله چیقارسه عیبیه رضا دیمک اوله رق آرتق رد ایده من .
 یعنی مشتری عیبیه قولاً و صراحة راضی اوله جنی کبی دلالة
 دخی راضی اوله بیلور . و صراحت اولمیان محله دلالت موجبیه
 عمل اولنور .

کذاک میبعک عیب قدیمی کندوسنه اخبار اولندیغنی حالد
 سکوت ایتسه رضاسنه دلالت ایدر چونکه معرض حاجتده
 سکوت بیاندز .

فقط تملکک لوازمندن اولان بروجہ ایله تصرف ایتدکن صکره عیب قدیمه مطلع اولسه ینہ مخیر اولور . تصرفی خارہ مانع دکلدره شو قدرکه میعی رده مانع اولور وجهله تصرف ایتمش ایسه رده ایدہ میوب نقصان ثمن آلور .

برده میعه مشتریئک نزدندہ بایعک صنع و فعلیله عیب حادث اولسه مشتری نقصان ثمن ایله بایعه مراجعت ایتدکن بشقه عیب حادث سببیلہ میعه ترتب ایدن نقصان قیمتی دخی بایعه تضمین ایتدیررہ . کذلک آخر بر شخص طرفندن تعیب ایدلسه مشتری عیب قدیمدن طولایی بایعه نقصان ثمن ، عیب حادثدن طولایی شخص آخره نقصان قیمت ایله مراجعت ایدر .

میعه ؛ کندی فعلی ویا آفت سماویہ ایله عیب حادث اولسه مشتری عیب قدیمدن طولایی بایعه نقصان ثمن ایله مراجعت ایدر .

§

[میعک عینہ مطلع اولدقندن صکره] قیدی عینہ مطلع اولقسزین تملکک لوازمندن اولان بروجہ ایله تصرفدن احتراز ایچوندور . بناء علیہ مشتری میعی عیب قدیمه مطلع اولقسزین صاتیلغه چیقارتوب بعده عینہ مطلع اولدقده همان رده قیام ایدر ایسه خیار عیبی ساقط اولماز .

کذلک میعی صادقندن صکره مشتری ثانی عیب قدیمه مطلع اولهرق بالمراجعه حکم حاکم ایله بیعی فسخ ایتدیروب میعی اعاده ایدر ایسه بوحالده دخی مشتری اولک خیاری ساقط اولماز .

۳۴۵ ماده . بیعک مشتری عندندہ بر عیبی حادث

اولدقدن صکره عیب قدیمی میدانہ چیقسه مشترینک بایعه
رد ایتکه صلاحیتی اولمیوب فقط نقصان ثمن ادعاسنه
صلاحیتی واردر.

مثلا مشتری صتون آلدینی بر طوب قاشی کسوب بیچدکدن صکره
چوروک یاخود یاتقین اولق مثللو عیب قدیمه مطلع اولسه چونکه کسوب
بیمسیله بریکی قصور دها پیدا اولدیغندن رد ایده میوب فقط عیب قدیمندن
طولایی نقصان ثمن آلور.

هرنه قدر عیب وصف ایسه ده بوصورته قدر منزله سنه ارتقا
ایدرده ضرر بقدرالامکان ازاله اولنور. انجق زیرده کی مواد
احکامندن مستبان اوله جنی وجهله بایعک میعی عیب حادث ایله قبوله
راضی اولمامسی ومانع رد سبب بولنمامسی لازمدر.

§

بیع تولیه بوماده دن مستثنادر چونکه تولیه ده میعک نقصان
ثمن ایله رجوعی جائز اولسه ثمن ثانی، ثمن اولدن ناقص اولور
بوده جائز دکلدر.

۳۴۶ ماده نقصان ثمن بی غرض اهل وقوفک اخباری

ایله معلوم اولور.

شویله که : میعک برکره سالما وبرکره معیاً قیمتی تقویم وتقدير اولنوب
وا یکی قیمت بیننده کی تفاوت سالماً اولان قیمتک قاچده بری ایسه ثمن
سماک اول نسبتله نقصانی نقصان ثمن اعتبار اولنور.

مثلا مشتری التمش غروشه آلدینی برطوب قاشی کسوب بیچدکدن صکره
عیب قدیمه مطلع اولدقده اهل وقوف اول قاشک سالماً قیمتی التمش وعیب
قدیمی ایله قیمتی قرق بش غروش اولدیغنی اخبار ایسه لر نقصان ثمن اون

بش غروش اولغله مشتريك افى طلب ودعوى ايتمكه صلاحيتى واردر . واکر
اول مالک سالماً قيمتى سکسان ومعيباً قيمتى التمش غروش اولديغنى اخبار ايتسه لر
اشبو ايکى قيمت بيننده کى تفاوت که يکرمى غروشدر سکسان غروشک ربى
اولغله ثمن مسمانک ربى اولان يکرمى غروشى مشتريك طلب ودعوايه صلاحيتى
اولور .

اکر اول قاشک سالماً قيمتى اللى ومعيباً قيمتى قرق غروش اولديغنى اخبار
ايتسه لر ايکى قيمت بيننده تفاوت اولان اون غروش اللى غروشک خمسى اولغله
ثمن مسمانک خمسى اولان اون غروش نقصان ثمن اعتبار اولور .

زيرا اهل وقوفک بيانى شهادت قلميه در . شهادت قلب دخى
دليل خارجينک فقدانى حالنده حکم شرعى يى اثبات ايچون على الا کثر
مراجعت اولنور بردليلدر .

چونکه انسانک قلميه برنور هدايت واردرکه دليل بولميان
امور باطنه آنکله کشف وادراک اولنور .

بويابده کى اخبار بايع ومشتريك حضورنده شهادت لفظيه ايفلا
اولنه جنى جهتله شهادت مقامنده اولديغندن اهل وقوفک افى ايکى
کشى اولملرى لازمدر . ۱۶۸۵

۳۴۷ ماده عيب حادث زائل اولسه عيب قديم يته ردی

موجب اولور .

مثلا برحيوان اشترا اولنوبده مشتري عندنده خسته اولدقدن صکره عيب
قديمى ميدانه چيقسه مشتري افى رد ايده ميوب نقصان ثمن آلور . فقط اول
خسته لق زائل اولسه مشتري عيب قديمى ايله اول حيوانى بايعه رد ايدر .
زيرا عيب قديم سبيله مشتريك حق ردی ساقط اولميوب خسته لق
مانع رد ايدى . مانع زائل اولدقده ممنوع عودت ايدر .

۳۴۸ ماده بايع اکر مشتري عندنده برعيب حادث

اولدقدن صکره عیب قدیمی میدانہ چیتان میعی اول عیب
حادث ایله کیرو آلفه راضی اولور ایسه مانع رد بولمדיنی
تقدیرده مشتریك نقصان ثمن ادعا سنه صلاحیتی قالمیوب یا میعی
بایعه رد یا خورد تمام بهاسیله قبول ایتکه مجبور اولور .

یوقسه بن میعی رد ایتم و عیندن طولانی نقصان ثمن ایسترم
دیه مز . چونکه عیب حادث ایله رد بایعه ضرر اولدیغندن هر حالده
رضاسی لازمدر . بایع میعی معیاً آلفه راضی اولدینی تقدیرده
مشتریك نقصان ثمن طلبنه حق قالماز .

کذلک بایعك دخی عیب حادثدن طولانی ثمندن بر مقدار تنزیه
حق اولیوب تماماً اعاده ایتسی لازم کلور .

حتی مشتری اول مالی عیب قدیمه مطلع اولدقدن صکره
آخره صاتسه آرتق نقصان ثمن ادعا سنه صلاحیتی قالماز .

مثلاً مشتری بر طوب بز آلوب کوملک کسدکدن صکره چوروک
ایدوکنه مطلع اولدینی حالده صاتسه بایعدن نقصان ثمن ادعا ایده مز . زیرا
بایع بن افی عیب حادث ایله یعنی کسامش اولدینی حالده آلوردم دیه بیه جکندن
مشتری آتی صاتسیله حبس و امساک ایتش اولور .

ویا خود بشقه بر صورتله مملکتدن اخراج ایتسه ینه حکم
ویله در . چونکه بر شیده سبب مملکت تبدلی اول شیک تبدلی
مقامه قائمدر .

§

فقط عیب حادثدن صکره عیب قدیمه اطلاع ایتیه رك بشقه برینه

ایجار ایتسه وبعده عینه مطلع اولسه اجاره یی فسخ ایده بیلور
چونکه عیب قدیمه اطلاع ایجارک فسخی موجب اولان اعذاردر
عد اولور .

مسئله : زید عمروه دن بر حیوان صاتون آلسه و بکره صانس
صکره بکردن تکرار صاتون آلوب عیب قدیمه مطلع اولسه عیبدن
طولای عمروه مراجعت ایده مز . بکره دخی مراجعت ایده مز
چونکه بکر زیده حیوان سنک یدنده ایکن معیب ایش بنم دخی
سکا مراجعته حقم واردر دیر . بناء علیه هدر اولور .

۳۴۹ ماده زیاده یعنی مبیعه مشتری نك مالندن بر شی ضم

وعلاوه سی مانع رد اولور .

مثلا بزى دیکمک یاخود بویاتمق ایله مشتری نك ایپلکی یاخود بویاسی
بزه ضم اولتمق وکذا عرصه یه مشتری طرفندن آغاچ دیکمک رده مانعدر .
زیرا رد فسخ عقدی موجبدر فسخ عقده موافق اولمی
حال بوکه زیاده ایله مبیع تبدل ایتمش کییدر . زیاده درت نوعدر :
۱ : زیاده متصله متولده حیوانک سمیزلنسی کی میعدن متولده
زیاده درکه کرک قبل القبض و کرک بعد القبض مانع رد دکلدر .

۲ : زیاده متصله غیر متولده ؛ بویا و امثالی کی میعدن تولد
ایتمیان زیاده درکه مجله ده بیان اولندیغی اوزره هر حالده مانع رددر .
۳ : زیاده منفصله متولده ؛ مبیع اولان حیواندن متولد یاوری
و آغاچدن حاصل اولان میوه کی که قبل القبض رده دکلدر .
بعد القبض ایسه مانع رددر . فقط مانع اولان زیاده فوت اولدقده
منوع اولان خیار عودت ایدر .

۴ : زیاده منفصله غیر متولدہ کرک قبل القبض و کرک بعد القبض حاصل اولسون رده مانع دکلدر . مثلاً مبيع اولان حیوانک بدل بجاری کبی که حیوان خیار عیب ایله رد اولنسه بدل ایجار مشتریده لور . زیرا بدل ایجار منافعدن متولد اولوب مشتری اکا ثمن بابه سنده مالک اولمیوب بلکه ضمان ایله مالک اولمشدر بر شیئک می ضمانی مقابله سنده در .

۳۵۰ ماده مانع رد بولندینی حالده بایع راضی اولسه
خی معیب اولان میعی کیر و آله میوب نقصان ثمن ویرمه
بور اولور . حتی مشتری اول مالی عیب قدیمه مطلع اولدقدن
کره صائسه بیله بایمدن نقصان ثمن آله بیلور .

کرچه ۳۴۴ نجی ماده حکمنجه عیبه مطلع اولدقدن صکره صاتمق
راضی اولمق ایسه ده مانع رد بولندینی حالده صاتمق اول
ضمان ثمن ایله رجوع تقرر ایتمش اولدیغندن بیعه رضا عد اولتماز .
۱ مانع رد اولان صاتمق فعلی دکلدر بو فعلک تضمن
یکی مقصد و معنادر چونکه عقود شرعیده اعتبار مقاصد
مانی یه در .

مثلاً مشتری صاتون آلدینی بر طوب بزدن کوملک ییجیروب دیکدیردکن
به برك چوروك اولدیغنه مطلع اولدقده بایع راضی اولسه دخی استرداد
میوب نقصان ثمن ویرمه مجبور اولور . و مشتری اول کوملکی صائسه
برك نقصان ثمنی بایمدن آلور .

زیرا بو صورتده مشترینک مالی اولان ایپلکک مبیعه علاوه والتحاق
رد اولقله بایع بن آتی بویله کسلمش و دیکلمش اولدینی حالده آلوردم

دیگه صلاحیتی اولیه جفندن مشتری آتی بیع ایله حبس وامساك ایتش اولماز.

۳۵۱ ماده صفة واحدة ایله اشترا اولان شیئرک بعضیسی

معیب چیققدقه قبل القبض . مشتری مجموعنی رد ایدر . یاخود

ثمن مسمی ایله قبول ایلر . یوقسه معیبی رد ایدوبده دیکری

آلیقویغنه صلاحیتی یوقدر .

چونکه بوصورتنده قبل التام صفة نك تفريق لازم کلور . زیر

صفة قبض ایله تمام اولور قبض ، تفريق اولنور ایسه مقبوض اولار

میسع دخی تفريق ابدلش کی اولور .

واکر بعد القبض ایسه تفریقندن ضرر اولمدینی حالده یالکری

معیب اولانی ثمن مسمان سالماً حصه سیله رد ایدر .

زیرا قبض ایله صفة تمام وبقا ابتدادن اسهل اولدیغندن میسع

سالم اولان قسمنده بیع لازم ومعیب اولان قسمنده خیاریت

اولور . ومعیب اولانی بیعده عیبندن سالم اوله رق داخل اولدی

ایچون ثمن مسمان سالماً حصه سیله رد اولنور و ثمن مسمان سالماً

حصه سی وقت بیعده میسع قیمتی نسبتنده تعیین اولنور .

مثلاً صفة واحدة بر آلتون ساعت ایله بر قلیج بیک ایکی یو

غروشه اشترا و قبض اولندقدن صکره آلتون ساعت معیب چیققد

یونک وقت میعده سالماً قیمتی بیک و قلیجک بش یوز غروش تقد

اولندقدن قیمتی اولان بیک غروش ایکسینک مجموع قیمتی اولار

بیک بش یوز غروشک ثانی اولمغله ثمن مسمی اولان بیک ایکی یو

عروشك ثلاثى بولنان سكر يوز غروش ساعتك ثمن مسادن حصه سى
اولوق لازم كلور . تعبير ديكرله معيب ايله سالمك مجموع قيمتك
معيب قيمته نسبتى مجموع ثمن مسانك معيبك ثمنه نسبتى كيدير .

مجموع قيمت ۱۵۰۰ : $\frac{۱۲۰۰}{۱۰۰}$ مجموع ثمن مسعى

معيبك قيمتى ۱۰۰۰ : معيبك ثمن مساسى

$\frac{۱۰۰۰ \times ۱۲۰۰}{۱۵۰۰} = ۸۰۰$: ميعدن معيوب اولان قسمتك ثمن مسادن
حصه سيدرك . بوضورتله تعين ايتش اولور . فقط بايع ايله مشترى
ميبك وت ببعدهكى قيمته اختلاف ايدرلر ايسه برشيئك بولندينى
حال اوزره قالمسى اصل اولديغندن وقت خصوصتهكى قيمتلى نظر
اعتباره آلنور .

وبايك رضاسى اولدجه ايكيسى بردن رد ايدمز .

چونكه ميبك سالم اولان قسمنده بيع لازمدر ، بيع لازمك
فصلنى اقاله ديمك اولوب رضای طرفينه منوطدر .

اما تفریقنده ضرر اولدينى حالده مجموعنى بردن رد ايدر .

باخود ثمن مسعى ايله قبول ايدر .

مثلا قرق غروشه آلنان ايكي فسدن بريى قبل القبض قصورلى چيقسه
ايكىنى بردن رد ايدمیلور . واكر بعد القبض بريى قصورلى چيقسه
الكر انى سالماً قيمتى قاچ غروشه ايسه قرق غروشدن تنزيل ايله رد ايدر .
فقط برجفت اياق قابى النوبده بعد القبض برتكى قصورلى چيقسه ايكىنى بردن
رد ايله تماماً اچقسهنى استرداد ايدمیلور .

برتكى آليقويوبده ديكرينى رد ايدمیلسه بايع متضرر اولور .
شرعده بدایة ضرر جائز اولمدينى كى مقابله دخى ضرر جائز

اولیوب ضرر اشد یا بلا ضرر و یا خود ضرر اخف ایله ازاله اولنور
 ۳۵۲ ماده مکیلات و موزوناتن اوله رق بر شخص بر
 جسدن اولق اوزره اشترا و قبض ایتش اولدینی مقدار معینک
 بمضیننی چور وک بولسه مخیردر. دیلرسه جمله سنی قبول
 ایدر و دیلرسه جمله سنی رد ایدر.

مکیلات و موزونات حکماً و تقدیراً شیء واحد کیدر. هر نه قدر
 حقیقه اشیاى مختلفه ایسه ده بونلرده مالیت و تقوم اجتماعی اعتبار یله دره
 یوقسه فرداً مال متقوم اولغه صالح دکلدر. فقط بشقه سینه صائسه
 بایعدن نقصان ثمن طلب ایده مز. زیرا نقصان ثمن احکام ملکدندره
 بیع ایله ملک زائل اولمشدر.
 میبعک بر مقدارینی استهلاک ایتدکن صکره عیننه واقف اولسه
 نقصان ثمن طلب ایده بیلور. میبع اجناس مختلفه دن اولوب بعضیسی
 معیب چیقسه ۳۵۱ نجی ماده حکمی جریان ایدر.

۳۵۳ ماده بغدادی و امثالی حیوانات طوبراقلی چیتدینی
 تقدیرده عادةً قلیل عد اولنورسه بیع صحیح و لازم اولور.
 چونکه قلیل مقدارده طوبراقلی و سائر کونه عیبلی میک قبولی
 عادتدر. زیرا بودر جه سندن تحرز ممکن دکلدر. ۳۴۱ نجی ماده حکمنجه
 میبعک عیبی بیان ایدیلرک صائلقده بیع صحیح و لازم اولدینی مثلاً عادةً
 قیل اولان عیبلر دخی عرفاً تعیین و بیان و قبول اولنش عد
 اولندیغدن بیع صحیح و لازم اولور. زیرا عادت محکم اولدیغدن
 بین الناس معروف اولان شی پینلرنده مشروط کیدر.

واکر بین الناس عیب عد اولنور درجه ده ایسه . مشتری
مخیر اولور .

دیلسه جموعنی رد ایدر ودیلسه ثمن مسمی ایله قبول ایدر .
اما ایچنده کی طوبرا غنک مقداری پک فاحش ایسه مشتری مخیر اولوب
دیلسه رد ایدر ودیلسه ثمن مسمی ایله حصه سیله آلور .
برده مواد اجنبیه ایله مخلوط اولان قسمک ثمندن تنقیصی
بین التجار معروف ایسه ولوکه مواد مخلوطه پک فاحش اولسه بیله
ثمندن ینه تنزیل اولنور .

۳۵۴ ماده عورطه وجوز مقوله سی شیلرک بعضیسی فنا
وچور وک چیقسه یوزده اوچ کبی عرفاً و عادهً استکثار
اولمیه حق درجه سی معفو اولور . اکر قصورلی چیقان یوزده
اوز کبی چوق اولورسه معفو اولیوب مشتری جمله بیعی
بایعه رد ایله تماماً ثمنی کیر و آلور .

مشرینک جمله بیعی رد ایتیمی حضرت امام اعظمک اجتهادینه کوره
خیار عیب ایله دکلدر . بلکه بیع ، فاسد اولدینی ایچوندور . زیرا
عقد بیع مقوم ایله غیر مقوم اوزرینه واقع اولمشدر . مانع ایله
مقتضی تعارض ایتدکده مانع تقدیم اولنور .

بو مثللو شیلرده غبن فاحشک یوزده بش نسبتنده اولدینی

۱۶۵ نجی ماده ده محرر اولسنه نظراً نقصان و چور و كك معفو اولموش
ایچون هر حالده شو مقدار دن آز اولسی ایجاب ایدر .

۳۵۵ ماده . بیع اگر اصلاً . منتفع به اولیه جق حالده
ظهور ایدر ایسه بیع باطل اولوب مشتری تماماً ثمنی استردا
ایدر .

مثلاً اشترا اولنان یورطه اصلاً ایسه یراض صورتده بوزوق چیق
مشتری تماماً اچهنی کیرو آلور .
زیرا میبع مال مقوم اولماسیله بیع باطل اولدیغندن برکوت
حکمی افاده ایتمز . و حتی مشتری میبعی قبض ایدوبده یدنده تلف
اولمش و یا انلاف ایتمش اولسنه بیله مضمون اولدیغندن ثمندن
مقدار تنزیلی لازم کلیوب تماماً کیرو آلور .

تذنیب

خیار عیب وارنه انتقال ایدر . چونکه میبع ایله قائم بروصفدر

خیار استحقاق

میبعك بعضیسی بالاستحقاق ضبط اولسنه او قسمنده بیع باطل
اوله جنی کی دیگر قسمیده عیب لانه جفندن مشتری مخیر اولور
و بوکا « خیار استحقاق » دینور .

مثلاً بر کیسه قیمیادن یا خود مثلیادن اولان مالی صاتون آلوبه
کلیسی قبض ایتمکسزین بر شخص ظهور ایله میبع کرک برآت مثلاً
واحد اولوبده انك نصف و ثلث کی حصه شایعه سنی و یا خود
آت مثللو متعدد اولوبده برینی بالاستحقاق ضبط ایتمکده باقیست

عبي ايراث ايتسه بيله مشترى ايجون غرض اشترأ تماماً حاصل
اوله ميه جفندن مخير اولوب ديلرسه بيعي فسخ ايدر وديلرسه باقيني
غن مسمان حصه سيله قبول ايدر .

مجله جليله ده خبار استحقاقدن يالکيز ۱۱۲۵ نجی ماده نك فتره
اخيره سنده واستحقاقه دائر بعض مسائلدن ۶۱۶ ، ۶۳۸ ، ۶۵۸
و ۱۷۴۶ نجی ماده لرده بحث اولمشدر .

فصل سابع

غن و تغير بياننده در

۲۵۶ ماده بيعده بلا تغير غن فاحش بولنسه مغبون

اولان کيمسه بيعي فسخ ايده مز .

هر کس ملکنده کيف مایشاء تصرف ايده بيله چکی کي عاقل وبالغدن
صدور ایدن تصرفات شرعيه معتبر اولديغندن کندو طرفندن تمام اولان
شیء نقض ايتمه سعی ايليان کيمسه نك سعی مردوددر . ۱۱۹۲ ، ۱۰۰
بناءً علی ذلك بر کيمسه بيک غروش دکرنده برمالنی يوز
غروشه صاتسه وياخود يوز غروش دکرنده برمالی بيک غروشه
آلسه بوتوع تصرفاتی غير معتبر طوتلدينی تقديرده حریت شخصيه سی
پک زياده تضيق ايدلمش اوله جنی کي کندوسی فسخ بيعه مقتدر
اولسه بو حالده او جوز صاتم ويا بهالی آلدن ديهرك فسخ بيع اقتداري
هر عاقده ثابت اوله رق تقرر ملکه مانع اوله جفندن جائز دکلدر .

فقط مال يتیمی بلا تغير اولسه دخی غن فاحش ايله

بیع صحیح اولماز . « یعنی باطل اولور » مال وقف و بیت المال « و مال

معتوه و مال محنون « دخی مال یتیم حکمنده در .

بونلرک اموالی حقنده تصرف منفعتلرینی محافظه ایله مشروط اولدیغندن سالف الذکر قاعده دن مستثنادر .

۳۵۷ ماده متبایع اندن بری دیگرینی تغیر ایدوبده

بیعده غبن فاحش اولدینی تحقق ایتدکده مغبون اولان کیمسه

بیعی فسخ ایده بیلور .

بوکا « خیار غبن و تغیر » دینور . و هم بایع و هم مشتری ایچون ثابت اولور زیرا بایع مشتری بی و مشتری بایعی آلداته بیلور . شوقدرکه یالکیز تغیر موجب فسخ اولوب غبن فاحشک دخی تحقق ایتسی شرطدر .

§

بایع مبیع اولان کچنک ممسنه طوربه باغلا یوب کویا سوتی چوقدر دیو تغیر ایله صاتسه مشتری مغبون اولدیغنی آکلاینجه بیعی فسخ ایدوب ایتمامکده مخیردر . بوکا « خیار غبن و تغیر فعلی » دینور .

§

دلال تغیر ایتسه مغبون اولان کیمسه بیعی فسخ ایده بیلور . زیرا دلالک عقده مناسبتی واردر . عقده مناسبتی اولمان بری تغیر ایتسه مغبون اولان کیمسه بیعی فسخ ایده مز .

§

شرعده ضرر جائز اولدیغندن بایعک مشتری و مشتری بایعی

غبن فاحش ایله تغیر ایتیمی مغبون اولان کیمسه حقنده ضرر اولوب
ضرر دخی واجب الازاله در . بناءً علیه فسخ بیع ایله مغبون و مغرور
اولان کیمسه حقنده کی ضرر ازاله اولنور ایسه ده دیگر طرفک دخی
متضرر اولماسی ایچون غبن و تغیرک تحقق و بتوتی حکام ایچون
یک زیاده شایان تدقیق مواد دندر .

فقط « غبن یسیر » دن تحرز ممکن اولمدیغندن تغیر اولسه بیله
یو مقدار عادةً معفو اولغله فسخ بیعی موجب اولماز .

۳۵۸ ماده غبن فاحش ایله مغبون اولان کیمسه نیک
وفاتنده تغیر دعواسی وارثه انتقال ایتمز .

چونکه غبن وصف قیلندندر مغبون اولانک وفاتیله ساقط
اولور . فقط تغیر ایدن فوت اولسه مغبون اولان فسخ عقد ایده
بیلور . زیرا وصف کندوسیله قائمدر تغیر ایدنک وفاتیله ساقط
اولماز .

۳۵۹ ماده تغیر اولنان مشتری بیعده غبن فاحش
اولدیغنه مطلع اولدقدن صکره میبعده تملکک لوازمندن
بروجهله تصرف ایدر ایسه آرتق حق فسخی قالماز .

کذلک غبن فاحش دعواسندن بابی ابرا ایدر ایسه آرتق دعوی
ایده مز . چونکه برشینک امور باطنه ده دلیلی اولشینک مقامنه قائم
اوله جغندن تصرفات مذکوره رضای غبنه دلالت ایدر .
و کذا مشتری میعی بشقسنه هبه و تسام ایتدکدن صکره هبه دن

رجوع ايله استرداد ايتسه ينه فسخ ايدمهز زيرا سبب تملكك تبديله
مبيع تبديل ايتش كيدير .

اما خيار شرط ايله بيع ايتدكدن صكره عقدى فسخ ايتسه عقد
اولى دخى غبن وتغريز سبيله فسخ ايدمهيلور . زيرا خيار شرط
ابتداء لزوم عقده مانع اولديغندن مبيع بايعك ملكندن زائل اولميه جنى
جهتله تصرف ايتش عداولتماز .

مشتري بايعى تغريز ايتدكدن صكره برشفيع ظهور ايدوب
مبيعى حق شفيعه ايله ساتون آلسه بيله بايع غندن طولايى مشتريه
مراجعت ايدمهز . چونكه ملكك كندوسندن زواليله ملكه متعلق
حقوق دخى زائل اولمش اولور . بايع شفيعه دخى مىراجعت ايدمهز .
زيرا شفيع كندوسنى تغريز ايتديكندن اكا كوره خصوصت توجه
ايتمز .

۳۶۰ ماده تغريز وغبن فاحش ايله اشترا اولنان مبيع

تلف يامستر ملك اولسه ويا خود اول مبيعه معيب اولمق وعرصه
اولوبده اوزرينه بنا يالمق كې بر كيفيت حدود ايتسه
مغبون اولان كيمسه نك بيعى فسخه صلاحيتى قالماز .

ولو كه احوال مذكوره مشتري غبن وتغريزه واقف اولمق سزىن
وقوع بولمش مثلاً مغبون ومغرور اولديغنى بيلمك سزىن آلايغى
عرصه به بنا انشا ايتش اولسون .

§

كذلك مبيعى؛ خيار ، شرط ايتكم سزىن بيع ويا وقف ايتسه ينه
فسخ ايدمهز ونقصان ثمن دخى ايتسيه مز .

فقط مثلیاتدن اولان میبعك بعضیسنده تصرف ایتدکدن صکره
تغیر وغبن فاحشه مطلع اولسه خیاری ساقط اولوب اول میبعك
باقیسنی عیناً و تلف اولانك مثلی بایعه رد ایدرك و یردیکي ثمنی تماماً استرداد
ایدرك .

اما قیمیاتدن اولان میبعك بعضیسنده تصرف ایتدکدن صکره
تغیر وغبن فاحشه مطلع اولسه بو مادهیه کوره خیاری ساقط اولور .
زیرا قیمی اولان میبعك بر قسمنده تصرف ایتمکله قسم دیگرینی
تعیب ایتمش دیمك اوله جفتدن حق فسخی ساقط اولور .

باب سابع

میبعك انواع و احکامی بیاننده اولوب الی فصله منقسمدر
مدخلك ایکنجی بابنك اوچنچی فصلنده علل و اسبابی بیان
قلندینی و مقدمه کتاب الیو عده مندرج اصطلاحات میاننده تعریف
اولدینی و کتاب الحجر والا کرا هده دخی ذکر اولنه جنی وجهله بیع،
انعقاد اعتباریله منعقد و غیر منعقد و بیع منعقد صحیح، فاسد، نافذ، موقوف،
لازم و غیر لازمه منقسم اولدینی کبی بیع منعقد عاقده، معقود علیه،
مکان عقده راجع بر طاقم شرائطی اولوب کند و سنده شرائط انعقاد
اصلاً بولنمیان بیع، باطل اوله جنی کبی شرائط مذ کوره قسماً
موجود اولمدینی حالده دخی احکام بیع تغیر ایده جکندن بورالری
اکلا شملق ایچون بوباده بیعك انواع و احکامی بیان قلنمشدر .

فصل اول

بیعك انواعی بیاننده در

۳۶۱ ماده بیعك انعقادنده رکنی اهلهندن یعنی عاقل

و میزدن صدور ایتک و حکمی قابل اولان محله مضاف اولق شرطدر .

بیع و شرائع ایله ضرر بیننده متدائر عقوددن اولمسیله افعال متعاقبینه کوره حکم شرعی ترتب ایتک ایچون قصده مقرون اولمسی اقتضا ایدوب بوده ایکی شرطک وجودیله تحقق ایدرکه برنجیسی: عاقدینک حقیقه و یا حکماً « اهلیت ادایه » مالک اولملری ، ایکنجیسی: عقدک حکم بیعی قبول ایدن محله مضاف ایدلمسیدر بنابرین :

۳۶۲ ماده رکننده خلل اولان بیع مثلاً مجنونک بیعی باطلدر .

زیرا رکننده خلل اولان عقد وجود پذیر اوله منزه ته کیم مجنونک تصرفاتی قصده مقرون اوله میه جفتدن حقتده حکم شرعی ترتب ایتمز .

۳۶۳ ماده بیعک حکمی قابل اولان محلی موجود و مقدور التسلیم و مال متقوم اولان میعدر .

بناءً علی ذلک معدومک و مقدور التسلیم و مال متقوم اولیان شیثک بیعی باطلدر .

زیرا بیعده عاقدینک قصدی تعین ایتک ایچون بر فائده ملحوظ اولق اقتضا ایدوب معدومی بیعده فائده ملاحظه اولنه میه جنی مثللو مقدور التسلیم و مال متقوم اولیان شیردخی معدوم حکمنده در .

بیعده بر فائده بولمق مشروط اولمسنه نظراً میبع موجود اولوب فقط اوزرینه بر فائده ترتب ایتیمان بیع دخی صحیح اولماز .

مثلاً بر مشترک عقارک حصه دار لرندن بری اول عقارده اولان
حصه شایعه سنی سهم و حصه ده کندویه مساوی بولنان آخر حصه دارک
حصه شایعه سنه مقابل بیع ایتسه صحیح اولماز .

۳۶۴ ماده انعقاد بیعک شرطی بولنوبده بعض اوصاف
خارجیه سی اعتباریله مشروع اولماز ایسه . مثلاً بیع مجهول
یا خود نمونده خال واقع اولور ایسه بیع فاسد اولور .

زیرا بیع منعقدده عاقدین مقصودینه اساساً نائل اوله بیلور ایسه ده
بعض اوصاف خارجیه سنده وقوع بوله حق نقصان فی الحال ایصال مقصده
مانع اوله جفتدن بیع فاسد اولور که اسباب و انواعی مکرراً ذکر
و بیان قلندی .

§

بیعه عاقدینک رضالری شرطدر زیرا طرفین راضی اولمینه
زاع ایده چکلرندن بیع تقرر ایده مز . بناء علیه کراه معتبرایله واقع
ولان بیع و شرا صحیح اولماز ۱۰۰۶ نجی ماده یه نظر بیوریه .
فقط مکرهاً بیع ایدوبده طایعاً میعی مشتری یه تسلیم و اولدخی
سلم ایتسه بیع تام و لازم اولور زیرا نزاعه محل قالماز .

۳۶۵ ماده بیعک نافذ اولمسی ایچون بایع میعه مالک
ا خود مال صاحبک و کیلی ویا وانیسی ویا وویسی اولمق و غیرک
حق اولماق شرطدر .

یعنی بیع نافذده شرائط انعقاد و صحت بولنغله برابر تماماً حصول

مقصودی توقیف ایتامک ایچون حق غیردخی تعلق ایتامک لازمدر .

۳۶۶ ماده بیع فاسد عندالقبض نافذ اولور .

یعنی مشتریك میبده تصرفی جائز اولور .
چونکه بیع فاسد، منعقد و صحیح اولوب بعض اوصاف خارجیه سی اعتباریله فاسد و بوده بالطبع ضعیف اولدینی جهتله مشتریك میبی صراحة و یا دلالة قبضی مثللو تصرفاتی ایله فساد راضی اولدینی مستبان اوله جفندن بیع [نافذ] اولور. یعنی حق غیر تعلق ایتامش ایسه نافذ اولور که صحتی دخی متضمندر حق غیر تعلق ایتامش ایسه بیعک نفادینه مانع اوله جفندن نافذ اولوب فقط صحیح اولور .

۳۶۷ ماده خیاراتدن بریسی بولنور ایسه بیع لازم اولمازه

خیارک لزوم بیعه مانع اولدینی التجبی بایده شرح و ایضاح ایدلدی .

۳۶۸ ماده بیع فضولی و بیع مرهون کبی غیرک حتی

تملق ایدن بیع اول غیرک اذننه موقوفاً منعقد اولور .

یوقسه اساساً باطل و یا فاسد اولوب صحیحدر فقط نافذ دکلدر .

فصل ثانی

انواع بیوعک احکامی بیانندهدر

۳۶۹ ماده بیع منعقدک حکمی ملکیتدر .

یعنی مشتریك میبده و بایعک ثمنه مالک اولسیدر .
چونکه بیع مطلق ملکیتهم اسماً و هم معنأ و همده حکماً علندر .
یعنی بیع مطلق ملکه موضوع اولدیغندن اسماً و ملکیتی حصوله

توردیگندن معناً و ملکیت عقد بیع ایله برابر حاصل اولدیغندن
 نکماً علتدر بنا برین انعقاد یعنی علت بیع حاصل اولنجه حکمی
 بی ملکیت دخی حاصل اولور زیرا احکام شرعیه عللدن کیروقالمر.
 انحق بوماده بیع منعقدك حکم اصلیسنه دائردر. توابع احکامی
 بک میعی مشترییه و مشترینك نمی بایعه تسلیم ایتمنك وجوبی
 میع ملک عقار اولدیغی حالده انده شفعهك ثبوتی کبی شیلردر.
 برده ملکیتك اثری ابتداء تصرفه اقتداردن عبارتدر. بناءً علیه
 کل ووصی و متولینك اقتداری خارج قالدور مکرکه مانع بولنه.
 لا قبل القبض میع منقولده اولدیغی کبی. چونکه مشتری قبل القبض
 بیع منقوله مالک ایتسه ده مانع سبیلله انده تصرفه مقتدر دکلدر.

§

بیعه ابتداءً ثابت اولان اقتدار تصرفك دوامی دخی شرطدر.
 بناءً علیه بایع مشترییه میعی بر مدت معلومه ایچون موقاً صاتم
 بوب اوده قبول ایتسه صحیح اولماز.

۳۷۰ ماده بیع باطل اصلاً حکمی افاده ایتمز.

بناءً علیه بیع باطلده مشتری بایعك اذنیله میعی قبض ایتدکده میع مشتری
 دنده امانت قیلندن اوله رق بلا تعد تلف اولسه مشترییه ضمان لازم کلز.
 زیرا مشتری میعی بایعك اذنیله قبض ایتدیگندن یدنده امانت
 بوب امانت دخی مضمون دکلدر. فقط تعدی و تقصیری ایله تلف
 ضایع اولور یاخود بلا اذن قبض ایتدکدن صکره تعدی و تقصیری
 بقسزین تلف و ضایع اولورسه حکم غصب ترتب ایدرك کندوسنه
 مان لازم کلور. ۸۹۰.

۳۷۱ ماده بیع فاسد عند القبض حکمی افاده ایدر :

یعنی مشتری بایعك اذنیله میبئی قبض ایتدکده اکامالك اولور . « یعنی احکام ملك ثابت اولور . » بناءً علیه بیع فاسد ایله اشترا اولنان میبئی مشتری عندنده تلف اولسه ضمان لازم کلور شویله که : مثلیاتدن ایسه مثلی و قیمیاتدن ایسه یوم قبضنده کی قیمتی ویرمی لازم اولور .

بیع فاسد ذاتاً منعقد اولدیغندن مشترینيك میبئی قبض ایتمی قبض ضمان اولمغله میبئی مشتری عندنده بلا تعدی ولا تقصیر تلف اولسه بیله ینه ضمان لازم کلور . شو قدر که بیع فاسد بعض اوصاف خارجیه سننده خلل اولمق حسیله غیر لازم ایدو کندن ثمن مسمی ویرلمیوب میبئی قيمت ویا مثلك اعطاسی لازم کلیور .

§

انجق ۷۰۶ نجی ماده شرحنده ایضاح اولندیغی اوزره قبض امانت قبض مضمون مقامنه قائم اوله میه جغندن ماده مشروحه دن شو مسئله لر مستنادر .

برنجیسی : مستودع یدامانتمده بولنان و دیعه نی بیع فاسد ایله صاتون آلوب فقط تجدید قبض ایتمه و بوضرده میبئی بلا تعدی ولا تقصیر تلف و ضایع اولسه ضمان لازم کلر . ایکنجیسی : ولی و وصی کنندی مالی ولی و وصیسی اولدیغی صغیره بیع فاسد ایله صاندقدن صکره صغیرك حاجتده قوللانسه بیله تعدی و تقصیری وقوع بولمقده کندوسنه ضمان لازم کلر . اوچنجیسی : ولی و وصی یدامانتمده بولنان مال صغیری فاسداً اشترا ایتدکن صکره صرف و استهلاك ایتدکسزین و تعدی و تقصیری وقوع بولمقسزین تلف و ضایع اولسه کندوسنه ضمان لازم کلر .

§

[بايعك اذنيه] قیدی احترازیدر. بايعك اذنی اولمقسنزین مشتری
میعی قبض ایتسه بوماده موجبنجه حکمی افاده ایتوب یعنی احکام
لك ثابت اولیوب غصب حکمنده اولور. فقط مشتری مجلس بیعده
بیعی بايعك اذنی اولمقسنزین قبض ایدوبده بايع منع ایتزایسه استحساناً
حکمی افاده ایدر .

۳۷۲ ماده بیع فاسدده عاقدینك هر برینك بیعی فسخ
یتمکه حق واردر .

فساد كرك بايع وكرك مشتری طرفدن ایقاع ایدلش اولسون
قتدار فسخ ایقاع فساد ایدنه مخصوص ومنحصر اولیوب دیگر
طرف دخی فسخ ایده بیلور. چونکه فساد ایله عقدغیر لازم اولدیغنه
فساد احد طرفینه منفعتی ودیگر طرفه ضرری موجب اولوب
ضرر حد ذاتنده واجب الازاله اولدینی کی ضرر ایله منفعت تعارض
یتدکده دفع مفسد جاب منافعدن اولی اولمغله دفع و رفع مفسد جهته
کیدنك لازم کله جکنه بناء طرفینك هربری عقدی فسخ ایده بیلور.
بری فسخ ایتدکده دیگر طرفه یالکیز معلومات ویرمسی کافی اولوب
نك رضاسنی استحصاله ویا قضای حاکمه حاجت یوقدر . زیر اشراً
اجب اولان، قضایه محتاج دکلدرد .

فقط میبع اگر مشتری یدنده تلف اولور سه یا خودانی
ستهلاک ویا دیگره بیع صحیح ایله بیع یا هبه کی بر صورتله
لندن چیقارر ایسه ویا خود میبع خانه اولوبده تعمیر اولنق

ویا عرصه اولوبده آغاج دیکلمک کبی بر صورتله مشترک
طرفندن میبعه برشی علاوه ویا خود بغدادی اولوبده طحن
اون ایدلمک کبی میبعک اسمی دیکشه جک صورتله تغییر ایدیلو
ایسه حق فسخ قالماز .

عقد بیع نصل واقع اولمش ایسه او یله جه فسخی لازم کلو
صور مذکورده ایسه میبع یا حقیقه ویا حکماً تغییر ایله محمول
اولدینی جهته فسخه امکان قالمیه جفتدن حق فسخ ساقط اولور
انجق بیع فاسدک فسخه مانع اولان زیاده، زیاده متصله غیر متولده
سائر زیاده لری وار ایسه انلری بایع میبع ایله استرداد ایدر .
مشتري زیاده منفصله متولده بی استهلاك ایدر سه ضامن اولور
اما بلا تعد تلف اولور سه ضمان لازم کلز . زیاده منفصله غیر متولده
استهلاك ایدر سه حضرت امام اعظمه کوره ضمان لازم کلز . امام
کوره ضمان لازم کلور .

مشتري زیاده منفصله متولده موجود اولوبده میبعی استه
ایدر سه زیاده مذکور کندی اوزرینه قالب میبعی تضمین ایتمه
لازم کلور .

§

بیع فاسدی فسخ حق طرفینک ویا برینک وفاتیه ساقط اولمو
وارثلرینه انتقال ایدر . بناء علیه ورثه دخی بروجه محرر
فسخ ایده بیلور لر .

۳۷۳ ماده بیع فاسد فسخ اولندقدده اگر قبض

اولئش ايسه بايع ثمنی رد ايدنجه يهدك مشتري نك ميبی حبس
ایتمك حقى واردر .

اسبابی ۲۷۸ نجی ماده شرحندن مستبان اولور .

۳۷۴ ماده بیع نافذ فی الحال حکمی افاده ایدر .

زیرا قیاساً حکمه مانع برشی یوقدر . یالکز بیع نافذك فسخی
جائز اولوب اوله میه جنی مسئله سی وارد اولور شویله که :

۳۷۵ ماده بیع نافذ لازمده متبایعاندن هیچ بریسی

دونه من .

من کل الوجوه تمام اولمشدر .

۳۷۶ ماده بیع غیر لازمه غیر اولان طرف بیعی

فسخ ایده بیلور .

زیرا خیار ، فسخ عقده صلاحیت ایچون مشروعدر . و بیع
قاسده طرفین فسخه مقتدر اولدقلری حالدیه بیع غیر لازمده یالکز
غیر اولان طرفك عقدی فسخ ایده بیلوب دیگر طرفك فسخه مقتدر
اوله مامسی کندوسنك رضاسیله بیعك ذاتاً ووصفاً منعقد اولمش
بولمشندن ناشیدر .

۳۷۷ ماده بیع موقوف عندالاجازه حکمی افاده ایدر .

حق غیر تعلق استدیکنندن نفاذی ایچون انك دخی حصول
رضایی لازمدر . چونکه موقوفاً بیع ملکه موضوع اولدیغندن

اسما علتدر . وثبوت مالکۀ تأثیر ایتدیکنندن معناً دخی علتدر
 لیکن ملکیت بیع ایلہ برابر وجوده کلیوب بیع ایلہ حادث اولیار
 بروقتہ یعنی صاحب ملکک اجازتنه موقوف اولدیغندن حکماً علت
 دکلدر . بوصورته معلول کندوسندن تراخی ایدوب اگر مال
 صاحبی اجازت ویرر ایسه حکمی افاده ایدرک بیع نافذ اولور
 واکر اجازت ویرمرز ایسه حکمی افاده ایتیه بکنندن بیع منفسخ اولور
 خیار شرطک دخی حکماً بوکا مماثل اولدیغی فصل مخصوصند
 بیان قلندی .

۳۷۸ ماده . بیع فضولیده مال صاحبی ویا وکیلی یاخود
 وایسی یاخود وصیسی اجازت ویرر ایسه نافذ و ویرمرز
 منفسخ اولور . فقط اجازتده بایع ومشتري ومجيز ومبیع قائم
 اولمق شرطدر بونلرک بریسی هلاک اولسه اجازت جائز اولماز .
 چونکه بیع ایجاب وقبول ایلہ عقد اولمنسنه نظر آبیعک عقددر
 محیب وقابل اولان عاقدینک وجودی لازم و بیع موقوفده اجازت
 ویرمرسی اقتضا ایدن مجیزک دخی عاقد حکمنده بولمنسنه ومبیع محل
 عقد اولمنسنه مبنی اجازت وفسخ بیعده بونلرک وجودی شرطدر .
 عاقدین ویا مجیزدن بری وفات ایتسه طرفینه خلل کلور . مبیع تلف
 اولسه محل عقد بولنمز . فقط فسخ بیع ایچون یالکر اقتدار فسخ
 کندوسنه ثابت اولان کیمسهنک وجودی کفایت ایدوب دیگر
 طرفک فوت اولسی مانع فسخ دکلدر . اگر مانع فسخ اولسه اقتدار
 صلاحیتک حکمی قالماز .

برده بیع مقایضه ده اجازت ایچون بدلینک ایکسینک دخی قائم
اولسی اقتضا ایدر . زیرا :

۳۷۹ ماده بیع مقایضه ده بدلینک ایکسیده مبیع

حکمنده اولدیغندن بونلرده مبیعک شرائطی معتبردر فقط

تسلیمه چه نازعه وقوعنده متبایعان ایکسی بردن تسلیم

وتسلم ایدر لر .

سبی ۲۶۲ نجی ماده شرحنده بیان قلندی .

اما بر یکمسه آخرک مالی برکسنه یه فضولا صادقدن صکره

مذکور مالی صاحبندن اشترا قبض ایله مشتری یه تسلیم ایتسه بیع

نافذ اولور مال صاحبنک اجازته موقوف اولماز . مشتری بایعه حین

بیعه سنک ملکک دکل ایدی دیهرک قبولدن امتناع ایده مه چکی کی

مذکور مال بایعک سلاک ملککنه داخل اولدقدن صکره تسلیمدن دخی

امتناع ایده مز .

اگرچه برشیده سبب تملکک تبدیلی اول شیئک تبدیلی مقامنه

قائدر قاعده سنه نظراً بایعک فضولا صاددینخی مال مبیاعه سیله حکماً

تبدیل ایتمش کی ایسه ده حقیقتده حین بیعه تسمیه وتعیین ایدیلا مال

اولدیغندن مشتری یه تسلیم ایله قضایه شبیه برادا اولور .

§

ابتداءً نافذ اوله رق منعقد اولان بیع ایله ابتداءً موقوف

اوله رق منعقد اولدقدن صکره نفاذه منقلب اولان بیع آردسنده

حکماً شو قرق واردرکه بیع منعقدك حکمی ملکیت اولدیغندن بايع قبل التسليم میعی بشقه سنه صاته ماز. صاتار ایسه بیع ثانی مشتری اولك اجازتنه موقوف اولور. اما بايع فضولی میعی صاحبندن آلدقندن صکره مشتری یه تسلیم ایتکمزین بشقه سنه صاته بیلور .

کذلک ۲۵۳ نجی ماده حکمنجه بیع نافذده مشتری قبل القبض میعی عقار ایسه آخره صاته بیلور اما بیع موقوفده صاته مز .
بیع موقوف صاحبك عدم اجازتنه مبنی منفسخ اولدقندن صکره بايع فضولی میعه مالک اولسه مشتری آتی سن بکا صاتمیش ایدك دیهرک طالب اوله ماز .

فصل ثالث

سلم حقننده در

۱۵۱ ، ۱۹۷ ، ۲۰۵ نجی ماده لرده محرر اولدینی اوزره بیعدن مقصود اصلی مبیع اولدیغندن میعك موجود اولمی لازم ومعدومك بیعی باطلدر. مسلم فیه حین عقدده معدوم اولدیغندن بر مقتضای قیاس سلمك دخی باطل اولمی اقتضا ایدر . انجق سلم مسلم الیه ورب السلم ایچون فائده یی موجبدر شویله که: مسلم الیه اکثریا ارباب زراعتدن ورب السلم تجارتدن اولور رب السلمك ویره جکی آچه ویا مال ایله مسلم الیه آلات وادوات وتخم آلهرق مسلم فیهی استحضاره چالیشور. دیمك اولیورکه سلم مسلم الیه حقننده تزیدشوق وغیرت واستحصال منافی موجبدر . ویره سی یه مال ایچون پشین پاره ویرن رب السلم دخی مسلم فیهك حین تسلیمنده اولان قیمتدن دون بر آچه ویره جکی جهتله فرق فیآندن ومسلم فیهك وقت تسلیمی معین ومعلوم اولغله آندن اول

مشتري بوله رق صاتمقدن کار ایده جکی جهته سلم رب السلام حقنده
دخی فائده بی موجیدر .

بناءً علیه عاقدین و بلکه هیئت اجتماعیه حقنده فائده لو اولوب
عصر سعادتدن مقدمکی زمینردن برو جاری اولان بر معاملیه بی
منع ایتمک خلقی استحصال منافعدن محروم قیلمق و احتیاجی تضییق
ایلمک دیمک اولدیغنه و شریعت اسلامیه ده اساس مقصود انسانلرک
رفاه حال و معیشتی ایدوکنه بناءً سلم علی طریق الاستحسان تجویز
اولمشدر .

[یا ایها الذین آمنوا اذا تداینتم بدین الی اجل مسمی فاکتبوه]
آیت جلیله سی سلمه شامل اولدینی کبی ذات عالی جناب رسالتنهای
صلی الله علیه وسلم مدینه منوره یه هجرت و مواصلت بیوردقلرنده یرلی
اهالینک سلم طریق و بر ایکی اوج سنه مدت ایله خرما آلیش
و یریش ایتدکلرینی کوزملریله « سلم ایدن کیمسه کیل و وزنی معلوم
اولان شیده اجل معلومه دک ایتسون » مألنده اولان [من اسلم منکم
فلیسلم فی کیل معلوم و وزن معلوم الی اجل معلوم] حدیث شریفی
صادر و بو باده اجماع دخی حاصل اولمشدر .

لکن ضرورتار کندو مقدار لرنبجه تقدیر اولنمق قواعد کلیه دن
اولدیغندن سلم ، بیعک اقسام سائرهمی قدر مطلق اولمامغله ۱۲۳ نجی
ماده ده محرر تعریفده [پشین یاره ایله ویره سی یه مال آلمق] دیو
محرر اولمسنه و ۱۲۶ نجی ماده موجبنجه عندالفقها مالک تعریفنه
نظراً مسلم فیهک عین اولمسی لازم کله جکی کبی اعیاندن نه مقوله شیلرده
مشروع و جائز و فصل شرائطه رعایتی لازمدر بروجه زیر بیان
اولنور .

مع مافیه سلم انواع بیوعدن مستثنی بر بیع اولدیغندن مستثنی
اولمق اعتباریله معین اولان شرائطدن ماعداده ینه بیوع حقنده موضوع
قواعد و شرائط و احکام ، سلمه دخی شامل اولدیغندن بو فصلده
آنلردن بر قاجنک مجرد توضیح مقصد ایچون ذکر ایدلمش اولنسی
دیگر لرینک عدم شمولونه دلالت ایتمز . استثنای ایدلمیان خصوصاً صاده
انلره تطبیق معامله اولنور . و بوفصل مندرجاتندن مقصد استثنائی
بیان اولمغله احکامی عمومی اولان شیرلی تکراره حاجت یوقدر .

۳۸۰ ماده بیع کبی سلم دخی ایجاب و قبول ایله منعقد

اولور .

مثلاً مشتری بایعه یوز کیله بغدادی ایچون بیک غروش سلم ویردم دیوب
اول دخی قبول ایتدکده سلم منعقد اولور .

یعنی بیع کرک لفظاً و کرک مکتوب و صور سائرّه ایله نصل
منعقد اولور ایسه سلم دخی او یله جه منعقد اولور . و [سلم] کله سی
بو نوع بیعه علم اولدیغندن منالده محرر اولدیغی وجهله [سلم و یردم]
کبی بیع لفظی ذکر اولنمق سزین یالکیز سلم تعبیریله منعقد اوله جنی
کبی سلم کله سی تلفظ اولنمیه رق سلمک شرائطی بیان و تعداد و آلام
صاتم کبی الفاظ بیع ایراد ایدلمکله دخی سلم منعقد اولور . زیرا
عقودده اعتبار مقاصد و معانی یه در الفاظ و مبانی یه دکلدر .

۳۸۱ ماده سلم انجق مقدارینی و صفتینی ، مثلاً اعلا لغنی

یا اذنا لغنی تعیین ایلک قابل اولان شیرلده صحیح اولور .

بو ماده باب سلمده بر ضابطه عمومیله در . سلم کندوسنده جائز

اولان شیلر معلوم اوله رق مسائل سلم بونک اوزرینه ایتنا اولنور .
شویله که :

بغدا ی و امثالی مکیلاتده و کور و صمان کبی موزوناتده و پورتقال
ولیمون کبی عددیات متقاربه ده و بز و چوقه کبی مذروعاتده سلم صحیح
اولور . چونکه مسلم فیہ ابتداء معدوم و بناء علیہ غیر معین اوله رق
ذمتده ثابت دین یعنی مسلم الیهک تعهدندن عبارت اولدیغندن و دین
مقدار و صفتی تعیین و بیان ایله معلوم اولوب مواد سالف الذکر دخی
مقدار و صفتی بیان ایله بیلنور شیلردن ایدوکنندن بونلرده سلم صحیح
اولور .

بناء علیہ مقدار و صفتی تعیین اولنق قابل اولمان شیلر دد سلم صحیح اولماز .
یعنی فاسد اولور . زیرا نزاعه مفضیدر . بناء علیہ علی العموم
حیواناتده سلم صحیح اولماز .

کذلک قارپوز ، قاوون ، قباق ، نار کبی قیمیاتدن اولان شیلرده
سلم صحیح اولماز .

مکرکه صاییدن ماعدا بر صورتله مثلا طول و عرضی بیان اولنق
کبی بر وجهله وصفی تعیین اولنه .

کذلک فلان کویک بغدایندن دیو تخصیص ایله سلم جائز دکلدر . زیرا
او کویک بغداینک آفت سماویه ایله محر اولمی محتملدر . فقط ادرنه
بغدایی ، آیدین اینجیری کبی ادرنه و آیدین و توابعنک . بغدای و اینجیرینه
شامل اولان بر وصف ایله تمین جائز اولور . زیرا ادرنه و آیدین
و توابعنده حاصل اولان بغدای و اینجیرک کافه سنک آفت زده اولمی
نادر و بلکه شمدی یه قدر عذیم الوقوعدر .

اگر مسلم فیہک بر بلده یه نسبتی صفتی تعیین ایچون مثلا اعلالغی

بیان ایتمک ایسه نسبت و اضافت مذکورہ صحت سلمہ مانع اولماز .
و کذلک مقدور التحصیل اولیان شیرلده سلم جائز دکلدر . زیرا
مسلم فیهک تسلیمی ممکن اولماز .

برده مسلم فیهک وقت عقددن حلول اجله قدر اولان مدتک بمحو عنده
چارشو و بازارده دائماً و مستمراً موجود اولان شیرلردن اولمی
لازمدر .

بناءً علیہ پور تقال مثللو حصولی و تلاحق افرادی بر مدت معلومه
و معینہ منحصراً اولان شیرلر حقنہ موسمنده عقد سلم اولدقدہ
مسلم فیهک انواع و افرادی حاصل اولدینی زمانده تسلیمی شرط
ایدلک اقتضا ایدوب شو مدت معلومه و معینہ نک انقضاسندن صکرہ
تسلیمی شرط ایدیلور ایسه سلم فاسد اولور .

§

مسلم الیه بعد العقد مسلم فیهی تزید ایتسه صحیح اولماز . زیرا
مسلم فیه حقیقۃ معدوم اولدینی حالده مسلم الیهک رأس المال سلمہ
احتیاجندن ناشی ذمتده موجود عد اولنور . مسلم فیهی تمید ایسه
مسلم الیهک حاجتی دفع ایتمز بلکه تزید ایدر .

فقط بر مقدارینی حط و تنزیل ایتسه صحیح اولور . چونکہ
مسلم فیه ابتداء دیندر . حط و تنزیل دخی اسقاطدر . دینی اسقاط
صحیح اولور .

۳۸۲ ماده . کیلات و موزونات و مذروعاتک مقداری

کیل و وزن و ذراع ایله تعیین اولنور .

کیل و وزنک منقبض و منبسط اولماسی لازمدر . زنیل کی

منقبض و منبسط اولان شيلرله سلم موجب منازعه اوله جفنندن فاسددر .
مکيلاتک مقداری وزن ايله دخی تعیین اولنه بيلور . مثلاً شو
قدر کيله دينيله جک يرده شو قدر قيه دينلدکده مقدار مبيع معلوم
اوله جفنندن جائردر .

۳۸۳ ماده عدديات متقاربه نك تعیین مقداری صایي ايله
اولدینی کبی کیل ووزن ايله دخی اولور .

زیرا انلرک تعیین مقداری هم کیل وهم وزن وهم صایي ايله
اوله بيلور . مثلاً یوز بیک عدد جوز بیع اولدینی کبی شو قدر
کيله جوز دخی بیع اولنه بيلور . کذاک کاغد عددله صاتمقدمه اولدینی
کبی قیه ايله دخی صاتیلور .

۳۸۴ ماده طوغله و کرپیج کبی عددياتک قالبری معین
و معلوم اولمق لازمدر .

۳۸۵ ماده بز و چوقه امثالی ذریعاتک طول و عرضی و رقتی
ونه دن معمول و زره نك ایشی اولدینی تعیین اولنمق لازمدر .
زیرا ذریعات طول و عرض و رقت و محل اعمالی مثللو شیلرک
تعیین و بیانی ايله معلوم اولور .

۳۸۶ ماده سالمک صحتتده مبيعک جنسی مثلاً بقداي
و پرنج و خرما دیو و نوعی مثلاً یا غمور ايله یا سقی ايله حاصل اولان
دیو و صفقی مثلاً اعلی یا خود ادنی دیو تعیین و کرک مبيعک و کرک

ثمنك مقداری و میبعت زمان و مکان تسلیمی بیان اولمق شرط در.

شرائط مذ کوره ابواب سابقه شرح و ایضاح ایدلیدکندن
تکراره حاجت یوقدر . حین عقدده شرائط مذ کوره نك تمامی و یا
بعضیسی بیان اولمز ایسه سلم فاسداً منعقد اولور . انحق مسلم فیه
برنوعدن اولوب انواعی اولمدینی و تسایمی حمل و مؤننه محتاج
بولمدینی تقدیرده نوعی و مکان تسلیمینی بیانه لزوم اولمدینی کبی نه زمان
تسلیم ایدیله چکی تصریح ایدلمز ایسه ۲۴۹ نجی ماده حکمنجه بر آیه
مصروف اوله رق سلمینه صحیح اولور . و بر آیدن نقصان مدت تعیین
قلنور ایسه بیع معجل اولور .

فقط مسلم فیه متعدد اولوب جنس و نوعلری دخی بشقه بشقه
ایسه بوصورته هم جنس و نوع و مقدار و صفتلرینك همده رأس المالدن
حصه لرینك تعیینی لازمدر .

مثلاً مسلم فیه بغدای و آریه اولوبده صفقه واحده ایله عقد مسلم
اولندقدده رب السلم فلان و قتده تسلیم اولمق اوزره اعلاسندن الی کله
ادرنه بغدای ایچون التمش و اوسطندن قرق کله تکفور طاغی
اریه سی ایچون اوتوزکه جمعاً طقسان عدد سیم مجیدیه سلم ویرده
دیلمیدر .

§

رأس المال سلم نقد اولدینی تقدیرده تعیین مقداری لازم کلوب
اشارت ایله تعیین کفایت ایتمز . چونکه سلم فسخ اولندقدده مسلم الیه
رأس المالی اعاده ایده چکندن مقدارینك معلوم اولمسی لازم کلور .
فقط رأس المال نقدك غیری مال ایسه اشارت کفایت ایده بیلور .

مثلاً رب السلم شو اون قیونی سلم ویردم دیسه فسخ سلمده
مذکور قیونلر عیناً اعاده واکر تلف اولمش ایسه قیمتی ایفا
ولنه بیله چکی جهته اشارت کافی اولوب قیمتی تعیینه حاجت یوقدر.
و صورت امامین قوی اولوب امام اعظم حضر تارینک اجتہادنجہ
مالف الذکر اسبابہ بناء جائز اولیوب عقد فاسد اولور .

۳۸۷ ماده صحت سلمک بقا - نده ثمنک مجلس عقدده

سلیمی شرطدر وعاقدين قبل التسليم افتراق ایدرلر ایسه عقد
سلم . نفسخ اولور .

ثمن ایستر نقد اولسون ایستر نقودک غیرى ثمن اولغه صاح
ل اولسون .

عقد بیعه ثمنک همان تسلیمی لازم کلز ایکن سلمده شرط
دلمسینک لزومی عقد سلم ذاتاً معدوم اوزرینه واقع اولدیغندن
شیدر . بناء علیه برکیمسه دیکرینک ذمتنده اولان اله جفته مقابل
م عقد ایسه فاسد اولور . زیرا ثمن دین اولدیغندن مجلس عقدده
ض تحقق اتمیه جکندن دینی دیه صاتمش اولورلرکه جائز دکلدر ۲۱۶
نی دینه بیع قاعدة باطل اولدینی حالده سلم استحساناً تجویز اولندی
هتله مسلم فیهک معدومیتی عقدی ابطال اتمدیکی کبی ثمنده خلل وقوعی
ساد بیعه سبب اوله جنی ۳۶۴ نجی مادهده مصر حدر .

کذلک تقدی نقده سلم جائز دکلدر . چونکه بوصورت بیع صرف
ک اولغله بدلینک مجلس عقدده تعاطیسی لازم کلور . سلمده
سه مسلم فیه مؤجلدر .

بوماده دن ا کلاشدینی اوزره صحت سلمک شرائطی ایکی نوعدر
بری صحتهدیکری صحتک بقاسنه دأردر. صحتهدائر اولاندلری ۳۸۶ نجی
مادهده بیان اولنان شرطلردر. صحتک بقاسنه دأر اولانده بوماده
ذکر اولندینی اوزره ثمنک مجلس عقدده تسلیمدر. وبومجلس
مقصد عقودده اولدینی کبی ایجاب وقبولک حصول و مربوطیتی ای
ختم بولان مدتدن عبارت اولیوب بعدالعقد طرفین بکدیکنند
مفارقت ایدنجه قدر کچن مدت دیمکدر. بومدت ظرفنده طرفی
بشقه سوز قونوشسه لر وایش ایشاسه لر حتی اویوسه لر بعده رب اله
رأس المال مسلم الیه اعطا ایتسه جائزدر. قبل التسمای افتراق ایدر
ایسه سلم منفسخ اولور. بوکا بن الفقها « افتراق عن دین بدین » دینور

§

رأس المال سلمک حین عقدده تسلیمی شرط اولسنه نظراً سلم
خیار شرطک عدم جوازی مستبان اولور. زیرا رب السلم حین
شرط ایله مخیر اولسه حین عقدده رأس المال ویرمائی لازم کلور
بوده موضوعنه مخالفدر.

§

سلم دخی بیع کبی اقاله اولنور. وسلم اقاله اولندقدده مسلم الیه
رأس المال رب السلمه اعاده ایتسی لازم کلور.
اگر رأس المال نقدک غیری مال اولوبده مسلم الیه انی استهلا
ایتمش ایسه یوم قبضنده کی قیمتی ومثلیاتدن ایسه مثلی ویرم
اقتضا ایدر.

رب السلم ومسلم الیه وفات ایتدکده یرلرینه قائم اولان وارثلر
دخی عقد سلمی اقاله ایده بیلورلر.

انجق مسلم فیهک قبضندن اول سلمك اقاله سی اقاله صحیح اولماز .
 یرا مسلم فیهک قبضندن اول سلم اقاله اولندقدہ ذمتہ دین اولان
 سلم فیه ساقط اولور . اگر بواقاله یی اقاله صحیح اولوبده سلم عودت
 تسه ساقط اولان مسلم فیه عودت ایتک لازم کلور . حال بوکه ساقط
 لان شی عودت ایتمز . اقاله ده ایسه مسلم فیهک قیامی شرطدر .

§

بیع منعقد کی سلمك دخی حکمی ملک تیدر . انجق مسلم الیه
 رأس الماله عاجلاً ورب السلم مسلم فیهه آجلاً مالک اولور . وعقد
 لم فسادینه بناءً فسخ اولنور ایسه رب السلمك مسلم فیهی طلبه
 فی اولیه جعندن ویرمش اولدینی رأس المالی استرداد ایدر .

فصل رابع

استصناع بیانده در

استصناعده معقود علیه که مصنوعدر حین عقدده معدوم
 وکندن عقد استصناعك قیاساً غیر جائز اولمی اقتضا ایدر . انجق
 القدیم متعامل اولمسبله ناسی الفت ایتدکاری وسهولت کوردکاری
 معامله دن منع حقارنده مشقتی موجب اولوب مشقت ایسه شرعاً
 یری جالب ایدو کندن سنت فعلیه ایله تجویز واجماع ایله تأیید
 رلمشدر . بناءً علیه استصناعك جواز ثبوتنه سنت واجماعك دلالت
 دیکی بر حکم اولدینی وثبوتنه سنت واجماعك دلالت ایتدیکی حکم
 عاً ثابت بولندینی جهتله استصناعك جوازی شرعاً ثابتدر .

§

متحیران فقهای عظامدن بعض ذوات ابتدای عقدده مصنوعك

معدوم اولمسنه كوره استصناعی و عددن عبارتدر دیمشله و بعضیلر
صانع مصنوعی اعمال ایده چکی جهتله اجاره دن معدود اولدیغی
سویلیمشله ایسه ده اکثر فقها اجاره ده معقود علیه ابتداء معدوم
اولدینی حالد اجاره جائز اولدیغی کبی استصناع دخی و عددن عبارت
اولیه رق عادتاً بیع اولوب شوقدرکه مصنوع ابتداء معدوم اولدیه
و صانع یابالذات عمل ایده چکنه و یا عملی ضامن اوله جغه نظر آجاره
شیه اولدیغندن و ایکی شیئه شبیه اولان عقودده شهبین ایله عمل قواد
اصولدن بولندیغندن بمثله اکثر احکامده بیعه و عاقدینک و یا برین
و قاتیله منفسخ اولسی کبی بعض احکامده اجاره یه تشبیه ایتدکلرند
بوفصلک مندرجاتی اولوجهله قلمه المنشدر. بوفصلده مندرج شرائ
واحکام استثنائیه دن ماعداده عقد بیعک قواعد و شرائط واحک
عمومیه سی عقد استصناعه شاملدر .

۳۸۸ ماده بر کیمسه اهل صنایعدن برینه بکاشوق
غروشه شویله برشی یاپ دیوب اودخی قبول ایتسه استصناع
بیع منعقد اولور .

مثلاً مشتری یاپوشجی به یاغنی کوستره رك فلان نوع سختیاندن شوق
غروشه بکا برچفت یاپوش یاپ دیوب اودخی قبول ایتسه یاخود مرانفوز
طول و عرضی و اوصاف لازمه سنی بیان ایدرك برقایق یاخود کمی یا بقی او
بازارلق ایتسه استصناع منعقد اولور .
كذلك طول و جمی و سائر اوصاف لازمه سی بیان اوله رق هربری شو
غروشه اولق اوزره بر فابریقه جی ایله شوقدر ایکنه لی تفنك یا بقی او
بازارلق ایتسه استصناع منعقد اولور .
شومثالاردن منقهم اولدینی اوزره استصناعده عمل و ع

کسیده صانعدن اولمق شرطدر . بناء علیه عین مستصنعدن اولور ایسه
تمد ، اجاره اولور .

فقط ضمان عمل برنوع عمل اولدیغدن ۱۳۴۶ صانع مصنوعی بالذات
مال ایده جکی کبی بشقه سنه دخی اعمال ایتدیره بیلور و حتی عقد
تصانعدن اول کرک کندوسنک کرک بشقه سنک اعمال ایتمش اولدیغی
شیئی دخی مصنوع اولمق اوزره ویره بیلور . انجق صانع بالذات
مال ایتک شرطیله استصناع عقد اولندقدده کندوسنک اعمال ایتمی
زم کلور ۵۷۱ ، ۵۷۲

فقط عقدایله مصنوع تعیین ایتدیکندن صانع مستصنع ایچون
مال ایتدیکی مصنوعی قبل التسلیم بشقه سنه صانوب مستصنع ایچون
کرینی اعمال ایده بیلور .

۳۸۹ ماده استصناعی متعامل اولان شیلرده علی الاطلاق
تصناع صحیحدر . اما تعالی جاری اولیان شیلرده مدت بیان
نور ایسه سلم اولوب انده شرائط سلم معتبردر واکر
ت بیان اولمازه ینه استصناع قبیانندن اولور .

بوماده بش مسئلهی حاویدر . برنجیسی : استصناعی متعامل
لان شلرده اصلا مدت بیان اولماز ایسه ائمه حنفیه جه بالاتفاق
صناع اولور .

ایکنجیسی : استصناعی متعامل اولان شیلرده بیان اولنان مدت بر
ان اقل اولمق کبی سلمده معتبر اولان مبدأ اجله بالغ دکل ایسه استعجاله
اولور له جفتدن ینه بالاتفاق استصناع اولور .

اوچنجیسی : استصناعی متعامل اولان شیلرده مدت بیا
اولنوب مدت معینه بر آی ویا دها زیاده اولورسه حضرت اما
اعظمه کوره استصناع اولور. ماده مشروحه نك فقره اولاسی امام
قولی وجهله یازلمشدر .

دردنجیسی : استصناعی متعامل اولمیان شیلرده بر آی ویا د
زیاده مدت بیان اولنورسه ماده مشروحه نك فقره ثانیه سنك جز
اولی موجبجه بالاتفاق سلم اولور .

بشنجیسی : استصناعی متعامل اولمیان شیلرده مدت بیان اولما
ویا خود بژ آیدن اقل بر مدت تعیین ایدیلورسه استعجاله
اولنه چغندن ماده مشروحه نك فقره ثانیه سنك جزء ثانیسی حکم
[ینه استصناع قیلندن اولور .]

جزء مزبورده ینه استصناع اولور دینلمیوبده [قیلندن اولور
دینلمسی بعض کتب فقهیه ده صورت اخیره نك استصناع اولور
عقد فاسد اولدیغنك بیان قلمسندن ناشیدر .

۳۹۰ ماده استصناعده مصنوعاتك مطلوبه موافق

اوله جق وجهله توصیف و تعریفی لازمدر .

تاکه جهالته مفضی اوله رق فاسد اولمه. زیرا مصنوع
اولدیغندن معلوم اولمسی لازمدر. ۲۰۰

۳۹۱ ماده استصناعده پشین اچه ویرمك لازم دکلد

استصناع معاملات ناسی تسهیل ایچون تجویز اولندیغ
مصنوع مؤجل اوله رق صانعك احتیاجی تسهیل ایدلدیکی کبی

فدده ثمنك ويرلمسى شرط ايدلامكلمه مستصنعك دخى احتياجى تسهيل
 لمشدر . بناء عليه مستصنع ايسترسه اچهي پشين ويرر ديلرسه
 صنوعى آلاينى وقت تسليم ايدر . حتى مصنوعى آلاقدن برمدت
 بومه مرورنده ثمنى تآديه ايتكم اوزره حين عقدده مقاوله اولنور .
 اخود عقد مطلق اولوبده صانع مستصنعه مصنوعى تسليم ايتدكن
 كره ثمنى تآجيل ويا تقسيط ايدرسه جائز اولور .
 انجق پشين اچهي ويرلمسى شرط ايديلورسه حضرت امام اعظمه كوره .
 وامامين حضراتنه كوره استصناع اولور . ماده مشروحه نك
 ورت تحريرى بومسئله ده دخى امامين قولنك اختيار اولنديغنه
 لالت ايدر .

۳۹۲ ماده استصناع منعقد اولدقدن صكره طرفين
 اراقدن دونه مز . فقط مصنوع اكر تعريفه موافق
 ملاز ايسه مستصنع مخيردر .

بوماده امام ابو يوسف رحمه الله عليه اجتهادى وجهله تحرير
 نمشدر . مضبطه معلومه اسبابى بر تفصيل بيان قلنديعى وجهله
 تصناع منعقد اولدقدن صكره طرفينك سبب فسخ اولمقسزين
 اراقدن دونه مامسى استصناعك وعد مجرددن عبارت اوليوب
 ود معاوضه دن اولمسندن ناشيدر .

كتب فقهيه ده ذكر ارنلدينى اوزره مستصنعك خيار روى
 ايسه ده باب سادسه بيان قلنان خيار روى كى اوليوب ياخيار
 ب وياخود خيار وصف قيلندندر .

تذنیب

استصناع ایله سلم آره سنده کی فرق لر :

۱ - سلم من کل الوجوه بیعدر . زیرا سلمده معقود علیه طوغریدن طوغری به عیندر . استصناعده معقود علیه مبیع ایسه ده عملک صاعدن اولمی شرطدر .

۲ - صانع و مستصنعک و فاتیله استصناع باطل اولور . زیرا استصناعک اجاره به مشابهتی جهتیله احد عاقدین وفات ایدر سه اجاره باطل اوله جنی مثللو استصناعده باطل اولور . حال بوکه سلمده عقد طرفینک و فاتیله باطل اولماز .

۳ - استصناعده ثمنک پشین ویرلمی شرط دکدر . سلمده شرطدر .

۴ - سلمده مدت اجل ذکر اولنق لازمدر . استصناعده ایسه مدتک ذکر ی شرط دکدر .

فصل خامس

بیع مریضک احکامی بیانده در

مدخلک ایکنجی بابنک اوچنجی فصلنده بیان قلندیغی وجهل فعل انسانه اثر ترتبی ایچون فاعلک مکلف اولمی شرطدر . مکفیت دخی اهلته متوقفدر . فاعل فهم خطاب و اقتدار عمله ملاک اولور ایسه اهلیت کامله به صاحب و عملنده اثر کامل حاصل اوله رق حکم نام ترتب ایدر . بعض عوارض سماویه و یا مکتسبه حیوانتیه اهلیت ناقص اولور سه اثر عملی دخی ناقص و یا حکمسنز اولور . مرض ؛ اهلیته ایراث نقصان ایدن عوارض سماویه دندر . چونک

مريض ايله صحيح المزاج اولانك فهم خطاب و اقتدار عملی مساوی اوليه چنندن افعال واقوالنه ترتب ایده جك احكام شرعیده فرق اولمق ضروریدر .

متأخرین علمای طبه کوره مرض ؛ تأثیرات مختلفه ايله وجودده افعال طبیعیہ خارجده اوله رق وقوع بولان تغیراتدر .

شو تعریف بالجملة امراض داخلیه و خارجیه شاملدر . انجق شرعاً امراضك انواع و درجاتی نظر اعتباره النهرق عوارض سماویهدن اولان جنت ، عته ، نسیان ، اغماء ، عمی ايله عوارض مکتسبه دن اوله رق بر نوع خسته لق اولان سکر حقنه بشقه بشقه احكام ترتب ایتدیکنندن شرعاً مرضدن مقصد حالات مذکورهدن ماعدا علل و اسقامدر .

§

۱۵۹۵ نجی مادهده تعریف اولندیغی وجهله مرض حکماً دخی ایکی نوع اولوب برنجیسی مرض عادی ، ایکنجیسی مرض موتدر . مرض عادی ايله مریضك اقتدار عملنه نقصان ترتب ایده جکنندن عمله متعلق تعبدات و تعهداتی قدرت ممکنه ايله مشروع قلنمش ایسهده شعورنده خلل اولمدیجه تصرفات قولیه سی صحیح المزاج اولان کیمسه نك تصرفاتی کیدر .

ایکن مرض موته مبتلا اولان مریضك تصرفاتنده حکماً فرق وارددر . شویله که : مرض اهلیتی ازاله ایتدیکنندن تصرفاتی معتبر ایسهده مریضك مرضی ورثه سنك و غرمانك مال مریضه خلف اولمقلق لرینك

علتی اولان موته منجر اولور ایسه حق وارث ایله حق غریمک سبب تعلقی اولور. زیرا اهلیت ملک، موت ایله باطل اولور. وناسدن میتهاك قریبی مانده خلف اولور. وکذا ذمت، موت ایله زائل اولور دینک محل قضاسی اولان مال دین ایله مشغول اولوب غریمی دخی مانده خلف اولور.

بنابرین مرض، مریضک محجوریتی ایجاب ایدر و بو محجوریت مرضک اولنه مستند اولور. مع مافیه مریضک محجوریتی حق وارث ایله حق غریمک صیانت ایدیله بیله جکی مقدارده معتبردر، مقدار مذکور وارث حقنده مجموع مالک ثلثانیدر غریم حقنده ترک مستغرق دیون ایسه مالک جمله سیدر دکل ایسه انحق دینک مقداریدر. شوحالده مریض داننلر ایچون دینندن وورنه ایچون مالک ثلثانیدر فضله سی حقنده و اموالی مستغرق بالدیون اولسه بیله کندوسنک نفقه سی و طیب اجرتی کی محتاج اولدینی شیر حقنده محجور دکلدرد.

§

مرض موتک نه دیمک اولدینی و مریضک نه کی خصوصاتده اقراری و هبه سی صحیح اولوب اولمدینی کتاب الاقرارک اوچنجه بابنک اوچنجه و کتاب الهبه نک ایکنجه بابنک ایکنجه فصللرند، تعریف و بیان اولنشدرد. موضوع بحثمز اولان فصل خامسده دخی مرض موته مبتلا اولان کیمسه نک بیعی حقنده ترتب ایدن احکام شرعیه بیان قلنور. شویله که :

۳۹۳ ماده بر مریض مرض موتنده ایکن ورنه نسندن

بريسته برشي صائسه ديكر وارثلك اجازته موقوف اولوب
مريضك وفاتندن صكره اجازت ويردرلرسه نافذ اولور
وزيرلر ايسه نافذ اولماز .

چونكه مرض اهليتي اسقاط ائيمه جكندن مريضك بيعنده ركن
بيع اهلندن صادر ومحل بيع اولان مبيع موجود اولسايله بيع منعقد
اولور . هر نه قدر مرض كي بر مانع وارايسده موته منجر اولوب
اولميه جني مشكوك وبايحك هنوز حياتي محقق اولديغنه وشك ايله يقين
زائل اولميه جغه مبنی مرض مذكور انعقاد بيعه مانع اولماز .

لكن مرض مذكور موته منجر اولور ايسه موت ايله متوفانك
مالنه حق ورثه تعلق ايده جكنه وموته منجر اولان برخسته لقمه
مريضك ورثه سندن برينه مال صائسي ديكر ورثه دن مال قاچرمق
احتمالنه مبنی اوله بيلوب مرض موت دخي شو احتماله سند اوله
بيله جكنه وسنده مستند اولان احتمال ايله حجت اولميه جغه نظر ابيع
مذكور ديكر ورثه نك بعدالوفات اجازته موقوف اولور .

چونكه مريضك عقد بيعنده مرض موت بر علتدير كه حكمی
ابتدای عقده مضاف وتراخيسی حقیقی اولوب حكمنك حصولی آنكه
حادث اولان وقته قدر تأخر ايدر . زیرا مرض موت تغير احكامك
هم اسماً علتیدر چونكه احكامه موضوعدر . شویله كه : مال مريضه
حق ورثه تعلق ايدر . وانلرك حقتك تعلق ايتديكي مقدارده مريض
هه وصدقه ووصيت ومحابات مثللو بر صورته تبرعدن محجور اولور .
وهم معناً علتیدر . چونكه موت اشبو تغير احكامك وجوده كلسنده

شرعاً مؤثر در . لیکن حکماً علتی دکلدر چونکه تغیر احکام مرض موت ایله برار وجوده کمر بلکه آنکه حاصل اولان بر وقته یعنی زمان موته قدر تأخر ایدر حتی موت بولمازسه مریضك واقع اولان تصرفاتی نافذ اولور .

ماده مشروحه مطلق صورته محرر اولدیغندن مبیع ثمن مثلی ایله ویا زیادیه صاتمیش اولسه بیله محابات یعنی نقصان فیات ایله صاتیلان مبیع کی اجازه موقوفدر .

اشبو ماده حضرت امام اعظمك اجتہادی وجهله یازلمشدر . امامینه کوره مریض مبیعی ثمن مثلی ایله ویا زیادیه صاتدقده مال قاچرمق احتمالی اولمیه جغندن نافذدر .

§

آنفاً بیان قلندیغی وجهله حق ورثه مریضك وفاتیه مالنه تعاق ایتدیکنندن [مریضك وفاتندن صکره اجازت ویرلرایسه نافذ اولور] دینلمشدر .

مفهوم مخالفندن مستبان اوله جغنه کوره مریض ورثه سندن برینه بر مال صاتوبده دیکر لریده مجیز اولدقندن صکره وفات ایتسه هنوز مالک اولدقلمری برشیده تصرف ایتمش اولدقلمندن اجازت مذکورنك حکمی اولماز .

کذلک مریض حین بیعده مبتلا اولدیغی مرضدن کسب افاقت ایتسنی متعاقباً دیکر بر مرضدن وفات ایتسه ارتق اجازه حاجت قالماز . زیرا برنجی خسته لغنك مرض موت اولدیغی تحقق ایدرك بیع لازم اولمشدر ایکنجی خسته لق موتی منتج اولمشسده بیع مذکور شمولی یوقدر .

ماده مشروحه در مريضك يالكز بيغندن بحث اولنيور .
 شرايه كلنجه : اكر مريض ورثه سنك برندن بر مالي ثمن مثلندن
 زياده صانون آلورايسه ورثه سندن برينه ثمن مثلندن نقصانه مال
 صائمش حكمنده اولور يعنى ديكر ورثه دن بوصورته نقدنى قاچرمق
 احتمالى اولديغندن انلرك اجازته موقوف اولور .
 فقط ثمن مثلى ايله ويانقصانه اشترايدرايسه مال قاچرمق احتمالى
 وارد اولدقدن بشقه ديكر ورثه حقنדה منفعت دخى ملحوظ اولديغندن
 آراتق انلرك اجازته موقوف اوليوب عقد مذكور بالاتفاق نافذ
 اولور .

§

تفصيلات محرره مريضك بيع كى فسخه احتمالى اولان تصرفاتنه
 دائردر . اعتناق كى فسخه احتمالى اولميان تصرفاتى بعينه موته معلق
 اولانلره مشابه اولوب نقض قبول ايتمز .

§

مريضك ورثه سندن برينه بيعى صورتاً وصيت عد اولنه رق
 ديكر لر ينك اجازته موقوف اولنجه ورثه دن برينه بلا بدل مالى
 حقيقه وصيتك عدم جوازي اولويته قالور بناء عليه مريضك
 ورثه سندن برينه وصيتى باطلدر .

§

مريضك ماله ورثه سنك تعلق حقى وفاتيله ثابت اوله جغندن
 زيرده كى ماده دن دى مفهوم اوله جغه كوره بويابده ورثه دن مقصد
 مريضك حين وفاتنده وارث اولانلردىمكدر مثلاً مريضك بربرادر
 و برزوجه سى اولوب مرض مواتنده زوجه سنه برمالنى صاتسه وبعده

بر او غلی تولد ایتسه مریضك وفاتنده برادری « حین بیعده بن وارث ایدم » دیوب بیعه اجازت ویره من چونکه مریضك وفاتنده برادرینه حق وراثت ثابت اولمامشدر .

۳۹۴ ماده مرض موتنده ایکن مریض حین وفاتنده

کندویه وارث اولمیان برینه ثمن مثلیله برشی صائسه صحیح و معتبر اولور .

تفصیلات سابقه دن مستبان اولدیغنه کوره مرض اهلیت تصوفی اسقاط ایتدیکی کبی مریضك حین وفاتنده وارثی اولمیان مشتری حین بیعده بایعك وارثی اولسه بیله اکمال بیعی ورثه دن مال قاچرمق کبی احتماله مستند اولمدیغندن جائز و نافذدر .

وا کر محاببات یعنی ثمن مثلندن نقصان ایله بیع و تسلیم ایتدکدن صکره فوت واسه ثلث مالی محاباته مساعد اولدیغنی تقدیرده بیع ینه صحیح و معتبر اولور و ثلث مالی محاباته مساعد اولمدیغنی صورتده مقدار نقصانی مشتری اکماله مجبور اولور و اکمال ایتزایسه ورثه بیعی فسخ ایده بیلور .

زیرا مرض موت ایله مالنه ورثه سنك حق تعلق ایده یور و محاببات تبرع قیلندن اولوب مرض دخی تبرعه حجره سیدر بناء علیه مریضك ثمن مثلندن نقصاننه بیعی قیاساً صحیح اولماق لازم کلو رایسه ده حال محتنده قصور ایتدیکی بعض جهاتی تلافی ایتسون ایچون تبرعائی استیجساناً تجویز اولمش

و بومسئله دخی اوجهلهدن بولمئشدر. انجق ضرورتلر کندو مقدارلرنجه
تقدیر اولمق قاعدهدن ایدو کندن ضرورتی دفع ایله برابر ورثه نك
محافظه حق ایچون نهایت ثلث مالنده تصرفه شرعاً مساعدوالمئشدر.
ورثه مورثلرینك وفاتندن اول تصرفاتی تصدیق ایتسه حکمی
اولماز. چونکه کندولرینه انتقال ایتیموب تعلق مجرددن عبارتدر.
مثلا بیک بش یوز غروش قیمتی برخانهدن بشقه نسنهیه مالک اولیان
مریض مرض موتنده اول خانه سنی وارثی اولیان برکیمسهیه بیک غروشه
بیع وتسلیم ایتدکن صکره فوت اولسه محابات ایتمش اولدینی بش یوز غروش
ثلث مالنه مساعد اولغله بیع، صحیح ومعتبر اولوب ورثه بوبیی فسخ ایده من.
واکر مریض اول خانه یی بش یوز غروشه بیع وتسلیم ایتمش اولسه محابات
ایتمش اولدینی بیک غروش ثلث مالک ایکی قاتی اولغله ورثه مشتری یه ثمنی مبیع
ثلثان قیمتته ابلاغ ایت دیو تکلیف ایتدکارنده مشتری ناقص اولان بش یوز
غروشی ویرر ایسه ورثه بیی فسخ ایده من واکرویر من ایسه بیی فسخ ایله خانه یی
استرداد ایده بیلورلر.

مریض قیمتی برمالی دیکرک دکر سز مالیه طرانپه ایتسه حکم
بنه بو وجهله در.

۳۹۵ ماده ترکه سی مستغرق دیوز اولان کیمسه مرض

وتنده مالی ثمن .ثلثدن نقصان ایله صاوبده فوت اولدینی
صورتده دائرلی مبیعک ثمن .ثلثی مشتری یه اکمال ایتدیرلر
واکمال ایتزسه بیی فسخ ایده بیلورلر.

[ترکه] برکیمسه نك وفاتنده ترك ایتمش اولدینی مالدر.

[مستغرق دیون] بورج ایله احاطه اولمش دیمکدر.

متوفانک ترکه سی یادیننه مساوی یاخود دینندن ده زیاذه ویادها

آز اولور . اكر تركهسى ديننه مساوى ويا آزايسه مستغرق ديون اولوب اكر تركهسى دينندن چوق ايسه مستغرق ديون عد اولماز . ايمدى تركهسى مستغرق ديون اولان كيمسه مرض موشنده مالى ثمن مثلندن نقصان ايله مثلا ۱۵۰۰ غروشلق برمالى ۱۰۰۰ غروشه صادقه بومالدىن بشقه مالى اولسه بيايه مادامكه تركهسى ديونه مستغرق قدر محاببات اينديكى مقدار مجموع ماللك ثلثه مساعد اولوب اولديغنه باقلمبوب دائر طرفندن مبيعك ثمن مثلى مشترى يه اكمل ايتديريلور واكمل ايتمزه بئى فسخ ايده بيلورلر . زيرا تركهسى مستغرق ديون اولان كيمسه نك مرض موشنده محابباتى وصيت حكمنده در . خاك بوكه صراحة وصيت ايتمش اولسه بيله اشبو وصيتى انفاذ اولماز .

چونكه ميتك تركهسنه حقوق اربعه تعلق ايدر كه اولاً متوفانك تجهيز و تكفينى ثانياً قضاء ديونى ثالثاً وصيتك ثلث مالندن تنفيذى رابعاً باقى قالان تركه نك ورثه بيننده تقسيميدر .

بوحقوق على الترتيب ايضا واجرا اولنور . يعنى برنجيسى ياپلمدجه ايكنجيسنه و ايكنجيسى ياپلمدجه اوچنجيسنه كيلمز . مثلا بر آدمك بورجى بش بيك غروش ومالى بيك ايكي يوز غروش اولدينى حالده وفات ايتسه اولاً بيك ايكي يوز غروش متوفانك تجهيز و تكفينى ايجون قدر معروف صرف اولنور . بعده دينى تاديه ايديلور يعنى تجهيز و تكفين مصارفدن آرتان مبلغ دائرلر بيننده عرامة تقسيم اولنور .

ترتيب مزبوره رعايت اولمسنك اسبابى شودر كه : اولاً ميتك تجهيزه احتياجى ديننه احتياجندن زياده اولديغندن ميتك تجهيزى ديننه ترجيح قلنور . نته كيم حال حاشنده لباسك ديونه مرچج اولدينى

۹۹۹ نجی ماده ده محرر دز . النجی مال مرهون کی بر عینه حق غیر متعلق اولور سه ۷۲۹ نجی ماده حکمنجه مرتهن سائر غرامدن احق و لهرق زهندن استغای دین ایده بیله جکی کی عین مرهون متوفانک جهیزینه دخی صرف اولنه ماز .

ثانیاً دینی وصیتنه ترجیح اولنور و ماده مشروحه ده بیان لندینی اوزره محابات دخی وصیت حکمنده در . زیرا دین ، الله تعالی بیله کندی بینده حائل اولدیغندن وصیتدن و محاباتدن اهمیتلدر . ثالثاً تجهیز و تکفینی مصرفی چیققدن و دینی ایفا اولندقدن صکره انجامز وصیتنه مرتبه مانع قالمیه جغندن و هر کس ملککنده کف یا شاء تصرفه مقتدر اولوب شو تصرفی مابعد موتہ دخی اضافه ایده بیله جکندن کتاب الهیه نک ایکنجی بابنک ایکنجی فصلنده بیان لندینی و جهله مرض موتنده هبه سی و وصیتی جائز اولوب اوچنجی وجه ده تنفیذ ایدیلور .

رابعاً ورثه ناس ایچنده میتہ اک قریب اولاندر . کندی مالندن ذلک انتفاعی کندی انتفاعی کیدر . بناءً علیه ذکر اولنان مراتب ملکیه لزومی مقدار صرف اولندقدن صکره قالان مال خلفیت طریقله ورثه سنه و یریلور . ورثه سی یوغیسه جانب بیت الماله اعطا لئور . ۸۷۷

§

ترکسی مستغرق دیون اولان کیمسه نک مرض موتنده مالی عیالات طریقله بیع ایتمسک حجت اوله مامسی سنده مستند اولان احتماله مقارنتی سبیلده در . زیرا ترکسی مستغرق دیون اولان کیمسه نک مرض موتنده مالی صاتمسنده دائلردن مال قاچرمق احتمالی سنده

یعنی مرض موته مستند در . سنده مستند اولان احتمال ایله حجت
 قالماز قاعده سنه بناء ترکه سی مستغرق دیون اولان کیسه نك مرض
 موتنده بطریق المحابات بیعی دائنلر حقنده نافذ و لازم اولماز .

فصل سادس

بیع الوفا حقنده در

بیع الوفا نك حاجت عمومی اولسون خصوصی اولسون
 ضرورت منزله سنه تنزیل اولنور قاعده سنه بناء علی خلاف القیاس
 تجویز اولندیغی و سببی ۳۲ نجی ماده ده و بیع جائز و بیع فاسد
 و رهن حکمنده اولدیغی دخی ۱۱۸ نجی ماده ده محرر اولدیغندر
 بوفصلک مندرجاتی تفصیل احکامنه دائر در .

۳۹۶ ماده بیع وفاده با بیع ثمنی رد ایله میعی استرا
 ایده بیلدیکی کبی مشتری دخی میعی رد ایله ثمنی استرا
 ایده بیلور .

چونکه بیع فاسد حکمنده در . و بیع الوفا رهن حکمنده
 دخی اولدیغندن عقد ۷۰۶ نجی ماده موجبنجه میعك تسلیمی او
 تمام اولور .

و کذا فاسداً و وقوع بولان بیع الوفا نك حکمی اکر بیع و
 دین اوزرینه سابق اولور ایسه صحیحاً و وقوع بولان بیع الوفا نك
 حکمی کیدر .

بیع بالوفا ایله رهن بینده ۱۱۹ نجی ماده ده تصریح اولماز

استقلال صورتندن بشقه هیچ بر فرق اولدیغندن زهنك
حکام سائرهمی بیع وفاده دخی تمامله جاری اولور .

۳۹۷ ماده بیع وفایله صاتیلان میبعی کرک بابع و کرک
شتری آخره صاته ماز .

چونکه رهن حکمنده اولدیغندن دیگرینک اجازته موقوف
لور . اجازت قولاً اوله جنبی کی فعلاً دخی اولور .

شیوع طاری و شیوع مقارن رهنده اولدینی کی بیع بالوفایی
خی افساد ایدر .

۳۹۸ ماده میبعک منافعنندن بر مقداری مشتری یه عائد

لمق شرط قلنسه اول شرطه رعایت اولور .

مثلاً وفاء صاتیلان باغک اوزومی بابع ایله مشتری بیننده مناصفه تقسیم
لمق اوزره بالتراضی مقاوله ایتسه لر اول مقاوله موجبجه عمل اولمق لازم
ور .

مقاوله ایدیلنجه بیع جائز حکمنده اولور . مقاوله ایدلمزایسه
فاء صاتیلان مالک حاصلاتی رهنده اولدینی مثللو بابعه عائد اولوب
شتری حاصلات واقعیهی بابعک اذنی اولمقسزین استهلاك ایتسه
امن اولور .

اما بابعک اذنی اولمقسزین مشتری میبعی آخره ایجار ایله بدل
ایجارینی استهلاك ایتسه ضمان لازم کلز . چونکه بدل ایجار مأجورک
زنی اولوب منافعی اولدیغندن و منافع غیر متقوم ایدوکنندن
نمون دکدر .

۳۹۹ ماده وفاء صاتیلان مالک قمتی دینه مساوی اولدینی
 حالده مشتری یدنده تلف اولسه مقابلی اولان دین ساقط
 اولور
 اتلاف ایدلسه ینه دین ساقط اولور . چونکه رهن حکمنده
 انجق تعیین ضمان خصوصنده تلف ایله اتلاف بیننده فرق اولور
 کتاب الرهنده بیان اولنور .

لاحقه

[مال] کلهسی منقول و غیر منقوله شاملدر . انجق بین الناس
 بیع الوفا معاملهسی اکثریا اموال غیر منقولهده جاری اولدینی کی
 بوماده احکامنه تطبیق معامله اولنق ایچون مالک [مالک] اولمسی اقتضای
 ایدر . یوقسه اراضیء امیرییه و وقفیه و مسققات و مستغلات موقوفه
 بیع بالوفا معاملهسی جریان ایتمز .
 چونکه اراضیء امیرییه نك رقبهسی جانب بیت الماله و اراضیء موقو
 ایله مسققات و مستغلات موقوفه نك رقبهسی وقفه عائددر . بونلر
 خود بخود کیمسه تملک ایده مز . بلکه تصرف اولنور که متصرفلر
 مستأجر حکمنده در .

مع مافیه بونلرده معاملات ناسی تسهیل ایتک مقصدینه مستند
 اراضی قانونی و نظامات مخصوصه ایله احکامی معین اولان [فرا
 بالوفا] معاملهسی جریان ایدر . تفصیلی صدد خارجنده اولوب یالک
 شوراسی اخطار اولنور که فراغ بالوفا ایله بیع بالوفا بیننده مهم بر فر
 اولوب اوده مفروغله یدنده مفروغ به بلانعد ولا تقصیر تلف اول

بن ساقط اولیوب کماکان باقی قالور. حال بوکه بیع بالوفاده ساقط
لور.

۴۰۰ ماده وفاء صاتیلان مالک قیمتی دیندن ناقص اولد
نی حالده مشتری یکنده تلف اولسه قیمتی مقدار دیندن ساقط
لور و اوست طرفنی مشتری بایعدن اخذ واسترداد ایلر.

۴۰۱ ماده وفاء صاتیلان مالک قیمتی دیندن زیاده
لدینی حالده مشتری یکنده تلف اولسه قیمتندن دین مقابلی
لان مقداری ساقط اولور.

معدی وقوع بولمش ایسه زیاده نی دخی مشتری ضامن اولور
کر بلا تعد تلف اولمش اولسه اول زیاده نی مشتری نیک
ده سی لازم کماز.

۴۰۲ ماده بیع وفاده متبایعاندن بریسی فوت اولدقده
فسخ وارثه انتقال ایدر.

۴۰۳ ماده مشتری اله جفنی استیفا ایتدجکه وفاء اشترا
ش اولدینی ماله بایعک دیگر غریملری مداخله ایده مز.

بوماده لرده ذکر اولسان احکام عادی رهنده دخی جاری
یغندن اسبابی کتاب الرهنده بیان وتفصیل اولنور.

مسئله : طرفیندن بری بیعک باتا اولدیغنی دیکری وفاء ع
ایلدیگنی ادعا ایتسه سوز اصلی ادعا ایدنکدر یعنی باتا اولدیغنی بیا
ایدنکدر مکرکه وفاء اولدیغنه دلالت ایدر برقرینه بولنه مثلاً بایع
مشتردن میعی استغلالاً استیجار ایتسی کی .

ذیل

رهن ایله بیع بالوفای حکماً تفریق ایدن بیع بالاستغلالدر بناء
رهن ضمننده بیع بالوفا اولمیه جفتدن مرتهن رهنی راهنه ایجار ایله
صحیح اولیوب اجرت لازم کلز بیع بالاستغلالده قبض تجدد ایتلی
یعنی اولاً میبع مشتری به تسلیم و بعده عقد اجاره ایله موجر او
مشتردن بدل معلوم ایله مستأجر اولان بایعه اعاده و تسلیم ایدلمیه
امام بیع مشتری به تسلیم اولمندن بایعه ایجار اولنسه اجرت
دکدر چونکه میعک قبل القبض بایعه ایجاری صحیح دکدر مکر
دین مال یتیم و مال معتوه و مال مجنون و مال وقف اوله بوصور
اجر مثل لازم کلور .

وینه مال یتیم و امشالی مستثنی اولمق اوزره مدت اجاره خ
بولدقدن صکره تجدد عقد ایدلمیه رک برمنت بایع میعهده ساکن او
اجرت لازم کلز .

بعد الاستغلال باعیدنده میبع تلف اولسه ۴۰۰ ، ۴۰۱
ماذهلر احکامنجه مقابلی اولان دین ساقط اولور .
کتاب البیوع حقنده تعلق ایدن اراده سنیه تاریخی

فی ۸ محرم سنه ۱۲۸۶

کتاب البیوع بر مقدمه ایله یدی بایدر	مقدمه	
بیوعه متعلق اصطلاحات فقهیه	باب اول	۴
عقد بیعه متعلق مسائل	فصل اول	۴
بش فصلدر	رکن بیع حقه	
قبولک ایجابیه موافق اولمسئله لزومی	» ثانی	۵
مجلس بیع حقه	» ثالث	۶
شرطه بیع حقه	» رابع	۶
اقاله بیع	» خامس	۶
میعه متعلق مسائل بیاننده درت فصلدر	باب ثانی	۷
میعه شروط و اوصافی حقه	فصل اول	۷
بیعی جائز اولمیان شیر	» ثانی	۷
میعه کیفیت بیعه متعلق مواد بیاننده	» ثالث	۸
صراحه ذکر اولنقسمزین بیعه داخل اولوب	» رابع	۹
اولمیان شیر بیاننده		
ثمنه متعلق مسائل بیاننده ایکی فصلدر	باب ثالث	۱۰
ثمنک اوصاف و احواله مترتب مواد	فصل اول	۱۰
وعده ایله صاآش حقه اولان	» ثانی	۱۱
بعد العقد ثمن و مضمنه تصرفه متعلق مسائل	باب رابع	۱۱
بیاننده اولوب ایکی فصلدر		
بعد العقد وقبل القبض بایعک ثمنه و مشتریک	فصل اول	۱۱
میعه حق تصرفلری		

بعد العقد ثمن ومبيعك تزید و تنزیلی بیاننده	ثانی	»	۱۲۱
تسلیم و تسامه متعلق مسائل الی فصلدر	باب خامس		۱۳۰
تسلیم و تسلمك حقیقت و کیفیت بیاننده	فصل اول		۱۳۰
مبیعك حق حبسنه دائر مواد	ثانی	»	۱۳۹
مكان تسلیم حقنده	ثالث	»	۱۴۳
تسلیمك مؤتی و لوازم تمامیتی بیاننده	رابع	»	۱۴۴
هلاک مبیعه مترتب اولان مواد	خامس	»	۱۴۸
سوم شرا و سوم نظر حقنده	سادس	»	۱۵۵
خيارات بیاننده اولوب یدی فصلدر	باب سادس		۱۵۹
خيار شرط حقنده	فصل اول		۱۶۱
خيار وصف	ثانی	»	۱۷۱
خيار نقد	ثالث	»	۱۷۶
خيار تعیین	رابع	»	۱۷۸
خيار رؤیت	خامس	»	۱۸۳
خيار عیب	سادس	»	۱۹۱
غبن و تغیر	سابع	»	۲۱۱
مبیعك انواع و احكامی بیاننده الی فصلدر	باب سابع		۲۱۵
بیعك انواعی	فصل اول		۲۱۵
انواع بیوعك احکامی	ثانی	»	۲۱۸
سلم حقنده	ثالث	»	۲۲۶
استصناع بیاننده	رابع	»	۲۳۵
بیع مریضك احکامی	خامس	»	۲۴۰
بیع الوفا حقنده در .	سادس	»	۲۵۰

قال النبي صلى الله عليه وسلم

[من يرد الله به خيراً يفقهه في الدين]

روح المعاني

اوچنجى جلد

كتاب الامارات ايد كتاب الكفالة لك شريف

محررى

اسبق موصل واليسى ، مكتب حقوق دن مأذون

صاحبى رشيد پاشا

در سعادت

جفال اوغلنده آياصوفيه جاده سنده « مطبعة خيريه وشرکاسى »

۱۳۲۸

بِسْمِ اللَّهِ الرَّحْمَنِ الرَّحِيمِ

موجبجه عمل اولنه

صورت خط همايون

کتاب ثانی

اجارات حقنده اولوب بر مقدمه ايله سکنز بانی شاملدر

تمليك ایدیلان شی یا عین ویا منفعت اولور . عین بدل مقابلنده
تمليك ایدیلولر ایسه بیع اولور که انواع و احکامی کتاب الیوعدده ذکر
اولندی . بلا بدل تمليك اولنور ایسه هبه اولور که کتاب الهبهده ذکر
ویان قلنور . وصیت و صدقه مثللو تمليکات دخی بوقیلدندر .

منفعت ؛ بلا بدل تمليك اولنور ایسه عاریت اولور که احکامی
کتاب الاماناده محرردر . عوض مقابلنده تمليك ایدیلولر ایسه اجاره
اولور . ایشته بو کتابده آنک انواع و شرائط و احکامندن بحث
اولنه جقدر .

§

[اجارات] اجاره نك جمعی اولوب اجاره دخی ۴۰۵ نجی مبادده
تعریف ایدلمشدز . بوراده جمع صیغه سیله ذکر اولنسی مجله نك اشبو
کتاب ثانیسنده اجاره نك انواعنك شرائط و احکامندن بحث اولندیقی
بیان ایچونددر . زیرا اجاره عقد اعتباریله اجاره لازمه ، اجاره
منجزه ، اجاره مضافیه و معقود علیه اعتباریله منافع اعیان و عملیه
منقسم اولدینی کی منفعت دخی بر نوعنده مدت دیگر نوعنده عملك

بیانی و بشقه برنوعنده اشارت ایله معلوم اولدیقندن اجاره بوضورتلرله
دخی متوع اولور .

مقدمه

اجاره یه متعلق اصطلاحات بیاننده در

۴۰۴ ماده اجرت؛ کرا یعنی بدل منفعت و ایجار؛ کرایه
و یرمك واستیجار؛ کرا ایله طوتمق دیمکدر .

اجر : لغتده ثواب معناسنه در . نته کیم نائل اجر و مثوبات اوله
دینلور .

[کرا] ترکیه لشمش عربی برکله اولوب کرایه اجرت دینلمسی
منفعتك بدلی یعنی ثوابی اولمسندن کنسایه در . استیجار؛ مقامنده
« استکرا » کلمه سی دخی مستعملدر .

۴۰۵ ماده اجاره؛ لغت عربده اجرت معناسنه در .
فقط ایجار معناسنده دخی استعمال اولمشدر .

اصطلاح فقها ده منفعت معلومه یی عوض معلوم مقابله سندد
بیع ایتمکدر .

بو تعریفه کوره اجاره ده منفعتك و بدلك معلوم اولمسی لازمدر . اگر
علی الاطلاق اجاره نك تعریفی ایسه جهات منفعت و عوضدن طولانی
فاسد اولان اجاره خارج قالور که بو حالده افرادینی جامع اولماز .
اگر اجاره صحیحه نك تعریفی ایسه منفعت و عوض معلوم اولدینی

حاله شیوع اصلی و شرط مفسد ایله فاسد اولان اجاره لر تعریفده داخل اوله جغندن بو تقدیرده اغیارینی دافع دکدر . تعریف ایسه قاعده " افرادینی جامع و اغیارینی مانع اولمق اقتضا ایده جکندن مرحوم منلا خسرو و ابن کمال مطلقا اجاره ؛ منفعتی عوض مقابله سنده بیع ایتکدر . اجاره صحیحه ؛ شیوع اصلی و شرط مفسدن خالی اوله رق منفعت معلومه بی عوض معلوم مقابله سنده بیع ایتکدر . دیو تعریف ایشلردر .

تعریفده کی [عوض] قیدی احترازیدر . زیرا بلا عوض اجاره اولور . ٤٥٠ و ٤٦٠ بیعده اولدینی کی [ثمن] دینلمیوب [عوض] دینلمسی دخی بیعده ثمن اولغه صالح اولیان شیر بدل اجاره اوله بیلدیکندندر . ٤٦٣

٤٠٦ ماده اجاره لازمه ؛ خیار شرط و خیار عیب و خیار رؤیتدن عاری اولان اجاره صحیحه در که طرفیندن بریسی بلا عذر بونی فسخ ایده من .

یالکیزاوج نوع خیاردن بحث اولنمی معروف و مشهور اولمیری حسیله علی طریق المثال اولوب یوقسه کتاب الیوعده ذکر و تعداد اولتان خیارات سائرهنک جاری اولیه جغه دلالت ایتمز . اجارهده انلر دخی یاریدر . چونکه بیع کی اجاره دخی شرائط انعقادی جامع ایسه منعقد و شرائط انعقاددن ولو بری بولنماز ایسه غیر منعقد یعنی باطل اولور .

اجاره منعقده دخی شرائط صحتی جامع اولوب اولیمانق اعتبار ایله

صحیح و فاسده و غیرک حق تعلق ایدوب ایتماک اعتباریله موقوف و نافذه
 و اجاره نافذه خیاردن عاری اولوب اولماق اعتباریله لازم و غیر لازمه
 منقسم و الحاصل بیعده جاری اولان اقسام، اجاره ده دخی جاری اولدقین
 بشقه اجاره منجزه، اجاره مضافه کبی بیعده جاری اولیان اقسام
 مخصوصه دخی وارذر .

اجاره ده انعقاد و صحت و نفاذ و لزومک شروطیندن بعضیسی بابتانی
 و خامسده بیان اولمیشدر . بعضیلریده احکام و شرائط بیوعه قیاساً
 معلوم اولور .

[اجاره صحیحجه] قیدی اجاره فاسدهدن احتراز ایچوندر . اگر
 اجاره فاسد اولور ایسه عقد غیر لازم اوله رق عاقدین ایچون حق فسخ
 ثابت اولور . [بریسی] قیدی طرفیندن احتراز ایچوندر . زیرا اجاره
 لازمه بی طرفیندن بریسی خود بخود فسخ ایده من ایسده ایکی طرف
 بالاتفاق فسخ و یا اقاله ایده بیلورلر . [بلاعذر] قیدی عذر ایله اولان
 فسخدن احتراز ایچوندر . چونکه ۴۳ نجی ماده ده بیان اولندیغی
 وجهله اجاره عذر سببیه بعضاً منفسخ اوله جنی کبی ۵۸۱ نجی ماده
 موجبینجه بعضاً طرفیندن بری دخی فسخ ایده بیلور .

۴۰۷ ماده اجاره منجزه ؛ وقت عقددن اعتباراً ایجاردر .

[منجزه] میمک ضعی و جیمک تشدیدیه تنجیزدن مأخوذ اسم
 مفعولدر . اجاره ده مدتک تعیینی شرائط صحشدن بولمغله و زیرده کی
 ماده موجبینجه اجاره مضافه صحیح اولمغله وقت عقددن اعتبار اولنان
 ایجاره [اجاره منجزه] دینلور .

کذلک مدت تعیین قلوب نه زمانیدن اعتبار اولنه جنی تصریح

ایدلنز ایسه تاریخ عقد مبدأ مدته دلالت ایده جکندن اوتارینخدن
اعتبار اولنوب ینه اجاره منجزه اولور .

٤٠٨ ماده اجاره مضافه ؛ کله جک بر وقت معیندن
اعتباراً ایجاردر .

مثلا کله جک فلان آیک ابتداسندن اعتباراً برخانه بو قدر مدت ایچون
شو قدر غروشه ایجار اولنسه اجاره مضافه اوله رق منعقد اولور .
اجاره مضافه نك سبب مشروعتی ٤٤٠ نجی ماده شرحندن
متضح اولور .

٤٠٩ ماده آجر اجاره یه ویرن کیسه در . ضم میم ایله
[مکاری] و کسر جیم ایله [موجر] دخی دینلور .

٤١٠ ماده مستأجر ؛ کسر جیم ایله استیجار ایدن کیسه در .

٤١١ ماده مأجور ؛ کرایه ویریلان شیدر . جیملرک فتحیله
[موجر و مستأجر] دخی دینلور .

٤١٢ ماده مستأجر فیه ؛ اجیرک عقد اجاره ایله التزام
ایلدیکی عملی ایفا ایچون مستأجر طرفندن کندوسنه تسلیم
اولنان مالدر .

البسه دیکمک اوزره درزی به ویریلان قماش ونقل ایچون حماله ویریلان
حموله کی .
که معقود علیه اولان دیکمک فعلی قماشیده ونقل حموله ده واقع

اولور و بوسه مبنی مستأجر فیه « ما یحدث فیه العمل » یعنی عمل کند و سنده واقع اولان شیدر دینور .

بو حالد عمل کند و سنده واقع اولیان شیر بر لکده بولنسه بیله مستأجر فیه دن عد اولنماز نته کیم مثال مذکورده محرر قماش بر بوغچه یه قونیلوب درزی یه ویرسه اشبو بوغچه مستأجر فیه دن عدا اولنماز .

۴۱۳ ماده اجیر ؛ نفسنی کرایه و یرن کیمسه در .

نفسنی کرایه و یرن کیمسه یه عاقد اولوق اعتبار یله موجر و عملی متعهد یعنی معقود علیه اولوق اعتبار یله مأجور دینلمک لازم کلور ایسه ده مالی کرایه و یرن موجردن و منافع اعیان اوزرینه وارد اولان اجاره لرده که معقود علیه مأجور دینلور . آنلردن تفریق و تمیز ایدلمک ایچون [اجیر] دینلور .

بو حالد اجیر ؛ فعلیل و زننده اولوب هم فاعل و هم مفعول معنا سنه در .

۴۱۴ ماده اجر مثل ؛ بی غرض اهل و قوفک تقدیر

ایتد کلری اجر تدر .

[اجر مثل] مأجورک و یا خود اجیرک مثلنک اجر تی معنا سنده بر ترکیب اضافیدر . بیعه کی ثمن مثل کبی .

[بی غرض] طرفینه مانع شهادت اوله حق وجهله قرابت و تعلقی و یا خود اجاره ده اشتراک منفعت و یا مضرتی اولیان دیمکدر .

[اهل و قوف] اجر مثلنی تقدیر ایتد کلری خصوصه ده اهل خبره و ارباب و قوفدن اولان کیمسه لر در . زیرا بونلر اعرف اولوب رب العالمین تعالی و تقدس دخی [فاسئلوا اهل الذکر ان کنتم لاتعلمون]

اعیان اوزرینه وارد اولان اجارده اجر مثلك تقدیری ایچون
 مأجوره مساوی اولان شیئه وزمان و مکان نظر اولنور . مثلاً برکیمسه
 معد للاستغلال اولان بر دکانده اجرت بازارلق ایتمکسزین اجرای
 صنعت و تجارت ایتسه او محله مثلی دکانه اوزمانده قاچ غروش اجرت
 ویریلور ایتسه اکا کوره اجر مثلی تعین ایدیلور . زیرا اجر مثلك
 تقدیرنده تمائل مقیاس اوله جنئی کی اختلاف زمان و مکان ایله اجرت
 دخی مختلف اوله جغندن یعنی مأجورک مثلی بر دکان بشقه محله
 کائن اولغله اجرتی زیاده و یا نقصان اوله بیله جکی کی - در سعادتده دیرکر
 آره سنده کائن دکانلرک اجرتی شهر رمضانده بر قاچ قات تراید ایتدیکی
 مثللو - زمان اعتباریله دخی اجرت تفاوت ایده جکندن اهل وقوفک
 بوزالرینه دقت ایتمنی لازم کلور .

کذا برکیمسه اجرت بازارلق ایتمکسزین اسکلهده طوران
 قایقلردن برینه را کبأ بر محله کیتدکده کندوسی ایله قایقچی بننده
 اجرتک مقدارنده اختلاف اولنسه اولاً - مرا کب بحر یه نک بیوکلک
 و کوچکلکنه و یکیلک واسکیلکنه و قایقچینک درجه مهارتنه کوره
 اجرتنده فرق اوله جغندن - را کب اولدینی قایغک مثلنه ، ثانیاً - یوچیلرک
 کثرت و قلتنه و موسم و هوایک مساعدده و مخالفتنه کوره مقدار اجرتده
 فرق اوله جغندن - مستأجر مذکور قایق ایله نصل بر زمانده محل
 مزبوره عزیمت ایتدیکنه ، ثالثاً - مثلی مسافهده ایکی محله عزیمت ایدن
 قایقلرک اجرتنده اختلاف محل حسیله فرق اوله بیله جکندن - قایغه
 بنیلان و کیدیلان محله نظراً اجر مثل تقدیر اولنور .

کذلک برکیمسه اجرت بازارلق ایتمکسزین بر کر اعر به سنه اشیا تحمیل
 ادوب خانه سنه کتورد کده عری به جی ایله بنیلرنده اجرتک مقدارنده اختلاف

اولنسه۔ اوکوز و بارکیر عربیسی آراسنده و بارکیر عربیسنک بر و یا
ایکی حیوانلی اولمسنده اجر تجمه فرق اولدیغندن - مذکور عربیسنک
مثلنه و آلف البیان اسبابه بناء زمان و مکان نقلنه و - تیمور و یاغ مثللو
آغر و بولاشیق اولان اشیا اجر تنک ذخیره و پاموق کبی شیرا اجر تندن
فرق اولدیغندن - مستأجر فیه نظر اولنه رق اجر مثل تقدیر اولنور.
عمل اوزرینه وارد اولان اجارده اجر مثلک تعیینده اول عملده
اجیره مائل اولان شخصی و زمان و مکان اجاریه و مستأجر فیه نظر
اولنور . مثلاً بر مرانغوزه اجر مثل ویرمک لازم کلدیکی تقدیرده
انک کبی بر مرانغوزک اجاره منعقد اولدینی زمانده و عملی ایضا ایلدیکی
مکانده مستأجر فیه اولان آغاجدن دولاب یا بق اوزره کونده قاج
عروش اجرت آلدینی نظر دقتہ آلهرق، اجر مثل تقدیر اولنور .

§

بیعده ثمن اولمغه صالح اولمیان شیرا اجارده اجرت اوله بیله جکته
واجر مثل ثمن اولمغه صالح اولمیان شیرلردن تقدیر ایدلکده نزاعه
مفوض اوله جفته مبی اجر مسمی نقدک غیرى ایسه اجر مثلک دخی
مسمانک مثلندن تعیینی اقتضا ایتیوب نقد ایله نقد حکمنده اولان
شیرلردن تقدیری لازم کلور .

§

اهل و قوف متعدد اولوبده متفقاً و متحداً تعیین مقدار ایدمه یوب
اختلاف ایتسه لر حد وسط معتبر اولور . مثلاً اجیرک یومیه سنی اهل
و قوفدن بری یکرمی و دیگرى اون طقوز و اوچنجیسی اون سسکیز
عروش اولمق اوزره تقدیر ایتسه اوسط اولان اون طقوز عروشه
اعتبار اولنور . زیرا خیر الامور اوسطها .

اهل وقوف اجر مثلى اصول مشروعه نه موافق وجهله تقدير
ایتمدکاری صورتده حاکم رد ایله یکیدن تقدير ایتدیره بیلور. چونکه
اهل وقوفك تقديرى شهادت منزله سنده اولیوب اخبار قیلندن اولدیغندن
حکام قبول ایدوب ایتمامکده مختاردر .

بوسبیه مبنی شیخین حضراتی اهل وقوفك تعییننده نصاب شهادته
رعایت مجبوری اولیوب بر ذاتك دخی جواز تقدیرینی اجتهاد
بیورمیشلر و امام محمد حضرتلری نصاب شهادته رعایه اقلی ایکی اولمق
لازم کله جکنی بیان ایتمشدر . مع مافیه تقدير واقع تخمین درجه سنده
قالیوب شهادت مرتبه سنه چیقار ایسه نصاب شهادته و شرائطنه رعایت
لازم کله جکنده ائمه مشار الیه ممتفق الرأیدر .

۴۱۵ ماده اجر مسمی ؛ حین عقدده ذکر و تعیین اولنان
اجر تدر . بیعه کی ثمن مسمی کی .

۳۱۶ ماده ضمان ؛ بر شیئك مثلیاتدن ایسه مثلی و قیمیاتدن
ایسه قیمتی ویرمکدر .

ضمان، احکام غصبدن اولمغله کتاب الغصبده تعریف و بیانی ایجاب
ایدر ایسه ده کتاب الاجاراتده دخی ضماندن بحث اولندیغنی ایچون
بوراده ذکر اولمشدر . و کتاب الغصبده مندرج ۸۹۱ نجی مادهده
تکرار و ایضاح ایدلمشدر .

مثلی و قیمینك نه دیمك اولدیغنی کتاب الیوعدده بیان قلندی .

۴۱۷ ماده معد للاستغلال ؛ کرایه ویرمك اوزره اعداد
و تعیین اولنش شیدر که فی الاصل کرایه ویرمك اوزره یا پالش

یا آلمش خان و خانه و حمام و دکان کبی عقارات ایله کرا عریبه سی
و کرا بارگیری مثللو شیلردر .

[معد] اعداد مصدرندن اسم مفعول اولوب اعداد و تهیئه اولمش
یعنی حاضر لشم دیمکدر .

[استغلال] لغته بر آدم دیگرندن کندی ایچون غله قز انمسی
طلب ایتک معاسنه اولدینی کبی ۱۱۹ نجی ماده شرحنده بیان قلندینی
وجهله ایراد اولنه جق شیلردن غله آلمغه دخی اطلاق اولنور . بوماده
مشروحده کی استغلال کله سندن دخی بویاکنجی معنی مقصوددر .

و برشیئک علی التوالی اوج سنه ایجار اولمسی معد
للاستغلال اولدیغنه دلیلدر .

یعنی فقره اولیده بیان قلندینی وجهله خان و چارشو حمای کبی
فی الاصل معد للاستغلال اولق اوزره یا پلماش اولسه بیله مثلا
سکنایه مخصوص برخانه علی التوالی اوج سنه ایجار اولندقدن صکره
معد للاستغلال عد اولنور . زیرا اوج سنه علی التوالی ایجار ایدلمسی
صاحبی طرفندن کرا الق خانه اتخاذا ایدلیمکنه دلالت ایدر . فقط
برشیده سبب تملک تبدلی اول شیئک تبدلی مقامنه قائم اولدیغندن
صاحبی خانه بی بشقه سنه صاتار و یا خود کندوسی وفات ایدوب خانه
ورثه سنه انتقال ایدر ایسه بوجه محرر اوج سنه ایجار ایدلمش اولمسی
او خانه نک بعدما دخی معد للاستغلال اولمسی ایجاب ایتمز . اما مشتری
و یا ورثه مذکور خانه بی کماکان کرایه و پررلر ایسه ارتق فقره اولی
موجبجه معد للاستغلال اولمش اولور .

بر کیمسه نفسی ایچون یاپدیرمش اولدیغی بر شیئک
معد للاستغلال اولدیغی ناسه اخبار و اعلام ایله معد للاستغلال
اولور .

نفسی ایچون یاپدیرمش اولمسی معد للاستغلال اولمسنه مانع
دکلدر . هر کس ملکنده کیف مایشا تصرف ایدر . ۱۱۹۲
و فقره سابقه دن مقصد مثلا بر کیمسه نفسی ایچون یاپدیرمش
اولدیغی بر شیئک معد للاستغلال اولدیغی ناسه اخبار و اعلام ایتمکسزین
ایجار ایتدیکنده موجد مقصدی تعین ایتک ایچون اوج سنه علی التوالی
ایجار ایتسی لزومی بیانه دائر اولغله فقره اخیره اکا مناقض دکلدر .
۴۱۸ ماده مسترضع ؛ اجرت ایله سوت آنا طوتان

کیمسه در .

سوت آنایه « مرضع » واکر اولجده سوت آنالقی ایتمش ایسه
« مرضعه » وسوت ویری لان چوجغه « رضیع » دینور .

۴۱۹ ماده مهیاؤه ؛ تقسیم منافع دن عبارتدر .

مثلا بر خانه ده مشترک اولان ایکی کیمسه بر سنه بری و دیگر سنه دیگر
مناوبه انتفاع ایتک اوزره قرار ویرملک کی .

مهیاؤه دن کتاب الاجازاتک بالکثر ۴۲۹ ماده سننده ذکر اولنوب
کتاب الشرکتک ایکنجی بابنک طقوزنجی فصلنده تکرار تعریف
و شرائط و احکامی بیان اولندیغدن بوراده ایضاحه حاجت یوقدر .

باب اول

ضوابط عمومی بیانده در

ضوابط؛ ضابطه نك جمعی اولوب ضوابط عمومی قواعد عمومی ه دن
معدود ایسه ده قواعد عمومی مسائل فقهیه نك کلیدی ویا اکثرینی
محیط اولوب ضوابط عمومی هر قننی بحثه دائر ایسه یالکیز اوبخشتک
حاوی اولدیغی مسائله تطبیق اولنه بیلور. بناء علیه بیلرنده عموم
وخصوص مطلق اولوب هر قاعده کله ضابطه ایسه ده هر ضابطه قاعده
کله دکلر.

۴۲۰ ماده اجاره ده معقود علیه منفعتدر

اجاره ده معقود علیه یعنی ما جورك منفعت اولسی انتهاء و حکم آدر
عقد ابتداء عینه تعلق ایدوب منفعت حاصل اولدقجه اكا التمسال
ایدر. زیرا عقدك انعقادنده محل موجوده اضافتی لازمدر. منفعت
ایسه مرور زمان ایله عینی یعنی مأجور ویا اجیری استعمال ایدنك
اراستنده حاصل اولان تعلقات مخصوصه اولوب ابتداء معدوم اولدیغندن
محل منفعت اولان مأجور ویا اجیر منفعت مقامنه اقامه اولنه رق ابتداء
عقد بونلر اوزرینه مضاف قیلنور. شوقدر که آنا فائاً منفعت حاصل
اولدقجه عقد تجدد ایتمز. ایسه عاقدینك هربری دیگرینك رضاسنی
استیصال ایتمکسزین عقدی فسخه مقتدر یعنی عقدك غیر لازم اولسی
اقتضایدر بو ایسه معاملاتك قرارسز لغنی ایجاب ایده جکندن اجزای منفعت
اجزای زمانه تقسیم اولنور تعبیر دیگرله عقد ایله انعقاد تحقق ایدر یالکیز
منفعت آنا فائاً تحدث ایتدکجه عقد اجاره نك اثری ظاهر و مستأجر ك
منفعته مالکیتی ثابت اولور.

عقد ایله انعقادك تحقق ایتدیکنه و ابتداء معقود علیک محل
منفعت اولدیغنه بنیدر که اجاره لازمه بلا عذر فسخ اولنه ماز و انتهاء
و حکماً معقود علیه منفعت اولدیغنه مستنددر که شرط تعجیل و یا تعجیل
اولمدیجه اجرت بروجه پشین لازم کلاز .

کذلک اجاره ده معقود علیه حکماً منفعت اولدیغنه بناء استهلاک
عین اوزرینه اجاره باطلدر . مثلاً آغاج و اودون کسمک ایچون بر
قوری بی ایجار ایتک باطلدر . یالکز ضرورته و معامله مبنی سوت آنا
استیجاری استثناء و استحساناً تجویز اولنشددر . §

شو ایضا حادتن مستبان اولدیغنه کوره اولاً حین عقد اجاره ده
ماجور معدوم اولوب حال بو که بر عقدك انعقادی ایچون تعلق ایده چکی
محکم یعنی معقود علیک موجود اولسی لازمه دن ایدوکنه ثانیاً
مال ؛ طبع انسانی مائل اولوبده وقت حاجت ایچون ادخاری قابل
اوله بیلاق شیئه دینلوب منفعت طبع انسانی مائل اولور ایسه ده وقت
حاجت ایچون ادخاری قابل اولما مسیله منفعت مال اولدیغنه مبنی قاعده
و قیاساً اجاره غیر جائز یعنی باطل اولمق لازم کلور .

انحجق بوضورته کیدلسه احتیاجات عمومیه تضییق ایدلمش اولور .
چونکه اغنیا تعمیر و انشای ابنیه و امکینه ایله ایجار ایدرک اجرتندن
استفاده یه و یک چوق کیمنسه بشقه سنک خانه و دکاتی استیجار ایدوب
اسکان و اجرای صنعته محتاج اولدیغندن منافع اعیان اوزرینه اجاره
معامله سنه احتیاج درکار اولدیغنی کبی هر کس کندی مایحتاج الیهی
بالذک تدارک فطره و حالاً مقتدر اولیوب ابنای جنسنک تعاونه
محتاج اولمغله اهل حرفت و صنعته مراجعتی و ارباب حرفت و صنعتک
دخی سعی و عملندن استفاده ایچون اجرتله بشقه سنه ایش ایشلمکه

مجبوری ضروریات بشریه دن اولمسیله نظام احوال بنی آدم یکدیگره معاونته متوقف اولدیفنه و شرعاً حاجت عمومی اولسون خصوصی اولسون ضرورت منزله سه تنزیل ایدمک و برایش ضیق اولدقده متسع اولق قاعده دن ایدوکنه بناءً اجاره معامله سی استحساناً تجویز اولمشدر .

آنحقی علی خلاف القیاس ثابت اولان شی سائرہ مقیس علیه اولیه جفتدن کتاب الاجاراتده بالاستثنا تجویز و وضع اولنان احکام مخصوصه دن ماعداده ینه قواعد و احکام عمومیه ینه تطبیق معامله اولنوب یوقسه اجاره حقنده بالاستثنا موضوع بر حکم سائرہ مقیس علیه اولماز . مثلاً معدالاستغلال اولان ملک بر خانه ینه من غیر عقد صاحبک اذنی اولمقسنین بر کیمسه کیدوب اسکان ایتسه اجرت لازم کلدیکنه قیاساً معدالاستغلال اولیان بر خانه ینه دخی من غیر عقد صاحبک اذنی اولمقسنین کیدوب اسکان ایدن کیمسه نک اجرت و یرمسی لازم کلاز ۴۷۲ .

§

اجاره نک مشروعیتی کتاب ايله ثابت اولوب سنت و اجماع ايله تأیید اولمشدر و آنفاً بیان قلندیغی وجهله لزوم و فوائدیغی عقل مؤیددر . کتاب ايله ثبوتیه [انی ارید ان انکحک احدی ابنتی هاتین علی ان تاجر فی ثمانی حجج - فأتوهن اجورهن - لوشئت لانتخذت علیه اجراً] آیت کریمه لری و سنت ايله تأییدینه [اعطوا لاجیر اجره قبل ان یحیف عرقه - و من استأجر اجیراً فلیعلمه اجره] حدیث شریف لری دلیلدر . اجماعه کلنجه : بالجملة فقها و اعلیٰ بلاد هر زمان اجاره نک معتدده مجتمعاً اتفاق ایلشدر .

۴۲۱ ماده معقود علیه اعتباریله اجاره ایکی نوعدر .

نوع اول منافع اعیان اوزرینه وارد اولان عقد اجاره اولوب ایجار اولنان شیئه [عین مأجور و عین مستأجر] دخی دینلور . واشبو نوع اول اوچ قسمه تقسیم اولنور .

قسم اول اجاره عقاردر . خانه و اراضی ایجاری کبی .
قسم ثانی اجاره عروضدر . البسه و اوانی ایجاری کبی .
قسم ثالث اجاره حیواندر .

نوع ثانی عمل اوزرینه وارد اولان عقد اجاره اولوب بونده مأجوره [اجیر] دینلور . اجر تله عمله و خدمه طوتمق کبی .

حرف و صنایع اصحابی استیجار ایتک دخی بوقیلندر که ملاقاش درزیدن اولق اوزره البسه کسیدیرمک استضاع اولدینی کبی درزی به قاش و پرویده البسه دیکدیرمک دخی عمل اوزرینه اجاره دیمکدر .

شو تقسیماتدن مستفاد اولدیغنه کوره اجاره بعضاً منافع اعیان و بعضاً منفعت آدمی اوزرینه وارد اولدیغندن اجاره معقود علیه اعتباریله ایکی نوع اولمش اولور .

اعیان منقول و غیر منقوله و منقولده حیوان و عروضه منقسم اولدیغندن نوع بو صورتله اوچه انقسام ایدر و ۱۶۵ نجی ماده شرحنده بیان قلندینی وجهله [عروض] کله سی بعضاً یا لکن حیوان و عقار مقابلی ذکر اولندیغندن و بوراده دخی اویله مستعمل ایدوکنندن

مکیلات و موزوناتدن قابل ایجار اولان شیلردخی [اجاره عروضده]
داخلدر . اجیره کلنجه :

۴۲۲ ماده اجیر ایکی قسمدر .

قسم اول اجیر خاصدر که یالکز مستأجره ایشلمک
اوزره طوتیلان اجیردر . آیلقلی خدمتکار کی .

که مدت معلومه اجاره ظرفنده یالکز مستأجره خدمت ایله
مکلف اولوب بشقه سنه خدمت ایده من .

قسم ثانی اجیر مشترکدر که مستأجردن بشقه سنه
ایشلمامک شرطیله مقید اولمیان اجیردر .

مثلا حال ودلال و درزی و ساعتچی و قیوچی و اسکله قایقچی و کرا
عربه چیسی و قریه چوبانی هب اجیر مشترکدر که بر شخصی مخصوص اولوب
هر کس ایچون ایشلیه ییلورلر .

فقط بونلردن بری فلان وقته قدر یالکز مستأجره ایشلمک اوزره استیجار
اولندقدن اول مدت ظرفنده اجیر خاص اولور .

کذاک بر حال یا خود عربه چی یا قایقچی فلان محله قدر بشقه سنه ایشلمیوب
مستأجره مخصوص اولق اوزره استیجار اولندقدن اورایه وارنجیه قدر اجیر
خاص اولور .

بناء علی ذلک مدت منقضى و محل مقصوده و اصل اولنجیه قدر
اجیرک منقضى مستأجره عابد اولوب بشقه سنه ایفای عمل ایده من .
ایدر ایسه اولنه حق معامله ۴۲۵ نجی ماده شرحنده بیان قننور .

§

مستأجر ایله اجیر بیننده درت صورتله عقد مقاوله اولنه ییلور .

برنجیسی : اولاً عمل ثانیاً مدت ثالثاً اجرت بیان اوله رق
استیجار ایلمکدر . بوصول امامین حضراتنه کوره صحیح واجیر
مشرتک اولور . مثلاً مستأجر اجیری البسه سنی ییقامق اوزاره برکون
اقشامه قدر شو قدر غروشه استیجار ایتمک کبی که بونده معقود
علیه عملدر . اجیر ایکندی وقتی اکمال ایلسه اجرتی تماماً آلور .
امام اعظم حضرتلری بوصول فساد عقدی موجب اوله جفتی
بیان بیور مشترک .

ایکنجیسی : اولاً عمل ثانیاً اجرت ثالثاً مدت بیان قلنه رق
استیجار ایلمکدر . بوتقدیرده معقود علیه عمل واجیر مشرتک اولور .
مثلاً بر کیمسه بر چوبانه « شو اینکمی رعی ایت آیده بش غروش
ویررم وبتون یاز اوتلاتورسک » دیمسی کبی که بوصولده مرقوم
چوبانک عملی او حیوانک رعینه مخصوص و بشقه سنک حیوانلری
رعیدن نمون اولدیغندن اجیر مشرتک اولمش اولور . مکرکه « یالکمز
شو اینکمی رعی ایت » کبی اجیر خاص اولدیغنه دلالت ایدر بر سوز
سبق ایتمش اوله .

اوجنجیسی : اولاً مدت ثانیاً عمل ثالثاً اجرت ذکر اوله رق
استیجار ایلمکدر .

امامین حضراتنه کوره صحیح واجیر خاص اولور . مثلاً « بکا
بر آی خدمت ایت شو اینکمی اوتلات سکا اوتوز غروش ویررم »
دیهرک عقد استیجار ایلمک کبی . مکرکه « ایستر ایسهک بشقه لرینک
حیوانلری ده رعی ایله » کبی اجیر مشرتک اولدیغنه دلالت ایدر بر سوز
سبق ایتمش اوله .

دردنجیسی : اولاً مدت ثانیاً اجرت ثالثاً عمل بیان اوله رق

استیجار ایلکدرکه بوصولته متفقاً اجیر خاص اولور. مثلاً « آتی
آی نزد مدد بولک سکا آید پوز غروش اجرت ویرم خانه مک -
خدمتی کور رسک » دیهرک استیجار ایلک کی . §

اجیرک مشترک و خاص اولق اوزره ایکی قسم عد ایدلسی زیرده
محرر ۴۲۴ و ۴۲۵ نجی ماده لرده وسکزنجی بابک اوچنجی فصلنده
بیان قلنه نجی وجهله استحقاق اجرت و ضمان خصوصاً لرنده حکماً
فرق اولدیغندن بر اجیر خاصمیدر یا خود مشترکمیدر ا کلاشلمق
ایچون اول امرده اجیرک تقسیم و تعریفنه لزوم کورلمشدر .

۴۲۳ ماده اجیر خاصک مستأجری بر شخص اولدینی
کی شخص واحد حکمنده اولان متعدد شخصلر دخی اوله
بیلور .

بناءً علیه بزقریه اهالیسی کندولرینه مخصوص اولق اوزره عقد واحد ایله
برچوبان استیجار ایتدک لرنده اول چوبان اجیر خاص اولور .
اما کندولرندن بشقه سنک حیوانی دخی ری ایلسنی تجویز ایتدک لری
« ویا خود قریه اهالیستک هربری چوبان ایله بشقه بشقه عقد اجاره ایلدک لری »
صورته اول چوبان اجیر مشترک اولور .

بوماده دن مستفاد اولدینی اوزره اجیر خاص ایکی قسمدر . یعنی
اجیر خاصک مستأجری یا بر شخص اولور که اجیره « اجیر و حد » دینور .
یا خود متعدد اولور که بونده اجیره « اجیر غیر و حد » دینور .

واجیرک خاص و یا مشترک اولدینی ا کلاشلمق ایچون عملنک
مستأجره خاص اوله رق بشقه سنه اجرای عملدن ممنوع اولوب اولدینی
تعین اقتضا ایدوب یوقسه مستأجرک بر شخص و یا خود شخص واحد

حکمنده متعدد اشخاص اولسی اجیر خاصک مشترک ویا اجیر مشترک خاص اولسنی ایجاب ایتمز. شوالده هراجیر وحد اجیر خاص اولوب فقط هراجیر خاص وحد اوله میه جغندن اجیر وحد اخص مطلق اولور.

۴۲۴ ماده اجیر مشترکک اجرتیه استحقاقی عمل ایله در.

چونکه آجاره عقود معاوضه دندر معاوضاتدن اولان عقدده بدلیندن بری عاقدیندن برینه تسلیم اولنماید که دیگر عاقد بدل آخره مستحق اولسون. نته کیم بیعده مشتری اولاً ثمنی بایعه وبعده بایع مییی مشتری به تسلیم ایدر. عمل اوزرینه وارد اولان آجاره ده بدلیندن بریسی عمل و دیگر اجرت اولدیندن و عمل ایسه ابتداء معدوم ایدو کندن اجیر مشترک ایفای عمل ایتدکجه معقود علیهی یعنی کنندیسنی استیجاردن مقصود و مطلوب اولان منفعتی مستأجره تسلیم ایتمش اولیه جنی جهتله اجرتیه مستحق اولماز.

§

بونکله برابر اجیر مشترکک عملنده اثر وارایسه اجرتیه استحقاق ایچون عملدن فراغی کافی اولیوب معقود علیهی مستأجره تسلیم ایتسی لازم کلور. زیرا تسلیم مأجور متممات عملنددر. درزینک دیکمش اولدینغی البسه یی مستأجره تسلیم ایتسی کی حقیقه ویا خود درزی مستأجرک خانه سنده دیکدیکی البسه یی براقوب کیتسی کی حکماً تسلیم ایتمش اولور. اما عملنده اثر یوقسه عملدن فراغ ایله اجرتیه کسب استحقاق ایدر. حال کی که ایفای عمل ایله تعهدینی تماماً ایفا ایتمش و بناءً علیه مأجوری مستأجره تسلیم ایتمش اولور.

۴۲۵ ماده اجیر خاصك اجرتہ استحقاقی مدت اجارہ دہ

عمل ایچون حاضر بولمسیلہ در. یوقسہ بالفعل ایشلمسی شرط
وکلدر

زیرا اجارہ صحیحہ دہ استیفای منفعتہ اقتدارایلہ اجرت لازم اولور.
اجیر ایفای عملہ حاضر ومہیا اولدیفی خالدہ مستأجر آنی حسن
استخدام ایلہ استیفای منفعت ایتماش ایسہ قصور ایتماش اولور وهیچ
برکیمسہ کندی قصورندن استفادہ ایدہ میہ چکنندن مستأجرک اجیر
خاصہ اجرتی ویرمسی لازم کلور.

فقط عملدن امتناع ایدہ مز. وایدرسہ اجرتہ مستحق
اولماز.

بوصورتندہ اجیر قصور ایتماش اولہ چغندن اجرتدن محرومیتیلہ
معاتب اولور

کذلک عملی مانع برحال ظهور ایدر ایسہ اجیر خاص ینہ اجرتہ
مستحق اولماز. خستہ اولوبدہ ایفای عملدن عاجز قالمق کی
اجیر خاص مدت اجارہ ظرفندہ مستأجردن بشقہ سنہ خدمت
ایدہ مز. ایدرسہ مستأجر اولک نزدندن غیوبتله ثانیہ خدمت ایتدیکی
مدتہ مستأجر اول ایلہ اجیر بینندہ مقاولہ اولنمش اولان اجرتدن
اصابت ایدہ چک مقدار تنقیص اولنور. ومستأجر اول تعلق حقنہ
بناء نافذ اولمیان اجارہ ثانیہ یی فسخ ایدہ بیلور.

مثلا برکیمسہ خدمتکارلق ایچون نفسنی برکسنہ یہ ایجار ایدوب
بعده مستأجرک اذنی اولمقسزین دیگر برکیمسہ یہ دخی ایجار ایدرک

ایکسینسکده خدمتی ایفا ایسه ایکسینسندن دخی اجرتنی کاملاً آله بیلور
ایسه ده عملنی نقصان ایفا ومدت اجاره نك برقسمنده غیوبت ایتدیکی
تقدیرده ترتب ایدن نقصان و مدت غیوبتی ایچون اجرتدن اصابت
ایدن مقدار تنزیل اولنور .

کذلک عربیه جی، قایقچی کبی بر اجیر مشترک فلان محله قدر بشقه سنه
ایشامیوب مستأجره مخصوص اولمق اوزره استیجار اولندقدده عربیه
ویا قایغنه او محله وارنجیه قدر دیگر بریولجی ویا اشیا دخی آلوب
کوتورر ایسه اجرتدن حصه سنه اصابت ایدن مقدار ساقط اولور.
شوایکی صورتده دخی موجراول اجاره ثانیه بی فسخ ایده بیلور .

ماده مشروحه نك حکمی صورت مطلقده استیجار اولنان اجیر
خاصه دائردر. اما مستأجر باغچه سنی چپالامق و تیمار ایتک اوزره اون
غروش یومیه ایله طوتمش اولدینی باغچوان خسته اولمق کبی برعنفر
سبیلله ایفای عمل ایده مدیکی کونلر ایچون یومیه اخذینه مستحق

اولماز

۴۲۶ ماده عقد اجاره ایله منفعت معینه یه مستحق

اولان کیمسه عیناً اول منفعتی یا مثلنی یا خود مادوتنی استیفا
ایده بیلور. اما مافوقته تجاوز ایده مز.

زیرا موجر عادة ودلالة منفعت معینه نك مثلنه ویامادوننه موافقت
ایتدیکی عقد اجاره نك مفهومندن ا کلاشیلور فقط مافوقته تجاوز
موجری اضرار ایده جکندن وعقد اجاره نك مفهومندن موجرک
تجاوزه موافقتی ا کلاشیله میه جفتدن جائز دکلدر .

مثلاً تیمورجیلک ایشلمک اوزره استیجار اولنان دکانده مستأجر مضرتده تیمورجیلکه مساوی « مثلاً قلایحیلغی » یاخود اندن اهن بر صنعتی « مثلاً مرانغوزلغی » اجرا ایده بیلور .

وبر کیمسه ساکن اولق اوزره استیجار ایلدیکی خانه ده ساکن اولیوب « بروجه معتاد » اشیا وضع ایده جک اولسه جائز اولور . اما عطارلق ایتمک اوزره استیجار ایلدیکی دکانده تیمورجیلک ایشلیه من . ایشلر سه منفعت معینه نك مافوقنه تجاوز ایتمش اوله جغندن غاصب حکمنده اولور . بناءً علیه اول دکانی سالماً تسلیم ایتمدن اول بلانعد ولاتقصیر تلف اولسه ضمان لازم کلور .

وارتق اجرت لازم کلز . زیرا اجرت ایله ضمان مجتمع اولماز . فقط اول دکانی سالماً تسلیم ایتدکده معقود علیهی مع زیاده استیفا ایتمش اولدیغندن استحسناناً اجر مسمی لازم کلور .

مستأجرک مذکور دکانده تیمورجیلک ایتدیکنی موجر کوروب سکوت ایتمه معرض حاجتده سکوت بیان اولدیغندن رضاسنه دلالت ایدر بعده دکان بلا تعد ولاتقصیر محترق اولسه مستأجره ضمان لازم کلز . اما تعدی و تقصیرندن مثلاً اوچاغنده زیاده آتش یا قسندن ناشی محترق اولور ایسه ضمان لازم کلور .

۴۲۷ ماده هر شی که مستعملینک اختلافیه مختلف اوله آنده تقیید معتبردر .

مثلاً بر کیمسه نك رکوبی ایچون استکرا اولنان آتیه بشقه سی ارکاب اولنه من .

آنده طوران وار طوره میان وار فحواسنجه رکوب اشخاصک اختلافیه مختلف اولان شیلردن اولدینی وعجمی بر آدمک راکب اولمسی

آته زحمت و مشقتی و بناء عليه صاحبي ايجون مضرتی موجب اوله جونی
جهتله ضرردن احتراز ايله تقييد فائده يي مستلزم اولديغندن معتبردر
بناء عليه مستأجر قيد و شرطك مافوقه تجاوز ايله مخالفت ايدر ايسه
حكم غصب ترتب ايدرك ضمان لازم كلور ۶۰۵

۴۲۸ ماده هرشي كه مستعملينك اختلافيله مختلف اولد

آنده تقييد لغودر .

مثلا بر كيمسه نك سكناسی ايجون استيجار اولسان خانه ده بشقه
اسكان اولنه بيلور .

چونكه استعمالده اختلاف اولديني صورتده تقييد موجب فائده
اوله من و هر بر قيد كه فائده يي موجب دكلدر لغو اولور . اسكان ايدر
كيمسه لرك تخلفيله خانه نك صورت استعمالی فساد عقدي موجب اوله
درجده مختلف اوليه جغندن مستأجر ايجار ايتيش اولديني خانه
بالذات ساكن اوله جني كي كندو يرينه بشقه سني دخی اسكان ايدر
فقط عادت محكم اولديغندن عاده رعایت لازم اولمغله مستأجر
بالذات اسكان ايتك اوزره استيجار ايلديكي خانه يه على خلاف العا
برقاج عائله اسكان ايلسه جائز اولماز .

۴۲۹ ماده كرك قابل تقسيم اولسون و كرك اولسون

بر كيمسه حصه شايعه سني شريكنه ايجار ايده بيلور ايسه
آخره ايجار ايده من .

بر كيمسه حصه شايعه سني شريكنه ايجار ايتدكه منافعدن برقس
ملكي اولمق و قسم ديكريني استيجار ايله تملك ايتيش بولمق حس

قبض واستيفای ایدہ بیلہ جکندن حصہ شایعہ نک شریکہ ایجاری بین الاثمہ
 طبقاً جائزدر . آخره و یا شرکاء متعدد اولوبده بعضیسنه ایجارک جائز
 ولوب اولدیغده اختلاف اولنوب امامین حضراتی موجد نصف وثلاث
 کی مقدار حصہ سنی سویلیه رک ایجار ایتد کده مأجورک تخلیه و مهائیه سی
 ورتیلہ مشاعک منفعتی قبض واستیفای ممکن اوله بیلہ جکی بیانیلہ
 جوازی رأینده بولنمشار ایسه ده امام اعظم حضرت تری عدم جوازی
 جتهد و بووجهله بسط مطالعات بیونمشارد در که : ایجاردن مقصود
 اصلی مستأجرک استیفای منفعت ایتسیدر . منفعت ایسه امرحسیدر
 حصہ شایعه بی مشترکک غیر یه ایجاردن محل منفعت اولان مأجورک
 نسیمی قابل اوله میه جفندن منعت مقدور الاستیفای اولمازبناء علیه شیوع
 اصلی عقد اجاره بی افساد ایدہ جکندن بر کیسه حصہ شایعه سنی آخره
 ایجار ایدر ایسه فاسد اولور . واجر مثل لازم کلور . شوقدر که قابل
 تقسیم اولوبده عقد فسخ ایدلکسزین تقسیم ایلہ مأجوری افرایدرک
 مستأجره تسلیم ایلر ایسه مانع زائل اوله جفندن فساد صحته منقلب
 اولور .

فقط بعدالمهایاه نوبتی ایجار ایدہ یلور .

بوصورتده مأجورک کلیسی موجدک یدنده بولنه جفندن مستأجره
 نسیمی ممکن و منفعت مقدور الاستیفادر .

کذلک بر کیسه مستقلاً مالک اولدینی خانه سندن نصفی شایعاً
 ایجار ایتسه حصہ شایعه مشترک سنی ایجار ایتش کی اوله رق عقد فاسد
 اولور .

لکن قبل الفسخ خانه نک بر قسمی تعیین و مستأجره تسلیم ایدوب

اوده قبول ایلر ایسه خانه نك او قسمنده ایجار تقرر ایدرك فساد
صحتہ منقلب اولور .

شیوع اصلی ۲۱۴ نجی ماده موجینجه حصہ شایعه نك آخرہ بیعنه
مانع اولمدينی حالده شریكك غیر یه ایجارك فسادنی موجب اولمسی یعنی
بوابده بیع ایلہ اجاره بیننده فرق بولنمسی بیعك امر حکمی واجاره نك
امر حسی اولدیغندندر .

۴۳۰ ماده شیوع طاری عقد اجاره بی افساد ایتمز .

مثلا برکیمسه خانه سنی ایجار ایتدکن صکره نصف حصه سی بر مستحق
طرفندن ضبط اولنسه باقی حصہ شایعه حقنده اجاره باقی قالور .
یعنی ابتداء تجویز اولنمیان شی بقاء تجویز اولنه بیلور . زیرا
بقا ایتدادن اسهلدر ۵۵ و ۵۶

کذلک برکیمسه خانه سنی تماماً دیگر کمنه یه ایجار ایتدکن صکره
نصفنده عقدی فسخ و اقاله ایتسه جائز و نصف اجاره لازم اولور .

۴۳۱ ماده ایکی شریك برلکده اوله رق مال مشترکی

ایجار ایده بیلورلر .

شخص آخر یا لکیز برینک حصه سنده اجاره بی قبول ایتسه
تفریق صفقه دن طولای اجاره باطل اولور . فقط عقد تمام اولدقن
صکره شریکلردن بری کندی حصه سنده اجاره بی فسخ و اقاله ایتسه
جائز اولور . زیرا ماده مذکوره یه نظراً شیوع طاری حاصل اولور که
عقد اجاره بی افساد ایتمز .

اما عقد اجاره بی بشقه بشقه اجرا ایتشلر ایسه شیوع اصلیدن
طولای اجاره صحیح اولیوب فاسد اولور .

۴۳۲ ماده برشی ایکی کشی یه ایجار ایتک جائدر .

موجر کرک بروکرک متعدد اولسون .

بوندن مقصد صفقه واحده ایله ایجاردر . انجق قبل الافراز حصه شایعه بی شریکک غیر یه ایجار صحیح اولمديغندن موجرک «شو خانه می ایکیکزه ایجار ایتدم» و مستأجر لک دخی «مشرکاً استیجار ایلدک» دیو عقد ایتلری اقضا ایدر .

وهر بری کندو حصه سنه عائد اولان مقداری ویروب

یکدیگره کفیل اولدجه برینک حصه سی دیکردن انهماز .

یعنی یکدیگره کفالتی شرط ایتدجه مجرد مشترکاً استیجار ایتش اوللری سببیلله بری دیکرک حصه سنه عائد مقدار اجرتی دخی تأدیه یه مجبور اولماز . زیرا بلا سبب مشروع کیسه ضمان ایله مکلف اولماز .

مشرکاً مستأجر اولانلرک حصه شایعه لری ثلث و ربع کی حین عقدده تعیین ایدلماش ایسه مناصقه استیجار ایتش عد اولورلر .

شایعاً ایکی کشی یه ایجار اولنان برخانهک منفعتک هر جزئه مشترکاً مالک اوله جقلرندن بریسی مذکور خانهک سلاملق جهتنده و دیکری حرم طرفنده ساکن اولمق اوزره شرط ایتسه لر حکمی اولمز . اما بالتراخی اوله جه ساکن اولورلر ایسه اکاده برشی دینلمز .

باب ثانی

عقد اجاره‌یه متعلق مسائل بیاننده اولوب درت فصلی حاویدر

فصل اول

رکن اجاره‌یه دائر مسائل بیاننده در

۴۳۳ ماده بیع کبی اجاره دخی ایجاب و قبول ایله منعقد

اولور .

لکن عقد ایله انعقاد تحقق ایدرمی ؟ بوراسی مختلف فیهدر . فقه‌های
کر آمدن بعضیلری معقود علیه اولان منفعت حین عقدده معدوم اولمقله
عقدك معدومه اضافتی جائز اولدیغندن عقد ابتداء محل عقد اولان
مأجور و یا اجیره مضاف اوله رق «شو خانه می ایجار ایتدم و سنی خدمتجیلکه
طو تدم» کبی سوز لرله ایجاب و قبولك بر برینه ارتباطی حاصل اولدنی
کبی انعقاد تحقق ایدر ایسه ده حکمته علت اوله رق منعقد اولان اجاره نك
عمل و تأثیری منافع حاصل اولدقجه ظاهر اولور دیر لر . بعضیلری دخی
ایجاب و قبول ایله عقد تحقق ایدر ایسه ده انعقاد بهمه حال تحقق
ایتمز چونکه عقد انعقادك علتی و انعقاد عقدك معلولی اولوب علت
شرعیه نك معلولدن افتراقی جائز در دیر لر . بناء علیه بر کی مسه «شو
خانه نك منفعتی ایجار ایتدم» دیسه بعض علمایه کوره اجاره صحیح در .
و بعضیلرینه کوره دکدر و مختار اولانده بودر . §

بوماده‌یه متفرع مسائلدندر که حکماً و انتهای معقود علیه اولان
منفعت آفاقاً یا تحدیث ایتدیکی جهتله منفعت شیئاً فشیئاً حادث اولدقجه

اجاره دخی آنافا تا تحدت ایدم جکندن مثلاً بر سنه مدت ایله آیلنی شو قدر غروشه استیجار اولنان بر خانه بی موجر مبدأ ایجاردن بر آی صکره تسلیم ایتسه مستأجر مدت اجاره نك و بناء علیه معقود علیک تناقص ایتدیکنندن بخله مأجوری قبضدن وبالعکس مستأجر مأجوری قبضه طالب اولدوقده موجر دخی تسلیمدن امتناع ایدم من .

حال بوکه ۲۲۳ نجی ماده حکمنجه میبع حین عقدده بیان قلنان مقداردن نقصان چیقدقده مشتری مخیر اولدیغنه و منافع، منیع کی اولوب بر آیلق منافعك نقصانی بعض میبعك تلفی کی اوله جفنه نظراً مستأجر دخی مخیر اولق مطالعه سی وارد اولور ایسه ده بیعه معقود علیه حقیقه و شاید متعدد اولسه بیله حکماً برشیدن عبارت اولمغه بعضیسی قبل القبض هلاک اولنجه باقیسی معیوب اولور . اما اجاره ده عقد متعدددر . زیرا منافعك حدوثی حسیله ساعة فساءة منعقد اولور . بو جهتله کچن مدته عقدك انفساخی مستقبله دخی انفساخی مستلزم اولماز .

تفصیلات محرره دن مستبان اولدیغنه کوره بیعه اولدیغنی کی ایجاب و قبول اجاره نك رکیندر . یالکیز ایجاب ویا قبول ایله اجاره منعقد اولیوب هم ایجاب وهم قبولك یکدیگره مربوطیتی لازمدر . کذلک بیعه اولدیغنی کی اجاره نك دخی حکمی ملکیتدر . مستأجر منفعت مأجور ویا اجیره و موجر بدل اجاره یه مالک اولور .

۴۳۴ ماده اجاره ده ایجاب و قبول [ایجار ایتدم و کرایه

ویردم و استیجار ایتدم و قبول ایتدم] کی عقد اجاره ایچون

مستعمل اولان سوزلردر .

۴۳۵ ماده اجاره دخی بیع کبی ماضی صیغه سیله منعقد

اولوب مستقبل وامر صیغه سیله منعقد اولماز .

مثلا بری [ایجار ایده جکم] دیوب دیکری [استیجار ایتدم] یاخود بری [ایجار ایت] دیوب دیکری [ایجار ایتدم] دیسه ایکی صورتده دخی اجاره منعقد اولماز .

فقط بطریق الاقتضا حاله دلالت ایدر ایسه منعقد اولور . ۱۷۰ و ۱۷۱ و ۱۷۲ نجی ماده لره نظر بیور یله .

۴۳۶ ماده اجاره مشافهه ایله اولدینی کبی مکاتبه ایله

ودلسزک اشارت معروفه سیله و رسول واسطه سیله دخی منعقد اولور . ۱۷۳ و ۱۷۴ نجی ماده لره نظر بیور یله .

۴۳۷ ماده تعاطی طریقیه ده اجاره منعقد اولور .

نته کیم شفاهاً بازارلق اولتمق سزین یولجی واپورینه واسکله قایقنه وکرا بارکیرینه بنمک کبی که اجرت معلوم ایسه اولقدرد و دکل ایسه اجر مثل اعطاسی لازم کلور .

[اجرت معلوم ایسه] عرفاً تعیین قلمش دیمک اولور . عرفاً معروف اولان شی شرط قلمش کبی اولدیفندن اجاره صحیح اولوب اجرت معلومه نك اعطاسی لازم کلور [دکل ایسه] اجاره فاسد اولور .
اخطار : کتاب الیو عده مندرج بعین مواد شرحنده محرر ایضاحات آنفال بیان مواده دخی شامل اولدیفندن تکراره حاجت کور بلمدی .

۴۳۸ ماده اجاره ده سکوت رضا و قبول عد اولنور .

زرا معرض حاجتده سکوت بیاندر .

مثلاً بر آدم شهریه الی غروش کرا ایلہ بردکان استیجار ایدوبده بر قاج
آی ساکن اولدقدن صکره آی باشندہ آجر «اگر التمش غروشه راضی اولور
ایسہک اوتور اولماز ایسہک دکانی براق» دیدکده مستأجر افی رد ایلہ «التمش
غروشه راضی اولم» دیدکدن صکره دکانده مستمراً اوتورسہ کما فی السابق
الی غروش کرا لازم اولور .

زیرا مستأجر موجری رد ایتدکدن صکره موجرک سکوتی
ومستأجری دکانده ترکی اولکی اجرتہ رضاسنہ دلالت ایدر .

بو فقرہده سکوت مستأجر طرفنددر وموجر آی باشندہ
سویله میوب ۴۹۴ نجی مادهده تعیین قلندان مدت یعنی ایک برنجی
کیجه سیاه برنجی کونی کچدکدن صکره سویلسہ مستأجر دخی برشی
دیمیوب دکانده ساکن اولسہ اول آی ایچون اولکی اجرتندن بشقه
برشی لازم کماز . نته کیم موجر بوسوزی مدت اجارہده سویلسہده
مستأجر سکوت ایتسہ زیاده اجرتہ رضا عد اولماز . بناءً علیہ مثالده
حرر [آی باشندہ] قیدی احترازیدر .

فقط [براق آی] جملہ سی وقوعی اولوب بر ایکی آی ویا بر قاج
سنہ اولسہ ینہ حکم بویله در .

واکر برشی دیمیوب ودکاندن چیقیمیوبده مستمراً اوتورمش ایسہ شهریه
التمش غروش ویرمسی لازم کلور .

یعنی مستأجر سکوتیلہ آلتمش غروش شهریه راضی اولمش اولور .
اکنک دکان صاحبی «یوز غروشه» ومستأجر «سکسان غروشه» دیسہ وصاحبی
مستأجری بر اقوب اودخی دکانده ساکن اولسہ سکسان غروش اجرت لازم
کلور . واکر طرفین سوزلرنده اصرار ایلدکلری حالده مستأجر ساکن اولور
ایسہ اجر مثل لازم کلور .

زیرا طرفین یکدیگری نیک تکلیف ایلدیکی اجرتہ راضی اولمیه رق
سوزلرنده اصرار ایتلمی حسیله ایجار اول منفسخ اولدینی کی ایجار

ثانی دخی منعقد اولماز. ختام شهر دن صکره مستأجر بلا عقد مند کور
دکانده او طور مش اوله جغندن و دکان معدلاستغلال اولمغله برابر ذاتاً
مستأجر اجرتله او طور وب فقط مقرر اجرتده نزاع تحدث ایتدیکندن
عقد فاسد اوله رق اجر مثل لازم کلور .

۴۳۹ ماده بعد العقد بدلك تبدیل ویا ترید ویا تنزیلی
ایله تکرار بازارلق اولندقدده عقد ثانی معتبردر . عقد اول
منفسخ اولور .

[تکرار بازارلق] تعیری قید احترازی دکلدر . عقد اول باقی
اوله رق دخی اجرت تبدیل و ترید و تنزیل اولنه بیلور . §
مستأجر اجرتی زیاده ایتدکده زیاده مجهول ایسه صحیح اولماز .
زیرا اجاره ده اجرتک معلوم اولمی شرطدر . ۴۵۰ معلوم ایسه
نظر اولنور . شویله که :

اگر اجرت مأجورک جنسنندن ایسه صحیح اولماز . چونکه
اجاره معامله سی علی خلاف القیاس احتیاج اوزرینه تجویز ایدلمشدر .
جنسی جنسنه اجاره ده احتیاج اولمديغندن جائز دکلدر . اگر بوزیاده
مأجورک جنسنندن دکل ایسه صحیح اولور . §

بعد العقد اجرت مدت اجاره نك ابتداسنده ویا بر زمان کچدکدن
صکره تبدیل و ترید و تنزیل ایديله بیلور ایسه ده بر زمان کچدکدن صکره
ترید ایدلدکده مقتضای قیاس زیاده واقعه مدت باقیه ایچون اولمقدر .
آنحی امام محمد حضرتلری استحسناتاً زیاده مذکور نك کچن زمان
ایله مدت باقیه اوزرینه منقسم اولمی رأینده بولنمشدر .

برده مدت اجاره کاملاً منقضی اولدقدن صکره اجرت تزیدید
ایدیلور ایسه صحیح اولماز . چونکه معقود علیه اولان منفعت ختام
مدت ایله تکمیل اولمش اولدیفندن زیاده نك مقابلی بولنماز . منفعت
مقابلی اولمقسزین ویریلان اچیه ده اجرت دینلمز . اگر مستأجر
ویرر و موجرده قبول ایدر ایسه احسان قیلندن اولور . §

اجرتك خط و تنزیلی دخی جائز اولدینی ماده مشر و حده کوسقریلور .
انجق اجرت دین اولمایدیر . اعیان اسقاط اولنمه میه جنی جهتله اجرت
عین ایسه خط و تنزیلی صحیح اولماز . خط و تنزیله ضم و تزیدید کی
مقابلی آرانیله جفتدن مدتك ختامندن صکره دخی اجرت خط
و تنزیل ایدیله بیلور . شوقدر که مدت اجاره ده خط و تنزیل ایدیلور
ایسه اصل عقده ملحق اولور . اما مدت اجاره نك مرورندن صکره اولور
ایسه اصل عقده التحاق ایتمز . §

مستأجر بدلی تزیدید ایده بیله دیکی کی موجر دخی مأجوری
تزیدید ایده بیلور . و تزیدید اولنان شی مأجورك جنسندن اولسه بیله
جائزدر . اجرتك جنس مأجوردن اوله رق تزیدیدینك عدم جوازینی
مستلزم اولان سبب مأجورك تزیدیدنده وارد دکلدر .

۴۴۰ ماده اجاره مضافه صحیح ووقتی حلولندن اول

لازم اولور .

بناءً علیه احدافدین مجرد [وقتی کلدی] دیو اجاره یی فسخ ایدمه من .
بوماده ایکی حکمی حاوی اولوب بری اجاره مضافه نك صحیح
ودیکری لازم اولدیفنی میندر . اجاره مضافه صحیح اولدیفندن ناشیدر که
برکیمسه بر آی صکره اشیاسنی نقل ایتمك اوزره مکاری ایله مقاوله

ایتدکده مکاری مدت مینه نك حلولدن اول مذ کور اشیایی نقل
ایتسه اجرت لازم کلز . چونکه بو صورتله اولان اجاره مضافه
صحیح اولدیغندن مکاری نك اشیایی حلول وقتدن اول نقل ایلمسی هنوز
ایفاسیله مکلف اولدیغی بر شیء اجرا ایتش اوله جفی جهتله تبرع
اوله رق اجرت مستحق اولماز . زیرا بر شیء وقتدن اول استعجال
ایدن محرومیتله معاتب اولور .

اجاره صحیحه مضافه نك لازم اولدیغندن ناشیدر که ماده مشروحه ده
بیان قلندیغی وجهله [مجرد وقتی کلدی] دیو احد عاقدین اجاره یی
فسخ ایده مز . مع مافیه مذ کور [مجرد] کله سی عذر دن احتراز
ایچوندور . زرده محروم اولدیغی وجهله اجاره عذر سببیه بعضاً منفسخ
اولور . و بعضاً فسخ اولنه بیلور .

اجاره نك زمان مستقبله اضافتک صحیح اولمسی سببه کلهجه : بر
عقدی زمان مستقبله اضافت صورتنده تصرف فی الحال حکمه سبب
اوله رق منعقد اولور . انجق اول تصرفک حکمی مضاف الیه اولان
زمانه قدر تأخر ایدر . اجاره ده معقود علیه اولان منفعت فی الحال
تملیکی قابل شیلردن اولدیغندن زمان مستقبله اضافتی صحیحدر .

کرچه فقهاذن شیخ ظهیر الدین اجاره مذ کوره نك عدم جوازینه
قائل اولمش ایتسه صاحب المحیط امام سرخسی و صدر الاسلام کبی اعظم
فقها صحتی تجویز ایتش و مع مافیه صحتی التزام ایدنلردن قاضیخان کبی
بعض علما لازم اولدیغنی بیان ایدوب فقط امام محمد رحمه الله علمدن
بر روایتده مشار الیه لزومه قائل اولمش اولدیغندن مجله جمعت
علمیه سنجه اجاره مضافه نك هم صحیح و هم لازم اولمسی صورتی اختیار
اوله رق ماده مشروحه ده تصریح ایدنلشدور . چونکه کله حک بروقت

یعمیندن اعتباراً اولان عقد ایجار ملک منفعتک اسماً علتیدر . زیرا
اجاره اکا موضوعدر . معنأ دخی علتیدر . زیرا آنده مؤثردر . حتی
اجرتک تعجیلی صحیح اولور . لکن حکماً عاتی دکلدر . زیرا اجاره نك
حکمی مدت اجاره ده موجود اوله جق منافعه تملکدن عبارتدر . بوايسه
وقت ایجارده معدوم اولدیغندن حکم مذکور منفعتک زمان وجودینه
قدر معلق اولور .

بو حالده اجاره ایله بیع بیننده بر فرق مهم بولندیغی مستتبان
اولدی . چونکه بیعک زمان مستقبله اضافتی جائز دکلدر . زیرا
میبع مالی ماله مبادله اولغله فی الحال تملیکی قابلدر . فی الحال تملیکی قابل
اولان شیلرک دخی زمان مستقبله اضافتی صحیح دکلدر .

کذلک ۴۹۴ نجی ماده نك دردنجی فقره سندن آکلاشیلدیغنه کوره
فسخ اجاره نك دخی زمان مستقبله اضافتی صحیحدر .

۴۴۱ ماده اجاره صحیح اوله رق منعقد اولدقدن صکره
بشقه سی اجرته نقدر ضم ایتسه آجر مجرد بونك ایچون
اجاره نی فسخ ایده من .

اجاره عقود لازمه دندر . صحیح وخیاراتدن عاری یعنی لازم
اولان اجاره کرک منافع اعیان وکرک عمل اوزرینه وارد اولسون
عذر صحیح ومشروعیه مستند اولمدقجه عاقدیندن هیچ بری فسخ
ایده من . مکرکه غبن و تغیر ادعا اولنه . بو صورتده بیعه اولدیغی
کی مغون اولان اجاره نی فسخ ایتدیره بیلور .

غبن فاحش اجاره ده خمس مقداری اولوب آندن آز اولانی
غبن یسیردر .

فقط وصی و یا متولی یتیمک یا وقفک عقارینی اجر
مثلندن نقصان ایله ایجار ایتسه اجاره منعقد اولوب اجر
مثلك اكمالی لازم كلور .

بیت المال ایله مجنون و معتوه اولانلرده بو حکمده در .
زیرا مال وقف و بیت المال ایله تحت وصایتده بولنانلرك اموالی
اوزرینه تصرف مصلحته منوطدر . اجر مثلك اكمالی ایچون نظر
اولنور . اکر تماماً استیفای منفعت ایدلمش ایتسه اجر مثلی اكمال
ایدیلور . و اکر هنوز استیفای منفعتی باشلاماش ایتسه اجر مثلك
اكمالی حاکم طرفدن مستأجره تکلیف اولنور . مستأجر قبول
ایتدکده اجاره فاسده صحته منقلب اولور و قبول ایتدیگی صورتده
اجاره ذاتاً فاسد اولدیغندن حاکم فسخ ایدر .

منفعتك بعضیسی استیفا اولنش ایتسه مقدار باقی حقهده حکم پنه
بو وجهله اولوب استیفا اولنش اولان مقدار منفعت ایچون اجر تدن
اصابت ایدن مقدارك نقصانی اجر مثلندن اصابت ایدهك مقدار
ابلاغ ایتدیریلور .

فقره استثنائیهده واقع [عقار] کلهسی قید احترازی اولمیوب
بومقولهلك مثلندن نقصانه ایجار اولنان اموال منقوله لری حقهده دخی
بو وجهله معامله اولنور . كذلك ماده مشروحهده یالکتر ایجار دن
بحث اولنش ایتسهده استیجارده دخی حکم بویلهدر . زیرا صحیح
و خیار اتدن غاری اولان اجاره آجر حقهده نصل لازم ایتسه مستأجر
حقنهده دخی او یله جه لازم اولور .

بناءً علیه بر کیمسه غبن و تفریر اولمقسزین آلتی آبلغنی بیک

غروشه بر خانه استیجار ایتد کدن صکره موجره « خانه نك اجرتی
دکردن زیاده ایش طقوز یوز غروشه تنزیل ایت یوقسه اجاره پی
فسخ ایتدم » دیسه مسموع اولماز .

فقط متولی و وصی متولیا و وصیسی اولدقلری وقف و یتیم
وامثالی ایچون بلا تغیر دکردن زیاده اجرت ایله بر خانه استیجار
ایتسه لر صحیح اولماز .

۴۴۲ ماده مستأجر ارث و یا هبه کی بر وجهله عین

مأجوره مالک اولیجق اجاره نك حکمی قالماز .

چونکه مستأجر کندو ملکنه داخل اولان برشیدن انتفاع
ایده جکندن اجرت لازم گلز . فقط ابتداء استیجاردن موروث
و یا موهب اولدینی وقته قدر کچن مدتک اجر مسادن حصه سی نه مقدار
ایسه انی و ایه اعطا ایدر . و متوفانک دینی ظهور ایش ایسه حصه
مد کوره دن تسویه ایدیه بیلور .

۴۴۳ ماده موجب عقدك اجراسنه مانع اولور بر عذ

ظهور ایتد کده اجاره منفسخ اولور .

[موجب] ایجاب مصدرندن اسم مفعول اولوب [موجب عقد]

اجاره سببیه لازم اولان شیدرکه عقدك مقتضایی اوزره حرکت
ایدیلرک انکله استحصال منفعت اولنور .

منفعت مطلوبه ظهور ایدن بر عذ سببیه یعنی عقد ایله مستحق
اولدینی بر ضرری متحمل اولمق سزین استحصال اولنه مدینی حالده اجاره
عقود لازمه دن اولمق حیثیتیه منفسخ اولسه مستأجره عقد اجاره ایله

مستحق اولدیغی بر ضرر تحمیل ایدمک لازم کلور . ضرر ایسه
حد ذاتنده واجب الازاله در .

برده منافع مقبوض اولدیغندن اجازه ده عذر قبل القبض بیعده کی
عیب کی اولسنه نظراً عذر سببیه فسخ اجازه جائزدر .

مع مافیه عذرک زوالی ممکن اولمیان عذر مستمر اولسی اقتضا ایدر .
ازاله سی ممکن اولان عذر سببیه منفسخ الماز .

تفصیلات محرره یه نظراً اجازه ایله بیع بیننده فری واردر .
چونکه بیع لازم عذر سببیه منفسخ اولماز .

مثلاً دو کون ایچون بر آشیجی استیجار اولندقده احد زوجین فوت اولسه
اجاره منفسخ اولور .

اگر وفات ایدن مستأجر ایسه وفاتی ایله اجازه منفسخ اوله جنی کی
مستأجر دکل ایسه انک وفاتیه اجازه منفسخ اولیوب فقط موجب
عقدک اجراسی لازم کلدکده بالازوم آشیجی یه دو کون یمی پیشورتیمک
اقتضا ایدر که بوکا محل اولما سببیه مستأجر حقنده ضرری موجب
اوله جغندن اشبو عذر سببیه اجازه منفسخ اولور .

و کذا دیشی آغریان کیسه دیشی چیقارتقی اوزره شوقدو غروشه
بر دیشجی ایله مقاوله ایتیش ایکن آغری زائل اولیو پرسه اجازه منفسخ
اولور .

اجاره منفسخ اولسه موجب عقدک اجراسی یعنی دیشک بهمه حال
چیقارتدیرلمسی ایجاب ایدر بو ایسه مستأجر حقنده ضرری موجب
اولور . شرعاً ضرر هیچ بر شنیده و خصوصیه حیاته متعلق مواده
اصلاً جائز اولدیغندن دیشجی مستأجره بو ضرری تحمیل عقد سببیه
مستحق دکلدر .

کذلك مسترضعك وفاتيله اجاره منفسخ اوليوب اما چوجفك ياخودسوت
آنانك وفاتيله منفسخ اولور .

مسترضع مستأجر اولوق اعتباريله انك وفاتنده قاعدة اجاره نك
منفسخ اولسي لازم كلور ايسه ده مسترضعك عدم اهليتنه بناء
بحسب الولايه انك ايجون استرضاع ايتمش اولدينندن مسترضعك وفاتيله
عقد اجاره استحساناً منفسخ اوليوب فقط مرضعه وفات ايدرسه
بالطبع منفسخ اوله جنی کبی رضیع وفات ایتدیکی تقدیرده دخی موجب
عقدك اجراسنه محل اولیه جفندن اجاره منفسخ اولور .

شوحالده بحث وحکایه اولنان [عذر] موجب عقدك اجراسنه مانع
سبب دیمك اولدینی کبی موجب عقدك اجراسنه محل قلاماق معناسی
دخی متضمندر .

بناءً علیه بر محلدن دیگر محله نقل اولنان اشیا اثنای راه ده
تلف و ضایع اولسه غرض اجاره قالمیه جفندن و یاخود مذکور اشیا نك
معین بر حیوان ایله نقلی مقاوله اولندقدن ضکرة حیوان تلف اولسه
معقود علیها هلاکندن طولایی اجاره منفسخ اولور .

ذکر اولنان عذرلره مبنی اجاره منفسخ اوله جنی کبی بعض عذرلر
دخی واردر که اجاره منفسخ اوليوب فقط معذور اولان احدما قدین
فسخ ایده بیلور .

بویاده قاعده شودر : موجب عقدك اجراسی تقدیرده عقد ایله
مستحق اولیان ونفسه و یا ماله ضرری مؤدی اولان بر عذر تحقیق
ایتدکده اول عذر سببیه اجاره فسخ اولنه بیلور .

نته کیم محله نك مثالنده بیان قلندینی وجهله آغری نك زوالی دیشك
چیقارلمسنی متضمن مقاوله نك انفساخنی موجب اوله جنی کبی دیشك
آغریسی زائل اولسه بیه صاحبی مقاوله یی فسخ ایده بیلور . زیرا

انسان حریت حیاتنه فطرة مالک وصاحب اولوب تحدید و تنقیص امرنده اجبار اولنه ماز. هر نه قدر مقاوله نك فسخی دیشجینك ايله جنی اجر تندن محرومیتنی اقتضا ایدرك حقنده ضرر ايسه ده حق حیات ايله حق ملك تعارض ایتدکده حق حیات ترجیح واهون شرین اختیار اولنور. كذلك احد زوجین وفات ایتیموب لیکن دو کون تأخر ایتسه آشجی ايله عقد اولنش اولان مقاوله فسخ اولنه بیلور. مستأجر فسخ ایدیه یوب موجب عقدی اجرایه مجبور اولسه بالاده بیان قلندیغی وجهله بلالزوم کلفت و مصرفی مؤدی اولور بو ايسه آشجی ايله منعقد اجاره نك انفساخنی موجب ایدی. انفساخنی موجب اولان شیلرك فسخه دخی سبب اوله بيله جکی اولویتله ثابتدر.

فسخ عقده سبب اتخاذ ایدیلان عذر دو کونك تأخر ایتسی کبی ظاهر ايسه مستأجر اجیر اولان آشجینك رضاسنه باقمقسزین اجاره یی فسخ ایدیه بیلور. ظاهر اولیموب دیگر طرف دخی فسخه راضی اولمز ايسه حکم حاکم ايله فسخ ایتدیره بیلور.

بیع نافذ لازمده متبایعاندن هیچ بری دونه مدیکی ۳۷۵ وعیب حادث فسخ بیعی موجب اولندیغی حالده اجاره بروجه محرر عذر سببیه منفسخ اوله جنی کبی فسخ دخی ایدیه جکسه کوره بیع ايله اجاره بینه فرق وارددر.

فصل ثانی

اجاره نك شرائط انعقاد و نفاذی حقنده در.

۴۴۴ ماده اجاره نك انعقادنده عاقدینك اهلیتی یعنی

عاقل ممیز اولملری شرطدر.

١٦٧ نجی ماده شرحنده بیان قلنان بعض استثنای زدن ماعداده
متعدد اولمری لازمدر .

٤٤٥ ماده بیوعده اولدینی کی اجاره نك انعقادنده
دخی ایجابك قبوله موافقتی و مجلس عقدك اتحادی شرطدر .
بو ایکی مادهده اجاره نك شرائط انعقادی بیان اولیور . اجاره
منفعتی بیع اولمغه شرائط انعقاد خصوصنده بیع مشهور ایله اجاره
بیننده يك آز فرق واردر . بناءً علیه عقده ، عاقده ، مکان عقده
عائد شرائط سائر کتاب البیوعده بونلره دائر مندرج مواد احکامنه
قیاساً و شرحلرینه نظراً منقهم اولور .

٤٤٦ ماده آجر ایجار ایده جکی شیئك متصرفی یا خود
متصرفنك وکیل یا ولیسی ویا وصیسی اولمق لازمدر .
بومادهده اجاره نك شرائط نفاذی بیان اولیور . بناءً علیه
بیعده اولدینی کی اجاره نك نافذ اولسی ایکی شرطك وجود واجتماعه
موقوفدر .

برنجیسی : آجر ایجار ایده جکی شیئك متصرف یعنی مالکی
اولمق ویا خود مالکینك وکیل یا ولیسی ویا وصیسی اوله رق مأجوری
تصرفه اقتدار ولایتی بولمقدردر . بر کیمسه مالک اولدینی ویا ولایتی
بولمیدینی بر شیئ ایجار ایتسه عقد اجاره نافذ اولماز .
ایکنجیسی : مأجوره حق غیر تعلق ایتمامکدر . بناءً علیه
بر کیمسه بر مالکی برینه ایجار ایتدکن صکره مدت اجاره ظرفنده
دیگر بر کیمسه دخی ایجار ایتسه ایجار ثانی نافذ اولماز ٥٨٩ نافذ

اولیان عقد صحیح ، موقوف اولوب بروجہ زیر حکم ترتب ایدر .

٤٤٧ ماده فضولینک ایجاری متصرفنک اجازتہ و متصرفی

صغیر و یا مجنون ایسہ اجر مثیلہ ایجار اولتدینی صورتہ و لیسنک و یا وصیسنک اجازتہ موقوفاً منعقد اولور .

فقط اجازتک ضمنندہ درت شیئک یعنی عاقدین و مالک و معقود علیہک و بدل اجارہ عروضدن اولدینی تقدیرده آنک دخی قیام و بقاسی شرط اولوب بونلردن بریسی معدوم اولسہ اجازت صحیح اولماز .

چونکہ عقدی تصور عاقدین ، مالک ، معقود عایہ ، بدل اجارہ نک تصویرینی موجبدر .

اجازت ایکی درلو اولور . بری اجازت قولیہ درکہ عقد اجارہ یہ مطلع اولدقده « بن بو ایجاری مجیز اولدم » دیمک کی .

دیگری اجازت فعلیہ درکہ فضولی بدل ایجاری مال صاحبہ تسلیم ایتدیکی زمان قبول ایتسی کی .

اجازت ایکی حالده وقوعبولور . بریسی مستأجر کاملاً استیفای منفعت ایتدکدن صکرہ مال صاحبنک مجیز اولسیدر کہ بو صورتہ منفعت نہایت بولمش اولدیغندن اجازتک حکمی اولیوب غصب حکمی جریان ایدر . واجرت فضولینک اولور .

ایکنجیسی : مستأجر قسمأ استیفای منفعت ایتدکدن صکرہ مال صاحبنک مجیز اولسیدر . بو صورتہ امام ابو یوسف حضر تدرینه

گوره اجرتك مجموعى مال صاحبك اولور . امام محمد حضرتلرينه
گوره بعدالاجازه اولان مدتك اجرتى مال صاحبنه عائد اولور . مجلهده
معقود عليهك قيامى صورت مطلقهده ذكر ايدلمسینه نظر آ امام محمد
حضرتلرينك رايي اختيار قانديني اكلاشيليور .

فقط شو ايكي حالده دخى مال وقف ايله يتيم وامثالئك اموالى
مستنادر . بونلرك ماللارينك فضولى اوله رق ايجارى حالنده فضولى
ايله مستأجر بيننده تقدير و تعيين قلنان اجرت ايله اجر مثلك هر قنغيسى
زياده ايسه مستأجر طرفندن آنك ويرلسى لازم كلور . چونكه
اموال ايتام وامثالئك وبيت المال و اوقافك تلف و ضياعدن حفظى
ايچون انفع اولان صورت بودر .

مال مشتركى صاحبيلرندن برى ديكرينك اذنى اولمقسزين آخره
ايجار ايتدكده اولنه حق معامله ١٠٧٧ نجى ماده ايله شرحنده بيان
قلنمشدر .

فصل ثالث

صحت اجارهك شرائطى بيانندهدر

٤٤٨ ماده اجارهك صحتنده عاقدينك رضاسى شرطدر .

رضا اولمز ايسه نزاع دوام ايده جكندن عقد تقرر ايده مز .
١٠٠٦ نجى ماده يه نظر بيوريله .

٤٤٩ ماده مأجورك تعيينى لازمدر .

بناءً عليه ايكي دكاندن برى تعيين و تخيير ايدلمكسزين ايجار اولنسه
صحیح اولماز .
چونكه اجارهده معقود عليه منفعتدر . بيعده مبيعك معين اولمى

شرط اولدینی کی اجاره ده دخی استیفای منفعت ایچون محل منفعت
یعنی مأجورک معین اولمسی ایجاب ایدر . مأجور معین اولماز ایسه
کیمدن استیفای منفعت ایدله جکی بیلنه مز . بنابرین جهالت منفعت
منازعه بی مؤدی اولمغه صحت عقده مانعدر .

بعدالعقد تعیین ویا مستأجر تحبیر ایدلسه یعنی مثال مذکورده
محرر دکانلردن بری مأجور اولمق اوزره تعیین ویا خود قنغیسنی ایستر
ایسه استیجار ایتک اوزره مستأجر تحبیر اولنسه اجاره صحت منقلب
اولور . زیرا مانع زائل اولدقده ممنوع عودت ایدر .

شو ایضا حاتدن مفهوم اولدینی وجهله جهالت ایکی نوعدر . بریسی
جهالت فاحشه در که هر حالده صحت عقده مانعدر .

دیگری جهالت بسیره اولوب صحت عقده مانع دکلدرد . نته کیم
مثال سالف الذ کرده محرر ایکی دکاندن بری تعیین و تحبیر ایدلکسزین
عقد اجاره ده مأجور دکانلردن قنغیسی اولدینی جهالت فاحشه ایله
مجهول اولدیغندن عقد صحیح اولماز . فقط مستأجر بو ایکی دکاندن
بریسی استیجار ایتک اوزره تحبیر ایدیلور یعنی خیار تعیین ایله تحبیر
اولور ایسه موجر مذکور دکانلری ایجاره راضی اولمش و مستأجر
دخی قنغیسنی ایستر ایسه استیجارده تحبیر بولنش اولمغه جهالت ایکیدن
بریسی تعیین ایچون مستأجرک تحبیر اولمسندن عبادت قاله رق نزاعه مفضی
اولیه جفندن شو حالده مأجور جهالت بسیره ایله مجهول اولوب صحت
اجاره ده مانع اولماز . بنابرین منالده واقع [تحبیر ایدلکسزین] جمله سی
خیار تعییندن احتراز ایچوندر .

٤٥٠ ماده اجرت معلوم اولمق شرطدر .

زیرا اجر تڪ جهالتی طرفین بیننده منازعه یه مؤدی اولور. اجر تڪ کیفیت معلومی ٤٦٤ ، ٤٦٥ نجی ماده لرده بیان قلمشدر .

٤٥١ ماده اجاره ده منفعت مانع منازعه اوله حق وجهله معلوم اولمق شرطدر .

اجاره ده معقود علیه منفعت اولدیغندن استیفای منفعت ایچون یالکنز مأجورک یعنی محل منفعتک تعیینی کافی اولمیوب منفعتک دخی مانع منازعه اوله حق وجهله معلوم اولمی شرطدر. نته کیم بیعه ده میدهک یالکنز معین اولمی کافی اولمیوب معلومی دخی شرط ایدی. ٢٠٠
الحق اجاره نك انواعه منقسم اولمی منفعتک کیفیت معلومی نك دخی متنوع و مختلف اولمی اقتضا ایتدیکندن ماده مشروحه ده منفعتک معلومی لزومی اصل اولمق اوزره بیان قلوب کیفیت معلومی بوجه زیر ایضاح اولمشدر .

٤٥٢ ماده خانه ودکا کین وسوت آنا امثالنده مدت اجاره نك بیانیه منفعت معلوم اولور .

نه ایچون استیجار ایدلدیکنی بیان ایلک شرط دکدر . زیرا خانه نك ساکن اولمق ودکانک اجرای صنعت ایدلک وسوت آنا نك رضیعی ارضاع و باقق اوزره استیجار اولندیغی عرفاً معلومدر. عرفاً معلوم اولان شی بینلرنده شرط ایدلش کیدر . بناءً علیه صورت منفعت عرفاً معلوم اولدیغی جهتمه مدتک بیانیه مقداری دخی معلوم اوله رق نزاعه و بو سببله فساد عقده محل قائمه جغندن استحسنأ تجویز اولمشدر .

٤٥٣ ماده حيوان استيجار اولندقدە يوك يوكتمك
ايچونميدر يوخسه ركوب ايچونميدر . وكم بنه جكدر .
بوراسنك تعينني ياخود ديلديكني اركاب ايتك اوزره تعميمي
ايله برابر اجاره نك مدتي ياخود مسافه سي دخي بيان اولنق
لازمدر .

يعني حيوان استيجارنده ايكي شيك بياني لازمدر . بري مستاجرله
ديكري مدت ويا مسافه . چونكه حيوان هم يوك تحميل اولنور
وهم بنلور شيلردن اولوب انجق تحميل ايله اركاب مساوي اولديني
جهتله ركوب ايچون استيجار اولنان حيوانه يوك تحميل اولنهميه جفنندن
منفعت مقصوده معين اولق ايچون حيوانك تحميلي وياركوب ايچونمي
استيجار اولنديغلك بياني لازمدر .

اكر تحميل ايچون استيجار اولنش ايسه مثلاً تيمور ايله پاموغل
تحميلي مساوي اولنديغندن نه تحميل اولنهميه جفنك بياني وياخود مستاجر
ديلديكني تحميل ايتك اوزره تعميمي اقتضا ايدر .

اكر ركوب ايچون استيجار اولنش ايسه حيوان مستعمليتك
اختلافيله مختلف اولان شيلردن اولنديغندن كيمك راكب اوله جفنك
بياني وياخود مستاجر [ديلديكني اركاب ايتك اوزره] تعميمي اقتضا
ايدر .

اختلاف مسافه زحمت و مشقته دخي اختلافي موجب اوله بيله جكندن
كيديله جك محلك و مدت اجاره نك تعينني اقتضا ايدوب انجق مستاجر

« شو مالی بورادن فلان محله نقل ایت » دیو کراچی ایله عقد مقاوله ایتدکده مسافه نك معلومیتی حسیله تقدیر مدته نقل اولنه جنی بیلنه. جکندن مدت بیان ایدلماش و یا خود بر کون اقشامه قدر را کب اولمق اوزره بر حیوان استیجار ایدلدکده مدتک معلومیتی حسیله نهایت بر کونلک مسافه کیدیله بیلنه جکندن نره یه کیدیله جکدنک سولنماش اولمسی صحت اجاره یه مانع دکلدر. برنجی صورته آجر اجرتیه مسافه وایکنجی صورته مدت اعتباریله مستحق اولور.

۴۵۴ ماده اراضی استیجارنده تعیین مدتله برابر نه ایش ایچون اولدینی بیان اولمق وزراعت ایچون ایسه نه اکیله جکی تعیین و یا خود مستأجر هر نه دیلر سه ا کمک اوزره دیو تعمیم قلمق دخی لازمدر.

یعنی اراضی مملوکنک استیجارنده ایکی شیک بیانی شرطدر. بری مدت اجاره دیکری مستأجر لهک تعیین و یا تعمیمی. چونکه ارضک صورت استعمالی و مزروعاتک قوت ارضی افنا خصوصینده کی تأثیراتی مختلف درجه ده اولدیغندن استیجار اولنان ارضک نه ایچون استعمال اولنه جنی وزراعت ایچون اولدینی تقدیر نه اکیله جکی بیان و تعمیم ایدلدیکی صورته نراعه مؤدی اوله جغندن صحت عقده مانعدر. مثلاً توتون و انکنار و صوغان اکیلان تر لایه ایرتسی سنه جنسی اکیله بیلور ایسه ده طوپراغک قوتنه نقصان ایراث ایده جکلرندن ایرتسی سنه خالی براغیلوب و یا مصر اکیلوب قوتی/تزیید ایدلدکجه بغدادی و امثالی زرع ایدلسه لایقيله ثمره ویرمز. بو حالده بغدادی اکیلکمک اوزره استیجار

اولنان ترلايه انكسار وامتالی زرع ايله مز. مكر كه تعميم ايدلمش اوله.

٤٥٥ ماده اهل صنعتك استيجارنده منفعتك معلوميتي

عملك بيانيله يعنى نه ياپه جفنى ونصل ياپه جفنى تعيين ايله اولور.

مثلا اثواب بوياديله جق اولدوقده اثوابك بوياجي يه اراشه سي ياخود غلظت ورقتنك بيله ريلسي ورنكنك بياني لازمدر .

اهل صنعت اجير مشترك اولديني صورتده منفعتك معلوميتي

مثالده بيان قلنديني وجهله عملك تعريف و اوصافنك تعييني وياخود

اشارتله اولور و اشارت تعريفدن ابلغ اولديني جهتله مستاجر يه

مشارتله اولدوقده ارتق غلظت ورقت كي اوصافنك بياننه ومدت تعييننه

حاجت قالماز .

اما اهل صنعت اجير خاص اولدوقده يالكنز مدتك بياني كافيدر .

٤٥٦ ماده اشيا نقلنده اشارتله ونقل اولنه جق محلك

تعيينيله منفعت معلوم اولور .

مثلا «شويوكي فلان محله نقل ايديه جكسك» دينلده كده يوك مشاهد و مسافه

معلوم اولديني جهتله منفعت دخی معلوم اولور .

بو صورتده مدتك بياننه لزوم يوقدر . چونكه نقل اولنه جق

محلك تعيينيله بيان مدته حاجت قالماز .

اما يوك ميدانده موجود دكسه يوكك نوع و مقداريني بيان ايلك

لازمدر . شوقدر كي يه بغدادى ويا شوقدر قيه ياموق كي . شايد مقداري

بيان ايدلمز ايسه عادت محكم اولديغندن عرفاً و عادتاً معلوم اولان مقدار

اشيا تحمیل اولنه بيلوب آندن زياده سي تحمیل اولنه مز ٥٥٥ نوعي بيان

ايدلمز ايسه فاسد اولور .

٤٥٧ ماده منفعت مقدور الاستيفا اولمق شرطدر .

بناءً عليه بر فراری حیوانك ایجاری صحیح اولماز .
منفعت هم حقیقه و هم شرعاً مقدور الاستيفا اولمیدر . بناءً عليه
مشروع اولیان شیلر حقیقه مقدور الاستيفا اولسه بیله انلرك اوزرینه عقد
اجاره صحیح اولماز . مبيع مقدور التسليم اولدینی زمان عقد بیع باطل
اولور ایدی مقدور الاستيفا اولیان منفعتی ایجارك باطل اولوب فاسد
اولسی منفعت ذاتاً معدوم اولدینی حالده اجارهك استحصاناً تجویز
ایدیش اولسندن ناشیدر .

خلاصه

اجارهك صحتی ایچون ۱ : عاقدینك رضاسی ۴۴۸ ۲ : مأجورك
تعیننی ۴۴۹ ، ۳ : اجرتك معلومیتی ۴۵۰ ، ۴ : منفعتك معلومیتی
۴۵۱ ، ۵ : منفعتك مقدور الاستيفا اولسی ۴۵۷ شرط اولوب بونلر
بروجه بالا بوفصلده بیان وایضاح ایدلدی . سوادسائر ایله شرحلرنده
محرر اولدینی وجهله صحتك برطافم شرطلری دها واردر . یعنی ۶ :
عمل اجیر اوزرینه لازم اولماق مثلاً برکیمسه بی ۵۷۰ نجی مادهده
بیان قلنان بعض مستثنیاتندن ماعداده عبادات اوزرینه استیجار ایتك
ویازوج زوجه سنی حسب الزوجیه ایفاسیله مکلف اولدینی برایش اوزرینه
استیجار ایتك کی .

۷ : برمال هر نه مقصد ایچون ایجار وانیورایسه آندن مقصد مزبورك
خصصولی ممکن و مشروع و معتاد اولمق . چونکه بویله اولماز ایسه
مقصد حاصل اولماز .

۸ : اجرت معقود علیه اولان منفعت جنسندن اولماق ، ۴۶۳

- ۹ : عقد اجاره شروط فاسده دن خالی اولمق .
 ۱۰ : شریکک بغیری یه ایجارده شیوع اصلیدن عاری بولمق ۴۲۹
 ۱۱ : منقولی ایجارده مأجور موجرک یدقبضنده بولمق لازمدر .

لاحقه • شرطله اجاره

بیعه اولدینی کی اجاره نك دخی شرط جائز ایله تقییدی صحیحدر .
 اما بیعی افساد ایدن شروط ، اجاره بی دخی . افساد ایدر .
 بناء علی ذلك مقتضای عقددن اولان و آئی تأیید ایدن و متعارف
 اولان شرطله اجاره صحیح و شرط معتبردر .

مثلاً مستأجر ارضی نطاس ایلک و یا کندو فعل و صنعندن تولد
 ایده جک خساری تضمین ایتک و یا مأجورده موجود و متراکم سپورندی بی
 قالدیرمق کی عقد ایله لازم اولان شیلری شرط ایتسه لر و یا خود
 اولاً منفعتک استیفاسی و بعده اجرتک تأدییه سی کی مقتضای عقددن
 اولان بر شرطی در میان ایلسه لر و یا خود اجیر مشترکیمک و یرمک کی
 متعامل اولان برشیء شرط قیلسه لر هم شرط و هم اجاره صحیح اولور .
 فقط مشروع و متعامل اولیان واحد عاقدینه نفعی اولان شرطله
 اجاره فاسد اولور . مثلاً مأجور بلا تقصیر تلف اولدقده مستأجرک
 تضمین ایتسی و یا مأجورک بلا عیب آجره ردی و یا خود بلا عذر ختام
 مدتدن اول مأجورک اعاده سی تقدیرنده اجرتک تماماً اعطاسی شرط ایدلسه
 اجاره فاسد اولور .

احد عاقدینه نفعی اولیان شرطله اجاره صحیح ایتسه ده شرط
 لغودر . مثلاً بر کیسه بر خانه بی بشقه سنی . اسکان ایتماک شرطله
 استیجار ایتسه صحیح و شرط لغو اولور .

لكن بيع كى اجاره نك دخی شرطه تعلیق جائز دكلدر . مثلاً
 رکیسه « فلان راضی اولور ایسه شوخانه می شهریه بشیوز غروشه
 اچار ایتدم » دیسه صحیح اولماز . چونکه تعلیق تصرف علیتیه یعنی
 حکمی ایجاب ایده جک صورتده انعقادینه مانع اولور . اجاره شروط
 فساد ایله فاسد اولان تصرفات شرعیه دن اولمقله شرطه تعلیقنك صحیح
 و له میه جنی درکاردر . برده تملیکاتك شرطه تعلیق صحیح دكلدر .
 حکم اجاره دخی بدلینك تملیکیدر .

فصل رابع

اجاره نك بطلان و فسادى محقنده در

۴۵۸ ماده انعقاد اجاره نك شرائطندن بری بولنسه اجاره

اطل اولور .

مثلاً مجنونك وصی غیر ممیزك ايجار واستجاری باطلدر .
 چونکه اجاره معاملات شرعیه دن اولمقله کندوسی اوزرینه حکم
 شرعی ترتب ایتك ایچون قصده مقرون اوله رق ایفا ایدلمش اولسی
 لازمدر . قصدك مشروع اولسی دخی فاعلنك اهلیتیه یعنی اوفعلك
 بحیر و یا شر اولدیغنی تمیزه مقتدر اولسنه متوقفدر . مجنون وصی غیر
 ممیز اولانلر اهلیت ادایه مالک اولمقلرندن معامله لری . قصده مقرون
 وله مز . بناءً علیه بونلر كرك ماجر كرك مستأجر صفتیه ايجار
 استیجاز ایتسه لر عقد واقع باطل اولور .

فقط بعد الانعقاد آجر یا مستأجر ك تجن ایتسیله اجاره منفسخ اولماز .
 یعنی انعقاد اجاره ایچون اهلیت ابتدای عقدده لازم اولوب مدت

عقدك ختامه قدر اهليتك دوامی شرط دكلدر . اجاره ابتداء موافق
 شرع اوله رق منعقد اولدقدن صكره عاقدیندن برینه آفت سهاویه
 عارض اولمسی یعنی تجنن ایتسی عاقل میز ایکن یعنی اهل اولدینی
 حالده اجرا ایلدینی معاملاتك حكومتلكنی ایجاب ایتمز وبقا ابتدادن
 اسهلدر . §

انحق بعدالعقد متعاقدیندن بری وفات ایسه اجاره منفسخ اولور .
 ورثه كرك مجیز اولسون و كرك اولسون . چونكه وفات ایدن موجد
 ایسه برشیده سبب تملكك تبدلی اول شمیك تبدلی مقامه قائم
 اوله جغندن مأجور و مأجور ایله قائم منفعت وارنك ملكنه انتقال
 ایده جكندن معقود علیه اولان منفعت فوت اولمش اولور .

وفات ایدن مستأجر ایسه ، وارنك ملكنه انتقال ایده جك اولان
 شی اعیان باقیه اولوب یوقسه منافع مجرد و اعراض فانیه دن عبارت
 بولسان و مورنك وفاتندن اول وجودپذیر اولسان منفعتك انتقالی
 تصور ایدیله من .

فقط ۵۲۶ نجی ماده ده بیان اولندیفی اوزره زرعك ادرا كندن
 مقدم مدت اجاره ده مستأجر وفات ایتدكه اجاره حقیقه منفسخ
 اولور ایسه ده حكماً منفسخ اولماز . مدت اجاره نك ختامه قدر كچه جك
 زمان ایچون اجر مسمی لازم كلور . مدت ختام بولدینی حالده اكن
 ادراك اولنماز ایسه تاریخ ختامندن زمان ادرا كنه قدر كچه جك مدت
 ایچون اجر مثل لازم كلور .

برده مستأجر مأموری بشقه سی ایچون استیجار ایتمش ایسه
 مستأجر ك وفاتیه اجاره باطل اولماز . نته کیم ۴۴۳ نجی ماده ده محرر
 اولدینی اوزره مسترضعك وفاتیه عقد استرضاعك باطل اولدینی کی .

۴۵۹ ماده اجاره باطله ده استعمال ايله اجرت لازم اولماز.

زيرا برشى باطل اولدوقده آنك ضمنندهكى شى دخى باطل اولور .
 ومستأجر بلا عقد استعمال ايله انتفاع ايتمش اولديغندن ۴۷۲ نجى
 ماده حكمنجه معدللاستغلال اولمدينى حالد اجرت لازم اولماز .

فقط مال وقف ويامال يتيم ايسه استعمال ايله اجر مثل لازم اونور .
 مجنون دخى يتيم حكمنده در . چونكه بونلرك منافعى محافظه الزمدر .
 معدللاستغلال اولان مال اجاره باطله ايله ايجار اولندوقده اجر مثل
 لازم كله چكى ماده مشروحه ده تصريح ايدلماش ايسه ده بر كيمسه
 معدللاستغلال اولان برمالى صاحبنك اذنى اولمقسزين تاويل ملك وعقد
 اولمدينى حالد استعمال ايتمش ايسه اجر مثل لازم كله چكى ۵۹۶ نجى
 ماده ده مصرح اولديغنه واجاره باطله ايله ايجارده مأجور بلا عقد استعمال
 ايدلمش اوله جفته نظراً تاويل ملك وعقد اولمدينى حالد اجر مثل
 اعطاسى لازم كلور .

۴۶۰ ماده انعقاد اجاره نك شرطلى بولنوبده شرائط

صحتدن برى بولنمسه اجاره فاسد اولور .

زيرا شرائط صحتك فقدانى اجاره دن مقصود اولان منفعتك وقتيله
 ولا يقيله حصوله مانع اولور .

۴۶۱ ماده اجاره فاسده نافذدر . فقط اجاره فاسده ده

آجر اولان كيمسه اجر مثله مالك اولوب اجر مسمايه مالك اولماز .
 اجاره فاسدم شرائط انعقادى جامع اولديغندن اصلاً صحيح
 و نافذ يعنى ذاتاً منعقد و حكى مفيد ايسه ده بعض اوصاف خارجيه سنده

وقوع بولان خلل ونقصان دن طولای مسـتأجرک آرزوسی وجهله
حصول مقصوده مانع اولدیغندن عقد کسب ضعف ایتمهکله طرفین
فسخه مقتدر اولیور . برشی فاسد اولدقده آنک ضمانده کی شیخی
فاسد اولق اقتضا ایدر . آنجق اجاره فاسده نافذ اولدیغندن اجرتک
بتون بتون سقوطی ایجاب ایتمهک بروجیه زیر بعضاً بالغاً مابلغ وبعضاً
اجر مسیایی تجاوز ایتماک اوزره اجر مثل لازم کلیور .

۴۶۲ ماده اجاره نک فسادی بعضاً بدلك مجهول اولمسندن
وبعضاً دیگر شرائط صحتک بولنما مسندن نشأت ایدر .

حین عقدده بدل اجاره یا تسمیه اولنور یا اولتماز . تسمیه اولندیفی
حاله بدل یا مال اولور یا اولماز .

بناءً علی ذلک بدل اجاره مال اولق اوزره تسمیه ایدیلور ایسه
معلوم ومشروع اوله جغندن دیگر سبب فساد بولندیفی حاله عقد صحیح
واجر مسمی لازم اولور .

بدل اجاره تسمیه اولنوب فقط شرعاً بدل اولمغه صالح مال اولماز
ویا اجرت تسمیه اولتماز ویاخلود قیمیاذن لاعلی التعمین برشی ویرملک
اوزره عقد مقاوله اولنور ویاخلود اجرت قسماً معلوم وقسماً مجهول
بولنور ایسه اجاره فاسد واجر مثل لازم اولور .

بدل دن طولای اجاره فاسد اولدقده یعنی ماده مشروحه ده سبب
فساد اوله رق کوستریلان ایکی وجهدن :

اولکی صورتده بالغاً مابلغ اجر مثل لازم کلور .
چونکه بدل تسمیه ایدلماش ویامجهول اوله رق او حکمده بولنش

اولمسیله تعیین قلنه حق اجر مثلك اجر مسمان زیادہ اولمق احتمالی
بولندیغندن بالغاماباغ تقدیری لازم کلور. انجق مستأجر استیفای منفعت
یتدکن صکره موجر بدل ایجاری بیان ایدر ایسه آندن فضله
آلهماز .

مثلا بر کیسه بدل ایجاری تعیین ایتیه رك بر حیوان استیجار
یتدکن صکره محل مقصوده واصل اولدقه موجر « یوزغروشه
راضی یم » دیسه و مستأجر راضی اولیوب اجر مثل ویرمك ایستسه
واجر مثل یوزغروشدن زیادہ تقدیر اولنسه موجر مادامكه یوزغروشه
راضی اولمشدر اجر مثلدن اولمقدار ویریلوب زیادہ سنك اعطاسی لازم
کاز. چونكه موجر بوسوزی ابله زیادہ دن مستأجر ك ذمتی ابرا
یتمش اولدی .

استطراد

بالغاً ماباغ اجر مثل اجر تك كلاً ویا قسماً مجهولیتندن طولانی
لازم کلدیکی کبی معین بر بدل تسمیه اولنوبده قبله التسليم هلاك اولسه
یا مستأجر استهلاك ایتسه و ما جور دن استیفای منفعت ایتمش بولنسه
بوحالده دخی بالغاً ماباغ اجر مثل لازم کلور .

زیر اصلك ایفاسی قابل اولمدیغی حالده بدلی ایفا اولتور . قاعده سنه
ثناء عینك ایفاسی قابل اولمینگه بدلنی ایفا اقتضا ایدوب انجق عینك
یمتی تقدکی مقرر اولماسیله قیمتندن زیادہ و یا نقصانه صاتیله بیلدیکی
اجارده منفعت معلومه مقابل اولدیغی جهتله منفعتك اجر مثلی
سنه مقدار ایسه عینك دخی بدلی اولقدر اولمق اوزره طرفین بیننده
رارلشدیرلش ذمك اولدیغندن بالغاً ماباغ اجر مثل لازم کلور .

ایکینچی صورتده اجر مسماي تجاوز ایتماک شرطیله اجر
مثل لازم کلور .

کرك اجر مسمايه مساوی اولسون كرك ناقص اولسون. فقط اجر
مسماين زياده اولور ايسه زياده ك حكمی اوليوب اجر مسمايه مساوی
مقدار ك ويرلمسی لازم کلور .

چونكه بلك معلوميتي حسييله عاقدین اجر مسمايه راضي اولمش
اولوب منفعت دخی ذاتاً مال اولمديغندن ديكر شرائط صحتك بولنما مسدر
طولايي اجاره فاسد اولمسيله عاقدینك راضي اولمش اولدقلى مقدار در
زياده اجرت اعطاسی لازم كلز .

فقط مال یتیم وامثالی ایله مال وقف مستثادر . بونلر اجر مثلند
نقصانه ایجار اولنمش اولديغی تقدیرده بالغاً ماباغ اجر مثل لازم کلور .

باب ثالث

اجرتیه متعلق مسائل بیاننده اولوب اوچ فصلی حاویدر

فصل اول

بدل اجاره حقنده در

۴۶۳ ماده بیعه ثمن اولمغه صالح اولان شی اجاره
بدل اولمغه صالح اولديغی کبی ثمن اولمغه صالح اولیان شی
دخی بدل اجاره اوله بیلور .

چونکه ببعده معقود علیه عیندر . اجاره ده ایسه منفعتدر عین اصل و منفعت اکتا ببعدر . اصله بدل اولمغه صالح اولان شی تابع اولانه دخی بدل اولمغه صالحدر . بنابرین مکملات و موزونات و عددیات متقاربه و نقد ایله نقد حکمنده اولان شیلر ببعده ثمن اولمغه صالح اولدینی کی اجاره ده دخی بدل اولمغه صالحدر . بوقضیه کلیه نك عکس کلیسی دخی معتبردر . یعنی ببعده ثمن اولمغه صالح اولیان شی اجاره ده دخی ثمن اولمغه صالح اولماز .

فقط بوقاعده دن اعیان ایله منافع مستشار . مثلاً بر حیوان مقابلنده یا خود برخانه نك سکناسی مقابلنده بر بوستان استیجار اولنه بیلور . شو تفصیلاتدن مستبان اولدیغنه کوره ببعده ثمن اولمغه صالح اولیان شیلر کافه سی اجاره ده بدل اولمغه صالح اولیوب فقط بعضیسی یعنی اعیان و منافع بدل اولمغه صالح اولدیغدن متن ماده ده [ثمن اولمغه صالح اولیان شیلر دخی بدل اجاره اوله بیلور] دینلمشدر . §

مثال مذکورک صورت تحریرندن مستفاد اولدیغنه کوره منافعت بدل اوله بیلرسی ایچون مأجورک جنسندن اولماسی لازمدر . بناءً علیه بر بوستان مقابلنده دیگر بر بوستان استیجاری صحیح اولماز . زیرا بوستانلرک هرا یکسندن حاصل اوله حق منافع یکدیگرینه مساوی اولور ایسه ایجار و استیجاردن غرض شرعی حاصل اولمز . حکم شرعی ترتبی ایچون افعال مکافینک بر مقصد مشروع مستند اولرسی اقتضا ایدر .

برینک منافی دیگرینک منافعتدن زیاده اولور ایسه اشبوزیاده نك اجرندن حصه سی اوله میه جغندن مالک اولان حقنده طیب اولماز . خصوصیه اجاره تمهیل احتیاج ایچون استحساناً مشروع اولوب

جنسی جنسہ ایجار واستجارده احتیاج تصور اولنه ماز .

۴۶۴ ماده بدل اجاره نقد ایسه ثمن میبع کبی مقدارینی

تعیین ایله معلوم اولور .

۴۶۵ ماده بدل اجاره عروضدن یاخود میکیلات یاخود

ونات یاخود عددیات متقاربه دن اولدینی حالدہ مقیداریله

برابر وصفنی دخی بیان ایتمک لازم کلور .

ونقلی محل ومؤنته محتاج اولان شیرده هر نرده تسلیمی

شرط قلمور ایسه اوراده ایفا اولنمق لازم کلور . ومکان ایفا

بیان اولنمدیغی تقدیرده مأجور اکر عقار ایسه اول عقارک

اولدینی محلدہ واکر عمل ایسه اجیرک عملی ایفایتدیگی یرده

واکر حموله ایسه اجرک لازم اولدینی مکنده ایفاسی لازم کلور .

اما حمل ومؤنتی اولیان شیرده دیلدیکی یرده آلور .

ثمن میبعک اوصاف واحوالنه مترتب اولوب کتاب الیوعک باب

ثالثنک فصل اولنده مندرج مواد احکامی ایله اولبابده تحریر ایدیلان

ایضاحات بدل اجاره دخی شامل اولدیغندن تکراره حاجت کورلمدی .

یالکیز شوراسی اخطار اولنور که مکاری ایله برمالی برملکتدن

دیگر مملکتته نقل ایتمک اوزره شوقدر غروشه مقاوله اولندقدمه اجرک

عقد مقاوله اولندیغی مملکتده رایج اولان اچقهدن تسویه سی لازم کلور .

فصل ثانی

اجرتك سبب لزومنه و آجرك اجرتہ کیفیت استحقاقنه دائر
اولان مسائل بیاندهدر

۴۶۶ ماده عقد مطلق ایله اجرت لازم اولماز .

یعنی مجرد اجاره منعقد اولدینی کبی هان بدل اجاره‌نك تسلیسی لازم کلز .
چونکه اجاره‌ده معقود علیه منفعت اولوب منفعت ایسه ابتدای عقدده
معدوم اولدیغنه و بداینده مساواتك حصولی لازمه‌دن ایدوکنه بناءً عقد
مطلق ایله اجرتك ایفاسی لازم کلسه بداینده مساوات حاصل اولماز .
مادامکه منفعت آنآ فائاً حادث اوله جقدر اجرت دخی حادث اولان
منفعت مقابلنده لازم اولور .

بو حالده اجرتك لزومی ایچون مأجور اجاره منجزده در حال
واجاره مضافده وقتی حلولنده مستأجره تسلیم ایدیلهرک واجیر
ایفای عمل ایلیهرک مستأجرک استیفای منفعت ایتسی و یا استیفای
منفعته مقتدر اولهرق حکماً استیفا ایتش بولنسی اقتضا ایدر . انجق
زیرده بیان قلنه جنی وجهله شواصلدن بالاستئنا تعجیل و شرط تعجیل
ایله اجرت لازم اوله جفندن و اجرتك تأجیل و تقسیطی دخی جائز
اولدیغدن ماده مشروحه‌ده محرر [عقد مطلق] تعیری شرط تعجیل
و تأجیل و تقسیطدن احتراز ایچون اولغله مال ماده شرائط مزبورده دن عاری
اولان عقدده مجرد عقد سببیله مستأجر اوزرینه اجرتك اعطاسی
لازم اولماز دیمکدر .

بیع مطلقده اولاً مشترینك ثمنی و بعدبه بایدك میعی اعطایتمسی
لازم کلور ایکن اجاره‌ده قضیه‌نك برعکس اولسی آنآ بیان قلندینی

وجهله ابتدای امرده منفعتك معدوم اولمستندن ناشیدر. §

بیعده عقد مطلق ایله مشتری میبعه و بایع ثمنه مالک اولیور ایدی. اجارهده عقد مطلق ایله اجرتك لازم اولیه جفی ماده مشرو. حده مصرح ایسهده موجر عقد ایله اجرتیه مالک اولوب انجق ابتدای امرده ایفاسیمی لازم کلیور یوقسه مستأجر استیفای منفعت ایتدکجه یا تعجیل یا شرط تعجیل اولدقجه موجر عقد سببیه اجرتیه مالک اولیور می؟ بوراسی محتاج ایضا حدر. شویله که :

اکثر فقهایه کوره اجرت ایستر عین و ایستردین اولسون موجر عقد ایله اکا مالک اولماز. بعض فقها طرفندن اجرت دین ایسه دین مؤجل منزله سنده بولنه جفندن موجرک عقد ایله مالک اولوب یالکز مستأجر طرفندن همان ایفاسی لازم کلیه جکی بیان قلنمش و موجرک مستأجرک ذمتی اجرتدن ابرا ویا اجرتی مستأجره هبه ایتسنک صحیح اولسی و اجرت ایچون مستأجرک موجره کفیل ویا رهن ویرمسنک جوازی ثبوت ملکه دلیل اولق اوزره. کوسترلمشدر.

انجق بوکا جواباً دینلیور که بدل اجاره نك سبب وجوبی اولان عقد موجود اولمغله سبب وجوبك وجودندن صکره ابرا صحیح اولور. هبه دخی بویله در. کفیل و رهنه کلنجه، بونلر توثیق ایچون اولوب حقیقت الوجوب شرط دکدر خصوصیه کفالتك شرطه تعلیق دخی صحیحدر. بنابرین احوال مزبوره ابتداء ثبوت ملکه دلیل اوله من.

٤٦٧ ماده تعجیل ایله اجرت لازم اولور.

یعنی ملتاأجر بروجه پشین اجرتی تسلیم ایتسه آجر اکا مالک اولوب بعده مستأجر آتی استرداد ایده من.

چونکه مستأجر اجرتی بروجه پشین اعطا ایتسکه کندوسی

ایچون ثابت اولان حق مساواتی اسقاط ایتش اولور . وساقط اولان شی عوت ایتیه جکی کبی برشی وقتندن اول استعجال ایدن محرومیتیه معاتب اولور . بناءً علی ذلك مستأجر آجره «تعجیل شرط ایتامش ایدک هنوز استیفای منفعت ایدرک اجرت دخی لازم اولمدی ویردیکم یاره یی رد ایله » دیسه مسموع اولماز . §

قاعده بر غرضه منی بر کیمسه دیگرینه بر مال ویرسه او غرض باقی اولدجه استرداد ایده من ایهده غرض فوت اولنجه استرداد ایده بیله جکندن مدت اجاره تکمیل اولدن اجاره منفسخ اولسه ویا فسخ اولنسه اجرتدن مدت گذشته یه اصابت ایدن مقدار بالتزویل باقیسنی مستأجر آجردن استرداد ایدر . §

اجرت عین اولوبده مستأجر آنی آجره اعاره ویا ایداع ایتسه تعجیل حکمنده در . كذلك مستأجر اجرت مقابلنده آجره معین بر مالی بیع وتسليم واو دخی قبض ایتسه جائز وتعجیل بدل حکمنده در . §

اجاره منجزده تعجیل ایله اجرتک لازم اوله جنی بین الفقها متفق علیه اولوب اجاره مضافده تعجیل ایله اجرتک عدم لزومی رأینده بولنانلر اولمش ایهده ماده مشروحهده علی الاطلاق تعجیل ایله اجرت لازم اولور دینلمسنه نظراً اجاره مضافده دخی تعجیل ایله اجرتک لازم کله جکی حقننده کی قول فقهانک اختیار اولندیغی اکلانشیلور .

۴۶۸ ماده شرط تعجیل ایله اجرت لازم اولور .

شرط تعجیل مقتضای عقده مخالف واحد عاقدینه نافع اولدیغی

جهتله اجاره نك فسادى وارد خاطر اولور ايسه ده اجاره عقود معاوضه دن
اولديغندن مقتضاي عقده مخالف دكلدر . چونكه اجاره دخى بيع
كى تعجيل ايجاب ايدوب آنحق بدلين ببننده مساواتك تحقيق لزومى
تعجيله مانع اولمش ايدى . مستأجر حين عقدده اجرتك پشين ويرلمس
راضى اولمغله حق مساواتى اسقاط ايتمش اوله جفندن و مانع زائل
اولدقه ممنوع عودت ايده چكى كى بقدر الامكان شرطه مراعات اولنمق
دخى لازمه دن ايدو كندن آرتق مستأجر بدلى ئاديه دن امتناع ايده من
يعنى بدل اجاره نك بوجه پشين ويرلمسى شرط قلندقه عقد اجاره كرك منافق
ايعان اوزرينه وارد اولسون و كرك عمل اوزرينه وارد اولسون هر حالده
مستأجر اول امرده بدل اجاره فى تسليم ايتمى لازم كلور .
واولكى صورتده آجر اجرتى استيفا ايدنجيه دك مأجورى تسليمدن
وايكنجى صورتده آجر اجرتى استيفا ايدنجيه دك عملدن امتناع ايده بيلور .
وايى صورتده اجيرك بوجه پشين اجرتى مطالبه ايله مستأجر ايفادن
امتناع ايدر ايسه فسخ اجاره فى حق واردور .

بوراده كى اجرتدن مقصد اجر مسمى اولوب ايسترعين و ايستردين
اولسون حكماً مساويدور . و شرط تعجيلك اجاره منجزده جوازي
متفق عليه اولوب اجاره مضافده شرطك باطل اولديغنى بيان ايدنلر
بولنمش ايسه ده محله جمعيتجه بو ماده ده دخى شرط تعجيلى تجويز
ايدنلر ك قولنك اختيار اولنديغى صورت مطلقه ده تحرير ايدلمسندن
مستبان اوليور .

٤٦٩ ماده استيفاي منفعت ايله اجرت لازم اولور .

مثلا بر محله كيتمك اوزره استيجار اولنيان باركيه ركوب ايله اورياه
واردلده آجرى اجرتيه مستحق اولور .

استيفاي منفعت ايله اجرتك سبب لزومى عقد مطلق ايله اجرت

لارم کلیه جکسه دائر ۴۶۶ نجی ماده شرحنده بسط و بیان قلنان
ایضا حادین مستبان اولور .

آنا فائداً استیفای منفعت ایدلجکه اجرتدن اصابت ایدن مقدارک
تسویه سی اقتضا ایدر ایکن تعجیل و تأجیلی شرط ایدلجکه مثال
مذکورده محرر محله وارلدقده بار کیزی ایجار ایدنک اجرتیه مستحق
اولسی اجرتک جسته جسته تسویه سنده صعوبت و مشکلات اولدیضنددر .
مع مافیه منفعتک صورت استیفاسی مختلف اولمغله اجرتک دخی صورت
تسویه سی مختلف اوله رق زیرده صره سی کلدجکه بیان و ایضاح اولور .

§

آنجق استیفا اولسان منفعت عقد اجاره ایله معقود علیه اولان
منفعت اولمیدر . معقود علیه اولیان منفعت استیفا اولور ایسه اجرت
لازم کمر . یعنی مثال مذکورده بیان قلنان حیوانی بر یوم معینده
کتور مک شرط ایدلمش ایکن آجر بشقه بر کون کتورسه و مستأجر
رکوب ایله محل معلومه کیسه اجرت کمر .

فقط مذکور حیوان معدللاستغلال ایسه اولجه ینلرنده تسمیه
ایتدکری اجرتی تجاوز ایتماک اوزره اجر منلی لازم کلور . §
شو ایکی مثالدن مستفاد اولدیغنه کوره ماده مشروحنک حکمی
هم اجاره صحیحه وهم اجاره فاسدهیه شاملدر . وهرنه قدر اجاره حیوان
مثال کتورلمش ایسه ده اجاره عقار و عروض و آدهیده دخی حکم
بویله در .

۴۷۰ ماده اجاره صحیحه ده استیفای منفعتیه اقتدار ایله

دخی اجرت لازم اولور .

مثلاً برکیمسه اجاره صحیحه ایله استیجار ایلدیکي خانه یی قبض ایتدکدن صکره ساکن اولسه بیله اجرت ویرمسی لازم کلور .

یعنی اجاره صحیحه ده استیفای منفعت ایله اجرت لازم اولدینی کی استیفای منفعت اقدار ایله دخی اجرت لازم اولور . و مثال مذکورده بیان قلندینی و جهله اجاره صحیحه ایله استیجار اولنان برخانه یی موجر موانع وشواغلدن خالی اوله رق مکان عقدده ومدت اجاره ده مستأجره تسلیم و اوده تسلیم ایلدکدن صکره مستأجر ولوکه اوخانه ده ساکن اولسه بیله اجرت لازم کلور .

اجرت لازم کلمسه موجرک متضرر اولسی اقتضا ایدر حال بوکه منفعت عرض قیلندن اولوب محل منفعتک تسلیمی مقامنه قائم اولغله موجر بروجه مشروح مأجوری تسلیم ایله استیفای منفعت اقدارینی مستأجره اثبات ایشی اولدیفندن مستأجرک استیفا ایتماسی موجر حقننده تحمیل ضرره سبب اولماز §

فقط مأجور مستأجرک یدقبضنده ایکن مشقتسز و مصارفسز ازاله اولنه میه جق برمانع ظهور ایدوب بومانع منفعتک استیفا سنه کلیاً حائل اولور ایسه اجرتک تمامی وقسماً حائل اولور ایسه حائل اولدینی مدت اجرتدن اصابت ایدن مقداری لازم کماز . §

ماده مشروحه ده اجاره عقاردن مثال کتورلمش ایسه ده اجاره عروض و حیوان واجیر خاص دخی بوقیلدندر .

۴۷۱ ماده . اجاره فاسده ده استیفای منفعت اقدار کافی

اولیوب حقیقه انتقاع بولمندجه اجرت لازم اولماز .

عقدک فسادی مستأجر ایچون مقصده فی الحال تماماً وصوله مانع

اوله جعفرندن لزوم اجرت ایچون یالکیز اقتدارا استیفای منفعت کافی اولیوب حقیقه استیفای منفعت ایله استحصال مقصد ایدلدیجه اجرت لازم اولماز . اجیر مشترک دخی بو قییلندیرکه ایفای عمل ایتدیجه اجرت لازم کماز . فقط مال وقف و مال یتیم و امثالی مستثنادر .

۴۷۲ ماده من غیر عقد و بلا اذن برکیمسه برینک مالنی استعمال ایتدیکی صورتده معدللاستغلال ایسه اجر مثل لازم اولور . دکل ایسه لازم اولماز .

زیرا منافع مال مقوم اولیوب عقد ایله تقوم ایتدیکنندن بلا عقد استیفا اولنان منافع مضمون دکلدر . فقط مأجور معدللاستغلال ایسه مستأجر اجرتیه راضی اوله رق استعمال ایتیش دیمک اولدیفندن اجر مثل لازم کلور . لکن تأویل ملک و یا عقد ایله استعمال ایدر ایسه معدللاستغلال اولسه دخی ۵۹۷ و ۵۹۸ نجی ماده لر احکامینجه اجرت لازم کلر .

فقط مال صاحبی اجرت مطالبه ایتدکدن صکره استعمال ایدر ایسه معدللاستغلال اولسه دخی اجرت اعطاسی لازم کلور .

زیرا یوحالده استعمال ایتسیله اجرت لازم اولمش اولور . چونکه اجاره ده سکوت معرض حاجت اولدیفندن رضایه دلالت ایدر . اجرات تسمیه ایدلمش ایسه اجر مسحی و ایدلماش ایسه ۵۹۹ نجی ماده حکمینجه اجر مثل لازم کلور .

۴۷۳ ماده اجر تك تعجيل و تأجيل حقن ده عاقدین هر نه
شرط ایدر لر ایسه ا کا رعایت اولنور .

تأجيل تقسیطدن اعم اولدیغندن تقسیطده دخی حکمک بویله اوله جفی
اولویتده قالور .

هر نه قدر بوکی شرائط مقتضای عقده مخالف واحد عاقدینه
نافع کورینور سه ده ۴۶۸ نجی ماده شرخنده بین ایدلدیکی اوزره
حین عقدده من له الحق کندی رضاسیله شرط مذ کوری قبول ایتسیله
مستحق اولدینی حق مساواتی کندوسی اسقاط ایتش اولدیغندن
شرط تعجیل و یا تأجیله مراعات لازم کلور ۸۳

۴۷۴ ماده تأجيل بدل شرط اولدینی صورتده ابتدا
آجرک مأجوری تسلیم و اجیرک عملی ایفا ایلمسی لازم کلوب
اجر تک ایفاسی انجق مقاوله اولنان وقت تأدییه نک اتقضا سنده
لازم کلور .

بویله اولسه تأجیلده فائده اولمز .

۴۷۵ ماده تعجيل و تأجيل شرطی اولمق سزین عقد اولنان
اجاره مطلقه ده عقد اجاره کرک منافع اعیان اوزرینه اولسون
و کرک عمل اوزرینه اولسون هر حالده آجرک مأجوری
تسلیم و اجیرک عملی ایفا ایلمسی لازم کلور .

زیرا اجاره مطلقه ده اجرتك لزومی استیفای منفعت متوقف
اولوب بونك حصولی ایسه مأجورك تسلیم و عملك ایفاسنه منوطدر .

۴۷۶ ماده اجرت اگر شهریه یا خود سنویه کبی بروقت

معین ایله موقت ایسه لزوم ایفاسی اول وقتك اقتضاسنده در .

مثلاً شهریه ایسه آلك تمامنده و سنویه ایسه سنه ختامنده ایفا اولنق لازم کلور .
اگر چه شهریه بازارلق اولسان اجاره ده هر کون منفعت تحقق
ایتدکجه اجرتدن یومیه به مساوی اولور و بناء علیه آجرك مستأجردن
یومیه طلبنه حق بولنور ایسه ده شرط تعجیل ایله عقد اولنمان اجاره لردن
تسهیل مصالح ایچون اجرتك ختام مدته ایفاسی تنسیب اولنمشدر .
چونکه مأجورك تسلیمی ایله اجرتك لزومی و اجاره نك ختامیه ایفانك
وجوبی تقرر ایدر .

لکن مثلاً برکیمسه سنه لکی بیک ایکی یوز غروشه استیجار
ایتدیکی اجیر و یا عقسارک اجرتی هر اوچ آیده بر اوچ یوز غروش
ویرمك اوزره دزت تقسیطده اعطاسنی شرط ایدرسه بقدر الامکان
شرطه مراعات اولنق یعنی ایلک اوچ آلك ختامنده برنجی تقسیطی
و دیگر لرینك ختامنده دخی ماعداسی ویرمك لازم کلور .

۴۷۷ ماده اجرتك لزومنده مأجورك تسلیمی شرطدر .

یعنی کرا وقت تسلیمدن اعتباراً ایشلر .

بوصورتده آجر قبل التسلیم مرور ایدن مدتك اجرتی

آله ماز .

مستأجر دخی تسلیم و قبولدن امتناع ایده مر . شو قدر که مدت

اجاره ده زیاده رغبت اولنه حق بر زمان بولنوبده اوزمان مرور ایتد کدن
صکره موجر مأجوری تسلیم ایده جک اولسه مستأجر ایچون حق
خیار ثابت اولور . دیلرسه قبول وایسترسه رد ایدر .

مثلاً مکّه مکرّمهده موسم حجّده بر کیمسه التی ابلق اوله رق بر خانه
استیجار ایتدیکی حالده آجر موسم حجّک مرورندن یعنی مدت اجاره نك
الك منفعتی زمانك انقضاسندن صکره تسلیم ایده جک اولسه مستأجر
قبول ایدوب ایتمامکده خیر اولور .

واکر قبل التسليم مدت اجاره منقضى اولور ایسه اجرتدن
برشیئه مستحق اولماز .

بوماده نك حکمی اجیر خاص حقنده دخی جاریدر .

٤٧٨ ماده مأجور ایله انتفاع بالکلیه فوت اولدقده

اجرت ساقط اولور .

چونکه استیفای منفعتّه تمکن زائل اولور . لیکن اجاره منفسخ
اولماز . زیرا انتفاعک فوتی موجب اولان مانعک تعمیر وسائر بر
صورتله ازاله سی ممکندر . فقط مستأجر عذر واقعه بناءً خیار عیب
ایله اجاره یی فسخ ایده بیلور . قبل الفسخ عذر زائل اولسه آرتق
فسخ ایده من .

مانعک ازاله سی ممکن اولماز ایسه اجاره منفسخ اولور .
مثلاً حمام تعمیره محتاج اولوبده تعمیری ائسانسیده بر مدت معطل قالسه
اول مدتک اجرتدن حصه سی ساقط اولور .

کذاک ذکر نك صوی کیلوبده معطل قالسه صویک انقطاعی وقتندن
اعتباراً اجرت ساقط اولور . فقط مستأجر اون اوکو تمکدن غیری بر صورتله

اول دكرمنك اوندن انتفاع ايتدكده بدل اجاره دن اكا اصاب ايدن حصه يي و برمسى لازم كلور .

اون او كوتتمكدن غيرى صورتله ايديلان انتفاع معقود عليه اولان منفعتدن جزؤ باقى اولمغله اجرتدن حصه سنه اصاب ايدن مقدارك و برمسى لازم كلور .

اما معقود عليه دن جزؤ اولمق سزىن انتفاع ايديلور ايسه اجرت لازم كليهم جي ٥١٨ نجى ماده ده محرر در .

[بالكليهم] قيدي مأجور ايله انتفاع فى الجملة فوت اولان صورتدن احتراز ايجوندور . انتفاع فى الجملة فوت اولدقده ٥١٦ نجى ماده حكمنجه خیار عيب ثابت اولور .

٤٧٩ ماده بر كيمسه بر دكان استيجار و قبض ايتمش ايكن [بر مدت اخذ و اعطايه كسناد عارض اولمغله صنعت ايشلنمدي و دكان قىالوقالدى] ديو اول مدتك كراسنى اعطادن امتناع ايده من .

زيرا اجاره صحيحه ده استيفاي منفعت اقدار ايله اجرت لازم كلديكي كي آجر مأجورى ايجار ايتمكه اخذ و اعطانك رواجى تعهد ايتما مشدر . و عقد اجاره ايله مستأجر بوكي ضرر لره متحمل اولديغندن اعذار شرعيه دن دخى معدود دكلدر .

٤٨٠ ماده مدت اوزرينه بر قايق استيجار اولنوبده اثناي راهده مدت منقضى اولسه ساحله پناشنجه دك اجاره

ممتد اولور. و مستأجر فضله اولان مدتک اجر مثلی ویرر.

اجاره عذره بناء فسخ اولنه بيله چکی کبی عذر سبيله تمديد دخی ایديله بيلور. زیرا ضرر اشدک ازاله سی ایچون ضرر اخف اختیار اولنور. و ضرورته بناء اجرا قلنان شیلرده عاقدين ویا احد عاقدينک رضاسنه باقلماز. فقط اضطرار غیرک حقنی ابطال ایتیه جکندن مدت محدوده ایچون اجر مثل لازم کلور.

۴۸۱ ماده برکیمسه خانه سنی دیگر کیمسه یه مرمت

ایتمک وبلا اجرت ساکن اولمق اوزره ویرسه و او دخی کندو طرفندن مرمت ایدرک بر مدت ساکن اولسه عاریت قیلندن اولمغله مصارف تعمیریه اول کیمسه یه عائد اولور. و صاحب خانه دخی آندن اول مدت ایچون اجرت نامنه برشی آله ماز.

زیرا اعاره منفعتی بلا عوض تمامک ایتمکدر اعاره اولنان خانه نک مرمت و تعمیری اعاره اولنان حیوانک نفقه سی منزله سننده اولوب کلفقی نعمته کوره در. و [خانه] قیدی احترازی اولیوب خانه نک غیری شیلرده دخی حکم بویله.

مثلا برکیمسه بر محله کیتمک اوزره استیجار ایتدیکی حیوانه انشای راهده آریه وصمان ویرمکی شرط ایتسه جائزدر. فقط مصارف تعمیریه اجرتدن جزؤ قلنور ایسه احد عاقدين نفهی اولان بر شرط دیمک اوله جفندن احوالده اجاره فاسد اولور.

فصل ثالث

اجرت ایچون اجیرک مستأجر فیهی حبس

ایدوب ایده مامسی حقنده در

۴۸۲ ماده درزی و بویاجی و چامه شوی کبی عملنده

اثر اولان اجیرک ویره سییه مقاوله اولتاش ایسه اجرت

ایچون یدنده مستأجر فیهی حبس ایتکه صلاحیتی واردر.

و بوجله حبس ایدوبده یدنده اول مال تلف اولسه ضامن

اولماز . فقط اجرت دخی آله ماز .

اجیرک عملندن مستأجر فیهده اثر یا ظاهر اولور یا اولماز . ظاهر

اولان اثر دخی یابر عین متصل اولور . بویاجینک اجزا ایله مستأجر

فیهه رنگ ویرمسی ، درزینک ایپلک ایله البسه نی دیکمسی کبی .

یاخود مشاهده و معاینه اولنان بر عرض اولور . چامه شویک صابون

وسائره یاخود مجرد صو ایله مستأجر فیهی ییقه مامسی کبی که حاصل

اولان تمیزلک مشاهده و عیاناً ظاهر اولور . کذلک دکر منجینک بغدادی

اون ایتمی کبی که مستأجر فیهه اسمی دیکشه جک صورتده تغیر

ایدر . ۸۹۹

صور محررده اجیرک اثر عملی مستأجر فیهه ایله اختلاط ایدرک

هم اجیرک وهم مستأجرک ملکی اجتماع ایدر . بیعهده مشتری ثمنی

ویرنجیه قدر بایمک مییی حبسه حتی اولغله اجارهده دخی اجیرا جرتی

آلتجیه قدر اثر عملی حبسه حتی در کار در. چونکه میسج حکمنده در.
انجق بواثر مستأجر فیهده حاصل واکا منظم اوصافدن اولمقله تقریق
وافرازی قابل اولمامسنه و مستأجر میسج ذاتاً اجیره تسلیم
ایتمش بولمسنه بناءً اجیر استیفای حق ایدنجیه قدر محل اثر اولان
مستأجر فیهی حبس ایده بیلور.

فقط [ویرهسی به مقاوله اولنماش ایسه] جمله احترازیه سندن
مستفاد اولدیغنه کورمه اکر ویرهسی به بازارلق اولنمش ایسه اجیر حق
حبسنی اسقاط ایتمش اوله جنی کی اجیر خانه ودکان مثللو مستأجرک
ملکنده اجرای عمل ایتدکده مثلاً برکی مسه خانه سنه بر جامه شوی
جلب ایدوب البسه وسائر سنی ییقاتدیرد قبه هر نه قدر اجیرک اثر عملی
مستأجر فیهده ظاهر اولور ایسه ده مستأجر فیه مستأجرک ید قبضنده
بولندیغنه و مستأجر فیه اصل و اجیرک اثر عملی تابع اولوب تابع
ایچون حکم ویریه میه جکسنه بناءً شو ایکی حالده اجیر اثر عملندن
طولای مستأجر فیهی حبس ایده من.

کذلک اجیر مستأجر فیهی مستأجره تسلیم ایتدکدن صکره « بنم
حق حبس واردی » دیرهک استرداد ایلیم من. زیرا ساقط اولان شی
عودت ایتمز.

§

اجیرک مستأجر فیهی بروجه مشروح حبس ایتمسی جواز
شرعی به مستند اولوب جواز شرعی دخی ضمانه منافی اولدیغندن تلف
اولسه اجیر ضامن اولماز. فقط عملی دخی محو اوله جنی جهتله بداینده
مساوات حاصل اوله میه جفتدن اجرت دخی آله من.

اگر مستأجر فیه اجیرک صنع و تقصیری ایله و یا خود صنع و تقصیری
اولوب فقط ویرهسی به بازارلق اولندیغنی حالده حبس و توقیف ایدوب

تلف اولور ایسه بو ایکی حالده قبض امانت ، قبض ضمانه منقلب اوله جفتدن اجیر حقنده حکم غصب ترتب ایدرک ضامن اولور .

۴۸۳ ماده حمال و ملاح کبی عملنده اثر اولمیان اجیرک اجرت ایچون مستأجر فیهی حبس ایتمکه صلاحیتی یوقدر .
چونکه معقود علیه اولان عمل عرض فانی اولدیغندن بقاسی تصور اولنه میه جنی کبی انک مقامنه قائم اوله حق اثری دخی بولمیدی و منفعت ذاتاً مال اولمیدی جهنله اجرت ایچون مستأجر فیهک حبسی لازم کلر .

و بوحالده حبس ایدوبده یدنده اول مال تلف اولسه ضامن اولور . زیرا تعدی ایتشدور .

و مال صاحبی بونده مخیر اولوب دیلرسه محمول اوله رق قیمتی تضمین ایتدیرر و اجرتی ویرر .

چونکه بدل بدل منهک یعنی مستأجر فیهک مقامنه قائم اوله جفتدن مییع اولان عمل بدلاک تسایه یله تسلیم ایندیش اولور .

و دیلرسه غیر محمول اوله رق تضمین ایتدیروب اجرت ویرمز . زیرا ضمان ایله اجرت اجتماع ایتمز .

باب رابع

مدت اجاره یه متعلق مسائل بیاننده در

۴۸۴ ماده برکیمسه کرک یوم کبی قصیر اولسون

و كرك سنين كې طويل اولسون معلوم اولان مدت اوزرينه
مال و ملكنى آخره ايجار ايدى بيلور .

زيرا هر كس ملكينده كيف مايشاء تصرف ايدى بيلور . فقط
معقود عليه مدت ايله معين اوله جغندن مدت تعيينى لازمدر .
احكام فقهيه ده مدت اجاره تحديد ايدلامشدر . [الحق] مال
و ملكنى [قيدندن مستبان اولديغنه كوره بوماده نك حكمتى اموال
واملاك صرفه شخصيه دائر اولوب اموال واملاك بيت المال با اراده
سنه حضرت پادشاهى تنسيب بيوريله حق مدت ايله ايجار اولنه دى
كې اراضى اميريه اراضى قانوننه تابعدر . اموال و اراضى و مسقات
موقوفه نك مدت ايجارى ايجار عقار نظامنامه سنك ۷ ذى القعدة
سنه ۱۲۹۹ و ۸ ايلول سنه ۱۲۹۸ تاريخنده تعديل ايديلان ۷ نجى
ماده سنده شويله دينلمشدر [اجاره واحده لو اولان عقارات موقوفه
اوج سنه دن زياده مدت ايله ايجار اولنه ماز . سائر عقاراتك دى
طقوز سنه دن زياده مدت ايله ايجارى تجويز قلنه ماز . بوندن باعدا هر كس
مال و ملكنى مجله احكام عدليه نك ۴۸۴ نجى ماده سى موجبجه كرك
يوم كې قصير و كرك سنين كې طويل اولسون معلوم اولان مدت
اوزرينه آخره ايجار ايدى بيلور . اجارتيلى عقار دى بو حكمه
تابعدر] .

عقارات موقوفه ده اوج سنه مدت اكثر فقها نك دى رايه موافقدر .

۴۸۵ ماده مدت اجاره نك ابتدائى حين عقدده تسميه

يعنى ذكر و تعيين اولنان وقتدن اعتبار اولنور .

۴۸۶ ماده . حین عقدده ابتدای مدت تسمیه اولنماز

ایسه وقت عقددن اعتبار اولنور .

زیرا وقت عقد سبب عقدی ولی وتعقیب ایدر . ابتدای مدت بو وقتدن اعتبار اولنمیوبده بشقه بر وقتدن اعتبار اولنق لازم کلسه ازمنه و اوقات مبدأ استیجار ایچون مساوی اولغله هر قنخی زماندن اعتبار اولنسه ازمنه و اوقات سائرهبه نسبتله ترجیح بلا مرجح لازم کلور . بوده جائز دکلدر .

برده مبدأ اجاره حین عقددن اعتبار اولنمیجق اولور ایسه جهالت مدتدن ناشی اجاره فاسد اولور . معاملات ناسی فساد دوشور مکدن ایسه صحته تقریب ایتک اولادر .

۴۸۷ ماده . برسنهك اولق اوزره هر آیلنی شو قدر

غروشه اوله رق بر عقارک ایجاری جائز اولدینی کبی شهریه سی بیان اولنقسزین برسنهك اولق اوزره شو قدر غروشه

دخی ایجاری صحیح اولور .

[هر آیلنی شو قدر غروشه اوله رق] دیو تصریح ایدلمسندہ ایکی

فائده واردر . برنجیسی : شهریه سی بیان اولنان اجاره ده موجر هر آیک نهایتندہ بر آیلق اجرتی طلب وانخذہ مستحق اولور . اما شهریه سی بیان واتصریح اولنمدینی تقدیرده مدت اجاره اولان برسنه ختام بولقسزین اجرت طلبنه حق اولور . مکرکه اجرتک مقسطاً تأدیہ سی شرط ایدلمش اوله . ایکنجیسی : مواد آتیہ دن مستبان اوله جنی

اوزره سنه نك ختامندن اول اجاره منفسخ اولور ويا فسسخ ايديلور ايسه كذار ايدن مدتك اجاره سي شهریه و تصریح ایدلمدیكى تقدیرده ایام حسابیله اعطا اولتمق لازم كلور . شهریه سی تصریح ایدله كده مقدار اجرت متساویاً اون ایکی یه تقسیم ایدیله جکندن مثلاً سنه لکی اوز بیک غروشه بر خانه ایجار اولندقدن اوچ آی صکره عقد اجاره فسسخ اولنسه ایکی بیک بش یوز غروش ویرملك لازم كلور . اما شهریه سی تصریح ایدلمدیكى تقدیرده اوچ آی قاچ كونه بالغ اولور ايسه اجاره سنویه دن ایام مزبوره یه اصابت ایدن مقدار ویرملك لازم كلور . آیلرك عدد ایامنده فرق اولدیغندن شش و ایکی درلو حساب ايله ویريله جك اجرت بیننده فرق حاصل اولور .

لكن زمان و موسم اعتباريله احد عاقدینك نقصان ویرمه و یا زیاده ایستمه ك حقی یوقدر چونكه زمانك اختلافنه اعتبار اولنماز .

فقط سنه لك اوله رق ایجار اولنان عقارك موسم صیفه تصادف ایدن الی آیلغی بشر یوز غروشدن و موسم شتایه تصادف ایدن دیگر الی آیلغی دخی یدیشر یوز غروشدن اولمق اوزره شرط ایدیلوب ایلک الی آیلک ختامنده اجاره فسسخ اولنور ايسه اجرتك بشر یوز غروشدن اعطانی لازم كلور .

استطراد

تعیین اوقات ایچون یا شمسه ك و یا قمر ك دوری اساس اتخاذ ایدلمش و سنه لر و آیلر و كونلر بونلره كوره حساب ایدیلوب برنجیسنه ستین و شهر و ایام شمسیه ، ایکنجیسنه ستین و شهر و ایام قمریه تسمیه اولنمشدر .

شمسك دور سنوي سي ۳۶۵ كون ۵ ساعت ۴۸ دقيقه ۴۸,۰۵۵
 ثانيه دن عبارتدر . ۳۶۵ كون اون ايكي آيه تقسيم اوله رق مارت ،
 مایس ، تموز ، اغستوس ، تشرین اول ، كانون اول ، كانون ثاني آیلری
 اوتوز برر ونيسان ، حزیران ، ایلول ، تشرین ثاني آیلری اوتوز
 وشباط آیی یکر می سکز کون اعتبار اولوب انجق شو حساب کوره
 هر سنه بش ساعتدن فضله قاله جفتدن بوفضله درت سته ده بر شباط
 اینک یکر می طقوز کون اعتباریله محسوب ایدیلرک ۳۶۶ کونه
 ابلاغ ایله « سنه کینسه » دینلمکده در .

دولت علیه جه ۱۲۰۹ سنه هجریه سندن بری رسماً قبول ایدیلوب
 اهالیجه معتبر اولان سنین وشهور مالیه حساب مزبور مطابقدر .
 وحساب شمسی به کوره کونلرک مبدئی زوال شمسی متعاقباً
 باشدیغندن بعد الزوال اولان زمان یوم آتیدن معدوددر .

سنین وشهور وایام قریه به کلنجه قمرک دوری ۲۹ کون ۱۲
 ساعت ۴۴ دقيقه ۲,۹ ثانيه دن عبارتدر بناءً علیه بر آی تام اوتوز
 کون اولدیغندن اجتماع نیرین قبل الزوال وقوعبولور ایسه او کونک
 غروب شمسندن صکره رؤیت هلال ممکن اوله رق بر آی اوتوز کون
 اولور . فقط بوماهی تعقیب ایدن هلال نوده اجتماع نیرین بعد الزوال
 وقوعبولوب رؤیتی قایل اوله من ایسه شهر آتی یکر می طقوز کون
 اولور . وبوصورتله بر سنه قریه ۳۵۴ وبعضاً ۳۵۵ کونه بالغ اولوب
 سنه شمسیه دن ۱۱ و ۱۲ کون نقصاندر . شو حساب کوره شهر
 عربی اکثریا اوتوز کون اولوب اکثر ایچون حکم کل بولدیغندن
 شرعاً بر آی اوتوز کون اعتبار اولمشدر .

دور قری مقدار مذکوری تجاوز ایتیه جکسندن شهور قریه

شهور شمسیه قیاساً اوتوز بر کون اعتبار اولنه‌ماز .

هلاک طلوعی و تعیر دیگرله غروب شمسی تعقیب ایدن زمان
یوم جدیدک مبدئی اولغله زوال ایله غروب اراسنده کی مدت یوم
سابقدن اولوب حساب شمسیده اولدینی کی یوم آتیدن معدود دکلدن .
کره ارض بر کونده دور ایلدیکندن بوحسابجه مثلاً درسعاده
هلال رؤیت اولندقدن صکره درسعاده بعید اولان محالرده رؤیت
هلال مقدار مسافیه کوره تأخر ایدر .

بوندن ناشیدرکه درسعاده هلاک رؤیتی ایله شهر رمضانک
ثبوتنه شرعاً حکم اولدینی حالده درسعاده بعید اولان ممالکده
رؤیت قابل اوله‌میه جغندن بر کون صکره رؤیت ایله شهر رمضانک
ثبوتنه حکم اولنور .

کونلر ۲۴ ساعته و هر ساعت ۶۰ دقیقه و هر دقیقه ۶۰ ثانیه
منقسم اولوب شهور قریه حسابیه کونک مبدئی غروب شمسی متعاقباً
باشلیه جغندن ساعتک مبدئی دخی بویه اعتبار اولنمش و شهور شمسیه دن
کونک مبدئی زوالی متعاقباً باشلیغندن اوحسابیه اعتبار ایدنلره کوره
دخی ساعتک مبدئی زوالدن اعتبار اولنمشدر .

گله‌لم صده :

احکام شرعیه‌ده بوجه محرر سنین و شهور و ایام قمریه معتبر
اولدیغندن مثلاً ۱۳۲۵ سنه سنک ابتداسندن اتهاسنه قدر برخانه استیجار
اولندقدن سنه مزبورده‌نک مبدئی اولان محرمک غره‌سندن منتها
بولنان ذی‌الحجه‌نک سلخنه قدر استیجار ایدلمش اولور .

کذلک آیده شو قدر غروشه اولق اوزره برخدیمکار طوتلقدن
هر شهر قمرینک نهایتده آیلغنک اعطاسی لازم کلور . و آیک برازی

چکدکن صکره بر آیلق اولهرق استیجار اولندقدده بر آی اوتوز کون اعتبار اولنور .

و کذا بر کون دینلدکده طلوع شمسدن غروب و بعضاً عصره قدر اولان مدت اکلاشیلور .

سنه شمسیه دخی بری مبدئی کانون ثانی ابتداسی اولق اوزره سنه افرنجیه و تعبیردیگرله سنه میلادیه و دیگری مبدئی مارت ابتداسی اولق اوزره سنه رومیه درکه دواثر رسمیه دولت علیهجه مرعی اولان سنه مالیه نک مبدئی دخی مارت ابتداسیدر .

معلومیت میقات تعیین مدت ایچون لازم اولمغله بونک بهمه حال سنین و شهر و ایام قریه به خصر و تخصیصی لازم کلدیکندن سنین و شهر و شمسیه و یاخود روز حضر و روز قاسم کی ایام معلومه اعتباریله مدت تعیین اولندیغی تقدیرده دخی عقد صحیح اولور . و آرتق اکا تطبیق معامله اولنور .

معاملاتده سنین و شهر و شمسیه به دخی شرعاً اعتبار اولنه جنی ۱۶۶۰ نجی ماده شرحنده حکایه اولنان مجله جمعیتی مضبوطه سننده محرردر .

مثلا دورشمس اعتباریله اولان ۱۳۲۵ سنه مالیه سی ابتداسندن اعتباراً بر سنه لک اولق اوزره برخانه استیجار اولندقدده سنه مزبور نک مبدئی اولان مارت ابتداسندن منتهاسی بولنان شباط نهایتنه قدر استیجار اولنمش اولور .

کذلک ۱۹۰۹ سنه افرنجیه سندن اعتباراً بر سنه لک اولق اوزره برخانه استیجار اولندقدده سنه مرقومه نک مبدئی اولان کانون ثانی

ابتداسندن منتهاسی بولنان کانون اول نهایتنه قدر استیجار اولمش اولور.

۴۸۸ ماده آیک ابتداسنده ایکن اجاره کرک برآلیق اولسون و کرک زیاده اولسون شهریه اوله رق مقاوله اولنور ایسه آلیق اولمق اوزره منعقد اولور.

چونکه شهورده اصل اولان اهلہ در ایام آندن یدلر . اصل متعذر اولمقجه بدلنه اعتبار اولنماز .

۴۸۹ ماده آیک برازی کچمشیکن برآلیق اولمق اوزره مقاوله اولندیغی صورتده برآی اوتوز کون اولمق اوزره اعتبار اولنور .

یعنی اهلہ نك اعتباری غیر قابل اولدقده بدلی اولان ایامه اعتبار قلموب سالف الذکر اسبابه بناء برآی اوتوز کون بعد اولنور .

۴۹۰ ماده آیک برازی کچمشیکن شو قدر آلیق اوله رق مقاوله اولنور ایسه اولکی ناقص آی اکر صکره کی آیدن اوتوز کون اولمق اوزره اتمام اولنوب اجر قی یومیه حسابیله ایفا اولنور . وآره یرده کی آیلر غمره ایله حساب واعتبار اولنور . یوقسه برآی اوتوز کوندر دینلرک مدت اجاره قاج آی ایسه آیلرک هربری اوتوزر کون اوله رق حساب ایدلماز .

مثلاً بر کیمسه ۱۳۲۹ سنه سی محرمک اون بشنچی کونی اوج
 آی مدت ایله بر خانه استیجار ایتسه محرم اوتوز کون اعتبار اولنه رق
 ایلک آیک اون بش کونی محرمه محسوب ایدلد کدن صکره صفر
 ور بیع الاول آیلری اهله اعتبار یله ایستر اوتوز روایستریکرمی طقوزر
 کون اولسون برردن جمعاً ایکی آی اعتبار اولندقدن صکره برنجی
 آیدن نقصان قالان اون بش کون ربیع الآخر دن ا کال ایدیلور .
 یوقسه مذکور خانه محرمک اون بشنده استیجار اولمشدر دیهرک
 مدت اجاره اولان اوج آی اوتوزردن طقسان کون اولمق اوزره
 حساب ایدلماز .

چونکه آیلق حسابیله استیجارده اصل اولان اهله در ایام آندن
 بدلدن اصلدن بدلنه عدول ایچون سبب شرعی اولمق لازمدر .
 بلا سبب عدول اولنه مز .

مثال مذکورده بیان قلنان خانه شهر محرمک نصفنده استیجار
 اولندقدن اصله رعایت قابل اوله مدیفته واصلک ایفاسی قابل اولمدیغنی
 حالده بدلی ایفا اولنور قاعده سنه بناء ایام معتبر طوتیلور ایسه ده
 بوصورت ضرورتدن ناشی اولوب ضرورتلر دخی کندو مقدار لر نجبه
 تقدیر اولنه جفتدن ایام مزبور دی ولی آیدن صفر ور بیع الاول آیلرنده
 آئلری ترک ایله بدللری اولان ایامک معتبر طوتلسنی موجب سبب
 اولمدیغندن بو آیلرده اهله معتبر اولوب مدت اجاره دن بر آیک نقصانی
 اک صکره کی آیدن یعنی شو مثاله کوره ربیع الآخر دن ا کال ایله
 اوتوز کونه ابلاغ اولنور .

بویله اولمیوبده اوج آی اوتوزردن جمعاً طقسان کون اولمق
 اوزره حساب ایدلسه اوج آی طقسان کون ایتیه جکی واجاره آیلق

حسابيله منعقد اولديني جهته موجرك متضرر اولسي ايجاب ايدر
ضرر ايسه شرعاً غير جائزدر .

§

ماده مشروحه امام محمد حضرت تارينك اجتهدينه توفيقاً يارلشمدر .
وامام ابو يوسف حضرت تارندن دخي بوجله روايت اولنمشدر
ومفتاحدر .

امام اعظم حضرت تارينه وبر روايته امام ابو يوسف حضرت تارينه
كوره دخي برنجي آيك اكال نقصاني منتهايه تاخير ايدايوب آني
ولي ايدن آيدن اكال ايدلك لازم كله جكندن ايكنجي وديكر شهور
متواليه اهليه اعتبار قابل اوليه جني جهته هر آي اوتوز كون اولق
اوزره حساب ايدلك لازم كلور . فقط :

۴۹۱ ماده آيك برآزي كچمشيكن قاج آيلق اولديني
بيان اولنمقزین هر آيلق شو قدر غروشه اولق اوزره
مقاوله اولنديني صورته ابتدا كي ناقص آي اوتوز كون
اعتبار اولنق لازم كله جكي كي ديكر آيلر دخي اولوجهله
اوتوزر كون اولق اوزره اعتبار اولنور .

چونكه مدت تعين اولنديفندن اجاره برنجي آي حقنده صحيح
وديكر لرنده فاسد اولور و آيك نهايتنده اجاره فسخ اولنماز ايسه
۴۹۴ نجی ماده حكمنجه ايكنجي آي حقنده دخي صحيح اولور و آيلر
تجدد ايتدجكه اجاره فسخ اولنماز ايسه فساد صحت منقلب اولور ايسه ده
ماجور هر آي باشنده بر آيلق اولق اوزره استيجار اولنمش اوله حقنه

و آيك برازی كچديكندن اهله اعتباری قابل اوله میه جغه بناء اناچار
هر آی اوتوز کون اوله رق حساب ایدیلور .

لكن شهر شمسیه اعتباریله مقاوله اولندیغی صورته بونده
ایلرك ایامی معلوم اولدیغی جهته آکا کوره حساب ایدمك لازم کلور .

۴۹۲ ماده آيك ابتداسنده ایکن بر سنه لك اوله رق

عقداجاره اولندقده سنه اون ایکی آی اولق اوزره اعتبار اولنور .

۴۹۳ ماده آيك برازی كچمشیکن اجاره بر سنه لك

اوله رق عقد اولندقده بر آی ایام اوله رق اعتبار اولنوب دیگر

اون بری غره اعتباریله حساب اولنور .

برنجی آیدن اوتوز کون اعتباریله قاج کون نقصان قالور ایسه

غره اعتباریله حساب اولنه جق اون بر آیدن صکره کی آیدن اكمال

ایدیلور . ۴۹۰

۴۹۴ ماده قاج آیلق اولدیغی ذکر اولنمقسنزین هر آیلغی

شو قدر غروشه اولق اوزره بر عقار ایجار اولنسه عقد

صیح اولور .

فقط برنجی آی تمام اولدقده ایکنجی ودها صکره کی

ایلرك برنجی کیجه سیله برنجی کوننده موجر و مستأجر دن

هر بری اجاره بی فسخ ایده بیلور .

[هر آينی] گه سندن بر آيلق استيجار اولنديني اگلاشيلور .
 زيرا ادات استغراق منتهایی اولميان شهيلرده اذناسنه حمل اولنور .
 عموم مراد اولنسه عمل متعذر اولور . چونكه شهورك مجموعي مجهول
 اولديغندن عقد اجارهني جمله شهور حقهده تصحيح ايتك ممكن
 اوله ماز . شهورك ادني مرتبه سيله مجموعي بيننده هر قنفي بر مقدار
 حمل ايدلسه بعض عددلرك ديكر بعض عددلره وجه رجحاني اولمديغندن
 بوده صحيح اولماز . لك ادني مرتبه سي اولان بر شهر تعين ايدر .
 بناء عليه بر آي حقهده اجاره صحيح ولازم وديكر آيلر حقهده
 فاسد اولور .

اما اولكي كيجه سيله كوني چك دكن صكره فسسخ ايده منر .
 زيرا فساد صحت منقلب اولور .

قياساً رؤيت هلالده و آيك بر ازي كچمش ايسه غروب شمسي
 متعاقباً يعني ايكنجي آيك مبدأ دخولنده مخير اولموي و بناء عليه
 شو مدت جزئيّه چك كده ايشايه عك آي ايجون عقدك صحت منقلب
 اولسي لازم كلور ايسه ده اجاره نك تصديق و يا فسسخ تفكره محتاج
 مواددن اولديغندن مقابله اولان قول فقهايه كوره يكرمي درت ساعت
 مهل تعين قلمشدر .

واكر احد عاقدين بويله اثنای شهرده [فسسخ ايتدم] ديسه
 اول آيك نهايتنده منفسخ اولور . و اكر اثنای شهرده [شهر آتي
 ابتدا سندن اعتباراً فسسخ ايتدم] ديسه شهر آتي حلوننده
 منفسخ اولور .

یعنی صراحت موجب چه عمل اول نور .

واگر ایکی یا زیاده آیلق پشین ویرلمش ایسه هیچ بریسی

اول آیلرک اجاره سنی فسخ ایده من .

زیرا مقدار اجرت ایله مدت معین اولور .

۴۹۵ ماده برکیمسه برکون ایشلمک اوزره بر اجیر

طوتدینی صورتده طلوع شمسدن عصره قدر یا خود غروب

شمسه قدر ایشلمک خصوصنده عرف بلده نه ایسه ابا

کوره عمل اول نور .

یعنی عاقیدن ابتدا و انتهای عمل ایچون وقت تعیین ایتزلر ایسه

عرف وعادت بلده یه اتباع اول نور . زیرا عادت محکمدر .

فقط تعیین ایشلر ایسه اولوجهله عمل اولمق لازم کلوب یوقسه

عرف وعادت بلده یه اتباع اولماز . چونکه صراحت مقابله دلالته

اعتبار اولمدیقدن صراحت اولیان شیلرده عرف وعادت مقاولاتی

تفسیر و اتمام ایدر ایسه ده مقاولات ضریحیه تبدیلی و تغییر ایده من .

۴۹۶ ماده بری مثلا اون کون ایشلمک اوزره بردولکر

استیجار ایتسه عقدی ولی ایدن کونلر اعتبار اول نور .

یعنی اجاره منجزده مدت تعیین قلمدینی حالدده عقدی ولی ایدن

کونلر اعتبار اول نور . اسبابی ۴۸۶ نجی ماده شرحنده بیان قلندی .

اگر [یا زین اون کون ایشلمک اوزره] دیواستیجار ایتسه

قننی آیک قانچجی کونندن اعتباراً ایشلیه جکنی بیان ایتدجکه
صحیح اولماز .

بوصورتده یعنی اجاره مضافه مدت اجاره نك عقدی ولی ایدن
کونلره حملی غیر قابل و بناء علیه مدت مجهول اولدیفندن اجاره
فاسد اولور .

باب خامس

خیارات حقنده اولوب اوج فصلی حاویدر

فصل اول

خیار شرط بیاننده در

۴۹۷ ماده بیعه اولدینی کبی اجاره ده دخی خیار
شرط جاری اوله رق احد طرفین یا خود ایکسی بردن شو
قدر کون مخیر اولق اوزره ایجار واستیجار جائز اولور .
چونکه اجاره بیع کبی ملاحظه و تفکره محتاج و قابل فسخ
عقوددن اولغله خیار شرط جائز و کتاب البیوعک باب سادسک خیار
شرط حقنده اولان فضل اولنده محرر شرائط و ایضاحات خیار
شرط اجاره ده دخی شاملدر .

[شو قدر کون] تعمیری ۳۰۰ نجی ماده شرحنده ایضاح اولندینی
وجهله مجله جمعیتجه امامین قولنک اختیار اولنه رق هر قاج کون

اولور ايسه اولسون مدتک معلوم ومعین اولمسنه اشارتدر .

۴۹۸ ماده مخیر اولان کیمسه مدت خیارینده دیلرسه

اجاره‌یی فسخ ایدر و دیلرسه مجیز اولور .

۳۰۱ نجی ماده شرحنده محرر ایضاحات بوماده‌یه دخی شاملدر .

۴۹۹ ماده کرک فسخ کرک اجازت ۳۰۲ و ۳۰۳ و ۳۰۴

ماده‌لرده بیان اولندیغی اوزره اقولا اولدیغی کبی فعلا

دخی اولور .

بناء علیه آجر مخیر اولدیغی صورتده مأجورده تملکک لوازمندن اولان
بروجهاله تصرف ایتسی فسخ فعلیدر . ومستأجر مخیر اولدیغی صورتده
مأجورده مستأجریتک تصرفی کبی تصرف ایتسی اجازت فعلیه در .

۵۰۰ ماده مخیر اولان کیمسه اجاره‌یی فسخ یاخود

انفاذ ایتدن مدت خیار مرور ایدر سه‌خیاری ساقط اوله‌رق

اجاره لازم اولور .

۳۰۵ نجی ماده‌یه نظر بیوريله .

۵۰۱ ماده مدت خیار وقت عقددن اعتبار اولور .

۴۸۶ نجی ماده‌ده محرر اسباب بوماده حقه‌ده دخی سبیدر .

۵۰۲ ماده مدت اجاره‌نک ابتدای خیاریک سقوطی

وقتندن معتبردر .

خیار شرط لزوم عقده مانعدر . کرک معین اولان طرفک رضاسی

كرك مدتک انقضاسيله خيار شرط ساقط اولدوقده مانع زائل اولونجه
ممنوع عودت ايده جكسندن عقد لازم اولور. شو حالده عقدك ابتداسي،
لزومك وقت تحققتندن معتبر اولمق لازم كلور. §

موجر بخير اولوب ده مدت خيار منقضى اولمقسزين مستأجر
مأجورى بلا اذن الأجر تصرف ايتسه مدت اجاره دنك ابتداسي،
خيارك سقوطى وقتندن معتبر اوله جفتندن آندن اول مستأجر ك تصرفى
غصب قيللندن اولور.

بناءً عليه موجر اجاره يى فسخ ايتسه تصرفندن طولايى مستأجر دن
اجرت طلب ايده ميه جكي كى اثنای تصرفده مأجور بلا تعد ولا تقصير
تلف ويامعيوب اولسه مستأجر ضامن اولور.

۵۰۳ ماده شو قدر ذراع يا دوئم اولمق اوزره استيجار
اولنان ير زياده يا خود نقصان چيقسه اجاره صحيح اولور.
واجر مسمى لازم كلور.

فقط نقصان صورتنده مستأجر بخير اولوب ديلر سبه
اجاره يى فسخ ايده بيلور.

بوكا (خيار وصف) دينور. هر نه قدر اراضيدن بحث اولمش
ايسه ده ديكر شيلرده دخى خيار وصف اوله بيله جكسندن ماده مشروحه دن
مقصد ببعده اولدينى كى اجاره ده دخى خيار وصفك جائز اولدينى
بياندر. بناءً عليه كتاب البيوعك باب سادسك خيار وصفه دائر
اولان فصل ثانیسند مندرج شرائط و ایضاحات اجاره يه دخى شاملدر.
خيار وصفده حکمك فوائد انتسابندن طولايى مأجورده وصف

مرغوب کلیاً و یا بعضاً مفقود و یا نقصان چیه قدقه یا لکیز مستأجر
مخیر اولوب زیاده چیقار ایسه . موجر ایچون خیاری وصف ثابت
اولیه جفتدن ماده مشروحه ده [مستأجر مخیر اولوب دیلرسه اجاره یی
فسخ ایده بیلور] دینلوب موجردن بحث اولنما مشدر . §

دوئم و ذراع کی مقادیر اوصافدن اولمغله مأجورک مقدار یله
آحاد و افرادینک بهاسی بیان و تفصیل اولندقجه مجرد [شو قدر ذراع
یا دوئم اولمق اوزره استیجار اولنان یر زیاده یا خود نقصان چیه سه
اجاره صحیح اولور] یعنی فاسد اولماز . و زیاده چیه قدقه موجر بدل
ایجارک تزییدینی طلب ایده میه چکی کی نقصان چیه قدقه دخی
مستأجر بدل مزبوری تنقیص ایده میوب آنحق آنفاً بیان قلندینی
وجهله مخیر اولوب اجاره یی فسخ ایده بیلور . فسخ ایتمدیکی حالده
[اجر مسمی لازم کلور] .

فقط مأجورک مقدار یله آحاد و افرادینک بهاسی بیان و تفصیل
اولندقه ذراع و دوئم کی اوصاف قدر منزله سه ارتفاع ایدرک اجر تدن
حصه دار اولور .

بناءً علیه یوز آرشون اولمق اوزره هر آرشونی شهریه اونر
غروشدن بر آیی مدت ایله استیجار اولنان غرضه طقسان بش یا خود
یوز بش آرشون چیه قدینی تقدیرده مستأجر مخیر اولوب دیلرسه
اجاره یی فسخ ایدر و دیلرسه طقسان بش آرشون ایسه طقوز یوزاللی
و یوز بش آرشون ایسه بیک اللی غروشه قبول ایدوب خیارینی اسقاط
ایدر . و بوکا « خیاری تفرق صفقه » دینور . ۲۲۶ نجی مکده یه نظر اولنه
۵۰۴ ماده هر دوئی شو قدر غروشه اولمق اوزره

بریر استیجار اولنسه اجرتی دوئم حسابیله ویریلور .

ماده سابقهده شوقدر ذراع ویا دوئم اولمق اوزره یعنی وصفی ذکر اولنهرق بر مجموعك استیجاری صحیح اولدینی بیان قلندی .
بومادهده ایسه بر مجموعك قاج ذراع یادوئم اولدینی ذکر ایدایهرك فقط هر دوئمی شوقدر غروشه اولمق اوزره استیجارینك صحیح اولدینی بیان قلیور .

كذلك ماده سابقه موجبجه استیجار اولنان مجموعك مقداری اوصاف مذکورددن زیاده یا نقصان چیققدقه اجر مسمی لازم کلوب فقط نقصان چیققدینی تقدیرده مستأجر ك مخیر اولدینی وبومادهده مستأجر ك مخیر اولیوب اجرتی دوئم حسابیله ویرمی لازم کلهجکی بیان قلیور .

بوماده بیعهدهکی « صبره » مسئله سنه مشابه اولوب برنجی جلدده مندرج مضبوطده محرر اولدینی وجهله امام اعظم حضرتلرینك اجتہادنجه یالکز بردوئم حقنده اجاره صحیح وماعداسی ایچون قاسد اوله جفندن ماده مشروحه امامین حضرتانك اجتہادی وجهله قلمه المنشدر . ۲۲۰ نجی مادهیه نظر بیوريله .

۵۰۵ ماده برایش فلان وقته قدر ایفا اولمق اوزره

اجرتی تعیین اولنهرق عقد اجاره جائز وشرط معتبر اولور .

بوصورت خیار شرط ایله اجارهدرکه صحتی ۴۵۷ نجی مادهدن صکرة یازیلان لاحققهده بیان قلندی ، اگرچه امام اعظم حضرتلری بومادهده مدت ایله عمل جمع ایدلمش وایکیسینده معقود علیه اولمغه

متحمل بولنش اولديغندن اجرتك اعطاسی تمام عملدن صكره لازم
 كله چكى جهته عملك ذكرى ايله معقود عليه اولمسی مستأجر حقنده
 واجير خاص ایفای عمل ایتسون ایتسون مدتک مروريله اجرتنه
 مستحق اوله جنی جهته مدتک ذکرى ايله معقود عليه اولمسی اجیر
 حقنده فائده لو اوله حقنه ویرینک دیکرینه ترجیحی موجب سبب
 اولمديغه بناء عقد اجاره نك فاسد اوله جنی رایینه بولنش ایسه ده
 امامین حضراتی شرط ايله اجاره ده عقد عمل اوزرینه وارد اولوب
 مدتک ذکرى استعمل ایچون اولديغندن بحثله اجاره نك فسادى
 ادا اولنه من . زیرا مقتضای عقددن اولان شرط صحیح اولوب
 بقدر الامکان مراعات اولمق لازم کلور دیو اجتهاد ایلدکلرندن
 بوماده مشار الیه مانک اجتهادینه موافقدیر .

مثلا برکیمسه کسوبده کوملک دیکمک وبوکون یتشدیرمک اوزره
 درزی به بز ویرسه یاخود شو قدر کونده مکویه یتشدیرمک اوزره برآدمدن
 دوه استکرا ایتسه اجاره جائز اولور . و آجر شرطی ایفا ایدزایسه اجر مسمی
 آلور و ایفا ایتمه ایسه اجر مسمای تجاوز ایتماک اوزره اجر مثل آلور .
 زیرا شرطک عدم ایفاسنیدن طولای آجر اجر مسمایه کسب
 استحقاق ایده من فقط اجرت مقاوله اولمش و طرفین بمقدار معلومه
 رضی اولمش اولدکلرندن اندن زیاده اولماق اوزره اجر مثل لازم کلور .

۵۰۶ ماده عملده وعاملده و حمل و مسافده و مکانده

وزمانده ایکی یا اوچ صورت اوزرینه اجرتک تردیدی صحیح
 اولور . و هر قننی صورت فعله چیقارایسه آکا کوره اجرت
 اعطاسی لازم کلور .

ترديد ايله ايجار بيمده كي خپار تعين منزله سنده در . بينلرنده كي
 فرق شودر كه بيمده حين عقده خپارى ذكر ومدتى تعين ايتك
 شرطدر . اجاره ده ايسه بونلره حاجت يوقدر . چونكه اجير ترديد
 اولنان شيلردن قنغيسى فعله چيقاير ايسه . اكا كوره تعين قنمش
 اولان اجرنه مستحق اوله چي كي معقود عليه دخي تعين ايتمش
 اولور .

آنچق ترديد دفع احتياج ايجون ضرورته بناء تجويز اولنوب
 ضرورتلر ايسه كندو مقدار لرجه تعين اولنه چقندن و برشى اعلى
 و اوسط و ادنى اوله بيله چكندن اوچدن زياده ده ترديد جائز دكلدر .
 عملده ترديد مثال :

مثلا . كنه آردى ديگمك اوزره شو قدر و او بولغامه ديگمك اوزره
 بوقدر غروشه بازارلق اولندقدنه قنى صورتده ديكيلور ايسه آ كا كوره
 مقاوله اولنان اجرتك اعطاسى لازم كلور .

عملده ترديد مثال :

ياخود بردكانده عطارلق ايتك اوزره شو قدر و تيمور جيلك ايشتمك
 اوزره بوقدر غروشه مقاوله اولندقدنه مستأجر قنى عملى اجرا ايدر ايسه
 آ كا كوره اجرت معينه سنى اعطا ايدر .

عملده ترديد مثال :

وكذا بردابه بىداى يوكلمك اوزره شو قدر و تيمور يوكلمك اوزره
 بوقدر غروشه استكرا اولندقدنه قنغيسى يوكلدرايسه آ كا كوره معين اولان
 اجرتى ويرر .

مسافده ترديد مثال :

ياخود مكارى « شوحوانى بخورلى يه دك يوز وادرنه يه دك ايكي يوز و فلبه يه دك
 اوچ يوز غروشه ايجار ايتدم » ديد كده مستأجر نومه كيدر ايسه . اوراسنك
 اجرتى اعطا ايدر .

شهو اوج مثال یعنی عاملیده، حمایه مسافده تردید امام اعظم
حضرت تارینک اجتهادی وجهله محرر اولوب امامین حضراتنه کوره
غیر جائزدر .

مکانده تردیده مثال :

و كذلك اجر «شو خانه بی یوز و بوخانه بی ایکی یوز غروشه ایجار ایتدم»
دیوب مستاجر دخی قبول ایتدکن ضکره هر قفیسندنه ساکن اولور ایسه آنک
ایچون معین اولان اجرتی ویرمی لازم کلور .

زمانده تردیده مثال :

کذلك برکیمسه برجبه بی ادرزی یه بوکون دیکر سه الی و یارین دیکر سه
اوتوز غروش ویرمک اوزره بازارلقی ایتسه جائز و شرطلر معتبر اولور .

فصل ثانی

خیار رؤیت حقنده در

۵۰۷ ماده مستاجر ایچون خیار رؤیت واردر .

خیار رؤیت تمام حکمی منع ایتدیکندن و اجاره نک حکمی ملکیت
اولدیفندن اجاره صحیحده دخی خیار رؤیت بلا شرط مستاجر ایچون
ثابت اولور . و بیعده بایع ایچون خیار رؤیت اولمدینی کی اجاره ده دخی
موجر ایچون خیار رؤیت یوقدر . فقط محک اختلافله مختلف اولان
عملده اجیر ایچون خیار رؤیت واردر .

کذلك بیع فاسدده خیار رؤیت اولمدینی کی اجاره فاسدده
دخی فسادندن طولانی فسخ اولنه بیله جکندن خیار رؤیت لزوم
یوقدر . بنابرین کتاب البیوعک باب سادسک خیار رؤیت حقنده کی
فصل خامسندنه مندرج شرائط و احکام و بیان اولتان ایضاجات
اجاره نک خیار رؤیت ده شاملدر .

۵۰۸ ماده مأجورك رؤيتى منافعك رؤيتى كيدير .

بيعه مبيع عين اولديغندن انك رؤيتى مقتضى ايسه ده اجاره ده معقود عليه اولان منفعت ابتداء معدوم وغير مرئى اولديغى جهته محل منفعت اولان مأجور واجيرى رؤيت، منفعتى رؤيت كيدير .

۵۰۹ ماده مستأجر كوزمدن بر عقارى استيجار ايتسه كورد كده مخير اولور .

خيار رؤيت عقاره مخصوص اولمىوب مأجور عروض وياحيوان اولسه آنلرده واجيرده دخى حكم بويله در .

وبر كيمسه صفقه واحده ايله استيجار ايتش اولديغى متعدد شـيـلـرـك بعضيسنى اولجه استيجار ايتك نظريه كورمش اولسه بيله كورمديكى كورد كده ديلر ايسه عمومنده اجاره يي فسخ ايده بيلور . اما صفقه يي تفريق ايله اجاره يي بعضيسينده فسخ وبعضيسينده ابقا ايده مز . ۳۲۸

۵۱۰ ماده بر كيمسه مقدا كورمش اولديغى برخانه يي

استيجار ايتسه آنك ايچون خيار رؤيت يوقدر .

مقدا استيجار قصديله كورمش اولديغندن بيلهرك استيجار ايتشدور .

مكر كه سكونايه مضر اوله جق بر محلى منهدم اوله رق

هيئت اولاسى تغير ايتش ايسه اول حالده مخير اولور .

چونكه مستأجر ك كوروب بيله يكي حاك دكشد يكنندن يكيدين كورد كده حق خيار ثابت اولور .

۵۱۱ ماده هر عمل که محلك اختلافيله ذاتاً مختلف اوله

نده اجيرك خيارة وئتي واردر.

مثلاً بر جبه ديكمك اوزره درزي ايله بازارلق اولنديني صورتده درزي
يکه چکی چوقه ياشاليني کوردکده مخير اولور.

شرعده ضرر ومقابله بالضرر اولديفنندن خیار رؤيتک ثبوتيله
مستأجر ضرردن وقايه ايدلديکی. مثلاً چونکه عمل اوزرينه وارد
ولان اجاردهده [محل] يعنی مستأجر فيهی رؤيت منافع اوزرينه اولان
جاردهده مأجوری رؤيت کي اولديفنندن محلك اختلافيله ذاتاً مختلف
ولان عملده اجير مستأجر فيهی کوردکده مخير اولوب ديگرسه اجاره يني
فسخ ايدر وایسترسه ايفای عمل ايلر. فقط :

۵۱۲ ماده هر عمل که محلك اختلافيله مختلف اولمیه

آنده خیار رؤيت یوقدر.

مثلاً شوقدر قیه پاموغک چکرده کئی آیقلامق اوزره شوقدر غروشه
قاوله اولندقدده اجير پاموغي کورمه کندوسی ایچون خیار رؤيت یوقدر.
زیرا پاموغک جنس ونوعی تغیر ایددییلور ایسهده هر قفنی جنس
ونوع پاموق اولور ایسه اولسون چکرده کئی آیقلامق خصوصنده کئی
کلفت وممستقت اختلاف اعمال وحکمی موجب اوله حق درجهده
فرقلی دکلدز. §

شو ایکی مادهدن مستبان اولدیغنه کوره اجیر، مستأجر کئی صورت
مطلقدهده مخیر اوله میوب اسباب آتق البیانه بناءً یا لکزر عملی محلك
اختلافيله مختلف اولاندرده مخیر اولور.

فصل ثالث

خیار عیب حقنه در

۵۱۳ ماده بیعده اولدینی کبی اجاره ده دخی خیار

عیب واردر .

چونکه عقد مطلق معقود علیه عییدن سلامتی اقتضا ایدر .
 عییدن سالم اولماز ایسه مستأجرک رضاسی بولنماش اولور . عیب کرک
 قبل العقد حاصل اولمش اولسون کرک بعد العقد اولسون . §
 بیع ایله اجاره بیننده خیار عیب خصوصنده اوچ فرق واردر .
 ایگیسی ظاهر آ و اوچنجیسی ماهیه در . ظاهر آ اولان فرقلردن برنجیسی
 شودر که : ۵۱۵ نجی ماده دن آ کلاشلدینی اوزره اجاره ده بعد القبض
 حاصل اولان و تماماً استیفای منفعتدن مقدم بولنان عیب خیاری
 موجبدر . حال بوکه بیعده بعد القبض حادث اولان عیب خیاری
 موجب اولیوب عیب قدیم اولق اقتضا ایدر .

بوفرقت ظاهریدر . حقیقته فرق یوق دیمکدر . چونکه اجاره دم
 بعد القبض حاصل اولان و منفعتک تماماً استیفاسندن مقدم بولنان عیب
 بیعده بعد البیع و قبل القبض بایع یدنده ایگن میعده حادث اولان عیب
 کبیدر که موجب ردددر . زیرا اجاره ده معقود علیه منفعت اولوب منفعت
 آنآ لاً حادث اولدقجه اجاره دخی ساعه بساعه منعقد اوله جفتدن
 منفعتدن هر بر جزؤ قصداً معقود علیه اولور . بناءً علیه منفعتک تماماً
 استیفاسندن اول حادث اولان عیب منافعت قبضندن اول حادث
 اولمش دیمکدر .

ظاهرأ اولان فرقلردن ايكنجيسى بودر كه : مأ جورك منافعى فوت
ايدن عيبدن طولايي مستأجر كرك قبل القبض كرك بعد القبض اجاره يي
نسخه مقتدر اولديني جهتله موجرك حضورنده فسخ ايتد كده آنك
رضاسنه ويا حاكمك قضاسنه حاجت يوقدر . حال بوكه بيعده بعد القبض
فسخده يا قضا ويا رضا لازمدر . ۳۳۷

آنحق بوده حقیقه برفرق دكلدر . چونكه برنجي فرقك سيبدن
دخى آ كلاشديني اوزره منفعتك تمامأ استيفاسندن اول حاصل اولان
عيب ، مبيعك قبضندن اول حاصل اولان عيب كيدير . بناءً عليه بيعده
قبل القبض خيار عيبدن طولايي مشترى عقدى فسخ ايدد جك اولسه
رضا ويا قضايه لزوم اوليوب بايع حاضر اولديني حالده خود بخود
فسخ ايدد بيلوردي .

ماهية اولان اوچنجي فرقه كلنجه : بيعده عيب اهل واربابي عندنده
مالك بهاسنه ايراث نقصان ايدن قصوردر عبارتدر . زيرا بيعده معقود عليه
عين مبيع اولديني جهتله عينه ايراث نقصان ايدن قصور لر خياري
موجب اولور . اما :

۵۱۴ ماده اجاره ده خياري موجب اولان عيب منافع
مقصوده نك بالنكليه فوت يا خود مختل اولمسنه سبب اولان
شيدير .

مثلا خانه بتون بتون منهدم اولق و دگر منك صوي كس ملك ايله منفعت
مقصوده فوت اولديغندن و خانه نك چايشي چوكمك يا خود سكونايه مضر بر محلي
منهدم اولق و كرا بار كيرينك صرق ياره لثمق منافع مقصوده يي اخلاص ايلديكندن
بونلر اجاره ده خياري موجب اولان عيوبنددر .

چونکه اجاره ده معقود علیه منفعت اولدیفندن منفعته تعلق ایدن
 قصور لر خیاری موجب اولور. زیرا منافع مقصوده بالکلیه فوت اولنجه
 مقصد استیجار زائل اولور. و منافع مقصوده مختل اولنجه مقصد استیجار
 دخی مختل اولور. پنا برین مستأجر هر ایکی صورتده دخی مخیر اولور.
 اما خانه نك ایچروسنه یغمور و صفوق کیرمه جك صورتده صیواسی دوکلك
 و بار کیرك یله سی یا خود قویروغی کسلك کبی منافی اخلال ایتمیان قصور لر
 اجاره ده خیاری موجب اولماز.
 واقعا بونلرده قصور ایسه ده منافع مقصوده بی فوت و یا اخلال
 ایتیمه جکندن خیاری موجب اولماز.

شو حالده [منافع مقصوده] جمله سی منافع غیر مقصوده دن
 احتراز ایچوندور.

ماده مشروحه مألندن مستبان اولدیفنه کوره اجاره ده خیاری
 موجب اولان عیب ایکی نوع اولوب بری منافع مقصود نك بالکلیه
 زائل اولمسیدر که حکمی ۵۱۸ نجی ماده ده بیان اولمشدر. دیگر ی
 منافع مقصوده نك قسماً فوت اولمسیدر که حکمی ۵۱۶ نجی ماده ده محرر در.

۵۱۵ ماده منفعتك تماماً استیفاسندن مقدم مأجورده

و یا اجیرده بر عیب حادث اولسه وقت عقدده موجود کیدر.
 یعنی وقت عقدده موجود اولان عیب کبی خیاری موجب اولور.

۵۱۶ ماده مأجورده بر عیب حادث اولدقده مستأجر

مخیر در. دیلر سه عیبی ایله برابر استیفای منفعت ایلر. بوصور تده
 اجرتی تماماً ویرر. و دیلر سه اجاره بی فسخ ایلر.

بوماده ده بیان اولنان عیب منافع مقصوده نك مختل اولمنه سبب اولان
عیدر . منافع مقصوده بالکلیه فوت اولان عیب قییلندن ایسه اجرت
ساقض اولور و ۵۱۸ نجی ماده نك احکامی جریان ایدر .

عیب ایله برابر استیفای منفعت ایدر ایسه اجرت تماماً لازم
کلور یوقسه اجرتی تنقیص ایده من . زیرا عیب وصف قییلندن اولقله
اجرتدن حصه سی اوله من .

۵۱۷ ماده مستأجر ك اجاره یی فسخندن مقدم آجر

اكر عیب حادثی ازاله ایدر و یا خود عیب زائل اولیورر ایسه
مستأجر ك حق فسخی قالماز . و مستأجر بقیه مدته متصرف
اولق ایستد كده آجر دخی اكا مانع اوله ماز .

و مستأجر بقیه مدته تصرفدن و اجرتی اعطادن امتناع ایده من .
زیرا بر عذر ایچون جائز اولان شی اول عذر ك زوالیله باطل اولور .
و مانع زائل اولدقده ممنوع عودت ایدر . و عقد اجاره انحق فسخ
ایله منفسخ اولوب عیبك حدوئیه منفسخ اولماز .

۵۱۸ ماده منافی اخلاص ایدن عیب حادثك رفعندن

مقدم مستأجر اجاره یی فسخ ایده جك اولور ایسه آجر ك
حضورنده فسخ ایده بیلور . یوقسه غیابنده فسخ ایده من .

اكر چه اجاره نك فسخی موجرك قبولنه متوقف دكسه ده منفعتك
مختل اولدیغندن طولای حق فسخ مستأجر ك منفعتی متضمن اولدیغندن
موجرك منفعتی دخی محافظه اولمق اوزره اولجه كندوسنه خبر

ویریلهرک فسخ ایدلمک اقتضا ایدر . زیرا عیب ایله عقد اجاره باقی اولوب مستأجر مأجوردن عیلولو اوله رق استیفای منفعتیه مقتدر اولدینی جهته آجره خبر ویرلمکسزین فسخه مقتدر اولسه آجر اجاره باقیدر ظنیه استیفای منفعت ایده میوب متضرر اولور ضرر واجب الازاله اولدیغندن مستأجر آجری خبردار ایتمکله مکلفدر .

وا کر آجرک غیابنده یعنی اکا خبر ویرمکسزین فسخ ایدر ایسه فسخی معتبر اولیوب کما کان مأجورک کراسی ایشلر .

مکرکه بلا اخبار اولان فسخه آجر قولاً ویا فعلاً راضی اولسه اوچالده کرا ایشلمز .

اما منافع مقصوده بالکلیه فوت اولدینی صورتده آجرک غیابنده دخی فسخ ایده بیلور .

بوصورتده آجر حقنده ضرر تصور اولنه مز .

وکرک فسخ ایتسون وکرک فسخ ایتسون ۷۸ نجی

مادهده بیان اولدینی اوزره اجرت لازم اولماز .

مثلاً خانه مأجورک منافی اخلاص ایدر برمحلی منهدم اولسه مستأجر فسخ اجاره ایده بیلور . فقط آجرک حضورنده فسخ ایتسی لازم کلور یوقسه اکا خبر ویرمکسزین خانهدن چیقویرسه جیقماش کبی اجرت ویرمسی لازم کلور .

اما خانه بتون بتون منهدم اولدینی صورتده آجرک حضورینه محتاج اولقسزین مستأجر فسخ اجاره ایده بیلور .

فقط خانه بتون بتون منهدم اولديغندن طولايي عقد اجاره بلا
فسخ منفسخ اولماز. چونكه منافعك عودتي ممكندر يعنى مستأجر عقدی
فسخ ايتمكسزین آجرك عیبی ازاله ایتك احتمالی واردر.

وهر حالده اجرت لازم کماز .

[هر حالده] قیدندن مقصد مستأجر اجاره یی آجرك حضورنده
فسخ ایتسون ایتسون وایستر ایسه مأجورده عقد اجاره دن مقصود
اولان منافعك غیرى بر صورتله انتفاع ایتسون اجرت لازم کماز
دیمکدر .

بناء علیه مستأجر بتون بتون منهدم اولان خانه عرصه سینه
چادیر قورارق ساکن اولسه عرصه ده بوجله سکننا عقد اجاره نك
تضمن ایتدیكى منافع مقصوده دن اولمديغندن اجرت لازم کماز .
اما معقود علیك جزئندن انتفاع ایدر ایسه اجرتدن اصابت
ایده جك مقدارك لازم كله جكي ۴۷۸ نجی ماده ده بیان قلمشدر .

§

منافع مقصوده عودتی قابل تصور اولمه جق صورتده فوت
اولسه مثلاً مأجور اولان حیوان تلف اولسه اجاره بالطبع منفسخ اولور .
شو حالده متن ماده ده محرر [اما منافع مقصوده بالکلیه فوت
اولدینی صورتده آجرك غیابنده دخی فسخ ایده بیلور] فقره سندن
مقصد منافعك اعاده سی قابل اولسه بيله مادامكه بالکلیه فوت اولمشدر
مستأجر مخیر اوله رق اعاده سینه انتظار ایتمكسزین اجاره یی فسخ
ایده بیلور یا خود اعاده سینه انتظار ایلر دیمکدر .

§

کذلک بوفقره دن مستبان اولدیغنه کوره فسخ اجاره ایچون عیبك

فوق العاده اوله رق حدوث و ظهوری لازمدر. یوقسه موقتاً عیلمنمی
 عادت اولان شیلرده عقد اجاره عیب مذکورک معلومیتی اوزرینه واقع
 اوله جفتدن مستأجر بخیر اوله من. مثلاً ذکر من هر سنه طغیان میاه
 ایله موقتاً معطل اولور ایسه بوندن طولانی مستأجر اجاره بی
 فسخ ایده من.

۵۱۹ ماده خانه نك بر او طه سی یا خود بر دیواری منهدم
 اولوبده مستأجر فسخ اجاره ایتیه رك باقیسنده ساکن اولسه
 اجرتدن برشی ساقط اولماز.

چونکه بونلر وصف قیلندن اولدیغندن اصله تابعدرلر. تابع
 اولان شیئه آیروجه حکم ویریه من.

۵۲۰ ماده بر کیمسه ایکی خانه بی بردن شو قدر غروشه
 استیجار ایدوبده بریسی منهدم اولسه ایکینسی بردن ترك
 ایده بیلور.

۳۵۱ نجی مادهده تصریح اولندیغنی اوزره صافقه واحده ایله
 متعدد شیلرك ایجارنده عیب یا قبل القبض و یا بعد القبض حادث اولور.
 اگر قبل القبض حادث اولاش ایسه ماده مشروحهده بیان اولندیغنی
 اوزره مستأجر مذکور خاهرك ایکینسی بردن ترك ایده بیلور. یوقسه
 منهدم اولانی ترك وانك حقنده اجاره بی فسخ و منهدم اولیاینده
 اجاره بی ابقا ایده من. زیرا خیار عیب عقدك لزوم و تمام حکمنه مانع

اولوب قبل القبض تفريق صفقه جائز دكلدر وماده مشروحه دن مقصد
دخی بو صورتدر .

واكر بعد القبض حادث اولور ايسه معيوب اولانده اجاره يي فسخ
وديكرنده اجرتدن حصه سيله ابقا ايدوبيلور ، چونكه بو صورتده
عقد تمام اولديغندن تفريق صفقه لازم گلار .

۵۲۱ ماده شو قدر اوطه لی اولمق اوزره استیجار
اولنان خانه نك اوطه لری ناقص چيقسه مستأجر مخیردر .
دیلسه فسخ اجاره ایدر و دیلسه اجر مسمی ايله اجاره يي
قبول ایدر . اما اجاره يي ابقا ایدوبده اجرتدن بر مقدارینی
تنقیض ایده من .

زیرا اوطه لرك عددی وصف قیلندن اولمغله وصفك اجرتدن
حصه سی یوقدر . بوكا « خیار وصف » دینور . §

بو ماده دن مقصد اوطه لرك مجموعنه تعیین بدل ايله خانه استیجاری
حقنده در . اكر هر اوطه نك اجرتدن حصه سنی تعیین ایلش ايسه
اوزمان اوطه لرك عددی مقصود بالذات اوله جغندن نقصان چیقدينی
تقدیرده مستأجر دیلسه اجاره يي فسخ ایدر و دیلسه اجرتدن حصه سنه
اصابت ایدن مقدار ايله قبول ایلر . اوطه لرك حصه سنی تعیین ایلوب
فقط بر اوطه يي تسلیم ایتسه اجرتدن حصه سی مقهاری ساقط اولمغله
برابر مستأجر ك مخیر اوله جنی ۵۸۵ نجی ماده ده محرردر .

باب سادس

مأجورك انواع واحكامى بياننده اولوب درت فصلی حاویدر

فصل اول

اجاره عقاره متعلق مسائل بیاننده در

۵۲۲ ماده کیمک سکناسی ایچون اولدیغی بیان ایدلیه رک

بر خانه یا دکان استیجار اولنسه جائز اولور .

چونکه سکنا مستعمایک استعمالیه مختلف اولدیغندن کیمک ساکن اوله جفک بیانی اجاره نک فسخی ایچون شرط دکلدر .

§

اجاره ده اکثر احکام عرف وعاده مبتنیدر . زیرا اجاره نک مشروعیتی احتیاجات عمومیه بی دفع ایچوندر . بناءً علیه بو کتابک اکثر احکامی [عادت محکمدر] قاعده سنه تفرع ایدر . و ۲۳۰ نجی ماده ایله انی ولی ایدن مواد سائر احکامیجه بیعه ده من غیر ذکر داخل اولان شیلر اجاره ده دخی داخل اوله جفی کبی حق شرب و مسیل و مرور دخی من غیر ذکر داخل اولور . زیرا بونلر اساساً انتفاع ایچون وضع اولنشدیر . داخل اولمازلرایسه مأجوردن بوجه مطلوب انتفاع ممکن اوله مز .

۵۲۳ ماده بر کیمسه خانه سنی یا دکاتی ایچنده امتعه

واشیاسی اولدیغی حالده ایجار ایتسه اجاره صحیح اولوب

آجر امتعه واشیاسنی تخلیه ایله خانه یی تسلیمه مجبور اولور .

بو ماده دن اگلاشیلور که مشغولک ایجاری صحیحدر . آنجق کرا فارغاً تسلیم ایلدیکی تاریخدن اعتباراً ایشلر . و آجر مأجور مشغولی بامتخلیه تسلیمه مجبور اولور . فقط تخلیه و تفریقی ضرری مستلزم اولور ایسه اجاره فاسد اولور . مثلاً بر کیمسه ا کین اکیلمش و هنوز وقت حصادی کلامش اولان تر لاسنی آخره ایجارا یتدکده فاسد اولور . شو قدر که ا کینی قاع ایدوب تر لای فارغاً تسلیم ایدرسه اجاره صحته منقلب اولور . و یا خود ا کین بر غاصب طرفندن زرع ایدلمش ایسه او وقت ا کینک قلعی ایله مستأجره فارغاً تسلیمی ممکن اوله چغندن اجاره صحیح اولور .

۵۲۴ ماده بر کیمسه نه اکه جکینی تعیین یا خود هر نه

دیلرسه ا کمک اوزره دیو تعمیم ایتیه رک بر ارضی استیجار ایتسه اجاره فاسد اولور .

چونکه معقود علیه اولان منفعت مجهولدر .

فقط قبل الفسخ « قولاً و یا فعلاً » تعیین ایدوبده آجر

دخی راضی اولور ایسه صحته منقلب اولور .

زیر مانع زائل اولنجه ممنوع عودت ایدر . و فساد وقوع بولماش کی استیساناً آجر مسمی لازم کلور .

۵۲۵ ماده بر کیمسه دیلدیکی ا کمک اوزره استیجار

ایلدیکی ارضده صیفیه وشتائییه اوله رق برسنه ایچنده مکرراً
زراعت ایده بیلور .

بوماده ایکی شرط ایله مقید در . برنجیسی مدت اجاره ده ایکی
دفعه زراعت ممکن اولمق وایکنجیمی عقد اجاره ده «یا لکن صیفیه یا خود
شتائییه زراعت ایتمک اوزره» دیو برقید و شرط بولنما مقدر .

۵۲۶ ماده زرک ادرا کندن مقدم مدت اجاره
منقضي اولسه زرک ادرا کنه دک مستأجر اجر مثلی ویره رک
ارض اوزرنده اکینی ابقا ایده بیلور .

بوصورته ضرورت وارد در . ضرورته مبنی اجاره فسخ اولنه .
بیله جکی کی دفع ضرورت ایچون تمید دخی اولنه بیلور . و تمید
اولدینی تقدیرده اضطرار غیرک حقنی ابطال ایتمیه جکندن اجر مثل
لازم کلور . و بوجهله هرایکی طرفک حقنه مراعات اولنمش اولور .
فقط هرکس ملکنده کیف مایشاء تصرف ایده بیله جکی جهته
مستأجر ایستر ایسه اجاره بی تمید ایتمیه رک مزروعاتی قلع ایده بیلور .

§

اکنک ابقاسی یارضا ویا قضا ایله اولماید در . بویله اولماز ایسه
اجرت لازم کلر . چونکه منافع متقوم اولمیدیغندن مضمون دکدر .
مکرکه مال یتیم و امثالی و یا مال وقف و یا خود معدل الاستغلال اوله .
طورپ و خاوج و سائر سبزه مثللو نهایت معلومه سی اولان شیلر
دخی اکین کیدر .

§

ا کین ادراك اولمندن مستأجر وفات ایتسه اجاره حقیقتده منفسخ اولور ایسه ده اسباب محرره به مبنی حکماً منفسخ اولوب مدت اجاره نك خاتمه قدر اجر مسمی واندن صکره ا کین ادراك ایدنجیه قدر کجه جک مدت ایچون اجر مثل ویرلک اوزره ارض مزروع وارنی یدنده ابقا اولنور .

۵۲۷ ماده نه ایچون اولدیغی بیان ایدلیه رك دکان و خانه استیجاری صحیح اولوب کیفیت استعمالی عرف و عاده ته مصروف اولور .

۵۲۴ نجی ماده حکمنجه نه ا که جکی بیان ویا تعمیم ایدلیه رك راضی استیجاری فاسد اولسنه قیاساً بونکده فاسد اولسی لازم کلور اینسه ده استحساناً تجویز اولنمشدر . چونکه خانه و دکان اسکان و اجر ای عمله مخصوص اولوب کیفیت استعمالی دخی عرف ایله تعین ایده جکندن نزاعی موجب اولیه جفی کبی منفعت دخی مدت ایله تعین ایده جکندن جهالت ایله فساد عقده محل قالماز .

۵۲۸ ماده برکیمسه نه ایچون اولدیغی بیان ایتیه رك استیجار ایلدیکی خانه ده کندی سا کن اوله بیلدیکی کبی بشقه سنی دخی اسکان ایده بیلور .

و کندوسی سا کن اوله جفی بیان ایتسه بيله ینه بشقه سنی دخی اسکان ایده بیلور . چونکه خانه مستعملینک اختلافیه مختلف اولدیغندن و خانه نك بوش طور مسمی خرابی موجب اوله بیلور ایسه ده عادت

و جهاله اسكان محافظه معمور يته سبب اوله جغندن بويله بر شرط درميان
ايدلسه بيله لغودر .

وايچنه اشيا سني وضع ايد بيلور . و بنايه وهن و ضرر
كتورميه جك هر نوع ايش ايشليه بيلور .
بونلر لوازم و تمات سکنانددر .

اما بنايه وهن و ضرر كتوره جك ايشي صاحبك رضاسي
اولدجه ياپه ماز .

۱۰۸۱ نجی ماده نك فقره ثانيه سنده مصرح اولديني اوزره
خانه نك تحمیلندن زیاده اشخاص اسكان ايد مز . اسكان ايدوب ويا برشی
يا پوبده بنايه ضرر كلور ايسه چونكه برشی كندوسنه مساوي ويا
مادوني اولان شیء مستلزم اولور ايسه ده مافوقی استلزام ايتمه جکندن
خاص حکمنده اوله رق ضامن اولور . و بوصور تده اجرتدن بنايه اصابت
ايدن مقداری ویرمز زیرا اجرت ايله ضمان اجتماع ايتمز .

اما بوندن طولايي بنايه ضرر كلز ايسه مستأجر معقود عليه
اولان منفعتی مع زیاده اسـ تيغا ايلديكندن استـ حساناً اجر مسمی
لازم كلور . ۴۲۶

حيوان باغلامق خصوصنده عرف و عادت بلده معتبر

§

و مرعيدر .

يشقه سنه ايجار ايتماك شرطيله استيجار ايتمش ايسه بقدر الامكان
شرطه مراعات اولنق لازم كلور . بو مسئله ايجار عقار نظامنامه سنك
۲۱ نجی ماده سنده تصریح و تلئيد ايدلمشدر .

دكانك حكمی دخی بووجهله در .

فقط دكانده نه ايشايه جكي بيان ايديلور ايسه انك مثلي ويا مادونغي ايشايه بيلوب مافوقتي ايشايه مز .

مثلا عطارلق ايدنه جكني بيان ايله استيجارايتديكي دكانده تيمورجيلك ايدنه مز .

بو ماده نك حكمی مستعملينك اختلافيله مختلف اوليان عقاره دائر در . اما مستعملينك اختلافيله مختلف اولان عقاري صاحبك اذني اولدقجه مستاجر بشقه سنه استيجار ايدنه مز . سالف الذ كر ۲۱ نجی ماده نظاميه ده بو مسئله دخی بيان وتأييد ايدلمشدر .

۵۲۹ ماده منفعت مقصوده بي اخلاص ايدن شيلري

يا يقيم آجره عائددر .

چونكه مستاجر منفعت سالمه بي استيجارايتمشدر . منفعت سالم اولماز ايسه مقصود اولان فائده حاصل اولماز .

مثلا دكرمنك حرقني آيقلامق صاحبك اوزرينه در . كذلك خانه نك وصو يولرينك وكونكرينك» ولو كه مستاجر ك بروجه معتاد استعماليله خراب اولمش ويا دولمش اولسون» تعمير واصلحي وسكنايه محل اولان شيلرك انشاي وبنايه متعلق سائر ايشار هب صاحبي اوزرينه لازمدر . واکر صاحبي بولري ياقمندن امتناع ايدر ايسه مستاجر اول خانه دن چيجه بيلور .

امتناع ايله چيقمماق لازم كلسه مستاجر ك جبراً عقد اجاره بي قبول ايتمسي ايجاب ايدر بوده رضايه منافي در . تعمير واصلح ايچون موجره جبر ايدنه مز چونكه حقوق تصرفه دخل ايدلمز . بدل اجاره دن

دخی تنزیل ایدمه من . زیرا عیب وصفدر بدلدن اوصافه برشی ترتب
ایتمز . یالکمز خیار عیب ایله مخیر اولور .

مکرکه استیجار ایتدیکی وقت اول خانه بو حال اوژره اولوبده آتی
کورمش ایسه عیبه راضی اولمش دیمک اولسلیله صکره دنی بونی بهانه ایدرک
اول خانه دن چیقمه ماز . واکر مستأجر بو شیلری کندو طرفندن یاپار ایسه
تبرع قیلندن اولوب مصرفنی آجردن طلب ایدمه من .

یعنی مستأجر آجرك حسابنه اوله رق انك اذنی اولمقسزین یاپار
ایسه نظر اولور . یا مرمت غیر مستهلکه قیلندندر . یعنی یاپدینی
شیلر بوزلدینی تقدیرده انقاضی مال عداولنه حق راده ده در . مثلاً کراسته
وطاش و طوغله کی که بونلر بنادن تفریق ایدیلور ایسه ینه مالدر .
بونلرک قلعی ارضه مضر ایسه یوم خصوصته کی مستحق القلع
اولان قیمتی ویره رک تملک ایدر . واکر ارضه مضر دکلسه مستأجر
یپدینی شیلری بوزوب انقاضی آله بیلور .

یا خود مرمت مستهلکه قیلندندر . یعنی بوزلدینی تقدیرده مال
عد اولنه حق راده ده قالماز . بویا و صیوا کی که بونلری مستأجرک نه بوزمه
ونه ده موجردن قیمتی آلمغه حق اولیوب تبرع اولور .

۵۳۰ ماده آجرك اذنیله مستأجرک اجرا ایتدیکی تعمیرات
اکر طامک کرمیدینی اقطاع مق کی مأجورک اصلاحنه
وخلل تطرقندن صیانتنه عائد ایسه مصرفی آجردن آلمق
شرطی ذکر اولنماش ایسه بیله مستأجر بو تعمیراتک مصرفنی
آجردن آلور . واکر خانه نک فروتنی تعمیر ایتک کی مجرد

مستأجر ك منافعه عائد ايسه اويله بر شرط ذكر اولمدجه
مستأجر آنك مصرفنى آجردن آلهماز .

كتاب الوكالهك باب ثالثك مأموره دائر فصل رابعده مفصلاً
ذكر وبيان اولندينى اوزره بو خصوصده قاعده شودر : مدفوع
اليه مال مدفوعه بر مال مقابلنده اوله رقي مالك اولور ايسه حين امرده
شرط ضمان و شرط رجوع لازم دكلدر . تعبير ديكرله بر كيমে كندو
اوزرينه لازم اولان شينك دفع و صرفنى ديكرينه امر ايدر ايسه
شرط رجوعى ذكر ايتمه بيله مدفوعات و مصروفاتى آمردن آلور .
فقط لازم اوليان شينك دفع و صرفنى امر ايدر ايسه رجوع شرطى
ذكر ايتدجه آمردن آلهماز .

۵۳۱ ماده مستأجر بر عقار مأجورده بنا احداث ايتسه

يا خود آغاج ديكسه اجارهك انقضاسنده آجر نخير اولور .
ديلرسه اول بنايي يا خود آغاجي قلع ايتديرر .

زيرا مأجورى اصلى اوزره موجه تسليم ايتك مستأجره لازمدر .
بنا انشا و آغاج غرسى كى نهايت معلومه سى اوليان ويا اولوبده مدت
مديده ارض اوزرنده قالان شيلرى ايستر موجهك اذنيه ايستر بلا
اذن يابمش اولسون مأجورده ترك ايتك موجه حقده ضررى
موجبدر .

انجق آغاجك اوزرنده ميوه سى بولور ايسه ادرا كنه قدر اجر
مثلى ايله ابقا اولنور . ۵۲۶

ودیلر سه قیمتی آز اولسون چوق اولسون و یروب
ابقا ایدر .

مستحق القاع اولان قیمتی و یروب ابقا ایتک بنا و یا آغاجک
قلعی ارضه مضر اولدینی تقدیرده در . چونکه بهم حال قلع ایتک
مجبور اولسه آجر متضرر اوله جغندن بوضرک دفعی ایچون مستحق
القلع اولان قیمتی بالاعطا تملک ایتسنه شرعاً مساعدده اولمشدر
ولوکه بنا و یا آغاجک قیمتی ارضک قیمتدن زیاده اولسون .
لکن بونلرک قلعی ارضه مضر دکلسه بوحالده مستأجرک رضایی
اولمقسنزین تملک ایده مز . ۹۰۶

۵۳۲ ماده مدت اجاره ده ترا کم ایدن توز و طوپراق
وسوپرندینک تطهیر وازاله سی مستأجر اوزرینه عاندر .
زیرا مستأجر مأجوری استیجار ایتدیکی کی موجه تسلیم
ایتمک لازمدر . بومثللو ظاهر اولان شیلر مانع تسلیم اولور .

§

اما لغملرک تطهیری موجه عاندر . چونکه بطن ارضه
اولدیغندن مانع تسلیم دکلدر . یالکز حمام استیجارنده مسیلی مسقف
اولسه بيله تطهیری مستأجر اوزرینه در .

۵۳۳ ماده مستأجر مأجوری تخریب ایدر اولوبده
آجر منعنه مقتدر اوله مسسه حاکمه مراجعتله اجاره یی فسخ
ایتدیره بیلور .

بو حال اجازدنك فسخي موجب بر عذر در . لیکن كندوسی
خود بخود فسخ ایدہ من حاکمہ مراجعتله حکم استحصا ایتک
لازمدر .

اما مستأجرك بر معتاد استعمالیه بالطبع خرابلشسه موجب فسخ
اولماز . §

مستأجر مأجوری قمارخانه اتخاذ ایتک کبی غیر مشروع بر صورتده
قولالانور ایسه . وجر حکومتہ بالمراجعہ منع ایتدیر .

فصل ثانی

اجاره عروض حقندہ در

۵۳۴ ماده مدت معلومہ ایچون بدل معلوم مقابلندہ
البسه واسلحه وچادر وامثالی منقولاتک اجاره سی جائزدر .
مدتک معلومیتی منفعتک معلوم اولسی ایچونددر . ومادامکہ منفعتک
معلومیتی لازمدر . بدلتک دخی معلوم اولسی ایجاب ایدر . انجق
استیجار اولنان البسه بی کیم کیه جکنی تعیین ویا دیلدیکنه کیدیرمک
اوزره تعمیم اولنق لازم کلور . ۵۳۶ بویله اولماز ایسه اجاره فاسد
اولور . فقط قبل الفسخ تعیین ایدر یعنی یا کندوسی کیوب ویا
بشقہ سنه کیدیروبده آجر دخی راضی اولور ایسه ۵۲۴ نجی ماده دنک
فقره اخیرده سی حکمنجه صحتہ منقلب اولور . واستحساناً آجر مسمی
لازم کلور .

۵۳۵ ماده بر کیمسه بر محله کیتک اوزره البسه

استیجار ایتدکده اول محله کیتمیو بده خانه سنده کیسه یاخود
هیچ کیسه بیله اجرتنک اعطاسی لازم کلور .

کیوب بر محله کیتمک اوزره استیجار اولنان البسه بی خانه سنده
کیسه اجرت لازم کلسنک سبی شودر که تعیین اولنان اجرت کیسه
مقابلدر کیدیله چکی بیان اولنان محله مقابل دکلدر محل تعیینی
اورایه او البسه ایله کیتمکه مآذون اولق ایچوندر .

اما مآذونتی یوقسه یعنی خانه سنده کیمک اوزره استیجار ایلدیکی
البسه بی بر محله کیدرایکن کیسه مز . کیوبده تعدی و تقصیری اولمقسزین
تلف و یا سقط اولسه ضامن اولور . §

عقد اجاره مطلق اوله رق ذکر اولنسه بیله عرف و عادت آنی
تقیید ایده جکندن البسه بی خلاف معتاد کیسه مز . کیر ایسه ضامن
اولور . مثلاً البسه تجملاتدن ایسه کوندوز ایله کیجه او یقو وقتنه
قدر کیسه بیلور . اگر او البسه ایله یاتوب انسای خوابده بر طرفی
یرتسه ضامن لازم کلور .

فقط دون کی مستمر آ کیله جک بر شی ایسه کیجه و کوندوز
کیر و آنسکه یاتار و بر طرفی تعدی و تقصیری اولمقسزین یرتسه ضامن
لازم کلز .

البسه بی هیچ کیسه بیله اجرت لازم کلسنک سبی دخی اجاره ده
استیفای منفعته اقتدار ایله اجرتنک لزومیدر . فقط البسه بلا تعد
ولا تقصیر غائب اولسه مثلاً بو کون کیمک اوزره انسان البسه
کیمکسزین غائب اولسه اجرت لازم کلز .

۵۳۶ ماده بر کیمسه کندو کیمک اوزره استیجار

یلدیکی البسه بی بشقه سنه کیدیره مز .

زیرا البسه مستعملینک اختلافیه مختلف اولان شیردن اولدیغندن تقییدی معتبردر . فقط موجر «دیلدیکنه کیدر» دیو تعمیم ایلش ایسه دیلر ایسه کندوسی کیر وایسترایسه بشقه سنه کیدیرر وهر کیم کیرایسه مقصود تعین ایده جکشدن ارتق بشقه سنه کیدیرد مز .

۵۳۷ ماده حلیات البسه کیدر .

زیرا مستعملینک اختلافیه مختلف اولان شیردندر .

فصل ثالث

اجاره حیوان حقنده در

۵۳۸ ماده معین بر حیوانی استکرا ایلک صحیح اولدینی

کبی بر محل معینه قدر «مستاجری یا خود یوکنی» کو تورمک

اوزره مکاری ایله مقاوله ایتلک دخی صحیحدر .

اولکی صورتده معقود علیه حیواندر . یعنی عقد اجاره معین بر حیوانک منفعتی اوزرینه وارد اولدیغندن موجر مذکور حیوانی مستاجره تسلیمه مجبوردر .

ایکنجی صورتده معقود علیه مکارینک ذمتنه تعلق ایدن حملدر . موجر قبل و تعهدایتدیکی شیئی محل مقصوده ایصاله مجبور اولدیغندن مستأجرک را کب اوله جنی ویا یوکک تحمیل ایدیه جکی حیوانک

مجهولیتندہ باس یوقدر . یالکیز نرہ یہ کیدیلہ جکک و مستأجر
وحوالہ نک نفوس و مقدارینک و جنس و نوعنک بیان و تعیینی لازمدر .
بونلر معلوم اولانجہ مکارینک ذمتہ تعلق ایدن حمل دخی معلوم
اولہرق معقود علیہ مجهول قالماز .

پوستہ خانہ لرہ و واپور و تیموریولی اداره و شعبہ لرینہ مکتوب و امتعہ
و یرمک بو قییلنددر .

۵۳۹ مادہ فلان محلہ قدر دیو بر معین دابہ استکرا
اولندیغی صورتدہ اکر دابہ یولده بی تاب اولوب قالورایسہ
مستأجر بخیر اولور . دیلرسہ حیوان طورانجیہ قدر بکلر
و دیلرسہ اجارہ بی تقض ایلر . بو حالده اورایہ قدر اولان
مسافہ نک اجر مسماذن حصہ سی نہ ایسہ آنی آجرہ و یرر .
یوقسہ مکاریدن اکا بدل حیوان ایستہ یہ من . چونکہ معقود علیہ
او حیوانک منفعندن عبارتدر .

اجرت مسافہ نک مقدار طولنہ نسبت اولنمیوب شدت و صعوبتنہ
کورہ تقسیم اولنور . مثلاً مسافہ نک نصفی قطع اولنمغلہ بہمہ حال نصف
اجرت لازم کماز . قطع اولنان مسافہ نک سہولت و صعوبتنہ کورہ
اجرتدن حصہ افراز اولنور . §

مستأجر اجارہ بی فسخ ایتمیوب محل مقصودہ قدر حیوانی سوق
ایتدیکی حالده را کب اولمسہ بیلہ اجر مسمانک کلیسی لازم کلور .
مکرکہ حیوانک رکوبہ تحملی اولمیوب مجرد صاحبہ ایصال ایدنلش اولہ .

حيوان صاحبی برابر اولماق له مستاجر حیوانی براقوب کیتسه
نظر اولنور . اگر حیوان بالکلیه یورو مکدن عاجز قالمش ایسه
آچلقدن ویاسائر برسیدن تلف اولدینی تقدیرده ضمان لازم کلز . و اگر
جوارنده بولیان قریه یه کیده جک قدر یورو مکه مقتدر ایسه ترك ایتدیکی
محلده کی قیمتی ضامن اولور .

۵۴۰ ماده . فلان محله شو قدر یوک کو تورمک اوزره
بازارلق اولندینی صورتده حیوان یولده بی تاب اولوب
قالور ایسه بشقه حیوانه تحمیل ایله یوکی اول محله قدر
کو تورمکه مکاری مجبور اولور .

بوصورثده عقد حمل اوزرینه وارد اولدیغندن معقود علیه حمل
اولوب یوقسه حیوان دکلدر . حمل ایسه مکارینک ذمتنه متعلق اولدیغندن
یوکی محل معینه نقله مجبور اولور .

۵۴۱ ماده . لاعلی تعیین بر حیوان استیجاری جائز اولماز .
یعنی فاسد اولور . زیرا [حیوان] کله سی انواعی شامل وافرادی
منفعتده مختلف اولدیغندن مأجور غیر معین و معقود علیه اولان منفعت
منازعه یه مؤدی اوله جق وجهله مجهول اولور .

فقط بعدالعقد تعیین اولنوبده مستاجر دخی قبول ایدر
ایسه جائز اولور .

چونکه سبب فساد اولان مانع زائل اولدینی جهتله ممنوع عودت

ایده جکندن اجاره صحتش منقلب اولور و ۵۲۴ و ۵۳۴ نجی مادهلر
شرحنده بیان قلندینی اوزره استحصاناً اجر مسمی لازم کلور .

وبرده معتاد اولدینی اوزره لاعلی التعین بر نوعدن بر
ذابه استیجار اولندقدده جائز و مطلق متعارفه مصروف اولور .

مثلاً عادت اولدینی اوزره مکاری ایله فلان محله قدر بر بارگیر استیجار
اولندقدده مکاری بوجه معتاد بر بارگیر ایله اول کیمسه بی اورایه ایصال
ایتمک بورحلی اولور .

۵۴۲ ماده اجاره ده سنجاق و ولایت کبی بر قطعه نك

اسمیه حد مسافه بی تعیین ایلک کافی دکلدر .

اگر سنجاق و ولایت کبی بر قطعه نك اسمیه حد مسافه تعیین
ایدیش ایسه اجاره فاسد اولور . زیرا مکاری قطعه مذ کوره نك ا
یقین محله وارلدقدده اجاره منقضى اولدینی بیان و مستأجر دخی قطعه
مذ کوره نك ا اوزاق محله ایصالی لزومی اتیان ایله جکندن عاقدین
بیننده نزاعه مؤدی اولور . و بوضورتده اوقطعه نك ا یقین محله
وارلدقدده اجر مسمای تجاوز ایتمک اوزره اجر مثل لازم کلور .

مکرکه اول قطعه نك اسمی بر شهره اطلاق اولنق

اوزره عرف اوله .

بو حالده اجاره صحیح و او اسم شهر معروفه مصروف اولور .
هر نه قدر اسم مذ کور اوقطعه یه ده اطلاق اولنیور ایسه ده بر عقدی
صحته حمل ایتمک ممکن ایکن فساد حمل جائز دکلدر .

مثلاً بوسنه یه دك یا خود عربستانه قدر دیو حیوان استکرا ایلک صحیح

اولوبوب واريله جق شهر يا قصبه يا قريه نك تعييني لازم كلور . فقط شام لفظي برقطه نك اسمي اولديني حالده شهر دمشقه اطلاق اولنق اوزره عرف اولديغندن شاهه قدر ديو حيوان استكرا اولنسه صحيح اولور .

۵۴۳ ماده فلان محله قدر ديو بر حيوان استكرا اولنوبده

اول محلك اسمي ايكي بلده يه اطلاق اولنور اولديني تقديرده

هر قنغيسنه كيديلور ايسه اجر مثلي لازم كلور .

مثلا استانبولدن چكجه يه دك بر حيوان استكرا اولنوبده بيوك يا خود كوچك چكجه ديو تصريح قلنمديني تقديرده هر قنغيسنه كيديلور ايسه انك مسافه سنه كوره اجر مثل ويرلك لازم اولور .

چونكه بونلردن برينك ديكرينه ترجيحه سبب اولمديني ايچون حين عقدده كيديله جك محل تعين ايتمه رك منقعت مقصوده جهالت فاحشه ايله مجهول قالد يغندن اجاره فاسد اولور . شو قدر كه فساد اجر تك مجهول يتندن نشأت ايتمديكندن اجر مسامي تجاوز ايتماك اوزره اجر مثل لازم كلور .

۵۴۴ ماده بر بلده يه دك بر حيوان استكرا اولندقدده

مستأجری اول بلده ده کی خانه سنه قدر کو تورمك لازم اولور .

قياساً مدت مسافه بلده يه دخول ايله منقضي اولق لازم ایدی . خانه يه قدر کو تورمك مستأجر ك تمام مقصديني مستلزم وعرف وعادته مبتني اولديغندن استحساناً تجويز اولمشدر .

فقط مستأجر خانه سي اولق اوزره بر محله نزول ايتدكدن صكره «خطا ايتدم . بوراسي بنم خانه م دكل ايمش» ديه رك بر بشقه خانه يه کوتورولمسي طلب ايتسه اسعاف اولتماز . چونكه مذکور خانه يه

نزول ايله اجاره منقضى اولدى. هر كيمكه كندو طرفندن تمام اولان شئي نقض اتمكه سعي ايدر ايسه سعي مردوددر .

۵۴۵ ماده بر محل معينه دك حيوان استيجارايدن كيمسه مكازينك اذنى اولمدجه اول محلى تجاوز ايده مز. و تجاوز ايتد كده صاغ و سالم صاحبنه تسليم ايدنجيه دك اول حيوان مستأجر ك ضماننده اولوب كرك ذهابنده و كرك اياينده تلف اولسه ضمان لازم كلور .

بو ماده ايكي حكى حاويدر. برنجيسى: بر محل معينه دك حيوان استيجارايدن كيمسه بلا اذن اول محلى تجاوز ايده مز. زيرا عقد اجاره اول محله كيتمك اوزره منعقد اولمشدر . مستحق اولدينى منفعتك مافوقه تجاوز ايده مز .

ايكنجيسى: اول محلى تجاوز ايدوبده حيوان بلا تعد تلف اولسه ضمان لازم كلور . چونكه بلا اذن تجاوز ايتديكندن طولاي حكم غصب ترتيب ايدر . و مشروطك مافوقه تجاوز ايتد كدن صكره حد مأذونيته عودت ايتسه بيله مستأجر ك يد ضمانى يد امانته منقلب اولماز حيوانى صاحبنه تسليم ايدنجيه قدر ضماننده در . ۶۰۵ و ۸۱۱ نجى ماده لره نظر بيوريله . §

مستأجر حقنده محل معينه قدر اجر مسمى لازم كلور . چونكه معقود عليه تماميله استيفا ايدوب تعدى اولمديغندن ضمانى موجب دكلدر .

و محل معينى تجاوز ايتديكنده ضامن اولميجنى جهته تجاوز ايتديكى

محل ایچون اجرت لازم کماز . زیرا اجرت ایله ضمان اجتماع ایدمهز .
فقط مادامکه اجرت ایله ضمان اجتماع ایتیمور . اوحالده حیوان
ید ضماننده در . اجر مسمی دخی لازم کلاملیدر دیو برسؤال وارد
اولورسه جواباً دینلورکه اجرت ایله ضمان مجتمع اولماز قاعده سنندن
مقصد اصلی بر زمانده اجرت ایله ضمان اجتماع ایتمز دیمکدر . یعنی
ضمانی موجب اولان فعل اجرتی موجب اولماز بناء علیه محل معینه
قدر مستأجرده برکونه تعدی یوقدرانک ایچون اجر مسمی لازم کلور .
محل معینی تجاوز ایتدکده تعدی ایلمش اوله جغندن اندن صکرده سی
ایچون اجرت لازم کلیوب ضمان تحقیق ایدر .

۵۴۶ ماده بر محل معینه کیتمک اوزره دیو دابه استکرا
اولندقدده مستأجر اول حیوان ایله بشقه محله کیده مز .
وکیدوبده حیوان تلف اولسه ضامن اولور .

مثلاً تکفور طاغنه کیتمک اوزره استیجار ایلدیکی حیوان ایله اسلامییه
کیتسه و حیوان تلف اولسه ضمان لازم کلور .
یعنی حکم غصب ترتب ایدر . و حیوان تلف اولسه اجر مثل
لازم کلور .

۵۴۷ ماده بر محل معینه دیو حیوان استیجار اولنوبده
اورایه کیدن یوللر متعدد اولسه مستأجر ناسک سلوک
ایتدیکی یوللردن هر قنغیسیله ایستر ایسه کیده بیلور .
زیرا ناسک استعمالی بر حجتدرکه انکله عمل واجب اولور . بناء علیه

ناسك سلوك ايتديكى يوللاردن كیده من . كیدوبده حیوان تلف اولسه
ضمان لازم کلور .

و حیوان صاحبی کیده جکی یولی تعیین ایتیشیکن
مستأجر بشقه یولدن کیدوبده حیوان تلف اولدینی صورتده
اگر بویول حیوان صاحبك تعیین ایلش اولدینی یولدن
دها دولاشیق و صرب ایسه ضمان لازم کلور .

بو صورتده تقیید معتبر اولدیغندن ~~ا~~ کارعایت لازم کلور . رعایت
ایتمز ایسه غاصب حکمنده اوله جغندن ضمان لازم اولوب اجرت لازم
کلز . اما محل مقصوده سالمأ واصل اولور ایسه اجر مسمی لازم کلور .
زیرا جنس طریق بر اولدیغندن مخالفتك حکمی اثر تفاوت اولان
هلاکک ظهوریله اکلشیلور . و حیوان سالمأ صاحبنه تسلیم اولندوقده
تفاوت صورتأ اولوب مستأجر ایله موجر بیننده کی اختلاف زائل
اولور .

واگر مساوی یاخود دها اهون ایسه ضمان لازم کلز .

بو حالده تقیید معتبر دکلدر . حال استیجارنده دخی حکم بویله در .

۵۴۸ ماده مستأجر شو قدر مدت ایچون استیجار

ایلدیکی حیوانی اول مدتدن زیاده استعمال ایده من . وایدوبده

یدنده حیوان تلف اولسه ضامن اولور .

مدت انجاره نك ختامیله اجاره منقضی اولور و مستأجر ك حیوانی

مدت معینه ده استعمالیه معقود علیه اولان منفعتی استیفا ایلدیکمندن
ناشی تسمیه اولنان اجرتی ویرمسی لازم کلور . بوندن فضله استعمال
ایدر ایسه فضله سی حقنده حکم غصب ترتب ایدر .

۵۴۹ ماده فلان آدم بنمك اوزره دابه استکراسی

صحیح اولدینی کبی دیلدیکنی بندیرمك اوزره تعیمیا
استکراسی ذخی صحیحدر .

وبو تعیم ذخی ۵۵۲ نجی ماده ده محرر صورتی حمل اولنور .
هر حاله تعیین ویا تعیم ایدمك لازمدر . تعیین ایدلمز ایسه ترتب
ایده جك حکم ۵۵۳ نجی ماده ده محرردر .

۵۵۰ ماده رکوب ایچون استکرا اولنان حیوانه یوک

یوکلدیله مز . ویوکلدیلوبده حیوان تلف اولسه ضمان لازم

کلور . لکن بو حاله اجرت لازم اولماز . ۸۶ ماده یه باقی .

بوماده ایکی حکمی حاویدر . برنجیسی : رکوب ایچون استکرا
اولنان حیوانه یوک یوکلدیله مز یوک ثقلتی را کب اوله حق آدمك
ثقلتندن زیاده اولسون اولسون زیر یوک یوکلمك هر حاله رکوبدن
زیاده حیوانه مضردر . مستأجر عقد اجاره ایله منفعتك مثله ویا
مادوننه مالک اولور ایسه ده مافوقنه تجاوز ایده مز . اگر یوک یوکلتور
ایسه مافوقنه تجاوز ایتش اوله جغندن غاصب حکمنده اولور .

ایکنجیسی : یوک یوکلدیلوبده حیوان تلف اولور ایسه ضمان لازم
کلوب اجرت لازم کماز . زیرا ضمان ایله اجرت اجتماع ایتمز .

حيوان تلف اولدينى صورتده مستأجر على طريق الغصب استيفای
منفعت ايتديکندن اجر مثل لازم کلور .

۵۵۱ ماده فلان آدم بنك اوزره استکرا اولنان حيوانه

بشقه سی ارکاب اولنه ماز . وارکاب اولنوبده حيوان تلف
اولسه ضمان لازم کلور .

حيوان مستعملينك اختلافيله مختلف اولان شيلودن اولديغندن
بونده تقيد معتبر ومفيدر . §

عقد اجاره ايله تعيين اولنان شخص يعنى مستأجر ايله ديگر برکيمسه
مذکور حيوانه برلکده را کب اولور ايسه تعدی ايدلمش اوله جفندن
بروجه زیر احکام ترتب ايدر .

برنجیسی : مستأجر اوکيمسه يي اوکنه بنديرر ايسه حيوان هر
ايکيسنی طاشيمغه متحمل اولسون اولسون تلف اولدقده مجموع قيمتی
تضمن لازم کلور . تلف اولمز ايسه اجر مسمی لازم کلور .

ايکنجیسی : مستأجر اوکيمسه يي آرقه سنه بنديرر ايسه نظر اولنور
حيوان ايکيسنی برلکده طاشيمغه متحمل ايسه تلف اولدينى تقديرده
بالکز اجر مسمی لازم کلور . تلف اولدينى حالده اگر اوکيمسه
حيوانی کندولکندن اداره ايدجک درجه ده بيوجک چوجق ويا خود
بيوک شخص ايسه نصف قيمتی ضامن اولور . کرک جمیع مسافه دو
کرک بر مقدارنده ارداف ايتسون حکماً مساويدر .

ومستأجر دن اوکيمسه کرک خفيف کرک ثقيل اولسون ينه حکماً
مساويدر . چونکه حيوان ايکيسنك ثقلته تحمل ايدمه ريك تلف اولمشدر

و برینک رکوبی مأذون فیه اولمغله اکا ضمان ترتب ایتیموب فقط دیکرینک رکوبی غیر مأذون فیه اولدیفندن نصف قیمتی ضامن اولور .

واکراو کیسه کندولکنندن حیوانی قوللانه میه جق در جهده چوجق ایسه یا خود مستأجر آرقه سنه آدم ارداف ایتیموب معتادک فوقنده اشیا وضع ایتیمش ایسه آغراقلری نسبتنده حیوانک قیمتندن اصابت ایده جک مقصداری ضامن اولور . زیرا حیوان مستعملینک اختلافیه مختلف اولان شیلردن اولدیفندن رکوب ایچون استکرا اولنان حیوانه یوک یوکلتمک تعدی اولدینگی کی چوجقلر هر نه قدر جسمی ضعیف ایسه ده استمسا که مقتدر اولدقلری جهته حیوانه بنمکی بیامیان بر چوجقل ضرری بنمکی بیلن آدمدن زیاده در . و آغراقلرک و قیمت حیواندن اصابت ایده جک حصه نک مقدارینی اهل خبره تقدیر ایدر . واکر حیوانک مستأجر ایله ردیفی طاشیمغه تحمیلی یوقسه بوتقدیرده جمیع قیمتینی تضمین لازم کلور صفت وثقلته باقلماز .

اوچنجیسی: مستأجر دیکر بر کیسه بی کندی اوموزینه بندیرر ویا قوجاغنه آلور ایسه بوصورتده حیوان ایکیسنی طاشیمغه کرک متحمل اولسون کرک اولسون تلف اولدقده هر حالده جمیع قیمتینی تضمین لازم کلور . چونکه بوصورتده آغراق محل واحدده اجتماع ایتدیکی جهته حیوانه دهها زیاده مشقت ویرر .

بواوچ صورتده حیوان محل مقصوده واصل اولدن تلف اولور ایسه اجرت لازم کلز . واکر محل مقصوده واصل اولدقدن صکره هلاک اولور ایسه ضمان ایله اجر مسمی لازم کلور . یعنی مستأجر منفعت معقود علیهای استیفا ایتدیکنندن طولای اجر مسمایی اعطا ایتیمی وشخص دیکر مأذون اولدینگی حالده راکب اولدیفندن طولای

حيوانك قيمتى تضمين ايلسي اقتضا ايدر . وبوصورتده اجرتك سبي
 بشقه و ضمانك سبي دخى بشقه اولديغندن اجرت ايله ضمان اجتماع
 ايتش اولماز . §

بو مسئلهلرده مستأجر غاصب ورديف غاصب الغاصب حكمنده در
 موجر حيوانك قيمتى مستأجره تضمين ايتديرر ايسه مستأجر او
 كيمسه يه رجوع ايدمهز . زيرا ضمان ايله حيوانه مالك اولديغندن
 او كيمسه مستأجر ك اذيله حيوانه بنش اولور .

فقط او كيمسه يه تضمين ايتديرر ايسه اوده مستأجره رجوع ايدمه بيلورمى
 نظر اولنور . اكر اجرت مقابلنده بنش ايسه مستأجره رجوع ايدر
 چونكه عقد معاوضه ضمانده بر كيمسه برينى آلا تير ايسه ضررينى
 ضامن اولور . زيرا بر شينك مضرتى منفعتى مقابلنده در . ز اكر بلا
 اجرت يعنى اعاره طريقيه بنش ايسه رجوع ايدمهز . هر نه قدر
 بو صورتده تفرير وار ايسه ده تفرير عقد معاوضه ضمانده اولمديغى كى
 الدانان الدانيلان اچون اعاره سبيله صفت سلامتى تعهد ايتما مشدر .

۵۵۲ ماده بر كيمسه ديلديكىنى بنديرمك اوزره
 استكرا ايلديكى دابه يه ديلرسه كندوسى راكب اولوروديلرسه
 بشقه سنى اركاب ايدر فقط كرك كندوسى بنسون وكرك
 بشقه سنى بنديرسون هر كيم راكب اولور ايسه مراد تعين
 وتخصص ايدوب اندن صكره بشقه سنى اركاب اولنه ماز .

فقط اتميم صورتنده عرف ايله تقييد واردر . اوده حيوانه
 بنهك اولان كيمسه يى حيوانك قالديرمغه تحملى اولميدر .

بناءً علیه حیوانك تحملي اولیه جق درجه ده آخر بر کیمسه بی ارکاب
ایدوبده حیوان تلف اولسه ضامن اولور .

۵۵۳ ماده رکوب ایچون بر حیوان استکرا اولنوبده
کیمك بنه جکی تعیین و دیلدیکنی بندیرمك اوزره دیو تعمیم
اولنمسه اجازه فاسد اولور .

فقط قبل الفسخ تعیین و بیان اولنور ایسه « و یامستاجر کندوسی
بتر و یا خود بشقه سنی بندرر ایسه منفعتك صورت استیفاسی تعیین
ایده جکندن اجازه استحساناً » صحت منقلب اولور . واجز مسخی لازم
کلور ۵۲۴ و ۵۳۴ و ۵۴۱ نجی ماده لر شرحه نظر بیور یله .

و بو صورتده دخی هر کیم تعیین ایدر ایسه اندن بشقه سی
اول حیوانه ارکاب اولنه ماز . زیرا هر کیم که کندو طرفندن
تمام اولان شیئی نقض ایتمک سنی ایدر ایسه سعی مردوددر .

۵۵۴ ماده یوک ایچون حیوان استکرا اولندقدده سمر
وایپ وچوال حقنده عرف بلده معتبردر .

مکرکه طرفین انك خلافسه بر شرط درمیان ایتمش اوله لر .
بو صورتده اول شرطه رعایت ایتمك لازم کلور . چونکه تصریح
مقابله سنده دلالت اعتبار یوقدر . و مکاری یوکی محافظه ایچون اجر تله
آدم طومتغه مجبور دکلدرد . بلا امر طوتدقدده متبرع اولور .

۵۵۵ ماده یوکل مقدار ی بیان و یا خود اشارتله تعیین
ایدلیه رک حیوان استکرا اولنده مقداری عرف وعادته
محمول اولور .
اولدقدده

وبر معتاد یوکل توبده حیوان تاف اولسه ضمان لازم کلز . زیرا
جواز شرعی ضمانه منافیدر .

ولایات بلدیه قانوننک ۶۲ نجی ماده سی حکمنجه صاغلام اولان
یوکل بار کیرلرینه نهایت یوز یکرمی و مرکبلره التمش قیه یوکل تحمیل
اولنه بیلوب بوندن زیاده تحمیل ایدنلردن جزا قانوننک اوچنجی بابی
احکامنه تطبیقاً جزای نقدی النور .

بناءً علیه اعتیاد بو صورتله قانوناً تعیین ایتمش اولدیغندن ذکر
اولان مقدارلردن زیاده یوکل یوکل دیلوبده حیوان تاف اولدقدده اکر
تحمیلی وار ایسه یالکیز زیاده مقدارنده ضمان لازم کلور . چونکه
ضمانی موجب اولان سبب ثقلت اولغله مأذون فیه ایله غیر مأذون فیه
اجتماع ایتدیکنندن ضمان بونلره تقسیم اولور . واکر حیوانک تحمیلی
یوقسه مجموع قیمتی تضمین لازم کلور . §

بومادهنک حکمی حیوانه نه یوکل دیله جکی تعیین اولنوبده مقداری
بیان اولندیغنی صورته کوره در . یوکل مقداری تعیین اولندیغنی حالده
مخالفت ایدیلور ایسه ۵۵۰ نجی ماده احکامنه توفیق معامله اولنور .

§

یوکل مقداری بیان و تعیین کافی اولیوب نوعنی دخی بیان
لازمدر . بناءً علیه مستأجر نه یوکل دیله جکنی بیان ایتیه رک حیوان

استکرا ایتسه اجاره فاسد اولور . فقط بو صورتده مستأجر معتاد اولدینی اوزره یوک یوکتوب بوندن طولای حیوان تلف اولسه ضمان لازم کلیه چکی کی محل مقصوده سالماً وارلدقه اجر مسمی لازم کلور . زیرا معتاد اولدینی اوزره یوک یوکتومکله جهات مرفع اولوب اجاره صحت منقلب اولور .

۵۵۶ ماده مستأجر کرا حیوانتی صاحبک اذنی اولمقسزین

ضرب ایدهماز . وضرب ایدوبده اذن ناشی حیوان تلف اولسه ضامن اولور .

امام اعظم حضرتلری حیوانک ضرب ایدلمکسزین سوقی ممکن اولدیغندن بحثله ضربک عدم جوازی و امامین حضراتی عرفه مستنداً جوازی بیان ایتشلردر . حضرت امامک اجتهادی مفتابه اولغله محله جمعیتنجه دخی بو صورت اختیار اولمشدر .

۵۵۷ ماده کرا حیوانتی ضرب ایتک اوزره صاحبی

اذن ویردیکی صورتده مستأجر انجقانی ضربی معتاد اولان یرینه اوره بیلور . واکر ضربی معتاد اولان موضعندن بشقه یرینه ضرب ایله مثلاً صاغریسنه اوراجق یرده باشنه اورمقله حیوان تلف اولسه ضمان لازم کلور .

عادت محکم اولدیغندن شروط و مقاولاتک تفسیرنده عادت رعایت اولنور . یوقسه اجرک اور دیمشیله حیوانک اولدیرلمسی لازم کلار .

۵۵۸ ماده یوگ ایچون استکرا اولنان حیوانه بینله بیلور .
 زیرا رکوب تحمیلدن اخفدر . مستأجر عقد اجاره ایله مستحق
 اولدینی منفعتک مادوتی استیفا ایدیه بیلور .

۵۵۹ ماده یوگک نوع و مقدراری ذکر و بیان اولنهرق
 حیوان استیجار اولندقدده مضرتده اکا مماثل یاخود اندن
 دها اهون اول قدر دیگر برنوع یوگ دخی یوگلدیله بیلور .
 اما مضرتی دها زیاده اولان شی یوگلدیله من .

بو ماده ۴۲۶ نجی مادهیه متفرعدن یعنی عقد اجاره ایله منفعت
 معینهیه مستحق اولان کیسه عیناً اول منفعتی یا مثلی یاخود مادوتی
 استیفا ایدیه بیلور . اما مافوقنه تجاوز ایدیه من .

مثلا بر کیسه بش کیله بغدادی یوگلمک اوزره استکرا ایلدیکی بارکیه
 کرک کندوسنک اولسون و کرک بشقه سنک اولسون و هر قننی نوعدن اولورسه
 اولسون بش کیله بغدادی یوگلمه بیلدیکی کبی بش کیله آرپه دخی یوگلمه بیلور .
 مذکور بغدادی مستأجرک و یا بشقه سنک مالی اولسی اجاره
 واقعهیه تأثیر ایتیمه چکی کبی نوعنک تبدلی ثقلتنک تزیادینی موجب
 اولدیغندن و آرپه بغدادی دن دها خفیف ایدو کندن بونلری مستأجر
 یاپه بیلور .

اما بش کیله آرپه یوگلمک اوزره استکرا ایلدیکی حیوانه بش کیله
 بغدادی یوگلمه من . نته کم یوز قیه پاموق یوگلمک اوزره استکرا اولنان
 حیوانه یوز قیه تیمور یوگلدیله مدیکی کبی .
 هر نه قدر بغدادی و آرپه کیله اعتباریله و تیمور و پاموق قیه اعتباریله
 یکدیگرینه مساوی ایهده بغدادی آرپه دن دها آغرا اولدیغندن و تیمور

منبسط اولیوب حیوانی بر محلین تضییق ایده جکی و پاموق تیموره
سببته منبسط اولغله نقلی انقسام ایلیه جکی جهته تیمور پاموقدن زیاده
یوانه زحمت ویره جکندن عقد اجاره نك تضمن ایتش اولدیفی منفعتك
فوقه تجاوز ایدلش اوله جفته بناء حکم غصب ترتب ایدر .

کذلک بش کیله آرپه یوکتتمك اوزره استکرا ایلدیکی حیوانه
لتی کیله آرپه یوکتتمه من . یوکتدیکی تقدیرده قدر مشروطه تجاوز
تیش اوله جفته بناء حکم غصب ترتب ایدر .

۵۶۰ ماده کرا حیوانندن یوکی ایندیرمك مکاری

وزرینه در .

زیرا نقل و تسایمك متمماتنددر . اما محله قومق انك اوزرینه

لازم دکلدر . ۵۷۵

۵۶۱ ماده مأجورك نفقه سی آجر اوزرینه در .

زیرا مأجور آجرك ملکیدر . وکلفت نعمته کوره در . بونك

فکسی شرط ایدیلور ایسه اجاره فاسد اولور . چونکه احد عاقدینه
فی اولان بر شرطدر .

مستأجر موجرك اذنیله اتفاق ایتدکه بدل اجاره دن محسوبی

جرا قننور .

متلا استکرا اولنان بارکیرك علقی و صوارلسی صاحبی اوزرینه در . فقط

لك اذنی اولقسزین مستأجر حیوانه یم ویرر ایسه تیرعدر . صکره صاحبندن
چقه سی آله ماز .

مسأجر یم ویرمیوب حیوان تلف اولسه ضمان لازم کلماز .

فصل رابع

اجاره آدمی بیانده در

۵۶۲ ماده خدمت یا اجرای صنعت ایچون باب ثانینک

فصل ثالثنده بیان اولندیغی اوزره مدت بیانیله یاخود دیگر صورتده عملی تعیین ایله اجاره آدمی جائزدر .

اجاره آدمی اوچ صورتله اولور برنجیسی : یالکز عمل بیان اولنور . مثلاً برمرانغوزه فصل یاییله جغی تعریف و بیان اولنهرق بز کتبخانه یایمق اوزره بازارلق اولندقدہ یالکز عمل تعیین ایدلش اولور .

ایکنجیسی : یالکز مدت تعیین اولنور . مثلاً مدت معلومه ایله اوشاق استیجار اولنور که یاپه جغی شیک جنس ونوع ومقداری بیان اولنق لازم دکلدر . زیرا عرفاً معیندر .

اوچنجیسی : هم مدت وهم عمل بیان اولنور . مثلاً بش کون ایشلمک وشوپولده بردولاب یایمق اوزره برمرانغوز ایله عقد اجاره اولور . §

[خدمت یا اجرای صنعت ایچون] قیودی احترازیدر . زیرا کفالت کبی خدمت ویا اجرای صنعتیدن معدود اولمیان شی ایچون اجاره جائز اولماز . چونکه اجاره عوض مقابلنده تملیک منفعتدر . حال بوکه کفالت ذمتی ذمته ضم ایتمکدن عبارتدر .

فقط وکالت خدمت و اجرای صنعت قیلندن اولدیغندن اجرتله وکالت جائزدر .

۵۶۳ ماده اجرت مقاوله ایدلمیه رك بر شخص بر كیمسه نك

طلبي اوزرینه اول كیمسه په خدمت ایتد كده اجرت ايله خدمت

ایدرك مقوله دن ايسه اجر مثل آلور. دكل ايسه برشی آله ماز.

بوماده ایکی حکمی حاویدر. برنجیسی : اجرت مقاوله ایدلمیه رك

بر شخص بر كیمسه نك طلبي ايله خدمت ایدر ايسه اجرت ايله خدمت

ایدرك مقوله دن اولدینی تقدیرده اجر مثل آلور. چونكه عرفاً

مشروط اولان شی بینلرنده مشروط کیدر قاعده سنه بناءً اول

كیمسه نك اجرت ايله خدمت ایدرك مقوله دن اولدینی معروف اولان

شخصدن خدمت طلبي ایجاب واول شخصك خدمته مباشرتی قبول

مقامنه قائم اوله رق اجاره منعقد اولور. فقط اجرت مجهول اولدیغندن

عقد اجاره فاسد اولمغله بالغاً مابلع اجر مثل لازم کلور.

ایکنجیسی : اجرت ايله خدمت ایدرك مقوله دن دكل ايسه برشی

آله ماز. زیرا او كیمسه نك طلبي استیجار اولیوب استعانه په محمول

ایدو کندن اوشخص عملنده متبرع اولور. §

[بر كیمسه نك طلبي اوزرینه] قیدی احترازیدر. زیرا اوشخص

او كیمسه نك امر وطلبنه مستند اولیه رق خدمت ایدر ايسه ولو كه اجرت

ايله خدمت ایدرك مقوله دن بوانسه بیله عملنده متبرع اوله جغندن اجرت

لازم کلماز. فقط خدمت ایدن صغیر اولوق کبی اهل تبرعدن دكل

ايسه ۵۹۹ نجی ماده موجبنجه اجر مثل لازم کلور.

۵۶۴ ماده بر كیمسه بر شخصه مقدار بیان ایتیه رك

[فلان ایشی کور سکا اکرام ایدرم] دیوب اودخی ایفای خدمت ایلسه اجر مثله مستحق اولور .

ولوکه اجرت ایله خدمت ایدر مقوله دن اولسون زیرا اکرام ایدرم کی سوزلر اجرت وعوض ویریرم دیمک اولدیفندن ووعدلر صور تعلیقی اکتسا ایدنجه لازم اولوب فقط اجرتک مقداری مجهول ایدوکنندن بالغاً مابلغ اجر مثل لازم کلور .

۵۶۵ ماده اجرت تسمیه اولتمقسنزین عمله استخدام اولندقدده کونده لکی معلوم ایسه اجرت معلومه و دکل ایسه اجر مثلی ویریلور . بوکا مماثل اصنافک معامله لری دخی بو وجهله در .

اجرت معلوم ایسه بین التجار معروف اولان شی بینلرنده مشروط کییدر قاعده سنه بناءً عقد صحیح اولوب اجرت معلومه نك اعطاسی لازم کلور . معلوم دکل ایسه عقد فاسد اولوب بالغاً مابلغ اجر مثل لازم کلور .

۵۶۶ ماده قیمیاتدن لاعلی التعین برشی ویرملک اوزره اجیر ایله عقد اجاره اولندقدده اجر مثل لازم اولور .

هرنه قدر اجارده اعیان دخی بدل اوله بیلور ایسه ده تعین ایدملک لازمدر . تعین اولنماز ایسه جهالتندن ناشی اجارده فاسد اولور . واصلک ایفاسی قابل اولمدیغی حالده بدلی ایفا اولنه چغندن نقداً اجر مثل لازم کلور .

مثلاً بر کیمسه برینه [کل بکا شوقدر کون خدمت ایت سکا بر جفت
اوکوز آلویرهیم] دیسه اوکوز اعطاسی لازم کلیوب اجر مثل لازم کلور .
زیرا اوکوز تعیین اولندیغی تقدیرده دین اوله رق ذمتده ثابت
اوله میه جنی جهتله اجاره فاسد واجر مثل لازم اولور .

فقط عادت اولدیغی اوزره البسه یا بلق اوزره سوت آنا استیجاری
جائز والبسه نك نصل اوله جنی وصف و تعریف اولندیغی تقدیرده اوسط
درجه سی لازم اولور .

البسه نك نصل اوله جنی وصف و تعریف اولندیغی تقدیرده
اجاره متفقاً صحیح اولور ایسه ده [وصف و تعریف اولندیغی تقدیرده]
امامین حضراتنه کوره جهالتندن طولانی اجاره فاسد اولور . امام
اعظم حضرتلری سوت انای استیجار ایدن ابویندن بری اولوب
بونلرک چوجقلرینه کمال شفقتی اولمقله سوت آنا حقنده توسعه و تطیب
خاطرینه سعی ایتمک عادت اولدیغندن بویاده کی جهالت نزاعه مؤدی
اولیه جنی بیانیله استیجاساناً تجویز بیورمشلردر .

۵۶۷ ماده خدمه یه خارجدن ویرلش اولان بخشش

اجرتیه محسوب ایدیله من .

چونکه ویریلان بخشش هبه در . موهوب له قبض ایله موهوبه
مالک اولور . و موهوب له خدمه در خادماری دکلدر .

۵۶۸ ماده بر علم یا صنعت تعلیمی ایچون استاد

استیجار اولندقده اگر مدت بیان اولنور ایسه اجاره مدت
اوزرینه منعقد اولور .

حتی استاد تعلیمه حاضر ومهیا بولمغله اجرتیه مستحق

اولور . شا کرد کرک تعلم ایتسون و کرک ایتسون .

بوصورتده معلم اجیر خاص اولور اجیر خاصک اجرتیه استحقاقی

مدت اجاردهده عمله حاضر ومهیا بولمسیلهدر . فقط استاد تعلیم ایتمکدن

امتناع ایده من .

مدت معینه ظرفنده شا کرد ویا معلم خسته اولوب امکان منفعت

قالسه بومدت ایچون اجرت لازم کلار . فقط اجاره بی فسخ ایده بیلور لر .

وا کر مدت بیان اولنمزیسه اجاره فاسد اوله رق منعقد اولور .

بوصورتده شا کرد تعلم ایدرسه استاد اجرتیه مستحق اولور .

والا اجرت آله ماز .

چونکه اجاره فاسدده حقیقه انتفاع بولمغله اجرت لازم

کلار . شا کرد تعلم ایتدیکی تقدیرده اجر مسمایی تجاوز ایتماک اوزره

اجر مثل لازم کلور .

۵۶۹ ماده بر کیسه مثلاً اوغلنی صنعت او کر نمک ایچون

اوسته یه ویروب احدهما آخره اجرت شرط ایتدکلی حالده

چو جق صنعت او کردند کدن صکره یکدی کردن اجرت

مطالبه ایتسه لر عرف وعادت بلده نه ایسه انکله عمل اولنور .

یعنی شا کردک اعانه ایتدیگندن طولایی استادک ویا خود استادک

تعلیم ایتدیگندن طولایی شا کردک اجرت ویرمسی عرف وعادت ایسه

مقداری تعیین اولدیغندن اجر مثل ویرملری لازم کلور. عرف و عادت دکل ایسه برشی ویرملری لازم کلیوب یکدیگره اعانه و استعانه ایتمش اولورلر .

۵۷۰ ماده برقریه اهالیسی «صفقه واحده ایله» بر خواجه یا خود امام یا مؤذن استیجار ایدوب انلر دخی ایفای خدمت ایلسه لر اجر تلرینی اول قریه اهالیسندن آلورلر .

۱ کر اجرت تعیین ایدلمش ایسه اجر مسمی لازم کلور . و اچیر خاص اوله جقلرندن بالفعل عمل ایتملری اقتضا ایتمیوب مدت اجاره ده عمل ایچون حاضر بولملری ایله اجرت مستحق اولورلر .

و اگر اجرت و یا مدت تعیین اولنماش ایسه اجاره فاسد اوله جقلندن اجر مثله کسب استحقاق ایچون بالفعل خدمت ایتمک شرطدر .

§

طاعت اوزرینه عملده عامل نائل اجر و مثنوبات اوله رق مستفید اولدیغندن قیاساً اجرت محمل یوقدر . بلکه طاعات اوزرینه استیجارده طرفین کنهکار اولور . زیرا علم و ارکان دین سبب تجارت مالیه اتخاذ اولنما ملیدر . حدیث شریفده [اقرؤا القرآن ولاتأکلوا به] وارد اولمشدر . الحق بو وجهله اجتهاد ایتمش اولان امام اعظم و اصحابنک « رحمه الله علیهم اجمعین » زماننده معلم و امام و مؤذنلرک جانب نیت المالدن معیشتی تأمین ایدیلور و اولایای اطفال طرفندن عطیه اعطاسیه اکرام اولنور ایتمش بالاخره بوکی شیلر آزماش و یابتون بتون قطع اولنمش اولدیغندن خواجهلق و امامت و مؤذندک

فخری اوله فرق رغبت ایدنلر بولنماغه باشلا دیغنه و خواجه نك فقدا نی
 علم دینك و امام و مؤذن بولنما سی دخی ارکان دینك ترك و نقصانی
 موجب اوله جنی جهتله بونلرك تداركی ضروری اولوب مشقت دخی
 تیسیری جالب ایدوكنه و ازمانك تغیرله احكامك تغیری قابل انكار
 اولمادیغنه بناءً اصحاب تخریج و ترجیحدن اولان فقهای متأخرین
 تعلیم علم دین ایچون خواجه و ایفای فریضه صلات ایچون امام و مؤذن
 استیجارینی تجویز ایتمش و « حضرت امام ایله اصحابی زمانم زده یتشوبده
 معلم و امام و مؤذنلره ایدیلا ن معامله یی کوره ایدیلر مشار الیه دخی
 بونلره اجرت اعطاسی لازم کلیه جکی رأیندن نیکول ایدردی »
 دیمشلردر .

فقط ضرورتلر کندو مقدار لرجه تقدیر اولنه جغندن طاعات
 اوزرینه استیجارك جوازی ضرورت درجه سنده در . بر متوفانك
 رومی ایچون تلاوت قرآن ایتك اوزره حافظ استیجاری کی ضرورت
 اولیان یرلرده طاعات اوزرینه استیجار متأخرین فقهایه کوره دخی باطل
 و طرفین کنهکار اولور .

ملاحظه

ذکر اولنان احکام شرعیهدن و مطالعات مبسوطهدن مستبان
 اولدیغنه کوره معلملرك جانب دولتن توظیفله علوم دینیه نك مجاناً
 تدریسی مقتضای شرع عالییه موافق و شایان اعتنا اصول مستحسنه
 و مواد مهمه و لازمه دندر . و علما و ائمه و خطباء و مؤذنینك اموال
 بیت المالدن شرعاً نصیبی اولدیغندن بونلره و یريله جك معاش اجرت
 اولیوب نصیبی اخذ ایتمش اوله جقلری جهتله طاعات اوزرینه اجرت
 اخذی جائز اولوب اولیه جنی بحثه ده محل قالماز .

۵۷۱ ماده بالنفس عمل ایتک یعنی کندو ایستلمک اوزره

استیجار اولنان اجیر کندو یرنده بشقه سنی قوللانه ماز .

بقدر الامکان شرطه مراعات اولتمق لازم کلور . زیرا معقود علیه بوجه تقييد محل معیندن یعنی بالذات اجیردن حاصل اوله جق عملدر . بوصورته اجیرک مقامنه بشقه سی قائم اوله من .

مثلا برکیمسه برجبه بی شو قدر غروشه درزی کندو الیه دیکمک اوزره بازارلق ایتدکنده درزی آتی آخره دیکدیره میوب کندوسی دیکمک لازم کلور . و آخره دیکدیردیکی تقدیرده تلف اولسه ضامن اولور . چونکه شرطه مخالفتله تعدی ایتمش اولور . تلف اولسه اجرت لازم کماز . زیرا بو دیکیش اوزرینه عقد واقع اولمدی .

۵۷۲ ماده مطلق اوله رق مقاوله اولندیغی صورتده

آجر کندو یرنده بشقه سنی قوللانه بیلور .

قاعده مطلق اطلاق اوزره جاری اوله جفتدن مستأجرک اطلاق بشقه سنک عملنه راضی اولدیغنه دلالت ایدر . بوصورته معقود علیه شخص معینک عملی اولیوب ذمت اجیرده ثابت اولان مطلق عملدر . و آجرک اوزرینه واجب اولان او عملی حصوله کتورمکدر . ایستر کندوسی ایستر بشقه سی یایسون .

بشقه سندن مقصد کندو ضماننده بولنان قافه سی و چراقلری کی امینی اولانلردر . اجیر وامینی اولیان بر شخص آخری قوللانور ایسه مستأجر فیه بالاعتد ولا تقصیر تلف اولدقده کندوسنک ضامن اولمی لازم کلور . ۷۹۰

۵۷۳ ماده مستأجر ك اجیره بوايشی ياب ديمسی اطلاق قدر.

مثلا بر کیمسه درزی به بالذات یا خود کندوک دیو تقييد ایتکسزین شو قدر غروشه بوجهی ديك دیوبده مقاوله ایتدکده درزی آتی قلفه سینه یا خود دیگر بر درزی به دیکدیرسه اجر مسمايه مستحق اولور . وبلا تعد جبه تلف اولسه ضامن اولماز .

عقد مطلقده اجیر اوزرینه واجب ارلان معقود علیهی احیاندر یعنی شو مثاله کوره جبهی دیکمکدر . ایستر بالذات دیکسون ایستر بشقه سینه دیکدیرسون اجیر وامینه دیکدیروبده جبه بلانعد ولا تقصیر تلف اولسه ضمان لازم کلاز چونکه جواز شرعی ضمانه منافیدر .

۵۷۴ ماده عملك توابعدن اولوبده اجیر اوزرینه شرط

قلمیان هر نه اولور ایسه اولسون بونده عرف وعادت

بلدهیه اعتبار اولنور .

ایسلك درزینك اولق اوزره عادت اولدینی کی .

فقط عاقدین معروفك خلافتیه بر شرط درمیان ایدرلر ایسه اول شرطه رعایت اولنور . مثلا البسه نك دوکمه سیله شیریدی درزی اوزرینه اولسی حین عقد اجاره ده ذکر ایدیلور ایسه بونلرك درزی طرفندن تدارك ایدلمنی لازم کلور .

۵۷۵ ماده یوکی خانه یه ادخال ایتك حماله لازم اولوب

اما محلنه قویمق انك اوزرینه لازم دکلدر .

مثلا یوکی اوست قاته چیقارمق و ذخیره یی انباره دوکك حمالك بورجی

دکلدر .

مکرکه حین عقدده شرط ایدلش اوله او حالده یوکی محضه قویمق
 حاله لازم اولور . هر نه قدر بوشیرط مقتضای عقددن دکلسده یوکی
 خانه یدخال ایلک و محله قویمق اوزره استیجار ایدلش اولدیفندن
 بیحدرد .

۵۷۶ ماده اجیره یمک و یرمک مستأجره لازم اولماز .

مکرکه عرف بلده اوله .

اوشاغه یمک و یرمک کبی .

۵۷۷ ماده بر دلال بر مالی کزدیروبده صاته مسه

بعده صاحبی صاتدقده اول دلال اجرت آلهماز . ودیکر

بر دلال صاندینی تقدیرده اجرت دلایه یی کاملاً ایکنجی

دلال آلوب اولکیسی برشی آلهماز .

دلال بر نوع اجیر اولمقله اجرتی ایچون اجیرلر حقنده کی احکام

شرعیه یه توفیق معامله اولنمق لازم کلور ایکن بومادهده آیریجه تصریحی

صورت محرره نك استحساناً تجویز و متأخرین فقها جانبندن افتا ایدلش

اولسنه مبنی مجله جمعیتجه دخی اختیار اولندیغندن ناشیدر .

چونکه قیاساً برنجی دلالة دخی ایفا ایتدیکی عمل مقابلنده اجر مثل

و یرمک لازم کلور ایکن استحساناً برشی و یرلیور . سبی شودر که کرک

احکام فقهیه و کرک ۲۹۲ نجی ماده ذیلنده بیان قلنان [دلال و سمسارلر

نظامنامه سی] احکامجه اجرت دلایه صاتمغه مقابل اولدیغندن دلالک

اجرتنه استحقاقی نفس بیع ایله اولوب مقدمات بیع ایله دکلدر دلالک

مالی کز دیر میسی مقدمات بیعدن اولمغله صاته مدیقی حالدہ اجرت لازم کماز .

۵۷۸ ماده بر کیسه مالی دلاله ویروب شوقدر غروشه صات دیدکده دلال اندن زیادهیه صاتسه اول زیاده دخی مال صاحبک اولوب دلال اجرت دلایه سندن بشقه برشی آله ماز .

زیرا ثمن میبعک مقابلدر . §

بر کیسه مالی دلاله ویروب مثلاً بیک غروشدن زیادهیه صاتار ایسهک زیاده سی بینمزده مشترک اولسون دیدکده زیادهک مقداری حین عقدده مجهول اولدیغندن طولایتی فاسد اولسیله امام ابویوسف حضرتلرینک مفتابه اولان قولنه کوره دلال اولوجهله زیادهیه صا - تدقده نصفی تجاوز ایتامک اوزره اجر مثل لازم کلوره .

اما بیک غروشه ویانقصانه صاتار ایسه شرط مذکور ایله اجرت نفی اولندیغندن برشی آله میوب بیهوده اختیار تعب و مشقت ایتیش اولور .

۵۷۹ ماده بیعده دلال دلایه سنی آلدقندن صکره بر مستحق چیقوبده میعی آلسه یاخود عیب ایله میبع رد اولنسه دلایه استرداد اولنه ماز .

زیرا دلایه دلالق عملک اجرتی اولوب دلال میعی صاتهرق

عملی تماماً ایفا و اجرتی استیفا ایتدکن صکره اجرت مزبور
استرداد اولنه ماز .

۵۸۰ ماده بر کیسه نك ترلاسنده اکنی بیچمک اوزره
شو قدر غروشه استیجار ایلش اولدیغی اورا قیلر اکنک
بر مقدارینی بیچدکاری حالده طولو یا غمغله یا خود
بشقه بر قضا ظهوریله اکنک ماعداسی تلف اولسه اجر
مسادن بیچدکاری اکنک حصه سنه اصابت ایدن مقداری
آله بیلوب باقیسنی آله مازلر .

چونکه موجب عقدك اجر اسنه مانع بر عذر ظهور ایتدکنه
اجاره منفسخ اوله جغندن تلف اولان مقداره اجاره قالمز که اجرت
آله بیاسونلر

۵۸۱ ماده سوت آنا خسته اولدقده فسخ اجاره ایده-
بیلدیکی کنی بویله خسته یا کبه اولور یا خود چوجق آنک
مه سنی آلامز ویا سوتتی استقراغ ایلر ایسه مسترضع دخی
فسخ اجاره ایده بیلور .

جناب حق بنی بشری حر اوله رق خلق بیورر. انسانلر یالکنز
خالق متعال جل جلاله حضرت تلمینه عبودیتله متصف اولوب تصویر
وتقویمده یکدیگری نك مثالی وصفات و خصائلده مشابه و مقابلی اولان

هر فرد جنسیتده برابر وانسانیتده برادر در . نه بری دیگرینک مالکی ونه ده او بریکینک مملوکی اوله بیلور .

بو سببه مبنی انسانلره من حیث الانسانیه حقوقه مساوی صورتده معامله ایدیلوب هر کسک حیات و خیریتی محافظه ایلک شرع عالینک وضع ایتدیکی قواعد حق وعدلک اسالاساسیدر . بناءً علیه حر اولان انسانک بیعی باطل اولدینی کبی بر شی ثابت اولنجه تفرعات ولوازمیله بر لیکده ثابت اوله جغندن حرمت مصاهرتی موجب درجه ده مکرم و بیعه عرض ایله ابتدال و امتیاندن مصون اولان انسان سوتی ایله صاحبنک و امثالنک بیعی دخی باطلدر .

اسرای حریبه حقنده مجاز اولان مملوکیت احوال استثنائیهدن اولقله احکام مخصوصه یه تابع اولوب قاعدهً اصلیه یی اخلاص ایتمز .
قاعدهً مذکوریه بناءً انسان سوتنک بیعی غیر جائز اولوب حال بوکه بعض والدلرک سوتی آز اولوب چوجغنک اعاشه سنه غیر کافی اوله جنی مثللو هنوز شیرخوار اولان بر چوجق والدلر سز قاله رق یشقه سنک ارضاعنه محتاج اوله جغندن بو مثللو چوجقلرک والدلرینک غیزی طرفندن یعنی سوت انا استیجار یله چوجغک اقامت کهنده یا خود چوجق سوت انایه تسلیم ایدیلرک انک بولندینی محمله ارضاعی خلقت بشر قدر قدیم بر عادت معروفه و جاریه اولقله قرآن عظیم الشانده [فان ارضعن لکم فأتوهن اجورهن] آیت کریمه سیله اجر تله ارضاع نجوین بیورلشددر .

بو آیت جلیله انسان سوتنک عدم جواز بیعنه دلالت ایدر .
نته کیم حیوان سوتنک بیعی عقد اجاریه عدم استحقاقنه برهاندر ،
زیرا ارضاعدن مقصد سوت انانک رضیعی باقوب تربیه ایتمیدر که

مهمسندن سوت و یرمک بومیانده حاصل اولور. وبالذات تجویز اولنمیان شی بالتبع تجویز اولنه بیلور .

بوندن ناشیدر که « بالذات کندوک ارضاع ایده جکسک » دیو شرط ایله سوت انا استیجار اولنسه اجاره صحیح و شرط لغو اولور. اکر شرط معتبر اولسه سوت انا خسته اولور و بشقه بر مانع ظهور ایدر ایسه نزدنده بولنان رضیی سائر بر خاتونک ارضاع ایده مامسی لازم کلور که بوده طفل نوزادک هلاکنه مقضی اوله بیله جکسندن غیر جائزدر .

عقد استرضاعده مسترضع ، رضیع ، مرضعه نک ، ذات الزوج اولدینی حالده زوجنیک تعلقی اولمغله کړک ماده مشروحه و کړک بوندن اول ذکر اولنان بعض مواد احکامی در دینک دخی تأمین حقوق و تعیین وظائفی جاویدر .

رضیع عقد استرضاعه اهل اولمدیغسندن ولی و یا وصیسی عقد استرضاع ایده یور . حال بوکه مقصد چوجفک ارضاعی اولمغله چوجق عاقد اولمدینی حالده وقاتیله عقدک منفسخ اوله جنی ۴۴۳ نجی مادهده بیان قلندینی کی سوت آنا استیجارنده کی مقصد فوت اوله جق درجهده چوجغه موجب مضرت اوله جق اعدار سببیه مسترضعک اجاره بی فسخ ایده بیله جکی دخی ماده مشروحهده ذکر اولنیور .

کتاب فقهیهده محرر اولدیغنه کوره سوت انانک فجور بینله فجور وزنایی ارتکاب ایتمسی و ابله اولمسی کی احوال دخی مسترضع ایچون فسخ اجاره یه سبب اوله بیلور .

سوت انا مشقتسزجه چوجنی ارضاعه مقتدر اوله میه جق درجهده خسته اولدینی حالده چوجنی ارضاع ایلمسی کنیدیسنه مضراولدیغسندن

ارضاعك صحت وحياته اولان تاثيرندن ناشي كندوسى ايچون حق
فسخ ثابت اولور .

سوت انا ذات الزوج اولديني حاليه زوجنك اذنيه سوت انالقي
ايمك اوزره رضيعك اقامتگاهنه كيتمش ايسه آراقده زوجي دخی
كيدوب كوريشه بيلور انجق اوراده وطی ایده مزه .

اكر زوجنك اذني اولمق سزین سوت انالغه كيتمش ايسه زوج
زوجه سنی اقامتگاهندن خارجه كيتمكدن . منعه وحسن وجمالی محافظه
مقتدر اولديغندن سوت انا مريض اولقي كبی برعذر اولمسه بيله
زوج عقد استرضاعي فسخ ایده بيلور . شو قدر كه مزبورده نك صحيحاً
تحت نكاحنده بولنديني ظاهرأ معلوم اولمی يوقسه « بوخاتون بنم
زوجه مدر » يا خود « بو آدم بنم زوج مدر » كی كندولرينك قول مجردلرينه
اعتبار اولماز .

باب سابع

بعد العقد آجر و مستأجر ك وظيفه و صلاحيتلرينه دائر اولوب

اوپ فصلی طويدر

فصل اول

تسليم مأجور حقنده در

۵۸۲ ماده مأجورك تسليمی مستأجره بلا مانع انكاه

انتفاع ایده بيله جك حاليه آجر ك اذن ورخصت ويرمسيدر .

بوماده ذات تسلیمك تعریفیدر . واجاره صحیحه ایله ایجارده
 موجر مأجوری مستأجره تسلیمه مجبوردر . چونکه معقود علیه
 اولان منفعتی استیفا مأجورك تسلیمه متوقف اولغله تسلیم مستأجرک
 حق و تسلیم موجرک وظیفه سیدر . موجر مأجوری تسلیم ایتمز
 ایسه تسلیمه جبر اولنور . وموانع وشواغلدن خالی اوله رق مأجور
 تسلیم اولندقجه کرا ایشله من .

§

موجر تسلیم ایچون مستأجره اذن و رخصت ویرمکه برابر
 مأجوردن انتفاعنه دخی مانع اولمالیدر . اگر انتفاعنه مانع اولور
 ایسه تسلیم تحقق ایتمز .

مثلا بر کیمسه خانه سنی دیکرینه ایجار ایدوب قبض و تسلیمه
 اذن و رخصت ویرمکه برابر اناختارینی اعطا ایلسه نظر اولنور .
 اگر او اناختار ایله مأجور بالسهروله آچیلور ایسه تسلیم تحقق ایدر .
 آچیلور ایسه تسلیم تحقق ایتمز .

§

صورت تسلیم مأجورك اختلافیه مختلف اولدیغندن بروجیه زیر
 بیان وایضاح اولنور :

۵۸۳ ماده مدت یامسافه اوزرینه اجاره صحیحه عقد
 اولندقد مدتك انقضاسنه ومسافه نك ختامنه قدر مأجورك
 متصلاً ومستمرأیدنده طور مق اوزره مستأجره تسلیمی
 لازمدر .

مثلا بر کیمسه شو قدر مدت ایله یاخود فلان یره کیتمک اوزره بر

عربه استیجار ایتد کده اول مدت ظرفنده . یاخود اورایه وارنجه دك اول عربه بی قولانه بیلور . واوراده صاحبی آتی آلوده کندو امورنده استعمال ایده من .

بو ماده ده صفت تسلیم تعریف اولنه رق معقود علیه اولان منفعتی تسلیم ممکن اولدیغندن محلی اولان مأجوری موانع وشواغلدن خالی اوله رق تسلیم مقامنه قائم اولدینی بیان قلنمشدر .

۵۸۴ ماده آجر بر ملك عقارینی ایچنده کندو مالی

اولدینی حالده ایجار ایتسه فارغاً تسلیم ایتدجکه کرا ایشله من .

۵۲۳ نجی ماده ده بیان قلندینی اوزره مشغولی ایجار صحیح ایشه ده اجر بك لزومی ایچون ۴۷۷ نجی ماده حکمنجه تسلیم شرطدر . فقط مأجور آجرک ویا بشقه سنك مالی ایله مشغول اولور ایشه انتقاعنه مانع اوله جنی جهتله تسلیم معتبر اولیه جغندن کرا ایشلمك ایچون فارغاً تسلیمی لزومی ماده مشروحه ده بیان و ایضاح اولنیور .

مکرکه اول مالی دخی مستأجره صائمش اوله .

بو حالده موجر مذکور عقاری بحکم الاجاره و [اول مالی]

بحکم البیع تسلیم ایتمش اوله جغندن معتبردر .

کذلک موجر اول مالی دخی ایجار ایدر ایشه صحیح و بو حالده هم عقار و هم دروننده بولنان مالی بحکم الاجاره تسلیم معتبر ایله تسلیم ایتمش اولور .

۵۸۵ ماده آجر خانه بی تسلیم ایدوبده ایچنده کی اشیاسنی

قویدینی بر او طه بی تسلیم ایتسه اول او طه نك بدل اجاره دن

حصه سی مقداری ساقط اولور . و خانه نك باقیسنده دخی
مستأجر مخیردر .

مأجور اولان خانه نك اوطه لری وصف قیلمدن اولمغله بونلردن
ری منهدم اولور و یا شوقدر اوطه لی دیو استیجار اولنان خانه نك
وطه لری ناقص چیقار ایسه اجر تدن برشی ساقط اولیوب فقط مستأجر
میر اولور ایدی . ۵۲۱ ماده مشروحه ده بیان قلندینی وجهله موجر
خانه بی تماماً ایجار ایتدکن صکره براوطه سنی تسلیم ایتسه مذکور
وطه اوسافدن قدر منزله سنه ارتفاع ایتمکه بدل اجاره دن حصه سی
مقداری ساقط اوله جنی کی صفقه تفرق ایتدیکی جهته مستأجر
میر اولور .

وا کر آجر قبل الفسخ خانه بی تخلیه و تسلیم ایدرسه اجاره
مزم اولور . یعنی مستأجر ك حق فسخی ساقط اولور .
چونكه مانع زائل اولدقه ممنوع عودت ایدر .

فصل ثانی

بعد العقد عاقدینك مأجورده تصرفلرینه دائردر
۵۸۶ ماده مأجور عقار ایسه مستأجر آنی قبل القبض
خره ایجار ایده بیلور . وا کر منقول ایسه ایده منر .
۲۵۳ نجی ماده شرحنده ایضاح اولندینی اوزره منقولده هلاک
حتمالی غالب وغیر منقولده نادر اولوب احکام شرعیده نادره اعتبار
ولمیدنن عقارك قبل القبض ایجاری تجویز اولنمشدر . §

[آخره] قیدی موجدن احتراز ایچوندر . زیرا بر شیئ
 رقبه سنه مالک اولان منفعتنه دخی مالک اوله جفندن مستأجر مأجور
 موجه ایجار ایده من . شاید ایجار ایدر ایسه اجاره ثانیه نك حکم
 اولماز . شوقدر که مأجور موجدك یدنده طور دقجه اجاره اولان
 طولانی مستأجر دن اجرت ساقط اولور و اجاره نك مدتی منقضی اولما
 ایسه مستأجر دیلدیگی وقت مأجوری موجدن استرداد ایدرک
 مدتنده انکله انتفاع ایدر .

مستأجر مأجوری موجه اعاره ایتسه حکم ینه بویله در .

§

اجرتده تصرفه کلنجه : اجرت اکر معین اولان عیرو
 و حیوان قیلندن ایسه قبل القبض مستأجره صاته میه جفی کی آخر
 دخی صاته من . ۲۵۳ اکر دین مثللو ذمتده ثابت اولان شیلردن
 آنی مستأجره صاته بیلور ایسه ده آخره صاته من زیرا مذیو
 غیر یه دینی تملیک جائز دکلدر .

۵۸۷ ماده ناسک استعمال و انتفاعده متفاوت اولدی

مأجوری مستأجر بشقه سنه ایجار ایده بیلور .

خان و حمام و دکان و اراضی کی . اسبابی ۴۲۸ نجی ماده ده
 قلمه شد

اما ناسک استعمال و انتفاعده متفاوت اولدیغی مأجوری
 استکرا اولنان حیوانی مستأجر آجرك اذنی و لمقسرین بشقه سنه
 ایده من . زیرا مستعملینك اختلاقیله مختلف اولان شیلرده
 معتبردر . ۴۲۷

۵۸۸ ماده اجاره فاسده ايله مستأجر اولان كيمسه
 أجوری بعد القبض بشقه سنه اجاره صحیحه ايله ایجار ایتسه
 ماز اولور .

فقط موجر اولك فسده صلاحیتی اولدیغندن انك تصدیقنه
 قودر .

[بعد القبض] قید احترازیسندن دخی اكلاشلدیغی اوزره قبل -
 قبض ایجار ایدمهز . زیرا عقد فاسد غایت ضعیف اولوب اك بنا
 ملك استیلاان عقد صحیحه متحمل اوله ماز . فقط قبض عقد فاسدی
 لما امکن تقویه ایدرك عند القبض حکمی افاده ایتدیکنندن مأجورك
 القبض عقد صحیح ايله ایجاری صحیح اولور . مع مافیه موجر اوله
 طرأ عقدك فسادی باقی اولمغله مستأجر اولك موجر اوله اجاره فاسده
 حکامنه توفیقاً اجر مثل ویرمسی لازم کلور . مستأجر ثانی ایسه
 وجر ثانی په تعبیر دیگرله مستأجر اوله اجر مسای ویرمك اقتضایدر .

§

بومادهده اجاره ايله بیع بیننده فرق واردر . شویله که : اجاره
 سده هر نه قدر عند القبض حکمی افاده ایدر ایسه ده موجر اول اجاره
 لانك فسادینه بناءً اجاره ثانیة صحیحه فی فسح ايله مأجوری استرداد
 نه بیلور .

حال بوکه بیمده عقد فاسد ايله اشترا اولنان میبئی مشتری بعد القبض
 صد صحیح ايله دیگر بر شخصه بیع ایلسه بایع اولك حق فسخی ساقط
 لور . چونکه بیع تمليك عیندر . برشیده سبب تمليك تبدیلی اول
 بلك تبدیلی مقامنه قائم اوله رق ارتق بونك اوزرینه بوکی اعدارك

حکمی اوله ماز . اجاره ده ایسه معقود علیه منفعت اولمسنه و اجاره
بومثللو اعذار ایله فسخی جائز عقوددن بولمسنه بناءً موجر اول
اجاره ثانیه یی نقضه قادر اولدیغندن اجاره ثانیه صحیح و فقط موجر
اولک تصدیقنه موقوف اولور .

۵۸۹ ماده بر کیمسه مالی مدت معلومه اوزرینه برینه
اجاره لازمه ایله ایجار ایتدکدن صکره تکرار بشقه سنه اول
مدتی ایجار ایلمسه اجاره ثانیه نافذ و معتبر اولماز .

اشبو اجاره موجر حقنده نافذ اولدیغندندر که موجر مأجوری
مستأجر ثانی یه تسلیمه مجبور اولماز . مثلاً اجاره اولی اقاله کبی بر سبب ایله
فسخ اولنه رق مستأجر اولک حق ساقط اولسه موجر اوزرینه
مأجوری مستأجر ثانی یه تسلیم ایتمک لازم کلماز .

کذلک اجاره مزبوره مستأجر اول حقنده نافذ اولدیغندندر
مستأجر اجاره ثانیه یی اجازتده تخیر اوله رق دیلر سه مجیزا و نوب اجاره
کندوسی الوز دیلر سه عقدی فسخ و ابطال ایدر .

§

بوماده ده کی [اجاره لازمه] قیدی من وجه و قوعیدر . چونکه
اجاره فاسده عند القبض حکمی افاده ایتدیگندن اجاره اولی فاسد
اولسه بیلکه حکم ینه منوال مشروح اوزره در .

قید مزبور من وجه احترازیدر . زیرا اجاره غیر لازمه ده یق
موجر مأجوری خیار شرط ایله ایجار ایتدکدن صکره بلا شرط
خیار دیکرینه ایجار ایتسه اجاره ثانیه نافذ و معتبر اولور . §

[اول مدت] قیدی بشقه برمدتن اختراز ایچوندر . بناءً علیه
 موجر مدت اجاره ظرفیده انك ختامندن اعتباراً مأجوری مدت
 علومه اوزرینه بشقه سنه ایجار ایتسه اجاره مضافه اوله رق صحیح
 ومعتبر اولور .

۵۹۰ ماده . مستأجر ك اذنی اولمقسزین آجر مأجوری
 صائسه مستأجر حقنده بیع نافذ اولماز ايسه ده بايع ايله مشتری
 بیننده نافذ اولور .

یعنی اجاره صحیحدهه مستأجر ك مأجوری مدت اجاره ختام
 اولنجیه قدر تصرفه صلاحیتی اولدینی جهتله مأجور ك بیعی ايله
 صلاحیت مزبوره مرفوع واجاره منفسخ اولمیه جفتندن بیع مذکور
 مستأجر حقنده نافذ اولماز . بناءً علیه مستأجر مخیر اولوب دیلرسه
 اجازت ویرر بوسورتده عاقدین بیننده عقد لازم اولور . دیلرسه
 اجازت ویرمز .

بوکا « خیار بیع مأجور » یاخود « خیار اجاره » دینور .
 فقط بايع ايله مشتری اصول و شرائطنه توفیقاً عقد بیع ایتش
 اولدقلرندن انلر حقنده بیعك نافذ اولمسنه مانع بر سبب اولیوب انحق
 لازم اولمز .

بناءً علیه بايع و مشتری بالتراضی بیعی فسخ ایده بیلورلر . بالتراضی
 فسخ ایتدکلری تقدیرده بیعك لازم اوله رق مشتریك میبعی قبض
 یتك ایچون ختام اجارهیه انتظار ایتسی لازم کلوز یوقسه خودبخود
 مدت اجارهده فسخ ایدهیه چکی کی :

حتى مدت اجاره نك انقضاسنده مشتری حقنده بيع لازم اوله رق آلمقدن امتناع ایده من .

مکرکه مدت اجاره نك انقضاسندن مقدم مشتری بایعدن مبيعك تسليمی مطالبه ایدوبده تسليمی ممکن اولدیغی جهتله قاضی عقد بیعی فسخ ایلیه .

زیرا عقد بیع ایله مشتری مبیعه مالک اوله جنی جهتله بایعك مبيع تسليم ایتمی لازم کلور . اجیرك ممانعتی ایله تسليمی ممکن اولدیغی صورتده مشتری قاضی به بالمراجعه مبيعك اخذ وتسلمی واوله مدتی تقدیرده بایعك فسخنی طلب ایده بیلور . حین اشتراده مبيعك مأجور اولدیغی کرک بیلسون کرک بیلامسون . وقاضی بیعی فسخ ایتمکدن صکر مدت اجاره ختام بولدقده مشتری مبیعی اخذه قادر اوله من .

واکر مستأجر بیعی مجیز اولور ایسه هر بری حقنده بیع نافذ اولور . لکن مستأجرک بوجه پشین ویرمشر اولدیغی بدل اجاره دن استیفا ایتمدیکی مقداری انه واصل اولدقجه مأجور انک الندن آله من .

زیرا مستأجرک بیعه اجازتی یالکن فسخ اجاره حقنده مفع اولوب مأجورک یدندن نزعی حقنده معتبر دکلدور . بایعك ثمنی النجا قدر مبیعی حبسه حتی اولدیغی کی ۲۷۸ مستأجرک دخی بروج

ر بدل آجاردن منفعتی استیفا ایتدیکی مقدار ایچون مأجوری حبسه
قی درکاردر .

واکر مستأجر بونی استیفا ایتدن مأجوری تسلیم ایدر
سه حق حبسنی اسقاط ایتش اولور .

بعده اجرتدن مطلوبی اولان مقداری آجاردن بشقهجه طلب
سی لازم کلور . یوقسه مأجوری تکرار استرداد ایده من . زیرا
اقط اولان شی عودت ایتمز .

اجرت مطلوبی ثمن میعدن دخی اخذ وتوقیف ایده من . چونکه
جرت بدل منفعتدر . ثمن بدل عیندر . مستأجرک حق منفعتدر .
جوری تسلیم ایله او حق ساقط اولور . واکر ثمن میعی اخذ
حبس ایتسی لازم کلسه حق اولیان برشی اخذ وحبس ایتسی لازم
ورکه بوده جائز دکلدر . §

۷۴۷ نجی مادهدن منضم اوله جفته کوره راهن رهنی آخره
ع ومرتین ثمن میعی قبض ایله رهنی تسلیم ایتدکده مرتین ایچون
یمک ثمنی مییع مقابلنده رهن اوله جفتدن مأجور ایله مرهون بیننده
کما فرق واردور .

مسئله : آجرک اقراری مستأجر حقنده نافذ دکلدر . مثلاً
جر مأجورک بشقه برکیمسه نك مالی اولدیغنی اقرار ایتسه کندو
قنده نافذ اولور ایتسه ده مستأجر حقنده نافذ اولماز . و مأجور مدت
چاره نك انقضاسندن اول مستأجر یدندن نزع اولنه ماژ چونکه اقرار
حت قاصره در .

مسئله : آجر مفلس اولوبده مأجوردن بشقه مالی اولسه قاضی

عقد اجاره بی فسخ ایله مأجوری صاترق ایهای دین ایدر .
 كذلك مستأجر مفلس اولسه اجاره منفسخ اولور . چونکه
 افلاسیله بعدما ایشلیه جک اجرتی ادا ممتنع اولور .

استطراد

۱۲۱۶ نجی ماده حکمنجه لدی الحاجه امرسلطانی ایله برکیمسه نیک
 ملکی قیمتیله النوب صاحبک رضاسنه باقلمیه جنی جهتله مبیع آخرل
 تحت استیجارنده بولندینی حالده مستأجرک دخی رضاسنه باقلمیه جعفر
 ایجار عقار نظامنامه سنک ۱۹ نجی ماده سنده شویله محرردر . [کرا
 اولان بر عقار منافع عمومیه ایچون نظام مخصوصی موجبنجه جانب
 حکومتدن اشترا اولندینی حالده تعیین اولنان مدت ظرفنده مستأجر
 اول عقاری ترک ایتمه مجبور اوله جقدر]

فصل ثالث

رد و اعاده مأجوره متعلق مسائل بیاننده در

۵۹۱ ماده اجاره نیک انقضاسنده مستأجرک مأجور
 اوزرندن رفع ید ایتسی لازمدر .
 چونکه معقود علیه اولان منفعت استیفا ایدلمش اولدیغندن عقد
 اجاره نیک حکمی دخی منتهی اولور .
 ۵۹۲ ماده اجاره نیک انقضاسندن صکره مستأجر آرتق
 مأجوری استعمال ایده مر .

زیرا برکیمسه نیک ملکنده انک اذنی اولمقسینین بشقه سنک تصرف

ایتمی جایز دکلدر ایدرسه ۶۰۶ نجی مادهده بیان قلندیجی وجهله
حکم غصب ترتب ایدر . و بوسبیه مبنیدر که مستأجر عقار مأجورده
بنا انشا و آغاج غرس ایلسه ۵۳۱ نجی مادهده مذکور اولدیجی وجهله
موجر اول بنا و آغاجی قلع ایتدیرر . وقلعی ارضیه مضر اولدیجی
تقدیرده قیمتی و یروب تملک ایلر .

۵۹۳ ماده اجاره منقضى اولوبده آجر مالنی آلمق
ایستدکده مستأجرک دخی تسلیم ایتمی لازمدر .

رفع ید ایله تسلیم اراسنده فرق واردر . آجر مالنی طلب
ایتمسون ایتمسون مستأجر ایچون ختام اجارهده رفع ید واجیدر .
تسلیم ایسه مأجوری حین طلبده واجب اولور .

مأجورک تسلیمی ممکن ایکن مستأجر بلا مانع تسلیمدن امتناع
ایدرسه ۶۰۶ نجی مادهده بیان قلندیجی وجهله حکم غصب ترتب
ایدر .

۵۹۴ ماده مأجورک رد و اعاده سی مستأجرک اوزرینه
لازم اولیوب اجاره نك انقضاسنده مأجورک اخذی آجر
اوزرینه در .

مثلا بر خانه نك اجاره سی منقضى اولدقده صاحبی واروب خانه سی تسلیم
ایتمک لازمدر .

کذلک فلان محله قدر بر حیوان استیجار اولندقده صاحبی اول محله
بولنوب حیوانی آلمق لازم کلور . وکلوب آلمدیجی حالده مستأجرک تعدی
و تقصیری اولقسنرین یدنده اول حیوان تلف اولسه ضامن اولماز .

قاعدة بر شپئک منفعت قبضی کیمه عائد ایسه رد و اعاده سی دخی

اكا عائددر . زیرا مضرت منفعت مقاباندهدر . مأجورك منفعت
قبضی ایسه موجره عائددر . چونكه بدل اجاره یی اخذ ایدن اودر .
واقعا مستأجر دخی مأجورك منفعتنه مالك اولیور ایسه ده موجرك
استفاده سی مستأجره نسبتله ده زیادهدر . چونكه موجر اجرت
مالك اولیور . اجرت قبض ایله تعین ایده جكندن اعیان باقیه دندر .
اعیان باقیه ایسه اعراض فانیه اولان منفعتدن ده نافع و خیر لیدر .
اما بر محل معیندن كیدوب كلك اوزره استیجار ایتش اولسه اول محله
كوتوروسی لازم كلور . واورایه كوتورمیهرك كندو خانه سینه كوتوروب
طوتسه و حیوان تلف اولسه ضامن اولور .

مستأجر ك اول محله كوتورمكه مكلف اولسی مأجورك رد و تسلیمی
مستأجر اوزرینه لازم اولدیغندن ناشی دكلدر . بلكه اول محلك
منتهای مسافه اولسنه مبنیدر . چونكه آجر اوزرینه اجاره نك منقضی
اولدانی محله مأجوری تسلیم ایتك لازمدر . اجاره ایسه مستأجر
اول محله كلكجه منقضی اولماز . §

كذلك مأجور صاحبه رد اولندقد صاخی انده نه یایار ایسه
مستأجر دخی حین رده انی یاپدینی صورتده مأجور تلف اولسه
ضمان لازم كلز .

مثلا حیوانی موجرك آخورینه باغلاپوب وقاپوبی قاپوب بعده
حیوان تلف اولسه ضمان لازم كلز . اما قاپوبی آچیق براغوب حیوان
تلف اولسه ضمان لازم كلور .

۵۹۵ ماده مأجورك رد و اعاسی حمل و مؤنیه محتاج ایسه

اجرت نقلیه سی آجر اوزرینهدر .

آجر مادامکه عقد اجاره ده مستأجر دن زیاده مستقیم اولیور
کلفته دخی متحمل اولق لازم کلور .

باب ثامن

ضمانات بیاننده اولوب اوج فصلی حاویدر

فصل اول

ضمان منفعت حقنده در

۵۹۶ ماده بر کیمسه بر مالی صاحبك اذنی اولقسزین

استعمال ایتمش اولسه غصب قیلندن اوله رق منافعی اوده مك
لازم کلز .

فقط مال وقف و یا مال صغیر ایسه هر حالده و معدللاستغلال

ایسه تأویل ملك و عقد اولمدینی حالده ضمان منفعت یعنی اجر مثل
لازم اولور .

مثلا بر کیمسه آخرك خانه سنده عقد اجاره ایتکسزین خود بخود بر
مدت ساکن اولسه اجرت و یرمسی لازم کلز . فقط اول خانه و تفك یا بر
صغیرك مالی ایسه كرك تأویل ملك و عقد بولنسون و كرك بولنسون هر حالده
ساکن اولدینی مدتك اجر مثلی و یرمسی لازم کلور .
كذلك كرا خانه اولوبده تأویل ملك و عقد اولمدینی حالده ینه اجر مثل
لازم اولور .

و كذا بر کیمسه صاحبك اذنی اولقسزین بر كرا بازکیرینی آلوبده بر
مدت قوللانسه اجر مثلی و یرمسی لازم کلور .

غصب ایله لازم کلان ضمان اوج نوع اولوب بزی ضمان عین
مغضوب دیکری ضمان زوائد مغضوبدر که کتاب الغصبده بیان اولنور.
اوجنجیسی ضمان منفعت مغضوب اولوب ایسته بوفصلده انک احکامی
ذکر اولنمشدر.

ماده مشروحه نك فقره اولسنه نظراً منافع مغضوب ایچون اساساً
ضمان لازم کلامسی ایکی سببه منیدر. برنجیسی غصب سببیه ضمان لازم
کله اجرت ایله ضمانك اجتماعی اقتضا ایدر بوایه قاعده کلیه مخالف
اولمغله غیر جائزدر. ایکنجیسی امام اعظم واصحابی رحمة الله علیهمك
اجتهادینه کوره منفعت مضمون دکدر. چونکه منفعت زمان ایله بر
عینی استعمال اراسنده حاصل اولان تعلقات مخصوصه دن عبارت
اولمغله منفعت مغضوبیه یی مثلی منفعت ایله تضمین ممکن اولیوب عین
ایله قضا ایدمك ایجاب ایدر اعیان ایسه مال مقومدر. حالبوکه منفعت،
حرکت مثللو باقی اولمیان برطاقم اعراضدن عبارت اولوب وقت حاجت
ایچون ادخاری قابل اولمدینی جهته محرز اولمدیغندن مقوم دکدر.
بنابراین بر معنای غیر مقومی برمال یعنی عین مقوم ایله تضمین مثل
غیر معقول ایله قضا دیمك اولوب قاعده مماثلت معقول اولمیان یرلرده
نص ویا نصك دلالتی لازم اولوب منفعتك مال ایله تضمینی حقنده ایسه
نص ودالات نص بولمدیغندن جائز دکدر.

اگرچه عقد اجاره ایله عیناً لازم کلان اجرت دخی منفعتهمقابل
وبناء علیه مثل غیر معقول اولسنه نظراً عقد اجاره نك دخی صحیح
اولمامسی لازم کلور ایسه ده ۴۲۰ نجی ماده نك شرحنده بیان وایضاح
اولنمدینی اوزره اجاره ده منفعتك عینه مثل اولمسی تراضی طرفین
ایله در. عندالتراضی مماثلت اولمسه ده اعتیاض جاری اوله جفی جهته

بوصورت حکم قاضی ایله تضمینه مقیس اوله میه جغندن بشقه اجاره ذاتاً
 علی طریق الاستحسان تجویز بیورلدیغندن وعلی خلاف القیاس ثابت
 اولان شی سائرہ مقیس علیه اوله میه جغندن اجاره منعقدده اجرت
 لازم کلکده بولمسنه نظراً من غیر عقد انتفاع ایدیلان منفعت مغصوبه
 ایچون دخی اجرت اعطاسی لازم گلر .

امام شافعی رحمه الله علیه منفعتی مال متقوم حکمنده عد اتمکله
 مشار الیهک مذهبنده منفعت مال ایله تضمین اولنور یعنی مشار الیهک
 اجتہادنجه منافع اعیان مال اولمقده عینه بکزه دیکندن عینی تلف ایدن
 کیمسه یه ۹۱۲ و ۹۲۲ نجی ماده لر احکامنجه ضمان لازم کلدیکی کبی منافی
 تلف ایدن کیمسه یه دخی ضمان لازم کلور .

متأخرین فقهای حنفیه مال صغیر و مال وقف ایله امثالنده رأی
 شافعی بی اختیار ایله ضمان منفعتہ قائل اولمشلردر . مال مجنون و معتوه ،
 مال صغیر حکمنده و مال بیت المال ، مال وقف حکمنده در .

چونکه ناسک اموال ایتام و اوقاف و امثالنه تسلطی مشهود
 اولدیغندن بو کبی تسلط ایدن زجر و منع ایله اموال مزبورده نك تلف
 و ضیاعدن صیاتی واجبدر .

معدل الاستغلال اولان بر مالی بر کیمسه معدل الاستغلال اولدیغنی
 بیلدیکی خالده تأویل ملک و یا عقد اولمقسزین استعمال ایدر ایسه انک
 بو وجهله تصرفی اجرت اعطاسنه راضی اولدیغنه دلالت ایدرک اجاره یه
 محمول اولور . فقط مقدار اجرت مجهول اولدیغنی خالده اجر مثل
 ویرمسی لازم کلور .

۵۹۷ ماده تأویل ملک ایله استعمال اولسان مال

معدل الاستغلال اولسه دخی ضمان منفعت لازم کلز .

چونکه بو صورتله استعمالده اجرته رضا بولماز .

مثلا بر مال مشترکی شریکارندن بریسی دیگر شریکنک اذنی اولقسزین بر مدت مستقلاً تصرف واستعمال ایسه «ملکمدر» دیواستعمال ایلمش اوله جنی جهتله معدل الاستغلال اولسه دخی دیگر شریکی حصه سنک اجرته الهماز . فقط ماده سابقهده تصریح اولندینی وجهاه شریک یتیم ویاوقف وامثالی ایسه تأویل ملک وعقد معتبر اولیوب حصه سی مقدار اجر مثل لازم کلور .

۱۰۷۷ ، ۱۰۸۱ ، ۱۰۸۳ ، ۱۰۸۴ ، ۱۰۸۵ ، ۱۰۸۶ نجی ماده لرده بوکا دائر ایضاحات مندرجدر .

۵۹۸ ماده تأویل عقدايله استعمال اولنان مال معدل الاستغلال

اولسه دخی ضمان منفعت لازم کلز .

مثلا بر کیسه مشترکا مالک اولدینی دکانی شریکنک اذنی اولقسزین برینه صاعفله مشتری دخی بر مدت تصرف ایدوب انحق دیگر شریکی بیعه اجازت ویرمیه رک حصه سنی ضبط ایله کده دکان هر نه قدر معدل الاستغلال ایسه ده حصه سنک اجرته مطالبه ایده من . زیرا مشتری انی تأویل عقد ایله استعمال ایتمش یعنی «عقد بیع ایله متصرفم» دیو قوللانش اولدینی جهتله ضمان منفعت لازم کلز .

کذلک بر کیسه بر دکر منی ملکی اولق اوزره برینه بیع وتسليم ایله مشتری بر مدت ضبط وتصرف ایتدکن صکره بشقه بر کسنه اول دکر منه مستحق چیقوب بعدالاثبات والحکم مشریدن آلسه مشرینک مدت من بوره ده تصرفی ایچون اجرت نامه برشی آله من . زیرا بونده دخی تأویل عقد وارد . فقط بو ماده حکمندن دخی یتیم وامثالی مسرقتنا اولوب شریک ویا مستحق ، یتیم وامثالندن اینسه حصه سنه اصابت ایدن مقدار اجر مثل اعطاسی لازم کلور .

[تأویل عقد] جمله سی مطلق ذکر اولند یفندن عقد بیه منحصراً
اولیوب رهن کی عقود سائر به دخی شاملدر. مثلاً مرتهن راهندن اذن
آلمقسزین مروهونده بنا کن اولسه اجرت لازم کماز .

۵۹۹ ماده بر کیمسه بر صغیری ولیسنک اذنی اولقسزین
استخدام ایلسه بالغ اولدقدده خدمتک اجر مثلی آلور . وصغیر
فوت اولسه ورثه سی دخی اول مدتک اجر مثلی اول کیمسهنه دن
آله بیلورلر .

صغیره ویریلان البسه و نفقه مصرفی اجر مثله مساوی ایسه
صغیر ویا ورثه سی اجر مثله نامنه برشی آله ماز . اما مصارف مذ کوره
اجر مثله دن دون ایسه اوست طرفنک ویرلمی لازم کلور .
اب ، جد ، وصی صغیری بطریق التہذیب والریاضه بلاعوض
استخدام ایده بیلجکی کبی تحصیل معارف و تعلیم صنعت ایچون معلم
واستاده اعاره دخی ایده بیلورلر . §

بوماده نک حکمی بر کیمسهنک بر صغیری ولی ویا وصیسنک ویا خود
حاکمک اذنی اولقسزین استخدام ایتدیکی تقدیره کوره در . اما
بوناردن بری اذن ویرمش ایسه اجرتک لزوم ویا عدم لزومنده
عرف بلده یه تطبیق عمل اولنه جنی ۵۶۹ نجی ماده ده تصریح اولمشدر .

فصل ثانی

مستأجرک ضمانی حقنده در

۶۰۰ ماده عقد اجاره کرک صحیح اولسون وکرک

صحیح اولسون مستأجر یدنده مأجور امانتدر .

یعنی مأجور آجرك صراحة ویا دلالة اذنیله مستأجره تسلیم اولور ایسه مأجور ۷۶۲ نجی ماده حکمنجه ید مستأجرده امانت اولور . عقد كرك صحیح اولسون كرك فاسد ویا باطل اولسون . اما مستأجر آجرك اذنی اولمقسزین مأجوری قبض ایدر ایسه مأجور یدنده امانت اولیوب غصب قیلندن اولهرق قبض ضمان ایله بولور .

۶۰۱ ماده مأجور اكر مستأجر یدنده تلف اولور ایسه مستأجر ك تعدیسی یا تقصیری ویاخود مأذونیتته مخالفتی اولدجه ضمان لازم كلز .

حتی ضمان شرط ایدلسه بیله حکمی یوقدر . زیرا امانت مضمون دكلدر . ۷۶۸

۶۰۲ ماده مستأجر ك تعدیسی ایله مأجور تلف اولسه یاخود قیمتته نقصان كلسه مستأجره ضمان لازم كلور .

زیرا هر كس كندی تعدی و تقصیرندن مسؤل اولور .

مثلا مستأجر كرا حیوانی اوروپ اولدرسه یاخود غنف وشدت اوزره سورمكله حیوان تلف اولسه قیمتتی ضامن اولور .

مأجور كلیاً تلف اولدینی تقدیرده جمیع قیمتتی ویا لكز قیمتته نقصان كلدیكى تقدیرده مقدار نقصانی ضامن اولور . و تعدی استیفای منفعتدن صكره اولور ایسه ۵۴۵ نجی مادهده بیان قلندینی وجهله اجر مسمی دخی لازم كلور .

۶۰۳ ماده مستأجر ك خلاف معتاد حرکتی تعدی اولوب
 بوندن تولد ایدن ضرر و خساری ضامن اولور .

مثلا استیجار ایتدیکی البسه بی عادت ناسه مخالف اوله رق استعمال ایدوبده
 فرسوده اولسه ضامن اولور .

شویله که : البسه بر کره سالماً و بر کره ده فرسوده اولدینی حالده
 تقویم اولنوب ایکی قیمت اراسنده کی فرق نه ایسه آنی ضامن اولور .
 كذلك خانه مأجورده ناسك یا قدینی مرتبه زیاده آتش یا قسندن ناشی
 حریق ظهور یله خانه محترق اولسه ضامن اولور .

[خلاف معتاد] جمله می علی العاده حر کتدن احتراز ایچوندر .
 بناءً علیه مستأجر مأجوری عادت اولدینی اوزره استعمال ایدر ایکن
 ضایع و یا محترق اولسه ضمان لازم کلور . زیرا جواز شرعی ضمانه
 منافیدر .

۶۰۴ ماده مستأجر ك امر محافظه ده تقصیری ایله مأجور
 تلف اولسه یا خود قیمتته نقصان کلسه ضمان لازم کلور .
 مستأجر ك تقصیری استیفای منفعتدن اول ایسه یا لکز ضمان ،
 صکره ایسه ۵۴۵ نجی ماده ده بیان قلندینی وجهله هم اجرت وهم
 ضمان لازم کلور .

مثلا مستأجر کرا حیوانی باشی بوش بر محله صالیور مکه ضایع اولسه
 ضامن اولور .

[باشی بوش] قیدی احترازی دکدر . عرف و عاده مخالف
 اوله رق حیوانی بر محله باغلا یوب کتدوسی غیوبت ایتسه یا حیوان
 کوزندن نهان اولسه تلف اولدینی تقدیرده ضمان لازم کلور .

۶۰۵ ماده مشروطك مافوقه تجاوز ايله مستأجر ك
 كندو مآذونیتنه مخالفتي ضمانی موجب اولور . اما مثلنه
 باخود مادونه عدول ايله مخالفتي ضمانی ایجاب ایتمز .

مثلاً مستأجر شو قدر قیه یاغ یوکتتمك اوزره استکرا ایلدی حیوانه
 اول قدر قیه تیمور یوکلدوبده حیوان تلف اولسه ضامن اولور .
 اما مضرتده یاغه مساوی یاخود دها خفیف بر جنس حمله یوکلدوبده
 حیوان تلف اولسه ضمان لازم کلر .

۴۲۶ نجی ماده حکمنجه عقد اجاره ايله منفعت معینهیه مستحق
 اولان کیمسه عیناً اول منفعتی یا مثلی یاخود مادونی استیفا ایدیه بیله -
 جکندن مأجورائناى استعمالده تلف اولسه و یا قیمته نقصان کلسه تعدی
 و تقصیری وقوع بولق کبی سبب ضمان اولدقجه مستأجر ضامن اولماز .
 اما مافوقه تجاوز ایدر ایسه عقد اجاره نك تضمن ایتدیکی
 معنی زائل اوله جغندن شو تجاوزی موجب ضمان اولوب بشقه جه
 تعدی و تقصیری اولسه بیله ضامن اولور . و بعدالتجاوز دائره مآذونیتنه
 عودت ایتسه ضماندن بری اوله ماز .

اسبابی ۸۱۴ نجی ماده شرحنده بیان و ایضاح اولمشدر .

۶۰۶ ماده اجاره نك انقضاسنده مأجور کما کان مستأجر

یدنده و دیعه کبی امانت قالور .

یعنی مدت اجاره ده مأجور نصل امانت ایدیه انقضاء مدتدن
 اعتباراً موجه تسلیم ایدنجیه قدر اویله جه امانت قالور . شو قدر که
 مستأجر مدت اجاره ده اولدینی کبی مأجوری استعمال ایدیه من .

بناءً عليه اجاره منقضى اولدقدن صكره مستأجر مأجورى

استعمال ايدوبده تلف اولسه ضامن اولور .

فقط بوندن طولاي اجرت لازم كلز . زيرا ضمان ايله اجرت
مجمع اولماز . يالكز مدت اجارهده استيفا ايتمش اولدينى منفعتدن
طولاي اجر مسماي ويرر .

كذلك اجاره نك انقضاسنده آجر مالنى طلب ايدوبده
مستأجر ويرميوب امساك ايتدكدن صكره اول مال تلف
اولسه ضمان لازم كلور . ۷۹۴

زيرا زده مجبور ايكن امساك ايتمى تعدى اولقله موجب ضماندر .
مكر كه امساكى بر عذره مبتنى اوله . مثلاً آجر مالنى مستأجر دن زقاقدن
طلب ايدوب مستأجر دخى خانه سنده اولدينى بيان ايله تسليم ايتك
اوزره خانه يه كيدنجيه قدر خانه ايله برابر مأجور دخى محترق اولسه
ضمان لازم كلز .

مستأجر انقضاي مدتدن صكره مأجورى استعمال ايدرك ضايع
وتلف اولمقسزين وقيمتنه نقصان كله كسزين موجه تسليم ايتسه مادامكه
استيفاي منفعت ايتشددر . اجر مثل لازم كلور .

فصل ثالث

اجيرك ضمانى حقندهدر

اجير خاص ايله اجير مشترك ضماننده فرق اولدينى كى مستأجر

فیهک تلف اولسی یا اجیرک فعل و صنعندن یا خود فعل و صنعی اولقسزین
 بشقه برسیدن متولد اولور. فعل و صنعندن متولد اولدینی حالده اجیرک
 یا تعدی و یا تقصیری وقوعبولمشدر. یا خود وقوعبولمامشیدر. تعدی
 و یا تقصیری وقوعبولدینی صورتده مستأجر فیهک تلفی یا ممکن الاحتراز
 اولان یا خود احتراز ممکن اولیان برسیدن نشأت ایدر بونلره کوره
 دخی بشقه بشقه احکام ترتب ایده جکنندن بروجه زیر بیان قلنور.

۶۰۷ ماده اجیرک تعدیسی یا خود تقصیری ایله مستأجر

فیه تلف اولسه ضامن اولور.

کرك اجیر خاص اولسون و كرك اجیر مشترك اولسون. زیرا
 هر کس کندی تعدی و تقصیرندن متولد ضرره متحمل اولمق لازم
 کلور بویله اولسه مستأجرک متضرر اولسی اقتضا ایدوب ضرر ایسه
 شرعاً غیر جائزدر.

۶۰۸ ماده اجیرک تعدیسی مستأجرک صراحةً یا دلالةً

امرینه مخالف عمل و حرکت ایتمسیدر.

مثلاً بر کیمسه اجیر خاص اولان چوبانه شو حیوانلری فلان محله دهی
 ایت آخریره کوتورمه دیمشیکن چوبان اول محله دهی ایتیهرك بشقه محله
 کوتوروب دهی ایتسه تعدی ایتمش اولور و اوراده دهی ایدر ایکن حیوانلر
 تلف اولسه چوبانه ضمان لازم کلور.

زیرا چوبان مستأجرک امر صریحنه مخالفته تعدی ایتمش اولدیغندن
 ضمانه متحمل اولمق لازم کلور.

کذلک بر کیمسه درزی به بر قاش و یروب و بکا بر اوزون انتاری
 چیقارسه کس دیوب درزی دخی چیقار دیهرك کسه کده اوزون انتاری
 چیقمه اول کیمسه قاشی درزی به تضمین ایتدیره یلور.

مستأجرک [بکا براوزون انتاری چيقاوسه کس] ديمسى چيقمازسه
کسمه ديمکه دلالت ايلديکي جهتهله درزى دلالة اولان امره مخالفتله
تعدى ايتديکندن طولايي ضامن اولور . §

مستأجرک صراحة يادلالة امرى اولسه بيله اجيرک مقتضای
عقده و شرطه و عرف و عاداته مخالفتي و عملنده اثر اولمديني حالده
ختم مدت اجاره ده مستأجر فيهي بلاعذر حبسى دخی تعديدر .

۵۷۱ ، ۴۸۳

۶۰۹ ماده اجيرک تقصيرى مستأجر فيهک محافظه سنده

بلا عذر قصور ايتسيدير .

مثلا سوريدن بر حيوان فرار ايتدکده چوبان مجرد تکاسل و أمهالندن
ناشى واروب طومديني جهتهله حيوان ضايغ اولسه چوبان تقصير ايتمش
اوله جفندن ضامن اولور .

اما انک ارقه سى صره کيتديکي تقديرده ديگر حيوانلرک ضايغ اولق
احتمالى غالب اولديني جهتهله واروب طومامش ايسه معذور اولغله ضمان
لازم کلز .

چوبان اجير خاص اولديني تقديرده ضمان لازم کليه چکي بين الامه
متفق فيهدر . اجير مشترک اولديني تقديرده امام اعظم حضر تلرينه
کوره اجير مشترک دخی امين اولديغندن ضمان لازم کلز . امامين
حضراتي اجير مشترک چوق اجرت آلق طمعيله اقتدارينک فوقندن
زياده حيوان قبول ايله حفظنده قصور ايتمش اولديغندن ضمان لازم
کله چکي رأينده بولمشلردر . §

اگر مستأجر فيهک تلفي اجيرک فعل و صنعتندن اولوب فقط تعدى
و تقصيرى بولماز ايسه اجير خاص ايسه ضامن اولماز . اجير مشترک
ايسه ضامن اولور زيرا :

۶۱۰ ماده اجیر خاص امیندر .

حتی یدنده بغیر ضنعه تلف اولان مالی ضامن اولماز .
و کذا بلا تعد کندو عملیله تلف اولان مالی دخی ضامن
اولماز .

چونکه اجیر خاصک عملتک منافعی مستأجرک ملکی اولیور .
و مستأجر مأجورده تصرفله اجیره امرایتدیکنندن اجیر تصرف مذکورده
مستأجر مقامنه قائم و گویا مستأجر کندو یا پیمش اولیور بناء علیه
مستأجر اجیر خاصک عملتک منفعتنه مالک اولدیغندن مضر تنه دخی
متحمل اولمق لازمدر . اما اجیر درجه مأذونیتنه مخالف عمل ایدرسه
ضامن اولور .

بو حوالده ماده مشروحه نك حکمی مطلق اولیوب « اجیر خاص
مأذون اولدینی عملده امیندر » دیمک اولور .

۶۱۱ ماده اجیر مشترک کرک تعدیسی یا تقصیری

اولسون و کرک اولسون کندوسنک فغل و صنعندن تولد
ایدن ضرر و خساری ضامن اولور .

زیر اعقد مطلق معقود علیک عیوبدن سلامتی اقتضا ایتدیکنندن
عمل غیر سالم اجاره تحتنده داخل اوله من .

نائیاً هر نه قدر مستأجر فیه اجیر مشترک یدنده دخی امانت ایسه ده
کندو عملیله بلا تعد و لا تقصیر تلف اولدینی حوالده ضمان لازم کلسه

اجیر مشترک اقتدارینک فوقنده عملی تعهد ایتک کی شیلرله مستأجری
اضرار ایدیه بیلمسی ملحوظدر .

الحق مستأجر مخیر اولوب دیلر سه غیر معمول اوله رق قیمتی
تضمین ایتدیروب اجرت ویرمز. دیلر سه معمول اولدینی حالده کی قیمتی
تضمین ایتدیروب اجرتی ویرر .

بونک سینه کلنجه : اجیر معمول اوله رق یعنی مستأجر فیهک
تلف اولدینی محله کی قیمتی ویرر ایسه مستأجر فیهی مستأجرک اذنیله
قبض ایتیش اولدیغندن تلف اولدینی آنده تعدیسی وقوعبولش
دیمک اولور .

اجیر غیر معمول اوله رق قیمتی ویرر ایسه مستأجر فیهه هنوز ایفای
عمل ایتکسزین مالک اوله رق اندن صکره کندو ملکنده عمل ایتیش
اوله جئی جهته اجرت لازم کماز . §

مستأجر فیهک تلفی اجیرک فعل و صنعندن تولد ایتمز ایسه نظر
اولنور . سبب هلاک یا ممکن التحرزدر. یادکلدر. ممکن ایسه اجیر خاصه
بالاتفاق ضمان لازم کماز . زیرا ۶۱۰ نجی مادهده بیان قلندیفی وجهه
اجیر خاص امیندر .

اجیر مشترک ضمان لازم کلوب کلامسی مجتهدین عظام حضراتی
میاننده مختلف فیهدر . امام اعظم حضرت تهرینه کوره اجیر مشترک
یدی اجیر خاص کی یداماندر. زیرا مستأجر فیهک حفظی مقصود بالذات
اولیوب مقصود بالبتعدر. چونکه اجرت عمل مقابلنده اولوب مستأجر
فیه اجیر مشترک یدنده امانتدر. امانت مضمون اولدیغندن اجیر مشترک
ضمان لازم کماز. امامین حضراتنه کوره اجیر مشترک یدی یدضماندر.
زیرا اجرت هم عمل وهم مستأجر فیهی حفظ مقابلنده اولوب یالکنز

عمل مقابلنده دکلدر. بوجهتله ضمان لازم کلور. متأخرین فقها مجتهدین عظامک مطالعات محرره سنه نظر آ و ضمان بالنصف، ایله فتوی ویرمشلر و دیملر درکه: اجیر مشترکک اجرتیه استحقاقی عملنه متوقفدر. و عمل ایچون برعینه لزوم وارددر. فقط مقصد اصلی عمل اولوب عینی حفظ تبعاً لازم اولدیغندن محافظه سی عقدده داخل اولان شیردندر. بونک ایچون ضیاعی حالنده ضمان بالنصف اقتضا ایدر.

مجله جمعیتنجه اقوال مذکورنک قنغیسنک اختیار اولندیفی صراحة ذکر اولنماش ایسه ده ۶۰۹ نجی مادهده [اجیر] لفظنک مطلق اوله رق ذکر ایدلمسی وماده مذکورنک فقره اخیره سنک و ۴۸۲ و ۱۷۷ نجی ماده لریک دخی امام اعظم حضر تلرینک اجتهدادی وجهله یازلمسی و ضمان بالنصفدن بحث اولنماشی ممکن التحرز اولیان خصوصاً صانده دخی حضرت امامک اجتهداینک اختیار اولندیغنه دلالت ایده یور.

§

بحث و بیان اولنان اختلاف آرا اجاره صحیح اولدیفی تقدیرده در. اجاره فاسد اولور و یا خود اجیره تسلیم ایدی لان عین مستأجر فیهک غیری اولور ایسه ایکی صورته دخی امانت غیر مضمون اولدیغندن بلا تعد ولا تقصیر تلف و یا ضایع اولدیفی حالده ضمان لازم کلز.

مثلاً برکیمسه غلاف یا بمق اوزره برسیفی قلیجی یه ویروبده قلیجی یدنده سیف تلف اولسه ضمان لازم کلز. چونکه قلیجیچینک عملی سیفده احداث اولنمیوب غلافده احداث اولنیور. سیف مستأجر فیه دکلدر.

§

مأجورک تلف و یا ضیاعی اجیرک فعل و صنعندن متولد اولماز و ممکن التحرز دخی بولنماز ایسه کرک اجیر مشترک و کرک اجیر خاص

اولسون ضمان لازم کلز . مثلاً مکاری مستاجر فیه اولان اشیایی محل مقصوده کوتورر ایکن اثنای طریقهده مقاومتی و تحرزی قابل اولیان برسیدن طولانی تلف ویا ضایع اولسه ضمان لازم کلز .

مسئله

درزینک قلفه سی البسه یی دیگر ایکن مستاجر فیه تلف اولسه درزی ضامن اولور . چونکه عمل اجیر مشترک اولان درزی به مضافدر . قلفه سی اجیر خاص اولغله ضماندن بریدر . ۵۷۲

§

کتاب الاجارات اوزرینه تعلق ایدن اراده سنیه تاریخی

فی ۶ دی القعده سنه ۱۲۸۶

کتاب الاجاراتی ترتیب ایدن مجله جمعیتی هیئت

عن اعضاء شورای دولت مفتش اوقاف هایون ناظر دیوان احکام عدلیه

احمد جودت

السید خلیل

سیف الدین

عن اعضاء دیوان احکام عدلیه

عن اعضاء دیوان احکام عدلیه

السید احمد خلوصی

السید احمد حلمی

عن اعضاء شورای دولت

عن اعضاء جمعیت ابن عابدین زاده

محمد امین

علاء الدین



موجبنجه عمل اولنه
صورت خط همايون
کتاب ثالث

کفالت حقنده اولوب بر مقدمه ايله اوج بابي حاویدر

مقدمه

کفالت دأر اولان اصطلاحات فقهيہ بياننده در

۶۱۲ ماده کفالت بر شيئك مطالبه سي حقنده ذمتي

ذمتہ ضم ايتمکدر .

يعني بر کيمسه ذاتي ديکرك ذاته ضم ايدوب وائك حقنده لازم کلان مطالبه سي کندو دخي التزام ايتمکدر .

[کفالت] لغتده مطلقا ضم معناسنه اولوب اصطلاح فقهاءده

بروجه محرر معنای خاصه نقل اولنمشدر .

[شی] گله سي بر لفظ عامدر که هر نسنه يه اطلاق اولنور .

کفالتده مکفول به نفس و مال و بر شيئك تسليمی اوله بيله جکندن

عمومنه شامل اولوق اوزره [شی] گله سي له بيان قلمنمشدر .

کفالت؛ نفس و یا سائر بر شيئك تسليمتک و یا اعيان مضمونه قيمتک

تضمينتک و یا خود بر دينک ایفاسنک مطالبه سي حقنده ذمتي ذمتہ ضم

ايتمکدر . دينله ایدی تعريف تفصيل ايدلمش اولوردی تعريفلرک افرادی

جامع و اغیارینی مانع صورتده مختصر و مفید اولسی قاعده دندر .
 یالکز بر نوعنک ذکر ی ایله اکتفا اولنه ایدی دیگر لری خارج
 قاله جغندن تعریف افرادینی جامع اولماز ایدی . خصوصیه بعض کتب
 فتمیه ده مندرج اولدینی وجهله « کفالت ؛ بردینک مطالبه سی حقنیده
 ذمتی ذمته ضم ایتمکدر » دینلمش اوله ایدی کفالت بالدینه منحصر
 قالور ایدی . §

[مطالبه] قیدندن اکلایشیلور که کفیلک ذمتنه انضمام ایدن شی
 حق مطالبه در . انجق نفسه و اعیانه کفالتده کفیلک یالکز مطالب
 اوله جنی متفق علیه ایسه ده دینه کفالتده کفیل یالکز مطالبی اولور
 یوقسه دین دخی ذمتنده ثابت اولور می ؟ مجتهدین عظام حضراتی
 بو خصوصده بشقه بشقه اجتهاد ایتمش اولدقلرندن مختصر آ بیان
 قلنور شویله که :

امام شافعی و احمد بن حنبل رحمة الله علیهمانک اجتهداینه کوره .
 مدیونک ذمتندن دین و مطالبه ساقط ازلقسزین انک کی کفیلک
 ذمتنده دین ایله مطالبه ایکیسی بردن ثابت اوله رق مکفول له هم
 اصیل و هم کفیله مراجعتله طلب و استیفای دین ایده ییلور .
 زیرا کفیلک ذمتنده دین ثابت اولسه ایدی مطالبه دخی اولنماق
 اقتضا ایدر ایدی . چونکه مطالبه دینک فرعیدر . اصل ثابت اولمینجه
 فرع دخی ثابت اولماز . حال بو که کفالتک حکمی مطالبه در . ۶۳۴
 ثانیاً دینی کفیله هبه صحیح اولماملی ایدی . زیرا دین مدیونک
 غیر یسنه تملیک اولنش اولور . مدیونک غیری یه دینی هبه ایسه قبضه
 صراحة اذن ویرلمدکجه صحیح اولماز . ۸۴۸

ثالثاً دائن آله جنی مقابلنده کفیلدن برشی صاتون آنسه صحیح

اولدینی حالدہ آلہ جنی مقابلندہ بر شخص آخر دن مال صاتون آلمسی صحیح اولدیغندن بوصول دخی کفیلک ذمتده دینک ثابت اولدیغنه دلالت ایدر .

رابعاً کفیل بالمالک وفاتیلہ کفالت باطل اولیوب مکفول به ترکه سندن مطالبه اولتور . ۶۷۰ کفالت یالکز مطالبه دن عبارت اوله ایدی کفالت بالنفسده اولدینی کی ۶۶۶ کفیلک وفاتیلہ حق مطالبه ساقط اولوب ترکه سنه مراجعت اولنه مامق اقتضا ایدر ایدی .
خامساً کفیلہ کفیل اولمق صحیح اولدیغندن ۶۲۶ کفیل تانینک کفالتی کفیل اولک امریلہ اولمش ایسه بعد اداء الدین کفیل ثانی کفیل اوله مراجعت ایدوب اصله مراجعت ایده مز ، اکر کفالت مطالبه دن عبارت اولسه ایدی کفیل ثانی کفیل اوله مراجعت ایده میوب اصله مراجعت ایتلی ایدی .

شو مطالعاته کوره کفیلک ذمتی هم دین وهم مطالبه ده اصلک ذمتیه ضم اولمق اقتضا ایدر .

أئمة حنفیه رحمۃ الله علیهم دخی ماده مشروحه ده مذکور اولدینی وجهله کفیلک کفالت حسیلہ یالکز مطالب اوله جغنی بیسان ایلہ بیور یورلرکه ؛ کفیلک ذمتیه دین دخی ضم اولمق لازم کلسه قلب حقیقت اقتضا ایدر . یعنی دین بر اولدینی حالدہ مدیونک ایکی کشی اولمسی و بناءً علیه دائنک مطلوبی مثلاً بیک غروش اولدینی حالدہ مدیوندن بیک و کفیلدن دخی بیک که جمعاً ایکی بیک غروش طلب ایتسی لازم کلور بوده جائز دکلدیر . ۱۶۵۱ وتعهد والتزام و ضرورت اولمینه یعنی بلا ایجاب شرعی هیچ بر کیمسه نک ذمتنده دیکر کدینی ثابت اولماز . و کفالتده مطالبه ایلہ توثیق دین مقصدی حاصل

اوله جفندن کفيله بلا التزام اثبات دين ايجون ضرورت دخى تصور اولماز .

فقط دين بر اولدينى حالده حق مطالبه نك تعددنده باس اوليوب فائده دركاردور . چونكه محل طلبك تعددى استيفاي دينك توثيقندن عبارت اولمغله حق واحدى اشخاص متعدده دن آيرو آيرو استيفا ككدر . كفالت دخى بو قيلدندر .

مثلا وكيل بالشرا عقدى نفسنه مضاف قيله رق بر مالى صاتون آلسه بايع ثمن ميبى و كيلدن طلب ايدر . اكر چه ميبك ملكيتى موكلنه ثابت اولديغندن ثمنك دخى موكلنى طرفندن تسويه سى لازم كور ايسه ده وكيل عقدى كندو نفسنه مضاف قيله يغنه وقاعده حقوق عقد انحق عاقده عائد اولديغنه بناءً وكيل مديون اولدينى حالده مطالب اولور و بايع ثمن ميبع ايجون موكله مراجعت ايده من .

كذلك غاصب ايله غاصب الغاصبك ايكي سينه بدل مغصوبى ضامندير . حال بو كدمين بر دور . فقط غصب ايله كفالت بيننده بر فرق مهم واردور . شويله كه طرفين حضراتنه كوره مغصوب منه فاصلردن قنغيسنه مراجعت ايدر ايسه ديكرينه مراجعت حق ساقط اولور . چونكه بونلردن رينه مراجعتله تضمينى اختيار ايتك ايله مغصوبى اكا تملك ايتش اولور . حالبوكه دائن يعنى مكفول له ۶۴۴ نجى ماده موجبنه آله جغنى ديلرسه اصيلدن و ديلرسه كفيلدن وايسترسه بر مقدارينى اصيلدن و بر مقدارينى كفيلدن طلب واخذ ايدر .

ثانياً دينك كفيله هبه سى و دينه مقابل كفيلدن بر مال اشتراسى جائز اولمسه اجراى عقده قادر اولان عاقلدن بو مثللو تصرفات شرعيه يه دائر صدور ايدن كلامك اهمالى لازم كلوب كلامك اهمالندن

ایسه اعمالی اولی ایدوکنندن تصرفات منله کوره ضروره تجویز اولنمشدر . ضرورتلر ایسه کندو مقدارلرنجه تقدیر اولنور .

بنابرین کفالت بالیدینه کفیلک ذمتنده ثابت اولان یالکیز مطالبه در دین ثابت اولماز . مفتایه اولان شو قول ارجح مجله جمعیتنجه دخی اختیار اولنهرق مباحوث عنه اولان [مطالبه] کله سنک ذکر یله کفالت بالیدینه کفیلک یالکیز مطالب اولدینی بیان قلمشدر .

انحق اختلاف واقع مسئله نك قاعده واصله امر تطبیقندن متولد مطالعات نظریه دن عبارت اولوب مادامکه کفیل مکفول بهی ایفا ایله مکلفدر . ایستر یالکیز مطالب ایستر ایسه هم مطالب وهم دین ذمتنده ثابت اولهرق ادا ایتسون حکماً مساویدر . شو قدرکه کفیله یمین توجه ایدوبده حسب الکفاله بورجی اولدیغنه یمین ایتدکه کفیلک ذمتنده دین دخی ثابت اولور دیانلره کوره کفیل حاث اولور . کفیلک یالکیز مطالب اوله جغنی بیان ایدنلره کوره حاث اولماز . §

[ذمتی] کله سی ۱۵۸،۸ نجی ماده لرك شرحنده تعریف وذات ووصف معنارنده مستعمل اولدینی بیان قلمشدی بوراده ذات معناسنده مستعملدر . یعنی کفیلک ذاتی دیمکدر . چونکه وصف عرض قیلندن اولدیغندن عرض کندی کندینه قائم اوله ماز انکچون بالذات کفیل مطالبه اولنور .

[ذمته] یعنی مدیونك ذاته دیمکدر .

[ضم] لغتده بر شیء دیگر شی اوزرینه قویق دیمک اولوب ماده مشروطه ده کفیل ذاتی اصلک ذاته علاوه ایتک معناسنده استعمال اولنمشدر . وبوقید ایله حواله دن احتراز اولنور چونکه

حوالده ضم اولیوب نقل واردر . تفصیلی کتاب مخصوصنده بیان اولنور

§

مباحوث عنه اولان تعریفی مفسر اوله رق مجله جمعیتجه تحریر
ایدلش اولان (انک حقنده لازم کلان مطالبه بی کندو دخی التزام
ایلمکدر) جمله سی نقیضی اولان « لازم کلیان مطالبه دن » احتراز
ایچوندر . زیرا کفالتده کفیلدن مطالبه اولنه حق شی ایله اصیلدن
مطالبه اولنه حق شیئک براولسی لازم کلور .

بناء علیه بر کیسه مستودع یدنده امانت اولان برماله « بومال
تلف اولور ایسه بن کفیل » دیسه معتبر اولماز . چونکه امانت مضمون
دکلدر . ودیعه بلا تعد ولا تقصیر تلف اولدقده اصیل اولان مستودع
مطالب اولماز که کفیل مطالب اولسون .

بوحالده تعریف مذکور کفالت بالنفسه شامل اولدیغندن افرادینی
جامع اولماز یولنده براعتراض در میان ایدیه بیلور ایسه ده جواباً دینلور که
کفالت بالنفسه کفیل واصلیدن مطالبه اولنه حق شی بشقه بشقه
دکلدر . زیرا حق صاحبی اصیلدن ایکی شی یعنی هم حققی همده اصیلک
بالذات حاضر بولنسنی مطالبه ایده بیلور . کفیل ایسه بو ایکی شیدن
برینی یعنی اصیلک نفسی احضاری متعهد اولدیغی جهتله مکفول له
اصیلدن مطالبه ایده جکی احضاری کفیلدن دخی مطالبه ایده بیلور ،
بناء علیه اصیل و کفیلدن مطالبه اولنان شی بردر .

§

کفالتک مشروعی کتاب ، سنت ، اجماع ایله ثابت وفوائدینی
عقل مؤیددر .

قرآن عظیم الشانده حضرت زکریا علیه السلامک مریم رضی الله
عنهایه کفالت ایتدیکی [وکفلها زکریا] آیت کریمه سیله بیان بیورلش

ودیکر بر آیت جلیله ده [ولن جاء به حمل بعیر وانا به زعیم] وارد
اولمشدر .

صاحب شریعت صلی الله تعالی علیه وسلم افندمن حضرتلری دخی
[الزعیم غارم] بیورمشدر که ۶۴۲ نجی ماده ده محور [کفیل ضامندر]
جمله سی بوحدیث شریفدن مترجمدر .

کفالتک مشروعتینده قدیمدنبرو اجماع حاصل ودانمدر .
[ثعاونوا علی البرم والتقوی] آیت جلیله سیمله فرمان بیورلدیخی
اوزره مصالح دین ودنیاده تعاون وتناصر اسلامیتک فرائض مهمه سنندن
اولوب اومعالیده هر مسلم یکدیگرینه معاونته مأمور ومجبوردر . زیرا
انسانلرک خلقتلری اقتضاسنجه منفرداً محافظه وادامه حیاتلری قابل
اولمدیغندن هر حالده هم جنسنک اعانه سنه محتاجدرلر .

بو تقدیرده هر کس حسب الانسانیه تأمین حیات ومعیشته مدار
اولان خصوصاً ساند دیکرلرینه معاونت ایتمکله مکلف وبشقه لوندن
استعانه یه صلاحیتداردر . آنجق احتیاج واستطاعته کوره انواعی
اولوب کفالت دخی الوردن بریدر . بوصورتده کفالتک مشروع
وممدوحیتی هم نقلاً وهم عقلاً ثابت اولمش اولور .

کفیل مضطر اولان هم جنسنه اعانه ایله امر الهی یه اطاعت
ووظیفه انسانیته حرمت کبی مکارم عالییه مراعات ایتدیکنندن طولانی
عندالله اجر ومثوباته نائل اوله چیخی [هل جزاء الاحسان الا الاحسان]
آیت کریمه سیمله ثابتدر .

متمم مکارم اخلاق ومکمل محاسن سجیات انسانیه اولان مفخر
موجودات علیه افضل التحیات افندمن حضرتلری دخی [ان الله
عز وجل فی عون العبد مادام العبد فی عون اخیه المسلم] بیورمشدر .

قلوب انسانیه احسانه مظهر اولدینی ذواتک مجلونی ایدوکی
معلومدر .

بنابرین اصله کفالت ایله اعانه سبب انعکاس امردر . یعنی کفیل
صیله اعانه ایتمهکله احسان الهی به نائل وانسانلرک کندو حقنده حصول
یل و محبتی ایله لدی الحاجه اعانه لرینه مستحق اولور . بوحالده
شقه سنه ایتمش اولدینی اعانه واحسانی حقیقته کندی حقنده اجرا
یش اولور . کفالتک تقسیمی

کفالت ؛ مکفول به ، عقد ، قید ووصف اعتباریله تقسیم اولنور .
مکفول به اعتباریله ؛ کفالت بالنفس ، کفالت بالمال ، کفالت
لتسلیمه منقسمدر .

کفالت بالمال دخی ایکی قسم اولوب برنجیسنه کفالت بالمال
عین ، ایکنجسنه کفالت بالمال الدین دینور .

عقد اعتباریله ؛ منجزه ، معلقه ، مضافه ، مشروطه به منقسمدر .
قید ووصف اعتباریله ؛ موقت ، مطلقه ، مقیده اولور .
کفالت مقیده دخی معجله ومؤجله اولق اوزره ایکی به آریلور .
بونلردن برطاقی ابواب وفصول کتابک مندرجاتدن مستبان
ولوب باشلیجه لری اشبو مقدمه ده بروجه زیر تعریف اولمشدر .

۶۱۳ ماده کفالت بالنفس ؛ برآدمک شخصه کفیل
ولمقدر .

کفیل مکفول به اولان شخصی ایستیلان محله مکفول لهه
سلیمی متعهد اوله جنی جهتله کفالت بالنفس کفالت بالتسلیم دیمک
پسده بر شخصی تسلیمه کفالت ابله برمالی تسلیمه کفالت بیننده

حکماً فرق اولدیغندن بشقه بشقه قسم عد اولمشدر .

۶۱۴ ماده کفالت بالمال ؛ بر مالک اداسنه کفیل

اولمقدر .

مال طبع انسانی مائل اولوبده وقت حاجت ایچون ادخاری قابل اولان شیء اطلاق ایدلمسینه و دین ذمتده ثابت وصف اولمسینه نظراً تعریف مذکور کفالت بالدينه شامل اولماق لازم کلور ایسه دین بعدالقبض مابه الانتقاع عین اوله جنی جهتله عاقبت قبض اعتباریله دینه دخی مجازاً مال اطلاق اولندیغندن تعریف اکاده شاملدر . و بوندن طولای کفالت بالمال ؛ کفالت بالمال العین ، کفالت بالمال الدینه تقسیم اولنور .

۶۱۵ ماده کفالت بالتسليم ؛ بر مالک تسلیمنه کفیل

اولمقدر .

یعنی اصیل اوزوینه تسلیمی لازم کلان بر مالی کفیلک دخی تسلیمی تعهد ایتسیدر . مثلاً بر کیسه مشتری ثمنی ادا ایتدکده بائیع اوزرینه تسلیمی لازم کلان میبعک تسلیمی مطالبه سنی کندوسی دخی قبول والتزام ایدرک کفالت ایتدکده صحیح اولوب مشتری ثمنی ویردکده میبعک تسلیمنی هم بائیع وهم کفیلندن طلب ایده بیلور . §

کفالت بالتسليم ایله کفالت بالمال العین بیننده ماهیه و حکم فرق واردر . ماهیه اولان فرق تعریفلرندن مستفاد اولور . حکماً اولان فرقه کلنجه : کفالت بالمال العیننده اول عین موجود ایسه کفیل انی صاحبنه یعنی مکفول لهه اعطایه وتلف اولمش ایسه بدلی

مکه مجبوردر . کفالت بالتسلیمده مکفول به اولان عین باقی
لدقه کفیل مطالب اولوب تلف اولور ایسه برائت ایدرک اوزرینه
نی لازم کلز . خته کیم مثال سالف الیایانده ذکر اولنان مبیع قبل القبض
اولدقه کفیل کفالتدن بری اولور .

۶۱۶ ماده کفالت بالدرك ؛ مبیع بالاستحقاق ضبط
لندیقی تقدیرده اچمه سنی ادا وتسلیمه یاخود بایعک نفسنه
فیل اولمقدر .

[درك] كرك وزنده دالك ورائك فتحيله اولوب فقط رانك
فونیه دخی تلفظی جائزدر . ولغته برشیده فساد ومضرت اولاشمق
اسنه در .

تعریف مذکوردن اگلاشدینی اوزره کفالت بالدرك ایکی نوع
وب بری کفالت بالمال و دیگری کفالت بالنفس ضمننده تحقیق ایدر .
علیه کفالت بالدرك مکفول به اعتباریه بویکی قسم کفالتده داخل
لغله آیرجه بر قسم عد اولنما مشدر . §

استحقاق ؛ بر کیمسه نك یدنده بولنان برمال بشقه سنك مالی
لیدی ثابت و ظاهر اولمقدر . استحقاق ایکی نوعدر بری «استحقاق
طل » درکه بالکلیه یعنی هیچ بر کیمسه نك حق تملکی قالیه جق
ورنده مستحق بده کی ملکیتی ابطال ایدر . مثلاً بر کیمسه نك
کی اولدینی ظن اولنان بر عرصه نك مسجد محلی اولدینی ویاخود
ومه ترك ایدلمش یرلردن بولندیقی ثابت و ظاهر اولق کی که بونلرک
ع وشراسی جائز اولمدیغندن او کیمسه نك ادعا ایتدیکی ملکیتی کلیاً
مال ایدر .

دیگری « استحقاق ناقل » در که ملکیتی ابطال ایتیموب
 کیمسه دن دیگرینه نقل ایدر. مثلاً اشترا اولنان بر مال بایعدن بشقه سنله
 ملکی اولدینی تبین ایدرک بالاستحقاق مشتریدن اخذ اولنسی کبی .
 استحقاقک هرایکی نو عنده دخی مشتری ثمن بییع ایله بایعه مر اجعه
 ایده بیله جکندن بو حقی تأمین ایچون [کفالت بالدرک] مشرو
 قلنمشدر .

بناءً علیه [بیع بالاستحقاق ضبط اولندوقده] جمله سی استحقاق
 بیان اولنان ایکی نوعه دخی عام وشاملدر .

۶۱۷ ماده کفالت منجزه ؛ شرطه معلق وزمان مستقب
 مضاف اولیان کفالتدر .

منجزه ؛ کله سی ۴۰۷ نجی ماده شرحنده تعریف و بیان اولنمشدر
 ماده مشروحه دن مستبان اولدیغنه کوره کفالتک شرطه تعلیق وزمان
 مستقبله اضافتی جائز اولدیغندن کفالت ؛ عقد اعتباریله منجزه
 معلقه ، مضافیه منقسم اولور .

کفالت منجزه ؛ شرطه معلق وزمان مستقبله مضاف اولیان
 کفالت دینلمسنه نظراً منجز اولیوب شرطه تعلیق ایدیلا نه « کفال
 معلقه » وزمان مستقبله اضافه قلنانه « کفالت مضافه » دینلور ،

۶۱۸ ماده کفیل ؛ کندو ذمتی آخرک ذمتنه ضم اید
 یعنی آخرک متعهد اولدیغی شیء کندو دخی متعهد اولان
 کیمسه در که اول آخره [اصیل ومکفول عنه] دینلور .

بو تعریفده بالا امر اولان کفالت بالنفس ایله اصلیک ذمتده نایب اولیوب مجرد کفیلک اقرار یله تحقق ایدن دین تصریح ایدلماش یسهده بو مثللو کفالتلر نوادر دن اولوب اعتبار غالب شایعه ولد یغدن تعریف مذکور تغلیب طریقیله انلرده تشمیل اید یله بیلور . کذلک کفیل الکفیلک دخی تعریفی اوله بیلور . چونکه اوده عهد و التزام خصوصنده برنجی کفیل کیدر .

تعریفده واقع [شیء] کله سندن مقصد مکفول بهدر . کفیله ؛ زعیم ، ضامن ، ضمین دخی اطلاق اولنور .

۶۱۹ ماده مکفول له ؛ کفالت خصوصنده طالب

ودائن اولان کیسه در .

کفالتده مکفول به نفس و مال و تسلیم اولسته نظراً کفیلدن طلب ایدیلان مکفول به بعضاً دین اوله جنی کی بعضاً دخی دینک برشی برشی اوله جنی جهته طلب ایدن هر حالده دائن اولمق لازم نایه جکندن تعریفده عمومیه شامل اولمق اوزره [مکفول له] دینلکدن صکره [طالب و دائن اولان کیسه در] دیو ایضاح ایدلشدر . مو حالده دینک طالبه عطقی اخصک اعم اوزینه عطقی قیلندندر . بیا هر مکفول له طالب ایسهده مطلوب اولان شی بهمه حال دین و کندیوسی دائن اولمق اقتضا ایتمز .

مکفول له بعضاً [طالب] دخی دینلور . ۶۱۴

۶۲۰ ماده مکفول به ؛ کفیلک تسلیمنه یا اداسنه متعهد

ولدینی شیدر که کفالت بالنفسده مکفول عنه ایله مکفول به رشیدر .

مکفول به ؛ شخص و مال و تسلیم اوله جعندن بوتعریفک کفالت
 بالنفس ایله کفالت بالمالده کی مکفول بهه شمولی و اخذدر . آنجو
 کفالت بالتسلیمده مکفوبه فعل تسلیم اولمغه کفیل مکفول
 اولان تسلیمی تسلیم ایتدی . یاخود تسلیمی ادا ایلدی . دینله میه ج
 جهته کفالت بالتسلیمده کی مکفول بهه نظراً [تسلیمنه یا اداسنه
 کله لری نایم حلددر . شو حالده «مکفول به کفیلک تعهد و التزام ایلدی
 شیدر» دینلمش اولسیدی دهلا مناسب اولوردی . §
 مکفول به ؛ کفالت بالدراکک نوع اولنده ثمن مبیع وایکنجی سیند
 بایع اولدینی کی کفالت مذکورده مکفول له مشتری و مکفول
 بایع اولور .

[کفالت بالنفسده مکفول غه ایله مکفول له برشیدر] آنجو
 مشهور و متعارف اولان مکفول به دیمکدر .

باب اول

عقد کفالت حقننده اولوب ایکی فصلی حاویدر .

فصل اول

رکن کفالت حقننده در

۶۲۱ ماده یالکز کفیلک ایجابیله کفالت منعقد و نافذ
 اولور .

ایجاب و قبول ایله کفالتک منعقد اوله جنی بین الائم متفق علی
 اولوب فقط امام ابو یوسف حضرتلری کفالتده بیع و اجاره کی

مكفول له حقنדה تملك عين ويا منفعت لازم كليوب مطالبه يي توسيع
 وتوثيقدن عبارت اولمغله يالكز كفيلك ايجابيله دخي منعقد وصحيح
 وله جعني اجتهاد ايتد كدن صكره بوصورتله منعقد اولان كفالتك
 نافذ اولوب اولميه جعني بحثنده مشارالهدن بر روايته كوره كفالت
 مندر كوره مكفول لهك قبولنه موقوف اولور ايسه ده مرجح اولان
 روايت ثانيه يه نظراً قبوله محتاج وموقوف اولمديغندن مجله جمعيتنجه
 ووايكنجي روايته كوره اختيار اولمش اولان قول مشاراليه
 ثناءً [يالكز كفيلك ايجابيله كفالت منعقد اولور] دينلمشدر .

فقط مكفول له ديلر سه رد ايدده يلور .

اكر رد ايدده مسيه كندوسنك موافقتي اولمقسز ين منعقد اولان
 كفالت قبوله مجبور اولمق لازم كلوب بو ايسه رضايه منافيدر .
 صرفات شرعيه ده حصول رضا الكزياده شايان اعتنادر .

ومكفول له رد ايتد كجه كفالت باقي قالور .

چونكه كفيل رضاسيله كفالت ايتديكندن مكفول له ايچون
 ايت اولان حق ردك اكا شمول وتأثيري اوليوب مكفول له رد
 ايتمشجه كفالت على حاله قاله رق كندوسي مطالب اولور .

بوصورته مكفول لهك غيابنده برندن الهجته بر كيمسه كفيل اولوبده
 خبر كفالت كندويه واصل اولمدين وفات ايتسه كفيل بو كفالتيله مطالبه ومؤاخذه
 اولور .

طرفين حضراتي كفالتك انعقادنده ايجاب وقبولك ارتباطي
 لازم كلوب يالكز كفيلك ايجابيله كفالت منعقد اولميه جعني بيان
 ايتد كرنندن مشاراليهمايه كوره بوصورته كفيل مطالب اولميه جعني

جهتله فقره مزبوره ايله امام ابو يوسف قولندن ايكنجى روايتك
اختيار اولدينى توضيح وتأييد ايدلمشدر. اكر بوصورتله كفالت
نافذ اولمسيدي مكفول لهك وفاتيله منفسخ وكفيلك برى اولمسي
لازم كلوردى .

امام مالك وامام شافعى وامام احمد بن حنبل رحمة الله عليهمك
اجتهادلى دخی امام ابو يوسف رحمة الله عليهمك اجتهادينه موافقدر

۶۲۲ ماده كفيلك ايجابى يعنى الفاظ كفالت عرف

وعادته تعهد والتزامه دلالت ايدن سوزلردر .

مثلا « كفيل اولدم » ياخود « كفيلم » ويا « ضامن » ديسه كفالت منعقد
اولور .

فلان ايو آدمدر بورجنى ايفايدير . سن اكا ايسنديكى
وير پاره سنى كيسه كده بيل كى حسن حال واعتبارينى مين اولوب
تعهد والتزامه دلالت ايتيان سوزلر الفاظ كفالتدن اولماز .

§

بر لفظ عرف وعادت بلدهده الفاظ كفالتدن اولدينى حالده انك
كفالت منعقد اولور ايسهده بر كيسه بويله بر لفظ ايله مثلا « فلان
كفيلم » ديوبده مائه ويانفسنه كفيل اولديغنى تصريح ايتيوب مكفول
جهالت يسيره ايله مجهول اولسه بوسوز « نفسنه كفيلم » ديمكه مصروف
اوله رق « كفالت نفسيه » منعقد اولور . زيرا بر لفظك متعدد معنالى
حملى ممكن اولنجه زياده سى مشكوك وادناسى متيقن اولوب يقين مقابلند
شكه اعتبار اولمديغندن ادناسنه حمل اولنور . برائت ذمت اصل اولمسي
نظراً كفالت بالنفس ديكر نوع كفالتلرك ادناسى اولديغندن قاعد

منز پوره به مبنی کفیلک اولوجهله کفالتی کفالت نفسیه اولمش اولور .
 اما علی الاطلاق کفیلیم ویا ضامنم دیوبده فلان کیمسه به ویا فلانک
 بورجنه کفیلیم دیسه بو صورت جهالت فاحشه اولدیغندن کفالت
 صحیح اولماز . چونکه مکفول به نفسمیدر . ویا خود مال ویا نسلیممیدر .
 معلوم اولمق کفالتک محتند شریطدر . مکرکه مکفول به نه اولدیغنه

دائر قرینه بولنه رقی جهالت یسیره اوله §

کفالت نفسیه مکفول عنک جزء شایعنه ویا کلدن تعبیر اولنان
 جزاسنه مضاف قلنور ایسه صحیح اولور .

مثلا برکیمسه فلانک باشنه کفیلیم دیسه کفالت منعقد اولور . زیرا
 تجزی اولیان شیئک بعضی ذکر کلنی ذکر کی اوله جغندن مکفول
 هک نفسنک مجموعه کفیل اولمش اولور . اما فلانک قولنه کفیل
 دیسه کفالت منعقد اولماز . زیرا قول کلدن تعبیر اولنمیان برجز ودر .

§

کفالت مالیه دینک جزؤ شایعنه مضاف قلنور ایسه قابل تجزی
 اولدیغندن کفالت منعقد وکفیل جزؤ شایع ایله مطالب اولور .
 بوقسه مجموع دین ایله مطالب اولماز .

مثلا برکیمسه فلانک بورجنک نصفنه کفیلیم دیسه جائز ونصفی
 ایله مطالب اولور . §

کفیل کفالتی کسندو نفسنک جزؤ شایعنه مضاف قیلار ایسه
 کفالت منعقد اولماز . چونکه نفسی تجزی بی قبول ایتز ، اگرچه
 تجزی بی قبول ایتیان بر شیئک بعضی ذکر کلنی ذکر کی ایسه ده
 بوراده برائت ایله ذمت اجتماع ایدوب نصفی بری نصف دیگر
 ذمتدار اولور . برائت اصل اولدیغنه ومانع ایله مقتضی تعارض ایتدکنه

مانع ترجیح اولنه جغه بناء کفالتک عدم انعقادی جهتی مرجح
اولور .

صور محرره به نظراً بر کیسه فلانک نصفنک نصف دینه کفیل
کبی مکفول به وعنک جزؤ شایعه کفالت ایتسه صحیح اولیه جنی
اولویتده قالور .

۶۲۳ ماده وعد معلق ایله دخی کفالت اولور .

۸۴ مادهیه باق

مثلاً « فلان آدم سنک آله جغکی ویرمن ایه بن ویروم » دیسه کفالت
اولور و دائن آله جغنی ایسته یوبده مدیون ویرمه کفیلدن مطالبه ایدر .
یعنی کفالتک شرط ملایمه تعلیق جائز و وعدلر صور تعلیق
اکتسا ایدنجه لازم اولور . زیرا وعد معلقده تعهد والتزام معناسی
واردر .

اما بونک تقیضی اولان یعنی تعهد والتزام معناسی اولیان وعد
مجرد ایله کفالت منعقد اولماز . مثلاً بر کیسه دیکرینه « فلان آدمده
اولان آله جغکی بن ویرهیم » دیسه کفالت ایتمش اولماز . اسبابی ۸۴ نجی
ماده شرحنده بیان قلندی .

۶۲۴ ماده بو کوندن فلان وقته قدر کفیل دیدکده

کفالت موقته اوله رق منجزاً منعقد اولور .

کفالت ایچون بروقت ذکر اولندقدده شودرت صورتدن بریله
اولور :

برنجیسی : مبداء و منتهاستی ذکر ایتمکدر . ماده مشروحه ده بیان

قلندی کی کہ بوصورت بالاتفاق کفالت موقتہ اولور .
ایکنجیسی : مبداء و منتهان هیچ بری ذکر اولنما مقدر ، بر آئی
کفیل کی مبدئی معین اولیان عقود قاعده عقدی ولی ایدن زماندن
اعتبار اولنه جغندن مبدئی کفالت کونی و منتهاسی ایک نہایتی اولمش
اولور .

اوجنجیسی : یالکزم منتهی ذکر اولنوب مبدئی ذکر و تعیین
ایدلامکدر . بر آیه قدر کفیل دیمک کی کہ انفاً بیان قلندی و جہلہ
تاریخ عقدی ولی ایدن زماندن اعتبار اولنه جغنی جہتلہ مبدئی دخی
معلوم اولمش اولور .

بونلر دخی کفالتک صحیح اوله جغنی متفق علیہ اولوب الحبق
ایکنجی صورتده کفالت غیر موقتہ و مطلقہ و اوجنجی صورتده
مضافہ اوله جغنی طرفین حضراتی جانبندن بیان قلنمش ایسہده امام
ابویوسف حضرتلمرینک رأینہ کورہ کفالت موقتہ در ، چونکہ
بن الناس مقصود اولان ، کفالتی بروقت ایله توقیت ایدوب اووقتک
انقضاسندن صکرہ کفالت قالینہ جغنی بیان ایتمکدر .

دردنجیسی : یالکزم مبدئی ذکر اولنوب منتهاسی تعیین قلنما مقدر .
بوکوندن اعتباراً فلانک نفسنہ کفیل کی کہ بوصورت کفالت منجزہ
وغیر موقتہ اولور .

یاخود مبداء کفالت زمان مستقبلہ مضاف اولور . فلان آیدن اعتباراً
کفیل کی کہ بوصورت کفالت مضافہ اولور .

۶۲۵ ماده کفالت مطلق اوله رق منعقد اولدینی کی
تعجیل و یا تأجیل قیدیلہ یعنی همان یاخود فلان وقتده ایضا

اولمق اوزره دیو مقید اوله رق دخی منعقد اولور .

یعنی کفالت تعجیل و تأجیل شرط ایدلمکسزین عقد اولنه بینهلر جکی
کبی تعجیل و یا تأجیل شرطیله دخی عقد اولنه بیلور . زیراً ۸۳ نجی
ماده شرحنده بیان و ایضاح اولندیغی وجهله کفالت شرط تعجیل
و تأجیلی قبول ایدر . §

کفالتده مدت اجل معلوم اولماز ایسه نظر اولنور : اکر جهالت
فاحشه ایله مجهول اولور ایسه شرط تأجیل معتبر دکلدر . فقط کفالتک
صحتته خلل کلیوب کفالت مطلقه اولمش اولور . و اکر جهالت یسیره
ایله مجهول اولور ایسه معتبر در .

جهالت فاحشه : اساساً وجودنده شبهه و جهالت اولان اجلدر .
یاغمور یاغدیغی وقت کبی که یاغوب یاغمیجی اساساً مجهولدر .

جهالت یسیره : اساساً وجودنده شک اولنیوب یا لکیز زمان خلولی
مجهول اولان اجلدر . وقت حصاد کبی که موسمی اساساً معلوم اولوب
فقط تبدل هوا و یاغمور سببیله بعض سنه لر برقاچ کون اول و یا صکره
ادراک اولنه جغندن بونده کی جهالت یسیردر . و حصاده باشالاندقده
اجل حلول ایتمش اولور §

برقید ایله مقید اولمان کفالتده « کفالت مطلقه » و مقید اولانه « کفالت
مقیده » دینلور . مقید اولانکده تعجیل قیدیه اولان قسمنه « کفالت
معجله » و تأجیل قیدیه اولان قسمنه « کفالت مؤجله » اطلاق اولنور
بناء علیه کفالت قید و وصف اعتباریه مطلقه ، مقیده ، معجله ، مؤجله یه
منقسم اولور §

کفالتک مکفول به ، عقد ، قید و وصف اعتباریه اولان اقسامی

کندی صنفلی داخلنده یکدیگرینه تداخل ایده مز. فقط بر نوعک اقسامی دیگر نوعلرک اقسامنه تداخل ایده بیلور .

مثلا برینک نفسنه کفیل اولان دیننه دخی کفیل اولمش اولماز . فقط کفالت بالنفس شرطه تعلیق وموقت بر زمان ایله توقیت ایدیه بیلور .
۶۲۶ ماده کفيله کفیل اولق صحیحدر .

کفالت کرک مالیه و کرک نفسیه اولسون و یاخود کفالت بالتسلیم اولسون فقط برنجی کفیل ماله کفیل اولمش ایسه ایکنجیسی انک ایفاسنی تعهد ایتدیکی ماله و یاخود کفیلک نفسنه کفیل اوله بیلور . اما برنجی کفیل نفسنه کفیل اولمش ایسه ایکنجیسیده انحق کفیلک نفسنه کفیل اولوب اصیلک دیننه کفیل اوله ماز .

زیرا ایکنجی کفیل هر کیمه کفیل اولمش ایسه مکفول بهک انک اوزرینه ایفاسی لزومی شرط اولوب کفالت بالنفسه کفیل اولان کیمسه مکفول عنهک یالکیز نفسنی احضاری متعهد اوله رق دیننک ایفاسنی تعهد والتزام ایتدیکندن کفیل ثانینک التزام اولنیمان برشیئه کفالتی صحیح اولماز .

۶۲۷ ماده کفیلک تعددی جائزدر .

چونکه کفالتک حکمی مطالبه در مطالبه محل طلبی توسیع وتوثیق اولغله کفیلک مکفول بهی التزام ایتسی دیگرینک دخی التزامنه مانع اولیه جفتندن تعددی جائزدر . بناء علیه بر کیمسه نک نفسنه و یا ماله بر قاج کمنه معاً کفیل اوله بیه جکی کبی بریسی کفیل اولدقدن صکره دیگر لریده کفیل اوله بیلور وانلرک کفیل اولمسیله کفیل اولک کفالتی

كذلك بر كيمسه بر قلاچ كمنهيه كفيل اوله بيلور اولجه برينه
 كفيل اولمش اولمى ديكر لرينه كفالتنه مانع دكلدر انجق مكفول به
 تعدد ايتد كده كفيلك جمله سنى تأديهيه اقتدارى كافى اولوب اوليه جنبى
 جاى ملاحظه اولمغله مكفول له كفيلى قبول ايدوب ايتما كده مختار در.

فصل ثانى

شرائط كفالت بياننده در

۶۲۸ ماده كفالتك انعقادنده كفيلك عاقل و بالغ اولمى

شرط در.

بيع و اجاره ده عاقدينك يالكر عاقل اولمى كافى اينكن كفالتده
 كفيلك هم عاقل و همده بالغ اولمى لزومك سببى شودر كه كفالت
 ابتداءً تبرع اولمى جهتله نذر، مكفول عنك امريله كفيل اولدينى
 حالده حسب الكفاله مكفول بهى تأديه ايتد كدن صكره مكفول عنه
 مراجعت ايده جكسندن كفالتك بعض اقسامنده معنای تمليك و معاوضه
 بولندينى جهتله انتهاء بيعه مشابهدر بر عقدده ايكي جهته مشابعت
 بولنور ايسه شهبين ايله بقدر الامكان عمل اولنقى قواعد فقهيه دن اولمغله
 كفالتده دخى نذر و بيعه اولان مشابعتى ايله عمل اولمشدر.

ايشته كفيلك بالغ اولمى شرطى نذر مشابعتدن ناشيدر و صغير
 اولانلر مميز اولسه لر بيله حقلرنده محض ضرر اولان تصرفاتى شرعاً
 معتبر دكلدر.

بناءً عليه مجنون و معتوه « اولانلر عاقل اولمهد قلرندن » و صبيك
 « تبرعه عدم اهليتندن طولايى » كفالتى صحيح اولماز. يعنى باطل اولور.

وصی ایکن کفیل اولوبده بعدالبوغ بوکفالتی مقر اولسه دخی انکله مؤاخذه اولنه ماز .

چونکه باطل اولان برشی اقرار ایتمش اوله جفندن باطل اوزرینه حکم شرعی ترتب ایتمز . فقط صی ممیزک لوازم ضروریه سی ایچون ولی ویا وصی سی برمال صاتون الوب ثمنه ویا استقراض ایتدیکی اچقه یه صغیرک کفالت ایتمنی امر ایتسه کفالتی معتبر اولور زیر صغیر کفالت ایتسه بیله ذکر اولنان ثمن ویا دین کندوسنک مالندن تادیه وایفا اولنه جنی جهتله کفالت تأکیدن عبارت اولمغله تبرع صایلماز .

§

۱۶۰۵ نجی ماده ده بیان و تفصیل اولندیخی وجهله کفالتک نافذ اولسی ایچون کفیلک مرض موت ایله مریض اولماسی دخی شرطدر .

۶۲۹ ماده مکفول عنیهک عاقل و بالغ اولسی شرط دکلدرد :

بناء علیه مجنون و صبیئک بورجنه کفالت صحیح اولور .
بورجنه کفالت صحیح اولنجه نفسنه دخی کفالت صحیح اوله جنی اولویتله ثابت اولور . چونکه مکفول عنیهک عقد کفالتده دخلی اولمدینی کی کفالت بونلرک حقنده محض خیردر .

بناء علیه عاقل و بالغ اولمیان کیمسنه نک نفسنه ویا مالنه امری اولسون اولسون بر کمنه کفیل اولور ایسه معتبر اولوب فقط بعدالادا رجعت ایده مز زیرا بلا امر کفیل اولمش ایسه تبرعدر . امر ایله کفیل اولمش ایسه بونلرک امرلری اقرار حکمنده اولوب اقرارلری معتبر دکلدرد که امرلری معتبر اولسون .

یالکیز بر مستثناسی اولوب اوده بر کیمسنه اجرای معامله تجاریه یه مآذون بر صغیر ممیزک امریله کفالت ایدرایسه رجوع ایده بیلور .

مكفول عنه ايله مكفول لهك عاقل و بالغ اولملري شرط دكلدر .
 زيرا كفالت بونلر حقنده نفى موجب اولديغندن مكفول عنلهك
 امرى اولمقسزىز، كفالت جائز اولدينى كى كفالت يالكز ايجاب
 ايله منعقد و نافذ اولديغندن مكفول لهك قبولنه متوقف دكلدر كه
 عاقل و بالغ اولوب اولمدينى نظر اعتباره النسون .

۶۳۰ ماده مكفول به نفس ايسه معلوم اولمسي شرطدر .
 زيرا كفالت بالنفسده مكفول به ايله مكفول عنه بردر . كفالتك
 صحته ايسه مكفول عنلهك معلوميتى شرطدر . انجق بو معلوميتدن
 مقصد جهالت فاحشه ايله مجهول اولماقدنر يوقسه جهالت يسيره
 كفالتك صحته مانع دكلدر .

مثلا بر كيمسه لاعلى التعيين «مالكى هر كيمه صاتارايسهك انك نفيسنه
 كفيلم» ديسه كفالت صحيح اولماز زيرا بوضورتده مكفول به جهالت
 فاحشه ايله مجهول اولمش اولور .

فقط بر كيمسه يه معين اولان ايكي ويا زياده اشخاصدن برينه
 كفيل اولورميسك دىنلوبده اوده كفيل اولسه مكفول به اوادمردن
 برى اولهرق انجق قنغيسى ايدوكى مجهول ايدوكندن جهالت يسيره
 اولوب كفيل قنغيسى تعيين ايدر ايسه مكفول به تعيين ايدرك كفالت
 صحيح اولور .

و مال ايسه معلوم اولمسي لازم دكلدر .

بناءً عليه « فلان آدمك فلان آدمه اولان بورجنه كفيلم » ديدكده بورجك
 مقدارى معلوم اولسه دخى كفالت صحيح اولور .
 چونكه كفالت توسعه ابتناء مشروعدنر بر ايش ضيق اولدقده

متسع اوله جغندن مال اولان مكفول بهك معلومیتی شرط اولسه
 كفالت مضایقه دن قور تیه میه جنی کی كفالت بالدر کده میهك نه قدرینه
 مستحق ظهور ایده چکی مجهول ایکن محتمله اجماع واقع اولسنده
 نظراً مكفول به مال اولدقده جهالتی ولو که فاحش اولسون كفالتك
 محتمله مانع کورلما مشدر . §

ماده مشروحه نك فقره اخیره سنده کی [فلان آدمك فلان آدمه]
 جهل مسندن اوج شی مستفاد اولور .

برنجیسی [فلان آدمك] دینلمسندن مكفول عنك معلوم
 اولسنك شرط ایدوکی اكلاشیلور . بناءً علیه مجهول اولور سه
 كفالت باطل اولور .

مثلاً بری دیگرینه «سنك کیمك ذمتده آله جفك ظهور ایدر سه
 بن کفیل» دیسه بو كفالت باطلدر . یالکز ۶۵۸ نجبی ماده ده بیان
 قلنه جنی وجهله بر استثناسی واردر .

ایکنجیسی [فلان آدمه] دینلمسندن مكفول لهك معلوم اولسنك
 شرط ایدوکی مستبان اولور . وبونده جهالت یسیره دخی مانع محتمدر .
 مثلاً مكفول لهی تردید و تحجیر ایله كفالت صحیح اولماز .

یالکز بر مسئله مستثنا اولوب اوده شرکت مفاوضه نك تضمن
 ایتدیکی كفالت مكفول لهك مجهولیتیه برابر صحیح اولمسیدر .
 ۱۳۳۴ ، ۱۳۵۶ زیرا شرکت مزبوره ده كفالت مقصود بالذات
 اولوب عقد ضمننده شرکته تبعاً ثابت اوله جنی جهله بالذات
 تجویز اولمیان شی بالتبع تجویز اولانه یلور .

اوچنجیسی [فلان آدمك فلان آدمه] جهله لرینك مجموعندن

کفیل ایله مکفول لیهك بشقه بشقه کیمسه لر اولملری لزومی مستفاد اولور .

بناءً علیه بر کیمسه نك کندو نفسی ایچون کفالتی صحیح دکلدر مثلا وکیل بالیبع صاتیغنی مالک ثمننه کفیل اوله ماز . چونکه ثمنك حق قبضی وکیله عائد اولدیغندن ۱۴۶۱ قبض ثمندن اول کفیل اولسه کندو نفسی ایچون کفیل اولمش اولور حتی بو کفالتنه بناءً بایعه ثمنی ویرسه ینه بایعه رجوع ایده بیلور .

ثمنی بعد القبض . کفیل اولسه ثمن مبیع یدنده امانت اوله رق مضمون اولماغله کفالت صحیح اولماز کفالتیله ضمان لازم کلسه حکم شرعی تبدل ایتمش اولور که غیر جائزدر .

کذلک ولی ووصی وناظر صاتیق لری مال صغیرك ثمننه کفیل اولسه لر معتبر اولماز چونکه حق مطالبه کندولرینه عائددر کندولرینه عائد اولان بر شیئه کفیل اولمش اولورلر .

وکنادین مشترکک دائرنندن بری مدیونه کفیل اولسه معتبر دکلدر . چونکه کفالت مقدار معینی حقننده ایسه دینك قبل الاستیفا تقسیمی لازم کلور که غیر جائزدر زیرا تقسیم امر حسی اولدیغندن محل حسی اقتضا ایدر . دین ایسه وصف شرعی اولوب وصفك امر حسی ایله تقسیمی ممکن اولماز .

کفالت غیر معین بر مقدار حقننده ایسه چونکه مدیونندن داین دیگر یعنی شریکی هر نه قبض ایدر سه انده کفیل اولان شریکك دخی حصه سی اوله جفتدن کندو اله جفته کفیل اولمش اولور که بوده غیر جائزدر .

۶۳۱ ماده كفالت بالمالده مكفول به اصیل اوزرینه

مضمون اولق یعنی اصیل اوزرینه ایفاسی لازم اولق شرطدر .
 بویله اولسه اصیل اوزرینه ترتب ایتیان برشیئك كفیل اوزرینه
 ترتب ایتیمی لازم کلور که غیر جائزدر . زیرا كفالت ذمتی ذمتیه ضم
 اولوب اصیلک اوزرینه ایفاسی لازم ذمتی اولمینجه كفیلک مطالبه سته
 محل اولماز . §

مکفول به اولان مال ۶۱۴ نجی ماده شرحنده بیان قلندیخی
 وجهله یاعین ویادین اولور . اعیان ایکی نوعدر بریسی اعیان مضمونه
 دیگرى اعیان غیر مضمونه در . اعیان مضمونه دخی ایکی نوعدر .
 ری اعیان مضمونه بنفسها دیگرى اعیان مضمونه بغیر هادر .
 اعیان غیر مضمونه ؛ تلف اولدیغی تقدیرده تضمینی ایجاب ایتیان
 ومقابلنده بر شی ساقط اولیان اعیاندر . ودیعه کی که مستودعک
 بدنده امانت اولوب امانت دخی مضمون دکدر .

اعیان مضمونه بغیرها ؛ تلف اولدیغی تقدیرده تضمینی ایجاب
 یتیموب فقط مقابلنده بر شیئك سقوطی مؤدی اولور . مال مرهون
 کی که تلف اولور ایسه اوده مک لازم کماز لکن تلف اولان مرهون
 هر قاج غروش مقابلنده رهن ویرلمش ایسه دیندن اومقدار ساقط اولور .
 کذئک قبل التسلیم مبیع دخی مضمون بغیره در . زیرا تلف
 اولور ایسه اوده مک اقتضا ایتمز لکن ثمن مبیعک سقوطی لازم کلور .
 بناء علیه اعیان غیر مضمونه ایله اعیان مضمونه بغیرهایه كفالت
 صحیح اولماز .

اعیان مضمونه بنفسها ؛ تلف اولدیغی تقدیرده مثلیانندن ایسه

مثلی و قیمیاتدن ایسه قیمتتی تضمین اقتضا ایدن اعیاندر . مغضوب
و یا سوم شرا طریقیله مقبوض اولان اموال کبی که غاصب و مساو
شرا اوژرینه تلف اولدقلرنده مثلیاتدن ایسه مثلی و قیمیاتدن ایسه
قیمتی تضمین لازم کلور . بونلره کفالت صحیحدر .

برده هر نه قدر بنفسه مضمون اولیان اعیانه کفالت صحیح
دکلسده بونلرک تسلیمنه کفالت صحیحدر . شو حالده تضمین عین ایله
تسلیم عینه کفالت بیننده فرق وارد . §

[دیون صحیحه] جمله سی دیون غیر صحیحه دن احتراز ایچوندر
زیرا دیون ایکی نوع اولوب بری دیون صحیحه ، دیگر دیون
غیر صحیحه در .

دیون صحیحه ؛ ادا یا خود حقیقه و یا حکماً ابرادن بشقه بر
وجهله ساقط اولیان دیوندر . ثمن مییع ، بدل اجاره ، مال مغضوبک
قیمتی کبی که بونلر ادا و یا خود حقیقه و یا حکماً ابرا ایله ساقط اولوب
بشقه بر سببله ساقط اولیه جفندن کندولرینه کفالت صحیحدر
چونکه بنفسها مضموندر .

دیون غیر صحیحه ؛ ادا و ابرادن بشقه صورتله ساقط اولان
دیوندر . صبی غیر ممیزک بورج اقرار ایتسی کبی که اقرار یله صبی مؤاخذ
اولنه میه جفندن یعنی بذاته مضمون اولمیدیغندن کفالت دخی جائز
دکلدر .

یا لکنز نفقه مقدره دیون غیر صحیحه دن بونلرینی حالده بونک
کفالت استحقاقاً نجویز اولمشدر .

- بناء علیه ثمن مییع و بدل اجاره و سائر دیون صحیحه کفالت صحیح
اولور .

زیرا بونلر اصل اوزرینه مضمون بنفسهادر . شو قدر که ثمن
مبیع و بدل اجاره دن مقصد بیع و اجاره صحیح ده کی ثمن و بدل مسمی
دیمکدر . بیع و اجاره فاسد اولور ایسه مشتری و مستأجر اوزرینه
ثمن و بدل مسمی لازم کلمه جکندن کفالت صحیح اولماز .

كذلك مال مغضوبه كفالت صحیح اولوب لدی المطالبه کفیل بونی عیناً
یابداً ایفایه مجبور اولور .

زیرا غاصب اوزرینه بنفسها مضموندر .
و کذا سوم شرا طریقله مقبوض اولان ماله ثمن تسمیه اولمش ایسه
کفالت صحیحدر .

چونکه ۲۹۸ نجی ماده ده بیان قلندیغی وجهله مضمون بنفسهادر .
ثمن تسمیه اولنماش ایسه مضمون اولدیغندن کفالت صحیح اولماز .

اما قبل القبض مبیع عیننه کفالت صحیح اولماز زیرا عین مبیع باع یدنده
تلف اولسه بیع منفسخ اوله جفندن باع اوزرینه مضمون اولیوب یالکزی ثمنی
قبض ایش ایسه ردی لازم کلور . ۲۹۳

اگر مبیع ثمن ایله مضمون اولدیغی حالده بنفسه دخی مضمون
اولاق لازم کلمه ذمت واحده ده برشیدن طولانی ایکی وجهله ضمانت
اجتماعی لازم کلور بو ایسه جائز اولدیغندن کفالت دخی جائز
دکلدر .

كذلك مرهون « دین ایله مضمون اولدیغندن » و مستعار و مأجور
وامانات سائر اصل اوزرینه مضمون اولدیغندن ۷۶۸ بونلرک عینلرینه
کفالت صحیح اولماز .

قط « مکفول عنه بونلری اضاعه و استهلاك ایدر ایسه کفیل » دیسه
صحیح اولور .

بوصورتده قبض امانت قبض ضمانت تحویل ایدرک بنفسه مضمون و امین
ضامن اوله جفندن کفالت صحیح اولور و هر نه زمان معاق علیه اولاق شرط

تحقق ایدر یعنی مکفول عنہک بونلردن برینی اضاعه واستہلاک ایتدیکی ثابت اولور ایسه کفیل کفالتی حسیلہ مؤاخذه اولنور. زیرا شرطک ثبوتی عنندنه اکا معلق اولان شیئک ثبوتی لازم اولور .

وبرده کرک میبعک و کرک بونلرک تسلیمنه کفالت صحیح اولور .

• زیرا بونلر باعیانها موجود اولدینی و میبعده ثمن ادا و مرهونده دین ایفا اولنماق کبی برسنبه مکفول عنہک بونلری حبس و توقیفه صلاحیتی اولدینی حالدہ رد و تسلیمی اصیل اوزرینه لازم اولدیغندن کفالت صحیح اولور .

ولدی المطالبه بر جهته حق حبسلیری یوقسه کفیل بونلری تسلیمه مجبور اولور انحق کفالت بالنفسده مکفول بهک و فاتیله کفیل بری اولدینی کبی بونلر تلف اولدینی تقدیرده دخی کفیلہ برشی لازم کلار .

• زیرا مکفول به مقدور التسليم اولمینجه کفالتک حکمی قالماز . و کفیل بونلرک مالیتنه کفیل اولدیغندن ضمان دخی لازم کلار .

§

المجله جلیلهده هر نه قدر بر ماده مخصوصه اوله رق تحریر و تصریح ایدلماش ایسهده شو فقره اخیره دن وزیرده کی ماده حکمنندن مستبان اوله جنی وجهله مکفول بهک مقذور التسليم و کفیلدن استحصالی ممکن اولیبی دخی شرطدر . بناء علیه میتک و مکانی معلوم اولمیان شخصک نفسنه کفالت صحیح دکدر . زیرا مکفول به مقدور التسليم دکدر .

کذلک میبعه مستحق چیقار ایسه انک یدندن استخلاص ایله مشتری به تسلیمه کفالت صحیح دکدر . چونکه مستحق بیعی مجیز اولمز ایسه کفیل حکم کفالتی ایفایه مقتدر اوله مز .

وکذا معین بر حیوان یوک ایچون استکرا اولندوقده حملنه کفالت

صحیح اولماز . زیرا معقود علیہ غیرک ملکی اولان معین حیوانک
حملی اولمغله کفیل تسلیمدن عاجزدر .

اما حیوان مأجور غیر معین اولسه حملنه کفالت صحیحدر .
چونکه ماجر مطلقا نقل حملی متعهد اولدیغندن امتناعی حالنده
کفیل نقل ایده بیلور .

وهكذا بوشرطدن ناشیدرکه :

۶۳۲ ماده عقوباتده نیابت جاری اولماز .

بناء علیہ قصاصه و سائر عقوبات و مجازات شخصیه کفالت صحیح دکلدر .
اما جارج و قاتل اوزینه لازم کلان ارش و دیته کفالت صحیحدر .

عقوبات ؛ عقوبتک جمعیدر . و ایکی نوع اولوب بری شخصی
دیگری مالیدر . عقوبت شخصیهدن مقصود اصلی زجر اولوب نائب
اوزرینه اجراسیله فاعل جرم منزجر اولمیه جغندن عقوبات و مجازات
شخصیه نک کفیلدن استحصالی ممکن اولما مغلّه بونلرده نیابت جاری
اولماز . عقوبات مالیه اصیل اوزرینه مضمون اولان دیون صحیحهدن
اولوب کفیلدن استحصالی ممکن اولدیغندن ارش و دیته کفالت
صحیحدر .

دیت ؛ دالک کسری و یانک فتح و تخفیفیله جنایت فی النفسده
مقتولک نفسنه و جنایت فی مادون النفسده مجروحک جرح ایدیلان
عضویتنه بدل جانی اوزرینه لازم کلان مالدر . جمعی « دیات » کلور .
نفسک دیتنه « دیت کامله » و عضوک دیتنه همزمه نک فتحی و رانک
سکونیه « ارش » دخی اطلاق اولنور .

اما قاتل و جارجک نفسنه کفالت صحیحدر . چونکه مقدور
التسلیمدر .

۶۳۳ ماده مكفول عنك يسارى شرط اوليوب مفلسه

دخی كفالت صحیح اولور .

شرعاً مفلس ۹۹۹ نجی ماده شرحنده بیان وایضاح اولنه جفی وجهله دیونی مالنه مساوی ویا ازید اولان ویاخود دینه قارشو هیچ برمالی ورهنی وکفیلی اولیان کیمسه در . مفلسه یا حیاتنده ویاخود وفاتندن صکره کفیل اولور . مفلسک دیوننه مساوی ویا نقصان مالی اولسون ویا هیچ برمالی ورهنی وکفیلی اولسون حیاتنده كفالت بالاتفاق صحیحدر . چونکه كفالت بر شئك مطالبه سی حقنده ذمتی ذمته ضم ایتمکدر . مفلسک ذمتی اولوب بشقه بر آدمک ذمتی اکا ضم خصوصنده مانع یوقدر .

فقط بعدالوفات مفلسه كفالت خصوصنده اکر مفلسک مالی ویا رهنی ویا کفیلی واریسه ینه كفالت بالاتفاق صحیح اولور . اکر مفلسک مالی ویا رهنی ویا کفیلی یوقسه بو حالده آنک وفاتیه ذمتی بالضروره احکام دنیاچه ساقط اوله جفته وساقط اولان شئه كفالت غیر جائز ایدوکنه بناءً بومثلاو مفلسه كفالتک صحیح اولیه جفی یعنی باطل اوله جفی امام اعظم حضرتلری جانبندن اجتهاد اولمشدر . امامین حضراتنه کوره بعدالوفات بومثلاو مفلسه دخی كفالت صحیحدر . زیرا حضرت فخر کائنات علیه افضل التحیات افندمن انصاردن برذاتک جنازه نمازینه حاضر اولدقده متوفانک بورجی اولوب اولمیدیغنی سؤال بیورملریله «اوت ؛ یارسول الله ؛ ایکی درهم وبر روایتده ایکی دینار بورجی واردر» جوابی ویریلنجه ذات عالی حضرت رسالتپناهی متوفی اوزرینه ادای صلاتدن امتناع ایله [صلوا علی اخیکم] یعنی

قد داشكزك اوزرينه سز نماز قيلكز بيوردقلزنده اصحاب كرامدن
ابو قتاده رضى الله عنه متوفانك بورجنه كفيل اولديغنى افاده ايتمسيله
سالتپناه افندمن حضرتلرى اشبو كفالتى بالقبول جنازه نمازىنى ادا
بيورمشلردر .

ملاحظه

شو حال دين اسلامده محافظه حقوق عبادك نه درجه لرده ملتزم
اولديغنه دليل وبرهاندرد .

ثانياً آله جقلونك مفلسدن آخرتجه اولان حقنك باقى اولمى دينك
قاسنه دليل اولوب كندوسنك وفاتيله دين ساقط اولماز . نته كيم راهنك
وفاتيله دين ساقط اولميور . بلكه مديونك هيچ برمالى و يارهنى ويا كفيلي
اولمديغندن طولاي ضروره ادا سنده عاجز قاليور . ضرورتلر كندو
مقدارلر نجه تقدير اولنه جنى كى كفالت دخى تبرع قيلندن اولديغندن
و مثلاً مفلس متوفايه كفالتك صحتته مانع سبب اولمامغله كفالت
طافردر .

مجله احكام عدليه دن كتاب الكفاله تك تاريخ نشرى اولان
۱۲۸۷ سنه سنه دكين امام اعظم حضرتلرينك اجتهادى موجبنه فتوى
ويريلور ايدى . ماده مشررحده [مفلس] مطلق اوله رقى ذكر
ايدليكنندن و مطلق اطلاقى اوزره جارى اوله جغندن امامين قولنك
اختيار ايدليكى اكلاشيليور . §

فقط مفلسك وفاتندن صكره لاحق اولان دينه كفالت بالاتفاق
صحيدردر .

مثلاً ۹۲۴ نجى ماده ده بيان قلنديقى وجهله بر كيمسه بلا اذن
ولى الامر طريق عامده بر قوينى قازوبده كندوسى هيچ برمالى اولمقسزين

مفلساً وفات ایتدکن صکره اورایه دیبکړک حیوانی دوشهړک تلف
اولسه متوفایه ترتب ایدہ جک ضمانه کفالت صحیح اولور. زیرا ضمان
حفر بثره مستنداً و اوتاریخدن اعتباراً حیوان صاحبنه ثابت اولوب
قویی بی فازانک وفاتیلہ ساقط اولمیه جغندن بومثللو دیون لاحقہ یه کفالت
امام اعظم حضرتلرنجه دخی جائز و صحیحدر .

باب ثانی

کفالتک احکامی بیاننده اولوب اوچ فصلی حاویدر

فصل اول

کفالت منجزه ومعلقه ومضافه نک حکمی بیانندهدر

۶۳۴ ماده کفالتک حکمی مطالبهدر .

یعنی مکفول لہک کفیلدن مکفول بیی مطالبہ یه حق اولمقدرد .
زیرا ہر فعل مکلف اوزرینہ شرعاً بر اثر ترتبی لازم کلور .
کفیل کفالتیہ مکفول غنہ حقندہ لازم کلان مطالبہ بی التزام ایتدیکندن
شو فعلنک اثری مطالبہ اولمش اولور . بناء علیہ مکفول لہ کفالت
مطلقہده اصیلی مطالبہ متعذر اولسون اولسون ۶۴۴ نجی ماده
حکمنجہ کفالت بالیدندہ کفیلدن دینی ، کفالت بالعیندہ عینی ، کفالت
بالتسلیمدہ تسلیمی ، کفالت بالنفسدہ احضار نفسی طلب ایدر .
شو قدرکہ :

۶۳۵ ماده کفالت منجزہده دین اکر اصیل حقندہ

معجل ایسه در حال و مؤجل ایسه مدت معینه سنک تمامنده
کفیل مطالب اولور .

مثلاً بر کیمسه « برینک بورجنه کفیل اولدم » دیدکده بورج اکر معجل
ایسه در حال و مؤجل ایسه مدتی ختامنده دائن آله جفنی کفیلدن مطالبه
ایده بیلور .

زیرا کفیلک ذمتی اصلک ذمتنه تابعدر وجودده بر شینه تابع
اولان حکمده دخی اکا تابع اولور . بناءً علیه کفالات منجزه مطلقه ده
فی الحال حکم ترتب ایدر . کفالات منجزه مقیده ده تعجیل ایله تقیید
ایدلیدی حالده در حال و تأجیل ایله تقیید اولنمش ایسه مدتی ختامنده
کفیل مطالب اولور .

۶۳۶ ماده اما بر شرطه معلق وزمان مستقبله مضاف
اوله رق منعقد اولان کفالتده شرط تحقق وزمان حلول
ایتمدجه کفیل مطالب اولماز .

زیرا کفالات شرطه تعلیق ایدیلنجه اسماً علت اولور ایسه ده
کندندن مؤخر اولان بر حکمه موضوع اولوب آنده تأثیری اولدینندن
معناً و حکماً علت اولماز . یعنی جزا اولان کفالتک وقوعی ایجاب
و تعلیق سابق ایله ثابت واکا مضاف اولدینندن ایجاب مذکور کفالتک
اسماً علتیدر . لیکن معناً علتی دکلدر . چونکه شرطک وقوعندن
اول ایجاب مذکور کفالتده مؤثر اولماز . حکماً دخی علتی دکلدر .
زیرا حکم کفالات ایجابدن مؤخر در . §

[شرطدن] مقصد کفالتده موافق اولان شرط ملایمدر . کفالات

شرط غیر ملایمه تعلیق ایدیلور . مثلاً « یاغور یاغار و یاروز کار اُسَر
ایسه فلان آدمک بورجنه کفیلیم » دینلور ایسه بوکی شروطک کفالتیه
مناسبتی اولمدیغی جهتله شروط غیر ملایمه دن معدود بواندیغندن هم
شرط و هم کفالت باطل اولور .

چونکه کفالت ابتداء نذر و انتهاء بیعه مشابهدر . نذر مشابعتی
هردرلو شرطک تعلیقنه جوازی نی ایجاب ایتدیکی حالده بیعه مشابعتی
اصلاً شرطه تعلیقک عدم جوازی نی اقتضا ایتدیکنندن فقهای عظام
بومسئله ده بوایکی مشابعت ایله عمل ایدرک بیعه مشابعتی جهتله شرط
غیر ملایمه تعلیقی جائز اولمدیغنه و نذر مشابعتی جهتله دخی شرط
ملایمه تعلیقک صحته قائل اولمشدر . §

شرط ملایم اوج نوعدر . برنجیسی : مکفول عنهدن مکفول
بهک اخذ واستیفاسنک تعذرینه سبب اولان شرطدر .

مثلاً « فلان آدم سنک آله جفکی ویرم ایسه اداسنه کفیلیم » دیدکده
کفالت مشروطاً منعقد اولوب لدی المطالبه اول آدم بورجنی ویرم ایسه
کفیلدن مطالبه اولنور . یوقسه اصیلدن قبل المطالبه کفیل مطالب اولماز .

زیرا معلق علیه اولان شرطکه مکفول عنهدن مکفول بهک اخذ
واستیفاسنک تعذرینه سبب اولمقددر . بو تعذر تحقق ایتک ایچون
اول امرده اصیله مراجعتله ایقای دیندن امتناعی ثابت اولمق ایجاب
ایدر . اکر ثابت اولور ایسه کفیله مراجعت اولنور . والا فلا

ایکنجیسی : مکفول بهک اصیل اوزریته وجوب ولزومنه سبب
اولان شرطدر .

کذا « فلان آدم سنک مالکی سرقت ایدر ایسه بن ضامن » دیسه
کفالت صحیح و اول آدمک سرقتی ثابت اولدقده کفیل مطالب اولور .

چونکه كفيل كفالتنى سبب ضمان اولان سرقتك وقوعنه
تعلق ايتمشد .

كذلك كفالت بالدرك بوقيلنددر . زيرا مبيع بالاستحقاق ضبط
اولور ايسه ثمن ميعه كفالت ايديلدور .

وكذا « وديع وديعه ي استهلاك ايدر ايسه ضامن » ديو وقوع
بولان كفالت دخى بوقيلنددر .

اوچجيسى : مكفول عنهدن مكفول بهك اخذ واستيفاسنى
تسهيل ايدر بر شرطه تعليقدر . مثلاً « شريكك ادر نه دن كلور ايسه
آندن آله جنكه كفيلم » ديسه بو كفالت و شرط معتبردر .

§

وكذا مكفوله نه وقت مطالبه ايدر ايسه شو قدر كون مهلت ويرلك
اوزره كفيل اولسه مكفول لهك مطالبه ايتديكى وقتدن اعتباراً اول قدر
كون مهلت ويريلوب ايام مذ كوره نك مرورندن صكره مكفوله هرنه وقت
ايسر ايسه مطالبه ايدر وكفيلك تكرار او قدر كون استدعاسنه صلاحيتى
اوله مانز .

شو مثاله بيان قلندينى وجهله كفالت معلقه يى شرطه تعليق
دخى جائزدر . [مكفوله نه وقت مطالبه ايدر ايسه] جمله سى كفالتك
معلق اولسنه [شو قدر كون مهلت ويرلك اوزره] جمله سى دخى
كفالتك مشروطيتنه ذلات ايدر . كفالتك تعليقى صحيح اولنجه
تعليقك بر شرط ايله تقييدى دخى صحيح اولور . شو قدر واركه
برنجى تعليق اسماً شرطدر . زيرا حكم كفالت فى الجملة اكا توقف
ايدر . لكن حكماً شرط دكلدر . زيرا يالكنز بو شرط ايله كفالت
تحقق ايتمز . شرط ثانياً دخى ثبوتى لازم كلور . ماده آتیه نظر
اوله .

§

یا لکیز بوراده شایان دقت برجهت واردر که شرط فاسد تقییدی
 عقد کفالتی افساد ایتمز . یعنی کفالت مشروطه ده شرط صحیح
 اولور ایسه هم کفالت وهم شرط صحیح و لازم اولور . شرط
 فاسد اولور ایسه کفالت صحیح و لازم اولوب یا لکیز شرط فاسد اولور .
 مثلاً بر کیمسه دیکرینه « سنک فلان شخصده کی اله جفکی
 فلان ادمه حواله ایتک شرطیله کفیلیم » دیسه کفالت صحیح اولدینی
 کی شرط دخی معتبردر . حتی اول ادم فوت اولسه و یا خود ایشو
 حواله نی قبول ایتسه کفیل مطالب اولماز .

اما بر کیمسه دیکرینک بورجه « فلان ادم دخی کفیل اولمق
 شرطیله کفیل اولدم » دیسه کفالت صحیح اولور ایسه ده شرط فاسددر .
 کذلک « فلانده ثابت اوله جق آله جفکه » ویا « فلانده اقراض ایده جفک
 مبلغه » یا خود « سندن غصب ایده جکی شیئه » ویا خود « فلانده صانه جفک
 مالک مننه کفیلیم » دیدکده کفیل انجق بواحوالک تحقیقنده یعنی بورجک ثبوتی
 واقعه نك اقراضی و غصبک تحقیقی و مالک بیع و تسلیمی وقوعنده مطالب اولور .
 وکذا « فلان کون احضار ایتک اوزره فلانک نفسنه کفیلیم » دیدکده
 کفیل اول کوندن مقدم مکفول بهک احضاریله مطالب اولماز .

بونلرک جمله سی کفالت مضافیه مثالدر . وهر بری کفیلک
 مطالبه سی ایچون برر علامتدر . از جمله [فلانده ثابت اوله جق آله جفکه
 کفیلیم] دیدکده آله جفک ثبوتی کفیلک مطالبه سی ایچون علامت اولمغله
 آله جق ثابت اولدوقده کفیل مطالب اولور .

علامت ؛ لغتده اماره معناسنه در . اصطلاحده وجود ووجوب
 حکم کندیبه توقف ایتیوب انجق حکمی تعریف و بیان ایدن شیدر .
 ۲۳۷ ماده شرطک تحقیقنده وصف وقیدینک تحقیقی

دخی لازمدر .

مادهٔ سابقه ده بیان قلندی یعنی وجهله شرطه معلق اولان کفالتده
کفیل شرطک تحقیق وثبوتنده مطالبه اولنور ایهده کفالت کندوسنه
تعلیق ایدیلان شرط بر وصف ایله موصوف ویا بر قید ایله مقید
ایسه اول وصف ویا قیدک تحقیق دخی لازمدر . زیرا حکم کفالت
شرط ناینک یعنی وصف وقیدینک تحقیقنه موقوفدر .

مثلا « فلان کیمسه نك اوزرینه نه حکم اولنور ایسه اداسنه کفیل »
یدیکی صورتده اول کیمسه شرقددر غروش بورج اقرار ایتسه حکم حاکم
لاحق اولمده کفیلک افی ادا ایتسی لازم کلز .

یعنی معلق علیه اولان شرط [حکم حاکم] قید ایله مقید
اولدیغندن کفیلک مطالبه اولنه بیلرسی ایچون اصل اوزرینه مکفول
بهک اداسنه حکم حاکمک لحوقی ایجاب ایدر . اصل مکفول بهی
اقرار ایتدکده مؤاخذه اولنور ایهده کفیل کندوسنک مطالب
اولسنی حکم حاکمک لحوقیله تقید ایتدیگندن حکم لاحق اولمقسزین
مجرد اصلک اقرارینه بناء کفیل مطالبه اولنه مز .

۶۳۸ ماده کفالت بالدرکده میعه مستحق چیقده

بالحا که بایعک ثمنی رد ایتسنه حکم اولمده کفیل مؤاخذه
اولماز .

بو بایده قاعده شودر : کفالت بالدرکده بیع فسخ وابطال
اولندی آنده اصل یعنی بایع مکفول به اولان ثمن میع ایله مؤاخذه
ایدلیدی کی کفیل دخی مؤاخذه اولنور اما بیع هنوز فسخ وابطال
اولندن بایع و کفیلدن هیچ بری مؤاخذه اولنه ماز .

استحقاقده بیعک صورت انفساخنه کلنجه :

استحقاق مبطلدم بالحاجه که استحقاق ثابت اولنجه کفیل مؤاخذہ اولنور . بایعک ثمنی رد ایتسی ایچون بشقهجه حکمه حاجت یوقدر . استحقاق ناقلاده منبعه مستحق چیقوب استحقاقی بالحاجه که ثابت اولدقه بیع فسخ ابدلدمکه بو حکمه مستنداً کفیل مطالب اولماز . زیرا مستحقک بیعی مجیز اولسی محتملدر . قبل الفسخ مجیز اولنجه دعوائیه محل قالماز که کفیل مطالب اوله بیلسون .

بیعک فسخ وابطالی دخی ایکی صورته اولور . برنجیسی : مستحق بیعی فسخ ایدر . بو صورته بایعک ثمنی رد ایتسی ایچون حکمه حاجت یوقدر . مستحقک بیعی فسخ ایتسیله بایع قبض ایتس اولدینی ثمن میعدن طولایی مؤاخذہ اولنجه جنی کی کفیلی دخی مؤاخذہ اولنور .

ایکنجیسی : استحقاق ایله حکم اولندقدن صکره مستحق فسخ بیع ایتزدن مقدم مشتری طرفدن اقامه اولسان رد ثمن دعوائی اوزرینه بالحاجه که بایعک ثمنی رد ایتسنه حکم حاکم لاحق اوله رق بیع فسخ اولنور . و بو حکم اوزرینه مستحق بیعی مجیز اولسه حکمی اولماز . چونکه ساقط اولان شی عودت ایتیه جکندن مفسوخه اجازت لاحق اولماز .

ایشته ماده مشروحهده بیان اولسان صورت بودرکه کفیلک مطالبه سی ایچون ایکی درلو دعوی و حکمه احتیاج واردر . بری استحقاق دعواسیدرکه [مستحق چیفدقه] تعبیر یله اشارت اولنیور . دیگری دعوائی استحقاق و حکمدن صکره رد ثمن دعواسیدرکه مشتری جانبندن اقامه اولنجه جندن [بالحاجه که بایعک ثمنی رد ایتسنه حکم اولندقه کفیل مؤاخذہ اولماز] فقره سیله بیان قلیور .

۶۳۹ ماده كفالت موقتة ده كفيل آنچق مدت كفالت

ظرفنده مطالب اولور .

مثلا «بوكوندن برآيه قدر كفيل» ديدكده كفيل آنچق پوبرآي ظرفنده مطالب اولوب اول آيك سرورنده كفالتدن بری اولور .

حتی پوبر آی ظرفنده مکفول له کفيله مراجعتله مکفول بری طلب ایتدکده کفيل «ویررم» دیوب کچشدیرسه مکفول له اول آيك سرورنده «سن ویررم دیمش ایدک» دیو کفیلی مطالبه ایده من .

اما مدت مزبورہ ظرفنده حاکمه مراجعت ایدرک مکفول بری مطالبه ایتسه بعدالثبوت مدت كفالت ظرفنده حاکم مکفول بری ایضا ایتک اوزره کفیلی اجبار ایدر .

۶۴۰ ماده كفالتك انعقادندن صکره كفيل کندوسنی

كفالتدن اخراج ایده من .

زیرا منجزاً منعقد اولان وسبب دینه معلق ومضاف بولنمیان كفالتك كفيل حقنده لازم الایفادر . چونکه بوضورتله اولان عقد كفالتده نفس وجوبك تحقیقه وجوب ادا دخی تحقق ایتش اولور . نفس وجوب عقدك تحقیقیدر . وجوب ادا ایتسه تحقق عقد اوزرینه كفيلك مطالب اولمسی کیفیتیدر . بنابراین كفالت منجزده عقد كفالتك تحقیقه كفيل مطالب اولور . كفيلك کندوسنی كفالتدن اخراجنه امکان قاناز مکرکه مکفول له ویا وارثی كفالتی رد ویاخود ابرا ایله کفیلی كفالتدن اخراج ایده .

فقط كفالت معلقه ومضافده دینك ذمت مدیونه

ترتبدن مقدم کفیل کندوسنی کفالتدن اخراج ایده بیلور .

مثلا بر کیمسه بر آدمک نفسنه یادیننه منجزاً کفیل اولدقدن صکره کندوسنی کفالتدن اخراج ایده مدیکی کبی « فلانده نه قدر آله جفک ثابت اولور ایسه ضامن » دیدکده دخی کفالتدن دونه منه زیر ا دینک ثبوتی هر نه قدر عقد کفالتدن مؤخر ایسه ده ذمت مدیونه ترتبی عقد کفالتدن مقدمدر . اما سبب دینه تعلیق ایدرک « قلان آدمه نه صاتار ایسه ک » یاخود سبب دینه مضاف قیله رق « صاته جفک مالک ثمننه کفیل » دیدیکی صورته مکفول لهک اول آدمه صاته جنی مالک ثمننه ضامن اولور .

زیرا [نه قدر آله جفک ثابت اولور ایسه ، نه صاتار ایسه ک] جمله لرنده واقع [نه] لفظی الفاظ عمومیه دن اولدیغندن ثابت اولان آله جفک ویا صاتدینی شیر اثمانک عمومته کفیل اولمش اولور .

فقط قبل البیع کندوسنی کفالتدن اخراج ایده بیلور . شویله که « بن کفالتدن واز کچدم سن اول آدمه مال صاتم » دیدکدن صکره مکفول له اول آدمه برشی صاتار ایسه کفیل انک ثمننه ضامن اولماز . زیرا کفالت معلقه و مضافده کفالتک لزومی مبیاعه نک وجودیله

مطالبه نک کفیله توجهنده تحقق ایدر بویله اولقسزین کفیل برشی ملتزم وانسکه مطلوب اولدیغندن بومثللو کفالتدن رجوعی جائزدر .

ویالکز [بن کفالتدن واز کچدم] یاخود [سن اول آدمه مال صاتم] سوزیله کفالتدن بری اولور . هرایکیسنی برلکده ذکر ایتک بهمه حال لازم دکدر . انجق دائن کفیل کفالتده طور یور ظنیله اکا اعتماداً اصیله مال صاتوب الدانماق ایچون کفیل رجوعی هر حالده دأنه بیلدیرمک ایجاب ایدر .

§

کفیل مخیر اولقی اوزره کفیل اولدقده کندوسنی کفالتدن اخراج

ایده بیلور شویله که : مخیرلک ایکی نوعدر . بریسی خیار شرطدر .
مثلا شوقدر کون مخیر اولق اوزره کفیل اولسه صحیح اولور و کفیل
مدت خیارنده کندوسنی کفالتدن اخراج ایده بیلور .

دیگری خیار رهندر . یعنی مکفول عنه کفيله رهن و یرمک شرطيله
کفالت اولندقدہ نظر اولنور اکر شرط مذکور کفیل ایله مکفول
له بیننده درمیان اولمش ایسه صحیح ورهن و یرلدکه کفالت لازم اولور .
واکر کفیل ایله مکفول عنه بیننده درمیان ایدلمش ایسه مکفول
له حقنده بو شرطک حکمی اولیوب کفیل کفالتدن رجوع ایده مز .
۶۴۱ ماده مغضوب یا مستعار اولان مالک رد و تسلیمنه

کفیل اولان کیمسه مالی صاحبنه تسلیم ایتدکه اجرت
نقلیه سیله غاصب و مستعیره رجوع ایدر . یعنی اجرت
نقلیه سنی انلردن آلور .

۸۳۰ و ۸۹۰ نجی ماده لرده مصرح اولدینی اوزره مغضوب
و مستعارک مصارف ردی غاصب و مستعیر اوزرینه اولدیغندن انلرک
امریله کفیل اولان کیمسه اجرت نقلیه بی ایفا ایتدکه کندولرینه
رجوع ایدر . واکر انلرک امریله کفیل اولماش ایسه رجوع
ایده مز . فقط مأجور و ودیعه کی امانتک مؤنث ردی ۷۹۴ و ۵۹۴ نجی
ماده لرده مصرح اولدینی اوزره ماجر و مودعه راجع اولدیغندن
مستأجر و یا مستودعک امریله تسلیم مأجور و یا ودیعه بر کیمسه کفیل
اولدقدہ کفیلک تسلیمی اصیلک تسلیمی کی تخلیه و رفع یددن عبارت
اوله رق نقل ایله مصرف اختیارینه حاجت یوقدر .

فصل ثانی

کفالت بالنفسك حکمی بیانده در

۶۴۲ ماده کفالت بالنفسك حکمی مکفول بهی

احضاردن عبارتدر .

شویله که قننی وقت مکفول بهك تسلیمنی شرط ایتمش ایسه اول وقت مکفول له طلب ایتدیکی کبی کفيلك انی احضار ایتمشی لازم کلور . احضار ایدرایسه فبها . واکر ایتمز ایسه انی احضار ایتمك اوزره جبر اولنور . اکر وقت تعیین ایدلماش ایسه مکفول لهك طلب ایتدیکی زمان کفيلك مکفول عنهی احضار ایتمشی لازم کله چکی کبی هر طلب اولندجه مکفول عنهی احضار ایتمك اوزره کفيل اولمش ایسه مکفول له هر نه وقت طلب ایدرسه مکرراً احضاره مجبور اولوب بردفعه احضار ایتمکله کفالتدن بری اولماز .

کفيل مکفول عنهی احضار ایتدکده حکم کفالت اجراقلنمش اولور . احضار ایتدیکی تقدیرده بالالترام اوزرینه واجب اولان شیء ایفادن امتناع ایتدیکنندن طولای [احضار ایتمك اوزره جبر اولنور] یعنی مکفول عنهك بولندیگی محل معلوم اولوب کفيلك کیدوب کتورمسی برعذر شرعی به مستند بولندیگی ویاخود مکفول عنه دارالخربده اولوبده انی احضارده عجزی ظاهر اولندیگی حالده احضار ایتمك اوزره کفيل حبس ایله اجبار اولنور .

باب ثالث کفالت بالنفسدن برائت حقننده اولان فصل ثانیهی مندرجاتی بوماده حکمك متمم و مکملیدر . استطراد

اصول محاکمات جزائیة قانونی احکامته بحق تخلیه سبیلی لازم

کلیان مظلون علیه ویا مہتم ویا محکوم علیہمندن کفالت نقدیہ ویرمک شرطیلہ موقتاً تخلیۃً سبیلی جائز اولانلرک محکمہ جہ وقوعبولہ جق ہر دعوتہ اجابت ایدہ جکنی وایتمدیکی خالدہ تعین اولنان مبلغی اعطا ایلہ جککریخی تعہد ایدنلرک کفالتنک قبول اولنہ بیلہ جکی قانون مذکورک ۱۱۵ نجی ، محکوم بہ واعلامہ مربوط اولان دیون عادیہ دہ دائن مدیونک فرار ایدہ جکنی اثبات ایدر ایسہ نفسنہ و فرار ایتدکدہ دیننہ کفیل النمنی رئیس محکمہ دن طلب ایدہ بیلہ جکی اجرا قانوننک ۲۸ نجی مادہ لرندہ محرر اولسنہ نظراً فی زماننا مجلہ نک ۶۵۱ نجی ماددسی حکمی مادہ مشروحہ دن زیادہ مرعی الاجرادر .

فصل ثالث

کفالت بالمالک احکامی بیانندہ در

کفالت بالتسلیم کفالت بالمالہ درج ایدیلہ رک ایکسینک احکامی بو فصلدہ جمع ایدلیدیکی کبی بعض مادہ لرینک احکامی دخی انواع کفالتہ شامل ایسہ دہ کفالت بالمال کثیر الوقوع اولدیغندن انلردہ بو فصلدہ ذکر وایراد اولمشدر .

۶۴۳ مادہ کفیل ضامندر .

یعنی کفالت سبیلہ تعہد والتزام ایلیدیکی شیء ایفایہ مجبوردر . و بو مادہ نک حکمی ہر نوع کفالتہ شاملدر . انجق نوع کفالتہ کورہ حکم ضمان مختلف اولوب کفالت بالعیندہ مکفول بہی عیناً ویا بدلاً تسلیم وایفا ، کفالت بالادیندہ اول دینی ادا ، کفالت بالنفسدہ مکفول غمی تسلیم واحضار ، کفالت بالتسلیمدہ فعل تسلیمی ایفا لازم کلور . کفیل الکفیلدہ دخی حکم بو وجہلہ در .

كفالت بالنفسده مكفول عنك صورت تسليمى باب ثالث فصل
 نایسندده محرردر . دیگر نوع كفالتلردده مكفول به حمل ومؤنته
 محتاج اولدینی تقدیرده هر زدهده تسلیمی شرط ایداش ایسه اوراده
 ایفاسی لازم کلور . اما حمل ومؤتی اولمیان شیرلی مکفوله دیلدیکی
 رده آلور .

۶۴۴ ماده طالب مطالبهده مخیردر . آله جفنی دیلرسه

کفیلدن و دیلرسه اصیلدن مطالبه ایدر . و برندن مطالبهسی
 دیگرندن مطالبه حقنی اسقاط ایتیوب برندن مطالبه ایتدکن
 صکره دیگرندن و یا خود معاً ایکیسندن دخی مطالبه
 ایده بیلور .

ویرندن قسماً استیفای مطلوب ایتدکن صکره دخی متباقیسنی
 دیگرندن طلب واستیفایده بیلور . اما دین بری حقنده معجل و دیگری
 حقنده مؤجل ایسه مؤجل حقنده اجل حلول ایتدکجه مطالبه ایده من
 ایسهده معجل حقنده مطالبه ایدوبده تماماً و یا قسماً استیفای مطلوب
 ایده مدیکی صورتده برینه مراجعتی دیگرینه حلول اجلده مراجعت
 حقنی اسقاط ایتیوب مکفول بهك تمامی و یا قسم متباقیسنی اندن دخی
 طلب ایده بیلور .

چونکه كفالت ذمتی ذمه ضم ایتمکدن عبارت بولندی و مکفول
 عنه حقنده لازم کلان مطالبه بی کفیل دخی تعهد والتزام ایتدیکی
 جهتله طالبك بولردن برینه مراجعت ایتسیله دیگرینه حق مراجعتی
 ساقط اولماز .

فقط برندن مطالبه و تماماً استیفای حق ایتد کدن صکره دیگرینه
مراجعت ایده مز . زیرا حق واحد اشخاص متعدده دن آبرو آبرو
استفا اولنه ماز . ۱۶۵۱

کذلک اصیلک برائی شرطیله کفیل اولمش ایسه ۶۴۸ نجی ماده
حکمنجه حواله یه منقلب اوله جغندن ۶۹۰ نجی ماده شرحنده ایضاح
اولندی و جهله توی تحقق ایتیمجه اصله مراجعت ایده مز .
طالبک مطالبه ده اولان حق خیاری کفالتک هر نوعه شاملدر .

۶۴۵ ماده کفیل بالمال اولان کیمسه نک کفالتی
حسیله ذمتنه لازم کلان مبلغه دیگر بری کفیل اولسه
دائن آله جغنی کفیللرک قنغیسنندن ایستر ایسه مطالبه ایدر .

زیرا ۶۲۷ نجی ماده شرحنده بیان قلندی اوزره کفیلک تعددی
محل طلبی توسیع و توثیق ایچون مشر و عدر . فقط کفیل الکفیل
برنجی کفیلک تعهدینی قسماً التزام ایدر . مثلاً برنجی کفیل مدیونک
اون بیک غروش دینک تمامنه وایکنجی کفیل نصفی اولان بش بیک
غروشه ، یا خود ایکنجی کفیل لدی المطالبه برنجی کفیلی احضاره
کفیل اولمش ایسه کفیل ثانی انجق تعهد و التزام ایتدیکی شی ایله
مطالب اولور . برنجی کفیل کی دینک تمامیه مطالب اولماز .

۶۴۶ ماده برجهتدن طولایی مشترکاً مدیون اولان
کیمسه لر یکدیگره کفیل اولسه لر هر بری دینک مجموعیه
مطالب اولور .

یعنی جنساً و صفهٔ متحد بر سیدن طولایی مشترکاً مدیون اولان
 کیسه لرك هر بری کندو حصه سی مقدارده مدیون و ماعداسنده
 کفیل صفتیله مطالب اولدیغندن دائن ایستدیکندن مجموع دینی طلب ایدره
 اما یکدیگره کفیل اولسه لر هر بری دیندن یالکزر کندو
 حصه سیله مطالب اولور . زیرا کفالت کبی بر سبب اولدقجه دینده
 مشارکت دیکرک حصه سی ایچون مطالبه یی موجب اولماز . ۱۱۱۳
 §

بروجه محرر مشترک مدیون و یکدیگره کفیل اولانلردن بریسی
 مجموع دیندن حصه سی مقدارینی تأدیه ایلر ایسه کندو دینی ادا ایتش
 اولور و بو خصوصده تعیین جهت صحیح اولماز . یعنی « بن جهت
 کفالتدن طولایی بو پاره یی ویرمش ایدم » دیو ادعا ایتسه استماع اولنماز .
 چونکه حصه سی مقدارده هم مدیون و هم کفیلدر . اوست طرفی
 ایچون یالکزر کفیل اولدیغندن جهت اصالت جهت کفالتیه مرجعدر .
 §

دینلرک صفتی مختلف مثلاً بری مؤجل و دیگرکی معجل اولور
 ایسه تأدیه ایدیلا ن دینک جهتنک تعیین ایدلمسی صحیح اولور . مثلاً
 ایکی کیسه یه برینک حصه سی معجل و دیگرینک حصه سی مؤجل اوله رق
 ایکی بیک غروش دینی اولوب یکدیگره دخی کفیل اولدقلری تقدیرده
 معجلاً مدیون اولان دائنیه بیک غروش ویردکده مبلغ مزبور
 « جهت کفالتدن طولایی ویردم » دیسه صحیح اولور . فقط قبل حلول
 الاجل مؤجلاً مدیون اولانه مراجعت ایده مز .

کذلک دینلرک سببی مختلف اولور ایسه تعیین جهت ایدلمسی ینه
 صحیح اولور . مثلاً برینک بورجی قرض و دیگرینک بورجی ثمن مبیع

اوله رق مدیون اولان ایکی کیمسه یکدیگه کفیل اولدوقده برینک دأنه ویردیکی مبلغی «جهت کفالتدن طولای ویردم» دیسی صحیح اولور و امر ایله کفیل اولمش ایسه دیگرینه مراجعت ایلر .

۶۴۷ ماده بر دینک متعدد کفیللری اولدینی صورتده

اگر بشقه بشقه کفیل اولمشلر ایسه هر بری مجموع دین ایله مطالب اولور .

زیرا تعدد کفلا محل طلبک توسیعی ایچون مشروع اولوب کفیللرک هر بری اصلیک حقنده کی مطالبه یی بشقه بشقه تعهد و التزام ایتمش اولدقلرندن برینک تعهدی دیگرینک تعهدنی اسقاط و یا تنزیل ایتیوب هر بری کندو تعهدی موجب بجه مطالب اولور .

واگر معاً کفیل اولمشلر ایسه هر بری دیندن حصه سی

مقدار ایله مطالب اولور .

زیرا معاً کفیل اولملری اصل حقنده لازم کلان مطالبه یی معاً تعهد ایتدکلرینه دلالت ایتدیکنندن دین کفیللرک عدد رؤسنه شایعاً منقسم اولور . شو قدر که برینک ادا ایتدیکی مقدار قاج غروش اولور ایسه اولسون مجموع دیندن محسوب ایدیلور . زیرا مطالبه ده مساویدرلر .

§

کفلا یی متعدده عقد واحد ایله کفیل اولدقدن صکره بر فرقه ده کلوب انلرده عقد واحد ایله کفیل اولدوقده دین ایکی فرقه مجموعنک عدد رؤسنه انقسام ایتیوب بلکه آیری آیری انقسام ایدر .

مثلاً اولاً ایکی کیمسه بر دینه معاً کفیل اولدقدن صکره دیگر
 اوچ کیمسه دها اول دینه معاً کفیل اولسه لر اولکی ایکی کیمسه دن
 هر بری دینک نصفی ايله یعنی بالفرض دین بیک ایکی یوز غروش
 ايسه التي یوز غروش ايله و صکره کی اوچ کیمسه دن دینک ثلثی اولان
 درت یوز غروش ايله مطالب اولور . یوقسه مجموع دین بشه انقسام
 ایدویده هر برندن دینک خمسای اولان ایکی یوز غروش مطالبه اولمق
 لازم کلز .

فقط بونلر یگدی کرک ذمتنه لازم کلان مبلغه دخی کفیل
 اولمشلر ايسه اول حالده هر بری مجموع دین ايله مطالب
 اولور .

یعنی کندو حصه سی مقدارده اصلیه و اوست طرفنده کفیل اولان
 کفالتی حسبیه مطالب اولور .

مثلاً بر کیمسه نیک غروش بورجه بری کفیل اولدقدن صکره دیگر
 بری دخی کذلک بیک غروشه کفیل اولسه لر دائی بومبلنی کفیللرک هر قیسندن
 ايستر ايسه مطالبه ایدر . اما اول ایکی کیمسه بویک غروشه معاً کفیل اولسه لر
 هر بری بیک غروشک نصفیه مطالب اولور . مکرکه یگدی کرک ذمتنه لازم
 کلان مبلغه دخی کفیل اولمشلر ايسه اول حالده هر بری بیک غروش ايله مطالب
 اولور .

§

ذکر اولنان کفیللر بر برلرینه دخی کفیل اولدقلری تقدیرده
 برینک حسب الکفاله ادا ایتدیکی دیندن طولای دیکرینه مراجعه
 حق یوقدر .

فقط یگدی کرینه کفیل اولدقلرنده برینک اعطا ایلدیکی اچقه

دیندن حصه سه اصابت ایدن مقدار مساوی و یا نقصان ایسه دیگر
کفیله مراجعت ایده جز. زائد ایسه فضله سی ایچون مراجعت
ایده بیلور .

۶۴۸ ماده کفالتده اصیلک بری اولمسی شرط قلنور

ایسه حواله یه منقلب اولور .

زیرا کفالت ذمتی ذمه ضم ایتمکدر. اصیلک ذمتدن برائی شرط
قلندقدده کفیل ذمتی ضم ایچون محل اولمیوب انک ذمتی کندوسی
درعهده ایتش اولور که بوده حواله دیمکدر . ۶۷۳، ۶۹۰ چونکه
عقدده اعتبار مقاصد ومعانی یه در الفاظ و مبانی یه دکلدر. قاعده سه
بناء بومثلو عقدده [کفالت] لفظی حواله معناسنه حمل اولنورده
حکم حواله جریان ایدر . §

بومسئله کتاب الحواله یه متعلق ایسهده ماده آتیدهه بونکله استیضاح
اولنق ایچون کتب فقهیهده ایکسی بریده ذکر اولندیغندن مجله
جلیهده دخی او یله جه یازلمشدر .

۶۴۹ ماده محیلک عدم برائی شرطیله حواله کفالتدر.

زیرا حواله دینی بر ذمتدن دیگر ذمه نقل اولمغله حکمی محیلک
بورچندن بری اولمسیدر . محیلک عدم برائی شرط قلندقدده دین ثابت
قاله رق یا لکز محل مطالبه توسع ایتش اولور که بوده کفالت دیمک
اولدیغندن مقصده اعتبار اولنورق [حواله] سوزی کفالت معناسنه
حمل ایله حکم کفالت جریان ایدر . چونکه ماده سابقهده بیان قلندی
وجهله اصیلک برائی و بوماده موجبجه محیلک عدم برائی شرط

ایدیلان کفالت وحواله ده معنای حقیقی بی قصده شرط مذکور مانع اولور و معنای حقیقی بی قصد متعذر اولدوقده مجازه کیدیلور . اگرچه کفالت دینک ذمت مدیونده بقاسنی اقتضا ایلدیکی حواله حواله بالعکس دینک ذمت مدیوندن انتقالی ایجاب ایتدیکندن کفالت وحواله لفظلری بیننده ضدیت و منافات بولندیفی جهتله بونلرک یگریکری معناسنده استعاره ایدلسی صحیح اولماق لازم کلورکی وارد خاطر اولورسده هر ایکیسیده استیثاق دین مقصدینه بناء مشروع قلندیغندن غرضجه متوافق و مشترکدرلر . شو حواله وجه استعاره ایکیسندن مقصود توثیق دین اولمسیدر .

بناء علیه برکیمسه مدیونه «سنده کی اله جغنی سین دخی ضامن اولمق اوزره فلانک اوزرینه حواله ایت» دیسه اودخی اولوجهله حواله ایتسه طالب آله جغنی هر قغیسندن ایسترایسه آلور .

بومثالد ایجاب و قبولک تحریر و بیان اولنمسی ۶۸۰ نجی ماده موجبنجه حواله نك ایجاب و قبول ایله منعقد اولمندن ناشی ايسه ده مادامکه عقد مزبور کفالتدر یا لکنز ایجاب ایله دخی منعقد اولور .

مثلا برکیمسه «حسن افدینک علی افندیده اولان آله جغنی علی افندی دخی کما کان ضامن اولمق اوزره حواله اوزرمه آلم» دیسه کفالت منعقد و نافذ اولور .

۶۵۰ ماده بری نزدنده برکیمسه نك امانت مالی اولدیغنی حواله اول مالدن ادا ایتک اوزره اول کیمسه نك بورجنه کفیل اولسه جائز اولور . و اومالدن ایفا ایتک اوزره کفیل اجبار اولنور . واکر مال تلف اولسه کفيله برشی

لازم کلز . فقط کفیل اولدقدن صکره اول مالی صاحبنه
رد ایتسه اول حالده کندو ضامن اولور .

[امانت مالی] صورت مطلقه ده ذکر ایدلدیکندن ومطلقك اطلاق
اوزره جریانی قاعده دن ایدوکنندن امانت اولان شی کرک نقد اولسون
وکرک تقدن بشقه مال بولنسون حکماً مساویدر .

[تلف] قیدی احترازی اولیوب اول مال صاحبی ویابر شخص
آخر اخذ ویاتلاف ایتدکنده کفیل ینه بری اولور .

[کندو ضامن اولور] جمله سندن کفیلک مکفول بهی ضامن
اوله جنی آکلاشلیور . زیر ایدنده بولنان مالدن ایفای دینی تعهد
ایتمش ایکن اعاده ایتسی را ائتی مستلزم اولماز .

§

ماده مشروحه نك حکمی صاحب ودیعه نك امریله اولنان کفالتنه
داآردر . بلا امر کفالت اولندینی تقدیرده کفیلک نزنده بولنان امانت
مالدن ایفای دین ایدمه جکی ۷۹۳ نجی ماده نك فقره ثانیه سنده بیان
قلنیور . زیرا ودیعه امانت اولمغله صاحبنك اذنی اولمدقچه تصرف
ایدیله من .

[امانت مضمون دکلدن] قاعده سنه نظراً امانت مالدن ایفای دین
ایدنك اوزره کفالتك جائز اولماسی لازم کلور ایدی . انحق مودع
امانت مالندن ایفای دینه راضی اولدیغنه و مستودع دخی ید امانتنده
بولنان مالدن ایفای دینه مقتدر بولندیغنه بناءً شرط مذکور ایله کفالت
استحساناً تجویز اولمشدر . وبوصورتده اساساً غیر مضمون اولان
مال مذکور عاریت حکمنی اکتساب ایدرک تبعاً مضمون الرد اولور .

۶۵۱ ماده برکیمسه برینی فلان وقیده احضار ایتمک

اوزره نفسنه واول وقت احضار ایتدیکی تقدیرده بورجنک

اداسنه کفیل اولدقده وقت معینده احضار ایتز ایه کفیلک

اول دینی ویرمسی لازم کلور .

بوصورتله کفالت هم کفالت نفسیه مضافه همده کفالت مالیه

معلقه یی جامع اولغله هر ایکسینک دخی احکامنه رعایت لازم کله جکندن

کفالت مالیه نك ترتبی یعنی شرطک تحقیق اوزرینه کفیل کفالت

نفسیه دن بری اولماز . مکفول لهک دین مز بوردن بشقه برسیندن

طولایی مکفول عنیدن مطلوبی اولق محتمل ایدو کندن کفالت نفسیه

کما کان باقیدر . خصوصیه کفالت نفسیه ایله کفالت مالیه نك ایکسیده

توثیق ایچون اولدیغندن بیلرنده منافات بوقدر .

[وقت معینده احضار ایتز ایه] قیدنن مقصد احضاری ممکن

ایکن احضار ایتز ایه دیمکدر . کفیلک مکفول عنی احضار ایتامسی

کندوسی خسته ویا محبوس اولق ویا خود مکفول عنه مکانی معلوم

اولیه حق صورتده غیوبت ایتمک کی برعذرده مستند اولور ایه کفیله

مالجه برشی ترتب ایتز زیر شرط ضمان مع الاقتدار عدم تسلیمدر .

صور مذکورده اقدار بولمیدیغندن شرط تحقیق ایتامش اولور .

فقط اصیلک تجنن ویا وفات ایتسندن طولایی مکفول عنی

تسلیم ایدمه ماش ایه کفالت نفسیه ساقط اولوب کفالت مالیه باقی

قالور . یعنی اصیلک تجنن ویا وفات ایتسی کفالت نفسیه یی ابطال ایدر ایه ده

کفالت مالیه یی ابطال ایتز . انحق اصیلک تسلیمی ایچون مشروط

اولان مدتک حلولنیدن صکره تجنن ویا وفات ایتمش اولسی لازمدر .
مدت معینه حلول ایتمکسزین تجنن ویا وفات ایدرایسه مجنون ویا متوفایی
طلب صحیح اولما مغله کفیلک انلری تسلیمده عجزی یعنی شرط تسلیم
تحقق ایتمه چکنندن اکا معلق اولان کفالت مالیه دخی تحقق ایتمز .
کذلک مکفول له کفیلی مکفول غنی احضاردن ابرایتمسه
بو تقدیرده دخی کفیل کفالت مالیه دن بری اولور .

و کفیل فوت اولدقدده ورثه سی وقت معینه قدر مکفول بهی
تسلیم ایدر لر یا خود مکفول جهت کفالتدن طولانی نفسنی
تسلیم ایلر ایسه کفیل طرفنه مالجه برشی ترتب ایتمز .
زیرا کفیل بورجک اداسنی اصلک عدم احضارینه تعلیق ایتمش
ایدی اصلک بروجه محرر حاضر اولنجه معلق علیه اولان شرط
منعده اولور . شرطک عدمی حالنده اکا معلق اولان کفالت مالیه
دخی منعده اولور .

واکر انلر مکفول بهی ویا خود مکفول به نفسنی تسلیم
ایتمز ایسه کفیلک ترکه سنندن مالک اداسی لازم کلور .
زیرا شرطک ثبوتی عننده اکا معلق اولان شیئک ثبوتی لازم
اولور . ۸۳

و مکفول له فوت اولسه وارثی مطالبه ایدر .

یعنی حق طلب وارثه انتقال ایدر . §

۶۶۶ نجی ماده ده کفیل بالنفسک وفاتیه کفالتدن بری اوله جنی

محرر اولدینی حالدہ مادہ مشروحہدہ کفیلک ترکہسنہ مراجعت اولنہ جغٹک بیان قلنمسی بومادہ حکمنجہ کفیلک کفالت مالیهی دخی تعهد ایتمش اولسنندن ناشیدر .

بناء علیہ نفسہ کفیل اولان کیمسہنک وفاتیلہ کفالت باطل اولہرق ورثہسی تسلیم ایله مکلف اولمز ایسہدہ مالہ کفیل اولانک وفاتیلہ کفالت باطل اولمیوب مکفول بہ ترکہسنندن استیفا اولنہ جغٹندن و بومادہ حکمنجہ کفیل متوفی کفالت مالیه ایله مطالب اولمی اصلک عدم احضاریتہ تعلیق ایتدیکنندن بعدالوفات شو شرط تحقق ایدرک کفالت مالیه ثابت ولزم اولماق ایچون مکفول بہ جهت کفالتندن طولای نفسی تسلیم ایتدیکی حالدہ ورثہنک کفیلی تسلیم ایتملری اقتضا ایدر . و بو صورتله بالذات تجویز اولنمیان شی بالتبع تجویز اولنہ بیلور . ورثہ تسلیم ایتدکلی حالدہ حکم کفالت تمام اولور . ایتدکلی تقدیرده مکفول بہ کفیلک ترکہسنندن استیفا اولنور .

وکفیل وقت معینده مکفول بهی احضار ایدوبده مکفول له تغیب واختفا ایلسه انک طرفندن بروکیل نصب ایله اگا تسلیم اولنمق اوزره کفیل حاکمه مراجعت ایلر .

لدی المراجعة حاکم غائب و مختفی ایچون بروکیل مسخر نصب ایدر . و کفیلک مراجعتی اوزدینه حاکم طرفندن خصوص مذکور ایچون وکیل مسخر نصب و تعیین اولندقدن صکره کفیل مکفول بهی وکیل مسخره تسلیم ایلسه کفالتندن بری اولور .

کفیل وفات ایتدیکده ورثه سی دخی بویله بروکیل نصب ایتدیروب
مکفول بهی اکا تسلیم ایده بیلورلر .

اشبویکیله [وکیل مسخر] اطلاق اولنور . حکام طرفندن
غائب ایچون وکیل مسخر نصب وتعیینی جائز اولان مواضعک بری
بودر . وسببی شودر که مدت معینه مشروطه ظرفنده اصیلی تسلیم
ایده میوب مکفول به اولان مالی ادایه مجبور اولوق ایچون مکفول
لهک تغیب واختفا ایتک وبوصورتله کفیلی اضرار ایتک احتمالی اولمغله
بوکا محل قالماق ایچون لدی المراجعة حاکمه ولایت عامه سی حسیله
نصب وتعیین ایتدیروجکی وکیل مسخره مکفول عنهی تسلیمی مکفول له
تسلیم کبی عد اولمشدر .
لاحقه

ماده مشروطه مکفول له ایله مکفول عنه واحددر . یعنی هم
کفالت نفسیه مضافده وهم کفالت مالیة معلقده مکفول له ایله مکفول
عنه برشخص اولوب بشقه بشقه دکلدر .

بوندن ماعدا ایکی صورت دها متصوردر . برنجیسی : مکفول له
هرایکی کفالتده واحد و مکفول عنه متعدد یعنی بشقه کیمسه لر اولمقدردر .
بوصورتدها کر مکفول عنهلرک بینلرنده شرکت مثللو برمناسبت اولور
ایسه بوجهله کفالت بالاتفاق صحیحدر :

مثلا برکیمسه «حسن افندی نی فلان وقتده احضار ایتک اوزره
نفسنه واکرا حضار ایده من ایسه مشریکی اولان حسین افندی دن اله جنک
اولان شوقدر غروشه کفیل» دیسه بوکفالت صحیحدر .

اگر شخصلر بیننده مناسبت یوقسه یعنی مثال مذکورده بیان
قلنان حسین افندی حسن افدینک شریکی دکلسه شیخین حضراتنه
کوره کفالتینه صحیحدر . امام محمد حضرت قرینه کوره باطلدر .

ایکمنجیسی : مکفول له هرايکي کفالتده متعدد یعنی بشقه بشقه کیمسه لر اولمقدر . مکفول عنه کرک واحد و کرک متعدد اولسون .
 بوصورتله کفالتک احضار نفسه عائد اولان قسمی صحیح اولوب
 جهت مالیه سی باطلدر .

۶۵۲ ماده کفالت مطلقه ده دین اگر اصیل اوزرینه
 معجل ایسه کفیل حقنده دخی معجل واصل اوزرینه
 مؤجل ایسه کفیل حقنده دخی مؤجل اوله رق ثابت
 اولور .

زیرا کفیل ذمتی اصیلک ذمتنه ضم ایتدیکندن بر شرط ایله تقید
 ایتدیکی حالده حسب الکفاله اوزرینه توجه ایده جک مطالبه اصیل
 اوزرینه مضمون اولان دینک صفتیه تقید ایدرک اصیل نه صورتله
 مطالب اولور ایسه کفیلک دخی اوصورتله مطالب اولمی لازم
 کلور . زیرا فرع اصله تابعدر .

۶۵۳ ماده کفالت مقیده ده تعجیل و تأجیل وصفلرینک
 هر قغیسی ایله قید اولمش ایسه کفیل اکا کوره مطالب
 اولور .

یعنی کفیل کندو منفعتنه موافق شرائط ایله کفالتی تقید ایده
 بیلور . و بو حالده بقدر الامکان شرطه مراعات اولمق لازم کلور .

۶۵۴ ماده برمدت معلومه ایله مؤجل اولان دینه

اول مدت ایله مؤجل اوله رق کفالت صحیح اولدینی کبی
اندن زیاده مدت ایله مؤجل اوله رق کفالت دخی صحیح
اولور .

ذاتاً مقید اولسی کفیل طرفندن تقيیدینه مانع دکلدر . زیرا
مطالبه طالبك حقی اولدیغندن طالب اصیل و کفيله دیلدیکی یولده مدت
دینی تمديد ایله تبرع ایده بیلور . §

شرط تأجيلك حلولندن اول شرط مذکورى درمیان ایدن کیمسه
وفات ایتد کده یا لکیز انك حقنده شرط تأجيل باطل اوله رق مکفول
بهك عاجلاً استیفا سی ایچون ترکه سنه مراجعت اولنور شویله که :

اصیل وفات ایدر ایسه وفاتيله انك تعیین ایتیش اولدینی مدت اجل
حلول ایدرك بالمراجعه ترکه سندن استیفا ی مطلوب اولنور . ترکه سی
وفا ایتیبوده کفيله مراجعت اقتضا ایتد کده کفيلك تأجيل کندوسی
حقنده باطل اولیه جغندن مدتك حلولنه انتظار اولنور .

کفیل وفات ایدر ایسه کذلک انك ترکه سنه فی الحال مراجعت
اولنور . واصله مراجعت ایچون حلول اجله انتظار ایدیلور . ایکسییده
وفات ایدر ایسه مکفول له مخیر اولوب ایسترسه اصیلک و ایسترسه
کفيلك ترکه سنه مراجعت ایدر . §

مسئله : مؤجلاً کفیل اولان کیمسه حلول اجلدن اول مکفول
به مقابلنده طالبه برمال بیع و تسلیم ایدرك اولوجهله دخی تأدییه
ایتسه ده بعده مذکور مال بالاستحقاق ضبط اولنسه و یا خود خیاری عیب
وحکم حاکم ایله رد ایدلسه اجل عودت ایدر . چونکه بیع فسخ
ایدلش اوله جغندن کآن لم یکن حکمنده در .

اما کفیل ایله طالب بیعی اقاله یا خود طالب خیار عیب ایله بلا حکم رد ایتسه - که بوده اقاله در - اجل عودت ایتیموب کفیل در حال مطالب اولور. هر نه قدر اقاله عاقدینه کوره فسخ ایتسه ده شخص ثالثه نظراً عقد جدید حکمنده دز .

۶۵۵ ماده دائن آله جفنی اصیل حقننده تأجیل ایدر ایسه کرک کفیل و کرک کفیل الکفیل حقننده دخی تأجیل ایتیمش اولور .

زیرا دینی تأجیل لبراء موقدر . ابراء موقفلر حکماً ابراء مؤبد ایله معتبردر . دائن مدیونی ابرا ایتدکده کفیلنی دخی ابرا ایتیمش اوله جفنی کی ۶۶۲ آله جفنی اصیل حقننده تأجیل ایدر ایسه کفیلی حقننده دخی تأجیل ایتیمش اولور . چونکه کفیل اصیلک فرعیدر . فرع دخی اصله تابعدر .

و کفیل اول حقننده تأجیلی کفیل ثانی حقننده دخی تأجیل اولور .

زیرا کفیل اول کفیل ثانی به نسبتله اصیل حکمنده در .

اما کفیل حقننده تأجیلی اصیل حقننده تأجیل دکلدر .

چونکه اصل فرعه تابع اوله مار . § ۶۶۱

احکام مزبور دین معجله کفالت اولندقدن صکره تأجیل ایدلدیکی تقدیرده در . یوقسه بر کی همه اصیل حقننده جهت قرضدن ماعدا بر سببله معجل اولان دینه ابتداء مؤجل اوله رق کفیل اولدقده بتأجیل

اصيله سرايت ايدر . چونكه بوصورتله مؤجل اوله رق منعقد اولان
كفالتده دیندن بشقه تأجيل قبول ايدر بر حق اولمديغندن بونده
تأجل ایدن نفس دین اولوب مطالبه دکلدر .

شوقدرکه حین كفالتده كفیل اصیلی کندو نفسنه مضاف قیلار
یاخود طالب اجلی كفيله تخصیص ايدر ایسه اشبو ایکی صورتده
كفیل حقنده اولان تأجيل اصيله سرايت ایتمز .

برده دین جهت قرضدن ایسه شرعاً قرض تأجیلی قبول ایتمیه -
جکندن بوسیددن طولایی اولان كفالت مؤجله اصيله سرايت ایتمز .

۶۵۶ ماده مؤجلاً مدیون اولان کیمسه قبل حلول

الاجل آخر دیاره کیده جک اولوبده دائنی حاکمه مراجعتله
اندن كفیل استدکده كفیل ویرمه مجبور اولور .

كفیل ویرمیه جک اولور ایسه حاکم انی سفردن منع ايدر .
اگرچه مدیونك سفردن منعی حقنده ضرر ایسه ده منع اولمديغنی
تقدیرده دائنك حلول اجله انتظار ایله آله جغنی طلب ایتمك اوزره
مدیون ایله برلکده کیتیمی یاخود آله جغندن واز کیمسی اقتضایدوب
بو حالده دائن دهها زیاده متضرر اولور . ضرر اشد ضرر اخفا ایله
ازاله اولثور قاعده سنه بناء مدیون كفیل ویرمك اوزره اجبار اولنور .
انجق ضرورتلر کندو مقدار لرنجه تقدیر اولنور قاعده سنه نظراً
مدیونك یالکز بر كفیل ویرمسی کافی اولوب متعدد كفیل اعطاسنه
اجبار اولنماز .

§

دین مؤجله مدیونك امریله معجلاً كفیل اولان کیمسه دخی

«دینسکی بکا ویا طالبه تأذیه ایت ویا خود طالبه بنی ایرا ایتدیرده کفالتدن
 قورتار» دیو اصیلی سفردن منع ایده بیلور .
 کذلک اصیلک امریله کفیل بالنفس اولان کیمسه دخی «نفسکی
 طالبه تسلیم ایتده بنی کفالتدن قورتار» دیه رک اصیلی سفردن منع
 ایده بیلور .

اما بلا امر کفیل اولمش ایسه هرایکی صورتده دخی متبرع
 اولدیغندن اصیلی سفردن منع ایده مز .

۶۵۷ ماده بر کیمسه برینه [بنم فلان کیمسه یه اولان
 بورجه کفیل اول] دیوب واو دخی کفیل اولوبده کفالت
 حسیله بورجی ادا ایتدکدن صکره اصیله رجوع ایده جک
 اولدقدده کفیل اولدیغی شیئله رجوع ایدر . مؤدایه اعتبار
 اولنماز .

چونکه کفیل اصیلک ذمتده اولان شیئه مالک و مکفوف لهک
 برینه قائم اولور و تعبیر دیگرله کفیل دینی قبل الادا دأنه قارشو
 بر مدیون ایسه ده بعدالادا مدیونه قارشو بردائن اولور . فقط اصیلک
 امری اولمقسزین کفالت ایتدیگی صورتده بو کفالت تبرع اوله جغندن
 ادای دیندن صکره اصیله رجوع ایده مز . §

[کفالت حسیله بورجی ادا ایتدکدن صکره] جمله سندن مستبان
 اولدینی وجهله اصیلک امریله کفیل اولان کیمسه بورجی ادا ایتدکسزین
 رجوع ایده مز .

شو قدرکه کفیل بالامر دینی هنوز طالبه تأذیه ایتدن اصیل

طالبه ویرمک اوزره مذکور دینه محسوباً کفيله پاره ویرسه استرداد ایده من . چونکه قواعد فقهیه دندر که بر کیمسه بر غرض صحیحه بناء دیکرینه برشی ویرسه اول غرض باقی اولدجه انی استرداد ایده من . فقط اصیل بالذات تأدیة دین ایدر ویا طالب انی تأجیل ایلر ایه غرض زائل اوله جغندن کفيله ویرمش اولدینی پاره یی استرداد ایده نیلور .

§

کفیل بورجی ادا ایتدکن صکره اصیله رجوع ایتک ایچون انک امریله کفیل اولمش اولسی لزومی متفق علیه ایسه ده موجب رجوع اولان امرک صورت وقوعنده اختلاف اولمشدر .

شویله که : طرفین حضراتنه کوره امر موجب رجوع اولمق ایچون امرک یعنی اصیلک کندوشنه رجوعی شرط ایتسی یا خود بونی ایما ایده جک بر صورتده امر ایتسی لازمدر . بکا رجوع ایتک شرطیله کفیل اول ، بندن کفیل اول کی . یوقسه علی الاطلاق «بورجه کفیل اول» دیو امرار موجب رجوع دکدر . مکر که ۱۵۰۹ نجی ماده نک فقره اخیره سنده بیان قلندیغی وجهله مأمور امرک عیالنده بولمق یا خود شریکی اولمق کی بر وجهله بومثللو خصوصلرده آمره رجوعی عرف و عادت ایسه رجوعی شرط ایتماش اولدینی صورتده دخی رجوع ایلر .

امام ابو یوسف حضرت تلرینه کوره مدیون شرط رجوعی ذکر ایتسون ایتسون مطلقا امری موجب رجوعدر وبوصورت ۱۵۰۶ نجی ماده شرحنده محرر قاعدهیه موافقدر و ماده مشروحه ده [بورجه کفیل اول] جمله سنک مطلق اوله رق ذکر ایدلمسینه نظراً امام ابو یوسف قولنک اختیار ایدلیدی کلاشیلیور . §

امر ایکی درلو اولور . بری حقیقه دیکری حکمادر . حقیقه امر

ماده مزبوره ده بیان اولدینی اوزره بر کیمسه نك دیکرینه «بورجه کفیل اول» دیسی کی امرلردر .

حکماً امر بر قاچ درلو اولور . مثلاً اب ولدینک زوجه سنک مهرینه کفیل اولدقه کفالتی بحسب الولاية اولدیغدن حکماً ولدینک امریله کفیل اولمش اولور .

کذلک کفیل کفالتی انکار ایتدیکی حالدده طالب اصیلک امریله کفالت ایتدیگنی اثبات ایدرک کفیل اوزرینه حکم اولنوبده اوده تأدیة دین ایتسه امر ایله کفیل اولمش عد اولنور .

و کذا وصی متوفانک دینی ضامن اولسه حکم وصایتیه بناءً تأدیة ایتدیگندن امر ایله تأدیة ایتش عد اولنور . §

کفیلک کفیل اولدینی شی ایله رجوع ایدوب مؤدایه اعتبار اولنماسی سببنه کلنجه : کفالت امرایله واقع اولوبده کفیل مکفول بهی ایفا ایتدکده مکفول عنک ذمتنده کی دینه مالک اولور بناءً علیه اصیله رجوع ایده جک اولدقه مالک اولدینی شی ایله رجوع ایدر .

اما بورجک بر مقدار اوزرینه دائن مصالحه ایتدیکی تقدیرده ویردیکی بدل ایله رجوع ایدر . یوخسه مجموع دین ایله رجوع ایده من .

صلح ایکی نوع اولوب بری معاوضه دیکری اسقاط البعض واستیفاء البعض حکمنده در . صلح خلاف جنس اوزرینه واقع اولورسه معاوضه اعتبار اولنور و کفیل ویردیکی عوض ایله مکفول عنک ذمتنده بولنان دینه مالک اولور که زیرده کی مثال ثالثده محرر اولدینی

وجهله دیندن بعض اشیا اوزرینه صلح بوقیلدند. بونوع صلحه کفیل مجموع دین ایله مراجعت ایدر مؤدایه اعتبار اولنماز .

ایکینجی نوع صلحه کفیل دائن ایله دینک بر مقدار اوزرینه صلح اوله رق بدل صلحی تأدیه ایتمهکله اصلیک ذمتده اولان دینه مالک اوله ماز. زیرا دائن کفیل ایله وجه مشروح اوزره عقد صلح ایدرک بدل صلحی قبض ایتمهکله دینک بر مقدارنی اخذ واستیفایه و مقدار آخرینی اسقاط ایتش اولور و بوجهله ساقط اولان مقدارک رجوع ایله عودت ایتک احتمالی یوقدر. ایشته فقره مشروحدهن مقصد بونوع صلحدر .

مثلا مسکوکات خالصه کفیل اولوبده مغشوش اچه ایله تأدیه ایتسه اصلیدن مسکوکات خالصه آلور. و بالعکس مغشوش سکه کفیل اولوبده مسکوکات خالصه ایله تأدیه ایتسه اصلیدن مغشوش سکه آلور .

یعنی کفیل اولدینی شی ایله مراجعت ایدر مؤدایه اعتبار اولنماز. کذلک شو قدر غروشه کفیل اولوبده صلحاً بعض اشیا اعطاسیله تأدیه ایتسه اصلیدن کفیل اولدینی مقدار اچه نی آلور . بونوع صلح معاوضه حکمنده اولدیغندن کفیل اولدینی شی ایله مراجعت ایدر .

اما بیک غروشه کفیل اولوبده صلحاً بش یوز غروش ایله تأدیه ایتسه اصلیدن بش یوز غروش آلور .

بونوع صلح اسقاط البعض واستیفاء البعض حکمنده اولدیغندن ساقط اولان دیگر بش یوز غروش ایچون مراجعت ایده مز .

۶۵۸ ماده عقد معاوضه ضمننده بر کیمسسه برینی

آلدا تمش اولسه ضررینه ضامن اولور .

[عقد معاوضه] بیع صحیح و فاسد و اجاره و قسمت کبی شیلردر .
 بومثللو عقد لک ضمانده برکیمسه برینی آلامش اولور ایسه انی
 مضرار ایتش اوله جغندن و شرعاً ضرر غیر جائز و واجب الازاله
 ایدوکندن آلداتان آلدانانک ضررینه ضامن اولور . چونکه عقد
 معاوضه مطلق اولدقده معقود علیک عیدن سلامتی ایجاب ایدوب
 زیده محرر مثاللرده بیان قلندیغی وجهله تجارت و عقد بیع ضمانده
 برکیمسه نک برینی آلامش اولسی اک بیوک معیباتدن اولدیغندن
 آلدانانک ضررینه ضامن اولوق اقتضا ایدر .

بوکا « ضمان غرور » تسمیه اولنور حقیقته برنوع ضمان کفالت
 اولدیغندن کتاب الکفاله ده بیان قلینور . §

[آلامش اولسه] جمله سندن مقصد عقد معاوضه کندوسنی
 متضمن اولان واکا تابع اوله رق حصوله کلان تغیردر . نته کیم
 زیده کی اهل سوق مثالنده اولدیغی کبی بعضاً مکفول عنه مجهول اولدیغی
 یعنی عقد معاوضه ضمانده مغرور اوله حق کیمسه هنوز غیر معین
 بولندیغی جهتله مقتضای قیاس بونک عدم جوازی ایکن استحصاناً
 مجوز بیورلمشدر .

ماده مشروحه نک زیده محرر مثاللرندن مستبان اولدیغنه کوره
 عقد معاوضه ضمانده حاصل اولان تغیرر سیاق واحده اوله ماز .

وشفعه عقود معاوضه دن ایکن انده بالاستثنا ضمان غرور حکمی
 جریان ایده مز . چونکه مشتری مشفوعی بالشفعه تسلیمه مجبور و شفیع
 جبراً اخذ ایتش اولدیغندن مشتری طرفدن شفیعک آلداتلمسه
 احتمال تصور اوله مز . §

[عقد معاوضه] قیدی من وجه احترازی ومن وجه وقوعیدر

چونکه عقد معاوضه نك مقابلی عقد تبرع در. بوده ایکی قسمدر قسم
اول نفی قابضه عائد اولان عقد تبرع در. هبه، صدقه، عاریت کی.
بوقسم عقد تبرع ضمننده برکیمسه برینی آلتامش اولسه ضررینه
ضامن اولماز زیرا عقد تبرع وصف سلامته مستحق اولماز.

مثلا موهوب له مال موهوبی قبض ایتدکن صکره تلف
اولسهده بعده بر مستحق حقیقه رق اکا تضمین ایتدیرسه موهوب له
واهب رجوع ایده من. زیرا واهب متبرع اولمغله موهوب لهی تغیر
احتمالی یوقدر مکرکه موهوبک سلامته ضامن اوله.

قسم ثانی نفی دافعه عائد اولان عقد تبرع در. ودیعه، مال مضاربه،
مال شرکت کی. بوقسم عقد تبرع ضمننده بری دیگرینی آلتامش
اولسه ضررینه ضامن اولور. زیرا دافع اولانک مثلا شریککردن
برینک دیگرینی الدامسی ممکن ومحمملدر.

§

[الدامش اولسه] قیدی احترازیدر. بناء علیه كرك عقد معاوضه
و كرك عقود تبرعده بلا تغیر بر کیسه متضرر اولسه تضمینی لازم کلز.
مثلا بر کیسه «بومالی بن فالاندن غصب ایتدم» دیهرك صائسه وبعده
اومال بالاستحقاق ضبط اولسه مشتری بایعه رجوع ایده من. چونکه
مغضوب اولدیغنی بیلهرک آلتددر.

§

بعضاً بر کیسه دیگرینی بر عقد ضمننده اولیه رق الداتور. مثلا بر کیسه
دیگرینه «فلان پولدن کیت امنیتلوردر اکر مالک ضایع اولور ایسه ضامنم»
دیوبده او کیسه بوسوز اوزرینه او پولدن کیدوبده مالی اثنای راهده
قطاع طریق طرفدن اخذ ایدلسه کلام مزبوری سوبیلان صفت
سلامتی متعهد اولدیغندن کندوسنه ضمان لازم کلور. اما صفت

سلامتی تمهد ایتیه رك يالكز «يول اميندر» ديمش ايسه ضمان لازم كلز.
 بو وجهله ضمان غرورده مكفول عنك يعنى مثال مزبورده كوره
 امنيت طريق سلب ايدنك معلوم اولمسي شرط دكلدر .

مثلا بر كيمسه بر عرصه اشترا ايدوبده اوزرينه بنا يابلدقدن صكره
 مستحق چيقوبده ضبط اولنسه مشري بايعدن عرصه نك قيمتى الدقدن بشقه
 بنانك حين تسليمنده كي قيمتى دخی آلور .

بومثالده عقد معاوضه يعنى بيع ضمننده حاصل اولان تفرير شو
 وجهله دركه: بايعك اول عرصه بي بيع مطلق ايله بيع ايدوب عوضى
 قبض ايتمسي ۳۳۶ نجى ماده حكمنجه مبيعك عيبدن سالم اولمسي اقتضا
 ايتديكندن مشري اوصفته اكا مالك اولدم ظن ايتديكي حلالده بالاستحقاق
 ضبط اولمسي يله صفت سلامتدن عارى ايدوكي تين ايتدكده چونكه
 استحقاقك فوقنده بر عيب اوليه جغندن بايعك مبيعى معيوب اولدينى حلالده
 سالم ديه رك صاتوب مشري بي تفرير ايتمش اولديغندن طولاي مشري
 ضررينى بايعدن آلور . §

بايع ايكي صورتله ضامن اولور برنجيسى: عرصه نك ثمنى، ايكنه جيسى:
 بنانك قيمتى تضمين ايدر . انجق مشري بنانك قيمتى بايعدن الموق
 ايجون قائماً و مبنياً بايعه تسليم ايتمسي لازم كلور [حين تسليمنده كي]
 عبارته يله بوكا اشارت اولمشدر .

بوتقديرده بايع بناي هدم ايدرك انقاضى كندو حسابنه آلور .
 وشو حلالده بناء مذكور قبل التسليم محترق اولمق كي بر صورتله هلاك
 اولوب تسليمى ممكن اولماز ايسه مشري بايعدن قيمتى آلهماز .

برده بنادن مقصد مشرينك كندو ماليه ياپدينى بنادر . يوقسه
 عرصه ده موجود انقاض ايله بر بنا ياپسه انقاضك قيمته يايجه رجوع

ایده میه بجکی کی دولکر وسائزیه ویردیکی یومیه ونفقه ایله دخی رجوع
ایده مز . §

مذ کور عرصه یه اشجار غرس اولنسه حکم ینه بویله در . فقط
اشجارک قلعی ارضه مضر اولور ایسه مستحق بخیر اولوب دیلرسه
قلع ایتدیروب نقصان ارضی تضمین ایتدیرر . دیلرسه اشجارک مقلوعاً
قیمتلینی و یروب تملک ایدر . §

مثال مذ کورده بایع مطلق اوله رق ذکر ایدلدیکندن هم کندینک
وهم وصیتی اولدینی کیسه نک مالی صاتانه شاملدر .

کذلک برکیسه اهل سوقه [اشبو صغیر اوغلمه مال صاتکر اکا تجارتیه
اذن ویردم] دیسه وبعده اول چوجق بشقه سنک اولدینی میدان چیقسه اهل
سوق اول چوجقه صاتمیش اولدینی مالک اچقه سنی اول کیسه دن مطالبه
ایدر .

زیرا [اذن ویردم] دیان کیسه مزبور چوجنی نفسنه مضاف قیلهرق
[اوغلم] دیسی واهل سوقه یعنی اصناف و تجارتیه انکله الیش ویریش
ایتملینی امر ایلمی ایله اهل سوقی تغیرر ایتدیکندن ضررینه متحمل
اولور .

مثال مذ کورده مابه التغیرر اولان اذن اهل سوقک اول چوجقه
مال صاتمیلرندن مقدم اولسنه نظراً اصل مباحوث عنیه تفرع ایتز کی
ایسه ده برزمانده ثابت اولان شیئک خلافته دلیل اولدقجه بقاسیله حکم
اولنور قاعده سنه بناءً بوکیسه نک ثابت اولان اذن اول چوجنی
اخذ و اعطادن نهی ایتدیکنی اهل سوقه اخبار ایدنجیه قدر بطریق
الاستصحاب باقی عد اولنهرق حین اخذ و اعطاده اذن ویرمش و مال
صاتمغه امر ایتمش کی اولور .

باب ثالث

کفالتدن برائت حقنده اولوب اوچ فصلی حاویدر

فصل اول

بعض ضوابط عمومیه بیاننده در

بوفصلک حاوی اولدینی مواد احکامی انواع کفالتیه شامل اولدیغند
ضوابط عمومیه عنوانی ایله ذکر اولمشدر. ضوابط عمومیه نکه نه دیله
اولدینی کتاب الاجاراتک باب اولنده تعریف و بیان اولندی .

۶۵۹ ماده مکفول به کرک اصیل و کرک کفیل طرفند

مکفولی لهه تسلیم و ایفا اولندقدده کفیل کفالتدن بر

اولور .

شویله که : کفالت بالعینه مکفول به عیناً و یا بدلاً مکفول له
تسلیم اولندقدده و کفالت بالیدینه دین مکفول لهه ادا قلندقدده و کفالت
بالتسلیمده فعل تسلیم ایفا ایدلده عقد کفالتدن مقصد حاصل
اولدیغندن و بر عقددن مقصد حاصل اولدقدده حکم عقد منتهی اوله جفتند
کفالتک حکمی اولان مطالبه دخی منتهی اولور و مطالبه نهایت بولند
کفیل دخی کفالتدن قورتیلور . قورتیله میوب ینه مطالبه اولنسه
حقک آرو آرو شخصلردن مکرراً استیفاسی لازم کلوب بوایس
غیر جائزدر . کیفیت و شرائط تسلیم و ایفا فصل ثانی و ثالث مندرجاتند
مستبان اولور .

۶۶۰ ماده مكفول له [كفيل ابرا ايتدم] وياخود [كفيل

طرفنده حقم يوقدر] ديسه كفيل برى اولور .

يعنى مكفول له كفيل كرك ابراء خاص كرك ابراء عام ايله ابرا ايتسه كفيل برى اوله جنى كى ۱۵۶۸ نجى ماده ده بيان قلندينى وجهله كفيل بو ابراي رد ايتسه مردود اولماز . چونكه ۱۵۳۶ نجى ماده ده تعريف و بيان اولندينى اوزره ابرا برى ابراء استيفا و ديكرى ابراء اسقاط اوله رق ايكي قسم اولوب هرايكيشنده دخى تملك معناسى اولديغندن مديونك ردى ايله مردود اولور ايسه ده كفيل مديون اوليوب يالكز مطالب اولديغندن كندوسنى ابرا اسقاط محض قيلمندن اولور . اسقاط محضك ردى ايسه ممكن دكلدر . زيرا ساقط اولان شى عودت ايتمز . شوقدر كه [مكفول له كفيل ابرا ايتدم] ديهرك ابراى اسقاط ايله ابرا ايدر ايسه كفيل اصيله رجوع ايده من . اما [كفيل طرفنده حقم يوقدر] ديهرك ابراى استيفا ايله ابرا ايدر ايسه كفالت اصيلك امريله اولمش اولدينى صورتده كفيل اصيله رجوع ايده بيلور .

فقط مكفول له دين اولان مكفول بهى كفيله هبه ايتد كده قبوله متوقفدر . زيرا تملكدر . قبول ايتديكى تقديرده كفالتدن برى اولور . وبو صورتده امر ايله كفيل اولمش ايسه اصيله رجوع ايله موهوب اولان دينى طلب ايده بيلور . ايشته بوندن منظم اولور كه هبه ايله ابراى اسقاط بيننده حكماً فرق واردر .

§

۶۶۱ ماده كفيلك برائتندن اصيلك برائتى لازم كلز .

نته کیم مادهٔ سابقه ده محرر اولدینی وجهله مکفول لهک ابرای اسقاطیله کفیل بری اولدقده اصیل بری اولماز. زیرا فرعک سقوطیله اصلک سقوطی لازم کلز. اگرچه ۴۸ نجی ماده حکمنجه تابعه بشقه جه حکم ویریه فرسوده بوماده اندن مستنادر.

انجق بوباده کی برائتن مقصد مکفول لهک ابرای اسقاطیله حاصل اولان برائتدر. یوقسه علی الاطلاق برائت دکلدر. چونکه کفیل دینی تأدیه ویا مکفول لهی بری اوزرینه حواله ایله برائت ایتسه اصیل دخی مکفول لهه قارشو بری اولور. انجق برنجی صورته کفیل ایکنجی صورته محال علیه دینی بعدالادا اصیله رجوع ایده. بیله جکارندن بونلره قارشو بری اوله فر.

۱۶۱۸ و ۱۸۲۹ نجی ماده لر شرحنده بیان قلندینی اوزره اصلک امریله کفیل اولدینی ثابت اولان کفیلک ایفای دینه محکوم ازمسلیله اصیل دخی محکوم علیه اولمش اولور.

۶۶۲ ماده اصلک برائی کفیلک برائتی موجب اولور. اسبابی ۵۰ نجی ماده ده شرح وایضاح اولندینی وجهله اصل ساقط اولدقده فرع دخی ساقط اولور. انجق مستنادر اوله رق اصلک یمین ایله برائتندن کفیلک برائی لازم کلز. زیرا یمین انجق خالفک برائتی موجب اولور.

کذلک ۶۴۸ نجی ماده موجبجه اصلک برائی شرط ایدیلهرک کفالت حواله یه منقلب اوله جفتندن کفیل بزى اولماز.

و کذا ۶۵۱ نجی ماده ده بیان قلندینی وجهله کفیل هم کفالت نفسیه مضافه همده کفالت مالیه معلقه ایله کفیل اولدینی حالد اصلک

تجنن ویا وفات ایتسیله کفالت نفسیه ساقط اولور ایسه ده کفالت مالیه
باقی قالور . §

دائن اصیلی وفاتندن صکره ابرا ویا دینی متوفایه هبه ایتسه امام
ابو یوسفه کوره ورثه نك حق ردی اولدیغندن رد ایدر لر ایسه کفیل
بری اولماز. امام فحمده کوره ورثه نك ردی ایله مردود اولیه جقندن
کفیل بری اولور. ۱۵۶۹ §

ماده مشروحه ده ذکر اولان برائت ابراء اسقاط ایله ابراء
استیفایه شاملدر اصیل ابراء اسقاط ایله ابرا اولندقدن صکره ابرایی
رد ایدر ایسه فقهای عظامندن بعضیلرینه کوره کفیل بری اولور.
زیرا ۱۵۶۸ نجی ماده حکمنجه مدیونك ردی ایله ابرا مردود اولور
ایسه ده کفیل حقده ابرا اسقاط محض قیلندن اولمله انك ایچون
رد ایله مردود اولماز. بعضیلرینه کوره ده برشی باطل اولدقه انك
اضمننده کی شی دخی باطل اوله جقندن کفالت کماکان باقیدر .

فصل ثانی

کفالت بالتقصدن برائت حقده در

۶۶۲ ماده کفیل مکفول بهی شهر وقصبه کی مخصوصه
ممکن اولان یرده مکفول لهه تسلیم ایتدکده مکفول له
کرك قبول ایتسون و کرك قبول ایتسون کفیل کفالتدن
بری اولور .

[شهر وقصبه] حاکم وضابطه عدلیه مأموری بولنمینان صحرا

و محلا ردن احتراز ایچوندر. بومثللو یرلرده تسلیمدن مکفول له منتفع
یعنی غرض تسلیم حاصل اوله میه جغندن کفیل بالاتفاق کفالتدن
بری اولماز .

اما شهر وقصبه ده تسلیم ایتدکده بومحذور وارد اولیه جغنه
وکفیل ذات تسلیمی تعهد ایتیش اولدیغنه نظراً امام اعظم حضرت تلوینک
اجتهادینه کوره شهر وقصبه ایستر عقد کفالتک واقع اولدینی محل
ایستر ایسه بشقه بریر اولسون تسلیم تحققی ایدهرک کفیل بری اولور .
امامین حضراتنه کوره تسلیمدن مقصد مدعا بهک طلب واثباتی
ایله استحصال حق اولوب مکفول لهک عقد کفالتک واقع اولدینی
محاکم غیرى شهر وقصبه ده تسلیمی ایله اوراده علیهنه اقامه دعوی اولنه
بیلور ایسه ده اثبات مدعا ایدهرک شهودک عقدک واقع اولدینی محله
بولملری محتمل ایدو کسندن کفیل بری اولماز .

ماده مشروحه ده مطلق اوله رق ذکر ایدلمسندن امام اعظم قولنک
اختیار اولندیغی مستبان اولور . §

کفیل مکفول بهی بوجه محرر تسلیم ایتدکده کفالتدن بری اولور .
چونکه تسلیمدن مقصد مکفول له مکفول بهی بلامانع تسلیم ایدهرک
صورته بینلرینی تخلیه ایتمکدن عبارتدر . مکفول لهک قبول ایتامسینه
کفالتک دوا می ایجاب ایتمز .

فقط بر بلدة معینه ده تسلیمی شرط ایدلمش ایسه بشقه
بلده ده تسلیم ایله کفالتدن بری اولماز .

زیرا شرط مذکور طالب حقنده مفید اولغله بقدر الامکان شرطه

مراعات اولمق لازم كله جكسندن شرط تحقق ايتمينجه مشروط دخی
تحقق ايتمز .

ومجلس محاکمه ده تسليم ايتمك اوزره كفيل اولدقده
زقاقده تسليم ايله كفالتدن بری اولماز .

زیرا غلبه لق اولمق حسیله ناس طرفندن مكفول بهك فرازینه
معاونت ایدلسی ملحوظدر .

فقط ضابطه حضورنده تسليم ایتسه بری اولور .

[ضابطه] دن مقصد ضابطه عدلیه در . زیرا ضابطه عدایه حکامك
وسائط اجراییه سی اولدیقندن انلره تسليم مجلس حا کمه ده تسليم کییدر .
استطراد

اصول محاکمات جزائیة قانونك ۸ نجی ماده سنده [ضابطه عدلیه
مأمورلری جنایات وجنحه وقباحتلری تحری ودلائلی جمع وضبط ايله
متجاسرلرینی طوتوب متعلق اولدقلری محاکم جزائییه تسليم ایتمه
مأموردرلر] .

۹ نجی ماده سنده [جنایات دعوالرینی رؤیت ایدن محکمه لرك نظارتلری
التنده اولمق و آتیده تعیین اولنه حق احکام مخصوصیه تابع بولمق
اوزره ضابطه عدایه ونظائفی قائم مقام ویا مدیر وقتیش مأمورلری
« یعنی پولیس قومیسر ومأمورلری » ومدعی عمومیلر ومستنطقلر
وضبطیه ضابطانی وکوی مختارلری واختیار مجلسلری اعضاسی وکوی
واورمان بکجیلری معرفتیه اجرا اولنور] .

۱۰ نجی ماده سنده [والیرو متصرفلر وپای تختده شهرامینی وضبطیه

ناظری وقوعه کلان جنایت و یا جنحه و یا قباحثک ثبوتیه مدار اولان معاملات لازمه بی بالذات و یا خود جرمک درجه سنه کوره عائد اولدینی ضابطه عدلیه مأمورلری واسطه سیله اجرا و فاعلرینی لازم کلان محکمه یه تسلیم ایتدیره بیله جککردر .

دیو محرر اولمسنه نظراً ضابطه عدلیه وظیفه سی قانوناً مأمورین مشار و مومی الیه تفویض اولنش اولوب بونلر دائره مأموریتلری داخلنده هر نوع وظائف عدلیه بی ایفا ایله مکلف و یا لکیز کوی و اورمان بکجیلری قانون مذکورک ۱۶ نجی ماده سی حکمنجه [نظارتیه مأمور اولدقلری دائره داخلنده اراضی و اورمانلرجه وقوعه جق قباحث و جنحه لره] متعلق خصوصات ایله موظفدرلر .

بنابرین کفیل اصیلی صلاحیتدار اولان ضابطه عدلیه مأمورینه واکر کفالتی بر اراضی و یا اورمان دعواسندن طولای ایه کوی و یا اورمان بکجیسنه تسلیم ایتدکده بری اولور .

اما ضابطه عدلیه وظیفه سیله مکلف اولمیان ضابطان عسکریه و مأمورین سائریه تسلیم ایتسه کفالتدن بری اولماز . §

برینک نفسنه بر قاج کیمسه کفیل اولدینی حالده ایچلرندن بری مکفول بهی طالبه تسلیم ایتسه نظر اولنور . اکر بشقه بشقه کفیل اولمشلر ایه دیگدرلری بری اولماز واکر معاً کفیل اولمشلر ایه دیگدرلری دخی بری اولور .

کفالت نفسیه ده اصیل کندو نفسی مکفول لهه تسلیم ایتسه نظر اولنور . اکر نفسی جهت کفالتدن طولای تسلیم ایتدیکنی و کفیل بالنفس متعدد و امرا یله کفیل اولدقلری حالده ایچلرندن وفلاتک کفالتندن

طولای تسلیم ایتدیکنی» بیان ایدر ایه مقصد حاصل اولمش اوله جغندن
او کفیل بری اولور .

کفیل بویله سویله مز ویاخود «فلانک کفالتی ایچون تسلیم اولیورم»
دوبو انجق کفیل مز بور آنک امریله کفیل اولماش ایه مکفول به
نفسنی طالبه تسلیم ایتمکه کفیل بری اولماز . زیرا کفالت آنک امریله
اولینجه کندوسنی طالبه تسلیم ایتمک اوزرینه لازم اولدیغندن بوجه محرر
تسلیم اولسیله کفیل بری اولماز . §

بلا امر اولان کفالتده کفیل مکفول بری «طالبه تسلیم اول»
دیه اجبار ایده مز بلمکه تسلیمی جائز اولان یرده راست کتوروب
خواه وناخواه تسلیم ایتسی لازم کلور .

۶۶۴ ماده طالبک طلبی اوزرینه مکفول بهی مجرد

تسلیم ایله کفیل کفالتدن بری اولور .

[بحکم الکفاله تسلیم ایتدم] دیمکه حاجت یوقدر . زیرا برائت
تسلیمک موجبیدر و بر تصرفک موجبی اولان شی خلافیه احتمال
اولدقجه من غیر تصریح اول تصرف ایله حاصل اولور .

اما طالبک طلبی اولمقسزین تسلیم ایتدکده [بحکم الکفاله

تسلیم ایتدم] دیمدجه بری اولماز .

طلب سبق ایتمکسزین واقع اولان تسلیمده بشقه احتمال یعنی
اعانه طریقیله اولمق احتمالی بولندیغندن یقیناً ثابت اولان مطالبه شک
ایله یعنی اعانهیه محتمل اولان تسلیم ایله زائل اوله میه جغندن طلب

اوزرینه اولیان تسلیمده کفیل بحکم الکفاله تسلیم ایلدیکنی تصریح
ایتمدکجه برائتک حصولنه حکم اولنده من .

کذلک کفیلک وکیل و یارسولی طرفندن مکفول به مکفول له
تسلیم اولندقدده موکل و یا مرسلنه اضافتله « فلانک کفالتدن برائی
ایچون تسلیم ایتدم » دیمدکجه کفیل کفالتدن بری اولماز .

۶۶۵ ماده فلان کون تسلیم ایتک اوزره کفیل اولوبده

اول کوندن اول تسلیم ایتدکده مکفول له قبول ایتسه بیله
کفیل کفالتدن بری اولور .

چونکه تأجیلک نفی من له الاجل اولان کفیله عائد واجل انک
حق اولوب قبل حلول الاجل تسلیم ایله کندو حقی اسقاط ایده جک
اولدقدده مکفول له قبوله مجبور اولور . مکان تسلیم حقدده کتاب -
الیوعلک باب خامسنک فصل ثالثی مندر جائنه توفیق معامله اولمق
لازم کلور .

۶۶۶ ماده مکفول به فوت اولدقدده کفیل کفالتدن

بری اولدینی کی کفیلک کفیلی وار ایسه اودخی بری اولور

زیرا مکفول به فوت اولمسیله انی احضار کفیل ایچون ممتعدر .

کذلک کفیل فوت اولسه کندو کفالتدن بری اولدینی

کی کفیلی وار ایسه اودخی بری اولور .

کفیلک وفاتیه مکفول بهی تسلیم اندن تصور اولنه ماز و ترکسی
بو حقه ایفا سنه غیر صالح اولدینی کی ورثه یه دخی انتقال ایتمز چونکه

اجضار نفس مال اولمديغندن متوفانك تركه سندن بوحق استيفا قابل
اولمديني كې ورثه دخى مورثلرينك اوزرينه لازم اولان برقعلى
ايفايه مجبور اوله مزلر . §

كفيلك بکفيلنده حاجت قالماز . زيرا كفيل اول ثانى به نسبة
اصيلدر . اصل ساقط اولنجه فرع دخى ساقط اولور .

اما مكفول لهك وفايله كفيل كفالتدن برى اوليوب
وارثى مطالبه ايدر .

زيرا متوفانك لهسنه اولان خصوصاتده ورثه مورثلرينك مقامنه
قائم اولور . §

بوندن ناشيدر كه كفيل مكفول بهى ورثه دن ويا متعدد وصيلردن
برينه تسليم ايدرسه ديكر وارث ويا وصيلرك حق مطالبه سى باقى قالور .
هر نه قدر ۱۶۴۲ نجى ماده حكمنجه ورثه دن برى جمله سى نامنه خصم
اوله بيلور ايسه ده وارث مرقوم يالكر كندو حصه سنى قبض ايده بيلوب
ديكر ورثه نك حصه لرني قبضه صلاحيتي اولمديغندن كفيل ورثه دن
برينه مكفول بهى تسليم ايمككه ديكر لرينك حق تسليمى ساقط اولماز .

فصل ثالث

كفالت بالمالدن برائت حقه در

۶۶۷ ماده دائن فوت اولوبده مديون اكا منحصرأ

وارث اولسه كفيل كفالتدن برى اولور .

چونكه اصيل كندو ذمتنده اولان دينه ارثاً مالك اولديني جهته

بورجی ادا ایتش حکمنده اوله رق دیندن بری اوله جغندن اصیلک
برائتی کفیلک برائتی موجب اولور.

واکر دائنک بشقه وارثی وارایسه کفیل یالکزمدیونک
حصه سندن بری اولوب دیگر وارثک حصه سندن بری
اولماز.

بناء علیه دیگر وارث حصه سنی ایستیر وارث اولان دأندن
ایسترسه کفیلدن طلبده مخیر اولور.

۶۶۸ ماده کفیل یاخود اصیل بورجک بر مقدار
اوزرینه دأن ایله مصالحه ایتدکلرنده اکر اکیسنک یااصیلک
برائتی شرط ایدلمش یاخود هیچ بر شرط درمیان ایدلماش
ایسه اکیسی دخی بری اولور.

یعنی بدل صلحدن ماعدا اولان بورجدن بری اولور. زیرا کفیل
یاخود یالکز اصیل صلحی دینه مضاف قیلوب دین مذکور ایسه
اصیل اوزرینه واجب اولدیغی جهتله بدل صلحدن ماعدا اصیلک
برائتی ایجاب ایدرکه اصیلک برأئندن کفیلک دخی برائتی لازم کلور.
واکر یالکز کفیلک برائتی شرط ایدلمش ایسه یالکز

کفیل بری اولوب طالب دخی مخیر اولور.

بوصورتنده صلح فسخ کفالت اولدیغندن کفیل بری اولور
ایسه ده انک برأئندن اصیلک برائتی لازم کلر طالب :

دیلر سه مجموع دینی اسیلدن و دیلر سه بدل صلاحی کفیلدن
و باقیسنی اسیلدن آلور .

و اسیلك امریله کفیل اولمش اولان کیسه بدل صلاح ایله اسیله
مراجعت ایدر . §

بومادهده بیان قلنسان صلح مال مکفول بهه دائردر . کفیل
بالمال کفالتدن کندوسنی ابرا ایتک اوزره طالب ایله بدل
معلوم اوزره صلح اولسه بعض فقهایه کوره صلح ینه صحیح اولور
ویالکز کفیل کفالتدن بری اولماز . بعضیلرینه کوره دخی صلح
مذکور صحیح اولماز .

۶۶۹ ماده کفیل «ویا اصل» مکفول لهی برینک اوزینه

احاله ایدوب مکفول له و محال علیه دخی قبول ایتسه هم
کفیل و همده مکفول عنه بری اولور .

زیرا دین اسیلك اولوب حواله ایسه اصل دین ایله حاصل اوله جفندن
یعنی دینی بر ذمتدن دیگر ذمته نقل ایده جکندن ایکسینک دخی برائتی
تضمن ایدر . شو قدر که کفیل یالکز کندینک برائتی شرطیله حواله
ایتسه اصل ینه مطالب اولور زیرا کفیلک برائتیله اسیلك برائتی
لازم کلز .

مع مافیه بوماده وجهله حواله اجرا قلندقدن صکره محال علیک
مفلساً وفاتی کی برسبیله توی تحقق ایتسه دین اصل اوزرینه
عودت ایده جکی کی کفیلک دخی کفالتی عودت ایدر .

برده طالب بشقه برجهتدن اولان کندو آله جقلوسنی اصیل
یعنی مدیونی اوزرینه حواله مقیده ایله حواله ایتسه بوتقدیرده کفیل
موقتاً کفالتدن بری اولور. و محال له یالکز اصیلی مطالبه ایدر زیر
کفیل انک ایچون کفیل اولامشدر مکرکه اصیلک عدم اقتداری
تحقق ایده

۶۷۰ ماده کفیل بالمالک وفاتنده مال مکفول به
ترکسندن مطالبه اولنور.

یعنی کفیلک / وفاتیه کفالت بالمال باطل اولمز. زیرا کفیلک
ترکسی بو حقل ایفاسنه صالحدر. بناء علیه مکفول به ترکسندن استیفای
اولنور. انجق احضرایله کفیل اولمش ایسه ورثه بعدالادا مکفول عن
محتاجت ایدر لر اما ترکسی یوقسه کفیلک ورثه سی تمامی یاخو
ترکسی دینک ایفاسنه کافی دکل ایسه کفایت ایدن مقداری بعدالاد
اوست طرفی کندو ماللرندن ویرمک اوزره اجبار اولنمازلر.

۶۷۱ ماده ثمن مبیعه کفیل اولوبده بیع فسخ اولنسه
یاخو دمیبع بالاستحقاق ضبط و یا عیبه رد قلنسه کفیل کفالتدن
بری اولور.

بوصورتده مشتری اولان اصیل بری اوله جغندن ثمن ساقط
اولور. و کفیل دخی برأت ایدر.

§

بایع مشتری ذمتده کی ثمن میعدن آلق اوزره کندو دائمی
حواله مقیده ایله مشتری اوزرینه حواله ایدوبده مذکور ثمنه محال له

چون بر کیمسه کفیل اولدقدن صکره مبيع بالاستحقاق ضبط
ولتسه کفیل کفالتدن بری اولور . اما مبيع خیار عیب ویادیگر
خیار ایله رد اولتسه کفالت کماکان دوام ایدر . ۶۹۳ نجی ماده یه
نظر بیور یله .

اصیل دینه مقابل دانه بر مال صائدقدن صکره بر مستحق
لرفندن اول مال ضبط اولتسه کفیلک کفالتی عودت ایدر . لیکن
قاله ایدر لر ایتسه کفالت عودت ایتمز زیرا اقاله طرفین ایچون فسخ
ایسه ده شخص ثالثه نظراً عقد جدیددر .

۶۷۲ ماده مدت معلومه تمامنه دک بر مال ایجار اولنوبده
تسمیه قلنان بدل اجاره سنه یر کیمسه کفیل اولدقده مدت
اجاره نك انقضاسنده اول کفالت دخی منتهی اولوب بعده
اول مال اوزرینه مجدداً عقد اجاره اولندقده اول کفالتک
وکا شمولی اولماز .

بوماده دن اکلانشیلدینی اوزره بدل اجاره یه کفالت صحیحدر .
ایستر معجل ایستر مؤجل اولسون . هر نه قدر اجاره ده عقد مطلق ایله
اجرت لازم اولماز ایسه ده اجرتی مستلزم اولان سبب موجود
ایدو کندن کفالت صحیح اولور . چونکه هر زرده که سبب دین موجود
اوله انده کفالت صحیح اولور

§

کتاب الکفاله اوزرینه تعلق ایدن اراده سنیه تاریخی

فی ۶ محرم سنه ۱۲۸۷

کتاب الکفاله فی ترتیب ایدن مجله جمعیتی هیئتی

عن اعضاء شورای دولت	ناظر دیوان احکام عدلیه
سیف الدین	احمد جودت
عن اعضاء دیوان احکام عدلیه	عن اعضاء دیوان احکام عدلیه
السید احمد حلمی	السید احمد خلوصی
عن اعضاء جمعیت ابن عابدین زاده	عن اعضاء شورای دولت
علاء الدین	محمد امین



فهرست

کتاب الاجارات بر مقدمه ایله سکیز بابد	کیفیه
مقدمه	۱
اجاره یه متعلق اصطلاحات فقهیه	۱
باب اول ضوابط عمومیه بیاننده	۱
باب ثانی عقد اجاره یه متعلق درت فصلدر	۲
فصل اول رکن اجاره یه دائر مسائل	۲
« ثانی اجاره نك شرائط انعقاد و نفاذی حقنده	۴
« ثالث صحت اجاره نك شرائطی حقنده	۴
« رابع اجاره نك بطلان و فسادى حقنده	۵
باب ثالث اجرتیه متعلق مسائل بیاننده اوج فصلدر	۵
فصل اول بدل اجاره حقنده	۵
« ثانی اجرتك سبب لزومنه و آجرك اجرتیه کیفیت استحقاقه متعلق مسائل	۵
« ثالث اجرت ایچون اجیرك مستأجر فیهی حبس ایدوب ایده مامسی حقنده	۷
باب رابع مدت اجاره یه متعلق مسائل	۷
باب خامس خیارات حقنده اولوب اوج فصلدر	۸
فصل اول خیار شرط حقنده	۸
« ثانی خیار رؤیت حقنده	۹
« ثالث خیار عیب حقنده	۹
باب سادس مأجورك انواع و احکامی بیاننده اولوب درت فصلدر	۱۰
فصل اول اجاره عقاره متعلق مسائل	۱۰
« ثانی اجاره عروض حقنده	۱۱
« ثالث اجاره حیوان حقنده	۱۱

- ۱۳۲ « رابع اجاره آدمی حقنده
- ۱۴۶ باب سابع بعد العقد آجر و مستأجرک وظیفه و صلاحیتلرینه دائر
اولوب اوچ فصلدر
- ۱۴۶ فصل اول تسلیم مأجور حقنده
- ۱۴۹ « ثانی عاقدینک مأجورده تصرفلرینه دائر
- ۱۵۶ « ثالث رد و اعاده مأجوره متعلق مواد
- ۱۵۹ باب ثامن ضمانات بیاننده اولوب اوچ فصلدر
- ۱۵۹ فصل اول ضمان منفعت حقنده
- ۱۶۳ « ثانی مستأجرک ضمانی حقنده
- ۱۶۷ « ثالث اجیرک ضمانی حقنده در
- کتاب الکفاله بر مقدمه ایله اوچ بابدر
- ۱۷۴ مقدمه کفاله دائر اصطلاحات فقهیه
- ۱۸۶ باب اول عقد کفالت حقنده اولوب ایکی فصلدر
- ۱۸۶ فصل اول رکن کفالتہ دائر
- ۱۹۴ « ثانی شرائط کفالتہ متعلقدر
- ۲۰۶ باب ثانی کفالتک احکامی حقنده اولوب اوچ فصلدر
- ۲۰۶ فصل اول کفالت منجزه و معلقه و مضافه نک حکمی
- ۲۱۶ « ثانی بالنفسک حکمی
- ۲۱۷ « ثالث بالمالک حکمی
- ۲۴۲ باب ثالث کفالتدن برائت حقنده اولوب اوچ فصلدر
- ۲۴۲ فصل اول بعض ضوابط عمومیه بیاننده
- ۲۴۵ « ثانی کفالت بالنفسدن برائت حقنده
- ۲۵۱ « ثالث کفالت بالمالدن برائت حقنده در

قال النبي صلى الله عليه وسلم
[من يرد الله به خيراً يفقهه في الدين]

روح المعاني

در دنجی جلد

کتاب الحواله ، کتاب الرهه ، کتاب الامانک سرمد

محرری

اسبق موصل والیسی ، مکتب حقوقدن مأذون

هابی رشیه یانا

در سعادت

جفال اوغلنده آیا صوفیه جاده سنده « مطبعة خیریه وشرکاسی »

۱۳۲۸

بِسْمِ اللَّهِ الرَّحْمَنِ الرَّحِيمِ

موسیقی عمل اوله

صورت خط هایون

کتاب رابع

حواله حقنده اولوب بر مقدمه ایله ایکی بابی حاویدر

مقدمه

حواله یه دائر اولان اصطلاحات فقهیه بیانددور

۶۷۳ ماده حواله دینی بر ذمتدن دیگر ذمته نقل ایتمکدر

حواله نك لغة معناسی مطلقا نقدر. كرك دين اولسون و كرك
عين اولسون. بوضور تده معنای لغویسی ایله معنای اصطلاحیسی بیننده
عموم و خصوص مطلق اولوب معنای لغوی اعم و معنای اصطلاحی
اخصدر.

[دین] لفظی عیندن احتراز ایچوندور.

[بر ذمتدن] یعنی محيلك ذمتدن [دیگر ذمته] یعنی محال عليك ذمته
دینی [نقل] دن مقصد دخی نقل حکمیدر که بونك اثری مطالبه ده
ظاهر اولور. چونکه دین وصف حکمی شرعیدر نقل حکمی ایسه
انجق وصف حکمیده جاری اولور. اما اعیان امور حسیه دن اولدینی
جهتله انتقالی نقل حسییه متوقفدر. نقل حسی ایسه مجرد سوز ایله

حاصل اولماز حتی برکیمسه بر کتابی شورادن بورایه نقل ایتدم دیسه
مجرد بویله سویلسیله نقل اولنمش اولماز

برده سوز دینک ثبوتنده کافی اولدیغی کی نقلنده و حتی بتون بتون
رفعنده دخی کافی اولور. اما امر حسینک ثبوتنده سوز کافی اوله مدیغی کی
نقلنده دخی کافی اوله ماز . §

تعریفدن ا کلاشدیغی اوزره محیلک محال لهه مدیون اولمسی لازم
کلور. مدیون اولمز ایسه ایکی احتمال واردر . برنجینی : محیلک محال
علیه بر آله جنی اولمقدر که بوصورتده حواله ایلله محال له محیلک قبض
دینه و کیلی اولمش اولور . زیرا عقودده اعتبار مقاصد و معانی یه در .
الفاظ و مبانی یه دکلدر . و کلامک اعمالی اهلاندن اولادر .

ایکنجیسی : محیلک محال علیه هیچ بر آله جنی اولما مقدر که بوتقدیرده
محیلک محال لهی محال علیه حواله ایتسنده بر مقصد شرعی بولنه میه جغه
و بر کلامک اعمالی ممکن اولینجه اهل اولنه جغه نظراً اشبو معامله
نه حواله نه ده توکیه حمل اولنه میه رق اهل ایدیلور . و بسوزله محال
علیه حقنده بر کونه حکم ترتب ایتمز . §

حواله ده انتقال ایدن هم دین وهم مطالبه میدر ؟ یوقسه یالکن
مطالبه میدر ؟ بوبابده بین الفقها اختلاف اولنمشد . بضایرینک قولنجه
هم دین وهم مطالبه انتقال ایدرده محیل حواله ایتدیگی دیندن وانک
مطالبه سندن بری اولور .

ماده مشروحه ده [حواله دینی بر ذمتدن دیکر ذمته نقل ایتمکدر]
۶۹۰ نجی ماده ده [حواله نک حکمی بودر که محیل بورچندن و کفیلی
وارایسه کفالتدن بری اولور] دینلمسی قول مذکورک مختار اولدیغنه
دلالت ایدر .

بعضی لیرینک قولنجه دخی یالکیز مطالبه انتقال ایدوب دین
انتقال ایتدیکنندن محیل حواله ایله دیندن بری اولیوب فقط مطالبه دن
بری اولور .

بورایده بولانلر حواله یی برنوع تأحیل عدا ایتمشلر در . ومدعالرینه
دلیل اولق اوزره مسائل آتییه یی یراد ایدرلر شویله که :

اولاً محال له محال علیهی ابرا ایتدکده ابراسی طحیح اولوب
۱۵۶۸ و ۶۹۹ نجی ماده لر حکمنجه ابراء مذکور محال غلپک ردیله
مردود اولمز . اگر محال علییه دین دخی انتقال ایلش وبوسبیلله محیلک
ذمتی محال به اولان دیندن بری اولمش اولسه ایدی تملیکی متضمن
اولان ابرانک ردایله مردود اولسی لازم کلوردی .

ثانیاً محیل بعدالحواله دینی یعنی محال بهی ایفا ایتسه محال له
قبوله مجبوردر . اگر دین محال علییه انتقال ایلش اولسه ایدی محیل
دیندن بری اوله جفتدن محال بهی تأدیه ایتدکده محال لهک قبوله مجبور
اولماسی اقتضا ایدردی .

ثالثاً محال له بحسب الحواله محال علییه کی اله جفنی قبض ایچون محیلی
توکیل ایده مامسی دینک ذمتنده ثابت اولدیغنه دلالت ایدر . ثابت
اولسه توکیل ایده بیللمسی ایجاب ایدردی .

رابعاً دائن محال علیهی اسقاط ایله ابرا ایدرسه محال علیه محیله
رجوع ایده من . حال بوکه دینی محال علیه هبم ایدرسه رجوع
ایده بیلور . اگر دین محیلک ذمتندن محال علییه ذمتنه انتقال ایتش
اولسه ایدی ایکسینک حکمی براوالمی ایدی یعنی ایکسینده ده رجوع
ایده مامک لازم کلوردی .

خامساً بعدالحواله محال بهی محال علییه دن استیفا ممکن اوله مینجه

یعنی توی تحقق ایدنبجه بورج محیلہ رجعت ایدر . حال بوکه حوالہ ده
دین انتقال ایتمش اولسه ایدی محیلدن ساقط اولمق اقتضا ایدردی .
وساقط اولان شی عودت ایتیه جکندن محال بهک محال علیهدن استیفاسی
ممکن اولمبنجه محیلک ذمتنه عودت ایتاماسی لازم کلوردی .

ثمره اختلاف شودر که انعقاد حواله دن صکره محال له محیل دیندن
ابرا ایتدکده بو ابرا قول اوله کوره صحیح اولماق و قول ثانی یه کوره
صحیح اولوب محیل دیندن بری اولمق لازم کلور .

کذلک راهن مرتہنی اکا اولان بورجیلہ برکمنه اوزرینه حواله
ایتسه قول اوله کوره یدمرتہندہ کی رهنی استرداد ایدہ بیلیمک و قول
ثانی یه کوره استرداد ایدہ مامک اقتضا ایدر .

انبحق بعض محققین فقہا بویکی قوی تألیف ایدرک دیمشدر که
حوالہ ده ایکی جهت اعتبار واردر . بری حواله لفظنک صورت
و حقیقتی دیکری معناسیدر . حواله لفظنک حقیقتنه اعتبار اولنسی
دین و مطالبه نك هر ایکسینک نقلی اقتضا ایدر زیرا حواله نك لغه
معناسی مطلقاً نقل اولوب دینه مضاف قیلنمشدر . حواله لفظنک
معناسنه نظر و اعتبار اولنسی دخی حواله نك یالکیز مطالبه یی نقلدن
عبارت اوله رق برنوع تأجیل دین عدایدلنسی ایجاب ایدر . لفظ و معنی
جهتلرینک هر ایکسینسه تماماً رعایت و اعتبار قابل اولمدیغندن بقدر الامکان
ایکی جهت ایله عمل اولمق اوزره بعض احکامده جانب معنایه رعایت
ایدیلرک حواله برنوع تأجیل دین عداولنمشدر که بوضورت ۶۹۰ نجی
ماده شرحنندن موضحاً مستبان اولور .

§

حواله نك مشروعتی [من اخیل علی ملی فلیتبع] حدیث شریفیلہ

ثابتدر . چونکه موجبات امرک ادنا مرتبه سی جوازدر . و بونک اوزرینه اجماع واقع اولمشدر . و محال علیه اداسنه مقتدر اولدینی بر دینی حسن رضاسیله حواله قبول ایده جکندن حواله معامله سی عقلاً دخی جائزدر .

سبب مشروعتنه کلنجه : دائن آله جفتی بالذات مدیوندن آلسون و بشقه طریق ایله استیفاء دین ایتسون دیمک هم دائن و هم مدیون حقنده مشقت و صعوبتی موجب اولوب مشقت دخی تیسیری جلب ایتدیکنندن حواله تیسیر مشقت ایچون تجویز بیورلمشدر .

۶۷۴ ماده محیل ؛ حواله ایدن کیمسه که مدیوندر .

۶۷۵ ماده محال له ؛ دائن « یعنی محیلده آله جفتی » اولان

کیمسهدر .

بوکا « محتال له » و یالکیز اوله رق « محال ، محتال » دخی دینور .

۶۷۶ ماده محال علیه ؛ کندو اوزرینه حواله یی قبول

« یعنی محیلک بورجینی تعهد و التزام » ایدن کیمسهدر .

« محتال علیه » دخی دینور .

۶۷۷ ماده محال به ؛ حواله اولئان مالدر .

که محیلک ذمتنده اولوب حواله کندوسنه تعلق ایدن دیندر .

۶۷۸ ماده حواله مقیده ؛ محیلک محال علیه ذمتنده باخود

پدنده اولان مالندن و پرمک اوزره دیومقید اولان حوالهدر .

بومال دخی یا ودیعه کبی امانت محضه در یا خود مغضوب کبی
مضموندر. بناءً علیه حواله مقیده اوج نوع اولوب برنجیسی: حواله
مقیده بالدين یعنی دین ایله مقید حواله ایکنجیسی: حواله مقیده
بالعين الامانة یعنی اعیان غیر مضمونه ایله مقید حواله اوچنجیسی:
حواله مقیده بالعين المضمون یعنی اعیان مضمونه ایله مقید حواله در.

۶۷۹ ماده حواله مطلقه ؛ محیلک محال علیده اولان

مالندن ویرمک اوزره دیو مقید اولیان حواله در .

حواله ؛ مطلقه و مقیده به منقسم اولدینی کبی ۶۷۹ نجی ماده دن
منفهم اولدینی اوزره حواله مبهمه و غیر مبهمه نامیله دخی ایکی به تقسیم
اولنورکه بونلرک کفالتده نظیری کفالت مطلقه و کفالت مقیده در.
حواله نك بروجه محرر تقسیاتنك اهمیتی و موجب اولدینی فوائدی
زیرده محرر احکام مرتبه سندن مستفاد اولور .

باب اول

عقد حواله بیاننده اولوب ایکی فصله منقسملار

فصل اول

رکن حواله بیاننده در

حواله نك رکنی ایجاب و قبولدن عبارت اولوب کفالتده اولدینی
کبی یالکنز محال علیک ایجابی ایله حواله منعقد اولماز .
ایجاب و قبول دخی یا محیل ایله محال له و محال علیه و یا محال له

ایله محال علیه ویا محیل ایله محال له ویاخود محیل ایله محال علیه بیننده
وقوعبوله جغندن بروجیه زیر بیان و تعریف اولنور .

۶۸۰ ماده محیل کندو دائننه [سنی فلانک اوزرینه

حواله ایتدم] دیوب آنلر « یعنی محال له و محال علیه » دخی قبول

ایتد کلرنده حواله منعقد اولور .

یعنی حواله نك منعقد و نافذ اولسی ایچون بو اوچی بیننده فصل
ثانیده مندرج شرائطنه موافق اوله رق عقد اولنسی لازمدیر . ایکینسی
بیننده عقد اولنور ایسه ترتب ایده جک احکام مواد آتیله ده بیان
قلنور .

۶۸۱ ماده یالکز محال له ایله محال علیه بیننده عقد

حواله اولنه ییلور .

مثلاً برکیمسه برینه [بنم فلانده اولان شو قدر غروش آلله جغمی حواله سن
اوزریکه آل [دیوب اودخی [قبول ایتدم] دیسه « یعنی محال له ایجاب
و محال علیه قبول ایلسه » یاخود [فلانده اولان شو قدر غروش آلله جغمی
بنم اوزریکه حواله قبول ایت [دیوب اودخی ایتسه « یعنی محال علیه ایجاب
و محال له قبول ایلسه کندو حقلرنده » صحیح و [نافذ] اولور . حتی
محال علیه صکره نادم اولسه ندامتی فائده ویرمز .

زیرا هر کیمکه کندو طرفندن تمام اولان شیء نقض ایتمه سعی
ایدر ایسه سعی مردوددر . فقط محیلک رضاسی و امری اولمینگه
محال علیه محال به ایله کندوسنه رجوع ایده میه جکی کبی شاید محیه
بورجی وار ایسه آنکله ده تقاض و محسوب ایلیمیه جکی جهتله محال

عليه متبرع اولديغندن حواله مزبورده محيل حقننده نفع محض اولمغله قبول و رضاسی شرط دکلدر. هر نه قدر فقهای عظامدن بعضیلری اصحاب مروندن اولان کیمسه ذمتی بشقه سی ادا ایدرک کندوسی منتدار قیلمسنى ایسته میه جکندن محیلک رضاسی لازمه دن اولدیغنی سویلشدر ایسه ده دیگر نری محال علیک اولوجهله ادای دین ایتسی محیل طرفندن احاله طریقيله اولیوب حقیقتده احتیال صورتيله یعنی کنیدیلمکندن قبول و تسویه دین اولمغله تصریفندن منع ایدیله میه جکندن و خصوصيله مدیون دائنه اولان دینی تسویه ایتس اولان محال علیه ادايله منتندن قورتيله بيله جکندن بحثله محیلک رضاسنه حاجت کور مامشدر .

لیکن محیلک محال علیه ذمتده آله جنی و یا یدنده مالی اولوبده آندن ویرمک اوزره عقد حواله اولنور ایسه بر کیمسه نک ملکنده اذنی اولقسزین بشقه سی تصرف ایده میه جکندن بو حواله حقیقتده احاله اولوب ذکر اولنان آله جق و یا مالدن محال به ادا ایدیله بيلمک ایچون محیلک رضاسی شرطدر . شو حالده بومسئله اشبو ۶۸۱ نجی ماده نک نیستناسیدر . §

[حواله سن اوزریکه آل ؛ حواله قبول ایت] جمله لرندن مستبان اولدیغنه کوره حواله امر صیغه سیله ده منعقد اولور . زیرا مساومه یه حمل ممکن دکلدر .

۶۸۲ ماده یالکیز محیل ایله محال له بیننده اجرا اولنان حواله محال علیه لدی الاعلام قبول ایتدکده صحیح و تمام اولور .

مثلا بر کیمسه دائنی آخر دیارده اولان برینک اوزرینه حواله ایدوب

دائن دخی قبول ایتدکدن صکره محال علیه لدی الاعلام او دخی قبول ایتدیکی
کبی حواله تمام اولور .

یعنی محیل ایله محال له بیننده عقدایدیلان حواله ده محال علیه
قبول ورضاسی شرطدر . فقط مجلس عقدده آنک ویا وکیلنک
حضوری شرط دکلدر . زیرا عقد حواله ده محال علیه رضاسی
انعقاد حواله نک شرطی اولیوب نفاذینک شرطیدر . بناءً علیه محال
علیه حواله یی قبول ایتیوب رد ایتسه ویا قبل القبول وفات ایلسه
حواله باطل اولور .

زیرا حواله نک تمامی دینک محال علیه ذمتنه انتقال ایتسیله حاصل
اولوب دین ایسه بلا التزام محال علیه لازم کلز . بناءً علیه محال علیه
حواله مطلقه ده بعده محیل رجوع ایتک اوزره کندو مالندن محال
بهی ادا ایتسی ایچون تعهد و التزامی اولمدقه جبر اولنه میه جغندن
حواله مطلقه نک نفاذنده محال علیه قبولی بالاتفاق لازمدر .

حواله مقیده ده محال علیه کندو ذمتنده ویا ید امانتنده بولن
محیلک مالندن محال بهی تسویه ایده جکی جهتله بونده التزام و تعهدینه
حاجت اولمدینی کبی بو نوع حواله ده محال له محیلک محال علیه کی
مطلوبنی قبضه وکیل اولوب هر آله جقلو مطلوبنی قبض ایچون ایتدیکی
توکیلده مختار اوله رق مدیونک استحصال رضاسی مشروط اولمامسینه
نظراً بو نوع حواله نک محال علیه قبولنه متوقف اولمقسزین لازم
اوله جنی امام مالک وشافعی واحمد بن حنبل رحمة الله علیهم حضراتی
ایله اعظم فقههای حنفیه دن بعض ذوات جانبندن درمیان اولنمش ایسه ده
ائمة حنفیه رحمة الله علیهم حضراتی هر نه قدر کندو مالندن ادا
ایتمه جک ایسه بیلله عقد حواله ایله محال علیه اوزرینه دین لازم

کله چکي جهته التزام اولنمقسزین لزوم دین ثابت اوله میه جغندن بشقه ناس طلب مالده متفاوت اولوب بعضیلری عئف و استعجال و بعضیلری تساهل و تسامح و امهال ایدر لر .

وحواله یی وکالته قیاس ، قیاس مع الفارق اولوب چونکه حواله ده و-جوب تبدل ایدرک محیل مدیون ایکن محال علیه مدیون اولور . حال بوکه وکالته مدیون دکشمز دینک استیفاسی امرنده بر تصرف اجرا ایدیلور که اندن دائن ایله دیگر بر شخصه حق مطالبه ثابت اولور .

اسباب محرره یه کوره حواله نك نفاذی ایچون كرك مطلق و كرك مقید اولسون محال علیک حصول رضاسی اقتضا ایده چکنی اجتهاد بیوروب مجله جمعیتنجه دخی بوضورت اختیار اولنمشدر . §

فقط بوماده دن شو مسئله مستنادر که زوجه امر قاضی ایله بر کیمسه دن استدانه ایلدیکی نفقه مقدره سی ایچون او کیمسه یی زوجی اوزرینه حواله ایده بیلوب بونده زوجنک رضاسی شرط دکدر .

۶۸۳ ماده یالکز محیل ایله محال علیه بیننده اجرا اولنان

حواله محال لهک قبولنه موقوفاً منعقد اولور .

مثلا بر کیمسه برینه [بنم فلانه اولان دینی حواله سن اوزریکه آل دیوب او دخی قبول ایتسه موقوفاً منعقد اولوب محال له قبول ایتدکده حواله نافذ اولور .

بوماده دن اکلشلا دینی اوزره محال لهک رضاسی نفاذ حواله نك شرطیدر . چونکه دین حواله ایله محال علیک ذمتنه انتقال ایده چکندن و ذم ناس اینسه استیفای حقوق امرنده متفاوت اولدیغندن حواله

محال لهك قبول ورضاسنه متوققدر. متوقف اولسه محال لهك متضرر اولسی لازم كلور. ضرر ایتسه غیر جائزدر.

بو صورت امام ابو یوسف حضرت ترینتك رأى و اجتهادینه موافقدر. طرفین حضراتنه کوره اتحاد مجلس حواله نك شرائط انعقادندن یعنی رکنی از نوب مجلس عقدده محال له ویا وکیلی حاضر بولنوب انلر جانبندن ویا خود محال له نامه فضولی اوله رق حاضر بالمجلس اولانلردن بری طرفندن قبول اولنمیان ایجابك حکمی اولیه جغندن بالا آخره محال له ایشیدوب قبول ایتسه بیله افتراق مجلس حسیله منعقد اولیه جغنی بیان بیور مشلردر.

فصل ثانی

شرائط حواله بیانندهدر

۶۸۴ ماده انعقاد حواله ده محیل ایله محال لهك عاقل

و محال علیهك عاقل بالغ اولسی شرطدر.

۹۶۶ ، ۹۷۹ نجی ماده لرده بیان اولندیغی اوزره عاقل اولمیانك

تصرفات قولیه سی حقننده نفع محض اولسه بیله اصلاً صحیح و معتبر اولیه جغندن محیل ایله محال له و محال علیه بیننده عقد اولنان حواله نك منعقد اولسی ایچون اوچنك دخی عاقل اولسی شرطدر. ایچلرندن بری مجنون ویا صبی غیر ممیز اولسه حواله باطل اولور.

فقط عقد حواله محیل ایله محال له حقننده نفع ایله ضرر بیننده متردد اولمغله بونلرك عاقل ممیز و مأذون اولملری انعقادی ایچون کافی ایتسه ده محیل امری ایله اولان حواله ابتداءً و امری اولمقسزین

وقوع بولان حواله هم ابتداءً وهم انتهاءً تبرع اولوب صبی میز
 مأذون اولسه بیله تبرعه اهل اولدیغندن یعنی حقنده ضرر محض
 ولان تصرفات قولیه سی ۹۶۷ نجی ماده موجبجه حکمیسز
 اولدیغندن محال علیک عاقل میز اولسی کافی اولیوب بالغ اولسی
 دخی شرطدر .

بناءً علیه صبی غیر میزک برینه بورج حواله ایتسی وبرندن حواله آلمسی
 باطل اولدینی کی صبی کرک میز اولسون و کرک غیر میز اولسون و کرک
 مأذون و کرک محجور اولسون برندن کندو اوزرینه حواله قبول ایتسی
 باطلدر .

حتی ولی و یا وصینک صبی اوزرینه تصرفی مصلحته منوط یعنی
 محافظه منافی ایله مشروط اولدیغندن بونلرک دخی صبی اوزرینه
 حواله قبول ایتلمی جائز دکلدر .

ومرض موته مبتلا اولان عاقل بالغک ثلث مالی کفایت ایده جک
 مقدارده قبول ایده جکی حواله معتبر اولوب اندن زیاده سی ورثه نک
 واکر مدیون ایسه کافه سی غرمانک تصدیقنه متوقفدر . §

فقط ۶۸۱ نجی ماده ده بیان اولدینی اوزره محال له ایله محال
 علیه بیننده عقد حواله اولنور ایسه محیل حقنده تبرع محض قیلندن
 اولوب کندوسی بو عقدده داخل اولدینی کی حصول رضای دخی
 شرط اولدیغندن عاقل اولسنه لزوم یوقدر . یعنی مجنون و یاصی
 غیر میزک دینی بریسی حواله تسویه ایتسه جائزدر .

شوحالده محیلک صحتک دخی شرط اولدینی اولویتله مستبان
 اولور . §

محال له مجنون و یاصی غیر میز اولور ایسه ماده آتیده ایضاح

اولنه جنی وجهله ولی و وصیتی مرقومك آله جنی ایچون حواله قبول ایده بیلور .

۶۸۵ ماده حواله نك نفاذنده محیل ایله محال لهك بالغ

اولسی شرطدر .

حواله محال لهه کوره نفع ایله ضرر بیننده دائر اولان عقود دندر . چونکه محال علیه میلدن دهاملی وغنی اولور ایسه محال له ایچون منفعت درکار ایسه ده بالعکس فقیر اولور ایسه متضرر اولور . صینک بوکی نفع ایله ضرر بیننده متدائر اولان عقودینک ولیسنک اجازتده موقوفا منعقد اوله جنی ۹۶۷ نجی ماده ده بیان قلمشدر . بونک ایچون حواله نك نفاذنده محال لهك بالغ اولسی شرطدر .

اما حواله نك نافذ اولسی ایچون محیلک دخی بالغ اولسی لزومی محال علیک بعدالادا محیله رجوع ایده بیلسی ایچون شرطدر . ماده سابقه شرحنده بیان قلندینی وجهله عاقل بالغ اولیان مدیونک دینی حواله تسویه صحیح اولور ایسه ده ولو محیلک امریله تسویه ایدلمش اولسون محال علیه بعدالادا محیله رجوع ایده من . یعنی بوتقدیرده حواله محیله کوره نفع محض اولدیغندن صحیح و انکله بورچندن بری اولور ایسه ده صینک امری موجب رجوع اولدیغندن محال علیه بعدالادا صبییه مراجعت ایده من . نته کیم صینک امری کفالتده دخی موجب رجوع دکل ایدی .

الحاصل عقد حواله محال علیه حقنده نافذ اوله زق بعدالادا محیله مراجعت ایده بیلک ایچون محیلک هم عاقل وهم بالغ اولسی شرطدر .

بناءً عليه صبيءٌ مميزك حواله سی وحواله آلمسی ولیسنک اجازتنه موقوفاً منعقد اولور. وولییسی اجازت ویردکده نافذ اولور.

شوقدر که حواله آلدینی صورتده ولیسی اذن ویرسه دخی محال علیک محیلدن دها ملی یعنی غنی اولسی شرطدر .

زیرا ولی ووصیلرک اجازتی اموال ایتامک نفی صورتیه مشروطدر .

§

کذلک مورثنک عقدیه واجب اولوب وفاتیله صبییه انتقال ایدن آله جنی ایچون ولیسی بالولایه ووصیسی بالوصایه آخر اوزرینه حواله آلور ایسه محال علیک محیلدن دها ملی اولسی شرطدر .

اگر محیل ایله محال علیه غناده مساوی اولور لر ایسه حواله یینه صحیح و نافذ اولماز. ماده مشروحه ده [دها ملی] تعیریله بوکا اشارت اولنمشدر. زیرا عقود شرعیه بر فائده یه مستند اولق لازمدر فائده یه سر عقده اعتبار اولماز .

فقط ولی ویاوصینک صغیرک حسابنه اوله رق کندو عقد لر یله لازم اولان دین ایچون محیلدن دها ملی ویاا کا مساوی بر شخص اوزرینه حواله آلملری صحیح و لازم اولدینی کی طرفین حضراتنه کوره دها فقیر وحق مفلس اولان بر شخص اوزرینه حواله آلملری دخی صحیح و نافذ اولور . شوقدر که صبییه ترتب ایده جک ضرری ولی ویاوصینک تضمین ایتسی اقتضا ایدر .

امام ابو یوسف حضرت تلرینه کوره حواله بوصورته صحیح اولماز.

۶۸۶ ماده محال علیک محیله مدیون اولسی شرط

اولیوب محیلک انده آله جنی اولسه ده حواله سی صحیح اولور.

وحواله مطلقه اولور . بو جهته محال علیه محیله بورجی اولمده

یغندن بختله محال بهی ادادن امتناع ایده من . زیرا قاعده هر کیمکه
کندو طرفندن تمام اولان شیء نقض ایتیمکه سعی ایدر ایسه سعی
مردوددر .

فقط محال بهی تأدیه ایتدکن صکره اکر حواله یی محیلک
امریله قبول ایتمش ایسه محیله رجوع ایدر . §

اما محیلک محال لهه مدیون اولمسی لزومی حواله نك ماهیتی اقتضا
سندن اولدینی ۶۷۳ نجی ماده نك ایضاحی صره سنده بیان اولنمش ایدی .

۶۸۷ ماده هر دین که اکا کفالت صحیح اولیه حواله
له سی دخی صحیح اولماز .

۶۸۸ ماده هر دین که اکا کفالت صحیح اوله حواله سی
دخی صحیح اولور .

نه کی دیونه کفالت صحیح اوله جنی واسبابی حقنده ۶۳۱ نجی
ماده شرحنده بسط وتمهید اولنان ایضاحاتدن بو ایکی ماده نك دخی
اسباب موجبیه سی مستبان اولور که خلاصه سی حواله نك محال بهه عائد
شرائط سختی محال بهک کندوسنه کفالت صحیح اولان دیون صحیح
ولازمه دن اولمقدر .

یالکیز نفقه مقدره دیون غیر صحیحده دن اولدینی حالده کفالت
صحیح اولدینی کی حواله سی دخی صحیحدر .

فقط محال بهک معلوم اولمسی لازمدر . بناءً علیه دین
مجهولک حواله سی صحیح اولماز .

مثلاً [فلانده ثابت اوله جق آله جفگی حواله قبول ایتدم] دیسه
حواله صحیح اولار .

یعنی ۶۳۰ نجی ماده ده محرر اولدینی وجهله کفالت بالمالده مکفول
بهک معلوم اولسی شرط اولدینی حالده حوالده محال بهک معلوم
اولسی شرطدر .

چونکه کفالتده مال مکفول به مجهول اولدینی حالده دخی صحت
کفالتک جوازی علی خلاف القیاس اجماع ایله ثابتدر . علی خلاف
القیاس ثابت اولان شی سائره مقیس علیه اولهمیه جغندن وحوالده
ایسه او یولده اجماع واقع اولدیغندن بز موجب قیاس محال بهک
معلوم اولسی شرطدر .

۶۸۹ ماده اصالة ذمته مترتب اولان دیون صحیحته نک
حواله سی صحیح اولدینی کبی جهت کفالت وحواله دن
طولای ذمته مترتب اولان دینک حواله سی دخی صحیح
اولور .

یعنی کفیل تعهد ایتدیکی مکفول بهی و محال علیه التزام ایتدیکی
محال بهی بریشقه سنه وحتی اصیل اولان مدیونه حواله ایدوب محال
له ایله ایکنجی محال علیه قبول ایتدکده صحیح و ۶۶۹ نجی ماده
موجبجه کفیل کفالتدن و ۶۹۹ نجی ماده حکمنجه محال علیه محال
بهدن بری اولور .

چونکه کفیل ذمتی اصیلک ذمته ضم ایدوب انک حقتده لازم
کلان مطالبه بی درعهده ایده یور . و محال علیه حواله بی قبول ایتدکده

محيلك ذمتي كندوسنه انتقال ايدهور مكفول به ، و محال به ديديكمز
 بو ذمت ايسه حد ذاتنده حواله يي قابل اولوب بوقابليت ايله كفيل
 و محال عليه اداسي واجب اولديغندن انلر طرفندن دخي ذمت مزبو-
 رهنك تاديه سني بر بشقه سنه حواله صحيح اولور .

انجق جهت كفالت ويا حواله دن طولايي كفيل ويا محال عليه
 ذمتنه مترتب اولان دينك ديون صحيحه و معلومه دن اولمسي شرطدر .
 اكر كفيلك تعهدايتديكي مكفول به و محال عليه التزام اينلديكي
 محال به ديون غير صحيحه دن ايسه ذاتاً بونلره كفالت و حواله صحيح
 اولمديغندن كفيلك و محال عليه بشقه سنه حواله سي دخي صحيح اولماز .
 كذلك كفالت بالمالده مكفول بهك معلوم اولمسي لازم دكلسه ده
 حواله ده محال بهك معلوم اولمسي شرط ايدو كندن اكر مكفول به
 مجهول ايسه كفيلك اني حواله سي صحيح اولماز .

باب ثانی

احكام حواله بياننده در

۶۹۰ ماده حواله نك حكمي بودر كه محيل بورجندن

وكفيلي وار ايسه كفالتدن بري اولور .

زيرا حواله نك ماهيتي محيلك بورجندن بري اولمسي اقتضا ايدر .
 اصيلك برائتي دخي كفيلك برائتي ايجاب ايدر . ارتق محال له نه محيله
 نه ده كفيلنه مراجعت ايده مز .

بونك اوزرينه بر طاقم احكام تفرع ايدر شويله كه : محال له محيلي
 ابرا ويا محال بهي كندوسنه هبه ايتسه صحيح اولماز . بالاخره دين

مھیلک ذمتہ رجعت ایتسہ بیلہ اشبو ابرانک حکمی اولماز . چونکہ
حین ابرادہ مھیل مدیون اولندیغندن بالآخرہ ذمتندہ دین حاصل
اولسی ابرانک اکا شمولنی ایجاب ایتمز .

مھیل محال لہہ حوالہ دن صکرہ محال بہ مقابلندہ بر رهن ویرسہ
صحیح اولماز ،

محال علیہ بعدالحوالہ غائب اولسہ محال لہ مھیلہ رجوع ایدہ مز .
مھیل وفات ایتسہ محال لہ مھیلک ورثہ سنی مطالبہ ایدہ مز .
ومفلساً فوت اولسہ غرمایہ داخل اولہ مز .

ومحال علیہ دن اول بورجی مطالبہ ایتک حق محال لہہ ثابت اولور .
بونک اوزرینہ ترتب ایدن احکام متفرعہ شونلوردر کہ محال لہ محال
علیمی ابرا ایدر ایسہ صحیحدر .

محال لہ وفات ایدر ایسہ حق مطالبہ ورثہ سنہ انتقال ایدر .
محال علیہک تعددی جائزدر . کفالتدہ اولدینی کی .
یالکمز بوخصوصہ کفالت ایلہ حوالہ بینندہ برفرق واردر .
اودہ کفالتدہ بردینہ متعدد کیمسہ لر آیری آیری کفیل اولہ بیلورلر .
وہربری مجموع دین ایلہ مطالب اولور .

حال بوکہ دین بر شخصہ حوالہ اولندقدن صکرہ دیگر بر اکسنہ یہ
حوالہ اولنہ ماز . زیرا ذمتدہ دین قالماز کہ حوالہ اولنہ بیلسون . فقط
دینک بر مقداری بر شخصہ دیگر بر مقداریدہ بشقہ بر شخصہ حوالہ
اولنہ بیلور .

ومرتہن برینی راھن اوزرینہ حوالہ ایتدکدہ آرتق رھنی
حبس وتوقیفہ صلاحیتی قالماز .

چونكه مرتهن دائن و راهن مديوندر. دائن مديونتي بشقه بر كمسنه
اوزرينه حواله ايدنجه راهنك مرتهنه قارشوديني قالميه جغندن و يريلان
رهنك دخي حبس و توقيفنه محل قالماز. §

فقط بو مسئله نك برده عكسي واردر شويله كه : راهن مرتهنه
قارشو اولان ديني بشقه بر كمسنه اوزرينه حواله ايدرايسه ۶۷۱ نجى
ماده شرخنده تفصيل اولنديغي اوزره حواله ناقل دين اولديغي بيان
ايدن فقهايه كوره رهنى توقيفه محل قالماز. دينك انتقال ايتيه جگنى
سويلانلره كوره توقيفه حقي اولور.

كذلك ثمن ميعدن طولايي بايع مشتري يي بر كمسنه اوزرينه حواله
ايدر ايسه ميبى توقيفه بالاتفاق حقي يوقدر. لكن عكسونه اولور.
يعنى مشتري بايعى بر كمسنه اوزرينه حواله ايدر ايسه انفاً بيان قلنان
اختلاف آرابونده دخي جريان ايدوب بعضيلرينه كوره ميبى حبس
و توقيف ايدوبيلور. بعضيلرينه كوره ايدوب مز. §

ماده مشروحه نك حكى حواله مطلقه عائددر. حواله مقيد نك
حكى ۶۹۳، ۶۹۴، ۶۹۵ نجى ماده لرده ذكر اولور. §

تفصيلات مبسوطه دن آ كلاشديني اوزره عقد حواله ايله محيل
كسب برائت ايدوبور. انجق دينك محيلك ذمتدن محال عليه ذمتنه
انتقال ايتى شرت سلامتله مقيددر. هر نه قدر حواله لفظاً بوييله بر
قيدايله مقيد دكلسه ده حال وعادتك دلايله معناً اوييله بر قيدايله مقيددر.
چونكه محال لهك حواله المقدن مقصدى محال به اولان دينى محال عليه دن
استيفاً ايتكمدر. يوقسه مجرد دينك محال عليه ذمتنده ثبوت وجوبى
دكلدر. زيرا نفس وجوبده ذم ناس بيننده تفاوت اوليوب بلكه
استيفاي وجوب خصوصنده فرق واردر. بناء عليه محيلك نورجندن

برائی موقت اولوب حکم حواله تأدیه دن بشقه بر صورتله یعنی توی
ویافسخ ایله منتهی اولور ایسه بورج محیله عودت ایدر . §
توی ؛ محال به اولان دینک محال علیه ذمتمده تلف اولمسیدر .
فقط صورت تحقیقی مجتهد فیها اولوب ائمه حنفیه به کوره توی ایله
بورج محیله عودت ایدر . زیرا حواله بر نوع مبادله در . محیله ذمتمده
محال علیه ذمتی مبادله اولنیور . بیع مطلق میبعک عیب دن سالم
اولسنی اقتضا ایتدیکی کبی حواله ده دخی محال لهک حقنک هلا کدن
سالم اولسنی ایجاب ایدر .

امام شافعی حضرتلری حواله ده مبادله جهتنه اعتبار ایتیوب
سقوطی نظر اعتباره آلدیغندن مادامکه بر کره دین محیلدن محال علیه
ذمتنه انتقال ایتشددر . نقل ایله ساقط اولان شی عودت ایتز بیور یورلر .
حاکم عثمانیه ده ائمه حنفیه نک قولی مرعی و معتبردر .
توانک تحقیقی امام اعظم حضرتلرینه کوره ایکی صورتله اولور .
برنجیسی : محال علیه حواله بی انکارینه مقابل محیل ایله محال لهدن
هیچ بری طرفدن حواله اثبات ایدیله میهرک محال علیه یمین ایلمسیله
تحقق ایدر .

ایکنجیسی : محال علیه مفلس اوله رق یعنی محال بهی ادا ایده -
یله جک مالی و کفیلی اولیه رق وفات ایتسیله تحقیق ایدر .
بالکمز بوصور تده برجهت وارددر که حق رجوعی احداث ایده بیلور .
شویله که اگر محال له کفیلی ابرا ایدر ایسه کفیل بری اولور اما
محال علیه بری اولماز و مفلساً وفات ایتدیگندن طولای محال له محیله
رجوع ایده بیلور . §

محال علیه مفلساً وفاتیه تحقیق ایدن توی دخی ایکی نوعدر .

بری محال علیک دینی اوده یه بیله جک هیچ بر مالی و کفیلی بولندی
 حالده وفاتیدر . دیکری محال بهک بر مقدارینی اوده یه بیله جک قدر
 بر مالی ترک ایله وفاتیدر . بوصورته محال له محال علیک ترکه سندن
 ظهور ایدن و تقسیم غرمادن حصه سینه اصابت ایلیان مالی آلوب
 متباقیسی ایله محیله رجوع ایدر .

فقط بوقاعده نك بر مستثنای واردر که اوده شومسئله در : محال
 علیه بعد الحواله محال بهی تکرار محیل اوزرینه حواله ایتدکه اشبو
 محیل اوزرنده دینك تواسیله ارتق بورج محال علیه عودت ایتز .

امامین حضراتی صور محزره یی تصدیق ایله برابر محال علیک
 تأدیة دینه عدم اقتداری ثابت اولوبده حاکم افلاسنه حکم ایتسیله
 دخی توانك تحقیق رأینده بولمشلدر « فتاوی علی افندی » دینلان
 کتاب معتبرده بوقوله مستنداً ویرلش بر فتوی مندر جدر . §

کیفیت رجوع حکم حاکم ایله ثابت اولور ایسه حاکمک بوبایدکی
 حکمی قطعی اولیوب شاید محال علیک بشقه سنده آله جنی اولدینی
 و یا خود برنده امانت مالی بولندی تین ایدر ایسه حاکم حکمی ابطال
 ایده بیلور . زیرا خطاسی ظاهر اولان ظنه اعتبار یوقدر . و بوتقدیرده
 محال له محال علیک مدیونیدن و یا مستودعندن استیفای مطلوب ایدر .
 حتی محال له حکم واقعه بناءً بالمرأجه محیلدن آله جنی اخذ
 ایتش ایسه آلدینی پاره یی اعاده ایتسی لازم کلور . چونکه سبب
 حادث اوزرینه محیل ذمتدن بری اولور . §

حواله نك فسخی دخی ایکی صورتله اولور . برنجیسی : اقاله ایله
 فسخدر . یعنی حواله محال له ایله محیلک فسخیله مفسوخ اولور .
 بوصورته محال علیه بری اولوب بورج محیله عودت ایدر . چونکه

حواله ده مبادلہ معناسی اولدیغندن بیع واجاره کبی فسخ واقاله یه متحملدر .

ایکنجیسی: خیار شرط ایله فسخر . محال له ایله محال علیهدن هر قغیسی بخیر اولمئی شرط ایدر ایسه مدت خیارنده حواله یی فسخ ایتدکده بورج محیله عودت ایدر .

۶۹۱ ماده محیل مطلق اوله رق حواله ایتدکده اگر محال علیده آله جفی یوغیسه بعدالادا محال علیه محیله رجوع ایدر .

بوماده نك اطلاقندن آکلاشدیغی اوزره محیلک یالکیز احاله سی محال علیک کنبوسنه رجوعی ایچون کافی اولوب بشقه جه محیلک محال علیه رجوع ایله امر ایتسی لازم دکدر . زیرا محیلک محال علیه حواله سی محال به اولان دینی تأدییه امرینی تضمن ایدوب مأمور ایسه آمره مراجعت ایدر . ۱۵۰۶ §

[حواله ایتدکده] جمله سی محال له ایله محال علیه بیننده اجرا قلنان حواله دن احتراز ایچوندر . زیرا بوصورته واقع اولان حواله ده محال علیه بعدالادا محیله رجوع ایده مز . و محیلک محال علیده آله جفی وار ایسه انکله تقاض و محسوب ایلیه مز . مکر که محیل محال علیه اجرای تقاضی صراحة امر ایتمش اوله . §

[بعدالادا] قیدی قبل الادادن احتراز ایچوندر . زیرا محال علیه قبل الادا محال به مالک اولدیغندن هنوز ثابت اولمیان برشی ایله محیله رجوع ایده مز . شو قدر که محال له محال علیهی تضییق ایتدکجه حواله

محلیک امریله ایسه - محال علیه کندوسی محال لیهک مطالبه سندن
 قورتارمق ایچون محلی مطالبه وتضیق ایده بیلور . اما حواله محلیک
 امریله دکلسه مطالبه وتضیق ایده مز . نته کیم محلیک محال علیه
 آله جفی وار ایسه محال علیه محلی تضیق ایده مز . §

هبه وتصدق وارث صورتلرندن بری ایله محال علیه محال بهه
 مالک اولور ایسه ینه محله مراجعت ایده بیلور . §
 محال علیه نه صورته رجوع ایده جکی ۶۹۸ نجی ماده ده بیان
 قلمور .

واکر آله جفی وار ایسه بعدالادا دینیله تقاص اولور .

فقط بو آله جفک محال بهک جنسندن اولسی شرطدر . مثلاً محلیک
 محال علیه ذمتده جهت قرضدن اون بیک غروش مطلوبی اولدیغی
 حالده اکا اون بیک غروشلق بر دین حواله ایدوب اوده تسویه ایتسه
 محیل «سنده اولان مطلوبدن ادا ایت» دیوامر وتقیید ایتامش اولدیغی
 حالده محال علیه ذمتده اولان اون بیک غروش تقاص اولور . چونکه
 بو صورتده محال علیه دخی محلیک ذمتده محال بهک جنسندن اوله ررق
 اون بیک غروش مطلوبی حاصل اولوب یکدیگریک ذمتده برجنسندن
 ایکی دین تعارض ایتدکه قاعده ایکیسی دخی ساقط اولور .

فقط محلیک محال علیه محال بهک جنسک غیری امانت بر مالی
 اولور ایسه او حالده محال بهی اندن ادا ایتک اوزره امر ایتدکجه
 محال علیه اومالی صاتوب ائمانندن محال بهی ادا ایده مز . کندو مالندن
 تسویه ایدوب بعده محله مراجعت ایتسی لازم کلور .

ومجرد حواله ایله محلیک مال مزبوری محال علیه خق طلبی

ساقط اولماز . و آيروجہ طلب ايدوب قبض ايتدکده حواله باطل اولماز . و عييل وفات ايلدکده مال مزبوري محال له ضبط ايدمه يوب ترکيه داخل اولور .

§

شو تفصيلاتدن مستقاد اولديني اوزره حواله مطلقه ده محيلک ذمتي محال عليه انتقال ايدوب محال عليه آني ادا ايتمکي متعهدر . و تعهدينه بناء محال له محال بهي محال عليه دن طلب واخذ ايدر . محال عليه ذمتده محيلک آله جنبي و يا خود يدنده بر مالي اولوب اولما مسنك محال لهه تعلق يوقدر . بوجهت عقد حواله نك خارجنده اولوب محيل ايله محال عليه متعلق بر حقدور و حواله نك ماهيتي مجرد نقل ديندن عبارت اولديغندن حواله مطلقه اصل اولمغه محيل «سنده اولان مالندن ادا ايت» ديو امر و تقيد ايتمنجه حواله مطلق اوله رق انعقاد ايدوب محال عليه يدنده بولنان محيلک مالندن محال بهي ادا ايدمه مز . فقط محال بهك جنسندن اوله رق کندوسنك دخي محيله مطلوبي وار ايسه محال بهي بعدالادا دينيله تقاص اولور .

۶۹۲ ماده حواله مقيده ده محيلک محال بهدن طولاني

حق مطالبه سي منقطع اولور .

حواله مقيده محيلک محال عليه ذمتده و يا يدنده اولان مالندن ويرمك اوزره ديو مقيد اولان حواله اولوب محيل بويله بر تقيد ايله مال مزبوري تصرف ايدرك آني طلب ايله استيفاي دين حقني محال له اثبات ايتمش اولديغندن کندوسي همچون حق مطالبه منقطع اولور . نته کيم مرتهن يدنده كي مال مرهون کي که مرتهنك حقي تعلق ايتديکندن رهن تصرف ايدمه مز . ۷۴۹، ۷۲۹ شو حاله ماده

مشروعده واقع [محال بهدن طولای] تعییندن مقصد محیلك محال
 علیك ذمتنده ویایدنده اولان مالنده حق مطالبه سی منقطع اولور .
 دیمك اولوب یوقسه اشبو محال به محال لهك حق اولوب حواله اولنان
 مال دیمك دكلدر .

و محال علیه آرتق آنی محیله ویره مز .

زیرا محال بهك مال مزبور دن اداسی مشروط اولوب بقدرالامكان
 شرطه مراعات اولنق اقتضا ایدر . محال علیه شرط مذکور ی قبول
 ایتدیکندن آرتق اومالی محیله ویره مز .

و ویرسه ضامن اولور .

زیرا محال لهك حقنی ابطال ایتدیکندن ضررینه متحمل اولوق
 لازم کلور .

وبعدالضمان محیله رجوع ایدر .

چونکه ضمان ایله محال لهك محیله اولان مطلوبنه مالک و آنک یرینه
 قائم اولدیغندن محیله رجوع ایتك حق کندوسنه ثابت اولور .

وقبل الادا محیل دیونی ترکه سندن ازید اولدیغنی حالده
 فوت اولسه سائر دائرلی محال بهه مداخله ایده مز لر .

یعنی ۷۲۹ نجی ماده ده بیان قلندیغنی وجهله مرتهن [راهن فوت
 اولدقده سائر غرمادن احق اوله رق رهندن استیفای دین ایده بیله یکی
 کبی محیل فوت اولدقده محال له دخی سائر غرمادن احق اوله رق
 محیلك محال علیك ذمت ویایدنده بولنان مالندن استیفای حق ایدوب
 سائر غرما مداخله ایده مز .

چونکه محييك حال حياتنده مذ كور ماله محال لهك حقي تعلق
ايتديكندن محيل آني اخذه مقته-در اولمديني كي بعدالوفات ديون
سائرهي دخی آنكله قضا اولته مز. شو قدركه محال به تأديه اولنقدن
صكره فضله قالور ايسه غرمایه ويريلور .

بومسئله اخيره امام اعظم حضرتلرينك شاگردانندن امام زفر
رحمة الله عليهك اجتهادی وجهله يازلمشدر. حضرت امام ايله ابو يوسف
ومحمد رحمة الله عليهمه كوره مال مذ كور تقسيم غرمایه ادخال ايديلهرك
محال له انجق حصه سنه اصابت ایدن مقداری آلور . §

اخطار : ماده مشروحه ايله ماده سابقه دن حواله مطلقه ايله
مقیده بیننده ماهیه اولان فرق مستبان اولدی . ايكي نوع حواله بیننده
ماهیه فرق اولسی حکماً دخی فرق اولسنی ايجاب ايتديكندن
حواله مقیدهك احكامی زیرده کی ماده لرده بیان قلنور . حواله ده
اطلاق اصل اولغله اشبو کتابك مندرجاتی اساساً حواله مطلقه
اوزرینه ترتیب ایدلمش اولدیفندن مادتين مذ كور تین ايله زیرده کی
بعض مواد احكامنه نظر آ کتابك مندرجات سائرهنك حواله مقیده یه
صورت تطبیقی مستبان اولور . از جمله حواله مقیده بالعینده محال علیه
مذ كور عینی یدنده توقیف ايله محال بهی كندو مالندن ویرسه متبرع
اولماز . بناء علیه ۶۹۸ نجی ماده موجبنجه محيله رجوع ایده بیلور .
حال بوكه بلا امر اولان حواله مطلقه تبرع اولغله محال علیه محيله
رجوع ایده مز .

حواله مقیده بالدينده مذ كور دين محال به وفا ایتز ايسه محال له
باقیسنی محال علیهن طلب ایده مز . حال بوكه حواله مطلقه ده محال له
محال علیهن محال بهك تمامی طلب ایدر .

۶۹۳ ماده بايعك مشترى ذمتنده ثمن مبيع اولان

آله جفندن ويرلك اوزره ديو مقيد اولان حواله ده مبيع
قبل التسليم هلاك اولوبده ثمن ساقط اولسه يا خود مبيع خیار
شرط يا خيار رؤيت ويا خيار عيب ايله رد اولنسه ويا خود
اقاله بيع ايدلسه حواله باطل اولماز .

محال عليه اولان مشترينك ذمتنه ترتب ايدن دين يا بر سبب عارضيدن
ويا خود سبب اصليدن طولايي ساقط اولور .

سبب عارضی ؛ حين عقدده موجود اوليوب صكره دن عارض

اولان وسبب اصلی حين عقدده موجود بولنان سببدر .

سبب عارضی ماده مشروحه ده ذكر وتعداد اولنديني اوزره ۱ :

بايعك يذنده مبيعك تلف اولسي ۲ : خيار شرط ۳ ! خيار رؤيت ۴ :

خيار عيب ايله رد اولنسي ۵ : اقاله بيع ايدلسيدر . بوسيدلردن بريله

ثمن مبيع مشترينك ذمتندن كرك حكم حاكم و كرك رضاء طرفين ايله

ساقط اولسون هر حالده حواله باقيدر . زيرا عقد بيع ايله ثمن مبيع

مشرتينك ذمتنده ثابت و ۲۵۲ نجی ماده حكمنجه حواله سي صحيح

ولازم اوله رق منعقد اولدقن صكره مشتریدن ثمن مبيعك يعنى دينك

سقوطنى ايجاب ايدن بوكي احوالك تحققي ايله حواله نك صحتته خلل

كلز .

و محال عليه بعد الادا محيله مراجعت ايدر . يعنى ويرديكني

مچيلدن آلور .

زیرا ادا ایله محال مه مالک اولور .

اما مستحق چیقوبده مییع ضبط اولمغله محال علیک

اول دیندن بری ایدوکی تبین ایتسه حواله باطل اولور .

یعنی سبب اصلیدن طولایی محال علیه دیندن بری اولور ایتسه حواله باطل اولور . مییع بالاستحقاق ضبط اولمق کبی که بوتقدیرده مییع بیعی و ثمنک ذمه تعلق صحیح اولمدیغندن وقت حواله ده مشتری نک ذمتده دین ثابت اولما مشدر . چونکه ۳۷۷ نجی ماده ده بیان اولندیغنی وجهله بیع فضولی عندالاجازه حکمی افاده ایده جکندن مال صاحبی بیع فضولی بی مجیز اولیوبده بالاستحقاق میعی ضبط ایتدکه بیع مذکورک حکمی قالماز . بناء علیه محال علیک ثمن میعدن برائی تبین ایدر . و محال علیک ذمتده ثابت و واجب اولیان دین ایله تقید ایدیلان حواله دخی باطل اولور . بو حواله بورج محیله عودت ایده جکندن محال له محال علیه اولان مشتری دن برشی مطالبه ایده مز :

شاید محال علیه اولان مشتری مستحق چیقمازدن اول محال بهی محال له ادا ایدوبده بعدد مییع بالاستحقاق ضبط اولنسه مشتری بخیر اولور . دیلرسه وپردیکی ثمنی محال لهدن و دیلرسه محیلدن آلور .

§

بوماده ده بایع محیل و مشتری محال علیه اولمق اوزره کوسترلمشدر . چونکه مشتری محیل و بایع محال له و مشتری نک مدیونی محال علیه اولسه یعنی مشتری بایعی ثمن مییع ایله مدیونی اوزرینه حواله مقیده ایله حواله ایتسه ده بعده مییع خیاریع و حکم حاکم ایله بایعه رد اولنسه حاکم حواله بی دخی ابطال ایدر . زیرا محال له اولان بایعک

محیل اولان مشتریده برکونه حتی قالمامشدر . حوالهده ایسه محیلک محال لهه مدیون اولمسی شرطدر .

ذکر اولنان اسباب سائرده دخی بایع محیل ومشتري محال علیه اولدینی حالد وجه مشروح اوزره حواله باطل اولور .

۶۹۴ ماده محیلک محال علیه یندنه امانت اولان مبلغندن

ویرملک اوزره دیو مقید اولان حوالهده مستحق چیقوبده

اول مال ضبط اولنسه حواله باطل اولور و بورج محیله عودت ایدر .

زیرا محال علیهمک یندنه اولوب محیلک مالی اولدینی ظن اولنان مبلغک بشقه سنک مالی اولدینی تحقق ایدرک ضبط اولنجه خطایی ظاهر اولان ظنه اعتبار اولدیغندن حواله باطل و بورجی اوده مک محیل اوزرینه لازم اولور .

۶۹۵ ماده محیلک محال علیه یندنه کی مبلغندن ویرملک

اوزره دیو مقید اولان حوالهده مبلغ تلف اولدینی صورتده

اگر مضمون دکل ایسه حواله باطل اولور و بورج محیله

عودت ایدر .

زیرا محال علیه اول مالدن ویرمکی التزام ایلدیکی جهتله حواله آنکله معتبردر . تلف اولنجه حوالهده باطل اولور . زیرا برشی باطل اولدقده آنک ضماننده کی شی دخی باطل اولور .

وا کر مضمون ایسه حواله باطل اولماز .

چونکه مضمونک خلفی اولان مثلی ویا قیمتی آنک مقامنه قائم اولور .

مثلا بری برکیمسه نک یدنده کی امانت آچقه سندن ویرمک اوزره دائنی اول کیمسه نک اوزرینه حواله ایتدکه قبل الاخذ اول آچقه بلا تعدا تلف اولسه حواله باطل اولور . ودائنک آله جنی محیله عودت ایدر . اما اول آچقه مال مغضوب اولسه یاخود امانت اولوبده اول کیمسه نک اتلافیه اوده مسی لازم کسه حواله باطل اولماز . فقط مال مغضوب بالاستحقاق ضیط اولنسه حواله ینه باطل اولور . زیرا بوصورته غاصبه ضمان لازم کمز .

۶۹۶ ماده برکیمسه کندوسنک برمعین مالنی صا تو بده

ثمنندن ادا ایتک اوزره دائنی برینک اوزرینه حواله وادخی اول شرطله حواله بی قبول ایتسه صحیح اولور . و محال علیه اول مالی صا تو بده ثمنندن دینی ادا ایتک اوزره اجبار اولور . بوصورتله اولان حواله بیعه وکالتی متضمن اوله جنی ایچون محال علیه محال بهی ایفایه اقتداری درکاردر . و بو حواله حواله مقیده اولور . زیرا اول مالی محال علیه حسب الوکاله صا ت دقده قبض ایده جکی ثمن یدنده ودیعه حکمنده در وود یعه دن ویرمک اوزره دیومشروطه اولان حواله ایسه مقیده در .

بناءً علیه محال علیه قبل البیعه کندوسنی وکالتدن اخراج ایده میه جکی مثللو موکل یعنی محیل دخی آتی وکالتدن عزل ایده مز . زیرا غیرک یعنی محال لهک حتی تعلق ایتشد . ۱۵۲۱ ، ۱۵۲۲ §

[صا توبده] قیدی احترازیدر . بویله بر قید اولمديغی تقدیرده
محال علیه اول مالک بیغنه توکیل ایدلمش اولیه جغندن محال بهک
اداسنه مقتدر اوله ماز . §

حواله شرائط انعقاد اعتباریله اطلاق وتقیید اولمديغی کبی کرک
مطلق و کرک مقید اولسون محال بهک وقت تأدییه سی اعتباریله دخی
اطلاق وتقیید اولنه بیلوب حین عقدده محال بهک نه وقت ادا ایدیه جکی
ذکر و بیان اولنمز ایسه مبهم و حالاً و یا مؤجلاً ادا ایدیه جکی تعیین
قلنور ایسه غیر مبهم اولور .

محال بهک وقت تأدییه سنک تعیین ایدیلوب ایدلامسی حواله مطلقه
ومقیدهیه راجع بر کیفیت اولدیغندن تعیین ایدلمز ایسه حواله مطلقه
و یا مقیده مبهمه ، تعیین ایدیلور ایسه حواله مطلقه و یا مقیده غیر
مبهمه دینور . و حواله ایستر مبهم و ایستر غیر مبهم اولسون محال بهک
فی الحال تسویه سی لازم کلور سه حواله معجله و بر مدت وعده ایله
تسویه سی شرط ایدیلور ایسه حواله مؤجله اولمش اولور .

بونلر مقدمه کتایده تعریف و بیان اولمديغندن شومادهده حواله
مبهمه تعریف و احکامی بیان قلنوب حواله غیر مبهمه دخی انک معنای
مخالفتندن مستبان اولور شویله که :

۶۹۷ ماده حواله مبهمه ده یعنی محال بهک تعجیل و تأجیلی
بیان اولنمیان حواله ده دین اگر محیل اوزرینه معجل ایسه
حواله معجله اولوب محال علیه انی همان تأدییه سی لازم

کلور. واکر دین مؤجل ایسه حواله مؤجله اولوب وعده سی
حلولنده اداسی لازم اولور .

زیرا حواله نقل دیندن عبارت اولدیغندن تعجیل ویا تأجیل شرط
ایدلکسزین عقد اولنان حواله مهیمه ده اصیل یعنی محیل اوزرنده
اولدینی صقلمه انتقال ایدر . نته کیم کفالتده دخی بویله در ۶۵۲
بناء علیه اکر دین اصیل اوزرنده معجل ایسه محال علیه محال
بهی همان واکر مؤجل ایسه وعده سی حلولنده ادا ایتسی لازم کلور .

§

بوصورتده حلول اجلدن اول محیلک وفاتیه اجل بالحل اولیوب
اما محال علیه فاتیله اجل باطل اولورودین محال علیه ترکه سندن
فی الحال استیفا اولنور . چونکه اجل محال علیه محال بهی تدارک
ایتمی ایچون مشروع اولدیغندن انک وفاتیه شوا احتمال فوت اولور .
انجق محال علیه مفلساً وفاتیه توی تحقق ایدوب دین محبله
عودت ایتدکده محیل حقنده مدت اجل کما کان باقی ومعتبر اولور .

§

حواله غیر مهیمه ده تعجیل و تأجیل وصفلرینک قنغیسی ایله تقیید
اولنمش ایسه محال علیه اکا کوره مطالب اولور . نته کیم کفالتده دخی
بویله در ۶۵۳

بناء علیه برمدت ایله مؤجل اولان دینک اول مدت ایله وآندن
دها زیاده ویا نقصان مدت ایله مؤجل اوله رق حواله سی صحیح اولور .
کذلک معجل اولان دینک معجلاً حواله سی جائز اولدینی کبی
مؤجلاً حواله سی وبالعکس مؤجل اولان دینک معجلاً حواله سی

جائزدر. فقط بوتقدیرده محال علیہک مفلساً وفاتیلہ دین محیلہ عودت
ایتدکده صفت اولاسی ایله عودت ایدر .

لکن ولی ووصینک صینک معجل دینی ایچون مؤجلاً حواله
الملری صحیح وجائز دکلدر . مکرکه دین مذکورولی ویاوصینک
کندولرینک اجرا ایلدیکی عقددن متولد اوله . §

حوالهده اجلاک معلوم اولمسی شرطدر . شوقدرکه جهالت سیرہ
مانع صحت دکلدر . §

بروجه محرر عقد حواله ایله محال علیہک ذمتنه انتقال ایدن
دین محال بهک تأجیلی صحیح ایسهده عقدحواله‌نک تأجیلی جائز دکلدر .
بناءً علیه مدیون دائنه «کله‌جک شو آیده دینی تأدییه ایتمک اوزره
سنی فلانه حواله ایتدم» دیوب اوده قبول ایتسه حواله منعقد اولور
ایسهده «سنی کله‌جک شو آیدن اعتباراً فلانه حواله ایتدم» دیدیکی حالده
منعقد اولمز .

۶۹۸ ماده محال علیه دینی ادا ایتدن محیلہ رجوع ایده‌مز .

زیرا رجوع ایتمک ادا ویاخود معنای اداده اولان برشی ایله
مشروط ایدوکنندن شرط تحقق ایتمکسزین محال علیه محیلہ رجوع
ایده‌مز .

ادا حکمنده اولان هبه وصدق وارث صورتلرندن بریله محال
علیه محال بهه مالک اولدقده مثلاً محال له محال بهی محال علیه
هبه ویا تصدق ایدوبده اوده قبول ایتدکده ویاخود محال له وفات
ایدوبده محال علیه حصراً وارث اولدقده محال علیه ● خیاله رجوع
ایدر . اما ابراده تملیک جهتی بولنمیوب اسقاط محض اولدیغندن

محال له محال علیہی ابرا ایتدکده محال علیه اشبو ابرا ایله محال
 بهه مالک اوله. یه جغندن محیله رجوع ایده من . §
 برده محال علیک محیله رجوع ایده بیلمسی ایچون حواله یی
 محیلک امریله قبول ایتمش اولمسی شرطدر. زیرا بوصورتده محیلک
 امریله بورجی ادا ایتمش اوله جغندن رجوع ایده بیلور ۱۵۰۶ اما
 محیلک امر و احاله سی اولمقسزین خود بخود محال بهی ادا ایدر
 ایسه متبرع اوله جغندن رجوع ایده من .

ورجوع ایده جک اولدقده محال به ایله رجوع ایدر.
 یعنی نه جنس اچه حواله اولتمش ایسه میلدن انی آلور .
 یوخسه مؤدا ایله رجوع ایده من .

چونکه محال علیه ادا ویاخود معنای اداده اولان برشی ایله
 محال بهه مالک اوله جغندن انکله رجوع ایتمسی لازم کلور . نته کیم
 ۶۵۷ نجی ماده شرحنده مفصلاً بیان قلندیفی اوزره کفالتده دخی
 بویله در .

مثلاً کومش اچه حواله اولنوبده التون ویرسه میلین کومش اچه آلوب
 التون مطالبه ایدمن . کذلک بشقه اموال اشیا ایله تأدیه ایتسه حواله اولنان
 اچه یی آلور .

امادینک بره قدری اورزینه صالح اولدقده بوصالح معاوضه
 اولمیوب استیفاء البعض واسقاط البعض قبیلندن اولمسه محال علیه
 محال به ایله رجوع ایده میوب مؤدا ایله رجوع ایدر .

لاحقه

بورجی محال علیه تأدیه ایتمیوبده انک طرفندن تبرعاً فضولی
 اوله رق بر شخص تأدیه ایتسه محال علیه ینه محیله رجوع ایدر . اما

فضولی محیل طرفندن تبرعاً تأدیه ایتسه بوتقدیرده محال علیه محیه رجوع ایده من . وبصورته حواله ، حواله مقیده ایسه بالعکس محیل محال علیهن اله جفنی مطالبه ایدر . وهر ایکی تقدیرده فضولی متبرع اوله جفندن هیچ رینه مراجعت ایده من . اما فضولی کیمک طرفندن تأدیه ایتدیکنی بیان و تعیین ایتدیکی صورته فضولی به المراجعة کیمک طرفندن تأدیه ایتدیکنی بیان ایدر سه قبول اولنور . فقط قبل الیان فضولی فوت ویاغائب اولور ایسه محال علیه طرفندن تبرع ایتش عد اولنور .

۶۹۹ ماده محال بهک اداسیله یادیگر برینک اوزرینه حواله سیله یاخود محال لهک محال علیهی ابراسیله محال علیه دیندن بری اولدینی کی محال له محال بهی هبه یاخود تصدق ایدوبده محال علیه دخی قبول ایتسه كذلك دیندن بری اولور .

زیرا محال بهک اداسیله حکم حواله نهایت بولور . محال علیه محال لهی دیگر برینک اوزرینه حواله ایتسیله اولکی حواله منتقض اوله رق حکمی نهایت بولور سبی ۶۹۰ نجی ماده شرحنده بیان قلمیدی .

محال لهک محال علیهی ابرا ویا محال بهی کندوسنه هبه ویا تصدق ایتسی ایله دخی حواله نهایت بولور .

بنابرین صور محرره دن بریله محال علیه عهده حواله دن خروج ایتش اولور . انجق حواله بحسب المعنی تأجیلدن عبارت اولمقله محیلک محال علیهی ابراسی اسقاط قیلندن اولدیغندن قبوله متوقف اولدینی

کې رذی دخی غیر ممکن اېسه ده هیه و تصدق ایتسی اصل مدیونه هیه
و تصدق کې جهت اسقاطی متضمن اولیوب صرف تمایک اولدیغندن
قبوله توقف ایدر . و بطریق الاولویه رد ایله مردود اولدیغندن ماده
مشروحده [محال علیه دخی قبول ایتسه کذلک دیندن بری اولور]
دینلمشدر .

استطراد

حواله لفظی بعضاً علی طریق المجاز و کالت معناسنده استعمال اولنور
چونکه حواله دینی بر ذمتدن دیگر ذمته نقدر . توکیل دخی تصرفی
موکلدن و کیله نقلدن عبارت اولدینی جهته انده ده نقل معناسی واردر .
بناءً علیه محال له محال بهی محال علیهدن الدقدن صکره محیل
محال لهه سکا بورجم یوق ایدی سنی قبض دینه توکیل ایتش ایدم بناءً علیه
الدیغک محال بهی بکا رد ایت « دیو دعوی و محال له دخی محیلده اله جنی
اولوب کندوسنی حواله ایتدیکنی ادعا ایتد کده سوز مع الیمین محیل کدر .
و محیلک حواله یی اقراری و یا خود حواله یه مباشرتی کندوسنک
محال لهه بورجی اولدیغنی اقرار صایلز محال له الدیغنی محیلده و یرمه
مجبوردر . مکرکه عکسنی اثبات ایده .

۷۰۰ ماده محال له فوت اولوبده محال علیه اکا وارث

اولسه حواله نک حکمی قلماز .

حصراً وارث اولمش ایه بویه در . بشقه بر وارثی و ارایسه حصه
ارثیه سی نسبتنده رجوع ایدر . فقط کندوسیده دیگر وارثک حصه سیله
بحکم الحواله مطالب اولور .

کذلك فسخ ايله دخی حواله نك حكمی قلمز . محال علیه بری
اولوب بورج محیه عودت ایدر .

§

کتاب الحواله اوزرینه تعلق ایدن اراده سنیه تاریخی

فی ۲۵ صفر سنه ۱۲۸۸

کتاب الحواله بی ترتیب ایدن مجله جمعیتی هیئت

عن اعضاء دیوان احکام عدلیه	عن اعضاء شورای دولت	ناظر دیوان احکام عدلیه
السید احمد خلوصی	سیف الدین	احمد جودت
عن اعضاء جمعیت ابن عابدین	عن اعضاء شورای دولت	عن اعضاء دیوان احکام عدلیه
زاده علاء الدین	محمد امین	السید احمد حلمی



بِسْمِ اللَّهِ الرَّحْمَنِ الرَّحِيمِ

موجب‌جه عمل اولنه

صورت خط همایون

کتاب خامس

رهن حقنده اولوب بر مقدمه ایله درت بابی شاملدر

مقدمه

رهنه دائر اولان اصطلاحات فقهیه بیاننده در

رهنك مشروعتی كتاب وسنت واجماع ایله ثابت وعقل مؤیددر.
جناب حق قرآن عظیم الشانده [وان كنتم علی سفر ولم تجدوا كتاباً
فرهان مقبوضه] بیور مشدر . پیغمبر ذیشان صلی الله تعالی علیه وسلم
افندمن حضر تتری زمان سعادتلرنده اصحابنك یکندیگری بیننده واقع
رهن معاملاتنی منع بیورمدقندن بشقه ذات عالی جناب رسالتپناهیلری
دخی اجرا بیوردقوری بر معامله ایچون رهن ویر مشلدر . رهنك
جوازی امرنده من القدیم اجماع واقع اوله کلمشدر .

دلیل عقلی یه کلانجه: اولادین ذمتده ثابت اولوب بعده مال استیفا
قلنوز . بناءً علیه توثیق دین ایچون ایکی جهت واردر . مدیونك
ذمتی اولان جهت نظر اعتباره النهرق کفالت تجویز ایدلدیکی مثللو
ماله دائر اولان جهت دخی نظر اعتباره النهرق رهنك تجویزی
اقتضا ایدر .

۷۰۱ ماده رهن ؛ بر مالی اندن استیفاسی ممکن اولان

بر حق مقابلنده محبوس وموقوف قیلمقدرد .

رهن ؛ لغتده مطلقاً بر شیء محبوس قیلمقدرد . كرك دين وكرك
سائر بر شی سببی ایله اولسون .

بوصورتده معنای اعمدن معنای اخصه نقل اولنش اولوب بینلرنده

عموم وخصوص مطلق واردر . §

[بر مالی] قیدندن اكلاشلدینی اوزره رهن اوله حق شی مال
اولمیدر . بناءً علیه حر اولان بی ادمك ومسجد عرصه سی وعمومه
مخصوص محللر کی صائلمی جائز اولیان شیلرك ومنافعك رهن
ایدلمی باطلدر . شو حالده اراضی امیرییه ووقفیه نك متصرفلری
رقبه سنه مالك اولمیوب یالكمز حق تصرفلری بولندیغندن ومنافعدن
استفاده محل منفعتك تسلیمینیه متوقف اولدیغندن رهن ایده جك
اولسه لك مالك اولمدقلری شیئی رهن وتسلیم ایتیش اولورلر كه جائز
دكلدر .

انحق اراضی امیرییه وموقوفه ده « فراغ بالوفا » اصولی جاری

اولوب بوده احكام قانونیه ایجاباتنددر . §

[اندن استیفاسی] جمله سنده استیفا كله سی مطلق ذكر ایدلیكسندن
كلاً ویا بعضاً استیفایه شاملدر .

كلاً استیفا ؛ مثلاً بیک غروش دینه مقابل اولمقدار ویا دهها زیاده
قیمتنده بر مال رهن ایتك کی . بعضاً استیفا ؛ مرهونك قیمتی بیک
غروشدن دون اولق کی . §

استیفا دخی ایکی درلو اولور . برنجیسی : حقیقه استیفادر كه

مرهون صاتیلوب ثمنندن استیفای مطلوب اولور .

ایکنجیسی: حکماً استیفادرکه مرهون مرتهنک یدنده تلف اولدینی تقدیرده مرهونک حین قبضنده کی قیمتی نقدر ایسه بالمقابله دیندن اولمقدار ساقط اولور . § ٧٤١

[حق] کلمه سی مطلق ذکر ایدلایکندن کرك معلوم وکرك مجهول اولسون مآله بردر . شو حالده [اندن استیفاسی ممکن اولان بر حق] تعیرندن اکلاشلدینی اوزره موقوف و محبوس اولان مالک مقابلی حقک اول مالدن استیفاسی ممکن اولماید . مالدن استیفاسی ممکن اولان حق ایسه انحق حق مالیدر . بناءً علیه قصاص ، یمین ، کفالت بالنفس ، شفعه وامثالی حقوق مقابلنده رهن و یرمک باطلدر . زیرا بو مثللو حقوقک مرهوندن استیفاسی ممکن دکلدر .

کینلک [اندن استیفاسی ممکن اولان] جمله سنه نظراً مضمون اولیان حق مالی مقابلنده رهن اعطاسی دخی جائز دکلدر . بناءً علیه امانت اولان برماله مقابل رهن و یرلمز . زیرا امانات بلا تعد ولا تقصیر تلف اولور ایسه مضمون اولمادیغندن رهندن استیفا اولنه جق بر حق بولماز . §

حق مالیدن مقصد حقیقه و یا حکماً دیندر . حقیقه دین اوچ قسمدر . برنجیسی : ظاهراً و باطناً لازم یعنی مدیون اوزرینه اداسی واجب اولان دیندر . ثمن مبیع ، بدل اجاره ، قرض ، دیت وارش کی . ایکنجیسی : یالکیز ظاهراً لازم اولان دیندر . بعدالترهین راهن ایله مرتهنک بورج اولمادیغنه تصادق ایتملی و ترکدن صاتیلان شیئک ثمنه رهن و یرلدکن صکره فروخت اولنان شیئک بیعی غیر جائز اولدیغنک تحقق ایتمسی کی .

ظاهر آ دینک وجوبی صحت رهنده کافیدر . یعنی رهن مرتهن
یدنده تلف اولنجه مرتهن اوزرینه ضمان لازم کلور .

اوچنجیسی: هنوز لازم اولمیوب فقط سبب لزومی حین عقد رهنده
موجود بولنان دیندر . مدتی ختام بولمیان بدل اجاره کی که بوکا
کفیل اعطاسی جائز ایدی .

حکماً دین بنفسه مضمون اولان اعیاندر . مال مغضوب کی که
٦٣١ نجی مادهده تعریف و بیان قلندی . §

[محبوس وموقوف قیلمقددر] جمله سنده واقع محبوس وموقوف
کله لری یکدیگرینک عطف تفسیریدر . بو جمله دن اکلاشدینی اوزره
تعریف مباحث عنها رهن تام ولازمک تعریفیدر . زیرا رهن ایجاب
وقبول ایله منعقد اوله جغندن قبض شرط دکلددر . اما قبض ایله محبوس
قیلمق رهنک تمامیتی ایچون لازمدر .

اول مالہ [مرهون] دینلدیکی کی [رهن] دخی دینلور .
جمعی «رهان، رهون» کلور . و مذکور مالک صاحبی بشقه سی ایسه
[رهن مستعار] دینلور که ٧٢٦ نجی مادهده تعریف قلنمشدر .

رهن ؛ مصدر بمعنی مفعول اولوب اصطلاح فقهاده تعریفده ذکر
اولندیفی وجهله معنای مصدری ایله اسم مفعول صیغه سنده اولان
مرهون معناسنده مستعملدر . الفاظ مشترکه نک یعنی بر قاج معناده
استعمال اولنان الفاظک معانیسندن برینی ترجیح ایتک ایچون قرینه یه
احتیاج اولدیغندن رهن لفظی مصدر یا خود اسم مفعول معالرنندن
قنغیسنده استعمال اولندیفی قرینه ایله تعیین اولنور . نته کیم ٧٠٢
٧٠٣ ، ٧٠٤ ، ٧٠٥ نجی ماده لرده مرهون معناسنده ٧٠٦ ، ٧٠٧ نجی
ماده لرده دخی معنای مصدریده استعمال اولنمشدر . §

تفصیلات مبسوطه دن مستفاد اولدینی اوزره عقد رهنك تحققة درت شی لازمدر . برنجیسی : موقوف و محبوس قلنه جق مالدر که مرهون و تعیر دیگرله رهندر . ایکنجیسی مالی موقوف و محبوس قیلمق اوزره تسلیم ایده جك کیمسه . اوچنجیسی او مالک مقابلی اولان حق . دردنجیسی او حقه مالک اولوب مالی قبض و حبس ایده جك کیمسه در که بونلره اصطلاح فقهاده نه دینلدیکی بوجه زیر تعریف و بیان اولنور .

۷۰۲ ماده ارتهان ؛ رهن المقدر .

۷۰۳ ماده راهن ؛ رهن ویرن کیمسه در .

یعنی حقیقهٔ ویا حکماً مدیون اولان کیمسه در .

رهن ویرن کیمسه یا رهن ایلدیکی مالک صاحبی ویا صاحبك غیری اولور . صاحبك غیری اولور ایسه یا صاحبك بورجی مقابلنده ویا خود کندی بورجی مقابلنده رهن ایدر . صاحبك بورجی مقابلنده رهن ایلدیکی صورتده صاحبك امر و توکیلله رهن ایتیش ایسه « وکیل بالرهن » و امر و توکیلی اولمق سزین رهن ایتیش ایسه « راهن فضولی » اولور . کندی بورجی مقابلنده رهن ایلدیکی صورتده دخی صاحبك اذنیله رهن ایتیش ایسه « راهن مستعیر » و صاحبك اذنی اولیه رق رهن ایتیش ایسه « راهن فضولی » اولور . §

مرهون به ؛ کندوسی ایچون رهن ویریلان حقدور .

۷۰۴ ماده مرتهن ؛ رهن آلان کیمسه در .

که حق صاحبی دیمکدر .

۷۰۵ ماده عدل ؛ راهن و مرتهنك « ويا حاكمك »

امنيت ايدوبده رهنى توديع وتسليم ايتدكلى كيمسه در .

[عدل] فى الاصل مصدر ايسده اسم فاعل معناسنه نقل ايله « عادل » مقامنده استعمال اولنور . عادل دخى [حسنانى سياثنه غالب اولان كيمسه در] ديو ۱۷۰۵ نجى مادهده تعريف قلنمش ايسدهده اومادهده كى عادلن مقصد شهادته اهل اولان كيمسه ديمك اولوب ماده مشروحهده كى عادلن مقصد ايسه رهنك توديعي ايچون راهن و مرتهنك ويا حاكمك اعتماد ايتدكلى كيمسه ديمكدور . حسنانى سياثنه ايستر غالب اولسون ايستر اولسون . فقط عدلك عاقل اولسى شرطدر . برده مكفول عنه كفيلك و كفيل مكفول عنك ورب المال مضاربك و مضارب رب المالك رهنه و شركت مفاوضه و عنانده شركادن برى ديكر شريكك دين تجارت ايچون ويرديكى رهنه عدل اوله من . چونكه بونلردن بعضيسى اصالة و بعضيسى كفالت خسينله مرهوندن مسؤل اولدقلردن برينك يدى ديكرينك يدى كى اولوب يد امانت اوله من .

فقط شركادن برى ديكرينك تجارتك غيرى دينى ايچون عدل اوله بيلور . زيرا دين تجارتك غيريده شريكلردن هر برى ديكرينه اجنبى اولديغندن برينك يدى ديكرينك يدى كى اولمش اولماز .

و مرتهن رهنى قبض ايتدن راهن عدل اتخاذا اولنه من ايسدهده بعدا لقبض رهن راهنه توديع اولنه رق راهنك عدل اتخاذا اولنه بيله چكى ۷۴۹ نجى مادهدن مفهوم اولور .

باب اول

عقد رهنه دائر مسائل بیانده اولوب اوج فصله منقسمدر

فصل اول

وگن رهنه دائر اولان مسائل بیانده در

۷۰۹ ماده راهن و مرتهنك ايجاب و قبولی ايله رهن

منعقد اولور.

كفالت مثللو يالكز راهنك ايجابي ايله رهن منعقد اولماز .
زیرا رهن مرتهنك دیننی توثیق ایدر ایسه ده مرتهن یدنده رهن
بلا تعد ولا تقصیر تلف اولسه قیمتی مقداری دیندن ساقط اوله جنی
جهتله عقد رهن مرتهن حقننده من وجه نافع ومن وجه مضر
اولدیغندن و تعمیر دیگرله عقد رهن من وجه تبرع ومن وجه معاوضه
ایدو کندن بیع مثللو مرتهنك انعقاد رهنده رضایی لازمدر .

فقط قبض بولندجه تمام و لازم اولماز

زیرا عقد لازم اولیوب عقد وثیقه در . چونکه اولاً دین راهنك
ذمتنه تعلق ایتدی کندن راهن رهن مقابلنده مرتهندن برشی استفاده
ایتمدی کی جهتله رهن عقد تبرع اولور تبرع ایسه انحق قبض ايله تمام
اولور .

ثانیاً رهن دینی حکماً استیفادر . حقیقه استیفا قبض ايله حاصل
اوله بيله چکی کی حکماً استیفا دخی انحق قبض ايله اولور .
ثالثاً رهنندن مقصد اصلی راهنی بر آن اول اداء دینه اجباردر .

بو ایسه مرتهنك رهنه وضع ید ایتسیله حاصل اولور .
 اسباب محررہ بقاء رهنك راهن حقنده تمام ولازم اولمسی ایچون
 مرتهنك رهنی ۷۱۰ نجی ماده شرحنده بیان اولنان شرائطه موافق
 اوله زق قبض معتبر ایله قبض ایتسی شرطدر .

قبض وقوع بولمقدن صکره رهن هراییکیسی حقنده تمام ویالکیز
 راهن حقنده لازم اولور مرتهن حقنده لازم اولماز . چونکه ۷۱۶ نجی
 ماده حکمنجه مرتهن خود بخود عقد رهنی فسخ ایده بیلور .

§

قبض ایکی درلودر . برنجیسی قبض حقیقی وایکنجیسی قبض
 حکمیدر . قبض حقیقی معلوم اولوب قبض حکمی تخایه دن عبارتدر .
 یعنی راهنك رهنده قبضه مانع اولان شیرای رفع وازاله ایله قبضه
 تمکین ایتسندن عبارتدر .

بناءً علیه راهنك بو وجهله قبضه رخصت ویرمسیله رهن تسلیم
 ایدلمش اولور . و مرتهن رهنی حقیقه قبض ایتمکسزین یعنی الذه
 المقسزین رهن تلف اولسه مرتهنه ضمان ترتب ایدر . یعنی قیمتی مقداری
 دیندن ساقط اولور .

§

قبض رهن صحیح و معتبر اولمق ایچون راهنك صراحة و یا دلالة
 اذنی بولمق لازمدر . صراحة اذن راهنك « آلاشونی » کی صراحة
 قبضه اذن ویرمسیدر . دلالة اذن مرتهن رهنی قبض ایدر ایکن
 راهنك کور و بده متع ایتماسیدر .

مجلس عقد رهنده رهنی قبض ایچون دلالة اذن کافی ایسده
 افتراق مجلسدن صکره قبض معتبر اولمق ایچون همه حال صراحة
 اذن بولمق لازمدر .

§

مرهون قبل عقد الرهن مرتهنك يد قبضنده بولنديني صورتده
 نظر اولنور . اكر عقد رهندن اول واقع اولان قبض ايله بعد الرهن
 اولان قبض بر جنسـدن ويا خود قبض سابق قبض لاحقـدن اقوى
 ايسه قبض سابق قبض لاحق مقامنه قائم اولور . والا قائم اولماز .
 مثلاً موجر مأجورى ويا مودع وديعه يي مستأجره ويا مستودعه
 رهن ايتدكده تسليم وقبض جديد وقوعـبـولـمـدـجـه صحيح اولماز .
 بناءً عليه اول مال انلك يندنه كما كان امانت اولوب رهن حكمنى اكتساب
 ايلنز .

زيرا بونلك قبضى قبض امانت و مرتهنك قبضى ايسه قبض مضمونـدر .
 قبض امانت قبض مضمون مقامنه قائم اولماز .

فقط مغصوب اولان مال مغصوب منه طرفـدن دينى مقابلـده
 غاصبه رهن ايديلور ايسه تجديد قبضه حاجت يوقدر . زيرا قبض
 سابق قبض لاحقـدن اقوادر . غاصبك يندنه مغصوب بلا تعد ولا تقصير
 تلف اولسه بيله ضمان لازم كلور . حال بوكه مرتهن يندنه بلا تعد
 ولا تقصير مرهون تلف اولسه ضمان لازم كـيـوب يالكـز مرهونك
 قيمتى مقدارى ديندن ساقط اولور . §

قبل القبض رهن تمام اولميه جـنـدن قبل القبض رهن اوزرينه احكام
 ترتيب ايتمز . بناءً عليه رهن راهن يندنه تلف اولسه دين ساقط اولماز .
 كذلك مرتهن مرهونى قبض ايتديكنى سـوـيـلـيـهـرك رهنى طلب
 ودعوى ايتسه صحيح اولماز . حتى اقامه شهود ايدده جـك اولسه استماع اولماز .
 راهن رهنى اقرار ايتسه بيله اوزرينه بر حكم ترتيب ايتمز . اقراريله
 الزام اولميان بر كيمسه يه انكارى تقدير نده خصوصت توجه ايله من ١٦٣٤٠
 بوسيله مبنى رهن سندنده قبض رهن خصوصى مندرج اولمىنجه

مذ کور سنده بناءً لزوم و تمامیت رهن ایله حکم اولنه مز .
بناءً علیه راهن قبل التسليم رهندن رجوع ایده یلور .

۷۰۷ ماده رهنك ايجاب و قبولی راهن [بوشیئی سکا

دینم مقابله رهن ایتدم] دیوب یاخود بو مالدیه دیگر بر

سوز سو یلیوب مرتهن دخی [قبول ایتدم] و یاخود [راضی

اولدم] دیمك كبی رضایه دلالت ایدر برسوز سو یلکدر .

ورهن لفظنك سو یلنمی شرط دکلدر .

مثلاً بری شوقدر غروشه برشی اشترا ایله بایعیه برمال و یرویده [پاره یی
ویرنجیه قدر بونی آلیقوی] دیسه اول مالی رهن ایتمش اولور .

زیرا قول مذ کور رهن معناسنی مفیددر . عقودده اعتبار مقاصد
و معانی یه در . الفاظ و مبانی یه دکلدر .

و بومثال طرفین حضراتنك اجتهادی وجهله یازلمشدر . امام
ابویوسف و زفر حضراتنه کوره لفظ مذ کور ایله رهن منعقد اولیوب
و دیعه اولور .

[مال و یرویده] قیدی اول مالک میعدن بشقه برشی اولمنی
بیان ایچون دکلدر . زیرا مییع قبل القبض ثمنی مقابلنده رهن ایدیه مز
فقط بعد القبض رهن ایدیه یلور . یعنی مشتری ثمنی ویرمکسزین
مییی قبض ایتدکده بیع تقرر ایدرک مضمون بنفسه اوله جفتندن
آنی ثمنی مقابلنده بایعیه ترهین ایده یلور .

اما قبل القبض مییع مضمون بغیره در . یعنی بلا تعد و لا تقصیر
تلف اولسه ضمان لازم کلیوب یالکنز مقابلنده کی ثمن ساقط اولور .

بناءً عليه دين دكلدر . حال بوكه رهنك تعريفنى شرح ايتديكمز
صرده بيان اولندينى اوزره مرهونك مقابلى اولان حق ، حق مالى
اولميدر كه بوندن مقصد دخى ديندر حقيقه و پا حكماً دين اوليان بر
شى مقابلنده رهن النماز .

برده قبل القبض مييعك رهنى جائز اولسه ايدى بر شيدده ايكي
نوع ضمانك اجتماع ايتسى لازم كلورك بوده جائز دكلدر . چونكه
مبيع قبل القبض جميع ثمن ايله مضمون اولور ولو كه ثمن مذكور
مييعك قيمتمندن زياده اوله مرهون ايسه قيمتى ايله ديندن قنعيسى
اقل ايسه انكه مضموندر . شو حالده بو ايكي ضمانك برشيدده اجتماعى
مستحيل اولديغندن مييعك قبل القبض ثمن مقابلنده بايعه رهن ايدلسى
جائز اولماز . §

رهن ، تعاطى و مكاتبه و دلسزك اشارت معهوده سى و وكالت و رسالت
ايله دخى منعقد اولور .

فصل ثانى

انعقاد رهنك شرطلى بياننده در

رهن ؛ صحيح ، باطل ، فاسد اولق اوزره اوچ قسمدر . شرائط
انعقاد و صحتك جمله سى موجود ايسه صحيح ، انعقادك شرائطندن
برى بولمدينى صورتده باطل ، شرائط صحتندن برى بولماز ايسه
فاسد اولور . §

شرائط انعقاد دخى نفس عقده ، راهنه ، مرتنه ، مرهونه ،
مرهون بهه تعلق ايدر .

نفس عقده تعلق ايدن شرط ؛ عقد رهن شرطه معلق و يازمان

مستقبله مضاف اولمالمقدر . چونکه رهن و ارتهانده ایفا و استیفا
معناسی بولندیغی جهتله بیعه بکزر شرطه تعلیق و یازمان مستقبله
اضافه ایله بیع صحیح اولمادیغی کی رهن دخی صحیح اولماز .

راهن و مرتهنه متعلق شرط ۷۰۸ مرهونه متعلق شرط ۷۰۹
مرهون بهه متعلق شرط ۷۱۰ نجی ماده لرده محرردر . شرائط صحت
دخی اشبو فصله ذیل وعلاوه ایدیلهرک بیان قلنور .

۷۰۸ ماده راهن و مرتهنه عاقل اولمسی شرطدر .

اما بالغ اولمسی شرط دکلدر . حتی صبی ممیزک رهن وارتهانی
جائزدر .

رهن ابتداء تبرع وانتفاء معاوضه اولدیغندن کرک راهنه و کرک
مرتهنه نظراً نفع ایله ضرر بیننده متداً عقود شرعیه دندر . بوکی
عقودده ایسه عاقدینک عاقل اولمسی شرطدر . فقط رهن ابتداء ازاله
ملکی موجب اولدیغندن راهنک بالغ اولمسی شرط دکلدر . و مرتهن
حقنده نفع محض اولدیغندن بونک دخی بالغ اولمسی شرط دکلدر .
بناءً علیه صبی ممیزک رهن وارتهانی صحیحدر . انجق مأذون ایسه
نافذدر . زیرا صبی ممیز مأذونک بورجه رهن ویرمسی وآله جفته
رهن قبول ایتسی توابع تجارتدندر . تجارته مأذون اولان صبی انک
توابعندن اولان رهن آلوب ویرمه دخی مأذون اولور . ۹۷۲

اما صبی تجارته مأذون دکل ایسه بیع وشراسی ولی ویاوصینک
اجازتنه موقوف اولدیغی مثللو رهن وارتهانی دخی انلرک اجازتنه
موقوف اولور . ۹۶۷

۷۰۹ ماده مرهونك صا تلغه صالح بر شی اولسی

شرطدر .

بناءً علیه وقت عقدده موجود و مال مقوم و مقدور التسليم اولسی لازمدر .

چونکه بو اوصافی جامع اولیان شیدن استیفای حق ممکن اوله میه جفندن عقدك محلی رهنی قابل اولماز . بناءً علیه معدوم و مقدور التسليم اولیان و یا حر اولان بی آدم کی اصلا مال و یا خود هواده کی قوش و دکرده کی بالق و جبال مباحه ده کی اغاج و صاحبسز اراضیده کی اوتلر کی مملوک و مقوم اولیان شیر ی ترهین باطلدر .

کذلک دین مقابلنده دینك ترهینی جائز دکلدر . زیرا علی الاطلاق دین معدوم اولق حسیله ابتداءً ترهینه صالح مال دکلدر . فقط ۷۴۲ ، ۷۴۷ ، ۷۵۹ نجی ماده لر احکامی مستنادر .

اما مرهون رهنك ملک اولق شرط دکلدر . بناءً علیه برکیمیه دیگرک مالی انک اذنیله و یا خود اذن شرعه بالولایه و بالوصایه رهن ایده بیلور .

۷۱۰ ماده مرهونك مقابلی مال مضمون اولق

شرطدر .

بناءً علیه مال مقصوب ایچون رهن آلق جائزدر . اما امانت اولان مال ایچون رهن آلق صحیح اولماز .

زیرا امانت مضمون اولمدیغندن اعیان غیر مضمونه ترهین ایدلسه انلردن استیفای مطلوب ممکن اولمدیغی کی تلف اولدیغی تقدیرده دخی استیفا ایدیله جک برشی قالماز . [مال مضمون] اولق

ایچون دینک مقابلی عین ایسه ۶۳۱ نجی ماده شرحنده بیان وایضاح اولندیغی وجهله مضمون بنفسه و دین ایسه دین صحیح و لازم اولق ایجاب ایدر .

مضمون بغیره اولور ایسه بعض رایه کوره باطل و مفتابه اولان قوله نظر آ فاسد اولور . §

رهنک شرائط صحتی بوجه آتی بیان اولنور .

۱ : رهنک صحته مرهونک معلوم اولمنی شرطدر .

ظرفین حضراتنه کوره مجهولی رهن فاسددز . امام ابو یوسف خنر تلرینه کوره رهنک معلومی شرائط انعقادندر . مجهول اولور ایسه رهن باطل اولور .

۲ : مرهونک حق ضمانده منازعه بی مؤدنی اوله حق وجهله مجهول اولماننی شرطدر .

مثلا ایکی ساعت اوئوز آلتون مقابلنده رهن ایدیلوبده بری اون و دیکری یکر می التون مقابلنده ایدوکی بیان قلوب فقط قغیسی اون آلتون و قغیسی یکر می آلتون مقابلنده اولدینی تعیین ایدلمسه رهن ینه فاسد اولور .

۳ : رهنک بر وقت ایله توقیت اولنماسی شرطدر .

زیرا رهنک حکمی استیفای دینه قدر مرهونی حبس اولوب توقیف ایسه بوکا منافیدر .

۴ : رهنک مفرغ اوله رق حق راهن ایله مشغول اولمانسی لازمدر . لیکن رهنک بر شخص آخرک مالیه مشغول اولمنی صحته مانع دکلدرد .

مثلا بر کیسه بر اراضی بی ترهین ایدوبده اوزرنده کی آغاجلرینی

تقریق ایتسه رهن فاسد اولور . زیرا آغاجلر اراضینک تمام قبضنه مانع اولور .

فقط برخانه ترهین ایدیلوبده دروننده بشقه سنک اموال و اشیایسی بولنسه رهن صحیح اولور . زیرا تخلیه سی ممکن اولدیغندن قبضه مانع دکلدر .

۵ : رهنک محوز اوله رق حین قبضنده مشاع اولماسی شرطدر . ولوکه شیوع طاری اوله . کړک قابل قسمت اولسون و کړک اولسون و ایستر شریکه و یا بشقه سنه رهن ایدلسون حکماً مساویدر .

چونکه مشاعی قبض ممکن اولدیغندن قابل ترهین دکلدر . و بر مالک مرتهنه تسلیمندن مقصد متادیا انک ید قبضنده مرهون اوله رق بولمقددر . اکر مال مشترکک شریکایه ترهینی جائز اولسه شریک مرتهنک حصه شایعه مرهونه یی بر کون رهن و دیگر کون کنندی ملکی اوله رق امساک ایلسی لازم کلورکه بوصورتده حصه شایعه مذکوره مرتهن یدنده متادیا مرهون اوله رق قالمیه جفندن مانع صحتدر .

رهنک مشاع اولماسی حقنده کی شرط صورت مطلقه ده اولدیغندن حکماً حصه شایعه یی بیع و اجاره و هبه دن فرقی اولوب انلرک هیچ بری ایله قابل قیاس دکلدر .

۶ : رهنک ممیز اوله رق حین قبضنده شاغل متصل یعنی تابع اولماسی شرطدر .

مثلاً بر آغاجک اوزرنده کی میوه سی و بر عرصه نک اوزرنده کی بنا ترهین ایدیله جک اولسه ذکر اولنان میوه و بنا مذکور آغاج و عرصه یی

متصلاً اشغال ایتدیکندن رهن فاسد اولور . زیرا رهنده ثبوت ید لازمدر . بوصورتده ایسه ممکن اوله ماز .

اما شاغل منفصل یعنی بشقه سنه تابع اولیان شیر رهنك صحته خال ویرمر .

مثلا بردكانك ایچنده بولنان اموال و برخانه دروننده کی اشیا مذکور دکان و خانه نك توابع متصله سندن اولمیدیفندن ترهین ایداسه صحیح اولور . §

رهن باطل ایله رهن فاسدك حکملرینه کئنجه : رهن باطل هیچ بر حکم افاده ایتمز . نه زمان راهن مرهونی طلب ایدرسه مرتهن اعطایه مجبوردر . واعطایه ایتمز ایسه غاصب اولور . و مرتهن یدنده مرهون تلف اولسه دین ساقط اولمز . و راهن وفات ایتسه مرتهن سائر غرمایه نسبتله حق رجحانه مالک اولماز . الحاصل مرهون مرتهن یدنده امانت محضه اولوب حکم رهن ترتب ایتمز .

رهن فاسدده ایسه یا دینك ذمت مدیونه یعنی راهنك ذمتنه ترتبندن اول رهن ویرلمشدر و یا دینك ترتبندن صکریه ویریلور . اگر دینك ترتبندن اول ویرلمش ایسه رهن فاسدك حکمی رهن صحیحك حکمی کییدر . و اگر دینك ترتبندن صکریه ویریلور ایسه رهن فاسدك حکمی بعضاً رهن صحیحك حکمنه مغایر اولور . شویله که : راهن فساد بقاء عقد رهنی فسخ ایتدکده مرتهن آله جفنی استیفا ایدنجه قدر مرهونی حبس ایدمیبوب راهنه رد و اعاده یه مجبوردر .

دینك ذمت راهنه ترتبندن اول ویریلان رهن فاسدك تمامیه رهن صحیح حکمنده اولسنك سبی شودر که : مرتهنك راهنه اقراضانده بولنشی مرهونه مقابلدر . اگر مرهونی قبض ایتماش

اولسیدی مرتهن مبلغ مستقرضی راهنه ویرمز ایدی .

دین ترتب ایتد کدن صکره ویریلان رهن ایسه تمامیه رهن صحیح حکمنده اوله مز . چونکه مرتهن بورهنی اولجه ویردیکی پارهیه مقابل مئی پاره ویرمک ایچون آلامش بلکه پارهیی ویرد کدن صکره توثیق بن ایچون آلمشدر . بناءً علیه رهنی حبسه حتی یوقدر . §

دین موعود مقابلنده یعنی بر کیمسه نك قرضاً اعطا ایده جکئی عد ایتدیکی آچهیه مقابل رهن ویرمسیا کرچه دین موعود ابتداء مدوم اولسنه نظراً صحیح اولماق لازم کلور ایسه ده احتیاج ناسه صاحب مروت اولانلرک انجامز وعد ایده جکی مأمول بولنسنه مبنی حویز ایدلمشدر .

لکن کفالت بالدرك ایچون رهن اعطاسی جائز دکلدرد . زیرا کفالت بالدرك ایکی قسم کفالتی متضمن اولوب برنجیسی مبیع الاستحقاق ضبط اولدنی تقدیرده آچهسنی ادا وتسلیمه وایکسنجیسی بک نفسنه کفیل اولمقدرد . ایکسنجی قسمه رهن ویرمک تصور بیله لنه مز چونکه کفالت بالنفس حقوق مجرددندرد . حق مالی دکلدرد که کا مقابل رهن ویریه بیلسون .

برنجی قسمه کلنجه : ضبط اولنه جق مقدار حین عقد رهنده مدوم ایدوکندن بوکا مقابل رهن ویریه مز . ا کر ویرسه مادامکه رهون مرتهنک یدنده مضموندرد . مبیع بالاستحقاق ضبط اولنمقسزین ف اولور ایسه رهن مقابلنده برحق ساقط اولماش اولور . زیرا نك وجوبی تحقق ایتمکسزین استیفاسی ممکن دکلدرد . ا کرچه وخرأ مییمک بالاستحقاق ضبط اولنمق احتمالی وار ایسه ده مادامکه

عقد رهنك انعقادنده دين معدوم اولديغندن طولايي باطل اوليور .
 باطل اولان رهن صحته منقلب اوله من .
 شو تفصيلاته نظراً استقراض ايله درك بيننده فرق حاصل اوليور .
 بونك سببینه کنگجه : در کده مبيعك بالاستحقاق ضبط اولنسی نوادر دندر .
 اعتبار ايسه غالب شایعه در نادره دکدر . حال بوکه استقراضده بویه
 اولیوب چونکه معاملات ناس امنیت اوزرینه جریان ایده جکندن
 واستقراض خصوصنده ضرورت بولنديغندن ومستقرض بهك جست
 جستۀ تأديه سنده مستقرض ایچون فائده اوله جگندن دين موعود
 دين صحيح حکمنده عد اولمشدر . زیرا ضرورتلر ممنوع اولار
 شیء مباح قیلار .

فصل ثالث

مرهونك زوائد متصله سی وعقد رهندن صکره واقع
 اولان تبدیل و زیاده حقنדה در .

۷۱۱ ماده بیعه بلا ذکر داخل اولان مشتملات
 رهنده دخی داخل اولدینی کبی بر عرصه رهن ایدلدکد
 اوزرنده کی بالجملة اشجار یله میوه سی ومغروسات ومزروعات
 سائرہ سی صراحة ذکر اولنسه بیله داخل اولور .

یعنی ۲۳۰ ، ۲۳۱ ، ۲۳۲ نجی ماده لر ايله ۲۳۳ نجی ماده نك فقر
 اخیر سنده بیان اولندینی وجهله عرفاً مبيعك مشتملاتدن ویا جز
 حکمنده اولان یعنی غرض اشترايه مبنی مبیعدن انفکاک کی جائز اولما

یا خود توابع متصله مستقره سندن اولان ویا عرف وعادته مبنی میعه تبعاً صاتیله کلان شیر من غیر ذکر بیعه داخل اولدقلری کی رهنده دخی بلا ذکر داخل اولورلر . و بونلردن بشقه بر عرصه نك بیعنده اوزرنده کی بنا و مغروسات و مزروعات مثللو من غیر ذکر بیعه داخل اولیان و اتصال قرار ایله متصل اولیوب قطع و فصل ایچون بولنان توابع مذکور عرصه نك رهنده من غیر ذکر داخل اولور . ۲۳۳

کذلک حق شرب و حق طریق و حق مسیل حین بیعه علاوه اولنان بعض الفاظ عمومیه دلاتیله تشمیل ایدلمکسزین بیعه داخل اولدینی حالده ۲۳۵ رهنده « کافه حقوقیله ترهین ایدلمشدر » کی الفاظ عمومیه ایله تشمیل ایدلمسه بیله داخل اولور .

چونکه بیعک تمامیتی قبضه متوقف اولدیغندن توابع متصله غیر مستقره من غیر ذکر بیعه داخل اولمز ایسه ده رهنک لزوم و تمامیتنده قبض کامل شرط اولوب ذکر اولنان توابع داخل اولسه قبض تام حاصل اولماز . خصوصیه شیوع معناسی چیقار . شایع اولان مال رهن اولنه من . زیرا حق راهن ایله مشغول اولان مال رهن ایدلمش اولور . بوایه رهنک فسادینی مؤیددر معاملات ناسی فساده نسبتدن ایسه صحته حمل ایتک اولی اولدیغندن بر عقدی صحته حمل ممکن اولدجه فساده حمل ایتک جائز دکلدور .

فقط عدم دخولی تصریح ایدیلور ایسه اول خالده داخل اولیوب آنجق بوتقدیرده عقد رهن فاسد اولور .

اما برخانه رهن ایدلده دروننده کی اشیا من غیر ذکر رهنده داخل اولماز . چونکه اشیا خانه نك توابعندن دکلدور .

۷۱۲ ماده رهنك رهن آخره تبديلي جائزدر.

زیرا رهن قابل فسخ اولان عقوددندر . تبديل دخی اولکی رهنی فسخ ایله بشقه برمال اوزرینه عقد رهن ایتمکدرکه جوازنده اشتباه اولنماز .

مثلا برکیمسه شو قدر غروش دینی مقابلنده بر ساعت رهن ایتدکن صکره بر قلیج کتور و بده [ساعتک یرینه بونی آل] دیسه و مرتهن دخی ساعتی رد ایله قلیجی آلسه اول مبلغ مقابلنده قلیج مرهون اولور .

یعنی بوقلیجی قبض و ساعتی رد ایتدیکی زماندن اعتباراً قلیج مرهون اولور . قلیج قبض اولندیکی زماندن ساعتک ردینه قدر امانت محضه در . بومدت ظرفنده رهن کماکان ساعتدر . چونکه قبض رهن ساقط اولدی . زیرا رهن اول مرتهنك ضماننه قبض و دین سببیه داخل اولمش ایدی . بویکی سبب موجود اولدقجه مرتهنك ضمانندن حقیقه من و رهن اول مرتهنك ضماننده بولندقجه رهن ثانی آنك ضماننه کیره من . زیرا راهن و مرتهن ایکسینک بردن ضماننه دخوله راضی اولمامشدر . ساعت رد اولندقدن صکره قلیج رهن اولور . بناءً علیه قبل الرد مرتهنك یدنده ساعت تلف اولسه قیمتی مقدار دین ساقط اولور . اما قلیج بلا تعد تلف اولسه برشی لازم کلز .

۷۱۳ ماده بعدالعقد راهنك مرهونی تزیدی جائزدر.

یعنی برشی رهن ایتدکن صکره هنوز عقد باقی ایکن ا کا دیگر بر مالی دخی رهن اوله رق علاوه ایتسی صحیح اولور و بوزیاده اصل عقده ملتحق اولور . یعنی اصل عقد کویا بویکی مال اوزرینه وارد اولمش اولور و بویکی مالک مجموعی حین زیاده ده قائم اولان دینه مرهون اولور .

کذلك راهندن غیریسنک مثلاً کفیلنک یاخود برشخص آخرک
 تریدی دخی جائزدر. و بوزیاده رهنک تمامیتنده ینه قبض شرطدر.
 حین زیادهده قائم اولان دین اصل رهنک یوم قبضنده کی قیمتی
 ایله زیادهنک یوم زیاده و قبضنده کی قیمتته انقسام ایدر. بوصورتده
 بونلردن بری مرتهن یدنده بلا تعد تلف اولسه دیندن آنک قیمتی
 نسبتنده مقدار ساقط اولور.

فقط دینک برمقداری قبل الزیاده ایفا اولنش ایسه هر نه قدر حین
 زیادهده قائم اولان دین باقی مرهونلرک قیمتلری نسبتنده انقسام
 ایدر ایسه ده رهن اول دینک تمامته یعنی ایفا اولنان مقدار ایله
 اولنمیانک حصه سنه اصابت ایدن مقدارک مجموعنه مرهون اولمقدن
 حقیقه مز.

مثلاً راهن بیک غروش دینی مقابلهده یدی یوز اللی غروش
 قیمتنده بر ساعتی رهن وتسلیم ایلدکن و بیک غروشک بش یوز غروشنی
 ایفا ایتدکن صکره آلتی یوز غروش قیمتنده بر قلیجی علاوه رهن
 ایله ساعت ایله قلیجک مجموعی حین زیادهده قائم اولان دین که بش
 یوز غروشدر. اکا قارشو مرهون اولور و بش یوز غروشک ایکی
 یوز اللیسی رهن اوله و دیگر ایکی یوز اللیسی دخی رهن ثانییه
 مقابل اولور.

لکن راهن بش یوز غروش بقیه دینی تماماً ایفا ایتدکجه بوا یکی
 رهنندن هیچ بریسی قورتاره مز. و رهن اول مقدما ایفا اولنش اولان
 دین مقدارینه رهن اولمقدن حیقمش عد اولنمیوب رهن اول مرتهن
 یدنده تلف اولدقده چونکه رهن اول اولان ساعت مقدما راهنک
 دیندن اوده دیکی مقدار ایله بقیه دینک نصفنه مقابل اولدینی جهته

دیندن یدی یوز اللی غروش ساقط اوله جغندن مرتهن آلمش اولدینی مذکور بش یوز غروشی راهنه رد و اعاده ایتمهک مجبور اولور .

شوقدر وارکه مرتهنک راهنده رهن ثانییه مقابل ایکی یوز اللی غروش دها آله جینی قالدیغندن بو آله جق معجل اولدینی حالده راهنه اعادهیه مجبور اولدینی بش یوز غروشدن ایکی یوز اللی غروش ایله تقاص و محسوب اولوب متباقی ایکی یوز اللی غروشی رهن ثانی ایله برابر راهنه اعاده ایتسی لازم کلور .

اما رهن ثانی تلف اولدوقده حین زیاده و قبضه قائم و موجود اولان دیندن یعنی بش یوز غروشدن یا لکیز آکا اصابت ایدن ایکی یوز اللی غروش ساقط اولور .

۷۱۴ ماده بر دین مقابلنده بر مال رهن ایدلدکده ینه

اول رهنه مقابل اولوق اوزره دینک تزییدی صحیح اولور .

مثلا برکیمسه بیک غروش دینی مقابلنده ایکی بیک غروشلق بر ساعت رهن ایتدکدن صکره ینه اول رهنه مقابل اولوق اوزره دیندن بش یوز غروش دها آله اول ساعت بیک بش یوز غروشه رهن اولمش اولور . بوماده ماده سابقه نیک عکسیدر . و امام ابو یوسف حضرتلرینک

اجتهادینه کوردیازلمشدر . مشارالیه رهنی بیعه قیاساً ثمن و مثنی ک تزییدی جائز اولدینی کبی دین و مرهونک دخی تزییدی جائزدر بیورمشلر . اما طرفین حضراتی یا لکیز ماده سابقه وجهله رهنک تزییدینی قبول بیوروب فقط بر دین مقابلنده بر مال رهن ایدلدکدن صکره ینه اول رهنه مقابل تزیید دین جائز اولدیغنه قائل اولوب بیورمشلردر که بوضورتده رهنده شیوع طاری اولور . بوده جائز دکلدر . اما دینده شیوع جائز اولدیغندن ماده سابقه حکمی صحیحدر .

امام ابو یوسف حضرت تری دخی بوکا جواباً رهنده شیوعك
محدوری حین تسلیمنده وارد اولوب رهن اولجه تسلیم ایدلدیکندن
تزیید دین ایله حاصل اولان شیوعك عقدی افساد ایتیه جگنی درمیان
ایتمشدر . §

ماده مشروحه دن مستفاد اولدیغنه کوره مرهونك قیمتی دیندن
دها آز اولسه بيله تزییدی جائز اولدیغنی کبی زیاده قلنانك مزید
علیهك جنسیندن اولسی ده شرط دکلدر . مثلاً ثمن مبیع اولان بیک
غروش دینه ضمیمه بش یوز غروش استقراض اولنه بیلور .
فقط زیاده ایدیلان مبلغ اولجه ویرلش اولان رهنه مقابل اولدیغنی
تصریح ایدلر ايسه بالاتفاق مرهون زیادهیه مقابل رهن اولمز .

۷۱۵ ماده مرهوندن متولد زیاده اصل مرهون ایله
برابر مرهون اولور .

زیرا وجودده برشیئه تابع اولان حکمده دخی اکا تابع اولور .
اول زیاده اصل مرهون کبی راهنك ملکی اولور . چونکه کندی
ملکینك جزئیدر . برشیئه مالک اولان انك ضرور یاتندن اولان شیئه
دخی مالک اولور .

[متولد] دن مقصد مرهونك جزئی اولان ویا جزئی حکمنده
بولنان زیاده در . بونلر عقد جدید و مستقله محتاج اولقسزین اصل
مرهونه تبعاً مرهون اولورلر .

اماز یاده غیر متولده که مرهوندن متولد ویا جزئی حکمنده اولمیان زیاده در .
اصل مرهون ایله برابر مرهون اولماز . §

مرتهن زیاده متولده بی اصل مرهون ایله برابر حفظ ایدر .

وزیاده بی استهلاك ایده من. ایدر ایسه ضامن اولور. و بدل ضمان
یدنده مرهون اولور.

اصل مرهون باغ اولوبده زیاده انك اوزمی اولور ایسه مرتهن
اوزمی معتاد وجهله طویلایه بیلور. بوبابده اذن حاکم شرط دکلدر.
زیرا طویلامق حفظ دیمکدر.

فقط طویلار ایکن معتادی تجاوز ایله باغك کندوسنه نقصان
عارض اولسه ضامن اولور. و بونك بدل ضمانی دخی رهن اولور.

زیاده نك حفظنده فسادندن خوف اولنور ایسه ۷۵۹ تجی ماده
موجببنجه مرتهن انی اذن حاکم ایله صاته بیلور.

اصل مرهون وزیاده نك بالاتعد ولا تقصیر تلف اولمسنده اوج احتمال
واردر.

برنجیسی: اصل رهن باقی اولدینی حالدیه زیاده تلف اولور. بوتقدیرده
دیندن برشی ساقط اولماز. چونکه تابع اولان شیئه آیروجه حکم
ویرلمز زیاده وصف قیلمنددر وصف اولان شیئك اصلك مقابلی اولان
دیندن حصه سی اولماز. بو صورتده اصل مرهون دینك تمامنه
مقابل قالور.

ایکنجیسی: اصل رهن تلف اولوب زیاده باقی قالور. بوضورتده
دین اصل رهنك یوم قبضنده کی قیمتی ایله زیادنك اصلدن منفك
اولدینی آنده کی قیمتته تقسیم اولنوب اصله اصابت ایدن مقدار ساقط
اولور. زیاده یه اصابت ایدن حصه بی اوده مدكجه رهن زیاده مذکورده بی
فك ایله مرتهندن اخذاید من. زیرا فك ایله زیاده مقصود بالذات اوله رق
وصفیتدن اصله منقلب اولور.

اوجنجیسی: اصل رهنی تلف اولدقدن صکره زیاده دخی قبل الفك

تلف اولور. بوصورته دینک مجموعی اصل رهن مقابلنده اوله رق
زیاده نك تلف اولمسندن طولایی اكا مقابل دیندن برشی ساقط اولماز.
چونکه فك ایله مقصود بالذات اولمقسزین تلف اولمغله تابع ایچون
بشقه جه حکم ویرلمز .

باب ثانی

راهن و مرتهنه متعلق بعض مسائل بیاننده در

۷۱۶ ماده مرتهن خود بخود عقد رهنی فسخ ایده بیلور.
زیرا رهن مرتهن حقنده عقد لازم دکلدر. چونکه رهنی حبس
وموقوف قیلمق مرتهنك حقیدر هر کس کندی حقندن وازچه
بیله جکسنده مرتهن راهنك رضاسنه باقمقسزین عقد رهنی فسخ
ایده بیلور .

بوکا بناء درکه رهنده مرتهن ایچون خیار شرط جائز اولماز .

§

هر نه قدر مرتهن خود بخود عقد رهنی فسخ ایده بیلور ایسه ده
تمام اولمق ایچون رهنی رد و اعاده لازمدر. بناء علیه بعد الفسخ مرهونی
راهنه ویرمقسزین ضایع اولسه حق حبسی هنوز باقی اولدیغندن دین
ساقط اولور. فقط رهنی راهنه ویردیکی حالدده قبول ایتمسه وبوصره ده
مرهون ضایع اولسه دین ساقط اولماز .

۷۱۷ ماده مرتهنك رضاسی اولمده جه راهن عقد رهنی

فسخ ایده مز .

یعنی بعد القبض فسخ ایده مز. چونکه رهنه مرتهنك حق حبسی

تعلق ایلدیکی جهتله راهن انك حقنی ابطال ایده مز. زیرارهن مرتهنك قبضيله راهن حقنده دخی عقود لازمه دن اولمشدر .

بوکا بناء در که حین عقدده راهن ایچون خیارش شرط درمیانی جائزدر .

§

راهن مدت خیارنده رهنی فسخ ایده بیلور . وبو مدت ظرفنده رهن مرتهن یدنده موقوف حکمنده در . تلف اولور ایسه مرتهن مخیردر . دیلرسه رهن مذکور دیخی ایله ، دیلرسه قیمتی ایله مضمون طوتار .

۷۱۸ ماده راهن و مرتهن بالاتفاق عقد رهنی فسخ ایده بیلورلر .

بوفسخ اقاله اولور .

فقط بعدالفسخ مرتهنك اول رهن مقابلنده کی آله جفنی راهندن استیفا ایدنجیه دکین رهنی حبس وامسا که صلاحیتی وارددر .

زیرا مجردفسخ ایله رهن صحیح حکمدن ساقط اولماز. چونکه مرتهنك آله جفنی وقبض باقی اولدجقه حکم رهن دخی باقی قالور. قبض نقض ایدلدجکه فسخ واقاله تمام اولماز . ورهن مضمونیتدن چیقماز. بناء علیه قبل الرد تلف اولسه قیمتی مقدار دیندن ساقط اولور . اگرچه راهن مرهونك رقبه سینه و مرتهن حق حبسینه مالک اولوب رقبه دخی حق حبسدن اقوی ایسه ده حق حبس وحق دینك اجتماعی سبب ترجیح اولمشدر .

۷۱۹ ماده مكفول عنك كفيله رهن ويرمسی جائزدر

زیرا كفالت كفيلك مكفول عنی مطالبه سینه سیدر . سبب
دینك موجودیتی ایسه صحت رهن ایچون کافیدر . فقط بو كفالتدن
مقصد كفالت بالمادر . زیرا كفالت بالنفس ایچون مرهوندن
استیفای حق متعذردر .

كفالت معلقه یه دخی رهن اعطاسی جائز اولماز . چونكه شرط
تحقق ایتمینجه كفیل مطالب اولماز .

كفالت مكفول عنك امریله اولمق دخی لازمدر .

۷۲۰ ماده بر مدیونك ایکی دائنی كرك بریله شريك

اولسون كرك اولسون كندوسندن بررهن آلسه ل جائز
اولور .

مثلا ایکی کیمنه مشتركاً مالك اولدقلری برمالی صفقه واحده
ایله ویرسیه صاندقده بایعدن بررهن آلسه ل جائز اولدینی کی آیری
آیری آله جقلو اولوب مطلوبلری دخی جنساً غیر متحد یعنی برینك
التون و دیگرینك كوش اولان ایکی اله جقلو مدیوندن بررهن آلسه ل
جائز اولور .

وبو رهن ایکی دینك مجموعی مقابلنده مرهون اولور .

یوقسه رهنك نصفی بر دین و دیگر نصفی اوبر دین مقابلنده رهن
اولماز . زیرا رهن صفقه واحده ایله مجموع دینه مضاف قلمشیدر .
بوصورتده مدیون ایکی دیندن برینی ادا ایلسه كرك قابل تقسیم
اولسون و كرك اولسون رهنك تمامی دیگر مرتهن یدنده مرهون

قالور. انك آله جفنى كاملاً اوده مدكجه رهنك ولو بر مقدارينى اولسون
استرداد ايده من .

وبوصورتله عقد ايديلان رهنده مرهون مجموع دينه مقابل
اولديغندن صحت رهنى اخلال ايدن شيوع يوقدر . فقط مديون
مالنك نصف شايعنى برينه وديكر نصفنى بشقه سنه رهن ايده جك
اولور ايسه بوصورته شيوع بولنه جغندن رهن فاسد اولور . نته كيم
مديونك ايجابنى دانلردن يالكز برى قبول ايتسه رهن صحيح اولماز

§

بويله مرتهن ايكي ورهن بر اولديغى تقديرده رهن قابل تقسيم
دكلسه يا برينك اذيله ديكرى متاديا حفظ ايدر . ويا مناوبه حفظ
ايدرلر . وهربرى نوبتنده ديكرينك عدلى منزله سنده اولور .

رهن قابل تقسيم ايسه هربرى رهندن كندى حصه سنى حفظ
ايدر . حتى بويله قابل قسمت اولان رهندن كندى حصه سنى لاجل الحفظ
ديكرينه ويرر ايسه امام اعظم حضرتلرينك اجتهادينه كوره ضامن
اولور . مكر كه راهن راضى اولمش اوله ٧٨٣

§

ماده مشروجه موجبجه عقد رهن ايدلا كدن صكره مرهون
تلف اولسه مرتهنلردن هربرى كندو آله جفنى نسبتنده رهنى ضامن
اوله رق دينى استيفا ايتمش اولور . رهنك بعضيسى تلف اولور ايسه
حكم ينه بويله در .

مثلا برينك آله جفنى اون ديكرينك بش آتون اولوبده مرهون
اوتوز آتون قيمتمنده اولور ايسه يكرمى آتون قيمتى مقدار تلف اولسه
باقى اون آتون قيمتمنده اولان مقدارى مرتهنلر يدنده اثلاثاً مرهون

اوله رق قالور. اون التون صاحبك آله جفك ثلثانی و دیگرینك آله جفك
ثلاثی ساقط اولور.

۷۲۱ ماده بری ایکی کیمسه ده اولان آله جفی ایچون
بر رهن آله جائز اولور. بودخی آله جفك مجموعنه مرهون
اولور.

شو حالده مديوندن بری کندی دیننی ایفا ایتسه مرتهنه تماماً
استیفای حق ایدنجیه قدر رهنی حفظ ایدیلور.

باب ثالث

مرهونه متعلق مسائل بیاننده اولوب ایکی فصله منقسمدر

فصل اول

مرهونك مؤنت ومصارفی بیاننده در

۷۲۲ ماده رهنی مرتهن بالذات حفظ ایدر. یاخود

عیالی یا شریکی و یاخود خدمتجیسی کبی امینی اولان کیمسه یه
حفظ ایتدیرر.

چونکه مرهون مرتهن یدنده امانتدر. امانت نه صورتله حفظ
ایدیلور ایسه رهنده اول صورتله حفظ ایدلملیدر یعنی ماده مشروحه ده بیان
قلندینی وجهه مرتهن یا بالذات حفظ ایتلی و یاخود عیالی یا شریکی
و یا خدمتجیسی کبی امینی اولان کیمسه یه حفظ ایتدیرملیدر.

[عيال] عينك كسريله اولوب عينك فتحى ويانك تشديديله اولان
 عيلك جمعيدر مرتهن ايله حقيقه ويا حكماً ساكن اولان كيمسه
 ديمكدر زوجه سى وكير اوغلى وقيزى كى بناء عليه زوج زوجه سى
 ولو كه برلكنه ساكن اولسه لر بيله رهنى حفظ ايتديره بيلور چونكه
 زوجه كندوسيله حقيقه ساكن دكسه ده عقد نكاح ايله بينلرنده
 مربوطيت تامه بولنديغندن حكماً ساكندر .

[شريكى] بوندن مقصد شركت مفاوضه ويا عنان ايله شريكى
 ديمكدر چونكه بونوع شركتارده شريكلر يكديكر كاميندردر . ۱۳۵۰
 [خدمتچيسى] بوندن مقصد دخى مرتهنك اجير خاصيدر زيرا
 اجير خاص اميندر . ۶۱۰

الحاصل ۷۸۰ نجى ماده ده محرر اولدينى اوزره مستودع وديعه يي
 امينى اولدينى كيمسه يه حفظ ايتيرديكى كى مرتهن دخى رهنى امينى
 اولدينى كيمسه يه حفظ ايتيرر .

بناء عليه عيالك امين اولسى شرطدر فقط امينك عيال اولسى
 شرط دكلدر . §

مرتهن امينى اولميان كيمسه يه مرهونى حفظ ايتيرر ايسه بلا
 تعد ولا تقصير ضياعى حالنده ضمان غصب مرتب ايدز يعنى رهنك
 مجموع قيمتى ضامن اولور . §

كذلك مرتهن رهنى استعمال ايده مر و ايتديره مر زيرا رهنك
 عينى مرتهن يدنده امانتدر استهلاك ايدر ايسه مجموع قيمتى ضامن
 اولور فقط مرتهن بعد المخالفة وفاقه عودت ايتسه مرهون استهلاك
 ايدلمديكى تقديرده ضمان غصبدن برى اولور .

۷۲۳ ماده پر كراسى و بكجى اجرتى كى رهنك

محافظه سی ایچون اولان مصرف مرتهنه عأندر .

بومثللو مصارف حق حبسیدن طولایی اولوب مرتهن زهنی مادامکه آله جغه مقابل حبس و توقیف ایله انتفاع ایتمشدر کلفت و مضرتی دخی متحمل اولمق اقتضایدر . وبالقرض رهنک قیمتی مقدار دیندن فضله اولسه بیه رهنک تمامی دین مذکوره مقابل اولدیغندن مرتهن مصارف واقعدن دینک قیمت مرهونه نسبهٔ اصابت ایده جک مقدارینی کندوسی و یروب اوست طرفنی راهن ویرسون دیه من حتی مصارف مزبوره راهنه عأند اولمق یاخود مرهونک حفظی ایچون مرتهنه اجرت ویرملک شرط ایدلسه حکمی اولماز .

§

مسئله : رهنک راهنه اعاده سی مصرفی کیمه عأندر ؟ ۵۹۴ نجی ماده شرحنده بیان اولندیغنی اوزره قاعدهٔ بر شیدئک منفعت قبضی کیمه عأند ایسه رد و اعاده سی دخی اکا عأندر رهنده منفعت قبض راهن ایله مرتهنه عأندر انجق راهنک منفعتی مرتهندن زیاده در چونکه مرتهن زهنی قبض ایله آله جفی توثیق ایدلمش ایسه ده رهن بلا تعد ولا تقصیر تلف اولدیغنی حالدده دین ساقط اولدیغندن مضرر اولمق احتمالی واردر راهن ایسه رهن اعطاسی صورتیله دفع احتیاج ایچون استدانیه مقتدر اولیور ثانیاً رهنک رقبه سی و منافعی راهنه عأند اولوب مرتهنک یالکیز جق حبسی واردر ثالثاً عقد رهنندن طوغریدن طوغرییه مستفید اولان راهندر بنابرین مؤنت رد راهنه عأندر مرتهن اوزرینه لازم اولان یالکیز زهنی تخلیه یعنی اوزرندن رفع ید ایتمکدن عبارتدر .

۷۲۴ ماده رهنك حيوان ايسه علفي وچوبان اجرتي
وعقار ايسه تعميري وسقي وتلقيحي واوتلرينك آيقلانسي
وخرقنك تطهيري كي بقاسي واصلاح منافي ايچون اولان
مصرف راهنه عائددر .

زيرا رهن رهنك ملكي اولديني كي منافي دخی انك ملكي
اولديغندن بوكي مصارف دخی اكا عائد اولور چوبان استخدا مندن
مقصد اصلي حيواناتي رعی اولوب حفظانك ضمانتده واقع اوله جغندن
اجرتي راهنه عائد اولور .

مصارف مذكوره مرتهنه عائد اولمق اوزره شرط ايتسه نر موضوع
رهنه مخالف اولديغندن فاسددر حيوانك علفي یعنی اوت و آربه
وصوبي وچوبان اجرتي وعقارك تعميري مصارفی ذات رهنك بقاسي
ايچون و مرهون باعجه ايسه سقي یعنی صولانسي وتلقيحي یعنی اغاچارك
آشیلانسي واوتلرينك آيقلانسي وخرقنك تطهيري مصارفی رهنك
اصلاح منافعه عائد مصارفه مثالدر .

۷۲۵ ماده راهن و مرتهندن بریسی دیکرینه عائد اولان
مصارفی خود بخود ایفا ایتسه تبرعدر .

[خود بخود] دن مقصد یا دیکرینک امری ویا حاکمک اذنی
اولدینی تقدیرده دیکدر . زیرا بشقه سننک اوزرینه لازم اولان شیء
انک امری ویا حاکمک اذنی اولمقسزین ایفا تبرعدر .

صکره مطالبه ایده من .

حتی مذکور مصرفه رهنه شرف کلسه فکندن صکره مرتهنک
مرهونی اوپله جه راهنه رد و اعاده ایتسی اقتضا ایدر .

مثلا مرهون مملوک قوی اولوبده راهن مرتهنه انسکه انتفاع
ایتمسی اباحه ایتسیله مرتهن دخی بلا امر قویونی حفر ایله درینلشدیروب
صونی زیاده لنسه بعد اداء دین قوی بی اوپله جه راهنه اعاده ایلر حفر
ایله شرفی تزیاید ایتدی دیه رک مصرفنی ایسته یه من . §

اما راهن و مرتهنیدن بری دیگرینه عائد اولان مصرفی انک
امریله ایفا ایدرسه رجوعی شرط ایتسه بیله بعدالایفا ۱۵۰۸ نجی
ماده موجینجه اکا رجوع ایدر زیر اتفاق و تعمیره مأموریت شرایه
وکالتی متضمندر وکیل بالشرای دخی ۱۴۹۱ نجی ماده حکمنجه آلمش
اولدینی شیئک ثمنی ایچون موکله رجوع ایده ییلور . §

کذلک راهن و مرتهنیدن بری کندینه عائد اولان مصرفی ایفادن
امتناع ایدوبده دیگرری حاکمه مراجعت ایدرک حاکم دخی بعده اکا
رجوع ایتک شرطیله کندی مالندن صرف ایتک اوزره دیگرینه
امر ایتسکه اوده صرف و ایفا ایتسه بعده مصرفی آلور کندینه عائد
اولان مصرفی ایفادن امتناع ایدن کیمسه کرک حاضر و کرک غائب
اولسون حکم بردر .

فقط رجوع ایچون حاکمک امر مجردی کافی اولیوب بعدالصرف
دیگریته رجوع ایتک شرطیله امر ایتسی لازمدر چونسکه حاکمک
رجوع شرطیله مقید اولمیان امر مجردی الزام ایچون اولیوب بلکه
نظر ایچون اوله رق حسبه اتفاق ایله دیمش اولق اوزره اتفاق متردد
اولدیغندن و اولکیسی مرتبه ادانده بولندیغندن مرتبه اعلا مقصود
اولدینی تصریح ایدلمدکجه ادنا یه صرفی اولادر . §

مسئله : حاکم رجوع ایتک شرطیه واقع اولان امرینه بناءً
مرتبه راهنه عابد اولان مصرفی ایفا ایتد کده امام اعظم حضرت تهرینه
کوره مرتبه بوم صرفه مقابل رهنی حبس ایده من ایسه ده امامین
حضراتنه کوره حبس ایده بیلور یعنی بونده دخی رهن حکمی
جاری اولور . §

راهن کندوسته عابد اولان مصرفی ایفادن امتناع و یا غیوبت
ایدر واستتحصال مأذونیت ایچون رهنک اولدینی محله حاکم بولماز
یا خود اذن حاکمک استحصال ممکن اولماز ایسه مرتبه اختیار مصرفه
مضطر قاله جفندن وضرورتلر ممنوع اولان شیلری مباح قیله جنی کی
اضطراردخی غیرک حقنی ابطال ایتیه جکندن مرتبه معروف مقداری
مصارفی بعدالادا راهنه مراجعت ایدر فقط نقدر مصرف ایتدیکنه
دائر افاده سی کافی اولیوب علی الاصول اثبات ایلسی لازم کلور .

فصل ثانی

رهن مستعار حقنده در

۷۲۶ ماده برکیمسه دیکرک مالنی استعاره ایدوبده

انک اذنیله رهن ایتک جائز اولور و بوکا « رهن مستعار »
دیلولور .

عاریت ، اعاره ، استعاره لفظلری دخی کتاب الاماناتده مندرج
۷۶۵ ، ۷۶۶ ، ۷۶۷ نجی ماده لرده تعریف اولمشدر .

رهن مستعارک کتاب الرهنده آریجه بیان و تفصیل اولمشی
بعض احکام مخصوصه سی بولندیغنه منیدر . مثلاً رهن مستعار بعض

احکامده عاریت کی اولدینی حالدہ دیگر بعض احکامده عاریتدن
افتراق ایدر . §

رهن مستعارک سبب جوازینہ کلنجه معلومدر که رهن حکماً
ایضای دین قیلندندر بر کیسه دیگر کسه نك بورجنی کفالت طریقله
ایضا ایدیه یله چکی کی مالی دخی بورجنه مقابل رهن ایدیه یلورنته کیم
مستعیرک بورجنه کفیل اولمق صحیحدر . تعیر دیگرله بر کیسه نك
ذمتنه دیگر کسه نك بورجنک تعلق ایتسی صحیح اولدینی کی معیرک
مال مستعاری ترهینه اذن ویروبده اول بورجنک کندی مالنه تعلق
ایتمسی دخی صحیحدر .

اما مال صاحبی اجازت ویرمکسزین مال مستعاری مستعیر اخره
رهن ایدر سه زهن فضولی اوله جفتدن مال صاحبی مطلع اولدقده
اجازت ویررایسه صحیح ومعتبر اولور . ویرمزایسه حقننه حکم غصب
جریان ایدر .

۷۲۷ ماده مال صاحبنک اذنی مطلق ایسه مستعیرانی

هر وجهله رهن ایدیه یلور .

چونکه نصاً ویا دلالة تقید دلیلی بولندقجه مطلق اطلاق اوزره
جاری اولور . خصوصیه اعارده اطلاق واجب الاعتباردر . زیرا
اعاره مساحه اوزرینه مبتنی اولدیغندن آنده جهالت نزاعه مؤدی اولماز .

۷۲۸ ماده مال صاحبی شوقدر غر ویش ویا شو جنس مال

مقابلنده یا خود فلان آدمه ویا خود فلان بلده ده رهن ایدملک

اوزره دیو مقیداً آذن ویردکده مستعیر دخی انجق انک
قید و شرطنه موافق اوله رق رهن ایده بیلور .

بوماده وجهله مال صاحبی ذکر اولنان درت شیدن یعنی جنس
دین، مرتهن، بلده رهن و مقدار دیندن بریسیله مقیداً آذن ویره چکی
کی بونلرک کافه سنی دخی تقید ايله آذن ویره بیلور. و مستعیر معیرک
قید و شرطنه مخالفت ایده مز .

زیرا جنس دینی تعیینده معیر ایچون منفعت واردر . چونکه
معیر دینی ایفا ايله مالی تخلیص ایتک ایستدکده بعض جنس اچیهی
ایفا ایتک کند و سنجه دیگر جنس اچیهی نسبتله قولای اولور . شخص
مرتهنی تعیین دخی مفیددر زیرا اشخاص امانتده و مالی محافظده
متفاوتدر . بلده رهنی تعیین دخی موجب فائده در . چونکه دیگر
بر بلدهیه قدر کیدوب مالی تخلیص ایتک معیر ایچون مشکل اولور .
معیرک مقدار دینی تعیین و تقدیرده ایکی غرضی اوله بیلور . برنجیسی :
بورجک قلیل اولمسیدرکه لدی الحاجه ایفاسی مشکل اولسون
ایکنجیسی : مرهون به اولان دینک رهن مستعارک قیمتدن دون
بولمسیدرکه اول رهن ید مرتهنده تلف اولدقده قیمتی تماماً رهن
مستعیردن آله بیلسون . §

بنابرین معیر دینک مقدارینی تعیین ایتدکده رهن مستعیرک بوکا
مخالفتی یا اکثره ویا اقله اوله بیلور . اگر مستعیر رهن مستعاری
اولمقداردن اکثره رهن ایدرایسه علی الاطلاق جائز اولماز . و معیر اول
رهنی فسخ ایده بیلور . چونکه تعیین ایلدیکی مقداردن اکثره رهن
ایتک معیرک سالف الذکر برنجی غرضنه منافی اولور .

مستعير معيرك تعين ايتديكى مقدار دن اقله رهن ايدرايسه بونده
 اوج احتمال واردر شويله كه: رهنك قيمتى يامعيرك تعين ايلديكى مقداره
 مساوى ويانندن اقل وياخود ازيد اولور. مستعيرك رهن ايتديكى
 مقدار معيرك تعين ايلديكى مقدار دن اقل اولوبده رهنك قيمته مساوى
 ويا زياده ايسه معيرك هر ايكي غرضنه توافق ايتديكنه بناء رهن
 جائز اولور.

امامعيرك تعين ايتديكى مقدار دن اقله رهن ايدوبده مقدار دين
 رهنك قيمتتندن ده اقل اولورايسه معيرك ايكنجى غرضنه موافق اولمدينى
 جهته بورهن جائز اولماز.

ايشته بوندن اكللاشيلور كه [انحق انك قيد و شرطنه موافق اوله رق
 رهن ايد بيلور] جمله سى مطلق دكلدر.

§

تفصيلات محرره يه نظراً راهن مستعير اشبو ماده حكمنجه مخالفت
 جائز اولميان قيود و شروط مراعات ايتمهرك مستعارى رهن ايدرايسه
 غاصب اولور. بوضورتده معير مخير اولوب ديگر سه مجيز اوله رق عقد
 رهنى اتمام ايدر. ديگر سه رهن مرتهن يندنه موجود اولدينى و
 ۱۶۳۷ نجى ماده ده بيان قلندينى وجهله راهن دنخى حاضر بولندينى
 حالده مرتهن دن دعوى ايدرك عقد رهنى فسخ ايله مرهونى استرداد
 ايلر. اكر تلف اولمش ايسه ديگر سه مستعيره و ديگر سه مرتهنه مثلى
 ويا قيمتى تضمين ايتديرر.

مستعيره تضمين ايتديررايسه مستعير رهن و تسليم ايلديكى زماندن
 اعتباراً مال مستعاره مالك اوله جفتدن رهن تمام و نافذ اوله رق سائر
 رهنلر مثلاً مرتهن حقتده مضمون اولور مرتهنه تضمين ايتديررايسه

رهنگ حکمی قلمیه جفی جهتله مرتهن ضامن اولدینی شی ایله راهن
مستعیره رجوع ایدر . والله جفی دخی اندن بشقه جه استیفا ایلر

باب رابع

رهنگ احکامی بیاننده اولوب درت فصله منقسمدر

فصل اول

رهنگ احکام عمومی بیاننده در

۷۲۹ ماده رهنک حکمی فکنه قدر مرتهنک حق

حبسی اولق و راهن فوت اولدقده سائر غرمادن احق
اوله رق رهندن استیفای دین ایده بیلماکدر .

بومادهده رهنک باشلیجه احکام اولان ایکی شی بیان قلیور .
برنجیسی رهنک فکنه قدر مرتهنک حق حبسی اولق ایکنجیسی
مرهوندن استیفای دین خصوصنده سائر غرمایه حق رجحانی
بولنقدردر . برنجی حکمدن اگلاشلدینی اوزره مرتهنک مرهون
اوزرینه اولان حق یالکیز حق حبسدر یوقسه حق تمک دکدر .
حتی راهن « فلان وقته قدر ایفای دین ایده من ایسم اشبو رهن
بورجم مقابلنده سنک اولسون و یاسکایع ایدلش اولسون » دیسه شرط
باطل و رهن صحیح اولور .

قبل الاسلام بین العرب بوکی شرطلر جائز و مرعی ایدی . صاحب
شریعت صلی الله تعالی علیه وسلم افندمن حضرتلری منع بیورمشلرددر .

ایکینچی حکمه کانجه : رهن ذاتاً کندوسندن استیفاسی ممکن اولان برحق مقابلنده آلدیغندن اوزرینه مرتهنك حق تعلق ایتدیکی جهته راهنك وفاتنده ویاخود حیاتنده رهن صاتلقدده مرتهن سائر غرمایه ترجیحاً استیفای حق ایدر .

نمن مرهوندن فضله قالدقدده دیگر غرمایه تقسیم واعطا قلنور .
نمن مزبور مرتهنك مطلوبندن نقصان اولور ایسه اشبو نقصان ایچون مرتهن دیگر غرما مثللو راهنه واکر اوفات ایتمش ایسه ترکه سنه مراجعت ایدر .

§

مرتهنك راهنده بشقه بشقه آله جنی ومقابلنده بشقه بشقه رهنی اولور ایسه هربری حقنده بروجه محرر معامله اولنور . یوقسه متعدد رهنلرک راهن و مرتهنی عینی شخصلردو دیو مذکور رهنلرک مجموع ثمنی دیون متعدده یه جمعاً قارشولق اتخاذا اولنماز .

§

شو تفصیلاته نظراً ماده مشروحه ده واقع [راهن فوت اولدقدده] جمله سی قید احترازی اولیوب راهن حیاتده ایکن مرهون صاتلقدده ینه بروجه محرر معامله اولنور .

§

رهنك فکی دینك كرك راهن وكرك آخر بر شخص متبرع طرفندن تأدیه ایدلمسی ، یاخود مرتهنك اولدینی راهنه هبه ویا تصدق ایدوب انكده قبول ایتسی ، ویا راهنی آندن ابرا ایلسی ، یاخود مرتهن دائنی راهن اوزرینه حواله ایتسی ایله اولور . بونلرک اسبابی ۶۹۹ نجی ماده شرحندن مستبان اولور . لیکن راهنك مرتهنی بشقه سی اوزرینه حواله ایتسیله مرتهنك حق حبسی ساقط اولوب اولیه جنی مسائل مجتهد فیهان اولوب ۶۹۰ نجی ماده شرحنده بیان وایضاح ایدلمشدر .

§

رهن فك ايدللكده مرتهنك رهني راهنه تسليم يلسي دخي رهنك
 جمله احكامنددر . بناءً عليه راهن بعدالفك رهني طلب ايدوبده
 مرتهن تسليم ايلسه غاصب اولور .

كذلك مرتهن بعدالفك اول رهني بشقه آله جفني مقابلنده حبس
 وتوقيف ايده من .

۷۳۰ ماده رهن بورجك مطالبه سنه مانع اوليوب

رهني قبض ايتدكدن صكره دخي مرتهنك راهندن آله جفني
 مطالبه يه صلاحيتي باقيدر .

يعني رهن ايله حق مطالبه ساقط اولماز . چونكه رهن آلمقدن
 مقصد ديني تقويه وتوثيق ايتكدرد . دائنك دين ضعيف ايكن حق
 مطالبه سي اولنجه دين توثيق وتقويه ايدللكدن صكره حق مطالبه نك
 وجودي اولويتله ثابتدر . §

بوصورته مرتهن آله جفني تماماً وا كر مقسط ايسه حلول ايدن
 تقسيطني طلب ايتدكده راهن مرهونك يد مرتهنده موجود اولديفني
 اقرار واعتراف ايدر ايسه دينك تمامي ويا تقسيطني ادا ايتك اوزره
 راهنه امر اولنوره . واولا راهن ديني ايضا وبعده مرتهن رهني راهنه
 اعاده واعطايدرد . چونكه رهن بيعه مشابهدر . رهنده كي دين بيعده كي
 مته و مرهون بيعه قياس اوانه بيلور . زيرا راهنك حق معيندر كه اوده
 مرتهنك يدنده كي مرهوندر . حال بوكه مرتهنك حق راهنك ذمته

تعلق ایتمکه غیر معیندر شو ایکی حق بیننده تحقق مساوات ایچون
 راهن مرتهنک حقنی تعیین ایتک اقتضا ایدر. دین ایسه عین اولمدیغی
 جهتله ادا و تسلیم ایله تعیین ایدر .

ثانیاً رهنک مرتهن یدنده بولمسی توثیق دین ایچوندر. اول مرتهن
 رهنی تسلیم ایده جک اولور ایسه بو وثیقه زائل اولور . مثلاً مرتهن
 اول مرهنی تسلیم ایتدیکی حالدده مطلوبی استیفا ایتدن راهن وفات
 ایدر ایسه مرتهنک مرهون اوزرنده کی حق رجحانی ساقط اوله جغندن
 غرمایه داخل اولق لازم کلوب بوا یسه رهن اخندن مطلوب اولان
 فائده نی فوت ایدر . §

اما راهن رهنک ید مرتهنده سالماً موجود اولدیغنی اقرار ایتیب
 رهن تلف اوله رق دینک ساقط اولوب اولمدیغی ا کلا شملق ایچون
 رهنک احضار نی طلب ایتدکده نظر اولنور . اکر رهنک احضاری
 حمل و مؤننه متوقف دکلسه حاکم رهنی احضار ایتک اوزره مرتهنه
 امر ایدر . وا کر حمل و مؤننه متوقف ایسه امر ایده مز . زیرا
 ۷۲۳ نجی ماده شرحنده افاده ایدلدیکی اوزره مرتهن اوزرینه واجب
 اولان رهنی بالتخلیه تسلیمدن یعنی رفع ید ایتمکدن عبارتدر . یوقسه
 رهنی بر محالین دیگر محله نقل ایتک و مصارف نقلیه و حملیه بی ایفا ایتک
 واجب دکلدر .

رهنک احضاری حمل و مؤننه متوقف اولدیغنی تقدیرده راهنک
 طلیله مرتهنه مرهونک تلف اولمدیغنه یمین تکلیف اولنور . یمین ایدر
 ایسه ینه اولا راهنک دینی ادا بعده مرتهنک رهنی اعطا ایتسی لازم

كلور . مرتهن یمندن نكول ایدرایسه ایفای دین ایتك اوزره زاهنه
 امر اولماز . §

لكن رهن ید عدلده کی رهنك هلاکنی ادعا ایتدکده مرتهن
 رهن مذکورك احضاریله مکلف اوله ماز . ولو که رهنك حمل
 وموتی اولسون بوصورته یالکز مرتهنه عدم علمه یعنی رهنك
 ید عدلده تلف اولدیغنی بیلمدیکنه یمین ویریلور . §

عدل رهنی انکار ایله کندو مالی اولدیغنی ادعا ایدرایسه مرتهن
 آله جغنی مطالبه ایده مز . زیرا انکار رهن تلف حکمنده در . مکرکه
 آنک رهن اولدیغنی اثبات ایده .

۷۳۱ ماده دینك بر مقداری ایفا اولندقدہ ا کا مقابل
 رهنك بر مقدارینی رد ایتك لازم کلیوب بقیه دینی تماماً
 استیفا ایدنجیهك مرتهنك مجموع رهنی حبس وامسا که
 صلاحیتی واردر .

بو حکم بعینه بایع یدنده اولان میبع کیلدر . ۲۷۸ نجی ماده
 حکمنجه میبعده بایعك حق حبسی مجموع ثمنه مقابل اولدیغنی کی رهنده
 دخی مرهونك تمامی مجموع دینه مقابله در . ذاتاً مقصد توثیق دین
 اولدیغندن بو وجهله توثیق دین مکملأ حاصل اولور . وعقد رهن
 مجموع دین اوزرینه وقوعبولدیغندن تفریق صفقه جائز دکلدر . یعنی
 اجزاء رهن اجزاء دینه منقسم اولماز انجق مرتهن رضاسیله مرهوندن

بر مقدارنی رد ایدرسه جائز اولوب مقدار متباقی حقنده کی لحق حبس ساقط اولماز .

فقط ایکی شی رهن اولندقدده هر بری ایچون دیندن بر مقدار تعیین اولنش ایسه بریسی ایچون تعیین اولنان مقدار ادا اولندقدده راهن یالکز آنی تخلیص ایده بیلور .

یعنی ۱۷۹ نجی ماده حکمنجه تفریق صفقه جائز اولدیغندن ۲۷۹ نجی ماده موجبجه بایع اشیای متعدده بی صفقه واحده ایله صنادقدده هر برینک بشقه بشقه بهاسنی بیان ایتمش اولسه بیله تماماً ثمنی قبض ایدنجیه دک مجموع میعی حبس ایده بیلور . رهنده ایسه بوجه محرر تفصیل دین ایدلکده مرهون اولان اشیای متعدده دن برینک قیمتی مقداری دیندن ادا اولندقدده راهن آنی تخلیص ایده بیلوب مرتهن بیعه قیاساً تسلیمدن امتناع ایده من .

مثلاً راهن شو ایکی حیوانی اوچ بیک غروشه ترهین ایتدم . شوبیک غروشه و بو ایکی بیک غروشه دیدکدن صکره دیندن بیک غروش ادا ایتسه بیک غروشه مقابل اولق اوزره ترهین ایتمش اولدیغی حیوانی تخلیص ایده بیلور .

چونکه بیع اسباب تملکدندر . میعهده کی ملکیت بر شخصدن شخص آخره انتقال ایده یور . بناءً علیه بیعهده تفصیل ثمن ایله عقد تعدد ایتدیگنی فرض ایتسه ک بایع مالک ادناسنی اغلاسنه علاوه

ايدرك صاته بيله جكندن تفريق صفقه ايله متضرر اولسي محتملدر .
 اما رهن اسباب تملكدن اولديغي جهته مرهون راهنك ملكنده
 باقى اولديغندن تفصيل دين ايدلديكي حاله رهن اولان شيلردن بعضيسنك
 رد واعاده سيله مرتهن حقنده ضرر تصور اولنه من . §

[ايكى شى] جمله سى برشيدن احتراز اچوندر چونكه بر كيمسه بر شى
 رهن ايدوبده نصف شايعى دينك بر مقدارينه ديكر نصف شايعى
 مقدار متباقيسنه مقابل طوتسه رهن مشاع اوله جغندن جائز اولماز .

۷۳۲ ماده رهن مستعارى تخلص ايله كندويه تسليم
 ايتك اوزره صاحبك راهن مستعيرى مؤاخذه يه صلاحيتي
 واردر .

اعاره مطلق اولور ايسه معير مستعيرى كرك بالذات كرك حاكمه
 مراجعتله هر زمان مؤاخذه ايدوبيلور . اما اعاره بر وقت ايله مقيد
 ايسه وقتك انقضا سندن اول رهنى تخلص ايتك اوزره معير راهن
 مستعيرى مؤاخذه ايدنه من .

ومستعير فقرى سبيله اداء ديندن عاجز اولديغي صورتده
 معير اول دينى كندو طرفندن ادا ايله مالنى رهندن تخلص
 ايدوبيلور .

فقط رهنك قيمتي دينك مقدارندن اقل اولسه بيله دينك تمامي

ادا ایتدکجه رهنی تخلیص ایده من . چونکه مرهون دینک تمامنه
مقابل اوله رق رهن ایدلمشدر . §

معیر مالی تخلیص ایچون اداء دینه مجبور ومضطر اولدیغندن
بو وجهله دینی ایفا ایلمسی تبرع اولمیوب راهن مستعیره رجوع ایدر
بوکا بناء درکه مرتهن اله جغنی قبضه ورهنی معیره رده مجبور اولوب
امتناعه صلاحیتی یوقدر .

اما بر شخص آخر دینی اوده یه رک رهن مستعارک معیره ردینی
طلب ایده جک اولسه مرتهنک امتناعه یعنی اول پاره نی قبول ایتماکه
صلاحیتی درکاردر . چونکه شخص مزبور متبرع اولوب متبرع ایسه
داینه خصم اوله ماز . §

معیر مستعیره رجوع ایده جک اولدقده مؤدا ایله رجوع ایده میوب
رهنک ید مرتهنده هلاکی تقدیرنده دیندن نه مقدار ساقط اولمش
ایسه انیکله رجوع ایدر . بو صورتده رهنک قیمتی دینک مقدارندن
اقل ایسه انجق رهنک قیمتی مقدارینی آله بیلور . رهنک قیمتندن
فضله اولان مقداری ایفاده متبرع اولور . §

۷۲۳ نجی ماده شرحنده بیان قلندیغنی وجهله رهنک مصارف
ردیه سی راهن اوزرینه اولدیغندن معیر رهن مستعاری تخلیص
ایتدکده مصارف ردیه سی معیر اوزرینه اولوب ۸۳۰ نجی ماده یه
نظراً مطلقاً عاریتده اولدیغنی کی مستعیر اوزرینه دکلدر .

۷۳۳ ماده راهن و مرتهنک وفاتیه رهن باطل اولماز .

چونكه رهندين مقصداً تأمين ديندر. كرك راھن و كرك مرتهندن
ايكيسنك و كرك يال كز مرتهن و يار اھنك و فاتيله دين ساقط اولميه جغندن
رهن دخي ساقط اولماز .

۷۳۴ ماده . راھن فوت اولدقده ورثه سي كبار ايسه
انك مقامنه قائم اولوب تركه دن تأديۀ دين ايله رھني تخلص
ايتلمري لازم اولور .

اما ورثه كندى ماللرندن ديني ادا ايله رھني تخلصه اجبار اولنه مز .
چونكه ولو كه ورثه اولسون بر كيمسه كندو مالندن ديكرينك
بورجني اوده مكه مجبور دكلدر . بناءً عليه متوفانك تركه سي بولماز
ويا بولنوبده دينه وفا ايتمز و ورثه دخي ارزولريله كندو ماللرندن ديني
ادا ايله رھني تخلص ايله مز ايسه مرتهنك طلبى اوزرينه رهن اذن
حاكم ايله صاتيلوب دين ايفا اولنور .

واكر ورثه صغار ايسه يا خود كبار اولوبده غائب يعني مدت
سفر بعيد اولان يرده ايسه وصيسي مرتهنك اذنيه رھني
صاتوب ثمنندن تأديۀ دين ايلر .

[مرتهنك اذنيه] جمله سندن مقصد رھنك ثمنى تأديۀ دينه
كفايت ايتديكي تقديرده در . چونكه بوضوئده مرتهن مرور زمان
ايله رھنك قيمتي ترايد ايدرده كندو اله جغه وفا ايدر مطالعه سيله

رهنی صاډيرمقدين امتناع واله جغنی استيفا ايډنجه يه قدر حبس وامسا که
قادر اولور .

اما رهنك ثمنی تأديۀ دينه وفا ايدر ايسه مرتهن راضی اولمسه
دخی رهن صاډيريلوب دين تأديه ايديلور . زیرا بو صورتده مرتهن
ايچون مرور زمان ايله رهنك تزايد قيمتندن فائده حاصل اولماز .

§

فقرة اولی حکمنه نظر آ متوفانك ورثه سی کبار وترکة سی اداء
دينه کافی اولديغی حالده رهن صاډيلوب ترکه دن ايفای دين اولنيور
ايدی . ورثه صغیر ویا غائب یعنی اوچ کونلک ودها زیاده مسافه ده
۱۶۶۴ اولديغی تقدیرده ترکه اداء دينه کافی اولسه بيله ترکه دن تأديۀ
دين ايديلوبده فقرة ثانیه ده بیان اولنديغی اوزره مرهونك صاډیسی
وصیلر مورثلرینك یرینه قائم اولوب تسویه امورہ مأمور بولندقلرندن
وتسویه ايچون رهنی صاډیق اولی اولديغندندر .

§

راهن متوفانك هيچ وارثی بولمديغی تقدیرده مرتهن حاکمه
بالمراجعة رهنی صاډيروب ائمانندن استيفای مطلوب ايدر .

۷۳۵ ماده راهن مستعیر کرک بر حیات بولنسون

کرک فك رهندن مقدم فوت اولسون رهن مستعارك مقابلی
اولان بورج ادا اولمديجه معیر اولان کیمسه مالنی مرتهندن
آلهماز .

زیرا رهنك حكمی مرتهنك استیفای دین ایدنجیه دك انده حق حبسی بولمقدور . راهنك وفاتیله رهنك حکمنه خلل کلدیکی کبی راهن مستعیرك وفاتیله رهن مستعارك دخی حکمنه خلل کلز . هر نقدر رهن مستعارك مالکی بر بشقه سی ایسه ده مادامکه مال مستعار مالکینك اذنیله ترهین ایدلمشدر . اوماله مرتهنك تعلق حقنه صاحبی راضی اولمش اولدیغندن بالذات اداء دین ایدرك یاخود مستعیر حیاته ایسه آنی تضییق ووفات ایتدکده ترکه سندن ادا ایتدیره رك تخلیص ایلمسی لازم کلور .

۷۳۶ ماده راهن مستعیر اولان کیمسه مفلس مادیون اولدیغنی حالده فوت اولسه رهن مستعار مرتهن یدنده علی حاله مرهون قالور .

یعنی راهن مستعیرك وفاتیله رهنك مرهونیتته ومرتهنك حق حبسنه خلل کلز . اداء دین ایله فك رهنه مرتهن طرفسندن معیر اجبار ایدیله من . چونکه هیچ بر کیمسه اوزرینه کفالت کبی بر سبب شرعی اولمقسزین دیکرك بورجی اوده مك لازم کلز .

فقط معیرك رضاسی اولمدجه صائلاز .

چونکه رهن مستعار معیرك ملکیدر . معیر رهن ایدلك اوزره اعاره ایتمسیه انحق رهن ایدلمسینه راضی اولمش اولوب صائلمسینه راضی اولمامشدر . بنام عایه صائلمسی عقد رهنك مقتضیاتندن دکلدر . بو حالده

حاکم مرتهنه معیر ایفای دین ایدنجیه قدر رهنی حبس و امساک ایلمسی لازم کله جکئی تفهیم ایلریوقسه ۷۵۷ نجی ماده کیه قیاساً رهن مستعاری بیع ایده مز .

ومعیر رهنی بیع ایله تأدیة دین ایددجک اولدقده ثمنی دینه وفا ایدرسه مرتهنک رضاسنه باقلمقسزین صاتیلور .

زیرا مرتهنک حق حبسی انجق اله جغنی تماماً استیفا ایده بیلمک ایچوندر . بو مقصد حاصل اولنجه رهنک صاتلمسند رضاسی اولوب اولدیغنه باقلماز .

واکر رهنک ثمنی دینه وفا ایتمز ایسه مرتهنک رضاسی اولدجقه صاتیله مز .

چونکه مرهونک حبس و توقیفنده مرتهن ایچون - معیر رهن اولان مالنه محتاج اولورده دینی تماماً ادا ایله تخلیص ایتک یاخود زمان کچمکله رهنک قیمتی آرتورق مرتهن اله جغنی تماماً استیفا ایده بیلمک کی - منافع ملحوظدر .

۷۳۷ ماده معیر اکر دینی ترکه سندن ازید اولدیغی

حالده فوت اولسه راهنه بالنفس دینی تأدیة ایله رهن مستعاری تخلیص ورد ایتک اوزره امر اولنور واکر فقری

سبيله تأديۀ ديندن عاجز اولورسه اول رهن مستعار على حاله
مرتھن عندنده مرھون قالور .

فقط ورثۀ معير بورجى ادا ايله انى تخلص ايده ييلورلر .
ومعيرك دايىلىرى رهنك ينعنى مطالبه ايتدكلرنده ثمنى
دينه وفا ايدر ايسه مرتھنك رضاسنه باقلمقسز ين صاتيلور .
واكر وفا ايتمز ايسه مرتھنك رضاسى اولمدجھ صاتيله مز .

يعنى رهن مستعير مفلساً وفات ايتدكده مادۀ سابقه ده بيان
قلندينى وجهله رهن مستعار معيرك رضاسى اولمدجھ صاتيله مدينى كې
معير مفلساً وفات ايتدكده دىخى معيرك دايىلىرى طلب ايتدكجه ورهنك
ثمنى دينه وفا ايتدكجه مرتھنك رضاسى اولقسز ين رهن مستعار
صاتيله ميوب مرھون اوله رق قالور .

۷۳۸ ماده مرتھن فوت اولدقده رهن انك ورثه سى

عندنده مرھون اوله رق قالور .

يعنى مرھونك زھنيته خلل كليونب ورثه مورثلىرىنك مقامنه قاشم

ومتوفانك حقوق ووظائفى انلره ثابت اولور . §

مرتھن متوفانك وارثى غائب اولور . ويا هيچ وارثى اولماز ايسه

حاکم رهنی حفظ و راهندن دینی استیفا ایدوب مرهونی رد ایلک
اوزره وصی نصب و تعیین ایدر .

۷۳۹ ماده ایکم کیمسه یه اولان دینی ایچون بر رهن
ویرمش اولان راهن برینه اولان دینی ادا ایتسه رهنک
نصفنی استرداد ایده میوب ایکسینک دخی آله جغنی تماماً ایفا
ایتمدجه رهنی تخلیصه صلاحیتی یوقدر .

یعنی بو رهن کما کان ایکی دائن یئنده مرهون اوله رق قالور .
چونکه عقد رهن مجموع دین اوزرینه واقع اولدیغندن تفریق صفقه
جائز دکلدر . بناءً علیه دائلردن بری حصه سنی استیفا ایتدکدن صکره
رهن دیگر دائن یئنده تلف اولسه مذکور رهن ایکی دین نسبتده
مضمون اوله جغندن اله جغنی استیفا ایدن دائنک آله جغندن رهنک
تلفی سببیه نه مقدار ساقط اولمش ایسه انی مدیونه اعاده ایتسی لازم
کلور . زیرا مرهون یدراهنه واصل اولدجه ایکسینک دخی ارتهانی
باقی اولوب هیچ بری ضمان رهندن قورتیله من . بری دیگرینه ک
عدلی دیمکدر . §

مرتهلردن بری اله جغنی استیفا ایتدکدن صکره دیگر مرتهن
رهنی اتلاف ایتسه مثلیاتدن ایسه مثلی و قیمیاتدن ایسه یوم اتلافنده کی
قیمتی ضامن اولور . اکر یوم قبضنده کی قیمتی یوم اتلافنده کی قیمتدن
زیاده ایسه اول زیاده آفت شماویه ایله تلف اولمش کی عد اولنه رق

ایکی دین نسبتندہ مضمون اولور . بوصورتده الهجفی استیفا ایدن مرتهن اشبو ضماندن حصه سنه اصابت ایدن مقداری راهنه اعاده ایتک لازم کلور .

۷۴۰ ماده ایکی مدیونندن بر رهن المش اولان کیمسه ایکیسنده اولان آلهجفی تماماً استیفا ایدنجه دک رهنی امساک ایده بیلور .

حق راهناردن بری کندی بورجی ادا ایتکله حصه سنه عائد اولان مقدارینی رهن مذکور قابل قسمت اولسه بیلر استرداد ایده مزیرا استرداد ایده جک اولسه عقد واحد ایله النمش اولان مرهونی امساک وجبسنده مرتهن اوزرینه تفریق صفقه لازم کلورکه ضرری مؤدی اولدیفندن جائز دکدر . اما آیری آیری رهن ویرمشلر ایسه بوصورتله بربرینه تعلقی یوقدر .

۷۴۱ ماده رهنی راهن اتلاف یاخود تعیب ایتدکده

ضامن اولسی لازم کلدیکی کبی مرتهن اتلاف یاخود تعیب ایتدکده دخی قیمتی مقداری دیندن ساقط اولور .

۷۴۲ ماده آخر بر کیمسه رهنی اتلاف ایتسه یوم

اتلافنده کی قیمتی ویرر . واول قیمت مرتهن عندنده رهن اولور .

شو ایکی ماده دن مستفاد اولدینی اوزره رهن اوچ کیمسه طرفدن اتلاف و تعیب اولنه بیلوب برنجیسی راهن ایکنجیسی مرتهن اوچنجیسی شخص ثالثدر .

متلفه ضمان ترتب ایتک ایچون رهنك مقبوض اولسی لازمدور .
 چونکه رهن قبض ایله تمام اوله جغندن قبل القبض اتلاف ویا تعیب
 ایدلده ضرری صاحبنه عائد اولوب بشقه سی اتلاف ویا تعیب ایتیش
 ایسه متلف ومعیه تضمین ایتدیره بیلور . بونک مرتهنه تعلق یوقدر .
 مکرکه کندوسی اتلاف ویا تعیب ایده بعدالقبض رهنك اتلاف وتعیبندن
 ترتب ایده جک احکام متلف ومعیه نظراً مختلف اولدیغندن بیسان
 وایضاح اولنور . شویله که :

قاعدهٔ هرکس ملککنده کیف مایشا تصرف ایده جکندن وبرمال
 رهن ایدملکه صاحبنک ملککندن چیقمییه جغندن راهنك رهنی اتلاف
 وتعیب ایتسیله ضمان لازم کلامک اقتضا ایدر ایسه ده مال مزبوری
 رهن ایتملکه مرتهنك حق تعلق ایتدیگی جهته انک حقنه مراعات
 ایله راهنه ترتیب ضمان تجویز اولمشدر .

بناءً علیه راهن رهنی کاملاً اتلاف ایدر ایسه مثلیاتدن اولدیغی
 حالده مثلنی و قیمیاتدن اولدیغی حالده یوم اتلافنده کی قیمتی اکابدل
 اعطا ایلر بوصورته دین معجل وبدل ضمان جنس دیندن ایسه
 تقاض و محسوب اولنور . دکل ایسه بدل ضمان رهن اوله رق مرتهنك
 یدنده قالور .

راهن رهنی قسماً اتلاف یعنی تعیب ایدر ایسه وقت اتلافنده کی
 نقصان قیمتی ضامن اولور . كذلك دین معجل واله جنی جنسندن
 ایسه مرتهن اله جغه تقاض و محسوب ایدر . دین معجل اولیوب
 فقط اله جنی جسنندن ایسه حلول اجلده تقاض ایدر . اله جنی جسنندن
 دکل ایسه مرتهنك یدنده رهن اوله رق قالور . §

مرتهن رهنی اتلاف ویا تعیب ایدر ایسه چونکه کندوسنك

رهن اوزرينه يالكز حق حبسي اولوب بر مال رهن ايدملكه
مرتهنك ملكنك انتقال ائمه چكي جهته مرتهن رهن حسن محافظه
ايدرك راهنك حقه مراعاته مجبوردر. شو جالده مرتهن رهن اتلاف
ويا تعيب ايتد كده بر جهتن رهن مرتهنك قبض ايلديكي كوندن
اعتباراً تحت ضمانه داخل اولمش وديكر جهتن تعدی ايدرك ضمان
غصب ايله مضمون بولمش اولديغندن دين معجل اولديغي تقدیرده
يوم اتلاف و تعيبنده كي قيمتي ايله يوم قبضنده كي قيمتدن قغيسي
زياده ايسه اول مقداري ديندن ساقط اولور. و اكر مقدار دين
قيمت مذكوره دن نقصان ايسه اوست طرفي مرتهنك راهنه اوده مسي
اقتضا ايدر.

و بو وجهله مرتهنه هم ضمان رهن وهم ضمان غصب ترتب ايدر.
دين مؤجل اولديغي صورتده يوم قبض و اتلاف ويا تعيبنده كي قيمتدن
قغيسي دها زياده ايسه اني و مثلياتدن ايسه مثلي تضمين ايدرك رهنه بدل
حبس و امساك ايلسي ايجاب ايدر.

§

رهنی آخر بر شخص اتلاف ويا تعيب ايدر ايسه ۷۴۲ نجی ماده
موجبجه يوم اتلاف ويا تعيبنده كي قيمتي تضمين لازم كله جكندن
شايد رهنك يوم قبضنده كي قيمتي زياده ايسه بونك ضرري مرتهنه
عائد اوله رق زياده مقداراي ديندن ساقط اولور. زيرا آئينده بيان
قلمدينفي اوزره رهن بلا تعد تلف اولسه بيله دين ساقط اولور.

رهن اتلاف و تعيب ايدليوب بلا تعد و لا تقصير يد مرتهنده
تلف و يامعيوب اولسه ترتب ايدم جك حكم شرعي كتاب الرهنده
ذكر و بيان اولنماش ايسه ده رهن حكمنده اولان بيع الوفايه دائر
۳۹۹ ، ۴۰۰ ، ۴۰۱ نجی ماده لر ايله دائر متشاركلردن برينيك

آلمش اولدینی رهن تلف اولدقده ترتبایدیجك حكمی حاوی اولان
 ۱۱۰۸ نجی مادهده مصرح اولدیغنه کوره تلف اولان رهنك یوم
 قبضنده کی قیمتی دینه مساوی ایسه تمامی ونقصان ایسه قیمتی مقداری
 ساقط اولوب اوست طرفی ایچون مرتهن رهنه مراجعت ایدر .
 زیاده ایسه یالکیز دین ساقط اولوب زیاده سنی مرتهنك تضمین ایتیمی
 لازم کلر .

بو وجهله رهنك دین ایله مضمون اولسی مسائل مجتهد فیهادن
 اولوب امام مالک و امام شافعی رحمةاه علیهمایه کوره رهن امانت
 محضه اولوب دین ایله مضمون دکلدر و بناء علیه بلا تعد ولا تقصیر
 تلف اولور ایسه دین ساقط اولماز . زیرا رهن استیثاق ایچون اولدینی
 جالده مضمون و دین ساقط اولنجه توثق معنایی فوت اولمش اولور .
 ائمة حنفیه رحمةاه علیهمه کوره واقعا رهن امانت ایسه ده استیفای
 دین ایچون اندیغندن رهنك یوم قبضنده اولان قیمتندن دینه مساوی
 مقداری وا کر قیمتی مقدار دیندن اقل ایسه تمامی مرتهنك ضماننه
 داخل اولمش اولور .

چونکه دین اساساً دائن اوزرینه مضموندر . یعنی دائن اله جغنی
 قبض ایتدکده کندو ضماننه ادخال ایتش اولور . ودائنك مدیوندن
 نصل مطلوبی وار ایسه دینی قبض ایتدکده مدیونك دخی داینندن
 عینی مطلوبی متقابلاً حاصل اولهرق تقاص واقع اولور . وارتق دائنك
 قبض ایتش اولدینی شی تلف اولدقده ضرری دخی کندوسنه عائد
 اولوب مدیونه جهت تعلقی قالماز ،

بونك کی رهن دخی برای دین مقبوضدر . زیرا رهنك مرتهنه
 بورجی اولسه ایدی رهن ویرمهکه حاجت یوق ایدی بناء علیه قبض

رهن قبض دین مقامنده در . مادامکه قبض دین مضموندر . قبض رهنك دخی مضمون اولسی لازم كلور .

شوقدرکه رهنده قبض ضمان مقدار دین ایله متناسب اولمق لازم كله جکندن اکر مرهونك قیمتی مقدار دیندن زیاده ایسه بوزیاده مرتهنك یدنده امانت محضه اولوب امانت دخی مضمون اولمديغندن بلا تعد ولا تقصیر تلف اولدقده انكچون ضمان غصب ترتب ایتمز .

مثلا دینك متداری بیک غروش اولوب رهنك قیمتی دخی بیک غروش اولسه هلاکی تقدیرده دین تماماً واکر رهنك قیمتی بش یوز غروش ایسه دیندن دخی بش یوز غروش ساقط اولور . اما رهنك قیمتی بیک بش یوز غروش ایسه بیک غروشنه مقابل دین ساقط اولوب قیمتدن باقی بش یوز غروش ایچون ضمان لازم كلز .

ایشته رهنی اتلاف ایله بلا تعد ولا تقصیر تلف اولسی بیننده حکماً بوفرقت واردر . یعنی اتلافنده اوست طرفنك دخی تضمینی لازم كلوز .

§

مرتهن راهنك اذنیله رهنی علی طریق الاستعاره استعمال ایته یاخود دیگر برینه اعاره ایسه ورهن استعمال اولنورکن تلف اولسه ینه ضمان لازم كلز . چونکه اعاره واستعاره امانت محضه در .

دین ادا ایدلدکن صکره مقابلی اولان رهن هنوز استرداد ایدلمکسزین یدمرتهنده تلف اولسه دین ساقط اولهرق مرتهن الدینی اچیهی راهنه اعاده ایتمکه مجبور اولور . زیرا مرتهنك رهنده کی یدی ید استیفا اولدینی جهته رهنك تلفیه اله جغنی یوم قبضده استیفا ایلش دیمك اولور . بوجهته برحق ایکی دفعه استیفا جائز اولمديغندن ایکسجی دفعه اولهرق استیفا ایلدیکی اچیهی راهنه ردایلمسی ایجاب ایدر .

لكن مرتهن اله جفندن راهنی ابرا ایدر . ویا دینی اکا هبه
ویا تصدق ایدوبده اوده قبول ایلر ایسه دین اساسندن ساقط اولمش
اوله جفندن بعده رهن هنوز ید مرتهنده ایکن تلف اولسه ضامن
اولماز . §

رهن مضموندر دیمکدن مقصد رهنک مالیتک مضمون اولدیغنی
بیاندر . یوقسه عینی مضمون دیمک دکلدر . عینی ودیعه کبی امانتدر
چونکه رهنک عیندن استیفای دین ممکن دکلدر .

بوکا بناءدر که مستودعک ودیعه ده یاپه میه جینی شیلری مرتهن دخی
رهنده یاپه مز . مثلاً آخره ایداع واعاره ایتسه اتلاف حکمنده اوله ورق
ضمان غضب لازم کلور .

فصل ثانی

راهن و مرتهنک رهنده تصرفلری حقنده در

بوابده قاعده شودر : راهن، مرتهنک اذنی اولمقسنزین مرهونی
بیع ، هبه ، اجاره ، اعاره ، بریشقه سنه رهن ایتک کبی قابل فسخ اولان
تصرفاتدن بر صورتله تصرف ایتسه نافذ اولماز . اگرچه راهن مرهونک
رقبه سنه مالک ایسه ده مرتهنک حق حبسی تعلق ایتدیکندن مستقلاً
تصرفه مانع اولور ۱۱۹۲ و مانع و مقتضی تعارض ایتدکده مانع تقدیم
اولور ۴۶ اما راهن بورجینی تماماً ادا ایتدکده مرتهنک حق حبسی
قالیه جفندن مرهون هنوز انک یدنده ایکن راهن صور مذکورده دن
بریله تصرف ایتسه نافذ اولور .

کذلک مرتهن یالکیز رهنک حق حبسه مالک اولدیغندن راهنک
اذنی اولمقسنزین رقبه سنه متعلق تصرفاتده بولنسه نافذ اولماز . زیرا

هیچ برکیمسه اخرك ملكنده اذنى اولقسزین تصرف ایده من ایدرایسه
حکم غصب ترتب ایدر .

ایشته بوفصلك مندرجاتی قاعدۀ مبسوطه نك تفصیل احکامی
حاوی اولوب بروجه زیر بیان وایضاح اولنور .

۷۴۳ ماده راهن و مرتهندن برینك اذنى اولقسزین

دیكرینك رهنی بشقه برکیمسه یه رهن ایتمی باطلدر .

بناءً علیہ راهن مرتھنك اذنى اولقسزین مرهونی آخره رهن
ایتدکده تسلیم ایتسه بیلہ حکمی اولیه جغندن بالاسترداد مرتھن اوله
اعاده ایتمی واکر تلف اولمش ایسه ۷۴۱ نجی ماده شرحنده بیان
قلندیغی وجهله مثلیاتدن ایسه مثلی و قیمیاتدن ایسه قیمتی رهن اوله رق
بدانی ویرمسی لازم کلور . امتناع ایتدیکی حالده مرتھن اول حاکمه
مراجعتله مرهونی ویابدانی بالمحاکمه الوب کماکان حفظ ایدر .

مرتھن راهنك اذنى اولقسزین مرهونی آخره رهن ایتدکده
راهن مرتھن اول دخی حاضر اولدیغی حالده مرتھن ثانیدن دعوی
ورهنی استرداد ایدرك مرتھن اول یدنده کماکان رهن اولمق اوزره
ابقا ایدر .

مرهون تلف اولمش ایسه مرتھن اول غاصب و ثانی غاصب الغاصب
حکمنده بولندیغندن راهن مخیر اولوب ایستدیکنه مراجعت ایدر .
انجق مرتھن اوله مراجعتله مثلی و یا قیمتی تضمین ایتدیررایسه مرتھن
اول ضمانی سیبیلہ مرهونه مالک اولمش اوله جغندن رهن ثانی نافذ
ومعتبر اولور .

مرتھن ثانی یه بالمراجعه تضمین ایتدیررایسه بوده مرتھن اوله

رجوع ایدوب هم ضامن اولدیغی وهم انده بولنان مطلوبنی طلبا
واخذ ایدر .

اشبو بدل ضمان حقنده ۷۴۱ ماده شرحنده کی تفصیلاته توفیق
معامله اولنور .

۷۴۴ ماده مرتهنك اذنیله راهن رهنی دیکره رهن
ایتسه رهن اول باطل ورهن ثانی صحیح اولور .

زیرا رهن عقود لازمه دن اولوب رهن ثانی رهن اولی ابطال
ایدر . و مرتهن رضاسیله حق حبسنی اسقاط ایتمش اولور . وساقط
اولان شی عودت ایتیه جکندن مرتهن اول رهنی مرتهن ثانیدن
بالاسترداد کندی مطلوبنه مقابل کالاول رهن اوله رق حبس وتوقیف
ایده منر .

۷۴۵ ماده راهنك اذنیله مرتهن رهنی رهن ایتسه « حق حبسنی
اسقاط ایتمش اوله جغندن » رهن اول باطل ورهن ثانی « راهنك
اذنه مستند بولندیغندن » رهن مستعار قیلندن اوله رق صحیح
اولور .

و بو صورتده مرهون مرتهن ثانی یدنده تلف اولسه مرتهن
اولك راهنده اولان مطلوبندن برشی ساقط اولماز چونکه اگا کوره
رهنیتمدن چیقمشدر .

۷۴۶ ماده راهنك رضاسی اولقسزین مرتهن رهنی

صائدقده رهن مخیر اولوب دیلرسه بیعی فسخ ایلر. دیلرسه
اجازت ایله تنفیذ ایلر.

بو مخیرلک «خیار اجازت عقد فضولی» نوعنددر. بناءً علیه
رهن مخیر اولدقده بیع نافذ اولوب ثمن میبع رهن اوله رق
ید مرتهنده قالور رهن بیعی فسخ ایتدکده رهنی بالاسترداد مرتهنه
اعطا ایتسی لازم کلور. تلف اولمش ایسه ایستر مرتهنه ایسترسه
مشتری به تضمین ایتدیرر.

۷۴۷ ماده مرتهنک رضایی اولمقسزین رهن رهنی
صائدقده بیعی نافذ اولماز.

چونکه مانع ومقتضی تعارض ایتدکده مانع تقدیم اولنور.
ومرتهنک حق حبسنه خلل کلز فقط بوج ایفا اولنورسه
اول بیع نافذ اولور.

زیرا مانع زائل اولنجه ممنوع عودت ایدر.
وکذا مرتهن اول بیعه اجازت ویرسه نافذ اولوب رهن
دخی رهنیتدن چیقه رق بوج حالی اوزره قالور ومیبعک ثمنی
میبع مقامنده رهن اولور.

چونکه مبدلک حکمی بدله انتقال ایدر. ومرتهنک بیعه رضایی
حق حبسنک سقوطنه رضایی استلزام ایتز. واقعا ثمن میبع قبل

القبض دين اولوب دينك ابتداء رهني جائز دكلسده تبعاً وبقاءً
جائز اولور . زيرا بالذات تجويز اولميان شي بالتبع تجويز اولنه بيلور
وبقا ابتذادن اسهلدر .

حتى ثمن مبيع مشترى ذمتده ايكن مشترى مفلساً فوت اولورسه
رهن تلف اولمش كي عد اولنه رق ثمن مقداري ديندن ساقط
اولور . §

مرهوني راهن ومرتهدن هر برى يكديكريتك اذنيه آخره
ايجار ايده بيلور . بو حاليده مرهون رهنيتدن چيقار .

انجق مرتهدنك اذنيه راهن مرهوني ايجار ايتدكده بدل ايجار
رهن مقامنه قائم اولماز . چونكه مرتهدنك حق رهنك ماليتنه تعلق
ايتمشدر . اجاره ده مبدل منه ايسه منفعت اولوب عقد رهن ايله مرتهدنك
حق مرهونك منفعتنه تعلق ايتماشدر . مكر كه شرط ايده لر .

واكر مرتهدن اجازت ويرمز ايسه مشترى مخير اولوب
ديلرسه رهنك فكنه قدر بكلر وديلرسه حاكمه مراجعت

ايله بيعي فسخ ايتديرر . بوكا « خيار بيع مرهون » دنيلور .

يوقسه خود بخود فسخ ايده مز . چونكه بو فسخ قطع منازعه
ايچون اولوب حاكمه عائددر .

مشتريتك صورت مطلقه ده مخير اولمشي طرفين حضراتنك اجتهادينه
موافقدر . مشاراليهما بو وجهله اولان عقد رهن استحقاق منزله سنده
عد ايدرك بيور مشلدر كه بويله بر استحقاق تحقق ايتديكي زمان مانع
رجوع اولمديني كي رهني ايجار دخي مانع رجوع دكلدر . بناء عليه

مشتري مبيعك مرهون اولديغنى ايستر بيلهرك ايسترسه بيلميهرك صاتون
آلتون مرچالده حق خياري واردر .

امام ابو يوسف حضرتلرپنه كوره مشتري نك خيبرلكي عقد رهنى
بيلمديكي تقديردهدر . بيلور ايسه بخير اوله مز . مشاراليه بوني عيب
منزله سنه تنزيل ايتمشدر . بر كيمسه برمالى عيىلى اولديغنى بيلهرك آلور
ايسه حق رجوعى اولمديغنى كى رهن اولديغنى بيلهرك صاتون آلدقه
دخى حق رجوعى اوله مز بيورمشلدر . §

مرتهن رهنى راهنه ايجار ايدهمز . ايدرسه اجاره باطل اولوب
اعاره وايداع منزله سنده اولور .

چونكه مرتهن رهنك منفعتنه مالك اولمديغنى كى مملوكى مالكنه
تمليك تصور اولنه مز . بناءً عليه مرتهن رهنى ديلديكي وقت راهندن
استرداد ايلر ورهن راهنك ينده بولندجه مرتهندن ضمان رهن
ساقط اولور .

فقط راهن رهنى مرتهنه بيع وايجار ايدم بيلور . بو حالده مرهون
رهنيتدن چيقار . §

رهنك هبه ايله تصرفى اوزرينه ترتب ايدن احكام تماميه بيع
كى اولديغندن توضيحه حاجت يوقدر .

۷۴۸ ماده راهن و مرتهندن برى ديكرينك اذنيه

رهنى آخر بر كيمسه يه اعاره ايدم بيلور . وبعده هر برى
انى رهنپته اعاده ايدم بيلور .

چونكه اعاره عقود لازمه دن اولمديغندن عقد رهنى ابطال ايتمز .

بو وجهله وقوعبولان اعاره وقبض ايله رهن رهنیتدن چیقماز انجق
مرتھنك ضمانتدن چیقار . بنابرین رهن مستعیر یدنده تلف اولسه
مرتھنه ضمان رهن لازم کلز .

۷۴۹ ماده مرتھن رهنی راهنه اعاره ایدہ بیلور .

راهن رهنك عیننه مالک اولدینی جهتله منفعتنه دخی مالک ايسه ده
منفعت ، رهنی استعمال ايله حاصل اوله بیلوب رهن ايسه ید مرتھنده
بولمسی حسبيله مرتھنك کندوسنه اعطا ایتسی لازم کلور . اگرچه
مرتھن رهنك عیننه مالک اولدینی جهتله تمليك منفعتنه دخی مالک
دکل ايسه ده حق حبسی اولق حسبيله راهنك استعمالنه اذن ویرمسی
اقتضا ایدر . انجق بو وجهله اذنی اعاره معناسنه اولوب معیر مستعاری
هر نه وقت دیلر سه مستعیردن استردادده قادر اولدینی مثللو مرتھن
دخی راهندن رهنی استردادده مقتدر اوله جغندن بوکامجازاً ویا مساحه
[اعاره] دینلمشدر .

بروجه محرر مرتھن رهنی راهنه اعاره وتسليم ایتدکده رهن مرتھنك
ضمانندن حقیقه جغندن راهنك یدنده تلف اولور ايسه دیندن برشی
ساقط اولماز . حالبوکه ۷۴۲ نجی ماده شرحنده بیان اولدینی اوزره
رهن ید مرتھنده تلف اولسه دیندن قیمتی مقدار ساقط اولور .
بو حالده رهنك راهنه اعاره سی هم راهن وهم مرتھن حقنده فائده لودر .
خصوصيله رهنك اعاره سیله مرتھنك ضمانندن چیقار ايسه ده ضمان ،
رهنك لوازمندن اولیوب ضمانك زواليله رهنیتك زوالی لازم کلیه جکی
جهتله رهنیتدن چیقمیوب عقد رهن کماکان باقی قاله جغندن وعاریت
لازم اولمديغندن :

بو صورتده رهن فوت اولسه مرتهن ينه رهنه رهنك سائر دايئرلرندن
احق اولور .

بناءً عليه مرتهن تماماً استيفای دين ايتمديجه سائر آله جقلولر
رهنه مداخله ايدمزله . §

مرتهن رهنك اذنيه رهنی بشقه سینه ايداع ايتسه رهن مرتهنك
ضمانندن چيقماز .

بناءً عليه رهن وديع ينده تلف اولسه قيمتی مقداری ديندن
ساقط اولور . چونكه ايداع اعاره كي دكلدر . زيرا وديعك يدي
مودعك يدي كيدير . اما مستعيرك يدي معيرك يدي كي دكلدر .
اشبو مسئله ۷۵۳ نجی مادهدن استنباط اولنه بيلوز .

لكن رهنه ايداع ايتسه انتقاض قبضه بناءً رهنك ينده
طورديجه ضمان رهن ساقط اولور .

۷۵۰ ماده رهنك اذنی اولمديجه مرتهن رهندن انتفاع

ايدمهز .

زيرا رهن عقدايله يالكيز رهنك حبس وامسا كنه راضي اولوب
اندن انتفاعه راضي اولمامشدر .

مثلا مرهون اولان خانه ده مرتهن سا كن اوله ماز . سا كن
اولور ايسه تعدی ايتمش اوله جغندن خانه ضمان غصب ايله مضمون
اولور . فقط خانه ولو كه معدلاستغلال اولسون اجرت لازم كلز .
چونكه تاويل عقد ايله سا كن اولمشدر . و مرتهن بعدالتعدی وفاقه
عودت ايتسه ضمان غصبدن بري اولور .

اما رهنك اذن و اباحه سيله مرتهن رهنی قوللا نورومپوه

وسوت کي حاصلاتي آلور. وبونلرک مقابانده دیندن برشی
ساقط اولماز .

منافع وحاصلات مزبورہ اصل رهنہ التحاق ایتمز . ۷۱۵۰ نجی
ماده شرحنده بیان اولنان مسائلہ قیاس اولنہماز . §

رهندن انتفاع ایله زیاده سنی استهلاک بیننده فرق واردر شویله که:
مرتہن رهنی رهنک اذنیله استعمال ایدوب انتفاع ایتدیکی تقدیرده
حال استعمالده رهن تلف اولسه مقابلی اولان دین ساقط اولماز .

چونکہ رهنک اذن و اباحہ سی رهنی مرتہنہ اعاره ایتک دیمکدر .
بناءً علی ذلک حال استعارده رهن مرتہنک ضمانندن چیقہ جفی
ایچون رهن مذکور حال استعمالده تلف اولسه دین ساقط اولماز .
اما استعمال ایتدکن صکرہ تلف اولسه دین ساقط اولور .

لکن رهنک مرتہنہ زوائد رهنی اباحہ ایتسی تملیک اولدیغندن
رهنک میوه سی وسوتی کي زوائدی رهنک اذنیله اتلاف واستهلاک
ایدلکدن صکرہ اصل رهن مرتہن یدنده تلف اولسه اصل رهنہ
اصابت ایدن مقدار دین ساقط اولور . دیندن زیاده مستهلک یه اصابت
ایدن مقدار باقی قالور .

۷۵۱ ماده مرتہن بر محله کیدر اولدقده یول امین ایسه

رهنی برابر کو توره بیلور .

ورهنک مؤتی مرتہن اوزرینه اولور . اما یول مخوف اولوب
تلفندن قورقیلور یاخود رهن عقدک وقوع بولدیغی بلدهده رهنک

حفظ وامساکنی شرط ایله بشقه محله کوتورمکدن نهی ایدر ایسه
اوحالده کوتوره مز .

فصل ثالث

ید عدلده اولان رهنك احکامی بیاننده در .

۷۵۲ ماده ید عدل ید مرتهن کییدر .

یعنی راهن و مرتهن رهنی امنیت ایتدکلی بر کیمسه یه تودیع ایتک
اوزره مقاوله ایدوب او دخی راضی اولدوق قبض ایتسه رهن تمام و لازم
اولور و اول کیمسه مرتهن مقامنه قائم اولور .

عدل هم راهن و هم مرتهن طرفندن نائب اولوب انجق جهت
نیابت بشقه بشقه در . حفظ و ضمان غصبده ید عدل ید راهن کییدر .
بناءً علیه ید عدلده مرهون تلف اولدوقدن صکره شخص آخر اثبات
استحقاق ایدوب عدله تضمین ایتدیرسه عدل دخی ضامن اولدینی
شی ایله راهنه رجوع ایدر . یوقسه مرتهنه رجوع ایده مز . زیرا
بو ضمان ضمان غصب اولوب غصب ایسه نقل و تحویل ایله تحقیق ایدر .
بوایسه راهندن صادر اولوب مرتهندن صادر اولما مشدر .

اما مالیت و ضمان رهنده ید عدل ید مرتهن کییدر . بناءً علیه رهنی
مرتهن نصل حفظ ایدر ایسه عدل دخی او ایله حفظ ایدر . و رهن
ید عدلده تلف اولسه ید مرتهنده تلف اولمش کییدر . و راهن ایله
مرتهندن برینک و یا هر ایکسینک و فاتیله عدلک صفتنه خلل کلز .

§

عدل رهنی قبض ایتدکجه رهن تمام اولماز . حتی راهن عدلی
دینک اجلی حلول ایتدکده رهنی بیع ایدوب ثمنی ایله ایفای دینه

توکیل ایدوبده عدل مرهونی هنوز قبض ایتدن دینک اجلی حلول
ایتسه رهن باطل اوله رق یالکیز وکالت باقی قالور .

§

عدل واحد اوله بیله چکی کی متعدد دخی اوله بیلور . بوصورتده
مرهون اکر قابل تقسیم ایتسه عدلر بینلرنده سویاً تقسیم ایدرک
هر بری حصه سی حفظ ایدر . وبری حصه سی راهنک اذنی اولمقسزین
دیگرینه ویروبده انک یدنده ایکن تلف اولسه ویرن ضامن اولور . ۷۸۳

۷۵۳ ماده حین عقدده رهنی مرتهن تبض ایتک اوزره
شرط ایلدکن صکره راهن و مرتهن بالاتفاق یدعدله
وضع ایتسه لر جائز اولور .

یعنی رهن عقد و مرتهن طرفندن قبض اولاندقدن صکره دخی
یدعدله تودیع اوله بیلور . و حین عقدده تودیع اولنش کی احکام
توتب ایدر .

۷۵۴ ماده دین باقی ایکن عدل اولان کیمسسه راهن
و مرتهندن برینک رضاسی اولمدقه رهنی دیگرینه ویره من
وویرسه استرداد صلاحیتی واردر .

زیرا انلر رهنک یدعدله حفظنه راضی اولوب دیگرک یدنده
حفظنه راضی اولمامشلردر .

وقبل الاسترداد رهن تلف اولسه عدل انک قیمتی ضامن

اولور .

چونکه عدل حفظ رهنده راهنك وماليت رهنده مرتهنك
مستودعی اولدیغندن وانلرك هر بری دیگرینه قارشو اجنبی بولندیغندن
عدل رهنی انلردن برینك اذنی اولمق سزین دیگرینه ویرمکله تعدی
ایتمش اوله رق ضامن اولور . و بدل رهن عدل مرقوم یدنده رهن
اوله رق ابقا ایدیه لك اولور ایسه هر حالده قبضك تجدی ایجاب ایدر
یعنی مذکور بدل اولانلردن النوب صکره ویرمك لازمدر . بویله
اولماز ایسه عدلك بدل رهنی هم ایفا وهم استیفا ایتمه سی لازم کلور که
جائز دکلدر . §

اگر راهن ایله مرتهن بدل رهنی عدل ویا بر بشقه عدله تسلیم
خصوصتده اتفاق ایده منزلر ایسه بالمر ارجعه حاکم مناسب کورر ایسه
مذکور عدله ویا تعیین ایده چکی دیگر بر عدله اعطا ایلر .
عدل رهنی راهنه ویروب تلف اولمسیله تضمین ایتدکدن وتجدد
قبض ایله کندوسنه ویا دیگر بر عدله تودیع ایدلدکدن صکره راهن
ادای دین ایلسه بدل رهن عدلك اولور .

زیرا عدل اولجه رهنی راهنه تسلیم ایتدیگندن راهن کندومالنی
الدینی کی مرتهن دخی اله جعفی استیفا ایلشدر . بوضورتده بدل مذکور
راهنك اولسه بدل ایله مبدل منهك ملك واحده اجتماعی لازم کلور که
جائز دکلدر . §

فقط عدل رهنی مرتهنه ویروب تلف اولمسی اوزرینه بدلی
تضمین ایلدکدن صکره راهن بدل مزبور کی مک یدنده ایسه یعنی کرک
عدلك و کرک بشقه سنك یدنده اولسون اندن اخذ ایتدیکی صورتده
بدلینك ملك واحده اجتماعی لازم کلز چونکه عین مرهون یدراهنه
اصل اولما مشدر . §

عدل ضمان ايله مرهونه مالك اولدقده مرتهنه رجوع ايدمه بيلسي
ايچون نظر اولنور اكر مرهوني مرتهنه رهن اولمق اوزره ويرمش ايسه
رجوع ايدر و اكر غايت ويا وديعه اوله رق ويرمش ايسه مرتهن
يئنده تلف اولدقده رجوع ايدمز زيرا عدل ضمان ايله مرهونه مالك
اولديغندن كندومالي اعاره ويا ايداع ايتش اولور .

۷۵۵ ماده عدل فوت اولسه تراضي طرفين ايله رهن
بر بشقه عدله توديع اولنور . و اكر بئيلرنده اتفاق حاصل
اوله ماز ايسه حاكم رهنى بر يد عدله وضع ايدر .
يوقسه ورته سي عدل مقامنه قائم اوله مز زيراحق محافظه عدلك
ماتيله قائم بروضف اولديغندن وفاتيله زائل اولور .

فصل رابع

بيع رهن حقنده در .

۷۵۶ ماده راهن و مرتهندن بريسي ديكرينك رضاسى
اولدجقه رهنى صاته مز .

چونكه ايكي سئك ده حقى واردر . راهنك ملكيدر مرتهنك حق حبسى
واردر . بئابر ين فروختنده ايكي سئك دخی رضاسى لازمدر . . . فقط
بري سي صاتا رايكن ديكرى كور و بده سكوت ايتسه رضاسنه دلالت ايدر .
زيرا معرض حاجتده سكوت بيلندر .

۷۵۷ ماده دينك وقت اداسى حلول ايدوبده راهن

اداسندن امتناع ایتدکده رهنی بیع ایله ادای دین ایتدک
اوزره حاکم طرفندن راهنه امر اولنور اکر ابا وعناد ایدر
ایسه حاکم رهنی بیع ایله ادای دین ایدر .

دینک وقت اداسنک لزوم حلولی مؤجل اولدینی صورتده در .
دین معجل اولدینی صورتده مرتهن هر نه وقت مراجعت ایدر ایسه
حاکم بوجه محرر معامله ایلر یوقسه مرتهن رهنی بیع ایده من چونکه
انک یالکیز حق حبسی اولوب رهنی تصرفه صلاحیتی یوقدر . مگر که
راهن بیع رهنه کندوسنی توکیل ایتدش اوله بویله بر وکالتی حائز
اولمینگه رهنی صساته میه جغندن راهن رهنی بیع ایله ادای دیندن ابا
وعناد ایتدکده حاکم ولایت عامه سی حسیله یا بالذات یا خود امینی اولان
بر کیمسه واسطه سیله رهنی بیع ایدوب ثمنی ایله دینی ایفا و فضله
قالور ایسه راهنه اعطا ایدر . ثمن مزبور دینی تماماً ایفایه کافی اولماز ایسه
مرتهن اوست طرفی ایچون سائر غرما مثللو راهنه مراجعت ایلر .

§

مرهون راهنک سکنا سنه مخصوص اولوبده آندن بشقه ساکن
اوله حق خانه سی بولمنسه بیله ینره هن صاتیلوب تمام ثمنی ایله دین ایفا
و فضله قالور ایسه راهنه اعطا قلنور . مرهونه مرتهنک حق تعلق
ایتدیکندن ۹۹۹ نجی ماده موجبینجه ثمن رهندن راهنک حالنه مناسب
بر خانه النهرق اوست طرفنک دیننه محسوباً مرتهنه اعطاسی جهته کیدلر .

۷۵۸ ماده راهن غائب اولوبدم حیات ومماتی معلوم

اولسه مرتهن رهنی بیع ایله اله جفنی استیفا ایتک اوزره
حا که مراجعت ایدر .

غائبدن مقصد غیبت منقطعه ایله غائب اولوبده کندوسنه مراجعت
ممکن اولماق دیمکدر . بوصولده مرتهنک بیع رهن ایله استیفای
حق ایتسی ایچون راهنک ظهورینه انتظار ایتسی غیر معلوم برمدته
تعلیق حق دیمک اوله رق مرتهن حقنده ضرری موجب اوله جفندن
و مرتهنک تصرف رهنه صلاحیتی اولمادیقندن حا که مراجعت ایدر .
حا کم دخی یا بالذات رهنی صاتوب یا خود امینه و یا مرتهنه صاتیروب
تمنندن دینی ادا و فضله قالورایسه حفظ ایله غائبک ظهورنده اكا
اعطا ایدر . مطالعه

زمانمورده بومثلاو معاملاتی حکام بیت المال مأمورلری معرفتیه
اجرا ایدوب غائبک حق جانب بیت المالده حفظ ایدلمکنه در .
و محاکم نظامیه لک تشکیلاتنه دائر اولان قانونک ۶۵ نجی ماده سی
حکمنجه حقوق محکمه لرنده غایبلره دائر رؤیت اولنان دعاوی به مدعی
عمومیلر مداخله ایله بیان مطالعه ایدر لر .

۷۵۹ ماده رهنک فسادندن خوف اولنورایسه مرتهن
انی اذن حا کمله صاته بیلور .

بوده راهن غائب اولدینی صورتده در . اکر حاضر ایسه مرتهنک
اول امرده راهنه مراجعت ایتسی لازم کلور . راهن صاتمقدن و یا
اکا بدل دیگر برمالی رهن ویرمکدن امتناع و عناد ایتدیکی خالده
حا که مراجعت ایتسی لازم کلور . و علی کلا التقدیرین حا کم رهنی

راهن حاضر ايسه اكا واكر امتناع ايدر وياخود غائب ايسه يابالذات
ويا امينته ويا مرتهنه صا تدير .

وئمن كندو « يعنى مرتهن » پدنده رهن اولور .

ئمنك دينه محسوب ايدليوب رهن حكمنده عد اولمسي تعارض
وقوعوله مديغنددر زير اتقاص و محسوب قاعده سنجه طرفين ذمتنده تماثل
وقوعى لازمدر . اكر چه راهنك ذمتنده مرتهنك الهجنى وار ايسه ده
رهن اولان مبيعك بهامنى مشترى ويرديكندن عين رهن حكمنده در .
راهنك ذمت مرتهنده ثابت دينى ديتله مز .

واكر حاكمك اذنى اولمقسز ين صا تارسه ضامن اولور .

زيرا مرتهن يالكز حق حبسه مالك اولوب حق بيعه مالك دكلدر .
بناء عليه مرتهنك رهى خود بخود صا ترقده بيع غير لازم اوله جفندن
راهن مخير اولور . ديلرسه بيعى فسخ ايله مبيعى مشتريدن استرداد ايدرك
رهن اولوق اوزره راهنه ويرر و ديلرسه مثلياتدن ايسه مثلى و قيمياتدن ايسه
حين بيعده كى قيمتى مرتهنه تضمين ايتديرر و على كلا التقديرين بدل
ضمان مرتهنك يدنده رهن اوله رق قالور .

كذلك رهن اولان باغ و بستانك ميوه و سبزه سى
يتشوبده تلف اولمسندن خوف اولنسه بيله رأى حاكم ايله
صا تيله ييلور . اما خود بخود مرتهن صا تاسه « انفا بيان قلندينى
وجهله » ضامن اولور .

زيرا مرتهن حق بيعه مالك اولمديغندن مرهونك تلف اولمسندن

خوف اولئيان يتشمش ميوه وسبز هسني صاته ميه جفي كي تلف
اولسندن خوف اولئاني بيله خود بخود صاته من .

§

ماده مشروحه نك هرايكي فقره سنده ذ كر اولئان [صاتمق] تعيري
من وجه وقوعيدر . چونكه هر بر تصرفكه مرهونك ملك راهندن
اخراجني ايجاب ايده مرتهن اني اجرا ايده من ايدرسه ضامن اولور .
مثلا مرهون قيون اولوبده خسته لنگله هلا كندن خوف اولسه
مرتهن اني ذبح ايده من ايدرسه ضامن اولور .

تعير مذكور ديكر جهتن احترازيدر . شويله كه مرتهن مرهون
اولان باغ وبستانك ميوه سني هاكمك امرى اولمسرين طوپلايوب
حفظ ايتسه ضمان لازم كلز . چونكه حاصلاتي طوپلامق حفظ
جمله سنددر . مرهونك حفظي دخي مرتهنك وظيفه سيدر .

الحق بونلري معتاد وجهله طوپلايوب باغ وبستانك كروم واغاجلرينه
ضرر ايراث ايتماكه دقت ايلك لازمدر . خلاف معتاد طوپلايوبده
كروم واغاجلره ضرر ايقاع ايدر ايسه ضامن اولور .

۷۶۰ ماده دينك وقت اداسي حلول ايتدكده رهنی

صاتمق اوزره زاهن مرتهني ياعدلي ياخود بشقه بريني توكيل
ايتسه صحيح اولور .

چونكه رهن راهنك ملكي اولديني جهته كندوسي صاتوب
بورجني ادا ايده بيله چكي كي بوخصوصه بشقه سني دخي توكيل
ايده بيلور . ۱۴۵۹

وارتق راهن اول وکیلی وکالتدن عزل ایده من. و راهن

و مرتهندن برینک و فاتیله دخی منعزل اولماز .

هرقدر وکالت عقود لازمه دن دگسه ده بیع رهنه وکالت مرتهنک
حق تعلق ایتدیکندن موکلک وکیلی حقنده مستقلاً حرکته و وفاتیله
عقد وکالتک انفساخته مانع اولور . راهن ایستر حین عقد رهنده
ایسترسه بعده توکیل ایتمش اولسون حکماً مساویدر .

فقط راهن مرتهنک رضاسیله وکیلی عزل ایده بیلور . ۱۵۲۱
کذلک وکیل فوت اولور یا خود افاقتندن قطع امید اولور
صورته تجنن ایدرسه وکالت باطل اولور . ۱۵۲۹ ، ۱۵۳۰

۷۶۱ ماده رهنی بیعه وکیل اولان کیسه دینک وقت

اداسی حلول ایتدکده رهنی بیع ایله ثمنی مرتهنه تسلیم ایدر .

وکالتی دین مؤجلک وقت اداسنک حلوانه مضاف ایسه وقت
مزبور حلول ایتدکده واکر وکالت مذکور دینک وقت اداسی
حلونده راهنک دینی ایفا ایده مامسی شرطنه معلق ایسه شرط تحقق
ایلدکده رهنی صاتوب ثمنندن ایفای دین ایتسی وفضله قالور ایسه
راهنه ویرمسی لازم کلور . وکالت دینک وقت اداسنه مضاف ویر
شرط ایله مقید اولیوب مطلق و منجز اولور ایسه وکیل قبل حلول
الوقت دخی صائه بیلور . و بصورتده ثمنی رهن اولور .

واکر ابا ایدر ایسه رهنی صاتمق اوزره راهنه جبر

اولور .

وکیلہ جبر اولنیوب راہنہ جبر اولنسی املہم کرخی رحمۃ اللہ
 علیہک امام ابو یوسف حضر تہرندن عقل ایلدیکی برروایتہ مبشیدر .
 او دخی ابا و عناد ایدر ایسہ حاکم صاتار .

واکر راہن یاخود فوت اولوبده ورثہ سی غائب بولنور
 ایسہ رهنی صاتمق اوزرہ وکیلہ جبر اولنور . و عناد ایدر سہ
 حاکم کندو صاتار .

رهنی حاکم صاتمقہ حقوق عقد راہنہ ووکیل صاتمقہ
 کندوسنہ عائد اولور . ۱۳۷۷

کریک راہن وکریک وکیلک مرهونی صاتمق اوزرہ جبر اولنسی
 تأدیہ دینہ جبر اولوب راہن رهنی صاتمقسزین بشقہ مالندن دخی
 تأدیہ دین ایدہ بیله جکندن اکراه ایله بیع دیمک دکلدر . بناءً علیہ
 بیع مذکور ۱۰۰۶ نجی مادہ حکمنہ نظراً فاسد اولیوب صحیح
 و معتبردر . §

بیع ایدیلان رهنک ثمنی یدوکیلده ویا مشترینک ذمتندہ ایکن
 مثنمن مقامندہ رهن اولہرق قالہ جفندن ثمن مذکور یدوکیلده ویا
 مشترینک مفلساً وفانیلہ انک ذمتندہ تلف اولسہ اول ثمن مقداری
 دیندن ساقط اولور . وسقوط دیندہ معتبر اولان ثمن مرهون اولوب
 بیعک قیمت حقیقیہ سی دکلدر .

اگرچہ بو ثمنی مرتهن هنوز قبض ایتماش ایسہ ذمت مشتریده
 مرتهنک حقندن طولایی ثابت اولدیغندن گویا مرتهنک یدندہ ایتماش
 کی اعتبار اولنور . §

بیع رهنه وکیل ایله وکیل عادی بیننده بعض احکامده فرق
واردر . شویله که :

اولاً بیع رهنه وکیل بیعه اجبار اولور . وکیل عادی اجبار
اولنه مز .

ثانیاً بیع رهنه وکیل موکلنک عزلی ویا وفاقی ایله منزل اولماز
وکیل عادی منزل اولور .

ثالثاً بیع رهنه وکیل دینک خلاف جنسی ایله بیع ایتدیکه
نمن میعی جنس دینه تحویل ایده بیور . وکیل عادینک بویله بر
صلاحیتی یوقدر . §

کتاب الرهن اوزرینه تعلق ایدن اراده سنیه تاریخی

فی ۲۵ صفر سنه ۱۲۸۸

کتاب الرهنی ترتیب ایدن مجله جمعیتی هیئت

عن اعضاء شورای دولت وکیل درس وعن اعضاء
سیف الدین مجلس تدقیقات شرعیه
رئیس جمعیت مجله وعن اعضاء
مجلس تدقیقات شرعیه

السیدخلیل عمرخلوصی

عن اعضاء جمعیت مجله این عن اعضاء دیوان احکام عدلیه
عابدین زاده علاء الدین احمد حللی
عن اعضاء دیوان احکام عدلیه
احمدخلوصی

مدیر مکتب نواب عن اعضاء مجلس تدقیقات شرعیه
یونس وهبی عیسی روحی

موجبنجه عمل اولنه

صورت خط همايون

كتاب سادس

امانات حقنده اولوب بر مقدمه ايله اوچ بابي مشتملدر.

كتاب الیوعلك ابتداسنده بیان اولندیفی اوزره مؤلفات فقهیه ده جنسدن اولان مسائل بر کتاب عد اولنه رق و دیعه ، عاریت ، لقطه یه بر اولان مسئله لر بشقه بشقه کتابلرده وبر عقد ضمننده واقع اولان امانات او عقدك جنسنه کوره عائد اولدیفی کتابده ذکر و بیان اولنمش مجله جمعیتنجه دخی و دیعه یه متعلق مسائل بر کتابده جمع وطبع نشر ایدلمشیدی .

الحق ابن نجیم رحمه الله تعالی علیه « الاشباه والنظائر » نام کتابی به فتاوا سنده و دیعه و عاریته وسائر بعض اماناته متعلق مسائلی « کتاب امانات » عنوانیله جمع وتلفیق ایتمش اولدیغندن مجله جمعیتنجه دخی صورته امتثالاً و دیعه و عاریت و لقطه یه متعلق مبادی وضوابط مسائلک بر کتابه درجی ده اماناسب کوریلهرک اشبو [کتاب الامانات] ثیب اولنمش و سائل الذکر کتاب الودیعه یه لزوم قالماشدر .

شوخالده عند الفقها جنس مقامنده مستعمل اولان و دیعه و عاریته متعلق مبادی وضوابط و مسائل بو کتابده جنس امانتدن برر نوع لقی اوزره برر بابده و لقطه یه متعلق بعض مسائل دخی اماناته دائر حکام عمومیه یی حاوی اولان باب اولده ذکر و ایراد اولنمشدر .

مع مافیة [امانات مضمون دکلدر] کی هر نوع امانته شامل بعض

قواعد دخی درج اولئش ایسه ده بر عقد ضمننده واقع اولان امانات احکامندن او عقدک عائد اولدینی کتابده بحث اولمسنه نظراً کتاب الاماناتک مندرجاتی بالعموم امانات احکامنی حاوی دکلدر .

از جمله مأجورک ۶۰۰ و مرهونک ۷۴۱ نجی ماده شرحنده و مال مشترک ۱۳۵۰ و مال مضاربک ۱۴۱۳ و وکیلک جهت وکالتدن طولانی مقبوض اولدینی مالک ۱۴۶۳ نجی ماده لرده امانت اولدینی بیان قلندمشدر .
انجق امانات سائره دخی اساساً بو کتابده مندرج قواعد و خصوصیه و دیعه یه متعلق مسائله تطبیق اولنه جفندن بو کتابک مندرجاتی عمومیه شامل و انواع امانات متعدد اولق اعتباریله [کتاب الامانات] عنوانی مناسب کورلمشدر .
§

متمم مکارم اخلاق علیه افضل التجهیات افسدمن حضرتلری [الامانته تاجر الغنی و الخیانه تاجر الفقر] حدیث شریفیله امانتک موجب ثروت و سعادت و خیانتک باعث فقر و مذلت اوله جغنی بیان بیورمشلردر که امین اولان آدم خلقک اعتمادینه مظهریتله انلرک امنیت و اعتبارلرینه بناء کسب شرف و ثروت و خیانتی اکلاشیلان کیمسه نك اعتبارینه خلل کله چکی جهتله اوکی استفاده دن محروم اوله رق دوچار فقر و مذلت اوله جغنی میندر .

« حقوق تجارت » نام اثر عاجزیده بر تفصیل بیان قلندینی اوزره بین التیجار اعتبارینه خلل کلان تاجرک قانوناً اعلان افلاسه مجبور اولسی بو حکمته میندر .

بناء علیه اعتبار اولیله بر صفت عالیه در که حائز اولان کیمسه بین الناس ممدوح و مقبول اولوب مالی اولسه بیله اعتبارینه مستنداً اجرای معامله تجاریه ایله کسب ثروت ایتک اقتدارینه مالکبدر .

اعتبارينه خلل كلان كيمسه مالى اولسه بيله لايقيه استفاده ايده من .
اعتبارك حصول وتزايديني موجب اسبابك اك برنجيسى امانته
رعايت و خيانتدن توقى و مجانبتدر .

مقدمه

اماناته متعلق اصطلاحات فقهيه بياننده در

۷۶۲ ماده امانت ؛ لغتده امنيت ايديلان اعيانه اطلاق اولنوب

اصطلاح فقهايه : امين اتخاذا اولنان كيمسه نژدنده بولنان
شيدر .

كرك وديعه كي عقد استحقاق ايله امانت ايدلسون
و كرك مأجور و مستعار كي بر عقد ضمننده امانت اولسون
و كرك بر كونه عقد و قصد اولقسزين بر كيمسه نك يدينه
امانت كچسون نته كيم روزكار ايله بر كيمسه نك خانه سنه
قومشوسنك بر مالى دوشسه عقد اولمدينى جهته اول مال
خانه صاحبي نژدنده وديعه اوليوب فقط امانتدر .

و ديعه ده مودع مستودعى امين اتخاذايده چكي مثللو بر عقد ضمننده
وقوعبولان اماناتده دخى عاقديندن مال صاحبي ديكرينى امين اتخاذا
ايدر . حال بوكه بر كونه عقد و قصد اولقسزين يدينه مال كچن كيمسه يي امين
اتخاذايده چك كمنه اوليوب جانب شرعدن حكماً امين اتخاذا اولمدينى

ایضاحات محرره دن مستبان اولسنه نظر آمین اتخاذا اولنان کیمسه کرک امانت صاحبی طرفدن و کرک جانب شرعدن امین اتخاذا ایدلمش اولسون تعریف مذکور عمومیه شاملدر .

۷۶۳ ماده و دیعه؛ حفظ ایچون بر کیمسه یه ایداع اولنان

مالدر .

ودیعه؛ لفظی « ودع » مصدرندن فعل بمعنی مفعول اوله رق ترک اولنمش دیمکدر که لسانمزده کثرتله مستعمل اولدینی اوزره « فلان ایله وداع ایتدم » جمله سنده مذکور « وداع » لفظی دخی اشبو مصدردن مشتق اوله رق ترک ایتک معناسنه در .

فعل وزنده کی کلمه لر اسم مفعول معناسنه استعمال اولندوقده تذکیر و تأنیثی مساوی اولدیغندن [و دیعه] کلمه سنده کی « تا » علامت تأنیث اولیوب « و دیع » لفظنک معنای وصفیتدن اسمیه نقل اولندیغنه علامتدر . §

ماده آتی ده بیان اولدینی وجهله ایداع؛ کندی مالنک محافظه سی دیگره احاله اولسنه نظر اشبو تعریفک مالی « و دیعه حفظ ایچون بر کیمسه یه محافظه سی احاله اولنان مالدر » دیمک اولوب بوضورتده تعریفده تکرار حاصل اولمش اولور . اگرچه [ایداع] لفظی تجریده حمل یعنی معنای مرکبه موضوع اولان لفظ مذکور اول معنائک بعض جزئنده استعمال اولنه رق ایداع لفظنک ترکیبده کندی مالنک محافظه سی قصد اولنمق سزین یالکمز « دیگره احاله ایتمکدر » معنای قصد اولنوبده و دیعه نک تعریفی « حفظ ایچون دیگره احاله اولنان مالدر » دینله بیلور ایسه ده لفظ مزبور تجریده حمل اولندوقده

معنای مجازی قصد اولمش اولور . تعریفلرده لزوم ونکته اولمدجه مجازی اختیار قاعده مستحسن دکلدر .

بناءً على ذلك تعریفده واقع [ایداع] کلمه سنک یرنده « ترك » ویا بومعناده دیگر برکله تحریر ایدلمش اولسیدی مناسب اولوردی .

§

ذكر اولنان تعریفه کوره وديعه نك مال اولسی اقتضا ایدم جکندن مال اولیان شیر ایداع ایديله مز .

مثلا بر کیمسه حر اولان بر آدمی دیگر کیمسینه ایداع ایتسه حکمی اولیه جغندن آنی عدم محافظه دن طولای او کیمسینه حقنده برشی لازم کلز .

کذلك بر کیمسه دیگرینه « فلانده اولان آله جغمی سکا ایداع ایلدم » دیسه آله جق ذمتده ثابت اوصافدن اولغله تسلیم و محافظه سی قابل اولمدیغندن حکمی اولماز .

۷۶۴ ماده ایداع ؛ کندو مالنک محافظه سنی ، دیگره

احاله ایتمکدرکه احاله ایدن کیمسینه دالک کسريله [مودع]

وقبول ایدن کیمسینه [وديع] ودالک فتحيله [مستودع]

دینلور .

انجو ۷۹۱ نجی ماده ده محرر اولدینی اوزره مستودع وديعه یی

صاحبنک اذنیله آخره ایداع ایدمینه چکی جهتله تعریف مذکور

[کندو مالنک] جمله سیله تقید و تخصیص ایدلیمکندن طولای مستودعک

ایداغنه شامل و بناءً علیه اقرارینی جامع اولمیه جغندن « ایداع ؛ بر

مالك محافظه سنی دیگره احاله ایتمکدر « دینله ایدی اولی اولوردی .

§

مواد انف الذ کرده محزر تعریفلردن منضم اولدیغنه کوره مطلقاً امانت ایله ودیعه بیننده ماهیه و حکماً فرقلر واردر .

ماهیه اولان فرقلردن برنجیسی امانت اعمدر ودیعه اخصدرد . اعم اخص اوزرینه حمل اولنور ایسه ده اخص اعم اوزرینه حمل اولنماز . بناء علیه هر ودیعه امانتدر . فقط هر امانت ودیعه دکلدر .

ثانیاً امانتده قصد معتبر اولیوب بعضاً قصده مقرون اولور . مستعار و مستأجر فیه کبی که بر عقد ضمننده واقع اولور . بعضاً دخی قصده مقرون اولماز . روزکار ایله بر کیسه نك خانه سنه قومشوسنك بر مالنك دوشمسی کبی .

اما ودیعه عقد استحقاق اولدیغندن هر حالده قصده مقرون اولوق لازم کلور . قصد دخی یا صراحة یا خود دلالة اولور .

مثلاً بر کیسه ویکرینه « شو مالی حفظ ایت » دیسه صراحة ایداع قصده ایدلمش اوله جنی کبی برینك یاغ ایله مملو اولان طلومی یرتیلوب بر دیگر صراحی حاضر اولدیغنی حالده طلومك دلیکنی طوته رق یاغك آقسنه مانع اولسه دلالة او یاغك حفظی التزام ایتمش اولور . بعده الندن صالیو یروب یاغ آقسه ضامن اولور .

ثالثاً عقد ودیعه دن مقصود اصلی مالک حفظیدر . سائر اماناتده امانتک حفظی مقصود اصلی دکلدر . مثلاً اجاره و اعارده و مأجور و عاریتدن مقصود اصلی انتفاع اولوب بونلرک حفظی ضمناً و تبعاً قصد اولنور .

§

حکماً اولان فرقه کلنجه : ۷۶۸ نجی ماده شرحنده بیان و ایضاح

اولدینگی اوزره مستودع بعدالخلاف وفاقه عودت ایتسه ضماندن
بری اولور .

مثلا بر کیمسه ودیعه اولان حیوانه برمدت را کب اولدقدن
صکره حیوان بلا تعد ولا تقصیر تلف اولسه مجرد اولجه را کب
اولش اولسی سببیه ضمان لازم کلز .

اما اجاره واعاره ضماننده واقع اولان اماناتده امین اولان کیمسه
بعدالخلاف وفاقه عودت ایتسه بیه ضماندن بری اولماز .

مثلا مستعیر بر محله قدر استعاره ایتدیگی حیوان ایله اول محله
واروبده دها ایلرویه تجاوز ایتدکدن صکره حتف انفه حیوان تلف
اولسه ضمان لازم کلور . ۸۱۴

۷۶۵ ماده عاریت ؛ مجاناً یعنی بلا بدل منفعتی تملیک

اولنان مالدرکه معار و مستعار دخی دینلور .

عاریت ؛ لغةً يانك تشدید و تخفیف ایله اوقنور اشبو « یا » یای
نسبتدر . علمای اهل لغتدن بعضیلری عاریت کلمه سنک « عار » لفظنک
منسوبی اولدینگی بیان ایله عار « عیب » معناسنه اولوب عاریت مال
ایسته مک طالب حقنده برنوع ذل و عیب اولدینندن بوکا نسبت
اولنشدردیمشدر و بعضیلریده « اعاره » نک اسم مصدری اولان
« عاره » نک منسوبی اولدینگی سویلشدر . شمس الأئمة السرخسی
رحمة الله علیه « مبسوط » نام کتاب مشهور و معتبرنده تصریح ایلدیگی
اوزره عاریت اسم مصدر اولان « عاره » لفظنک منسوبی ایسه ده
لفظ مذکور اعاره دن اولیوب « تعاور » دن اسم مصدردر . « تعاور »
نوبتلمش مک معناسنه در . اعاره دخی نوبت ایله استعمالدر . چونکه مال

مستعارى بر مدت مستعير استعمال ايده چكى كى بعدالاسترداد معير
استعمال ايدر .

بوسيله مبنى مكيلات و موزونات ايله انتفاع آنجق عيىلرني استهلاك
صورتيله قابل اولدينى و بونلرده تعاون و تناوب ممكن اولدينى جهتله
آنلرى اعاره اقراض اولور . [معار ، مستعار] كلهلرى ميملك
ضميله تلفظ اولنور . §

[منفعت] قيدي مطلق ذكر ايدلسنه نظراً تكميل بر مالك
منفعتنه شامل اوله چنى كى جزؤ شايحك منفعتنه دخى شامل اولور .
بناء عليه كرك قابل قسمت اولسون و كرك اولسون مشاعك اعاره سي
صحيحدر . ايستر شريكه ايستر سه بشقه سسه اعاره ايدلسون نته كيم
برشيئي ايكي كشي يه اعاره ايتك صحيحدر . §

[تملكيدن] مقصد بطريق الجواز تملكيدر . بطريق اللزوم تملك
دكلدر . يعنى معيرك ديلديكي وقت حق رجوعى اولق اوزره
تملكيدر . ۸۰۶ §

تعريف مذكوره [منفعتى تملك] جمله سيله عيى تملك اولان
بيع و هبه دن ، [بلا بدل] قيديله دخى بدل ايله تملك منفعت اولان
اجاره دن احتراز اولنمشدر . §

عاريتك و ير كوسى مستعير اوزرينه شرط ايدلسه اجاره بمعناسى
تضمن ايده جكسندن اعاره اولايوب اجاره فاسده اولمش اولور . زيرا
مستعارك و ير كوسى اساساً معير اوزرينه در .

شو تفصيلاتدن اكله سيله چنى اوزره [عاريت] لفظى و ديمه
وامانت كى مالك اسميدر . §

امام شافعی ایله امام کرخی رحمة الله علیهما عاریتی « غیرک ملکی
ایله انتفاعک اباحه سیدر » دیو تعزیف ایتشلردر .

عامه اصحاب حنفیه مباحوث عنه اولان تعریفه قائل اولوب
دیشلردر که عاریت اکر اباحه دن عبارت اوله ایدی اولاً مباح له غیره
اباحه ایده میه جکی ومثلاً بر کیمسه یه طعام اباحه اولندقدہ آنی غیره
اباحه ایلیمیه جکی جهتله مستعیر عاریتی بشقه سنه اعاره ایده مامک
لازم کلور ایدی . حال بوکه ۸۱۹ نجی ماده ده محرر اولدینی اوزره
بوصورتله اعاره جائزدر .

نائیباً اعاره تملیک منفعت اولوب اباحه اولمدیغنه اعاره نک لفظ
تملیک ایله انعقاد ایتسی دلیلدر .

۷۶۶ ماده اعاره ؛ عاریت ویرمکدر که بر مالک منفعتی
مجاناً یعنی بلا بدل تملیک ایلکدر .

ویرن کیمسه یه معیر ذیلور . میمک ضمی وعینک کسریله در .
بو تعریف دخی دلالت ایدر که اعاره مصدر و معیر ایله قائمدر .

۷۶۷ ماده استعاره ؛ عاریت آلمقدر که آلان کیمسه یه
[مستعیر] ذیلور .

میمک ضمی وسینک سکونی وتانک فتحی وعینک کسریله در .
بو تعریفدن ا کلاشیلور که استعاره مستعیر ایله قائمدر . §
اعاره نک مشروعیتی کتاب ایله ثابت وسنت واجماع مؤید وتسہیل
احتیاج ناسه مستنددر .

جناب حق قرآن کریمنده [ویمنعون الماعون] نص جلیلی

ایله مانع اعاره اولانلری ذم بیوردیغندن اعاره‌نک محمودیتی متحقق اولدینی کی امام بخاری رحمه‌اه علیہک روایتنه نظراً رسول خدا علیه افضل التحایا اقدمین حضرتلری ابی طلحه رضی الله عنہمن « منسوب » نامنده بر فرس استعاره ایله را کب اولدقلرندن بویابده سنت پیغمبری دخی وقوعه ککش واعاره‌نک جوازنده من‌القدیم اجماع وقوعبولمشدر .

سبب مشروعیتنه کلنجه : کتاب‌الاجاره‌ده بیان اولندی پی و جهله منافع اعراض فانیه‌دن عبارت اولوپ امور موجوده‌دن دکلسمه‌ده ضرورت و احتیاج ناسه بناء جواهر موجوده منزله‌سنه تنزیل اولنه‌رق منفعتی عوض مقابله‌سینده تملیک اولان اجاره شرعاً تجویز اولندی پی مثللو منفعتی بلا عوض تملیک اولان اعاره دخی مشروع قلممشدر . زیرا انسانلر تملیک و تملک عینه محتاج اولدقلری کی بدل مقابله‌نده وبلا بدل تملیک و تملک منفعته دخی محتاجدرلر ومعیر مضطر اولان بی نوعنک استدعاسنه اجابتله ابراز محاسن و فضائل ایتدیکنندن طولای شایان تقدیر وشایسته اجر جزیل اولور . انجق ابتدای عقدده منفعت معدوم اولدیغندن اجاره‌ده اولدینی مثللو اعاره‌ده دخی عقد اولو منفعته مضاف قلممیوب منفعتک محلی اولان مستعاره اضافه اولنور .

باب اول

اماناته دائر بعض احکام عمومیہ بیاننده در .

۷۶۸ ماده امانت مضمون دکادر .

یعنی امینک وضع و تقصیری اولمقسنین تلف یا ضایع اولدینی تقدیرده ضمان لازم کلز .

بو ماده نك حكمی بالعموم امانته شاملدر . هر نوع امانت ، امانت
اولدقجه نه بنفسه نه ده . بغيره مضمون اولمديغندن كرك سرقت كي
ممکن التحرر اولان و كرك غرق كي ممکن التحرر اولميان بر سپيدن
طولاي تلف يا ضايع اولسون ۲۹۸ . ۲۹۹ . ۶۰۰ . ۶۰۱ . ۶۱۰ .
۷۷۷ . ۷۸۰ . ۷۸۵ . ۷۸۹ . ۷۹۵ . ۸۱۳ . ۸۱۴ . ۱۳۵۰ .
۱۴۱۳ . ۱۴۲۸ . ۱۴۶۳ . ۱۵۰۰ نجی ماده لر ده . بيان قلندينی
وجهله امين ضامن اولماز . حتی ضمان شرط ايدلمش اولسه بيله حكمی
اولماز . چونكه اماتنی تحمل ذاتاً كلفقدر . كلفت نعمته مقابل اولمق
لازم كلور ايكن مطلقاً امانته امين ايجون نعمت اولمسوب كلفت
واردر . ضمان لازم كاسه كلفت كلفت اوزرينه اولمق ايجاپ ايدر .
بوده معقول اولماز . عقلاً محال اولان شرعاً ممكن دكلدر . خصوصيله
احكام جليله شرعيه منهل الاموردير .

اما امينك صنع و تقصیری ايله تلف يا ضايع اولور ايسه ۵۴۵ ،
۵۴۶ . ۵۴۸ . ۵۵۰ . ۵۵۱ . ۵۵۶ . ۵۵۷ . ۶۰۲ . ۶۰۳ . ۶۰۴ ،
۶۰۵ . ۶۰۶ . ۶۰۷ . ۷۴۱ . ۷۸۲ . ۷۸۷ . ۷۸۸ . ۷۹۰ . ۷۹۲ ،
۷۹۳ . ۷۹۴ . ۸۱۴ . ۸۲۱ . ۸۲۳ . ۸۲۵ . ۸۲۷ . ۸۲۸ . ۱۳۷۹ ،
۱۳۸۳ . ۱۴۱۲ . ۱۴۲۲ . ۱۴۳۰ . ۱۴۹۵ . ۱۵۱۵ نجی ماده لر ده
بيان قلندينی وجهله قبض امانت قبض ضمانه متحول اوله رق ضمان
لازم كلور .

§

امينك صنعی ؛ تعديسی ؛ تقصیری ؛ دخی اماتنی محافظه
قصوريدر .

صنع ؛ فعل ايله اولور . تقصير ؛ فعلسزده اولور . فعل ايله ده
اولور . ديمك كه عطف العام علي الخاصدر .

برده تلف ضیاعی مستلزمدر . ضیاع تلفی مستلزم دکلدرد . چون
 ضایع اولان تلف اولماز . تلف اولان محو اولور .
 قواعد فقهیه دندر که امین بعد الخلاف وفاقه عودت ایتسه ضماندر
 بری اولور . یعنی امین امانته تعدی ایتدکن صکره بردها تعدی
 ایتماک اوزره و از کچهرک ادائرۀ مآذونیتته عودت ایتسه و بعده امانت
 مزبورہ بلا تعد ولا تقصیر تلف یا ضایع اولسه مجورد اولجه تعدی
 ایتش اولسیله کندوسنه حکم ضمان ترتب ایتمز .
 مثلاً مستودع نزدندۀ امانت اولان برکیسه نقودی تصرفه تشبث
 ایدوبده صرف ایتسه بعده بلا تعد ولا تقصیر تلف اولدینی تقدیرده
 ضامن اولماز .

چونکہ امینک امانتی قبضی کنیدی منفعتی ایچون اولیوب مالکنک
 منفعتی متضمن اولدیغندن امینک یدی مالکنک یدی کیدر . بناءً علیہ
 امین تعدی بی ازاله ایدنجه امانتی مالکنه رد ایتش حکمنده اوله رق
 ضماندن بری اولور . زیرا برائت ذمت اصلدر . و امانت مضمون
 دکلدرد .

فقط مستأجر و مستعیر اولانلر بوقاعده دن مستنادر . ۶۰۵ نجی
 ماده شرحیله ۸۱۴ نجی ماده ده بیان قلذدینی اوزره مستأجر و مستعیر
 بعد الخلاف وفاقه عودت ایتسه بیله ضماندن بری اوله مزلر .
 چونکہ مأجور و مستعارک منافعی استیفا ایدۀ چکری جهتله مأجور
 و مستعاری قبضاری کنیدی منفعتلری ایچوندرد . موجر و معیر ایچون
 دکلدرد . بناءً علی ذلک بونلرک درجۀ مآذونیتته مخالفتلریله عقد اجاره
 و اعاره نک متضمن اولدینی معنی زائل اوله جغندن دائرۀ مآذونیتته عودت
 ایدرک تعدی بی ازاله ایلرلیله مأجور و مستعاری صاحبه رد ایتش

حکمنده اولمیه جقلمندن بعده مأجور و مستعار بر کونه تعدی و تقصیر لری
وقوع بولمق سزین تلف یا ضایع اولسه بیله ضامن اولور لر .

۷۶۹ ماده بر کیمسه یولده یا خود دیگر محله بر شی
بولوبده کند و سنه مال اولمق اوزره اخذ ایتسه غاصب حکمنده
اولور .

کرك صاحبی معلوم اولسون و كرك اولسون زیرا مملوك اولان
بر شئتک بر محله برا غلمش اولمیه صاحبنک ملکندن حقیقه جفی
جهتله بولان ایچون مباح اولان شیلری احراز مثللو سبب تملك
اولمیه جقلمندن اوشی کند و سنه مال اولمق اوزره المسی ممنوع و موجب
ضماندر و بو مقصدله الدینی تقدیرده غاصب اولماز ایسه ده [غاصب
حکمنده اولور] .

چونکه کتاب الغصبده تفصیلاً بیان اولنه جفی اوزره حقیقه
غصب صاحبنک ید محقه سنی ازاله ایدرك کند ید مبطله سنی اثبات
ایله اولور . بو خصوصده ایسه ازاله ید محقه یوقدر . یالکیز اثبات
ید مبطله بولندیغندن حقیقه غصب اولیوب او حکمنده اولور . یعنی
حقننده احکام غصب جریان ایدرك :

بونک اوزرینه اول مال تلف یا ضایع اولدنی حالده کند و سنک صنع
و تقصیری اولسه بیله ضامن اولور .

کند و سنه مال اولمق اوزره اخذی سبب ضماندر . تلف یا ضایع
اولسنده بشقه بر سببه یعنی آخذک صنع و تقصیرینه حاجت یوقدر .
حتی آخذ اول شیء الدقندن صکره دیگر محله ترك ایتسه بالاتفاق

ضماندن قورتيله ميه جني كي الديني يرده براقسه بيله قول راجحه كوره ينه ضماندن قورتلاز .

اما صاحبه و يرمك اوزره آلدني صورتده اكر صاحبي معلوم ايسه يدنده صرف امانتدر . صاحبه تسليم ايتسي لازم كلور .

صاحبي وفات ايتمش ايسه ورته سنه و وارثي اولمديني و يا غائب بولنديني خالده جانب بيت الماله تسليم ايتسي لازم كلور .

واكر صاحبي معلوم دكسه لقطه دركه ملتقط اولان يعني بولوب آلان كيمسه يدنده امانتدر .

[لقطه] لامك ضمي و قافك فتحيله او قنوب لامك فتحى و قافك سكونيله « لقطه » مضدردن مأخوذ صفت مبالغه در . لغتده التقاط اولنان يعنى يولده و سائر محمله بولنوب قالديري لان ماله اطلاق اولنور . اصطلاح فقهاده يولده يا خود ديكر محمله ضايع اوله رق بولنوبده صاحبي معلوم و كندوسى مباح اولميان مالدر .

« ضايع اوله رق » قيدي ايله اما كن و مباني و امثالي محافظه لى يرلرده و بر كيمسه نك نزدنده بولنسان اموال خارج قالور . بولنرى آلان غاصب و يا سارق اولور .

« صاحبي معلوم اولميان » جمله سى ايسه حقيقه و يا حكماً صاحبي بيلنان اموال خارج قالور . مثلاً بر كيمسه نك او كي صره كيدن بر شخصدن يره دوشوبده او كيمسه نك قالديري ديفي مال كي حقيقه ، يا خود بر مكان محرر زده بولنسان مال كي حكماً صاحبي معلوم اولان شيلر لقطه اولميوب فقره سابقه حكمنجه آلان كيمسه نك يدنده صرف امانت اولور .

« مباح اولميان » قيدي ايله محاربه ده اخذ اولنان غنايم و حد ذاتنده مملول اولوب فقط وقت حاجت ايچون ادخارى قابل اولميان بر قاچ

بغدادی دانه‌سی کی جزئی شیر وانهارك فیضاننده کتوروب صاحبی
اولدینی بیلنمیان اغاج کوتوکیزی وامشالی تعریف مذ کوردن خارج
قالوب بونلری اخذ ایدن غاصب حکمنده اولماز .

برده « مال » کلمه‌سی نسبی معلوم اولمیوب الجای فقر و ضرورت
ویا تهمت زنادن خوف ایله اکثریا مسجد و کلیسا و حورا و حمام قاپوسی
کی ناسک کیزوب چیقدینی محللره براغیلان طفل نوزاددن احتراز
ایچون اولوب بونلره « فعیل » و زننده « لقیط » دنیلور که احکامی
کتاب فقهییه ده بشقه چه بر کتاب اوله رق بیان قلمشدر . §

سالف الذکر ایکی فقره مشروحه ده صاحبی معلوم اوله رق بولنان
شیئک بولانک یدنده ولقطه نک دخی یدملتقطده امانت اولدینی و بناء
علیه اساساً فرق اولدینی بیان قلمش ایسه ده شو ایکی نوع امانت
بیننده کی احکامک جریانی اعتباریله فرق واردر . یعنی امانت صرفه نک
صاحبی معلوم اولدینی جهتله اعلان و اشاده حاجت اولمیوب و هیچ
بر وجهله تصرف اولنه میوب لکن لقطه نک صاحبی معلوم اولدینشدن
ماده آتیه موجبجه اشهاد و اعلان ایدلمک ایجاب ایده چکی کی صاحبی
ظهور ایتدکه تصدق و یا استهلاك ایله تصرف اولنه بیلور §

ماده مشروحه حکمنجه بر کیمسسه لقطه نی کندوسنه مال اولق
اوزره اخذ ایدر ایسه غاصب حکمنده اوله رق بلاتعد ولا تقصیر تلف
یا ضایع اولدقده ضامن اولور . واکر صاحبنه ردایتمک اوزره اولور
ایسه امانت اوله جغندن ضامن اولماز . چونکه بر ایشدن مقصد نه ایسه
حکم اکا کوره در . فقط قصد و نیت امور باطنه و وجدانیه دندر .
بر شیئک امور باطنه ده دلیلی اول شیئک مقامنه قائم اوله جغندن ملتقط
لقطه نی کندوسنه مال اولق اوزره اخذ ایتمیوب صاحبنه ویرمک

نیتیه الیدیغنی افاده وصاحبی تصدیق ایتدیکی صورتده ضمان لازم کلز
ایسهده صاحبی تصدیق ایتزایسه امام ابو یوسف حضرتلرینک اجتهدینه
کوره « امین یمینیه تصدیق اولنور » قاعده سنه تطبیق معامله اولنق
لازم کلور ایسهده مجله جمعیتجه اختیار اولنسان طرفین حضرتلرینک
اجتهدینه کوره ملتقط اثبات مدعا ایتک لازم کلور . بونک ایچون
اولاً لقطه یی حین اخذنده « برشی غائب ایدوبده آریانی کورر
وایشیدر ایسه کز بکا کوندریکیز » یولنده ایکی عادل کیمسه یی اشهاد
ایتمسی لازمدر .
ثانیاً :

۷۷۰ ماده ملتقط بر لقطه بولدیغنی اعلان ایتدیرر .

یعنی بولدیغنی یرده وجمع ناس اولان محللرده اوته کنه بروکنه
سویلیهرک و منادی واسطه سی وزمانمزده بعضاً نظر استحسان ایله
کورلیدیکی وجهله « اوراق حوادث » ایله ندا و اعلان ایتدیرهرک
صاحبی تحری ایلک اقتضا ایدر . §

ملتقط طرفندن اشهاد و اعلانک هر ایکیسینک اجرایی لازمدر .
برینک اجراییله دیگرندن مستغنی اوله منر . و اشهاد و اعلان ایتدیکی
تقدیرده لقطه یدنده تلف یا ضایع اولسه ضامن اولور . بن افی صاحبیه
ویرمک اوزره آلمش ایدم دیهرک حکم غصبیدن قورتیله منر . فقط
اشهاد ایده جک کیمسه بوله مدینی یا خود اشهاد و اعلان ایتدکده ممانعه
مقتدر اوله میه جنی بر ذاتک لقطه یی کندوسندن اله جفتدن خوف
ایلدیکی تقدیرده اشهاد و اعلان ایتسه بآس یوقدر . چونکه معذوردر
« امین یمینیه تصدیق اولنور » قاعده سنه بناء کندوسی تحلیف ایله
سوزی تصدیق اولنور . §

ملتقط بوجه محرر وظیفه سنی ایفا یعنی اشهاد و اعلان ایتدکن
صکره لقطه پی :

وصاحبی ظهور ایدنجیه دك نزدنده امانت اولمق اوزره
حفظ ایدر .

مدت اعلان خصوصنده فقهدان بعضیلری جزئیاتدن ایسه بر قاج
کون کافی اولوب لکن اون درهم ودها زیاده قیمتند اولدینی حالده
بر سنه مدت تعیین ایتشلر ایسه ده قول راجحه کوره مدت اعلان
بر وقت ایله مقید اولوب ملتقط لقطه پی صاحبی ظهور ایتیه جکینه
ظن غالب حاصل اولنجیه قدر حفظ ایدر .

فقط طعام و میوه مثلطور دجه بوزیلوب هلاک اولان شیردن ایسه
بوزیلوب هلاک اوله جغندن خوف اولنجیه قدر حفظ ایدر . بومدت
ظرفنده مالکنک ظهور ایتیه جکینه ظن غالب حاصل اولسه بیلهدها
زیاده حفظه مجبور دکلدیر . لقطه ذی حیات ایسه اولنه حق معامله
زیرده بیان قنور .

وبر کیمسه ظهور ایله کندو مالی اولدینی اثبات ایدر
ایسه اکا تسلیم ایتسی لازم کلور .

یعنی ظهور ایدن کیمسه حضور حاکمه بالینه صاحبی اولدینی
اثبات ایدر ایسه لقطه نك ملتقط طرفندن اکا ویرلمسی لازم کلور .
ویرمکدن امتناع ایدر و او صرده لقطه تلف اولور ایسه ضامن اولور . ۷۹۴
اعطا ایتدکن صکره دیگر بر شخص ظهور و کندو مالی اولدینی
بر نهج شرعی اثبات ایله حکم اول فسخ و نقض اولندینی تقدیرده لقطه پی

اخذ ایتش اولان کیمسه به مراجعتله استرداد ایدر . ا کر تلف یا ضایع
اولمش ایسه ا کا تضمین ایتدیرر . ملتقطه مراجعت ایده من . زیرا ملتقط
بر موجب حکم اعطا ایلدیکسندن جواز شرعی ضمانه منافیدر .

اما ملتقط لقطه بی صاحبی اولمق اوزره ظهور ایدن کیمسه به
بلا حکم و پرر ایسه بعده آخر بر شخص ظهور و حضور جا کده
بالینه اثبات مدعا ایله مذکور لقطه نك صاحبی اولدینی تحقق ایتدکده
لقطه هر کیمه ویرمش ایسه ا کا مراجعتله استرداد ایدر . تلف یا
ضایع اولمش ایسه صاحب لقطه بخیر اولوب دیلرسه ملتقطه و دیلرسه
او کیمسه به بالمراجعه تضمین ایتدیرر . یعنی حکم غصب جزیان ایدرک
ملتقط ضماندن بری اوله من .

فقط ملتقط تضمین ایتدکدن صکره لقطه بی ویرمش اولدینی
کیمسه به مراجعت ایده بیلور . هر نقدر او کیمسه نك صاحب لقطه
اولدینی اولجه تصدیق ایتش اولمنه نظراً مراجعتی تناقض ایسه ده
ظننك خطاسی بالینه ثابت اوله رق تناقض حکم جا کم ایلر رفع اولندیغندن
مراجعتنه مانع اولماز . § ۱۶۵۴

بر کیمسه لقطه بولدقده صاحبنه ویرمک اوزره اخذ ایتسی شرعاً
جائز اولدینی کبی ترکی دخی جائزدر . آنجق لقطه نك تلف اولسندن
صاحبنك صیاتی و خصوصیه لقیطك محافظه حیاتی ایچون آنی آلوب
حفظ ایله صاحب ویا ویلسنی بالتحری بولوب اعطا ایلسی دیانه
وانسانیة واجیدر . §

ملتقطك عاقل اولسی شرطدر . بالغ اولسی شرط دکلددر . بناء علیه
صیء ممیزك التقاطی صحیحدر . فقط مأذون ایسه کندوسنك دکل
ایسه ولی ویا و صیدسنك اشهاد و اعلان ایلسی لازمدر . §

ملتقط التقاتی مقابله اجرت طلب ایدہ من . فقط صاحبی مکافاة

برشی ویرر ایسه احسان قیلندن اولور . §

لقطه ذی روح اولوبده ملتقط حاکمک امری اولمقسزین انفاق

ایدر ایسه متبرع اولور . اما صاحبنه رجوع ایتک اوزره انفاقی

حاکم امر ایدر ایسه مصارفی بالمراجعه صاحبندن آله بیلور .

بوابده رهن احکامی جریان ایدرک لقطه امر حاکم ایله صاتیلوب

نمنندن نفقه سی ایچون حاصل اولمش اولان دین تسویه اولنور و ملتقط

استیفای دین ایدیخیجه دک لقطه یی رهن اوله رق حبس و توقیف ایدہ بیلور .

و توقیف ایتدکدن صکره لقطه تلف اولسه دین ساقط اولور .

کذلک لقطه آت و مرکب کی قابل ایجار ایسه ملتقط حاکمک

امریله بالایجار اجرتندن انفاق ایلر و اگر مستأجر بولمیبوده انفاق

ایچون ایدیله جک مصرف قیمتی تجاوز ایدہ جکندن خوف اولنور

یا خود قیون کی قابل ایجار اولمیبوده انفاقنده فائده ملحوظ اولماز

ایسه حاکمک امریله ملتقط نہایت اوج کون انتظار ایله صاحبی ظهور

ایتمدکده صاتوب نمنی حفظ ایدر . ۷۸۶ §

لقطه نک تصرف و استعمال کی شرعاً جائز دکلدر . مدت مدیده

اعلانندن صکره صاحبی ظهور ایتسه بیله لقطه یی ملتقط تملک ایدہ میوب

صاحبنک مالی اولمق اوزره یا عیناً کندوسنک یا خود مساعده شرعیه یه

بناء صاتیلوب نمننک رأی حاکم ایله بیت المالدہ حفظی لازم کلور .

ملتقط حاکمک امریله اواسه بیله لقطه یی اگر محتاج ایسه کندو

احتیاجنه صرف و محتاج دکل ایسه تصدق ایله توانی مال صاحبنه

ایصال ایلسه مسئولیت اخرویه دن بری اولور ایسه ده مسئولیت دنیویه دن

یعنی ضماندن قور تیلہ من .

بناءً عليه صاحبی ظهور ایتدکده مخیر اولوب دیلر سه مجیز اولور.
 و دیلر سه ملتقط یا خود تصدق اولان شخصه تضمین ایتدیرر.
 ملتقطه تضمین ایتدیر رایسه ملتقط تصدق ایتدیکم مال بشقه سنک
 ایدی دیهرک متصدق علیه مراجعت ایده من . چونکه صدقه دن
 رجوع اولماز .

متصدق علیه تضمین ایتدیرر ایسه بوده بشقه سنک مالی بکا
 و یروب تضمین ایتدیردک دیهرک ملتقطه مراجعت ایده من . زیرا
 کندوسی استهلاك ایتشدرد .

استطراد

لقطه یه متعلق احکام مذکورہ سطح ارضده بولنوبده صاحبی
 معلوم اولیان امواله دائردر . مسکوکات عتیقه وجدیده و دفائن متنوعه
 و آثار عتیقه مثللو صاحبی معلوم اولیان برطاقم اموال زیر زمینده
 و دیوار ایچلرنده بولنورکه بولنره اصطلاح فقهاده « رکاز » تعیر
 اولنور حقلرنده احکام مخصوصه فقهیه و آثار عتیقه نظامنامه سی
 مندرجانه تطبیقاً معامله ایدلمکده در .

کذلک هر نوع اراضیده برطاقم معدنلر بولنورکه بولنر حقنده
 اولنه حق معامله اراضی قانوننک ۱۰۷ نجی ماده سی ایله معادن و طاش
 اوجاقلری نظامنامه لرنده بر تفصیل بیان قلمشدرد .

۷۷۱ ماده بر کیمسه تزدنده دیکرک مالی قضارا تلف

اولدینی صورتده اگر صاحبنک اذنی اولمقسزین المش ایسه
 بهمه حال ضامن اولور .

زیرا صاحبك اذنی اولقمسزین الدیغندن طولای غاصب اولمش
اولور . بلا اذن اخندی ضمانی موجب اولمغله تلفی صنع وتقصیرندن
ناشی اولسه بیله ضامن اولور .

واكر صاحبك اذنیله المش ایسه یدنده امانت اولمغله
ضامن اولماز .

چونكه جواز شرعی ضمانه منافی اولدیغندن هرنوع امانت بلا
اعد ولاقصیر تلف اولدقده ضمان لازم كلز .

فقط سوم شرا صورتنده ثمن تسمیه اولندیقی حالده
ضمان لازم كلور .

۲۹۸ نجی ماده شرحیده بیان اولندیقی اوزره سوم شرا ایله
النان مال امانت محضه قیلمندن اولیوب مضموندر .

مثلا بر کیمسه صرچه بی دکاننده خود بخود برکاسه آلوبله نندن
دوشهرك قیرلسه ضامن اولور واکر صاحبك اذنیله آلوبده نظر ایدرکن
قضارا یره دوشوپ قیرلسه ضمان لازم كلز واول کاسه دیگر برطاقم کاسه لر
اوزرینه دوشهرك قیریلوب انلری دخی قیرسه بوکاسه لرك ضمانی لازم كلور .
زیرا بوکاسه لر حقننده صاحبك برکونه رضایی اعلاق ایتمامشدر
و مباشر متعمد اولسه ده ضامن اولور .

انجی اول کاسه امانت اولمغله ینه انك ضمانی لازم كلز .
اما « بو کاسه قاج غروشه در » دیوب دکانجی دخی « شو قدر غروشه در »
آل « دیدکن صکره الیه آلوبده یره دوشهرك قیرلسه ضامن اولور .
زیرا سوم شرا طریقله الدیغندن مضموندر .

کذلک بر کیمسه شربت ایچرکن شربتچینك بارداغی نندن دوشوبده
قیرلسه عاریت قیلمندن امانت اولمغله ضمان لازم كلز . فقط کتدوسنك سوء
استعمالندن ناشی دوشمش ایسه ضامن اولور .

چونکه انك قيرلسنه كندوسنك تقصیری سبب اولمشدر.

۷۷۲ ماده دلالة اذن صراحة اذن كيدر فقط صراحة

نهی وار ایسه دلالتیه اعتبار اولماز .

مثلا برکیمسه برینك اذنیله خانه سنه داخل اولدقده میدانده طوران قدح ایله صو ایچمه دلالة مأذوندر وصو ایچرکن قضارا یدندن قدح دوشوبده قیرلسه ضمان لازم کلز .

فقط صاحب خانه « اول قدحه طوقتمه » دیو نهی ایتمش ایکن الله آلوبده دوشهرك قیرلسه ضامن اولور .

۱۳ نجی ماده شرخنده بیان اولندیفی اوزره تصریح مقابله سنده دلالتیه اعتبار یوقدرانجق صراحت اولیان یرده دلالت موجبیله عمل اولور .

[یاایهاالذین آمنوا لاتدخلوا بیوتا غیر بیوتکم حتی تستأنسوا وتسالموا علی اهلها ذلکم خیر لکم لعلکم تذکرون فان لم تجدوا فیها احداً فلا تدخلوها حتی يؤذن لکم وان قیل لکم ارجعوا فارجعوا هو اذکی لکم والله بما تعملون علیم] آیت کریمه لرنده فرمان بیورلدینی اوزره شرعاً مساکن هر نوع تعرضدن مصون اولدیغندن هر کس صاحبنك اذنی اولقمسزین بشقه سنك بیتنه دخولدن ممنوعدر و صاحبندن لدی الاستیذان دخوله مساعده ایتمدیکی حالدیه کیرودونوب کیتمک ایله مأموردر .

اما کندولکندن کلوبده صاحبنك اذن واجازتی ویادعوتی ایله برکیمسه دیکرک بیتنه کیردکده صاحبنك مسافری اولقله کرک احکام شرعیه جه وکرک بالجمله ملل واقوامک آداب وعادتلرنجه هر کس مسافره رعایت ایتمکله مکلفدر . بناء علیه صو ایچمک ومنذر اوزرنده

اوپورمق کبی جمله اکرام ورعایتدن اولان شیرلی مسافرك پایه بيلمسنه
صاحب بیتك دلالة اذنی اكلایشله جفندن مسافرك میتانده طوران
قدحی آلوب آنسکه صو ایچمسی جمله مأذونیتدن اولغله مذکور
قدح یدنده امانت اولدیغندن قضارا دوشوبده قیرلسه ضمان لازم گلر
زیرا امانت مضمون دکلدر .

فقط صاحب بیت « اول قدحه طوقمه » دیو نهی ایتمش ایسه
صراحت مقابله سنده دلالتیه اعتبار اولدیغندن مسافرك منهی اولان
قدحی آلوبده صو ایچمسی دلالة حائز اولدینی مأذونیت خارجنده
اولغله قدح دوشهرك قیرلسه تعدی ایتمش اولدیغندن ضامن اولور
یعنی حقنده حکم غصب جریان ایدر .

لیکن صاحب بیت اولجه منع ایتمیوبده قدح قیرلدقدن صکره نهی
ایدرایسه محل صرفه بولنه میه جفندن دلالتک موجبیه عمل اولندقدن
صکره واقع اولان تصریحیه اعتبار یوقدر .

باب ثانی

ودیعه حقنده اولوب ایکی فصلی شاملدر

فصل اول

عقد و شرط ایداعه متعلق مسائل بیاننددر

۷۷۳ ماده صراحة یاخود دلالة ایجاب و قبول ایله ایداع

منعقد اولور.

كرك دلالت قولیه اولسون كرك دلالت فعلیه اولسون نته کیم

آئیده کی مثاللردن ا کلاشیلور ایداعده ایجابدن صکره قبولک لزومی
مستودع اوزرینه حفظک وجوبی ایچوندر. مالک امانت اولمق صفتی
ا کتساب ایچون یالکیز ایجاب کافیدر زیرا صاحبک رضاسیله
برکیمسه نك نزدنده بولسان مال امانتدر. حتی مقصوب منه مال
مقصوبی غاصبه رد ایدوبده غاصب قبول ایتدن تلف اولسه غاصبک
قبض ضمانی قبض امانته متحول اولدیغندن ضمان لازم کلز.

صراحة ایداعه مثال :

مثلا صاحب ودیعه « شو مالی سکا ایداع ایتدم » یاخود « امانت ایلدم »
« یوب مستودع دخی قبول ایتدم » دیسه صراحة ایداع منعقد اولور
دلالت قولیه ایله ایداعه مثال :

و کذا برکیمسه خانه داخل اوله رق خانجی به « حیوانی نره یه باغلیه یم »
دیدکده خانجی بر یر کوستروب او دخی اوزایه باغلیسه دلالة ایداع منعقد اولور.
خانجینک یر کوسترمسی لازم مقدماتی استلزام ایدر. یعنی حیوانک
محافظه سنی درعهده ایتدم شورایه یاغله دیمکدر.

دلالت فعلیه یه مثال :

کذلک برکیمسه مالی بردکانهجینک یانسه براغوب کیتسه وادخی کوروب
سکوت ایتسه اول مال اول دکان صاحبک نزدنده ودیعه اولور واکر دکان
صاحبی قبول ایتمام دیهرک رد ایتسه ایداع منعقد اولماز.

دکان صاحبی قبول ایتمام دیمش ایکن مال صاحبی براغوب کیتسه
دکانهجی دخی بعده اومالی قالدیروب خانه سنه کوتوردکده تلف اولسه
فقهادن بعضیلرینه کوره دکان صاحبک بو فعلی غصب اولدیغندن
تعدی و تقصیری اولسون اولسون ضمان لازم کلور. بعض فقهایه
کوره دخی غصب ید مالکی ازاله ایله اوله جفندن و دکانهجینک مالی
قالدیروب کوتورمسی صاحبی حقنده نفع قصدینه مبتنی اولوب اضرار

ایچون اولمديغندن صاحبنك مالنی اوراده ترك ايتمسی ثانیاً و فعلاً ایجاب
ودكانچينك مذکور مالی اورادن قالديروب خانه سنه کوتورمسی دلالة
قبولدر . بناءً عليه اول مال بلا تعدٍ ولا تقصير تلف اولسه ضمان
لازم گنر .

و كذلك برکیمسه مالنی و دیغه اولقی اوزره برقاچ کشینک یاننه براغوب
کیتسه وانلر دخی کوروب سکوت ایتسه لر اول مال جمله سنک نزدنده و دیغه
اولور فقط برر برر اول محلدن قالفوب کیتسه لر اک صکره قالان کیمسه حفظه
تعین ایتمکه انک نزدنده و دیغه اولمش اولور .

رد ایتما ملری و دیغه یی قبول ایتدکلرینه دلالت ایلر . چونکه
معرض حاجتده سکوت بیاندر . فقط بری دیگرینی و دیغه یی براغوب
کیتمسنه مانع اوله من . زیرا سربستی حرکت تحدید اولماز . بناءً عليه
بری کیدنجه دیگرینه تودیع ایتمش اوله جغندن اک صکره قالان کیمسه
نزدنده حفظ تعین ایتمکه ضمان دخی انک حقنده تعین ایدر .

جمله سی بردن کیدوبده و دیغه یی ترك ایتسه لر ضایع اولدقده مشترکاً
ضامن اولور لر . §

ایجاب و قبول عاقدینک مکاتبه سی و دلسزک اشارت معهوده سی
ایله دخی اولور و کنایه دخی اوله بیلور . شویله که : برکیمسه دیگر
کیمسنه شو اون درهمی و یا شو البسه یی بکا ویر دیوبده اوده ویرسه
و دیغه اولور . زیرا اعطا هبیه دخی محمول اولور ایسه ده و دیغه هبه دن
ادنی اولقله و دیغه یی حمل اولنورده کنایه ایداع منعقد اولمش
اولور . چونکه ادنی متیقن واعلا مشکوکدر . شک ایله یقین زائل
اولماز .

۷۷۴ ماده مودع ایله مستودعدن هر برینک هر نه وقت

دیلسه عقد ایداعی فسخه صلاحیتی واردر .

زیرا ایداع عقود لازمہ دن دکلدر . مودع مالکدر . ودیعہ بی
ایستدیک زماں استرداد ایدہ بیلور مستودع دخی یالکز تبرعاً حفظی
درعہدہ ایدوب مقابلندہ عوض اولدیغندن عقدك دوامنه مجبور
دکلدر .

فقط حفظ ودیعہ اجرت مقابلندہ درعہدہ ایدلیدی صورتہ
بونوع ایداع اجارہ دیمك اوله جغندن برینك رضاسی اولدجہ دیگر
فسخ ایدہ من .

۷۷۵ ماده ودیعہ نك وضع یدہ قابل وقبضہ صالح اولسی
شرطدر .

بناء علیہ ہوادہ کی قوشك ایداع صحیح دکلدر .
چونکہ مستودع عقد ایداع ایله ودیعہ نك محافظہ سنی درعہدہ
ایدہ جکندن ودیعہ نہ مقولہ شی ایسہ انك کنندینہ لایق اولدینی
وجہلہ اخذ وحفظہ قابل اولسی لازمدر . ہوادہ کی قوش وفراری
حیوان ودکڑہ دوشمش مال کی وضع یدہ قابل اولیان شیرك حفظی
محال اولقلہ ایداع صحیح دکلدر .

مع مافیہ مادہ مشروحہ نك صورت تحریرینہ و ۷۷۳ نجی مادہ نك
ایکنجی واوچنجی مثاللرینہ نظراً ودیعہ نك وضع یدہ قابل وقبضہ
صالح اولسی کافی اولوب ہمہ حال وضع ید شرط دکلدر .

۷۷۶ ماده مودع ایله مستودعك عاقل ومیز اولملری
شرطدر

اشبو شرط عاقدینہ راجع شرط العقاددر و عقل وتمیز جمیع

عقودده شرط اولدینی کی عقد ایداعده دخی شرطدر . زیرا اهلیت ادا بونلر ایله ثابت اولور .

بالغ اولملری شرط دکلدر .

بلوغ هبه کی فاعلنک حقننده محض ضرر اولان تصرفات شرعیده شرط اولوب فاعلنک حقننده محض منفعت یا خود نفع ایله ضرر بیننده متردد اولان تصرفاتک حتی ایچون بلوغ شرط دکلدر .

بناءً علیه بمنونک وصی غیر ممیزک ایداع وودیعہ فی قبول ایتملری صحیح دکلدر .

چونکه جائز اهلیت اولمدقلرندن تصرفات قولیه لری معتبر اولماز .

اما مأذون اولان وصی غیر ممیزک ایداعی وودیعہ فی قبول ایلمسی صحیحدر .

زیرا عقد ودیعه مأذونیتلری داخلنده واقع خصوصاً تندر . §

صغیر ممیز غیر مأذونه کلنجه بونلرک ایداعی ولی ویا وصیلرینک اجازتنه موقوفاً منعقد و صحیحدر .

فقط ودیعه فی قبول ایتملری حفظی بلا بدل یعنی تبرعاً درعهده والتزام اولوب کنه دولری مکلف و مأذون اولمدقلری جهتله تبرعه اهل اولمدقلرندن و بناءً علیه حققرنده وجوب حفظ ثابت اولیه چقندن بونلره بر مال ایداعی صحیح اولماز .

معتوه اولانلر دخی بو حکمده در .

بنابرین مجنونه وصی غیر ممیز وصی غیر ممیز غیر مأذونه و معتوه بر مال ویریلوبده صنع و تقصیرلری ایله تلف اولسه طرفین حضراتنک اجتہادینه کوره ضمان لازم کلور . چونکه بونلرک عدم اهلیتلرینی و اتلاف اموال عادات صبیان و مجانیندن اولدینی بیلورکن بو مقوله لره

برشی ایداع ایتک اتلافنه راضی اولمق دیمکدر . رضا دخی ضمانه
منافیدر .

بومسئله کتاب الحجرده ذکر اولنه جنی اوزره صبی افعسالنده
محجور دکدر قاعده سندن مستنادر .

امام ابو یوسف حضر تیرینه کوره ضمان لازم کلور . امام شافعی
حضرینک اجتهادی دخی بومر کزده در .

اما عقه ایداع سبق ایتمدن ودیمه ایتک ایستیلان مالی اتلاف
ایقسه لر بالاتفاق ضامن اولور لر .

مجنون وصغیر غیر ممیز اولانلرک بشقه سینه ودیمه اولمق اوزره
ویردکلی مال بلاتعد ولاتقصیر تلف یا صایع اولسه آلان کیمسه
ایستر عاقل و بالغ ایستر مجنون یا خود صبی ممیز مأذون و یا غیر مأذون
اولسون هر حالده ضامن اولور .

چونکه مالی ویرنلر ایداعه اهل اولمدقلرندن حکم ودیمه ترتب
ایتمیوب غصب احکامی جریان ایدر هر قدر آلان مجنون وصبی غیر
ممیز دخی اهل دکلسه ده بونلرک تصرفات فعلیه لری اوزرینه ضمان
ترتبی قاعده جائز و معتبر اولوب انفاً بیان قلنان استثنانک شمولی یوقدر .
احکام محرره به نظراً صبی غیر ممیز و یا مجنون اولانلرک مالی ایداعه
لزوم کورلده ولی و یا وصیلری یا خود حاکم طرفندن ایداع ایدلک
اقتضا ایدر .

فصل ثانی

ودیمه نک احکامی و ضماناتی بیاننده در

۷۷۷ ماده ودیمه ید مستودعه امانتدر .

بناءً عليه مستودعك صنع وتعديسی و حفظده تقصیری
اولمقسزین تلف یا ضایع اولسه ضمان لازم کلز .
چونکہ اولاً مستودع و دیعه بی قبول و حفظده متبرعدر . متبرعه
ضمان لازم کلز .

ثانیاً ایداع دفع احتیاج ایچوندر : مستودع صنع و تقصیری
اولدینی حالده ولو ممکن التحرز بر سبیدن طولانی اولسون تلف یا
ضایع اولان و دیعه بی ضامن اولسه عقد ایداعه کیسه طالب اولماز
احتیاج تضییق ایدلمش اولور .

بنابرین مستودعک صنع و تعديسی و حفظده تقصیری اولمقسزین
ودیعه تلف یا ضایع اولدینی حالده مستودعک ضامن اولسی شرط
ایدلسه شرط لغودر : زیرا احکام شرعیه یه مغایر اولان شرطک
حکمی اولماز .

فقط اجرته حفظ ایچون ایداع اولنش ایسه ممکن التحرز
اولان بر سبيله تلف یا ضایع اولدینی صورته مضمون اولور .

بوصورته مستودع اجیر مشترک حکمنده بولنور . ۶۱۱ نجی
ماده شرحنده بیان و ایضاح اولدینی اوزره اجیر مشترک یدنده
مستأجر فیه ممکن التحرز بر سبيله تلف یا ضایع اولدینی صورته
ضمان لازم کلوب کلیه جکمنده بین الائمہ اختلاف اولنش و متأخرین
فقها ضمان بالنصف ایله فتوی ویرمشر ایسه ده اجرته حفظ ایچون
ایداع اولنان مال ممکن التحرز بر سبیدن طولانی تلف یا ضایع اولمقده
مستودعک مثلیاتدن ایسه مثلی و قیمیاتدن ایسه قیمتی تماماً ضامن

اولسی لازم کله جکی متفقاً بیان قلنمشدرد . زیرا اجاره ده مقصود بالذات اجیرک عملی اولوب مستأجر فیهک حفظی بالتبع مقصود اولدیغندن اجرتدن حصه سی اولوب اولمیه جنی و بناء علیه ضمان لازم کلوب کلمه جکی بحثنده اختلاف اولنمشدرد . حال بوکه برمال اجرتله ایداع اولندیغنی صورتده مقصود حفظدن عبارت اولمسیله مضمون اولمننده اشتباه یوقدر .

مثلاً برکیمسه نك یدندن قضارا ودیعه اولان ساعت دوشوبده قیرلسه ضمان لازم کلز . چونکه امانت مضمون دکلدر .

اما ساعتی چکنه سه یاخود الدن برشی دوشوبده ساعت قیرلسه ضمان لازم کلور . زیرا حفظده تقصیری واقع اولمشدرد .

۸۱۳ نجی ماده ده محرر اولدیغنی اوزره بویله بر فعل ایله عاریتده ضمان لازم کلمدیکی حالدده ودیعه ده لازم کلور . سبی عاریتده مستعیرک مستعاری استعمال ایله انتفاعه صلاحیتی اولدیغندن حین استعمال وانتفاعنده بلا تعد ولا تقصیر وقوعبولان حالاتدن مسئول اولمیه جنی درکاردر . حال بوکه مستودع ودیعه بی استعماله صلاحیتدار اولمادیغندن فعل واقع مقتضای استعمالدر دنیله من .

آنلاک برکیمسه مالی دیگره ایداع وحفظ ایچون اکا اجرت اعطا ایتدکن صکره اول مال سرقت اولنق کی ممکن التحرر اولان برسیدن ناشی ضایع اولسه مستودعه ضمان لازم کلور .

ودیعه نك اوج حکمی اولوب برنجیسی واجب الحفظ امانت اولمنمیدرکه بوجه بالا بیان وایضاح ایدلدی . ایکنجیسی طلب اولندقدم رد وتسلیمی واجب و اوچنجیسی قبول ودیعه نك مستحب اولمنمیدر .

۷۷۸ ماده مستودعک خدمتکاری یدندن ودیعه اوزرینه

برشی دوشونده وديعه تلف اولسه خدمتکار ضامن اولور .

مستودعك تعدی و تقصیری وقوعبولمديغندن کندوسنه ضمان ترتب ایتمز . چونکه خدمتکار مال صاحبنه قارشو ضمیندر دیسهك کندوسنه بالطبع ضمان لازم کلور . امیندر دیسهك تعدی وقوعبولمديغندن طولایي ضامن اولور . اتلاف ایدن خدمتکار اولیوب فقط مستودعك عیالنده بولنسه حکم ینه بویلهدر . خدمتکاری اولمق ویا عیالنده بولنمق سببیه مستودعه ضمان لازم گلر هرکس کندو افعالنندن مسئولدر . برکیمسهك فعلندن دیگرکی مسئول اوله مز .

۷۷۹ ماده وديعه حقنده صاحبك راضی اولمديغنی شیئی

یا بمق تعدیدر .

بومادهده مستودعك تعدیسی تعریف اولنیور . فقط ۷۸۴ نجی مادهده بیان اولنان مسائلهده صاحبك رضاسی اولمديغنی حالده دخی مستودع بعض شیلری یا بهیله جکندن صاحبی راضی اولمديغنی حالده یا بیلان شیئك مساعدۀ شرعییه مستنداً یا پلش اولماسی اقتضا ایدر .

§

ماده مشروحه بوبابده قاعده اولوب نه کی افعالك مودعك رضاسنه دلالت ایده جکی زیرده کی مادهلرده بیان و تذکار ایدیلور .

۷۸۰ ماده مستودع وديعه یی کندو مالی کی بالذات

حفظ ایدر . یا خود امینی اولان کیمسهیه حفظ ایتدیرر .

مستودع اوزرینه لازم اولان وديعه یی کندو مالی کی حفظ

ایتمکدر . مستودع کندو مالی امیننه حفظ ایتدیره بیله جکندن
ودیعه بی دخی حفظ ایتدیره بیلور .

بونکله برابر مستودع هر کیتدیکی یره و دیعه بی کوتوره میه جکندن
مستودعک امینی نزدنده حفظ ایتدیر مسنه مودع دلالة اذن و یرمش
عد اولنور .

وامینی عننده تعدی و تقصیری اولمقسزین تلف یا ضایع
اولسه کرک مستودعه و کرک امیننه ضمان لازم کلز .

زیرا جواز شرعی ضمانه منافیدر . اما امینک تعدی و یا تقصیری
ایله تلف اولور ایسه یا لکنز امینه ضمان لازم کلور .

امینک کیمناز اولدینی ۷۲۲ و ۷۸۴ نجی ماده لرده بیان و ایضاح ایدلدی .
۷۸۱ ماده مستودع کندو مالی نره ده حفظ ایدر

ایسه و دیعه بی دخی اوراده حفظ ایدر .

بناءً علیه مکان حفظ تعیین ایدلدیکی حالده مستودع و دیعه بی
کندینک و دیعه یه مماثل مالی نره ده حفظ ایده یور ایسه اوراده یعنی
ملککنده ، مأجورنده ، مستعارنده حفظ ایده بیلور .

مستودع سفره کیده جک اولدقده امام اعظم حضر تلوینه کوره
یول امین ایسه برابر کوتوره بیلور . دکلسه عائله سنی برابر کوتوردیکی
تقدیرده ینه برابر کوتوره بیلور . برابر کوتورمدیکی حالده و دیعه بی
عائله سی نزدنده ترک ایدر .

لکن مکان حفظ مودع طرفندن تعیین ایدلمش و یا سفره کوتورمکدن
مستودع منع اولنش ایسه قید و شرطه رعایة کوتوره میه جکی کبی

ودیعہ نك حفظی مقابلندہ اجرت شرط ایدلمش ایسہ ینہ بشقہ
بر محلہ کوتورہ من . زیرا بوصورتدہ ودیعہ عقد معاوضہ اولدیغندن
مکان عقددہ تسلیمی لازم کله جکی جهنله بشقہ محلہ کوتورمسی جائز
دکلدر . شاید کوتورر ایسہ بلا تعد ولا تقصیر تلف اولدقدہ ضامن
اوله جفی کبی تلف اولیوبده رد اولندقدہ مصارف نقایه سی مستودعه
عابد اولور .

۷۸۲ ماده ودیعہ نك امثالی وجهله محافظه سی لازمدر
بناءً علیه نقود و مجوهرات مثللو « حکمجه و صندوقده
محافظه سی معتاد اولان ذی قیمت ونفیس » اموالی آخورو صمانلق کبی
« اشیای خسیسه نك حفظنه مخصوص » یرلرده طوتمق حفظده تقصیر
اولغله بوحالده تلف یا ضایع اولسه ضمان لازم کلور .

بوخصوصده ودیعہ ایله سرقت بیننده فرق واردر . سرقت بر
مالی احرار اولندیغی یردن صاحبی کورمکسزین المقدر بوسیبه منی
امثالنك حفظ اولندیغی محله بولنوب بولندیغنه باقلماز . چونکه
سرقتده برنوع ماله ضرر اولان دیگر نوع امواله دخی ضرردر .

۷۸۳ ماده مستودع متعدد اولدقدہ اگر ودیعہ قابل
قسمت دکلسه برینك اذنیله دیگری حفظ ایدر . یاخود
بالمناوبه حفظ ایدرلر و بوحالده ودیعہ بلا تعد ولا تقصیر
تلف اولسه برینه ضمان لازم کلز .

وديعه كرك اصلا قابل قسمت اولسون حيوان كي وكرك تقسيم اولنديقي صورتده عيبلنه جق شي اولسون برطوب قماش كي .

مودع قابل قسمت اولميان برشيئي ايكي يا دهها زياده كيمنسه لره ايداع ايدنجه مستودعلك دائما بريرده بولنه ميه جقلريني بيلديكندن هر برينك مستقلاً ثبوت يدينه راضي اولمش ديمكدر .

واكر وديعه قابل قسمت ايسه مستودعلك آني بيلارونده سويآ تقسيم ايله هر برى حصه سني حفظ ايدر .

قابل قسمتدن مقصد تقسيم اولنور ايسه عيب طاري اولميان شيلردر . مثليات وعدديات متقاربه كي .

وبريشي حصه سني مودعلك اذني اولمديقه مستودع آخره ويره من .

چونكه مال صاحبي وديعه بي اشخاص متعدده نك حفظنه راضي اولوب يالكز برينك حفظنه راضي اولمامشدر . زيرا متعدد شخصلكر فعلى قابل تجزى اولان شيئه مضاف قلنور ايسه اول شيئك بعضيسنه متناول اولوب تمامنه شامل اولماز . بوسورتده مستودعلكدن هر برى كندو حصه سني ديكره ايداعه نه صراحة ونه ده دلالة مأذون اولمديغندن ويره من .

ويرونده آخرك ينده ايكن بلا تعد ولا تقصير تلف يا ضايع اولسه آلا نه ضمان لازم كلز .

مستودع اولك اذنيه قبض ايتيش اولديغندن ينده امانتدر . تعدى وتقصيرى اولمقسزين تلف اولدقده مضمون اولماز .

اما ویرن کندو حصه سنی ضامن اولور .

زیرا بوحصه یی یا کندوسی یا خود امینی حفظ ایتک لازم کلور
ایکن کندوسنک امناسندن اولیان دیگر مستودعه بلا اذن ویرمنی
تعیدر . §

بومسئله اخیره امام اعظم رحمه الله علیه اجتهادینه کوره یازلمشدر .
متعدد مرتهن ووکیل بالشرع ورهنده عدل اولانلر ووکیلر و مستبضعلرک
یدنده امانه بولنان اموال حقنده دخی حکم بویله در . امامین حضراتنه
کوره مودع مستودعلرک جمله سنی امین اتخاذا ایتش اولدیغندن بری
حصه سنی دیگرینه تودیع ایتسه جائز اولوب آنک یدنده تلف اولدقده
ویرنه ضمان لازم کلر . §

اما ودیعه مستودع آخرک تعدی ویا تقصیری ایله تلف اولدقده
مودع مخیر اولور . دیلرسه مستودع اوله و دیلرسه مستودع آخره
تضمن ایتدیرر . مستودع اوله تضمن ایتدیردیکی حالده اوده مستودع
ثانییه مراجعت ایدر . چونکه تضمن ایله ودیعه یه مالک اولمشدر .
لکن مستودع ثانییه تضمن ایتدیرر ایسه مستودع ثانی اوله مراجعت
ایده مز . زیرا کندی تعدی ویا قصوری ایله تلف اولمشدر . §

ودیعه قیمیاتدن ایسه کیفیت تضمنی تخالف ایدر . شویله که :
مودع مستودع اوله تضمن ایتدیرر ایسه وقت ایداعده کی قیمتنی تضمن
ایتدیرر . مستودع ثانییه تضمن ایتدیرر ایسه تعدی ویا تقصیرینک
تحقق ایلدیکی زمانده کی قیمتنی اوده تیر .

۷۸۴ ماده عقد ایداعده ایراد اولنان شرط اگر ممکن

الاجرا و مفید اولور ایسه معتبردر . دکل ایسه لغودر .

كرك خين عقدده و كرك بعد العقد درميان اولنسون .

مثلا مستودعك خانه سنده حفظ اولنق شرطيله برمال ايداع اولنش ايكن حريق وقوعيله ديكر محله نقلنه مجبوريه كلكده اول شرطه اعتبار اولنماز .
 زيرا وديعه يي خانه دروننده براتق ممكن الاجرا ايسه ده مفيد دكلدر .
 حتى نقل ايتيويده اول مال تلف اولسه ضمان لازم كله چكي ۷۸۷ نجى
 ماده نك فقره اخيره سنده مذكوردر .

بوصورته وديعه ديكر محله نقل اولنوبده بلا تعد ولا تقصير تلف يا ضايع اولسه ضمان لازم كلز .

زيرا جواز شرعى ضمانه منافيدر .

وكذلك مودع مستودعه وديعه نك - حفظى امر ايدوبده زوجه سنده يا اوغلنه يا خود خدمتكارينه ويا خود كندو مالى حفظ ايده كلان بر كيمسيه ويرمكدن نهى ايتدكده اكر اول كمنسيه ويرمكده مجبوريه وارايسه نهى معتبر اولماز .

زيرا شرط مذكور ممكن الاجرا دكلدر .

بوصورته مستودع وديعه يي اول كمنسيه ويروبده بلا تعد ولا تقصير تلف يا ضايع اولسه ضمان لازم كلز و اكر مجبوريه يوق ايكن ويررسه ضامن اولور

§

كذلك مكان وديعه يي مستولى ومحيط اولان حريق وامثالى سبب معذرتك وقوعنده مستودع وديعه يي مثال انف الذكردده محرر اولدينى اوزره امناسندن برينه ويره بيله چكي كبي امناسندن برينى بوله مدينى حالده هر كيمه اولسه اعطا ايده بيلور الحبق معذرتك زوالندن صكره وديعه يي استرداد ايتمسي لازمدر . استرداد ايتيويده ويرمش اولدينى كيمسه نزدنده تلف اولور ايسه ضمان لازم كلور .

كذلك خانه نك فلان او طه سنده حفظ اولنق شرط اولنش ايكن مستودع انى اول خانه نك ديكر او طه سنده حفظ ايتديكى صورته اكر اول او طه لر امر محافظه مساوى ايسه لر مفيد اولمايغندن اول شرطه اعتبار اولنماز .
 وبوحالده وديعه تلف اولسه كذلك ضمان لازم كلز .

اما اوطه لرك برى كار كير ديكرى اخشاب اولقى كېي يىنلار نده تفاوت بولسه
شرط معتبر اولوب مستودع انى مشروط اولان اوطه ده حفظ ايتمه مجبور
اولور و حفظده اول اوطه نك مادونى اولان اوطه يه قويوبده تلف اولسه
ضامن اولور .

۷۸۵ ماده وديعه نك صاحبي غائب اولوبده حيات
ومماتى معلوم اولمسه مستودع انى صاحب نك وفاتى تبين
ايدنجيه دك حفظ ايدر .

نرده اولديغى و حيات و مماتى معلوم اولميان كيمسه يه اصطلاح
شرعه « مفقود » دنيور .

مفقود كندي حقنده بر حيات اعتبار اولنور . چونكه غيوبت ايتزدن
اول مفقودك حياتى يقيناً معلوم اولوب خلافى ثابت اولدقجه زمان
ماضيده متحقق اولان حيات نك بقاسيله حكم اولنور . زيرا شك ايله
يقين زائل اولماز و خلافه دليل اولدقجه بر شيك بولنديغى حال
اوزره قالمسى اضدر .

بناءً على ذلك مفقودك حقيقةً يا حكاماً وفاتى تبين ايتدكجه
مستودعك وديعه ي حفظ ايتمى لازمدر نه ورثه سنه نده بيت المال
وپره منر .

§

مفقودك وفاتى ايكي وجهله تبين ايدر وجه اول حقيقةً وفات نك
تبين ايتمسيدير كه وارثلرينك لى الدعوى اقامه شهود ايدرك وفاتى
اثبات ايتلردير .

وجه ثانى حكماً وفات ايدر كه مفقودك طقسان ياشنى اكمال ايلسى اوزرينه
حاكمك وفاتنه حكم ايتمسيدير . وبونده حكم حاكم هر خالده لازمدر .

چونکه برکیمسه نك حقیقه و فاتیله ورته سنه حق ارث ثابت اولور ایسه ده
 حکماً و فاتیله حق ارثك ورته سنه ثبوتی دلیلک مدلول مقامنه اقامه شی
 یعنی طقسان یاشنی اکمال ایدن مفقودک وفات ایتمش عد اوله رق
 ورته سنه حق ارثك ثبوتی ایله حاصل اوله جغندن حکم حاکمه لزوم
 درکاردر .

نوع بشر اکثریا طقسان یاشندن اول وفات ایدوب زیاده یاشایان
 نادر اولدیغندن و شرعاً نادره اعتبار اولنمیوب غالب شایع اولان
 معتبر ایدوکنندن طقسان یاش عمر طبعی عد اولنمشدر .

§

ورته مفقودک و فاتیله شهود ایله اثبات ایتدکدن صکره مفقود
 حیا ظهور ایدر ایسه محیز اولور دیلرسه وارثلرینه و دیلرسه خلاف
 حقیقت شهادتده بولنانلره تضمین ایتدیرر یوقسه مستودعه تضمین
 ایتدیره مز چونکه مستودع و دیعه بی بر موجب حکم تسلیم ایتدیکنندن
 جواز شرعی ضمانه منافیدر .

فقط و دیعه طور مغله بوزیله حق شیلردن اولدیغی حالده
 حاکمک اذنیله صاتوب ثمنی نزدنده امانت اوله رق حفظ
 ایده ییلور .

حاکمک اذنی اولقسزین صاتار ایسه بیع فضولی اولوب مفقود حیا
 ظهور ایتدکده محیز اولوب بیعی دیلرسه محیز اولور . دیلرسه
 فسخ ایدر .

اما صاتیوبده طور مغله بوزلرسه ضمان لازم کلز .

زیرا مستودع مأمور اولدینی وجهله و دیعه بی حفظ ایلمش اولوب
انی صاتمماسی وظیفه سندن فضله ایولاک ایتمکدن امتناع دیمکدر .
بوایسه حقوق نقطه نظرندن موجب ضمان دکلددر چونکه بوضورتده
ودیعه نك بوزلمسی تعدی ویا تقصیری اثری دکلددر . فقط مفقودك
ورثه سی حاکمه بالمراجعه صا دیروپ ثمنی حفظ ایتدیره بیلورلر .

۷۸۶ ماده آت واینك کبی نفقه یه محتاج اولان و دیعه نك
نفقه سی صاحبنه عائددر .

یعنی و دیعه نك ادامه حیاتی موجب اولان نفقه سی صاحب و دیعه یه
عائددر چونکه و دیعه مودعك ملکی اولدینی کبی مستودعك انی
محافظه سی صاحبك منفعتی متضمندر بر شینه مالک اولان ضررینه
دخی متحمل اولمق اقتضا ایدر زیرا کلفت نعمته ونعمت کلفت کوره در
صاحبی غائب اولدقده مستودع اولان کیمسه حاکمه مراجعت
ایدوب او دخی صاحب و دیعه حقننده اصلاح وانفع اولان
صورتك اجراسنی امر ایلر .

شویله که و دیعه نك ایجاری ممکن ایسه مستودع انی رأی
حاکمه ایجار ایدوب اجر تندن انفاق ایدر یاخود ثمن مثلیله
صاتار و ایجاری ممکن دکلسه کذلک رأی حاکمه همان یاخود
اوج کونه قدر کندو مالندن انفاق ایتدکن صکره ثمن مثلیله
صاتوب نهایت اوج کونلک مصرفنی دخی صاحبندن ایستر .

حاكمك ولايت عامه سني اولنيغندن ائلك امريله اجرا قلنان تصرفات
مذكوره معتبردر فقط حاكم اوچ كوندن زياده اتفاق ايله امر ايده من
واوچ كونلك مصرف وديعه نك قيمتي تجاوز ايتماك لازمدر تجاوز
ايدرايسه اوچ كوندن اول صائلسي اقتضا ايدوب صائليوبده فضله
مصرف ايديلور ايسه مستودع فضله سني مودعدن آله من برده مستودع
بويله نفقه يه محتاج اولان وديعه يي حاكمه مراجعت وامر استحصاليله
اتفاق ايتيوبده تلف اولسه ضامن اولور.

اما حاكمك اذني اولمقسزين مصرف ايدرايسه مودعدن
آله ماز .

زيرا بر كيمسه نك ملك كننده صاحبك اذني ويا حاكمك امرى
اولمقسزين بشقه سني طرفندن ايديلان مصرف تبرع قيلمندندر .
كذلك حاكمك امر ايتديكي مقداردن فضله مصرف ايدرايسه
بو فضله يي آله ماز .

۷۸۷ ماده مستودعك تعدي ويا تقصيري حالنده وديعه

تلف ويا خود قيمتنه نقصان طاري اولسه ضمان لازم كلور .

زيرا هر كس كندو تعدي و نقصايرندن مسئول اولور . فقط
[حالنده] قيدي احترازيدر . چونكه وديعه ده تعدي ويا تقصيرك
موجب ضمان اولمسي وديعه نك حال تعدي ويا تقصيرده تلف يا ضايع
اولمسي تقديرده در . زيرا ۷۶۴ نجبي ماده شرحنده بيان اولنديني
اوزره قاعده هر بر امين بعد الخلاف وفاقه عودت ايدرايسه ضماندن
برى اولور .

مثلا مستودع کندوسنده ودیعه اولان نقودی امورینه صرف ایله استهلاك ایتسه ضامن اولور . بو صورتده نزدنده امانت اولان برکیتسه نقودی اولوجهله صرف ایدوبده بعده کندو مالندن یرینه قویدقدن صکره تعدی و تقصیر اولمقسرین ضایع اولسه ضماندن قورتیله من .

چونکه ودیعه اولان نقودی صرف ایله تعدی ایتمش اولدیغی کبی بعدالمخالفه وفاقه عودت ایتیموب یرینه قویمش اولدیغی نقودضایع اولمشدر . مودع نقود منبرورهی قبض ایتدکجه ودیعهیه محسوب ایدهمیهجکی جهتله مستودعک ملکنده ضایع اولمش اولدیغندن ضمانندن بری اوله من .

و کذا مستودع یدنده ودیعه اولان حیوانه بلا اذن بنوبده کیدرکن کرك فوق العاده سورمکله وکرك دیگر سبيله وکرك بلا سبب تلف اولسه ویاخود اثنای راهده سرقت اولنسه مستودع اول حیوانی ضامن اولور .

زیرا مستودعک حیوانه بنمسی تعدی اولدیغندن موجب ضماندور . كذلك حریق وقوعنده مستودع ودیعهیه دیگر محله نقله مقتدر ایکن نقل ایتوبده محرق اولسه ضمان لازم کلور .

بوحالده مستودعک محافظه ودیعهده قصوری اولدیغندن ضامنی موجبدر . اما نقلنه مقتدر اولهمدی ایتسه معذور اوله جغندن ضمان لازم کلر .

§

لیکن مستودع ودیعه اولان نقودی تصرفه تشبث ایتدکن صکره واز کجوب بعده مذکور نقود بلا تعدی و لا تقصیر ضایع اولسه ضمان لازم کلر . چونکه بعدالمخلاف وفاقه عودت ایتمکله ضمانندن بری اولور . انحق وفاقه عودت ایتدیکنی مودعک تصدیق ویا مستودعک بالینه اثبات ایتمنی لازمدر .

۷۵۸ ماده - ودیعهیه صاحبک اذنی اولمقسرین دیگر

مال ايله يكدىكرندن تفريق اولنه ميه جق صورتده قارشى دىر مق
تعديدر .

۱۰۶۰ نجى ماده ده بيان قلندينى اوزره كرك قابل تميز و تفريق
اوليه جق و كرك بغداديك آرپه ايله قارشى دىر لمسى كى تفريقنده عسرت
و كلفت اوله جق صورتده اولسون عين حقه يعنى مستودعه وصول
ممکن اوليه جغنه و ۹۰۱ نجى ماده حكمنجه ازاله تصرفده غصبه
مساوى اولان حال و كيفيت حكماً غصب قىلندن عد اولنه جغنه بناء
بروجه محرز و ديعه نك دىكر مال ايله قارشى دىر لمسى تعدى اولمغله
موجب ضماندر .

بناءً عليه مستودع كندوسنده و ديعه اولان بر مقدار يوزلك التونلرى
كندوسنك يوزلك التونلرى ايله ياخود بر بشقه سنك و ديعه اولان يوزلك التونلرى ليه
بلا اذن قارشى دىر دقن صكره ضايع اواسه ياخود سرقت اولنسه ضامن اولور .
و كذا مستودعدن بشقه بر كيمسه مذكور التونلرى اولوجه ليه قارشى دىر سه
اول كيمسه ضامن اولور .

شو مثاللردن مستبان اولديغنه كوره قارشى دىر ان ايستر مستودع
ايستر بر شخص آخر اولسون حكماً مساويدر . زيرا ضرر هر كيمك
طرفندن ايقاع اولور ايسه اولنسون ازاله اولنور و متعدى اولان
شخص محجور بيله اولسه تصرفات فعليه منع اولنه ميه جغندن فعلندن
ترتب ايدن ضرر و زيانك كندو مالندن تضمين ايدلمسى ايجاب ايدر .

§

[ضايع اولسه ياخود سرقت اولنسه] عبارته سى احترازی دكلدر .
چونكه وجوب ضمانده و ديعه نك ضايع و يا سرقت اولنسى شرط دكلدر .
مجرد خلط اموال موجب ضماندر . و ديعه كرك ضايع اولسون و يا

سیرقت ایدلسون کرک مخلوط عیناً موجود اولسون ضمان لازم کلور.

§

ودیمه دیگر مال ایله ایکی صورتله قارشیدریلور . برنجیسی امتزاج
طریقله در . سوتی سو ایله قارشیدیرمق کبی بو صورتده بالاتفاق
ضمان لازم کلور .

ایکنجیسی مجاورت طریقله در . بوده ایکی وجهله اولور .
برنجیسی خلاف جنس ایله قارشیدیرمقدر . بوده ایکی درلودر . بریسی
تفریقی قابل اوله حق صورتده قارشیدور . بو حالده تعدی دکلدر .
التون مسکوکاتی کومش مسکوکاته قارشیدیرمق کبی .

دیگری تفریقی متعذر و یا متعسر اوله حق صورتده قارشیدور .
بغدایی آرپه ایله قارشیدیرمق کبی که بو صورتده بالاتفاق ضمان
لازم کلور .

مجاورت طریقله قارشیدیرمقلغک ایکنجیسی جنسی جنسه
قارشیدیرمقدر . کرک سوتی سوت ایله قارشیدیرمق کبی مایعاتدن و کرک
بغدایی بغدای ایله قارشیدیرمق کبی مایع اولیان شیلردن اولسون .
بو وجهله خلط اموالده کیفیت ضمان خصوصنده بین المجتهدین اختلاف
اولمشدر . امام اعظم حضرت تهرینه کوره هر حالده مخلوطدن حق
مالك بالسکلیه منقطع اوله جفته بناء تعدی ایله ودیمه من کل وجه
استهلاک ایدلمش اوله جفتدن خالطه ضمان لازم کلور . ومستودع ضمان
ایله مخلوطه مالک اولوب اصل مالک یعنی مودع شرکت مالک ایله
شریک اوله مز . ۱۰۶۰

امامین حضراتنه کوره مودعک مایعاتدن اولیان مخلوطده کی
حق صورتاً زائل اولوب معناً باقیدر . بناء علیه تعدی ایله من وجه

استهلاك ايدلمش اوله جغندن مودعه حق خیار ثابت اولور . ديلرسه مخلوطده حصه سی مقداری مشارکت ايدر . ديلرسه مشارکت ايتيوب وديعه نك قيمتي خالطه تضمين ايتديرر .

ثمرة اختلاف شودر كه مودع خالطی ابرا ايتد كده حضرت امامه كوره ارتق مخلوطده حق ساقط اولوب برشی طلب ایده من . امامینه كوره يالكز خیرلكی ساقط اولوب مخلوطده شركت ملك تعین ايدر . مخلوط مایع اولور ايسه امام محمد حضرتلرينه كوره حكم ینسه وجه محرر كبی اولوب انجق امام ابو یوسف حضرتلری اقل اكثره تابع اوله جنی یعنی اكثره مالك اولان اقلك قيمتي تضمين ايله تملك ايتك لازم كله جكي راینده بولنمشدر .

ماده مشروحه صورت مطلقه ده محرر اولسنه نظراً بجله جمعیتجه امام اعظم حضرتلرینك اجتهدینك اختیار اولندیفی اكلاشیلیور .

۷۸۹ ماده مستودع اكر وديعه بی صاحبنك اذنیله ماده

آنفه ده بیان اولندیفی اوزره دیگر مال ايله قارشیدیرسه یا خود کندوسنك صنعی اولقسزین ایکی مال بربريله كندك یكدیكردن تفریق اولمیه جق صورتده قارشیه مثلاً بر صندوق دروننده وديعه اولان التون کیسه سی یرتیلوب ایچنده کی آلتونلر دیگر آلتونلره قارشیه مجموعه نده مستودع ايله صاحب وديعه حصه لری مقدار نجه شریك اولورلر .

۱۰۶۰ ، ۱۰۶۳ ، ۱۰۶۴ نجی ماده لرده بیان قلندیفی اوزره

خلط واختلاط اموال شرکت ملکی موجب اولوب صاحبك اذنيه
 قارشیدردقده شرکت اختیاریه ملک وصاحبك اذنی وکندوسنك
 صنعی اولمقسزین مالربربرینه قارشسه شرکت جبریّه ملک حاصل اولور.
 بو حالده بلا تعد ولا تقصیر تلف وضایع اولسه ضمان
 لازم کلز .

بو ماده امام محمد حضر تلرینك اجتهدانی وجهله یازلمشدر . امام
 اعظم حضر تلرینه کوره بو صورتده دخی ماده آنفه حکمی جریان
 ایدر . امام ابو یوسف حضر تلرینك رأینجه اقل اکثره تابع اولوب
 کیمک مالی زیاده ایسه مخلوط انك اوله رق دیکرینك حصه سی ضامن
 اولور . §

[یکدیگرندن تفریق اولنیه جق صورتده] جمله سی احترازیدر .
 تفریق اولنیه جق صورتده خلط واختلاط ایدن اموال یکدیگرندن
 بالتفریق هر کسک حصه سی کندوسنه ویریلور . —

۷۹۰ ماده مستودع ودیعه یی بلا اذن آخره ایداع

ایده من . ایدوبده بعده تلف اولسه ضامن اولور .
 چونکه مودعک نه صراحة ونه ده دلالة اذنی لاحق اولمامشدر .
 مستودع بلا اذن حفظی ترك ایتدیگسندن طولای امام اعظم حضر تلرینك
 اجتهداینه کوره یالکز کندو ضامن اولور . مستودع ثانی یه ضمان
 لازم کلز . چونکه بونک یدنده ودیعه صرف امانت اولوب امانت
 دخی مضمون اولمدیغندن سبب ضمان یوقدر .

۷۸۰ نجی ماده ده [مستودع ودیعه یی کندو مالی کبی بالذات

حفظ ایدر . یاخود امینی اولان کیمسه یه حفظ ایتدیرر [دیو محرر
ایدی . ماده مزبورده ایله ماده مشروحه بیننده مبیانت وار کبی
کورینورسده حقیقتده مبین دکلدر . چونکه قاعده اصولیه دندر که
عام اولان لفظ خاصه مقابل ذکر و ایراد اولنور ایسه عامدن خاصک
ماعداسی قصد و اراده اولنور . ماده مشروحه ده کی [آخره] لفظی
عام اولوب مستودعک امناسی ایله ماعداسنه شاملدر . ۷۸۰ نجی
ماده ده [امینی اولان کیمسه یه حفظ ایتدیرر] دنیلدیکندن ماده
مشروحه ده واقع [آخره] لفظی مستودعک امناسنک غیری دیمکدر .
واکر مستودعک ثانیکنک تعدی یا تقصیری ایله تلف اولمش
ایسه مودع دیلرسه مستودع ثانی یه تضمین ایتدیرر . و دیلرسه
مستودع اوله تضمین ایتدیروب اودخی مستودع ثانی یه
رجوع ایدر .

اسبانی ۷۸۳ نجی ماده شرحنده بیان قلندی .

۷۹۱ ماده مستودع و دیعه یی آخر کسنه یه ایداع
ایدوبده مودع مجیز اولسه مستودع اول آرهدن چیقوب
اول کسنه مستودع اولور .

یعنی مستودعک و دیعه یی خود بخود آخر کسنه یه ایداع ایتسی
مودع اولک رضاسنه موقوف اولور . اجازت ویرر ایسه نافذ اولور .
زیرا اجازت لاحقه وکالت سابقه کیدر .

۷۹۲ ماده مستودع و دیعه یی صاحبنک اذنیله استعمال

ایده بیلدیکی کبی آخره ایجار و اعاره و رهن دخی ایده بیلور .
 کندوسی استعمال ایدر ایسه استعاره قیلندن اولور . بشقه سنه
 ایجار و اعاره ایدر ایسه صاحبی طرفندن بالوکاله ایجار و اعاره ایتیش
 اولور . رهن ایلدیکی صورتده صاحبنک بورجی مقابلنده رهن ایتیش
 ایسه وکیل بالرهن و کندی بورجی مقابلنده رهن ایتیش ایسه رهن
 مستعیر اولور .

اما صاحبنک اذنی اولمق سزین آخره ایجار یا اعاره ویا
 رهن ایدوبده و دیعه مستأجر یا مستعیر یا خود مرتهن یدنده
 تلف یا ضایع اولسه یا خود قیمته نقصان کلسه مستودعه
 ضمان لازم کلور .

زیرا بلا اذن تصرفی تعدی اولقله موجب ضماندر . مستأجر یا
 مستعیر ویا مرتهن دخی بر بشقه سنک مالی انک اذنی اولمق سزین
 اخذ ایتیش اولملریله ضامن اولورلر .

بناءً علی ذلک صاحب و دیعه بخیر اولوب دیلر سه غاصب حکمنده
 اولان مستودعه و دیلر سه غاصب الغاصب حکمنده اولان مستأجر
 یا مستعیر ویا مرتهنه تضمین ایتدیرر .

فقط مستأجر یا مستعیر ویا مرتهن و دیعه اولدیغنی بیلیمیه رک
 آلمش ایسه مستودع کندوسی آلداتمش اولدیغندن بعد التضمین
 مستودعه رجوع ایدر .

§

مستودع خود بخود استعمال ایدر ایسه بونک دخی موجب ضمان

اولدینی ۷۸۷ نجی ماده ده بیان قلندیغندن بوراده تنکر از ایدلما مشدر .
 فقط ودیمه علوم دینیغدن باحث بر کتاب ایسه مستودعك
 ضرر سزجه مطالعه ایتمسی جائزدر .

برده استعمال حفظه منافی اولمدیغندن ودیمه استهلاک ایدلکسزین
 استعمال ایدلدیکی وصاحبی مجیز اولدینی حالده حکم عقد مجرد استعمال
 ایله باطل اولماز .

۷۹۳ ماده مستودع امانت اچقہی بلاذن آخره اقراض
 وتسليم ایدوبده صاحبی مجیز اولمسه مستودع اول اچقہی
 ضامن اولور .

چونکہ تعدی ایتمشدر . اما صاحبی مجیز اولور ایسه نظر اولنور .
 اکر ودیمه مستقرضك یدنده عیناً موجود ایسه اجازت صحیح
 اولوب مقرض مودع اولمش اولور .
 واکر موجود دکلسه تلف اولمش اولان برشی حتمده اجازت
 صحیح اولیه جغندن صاحبی دیلرسه مستودعه و دیلرسه مستقرضه تضمین
 ایتدیرر .

مستودعه تضمین ایتدیردیکی حالده مستودع ضمانی سببیه اکا
 مالک اوله رق مستقرضه بالمراجعه ویردیکنی مطالبه ایدر .

کذلک کندوسنده ودیمه اولان اچقہ ایله صاحبك
 آخره اولان دیننی ادا ایتدکده صاحبی راضی اولمسه ضامن
 اولور .

و مستودع بعد التضمن دانسته مراجعت ایده میوب متبرع اولور .
 و کذا مستودع و دیعه بی کندوسنک مودعه اولان آله جفی ایله
 تقاص و محسوب ایده من و لو که و دیعه ایله آله جفی جنس واحد دن
 اولسون . §

ماده مشروحه ده امانت آنچه سندن بحث اولمنش ایسه ده و دیعه
 اقراضی صحیح اولان مثلیات دن اولوبده اقراض ایدلدیکی صورته دخی
 حکم بویله در .

۷۹۴ ماده و دیعه بی صاحبی طلب ایتدکده کندوسنک
 رد و تسلیمی لازم کلور .

زیرا صاحبنک کرک بالذات و کرک و کیل واسطه سیله و دیعه بی
 طلبی عقد ایداعی فسخ دیمکدر . و دیعه نک رد و تسلیمی و دیعه بی
 تحایه ایدوب قبضه رخصت و یرمکه حاصل اولور .

و رد و تسلیمک مؤتی یعنی کلفتی و مصرفی مودعه غایب اولور .

زیرا بر شینه مالک اولان آنک کلفتته دخی متحمل اولور .

و مودع طلب ایتدکده مستودع و یرمیوبده و دیعه تلف
 یا ضایع اولسه ضامن اولور .

قاعده امر مطلق تراخیه محمول اولسنه نظرأ مودعک طلبی
 اوزرینه مستودعک و دیعه بی بر مدت و یرمکسندن طولانی ضمان لازم
 کلامک ایجاب ایدر ایسه ده امر فوره دلالت ایدر برقرینهیه مقارن
 اولورسه اول حاله علی الفور اجراسی لازم کله جکندن و مودعک
 طلبی و دیعه پی شمیدی و یردیمک اولدیغنه قرینه حالیه دلالت ایتدیکنندن

بعدالطلب ویرمدیکی صورتده مستودع ودیعه‌بی صاحبیه رد واعاده
ایتمدجکه ضماندن بری اولماز . زیرا تأخیر وتوقیفی ۹۰۱ نجی ماده‌یه
نظراً غصب قیلندن عد اولتور . §

بومسئله امین بعدالخلاف وفاقه عودت ایدر ایسه ضماندن بری
اولور قاعده‌سینک مستثناسیدر . فقط بعض قیود وشروطه رعایت
ایجاب ایدر . شویله که :

اولاً ودیعه‌بی مودع ویا وکیلی طلب ایتملیدر . شخص آخر
طلب ایدوبده مستودع « بنده اوینه ودیعه یوقدر » دیو انکار ایدر
ایسه ضمانی موجب اولماز . زیرا حقیقه انکاره محمول اولیوب
شخص مزبوردن کتمه دلالت ایدر .

ثانیاً مستودع مودعک طلب ایتدیکی زمانده انکار ایتملیدر .
یوقسه مودع ودیعه‌نک حافی سؤال ایدوبده مستودع انکار ایتسه
ضمانی موجب اولماز . چونکه حقیقه انکار اولیوب تمکن حفظه
دلالت ایدر .

ثالثاً ودیعه‌بی قطعاً انکار ایتملیدر . « سن آنی بکا هبه ایلدک »
کبی برشی سویلیوبده بعده تلف اولسه ضمان لازم کلز .
رابعاً ودیعه منقول اولملیدر . زیرا ۹۰۵ نجی ماده شرحنده
ایضاح اولنه‌جنی وجهله شیخین حضراتنه کوره غیر منقولده غصب
تصور اولماز .

خامساً مستودع ودیعه‌بی حال انکارنده بولندینی یردن بشقه محله
کوتورمش اولملیدر . تا که غصب تحقیق ایده . بولندینی محلدن نقل
ایتمکسزین تلف اولسه ضمان لازم کلز .

سادساً مستودع ودیعه‌نی بعدالانکار مودعه اعاده ایتما می‌در .

اگر اعاده ایدر ایسه سبب ضمان قالمز . §

مستودع ودیعه‌نی بالذات صاحب‌نه می رد ایتما یوقسه عیالنده بولنانلرده رد ایده بیلور می مسئله‌سنده ایکی قول واردر . بر قوله کوره عیالنده بولنانلره دخی رد اولنه بیلور که فتوی بونک اوزرینه‌در . بوحالده ماده مشروحه‌ده واقع [کندوسنه] تعبیری احترازی دکلدر . دیگر قوله کوره رد اولنه‌ماز .

فقط حین طلبده ودیعه اوزاق محله بولنمق کی بر عذر دن ناشی ویرمیوبده تلف یا ضایع اولمش ایسه اوحالده ضمان لازم کلز .

اما عذرک زوالدن صکره ویرمیوب بو آراق ودیعه تلف یا ضایع اولسه ضمان لازم کلور . §

عذر دن نشأت ایدن عجز ایکی درلودر . برنجیسی عجز حسیدر . مثال مذکورده بیان اولندیغی کی . ایکنجیسی عجز مغنویدر . مستودعک نفسندن ویا ودیعه‌نک هلاکندن خوف ایتمی کی . §

۸۲۹ ، ۸۹۰ نجی ماده لردن ا کلاشیله جنی اوزره ودیعه ایله عاریت و مقصوبک رد و تسایمنده فرق واردر . بونک سبی کتاب الاجاراتده دخی بیان اولندیغی اوزره قاعده بر شیئک منفعت قبضی کیمه عائد ایسه مؤنث وکلفت رد و تسلیمی دخی اکا عائد اولمسیدر .

۷۹۵ ماده مستودع ودیعه‌نی بالذات یاخود امینی ایله رد و تسلیم ایدر . وامینی ایله رد و ارسال ایتدیکی صورتده

قبل الوصول وديعه بلا تعد ولا تقصير تلف يا ضايع اولسه
ضمان لازم كلز .

چونكه مستودعك وديعه يي اميني واسطه سيله حفظ ايتسي جائز
اولسه نظراً اميني واسطه سيله رد ايده بيلمسي اولويتله جائزدر .
جواز شرعي ايسه ضمانه منافيدر . §

وديعه بالذات مودعه ويا امينه تسليم اولنور . ۸۲۹۰ نجی ماده ده
بيان قلنديني وجهله عاريتده اولديني كي وديعه حيوان اولوبده مستودع
آني مودعك آخورينه كوتوروب براقسه تسليم ايتش عد اولماز .
تلف يا ضايع اولسه محافظه قصورينه بناء ضامن اولور . زيرا
مودع وديعه يي مستودعك يد حفظه احاله ايتديكندن محفوظاً
اعاده سي لازمدر .

۷۹۶ ماده ايكي كيمسه مشترك ماللريني بر كيمسه يه
ايداع ايتد كدن صكره اول شريكاردن بريسي كلوبده آخرك
غيابنده حصه سني مستودعدن طلب ايتد كده وديعه كر مثليادن
ايسه مستودع انك حصه سني كندوسنه ويرر .

چونكه ۱۱۱۷ نجی ماده ده ايضاح اولنديني اوزره مثلياتده افراز
جهتي راجح اولديغندن مستودعك بالا فراز ويره چكي مقدار كويا
مودعك عين حقيدر .

فقط غائبك حصه سي كندوسنه تسليم اولمديجه قسمت تمام
اوليه جغندن انك حصه سي پد مستودعه بلا تعد ولا تقصير تلف

یا ضایع اولور ایسه مشارکنک قبض ایش اولدینی مقدار بینلرنده
مشترک اولور .

واکر قیمیاتدن ایسه ویرمز .

ویرر ایسه تلف اولنجه ضامن ولور . زیرا ۱۱۱۸ نجی ماده
حکمنجه قیمیاتده مبادله جهتی راجح اولدیفندن معنای فسخی تخصیص
قابل اوله ماز .

۷۹۷ ماده وریعه بی تسلیمده مکان ایداع معتبردر .

مثلا استانبولده ایداع اولنان متاع ینه استانبولده تسلیم اولنور ادرنده
تسلیم ایتمک اوزره مستودعه جبر اولنه ماز .

زیرا مستودع وریعه بی نرده قبض ایش ایسه اوراده رد و اعاده بی
التزام ایش دیمکدر . بشقه بر محله تسلیمنی وعد ایش اولسه بیله
بو وعدی تبرع قیلندن اولدیفندن موجبنی ایفا ایچون جبر اولنه ماز .
هر تقدیر مؤث رد و تسلیم مودعه عائد ایسه ده محل قبضک عیریده
تسلیم ایله مستودعه جبر اولنق حقه ده کلفتی مستلزم اوله بیله جکندن
جائز دکلدر .

۷۹۸ ماده وریعه نک منافی صاحبکدر .

چونکه ملککنک تمامیدر .

مثلا امانت اولان حیوانک یاوری و سوت و یوک صاحبه عائد اولور .
[منافع] کله سی منافع وزواندن اعم اوله رق قوللا نلشسدر .
زیرا مثاله بیان اولنان یاوری و سوت و یوک اعراض فانیه دن عبارت
منافع اولیوب زوانددر . §

مستودع منافعی قبل الفساد حاکمه مراجعت بمکن اولیان یرده
بلا امر القاضی صائسه جائز اولوب ضمان لازم کلز .

صائموب طور مقله بوزلسه اصل و دیعه بوزلقدنه ضمان لازم
کلدیکی کبی بونده دخی ضمان لازم کلز . چونکه مستودعک بو بایده
تعذیبی یوقدر . هر نقدر فسادی موجب اولان شیلرک اوکنی آلمق
مروت قیلندن ایسه ده بر کیمسه دیگرینه اییلک ایتمدیکنندن طولای
مسئول اولسی ایجاب ایتمز . §

مستودع و دیعه بی مودعک اذنی اولقسزین آخره ایجار ایدوبده
اجرتی اخذ ایتد کده بواجرت مستودعک اولوب مودع مداخله ایده مز .
چونکه ایجار سببیه و دیعه مستودعک ضماننده بولنه جغندن و برشیئک
نفعی ضمانی مقابله سنده اولدیغندن اجرت مذ کوره مستودعه عائد اولور .

۷۹۹ ماده . صاحب و دیعه غائب اولوبده اوزرینه نفقه سی
واجب اولان کیمسه نک مراجعتی اوزرینه حاکم اول غائبک
و دیعه اولان اچقه سندن اول کیمسه یه نفقه تقدیر ایتد کده
مستودع کندو یدنده و دیعه اولان اچقه دن اول کیمسه نک
نفقه سنه صرف ایتسه ضمان لازم کلز . فقط حاکم امری
اولقسزین صرف ایدر ایسه ضامن اولور .

[غائبدن] مقصد مدت سفر یعنی اوچ کونلک که تقریباً طقسان
کیلو مترو اوزاق مسافه ده بولنان کیمسه دیمکدر . اما غائب عن المجلس
ایسه حاکم طرفندن احضاری قولای اولغله نفقه تقدیرینه محل
یوقدر . §

[نفقه] طعام ، كسوه ، سكناندين عبارتدر . نفقه نك وجوبى اوج شى ايله اولور .

برنجيسى : زوجيتدر . زوجه ايستر فقير ايستر غنى اولسون نفقه سى زوج اوزرينه واجبدر .

ايكنجيسى : مؤبدأ حرمت نكاحى موجب اولان قزابتدر . من له النفقه فقير اولمق وذى رحم محرم ايسه برادر و همشيره كى فقير اولمغله برابر كسبدن عاجز اولمق شرطدر .

اوچنجيسى : ملكدر . اموال مشتركه كى §

[اچمه سندن] قيدى من وجه وقوعيدر . چونكه وديمه بغدادى و آريه والبسه كى نفقه يه صالح اولان شيلردن ايسه انلردن دخى نفقه تقدير اولنه بيلور .

من وجه احترازيدر . زيرا نفقه يه صالح اولميان حيوان و كتاب مثللو وديمه لردن نفقه تقدير اولنه مز . چونكه بونلر ايله نفقه لنمق بيع ايتمكه حاصل اوله بيلوب غائبك مالى انفاق ايجون بيع اولنه ماز . §

مستودع وديمه يى وسبب وجوب نفقه يى اقرار ايدر ايسه حاكم مذكور وديمه دن نفقه تقدير ايدم بيلور . انكار ايدر ايسه حاكم وديمه دن اول كيمسه نك نفقه سنه صرف ايتمك اوزره مستودعه امر ايدم مز . زيرا ايداعى اثبات خصوصنده من له النفقه وسبب وجوب نفقه يى اثبات امرنده مستودع خصم شرعى اوله ميه جعندن بونلرى بينه ايله اثبات قابل اوله ماز .

فقط حاكم قدر معروف نفقه تقدير ايدرك آخردن استدانه ايله

غائبك مالى بولدقده رجوع ايتك اوزره . من له النفقه به امر ايدر ونفقة
مستدانه غائب اوزرينه دين اولور . §

مستودع بونلرك اتقاق ايجون . وديعه دن بلا اذن القاضى ويرمش
اولدينى ايجيه بعد التضمن ويرمش اولدينى كيمسه دن آله ماز . زيرا
تضمن ايله ويرمش اولدينى شيئه قبل الاعطا مالك اولوب كويا كندو
مالندن تبرع ايتمش اولور .

فقط مستودع بلا امر القاضى صرف ايتدكن صكره مودع
محيز اولسه بواجازت مستودعى ضماندن ابرا معناسنى متضمن اولديغندن
ضمان لازم كلز .

كذلك مستودع ابوين يازوجه ويا ولدن برى اولوبده بلا تقدير الحاكم
مذكور وديعه دن كندو نفقه سنه صرف ايتسه ضمان لازم كلز . زيرا
بونلرك نفقه سى مودع اوزرينه قبل القضا دخى لازم اولديغندن حقلىرىنى
استيفاء ايتمش اولورلر .

۸۰۰ ماده . مستودعه جنون عارض اولوبده صحو
وافاقندن يأس كلد كده قبل الجنه اخذ ايتمش اولدينى وديعه
عيناً موجود اولسه صاحبي بر معتبر كفيل كوستره دك
مجنونك مالندن تضمينه صلاحيتى واردر .

شويله كه : مودع اولاه كاهمه مراجعت ايدر . حاكم دخى مجنون
ايجون بر وصى نصب ايلر . بعده بو وصى ايله مودع حضور حاكمده
بالحاكمه وديعه نك تضمينى لازم كلور ايسه مودعدن كفيل آلنه رق
وديعه نك تضمينيله حكم ايلر .

فقط صکره کندویه افاقت کلوبده ودیعه بی صاحبنه
ردایتمش باخود بلا تعد ولا تقصیر ودیعه تلف یا ضایع اولمش
ایدوکنی بیان ایدر ایسه یمینله تصدیق اولنه رق اخذاولمش
اولان اچقه سنی استرداد ایلر .

مستودع یمیندن خلاص اولمق ایچون بینه ایله دخی اثبات ایدمه بینه جکی
کبی مطلوبی ایستر مودعدن ویا کفیلندن ایستر سه هرا یکسندن
استرداد ایلر . ایسته بونک ایچون فقره اولی موجبجه مودعک کفیل
اعطاسی لازم کلور .

اما ودیعه مستودع مجنونده عیناً موجود اولدینی حالده کفیل
اعطاسنه حاجت اولمق سزین مودع استرداد ایلر . §

[صحو و افاقتندن یأس کلدکده] تعیرندن مستبان اولدیفنه کوره
ماده مشروحه نك حکمی مستودعه جنون مطبق عارض اولدینی
حالده در . اکر جنون غیر مطبق عارض اولمش ایسه صحو و افاقتنه
انتظار اولنور . ۹۴۴

۸۰۱ ماده مستودع فوت اولدقده ودیعه عیناً ترکه سنده
بولندینی صورتده وارثی یدنده دخی امانت اولمغله صاحبنه
رد اولنور .

ترکه دن معدود اولدیغندن وارثه انتقال ایتیه جکی کبی متوفانک
دینی ظهور ایتدکده حق غرما دخی تعلق ایلز . و مستودع ودیعه بی

بیان ایتدن وفات ایتسه و وارثی بيلمسه بيله مادامکه وديعه عیناً موجوددر . فقرآت تالیهده محرر تجھیل معناسنی تضمن ایتمز .

اما عیناً ترکه سنده بولمديغنی صورتده اگر مستودعک حال حیاتنده اول وديعه یی [صاحبنه رد ایتدم] یا خود [بلا تعد ضایع اولدی] دیمک کبی بر صورتله وديعه نک حالی بیان و تقریر ایلدیکنی وارثی اثبات ایدر ایسه ضمان لازم کلز .

چونکه مستودع حال حیاتنده وديعه نک حالی بیان و تقریر ایدوب تجھیل ایتمینجه ضماندن بری اولدیغنی کبی بویه برسوز سویلدیکی یعنی مجهلاً فوت اولمديغنی اثبات اولنور ایسه ینه ضمان لازم کلز . زیرا برهان ایله ثابت اولان شی عیناً ثابت کیندر .

انجق مستودعک سوزی یمینله تصدیق اولنور . بعدالوفات وارثی تحلیف اولنماز . §

[کبی] تعبیرندن دخی منفهم اوله جنی اوزره وديعه نک حالی بیان ایتمک ماده مشروحهده محرر ایکی صورته منحصر دکلدر . ضماندن براتی موجب اوله جق بشقه بر صورتی بیان ایتدیکنی وارثی اثبات ایدر ایسه ینه ضمان لازم کلز . مثلاً مودعک امرینه بناء وديعه یی فلان شخصه صاتوب ثمنی اول شخص ذمتنده بولمديغنی مستودع بیان ایتمشیدی . دیو وارثی ادعا واثبات ایتدکده ضمان لازم کلز .

کذلک وارث [وديعه یی بیلورزشویله ایدی بویه ایدی] دیو

توصیف و تفسیر. ایدرك مستودعك وفاتندن صكره بلا تعد
ولا تقصیر ضایع اولدیغنی بیان ایتسه یمینله تصدیق
اوله رق ضمان لازم كلز .

وارث مستودع مقامنه قائم اولدیغندن بو وجهله تفسیر ایتدیکی
و تفسیر واقع نفس الامر موافق اولدیغی صورته و دیعه یدنده امانت
اولوب تلف و ضیاعنده سوزی مع التحلیف مقبول اولور .

بوفقره دن مستفاد اولور که وارث و دیعه نك حالي بیلوبده متوفی
مستودع دخی وارث نك بو معلوماتنه واقف اولدیغی تقدیرده مستودعه
قبل الوفات و دیعه نك حالي بیان و تقریر ایتك اقمضا ایتز .

واكر مستودع و دیعه نك حالي بیان ایتماش ايسه مجهلاً

فوت اولمش ديمك اولمسیله دیون سائره کی ترکه سنندن
استیفا اولنور .

و دیعه نك هالك یا خود مستهلك اولسی احتمالی مساویدر . تجهیل
استهلاکه دلالت ایتدیکنندن سبب ترجیح عد اولنور . زیرا تجهیل
ایله و دیعه مالکه نظراً منتفع به اولمقلقدن چیقار . چونکه ازاله
تصرف واردر . بالفعل مستهلك اولان شیلرده دخی بویله در . بناء علیه
تجهیل تعدی معناسنی متضمن اولدیغندن اسـ تهلاك احتمالی ترجیح
اولنور . هر قدر ایداع دخی ازاله تصرفی موجب ايسه ده مودعك
رضاسنه مبتئدر . تجهیلده ايسه مخالف رضا اوله رق ازاله تصرف
واردر .

و کذا وارثك وديعه يي توصيف و تفسير ايتمه رك مجرد
 [بز وديعه يي بيلورز ضايع اولدى] ديمسى معتبر اوليوب
 اولوجهله ضايع اولديغنى اثبات ايده مديكى صورتده تركه دن
 ضمان لازم كلور .

يعنى وارثك وديعه يي توصيف و تعريف ايتمه رك بيلديكى اقرار
 ايله ضايع اولديغنى بيان ايلسى تجهيل معناسنى تضمن ايدوب موجب
 ضمان اولور . يوقسه سوزى يمينيله تصديق اولنماز . §

وديعه امانت اولوب امانت دخى مضمون اولمديغندن مستودعك
 انجق حفظده تعدى و تقصيرى ايله ضمان لازم كله چكى و مودعك طلبى
 اوزرينه مستودعك وديعه يي رد ايتمامسى تعدى جمله سندن بولنديغى
 مواد سابقه ده ذكر و بيان اولنميشيدى .

ماده مشروحه دن مستبان اولديغنه كوره مستودعك « نزدده
 فلانك شويله بر وديعه سى وارد » ديو توصيف و تعريف ايتدن ترك
 حيات ايلسى دخى رد ايتمامك قيلمندن اولوب بو حالده وديعه يي تجهيل
 ايله استهلاك ايلش اوله چغندن تركه سندن تضمين اولنور . و دين صحيح
 كى اولديغندن مودع غرمایه داخل اولور .

انجق تجهيل وديعه امرنده ايكي شرطك تحققي لازمدر . برنجيسى :
 مستودع وديعه نك حالى بيان ايتمه رك مجهلاً و فات ايتمش اولمليدر .
 ايكنجيسى : وارثى وديعه نك حالى بيلمامليدر . بو ايكي شرطدن
 برينسى تحقق ايتمنجه تجهيل دخى تحقق ايتمه چكسندن ضمان لازم كلور .

احکام مبسوطه هرامین که امانتک حالی مجهلاً وفات ایده ضمان لازم کلور . قاعده سنه متفرع در . وبوقاعده یالکسر و دیعه یه مخصوص اولیوب مستعار ، مأجور ، مرهون ، مال مضاربه ، مال شرکت کی امانتک تجهیلی دخی موجب ضماندر .

فقط قاعده منبوره نك بعض مستثنیاتی واردر . شویله که : روزگار بر کیمسه نك خانه سنه بر مال القا یا خود بری مالی دیگرینك خانه سنه آنك امری اولمقسزین وضع ایلدکن صکره خانه صاحبی مجهلاً وفات ایسه ضمان لازم کلز .

کذلک ناظر وقف و قفک غلاتی ، حاکم اموال ایتامی ، امیرالجیش بعض غنایمی ، اب وجد ووصی مال صغیری ، شرعاً اوزر لرینه حفظ اموال لازم کلیان صبی محجور و مجنون و معتوه کی کیمسه لر کند و لرینه منتقل و دیعه یی مجهلاً فوت اولسه لر ترکه لرندن ضمان لازم کلز .

۸۰۲ ماده مودع فوت اولدقده و دیعه وارثه ویریلور . چونکه وارث مورثه خلفدر . فقط صغیر ایسه و صیدینه ویریلور .

اما مودع و دیعه نك کند و سنه وارث اولمیان بر شخصه ویرلمسی امر ایتمش اولسه بیله اول شخصه ویرله مز . مستودع ویرر ایسه ضامن اولور . زیرا مودعك وقاتیله اول شخصك وکالتی و مودعك امری باطل اولور .

وارث معروفی و ارایسه و دیعه امین بیت المال ویرله مز . مستودع ویرر ایسه ضامن اولور . اما وارث معروفی یوغیسه ترکه سنه امین بیت المال وضع ید ایده جکندن و دیعه دخی اکا ویریلور . §

وديعه نك وارثه ويرلمسى قاعده سندن مسئله آتیه مستنادر .
 شويله كه: بر كيمسه ديكر كه سنده شوقدر غروش آله جغه دائر اولان
 سندن بر شخصه ايداع ايتد كدن صكره وفات ايتسه مستودع مبلغ
 مزبورك بر مقدارينك اودنمش اولديغنه واقف اولدقده مودعك وارثي
 مورثنك قبض مذ كورني اقرار ايتد كجه مذ كور سندن ابتداء
 حيس و امسا كه صلاحيتي واردر . زيرا سندن وارثه و ير سه مديوني
 اضرار ايتش اولور .

فقط تركه مستغرق بالدين ايسه حا كه مراجعت ايديلور .
 و اگر حا كه مراجعت ايتد كسزين مستودعاني وارثه و يروب
 اودنخي استهلاك ايتسه مستودع ضامن اولور .

يعني تركه ديونه مساوي و يانا قص اولديني تقديرده حق غرما
 تعلق ايده جكندن وقضاء ديون ورثه نك حقندن مقدم اولديغندن
 و ديعه نك وارثه اعطاسي غرمائي اضرار اولمغله جائز دكلدر .
 كذلك غرمادن بعضيسنه دخی و يره مز . زيرا ترجيح بلا مرجح
 اولور .

بنابرین مستودعك حا كه بالمر اوجه رأي و تنسيبي موجب
 حركت ايتسي ايجاب ايدر . حا كه مراجعت ايتيويده و ديعه يي خود
 بخود اعطا ايلرايسه برنجي صورتده عموم غرمائي و ايكنجي صورتده
 بعضيسني اضرار ايتش اوله جفندن تضمين ايتسي لازم كلور .

هر نقدر مستودع و ديعه يي رد ايله بري اولور ايسده اخذ
 و استرداد حق اولان كيمسه يه رد ايدلك اقتضا ايدر . تركه مستغرق

بالدين اولنجيه وارئك ياخود غرمادن بعضيسنك وديعه يي اخذواسترداده
حق اولمديغندن انلره رد ايله برى اولماز .

۸۰۳ ماده وديعه نك تضميني لازم كلكده مثلياتدن
ايسه مثلى وقيميادتن ايسه ضمانى موجب اولان شيئك يوم
وقوعنده كى قيمتى ويرمك لازم كلور .

زيرا وديعه ابتداءً امانت اولوب مضمون اولمديغندن ضمان
تعديدن نشأت ايده يور قبض امانت هر نه زمان قبض ضمانه تحوّل
ايدرايسه مستودع وديعه يي اوزمانده كى قيمتيله يدضماننه المش اوله جنى
ووديعه نك بو قيمتى ايله حين قبضنده كى قيمتى بيننده اختلاف ازمنه
وامكنه حسييله فرق بولنه جنى جهتله ضمانى موجب اولان شيئك
زمان ومحل وقوعنده كى قيمتى ويرمك لازم كلور .

مثلا وديعه يي متعمداً اتلاف ايتمش ايسه زمان ومحل اتلافنده كى
واكر بشقه سنه اعاره ايدوبده مستعير اتلاف ايتمش ايسه اعاره ايتديكى
زمان ومحلده كى قيمتى تضمين ايدر .

مستعير وامثاله تضمين ايتديرلده كده زمان ومحل قبضنده كى قيمتى
ويرملرى لازم كلور . چونكه اول وقت يدضمانلرينه داخل اولمشدر .
مسئله : مستودع وديعه اولان دفترى ويا سندن اتلاف ايتده كده
اول دفتر ويا سندن يازبلى اولدينى حالده كى قيمتى ضامن اولور يوقسه
دفتر ويا سندن حاوى اولدينى مبلغى تضمين لازم لازم كلور .

[يوم] كله سندن مقصد « كون » ديمك اوليوب مطلقا زماندر .

باب ثالث

عاریت حقنده اولوب ایکی فصلی شاملدر

فصل اول

عقد و شرط اعاره یه متعلق مسائل بیاننده در .

۸۰۴ ماده اعاره ایجاب و قبول ایله و تعاطی ایله منعقد

اولور .

مثلاً برکیمسه برینه [شومالی سکا اعاره ایتدم] یاخود [عاریت ویردم] دیوب
اودخی [قبول ایلدم] دیسه «صراحة» ایجاب و قبول و وقوع بولمیش اولدیغندن
یاخود برشی سویلیه رک قبض ایتسه «صراحة» ایجاب و مستعیرک قبضیه
دلالة قبول ایدلدیگندن» و یاخود بری دیگرینه [شومالی بکا عاریت ویر]
دیوب اودخی ویرسه «تعاطی و وقوع بولدیغندن» اعاره منعقد اولور .

اشبو ماده ایله مثاللردن مستبان اولدیغنه کوره اعاره یالکیز
ایجاب ایله منعقد اولیوب صراحة و یا دلالة قبول دخی لازمدر .
شوحالده ایجاب و قبول عقد اعاره نك رکنی اولمش اولور . و بعضاً
ایجاب معیر و قبول مستعیر طرفندن و بعضاً ده عکسی صورتله وقوع بولور .
فقط ایجابك صراحة اولمش شرط اولوب قبولك دلالة و قوعی
دخی کافیدر .

بناءً علیه اعاره اوج صورتله منعقد اولوب برنجیسی صراحة
ایجاب و قبول ایکنجیسی صراحة ایجاب و دلالة قبول اوجنجیسی
تعاطی طریق ایله در .

صو ر مذ کوره دن بریله ایجاب و یا قبول بولمیان اعاره منعقد اولمیه جفندن برکیمسه «شو حیوانی فلان کمنه یه اعاره ایتدم» دیوبده اوکمنه اوراده حاضر اوله رق استماع و یا خود کندوسنه اخبار ایله قبول ایتیمکسزین مذکور حیوانی خود بخود آلوده ایدنده تلف اولسه ضامن اولور .

اما معیرک بو سوزنی مستعیر بالذات استماع و یا رسولی یا خود فضولی عدل طرفندن اخبار اولندقدن صکره حیوانی آلمش اولسه بلا تعد و لا تقصیر تلف اولدقدن ضامن اوناز .

مثال مشروحك جزؤ اخیرنده مستعیر [شومالی بکاعاریت ویر] دیمش ایسه ده اعاره امر صیغه سیله منعقد اولمیه جفندن بو سوزی ایجاب معناسنی تضمن ایده میوب وقوع بوله حق عقدك اعاره اولدیغنه قرینه در و بویله بر قرینه اولماز ایسه عقد واقع ادنای متیقن اولان ایداعه حمل اولور .

بنابرین تعاطی ایله اعاره نك انعقادنده اعاره اولدیغنه دلالت ایده جك قرینه نك وجودی شرطدر . §

اعاره « قرض » لفظی ایله ده منعقد اولور . مثلاً بر کیمسه «بو حیوانی استعمال ایتمك اوزره قرضاً ویردم» دیوب مستعیردخی قبول ایتسه اعاره منعقد اولور . یوقسه قرض فاسد اولماز . چونکه عقودده اعتبار مقاصد و معانی یه کوره در . الفاظ و مبانی یه دکلدر . §

[مالی] تعیرینه نظراً مستعار معیرک مالکی اولق شرطدر . زیرا اعاره تمليك منفعت اولوب هر برشی مالکی طرفندن تمليك اولور . بشقه سی تمليك ایدر ایسه فضولی اوله جفندن صاحبی بحیز اولدیغنی صورتده حکم غصب ترتب ایدر .

شو حالده پر کیمسه دیکرک مالنی اذنی اولمقسزین آخره اعاره
ایدوبده بلا تعد ولا تقصیر تلف اولسه صاحبی دیلرسه معیره ودیلرسه
مستعیره مراجعتله تضمین ایتدیرر .

انحق اعاره تملیک منفعندن عبارت اولمغله مستعارک منفعته مالکیت
کافی اولوب ذاتنه مالکیت شرط دکلدور .

بوندن ناشیدرکه معیر نهی ایتدیکی تقدیرده مستعیرک مستعاری
آخره اعاره ایده بیله جکی ۸۱۹ ، ۸۲۰ نجی ماده لرده بیان قلمشدر .

۸۰۵ ماده معیرک سکوتی قبول صایلماز .

بناءً علیه بر کیمسه برندن بر شی عاریت ایستیوبده صاحبی سکوت
ایلش اولدینی حالده آلسه غاصب اولور .

قاعده سا کته بر سوز اسناد اولنماز . اگرچه معرض حاجتده
سکوت بیان ایسه ده اعاره ده معیرک سکوتی معرض حاجت دکلدور .
چونکه سکوتی قبول فعلی عد اولنسه اساساً متبرع اولان معیری
تضییق لازم کلور . بوده شرعاً غیر جائزدر .

۸۰۶ ماده معیر ایستدیکی وقت اعاره دن رجوع

ایده بیلور .

بوماده شرائط اعاره یه متعلق مسائلدن اولمیوب احکام اعاره یی مبین
اولدیغندن فصل ثانیده ذکر ی مناسب ایدی . هر نه ایسه اعاره عقود لازمه دن
اولدیغندن معیر اعاره دن رجوع ایده بیلور . زیرا اعاره بلا عوض
تملیک منفعندن عبارت اولدیغندن تبرعدر . بو منفعت دخی عاریتی
اشتمال ایله مرور زماندن حاصل اولور . معیر عقد اعاره یی فسخ

ایتدییکی زمان مستعار اولان مالنک حاصل اوله جق منافعی تبرعدن
واز کچمش اولور .

عقد اعاره اساساً ملکیتی ازاله ایتدیکندن معیرک فسسخه صلاحیتی
درکاردر . بوصلاحیتی منع ویاتحدید ایتک تبرعه اجبار اولمغله غیر
جائزدر . چونکه تبرعه اجبار متبرع حقنده محض ضرر اوله جغندن
هیچ بر متبرع اجبار اولنه ماز .

بنابرین اعاره ده کیفیت رجوع مطلق اولوب اعاره موقت ویامقید
اولسون و مستعیر عاریتی قولالانش اولسون اولسون معیر هر حاله
رجوع ایده بیلور . و رجوعیله اعاره باطل اولور .

کذلک مستعار کرک بنا ویاترلا اولسون و کرک بشقه برشی اولسون
زیرا منافع شیئاً فشیئاً حادث اولوب ملکیت دخی منافعک حدوثیله
ثابت اوله جغندن اعاره دن رجوع هنور حادث اولیان منافعک تملیکندن
امتناع اولوب بوکا ایسه معیرک صلاحیتی درکاردر .

فقط اعاره موقته ده انقضای مدتدن اول رجوع وعده مخالفت
اولمغله مکروه اولدینی کبی اعاره موقته ده معیرک فسسخ اعاره ایتسندن
طولایی مستعیر متضرر اولدینی تقدیرده ۸۳۱، ۸۳۲، نجی ماده
و شرحلرنده بیان قلندینی وجهله انک دخی حقوقی محافظه ایدیلور .

§

بو ماده نك بر استثناسی واردر . شویله که: بر کیمسسه صورت
مطلقه ویامقیده ده بر مالنی بر کمنه یه اعاره بی وصیت ایدوبده ثلث
مالی مساعد اولدینی وموصی له موصینک وفاتندن صکره قبول ایلدیکی
تقدیرده معیرک ورثه سی رجوع ایده منر .

اسباب محرره یه نظراً مستعیر عاریتی معیرك حق رجوعی تصدیق
ایتمامك ایچون بشقه سنه ایجار ویا ترهین ایده من .
کذلك اعاره دن مستعیر انتفاع ایدوب هر کیم اولور ایسه اولسون
کندوسنه عائد اولان برشی قبول ایدوب ایتمامکده مختار اولدیفندن
مستعیر هر نه زمان اولور ایسه اولسون بلا قید و شرط اعاره یی فسخ
ایده بیلور .

۸۰۷ ماده معیر و مستعیر دن هر قنغیسی فوت اولسه
عقد اعاره منفسخ اولور .

۲۹۵ ، ۲۹۷ نجی ماده لر احکامنجه بایع ثمنی ویا مشتری میعی
قبض ایتمدن احد عاقدین یا خود هر ایکسی وفات ایتمسه بیع منفسخ
اولدینی حالده احد عاقدینك وفاتیه اعاره نك منفسخ اولسی اجاره یه
مشابهتندن ناشیدر .

هر نقدر اجاره عوض مقابله سنده واعاره بلا عوض منعقد اولور
ایسه ده بوندن قطع نظر ایکسینده ماهیه تملیک منفعندن عبارت اولسنه
نظراً حکم اعاره اکثر احوالده احکام اجاره یه مشابهدر . بناءً علیه
احد عاقدینك وفاتیه اجاره نك منفسخ اوله جنی حقنده ۴۵۸ نجی ماده
شرحنده بیان قلئان اسباب اعاره یه دخی شاملدر که خلاصه سی معیرك
وفاتیه مستعار وارثه انتقال ایده جکندن بعده مستعیر انی استعمال
ایده من . مستعیر وفات ایدنجه معیر انك وارثه اعاره ایتمدیکی ایچون
وارثی مستعاری استعمال ایده من .

بو ماده دخی احکام اعاره یه متعلقدر .

۸۰۸ ماده مستعارك انتفاعه صالح اولسی شرطدر .

بناءً عليه فراری حیوانك اعاره واستعاره سی صحیح دکلدر .

۴۲۰ بجی ماده شر حنده ایضاح اولندیفی وجهله اجاره ده اولدیفی مثللو اعاره ده دخی معقود عایه منفعت ایسه ده منفعت ابتداء معدوم اولسی حسیله عقد محل منفعت اولان مستعاره تعلق ایتدیکنندن مستعارك انتفاعه صالح اولسی لازمدر . بوا یسه مقدور التسلیم اولسنی اقتضا ایده جکنندن فراری حیوان کی تسلیمی ممکن اولیان شیردن استفاده اوانه میه جفی جهتله اعاره واستعاره سی باطلدر . §

كذلك عاریت تملیک منفعتدن عبارت اولسنه نظراً مستعارك استهلاك ایدلمكسزین انتفاعی ممکن اولسی دخی شرطدر . بغدای ونقود مثللو عینی استهلاك ایدلمكسزین انتفاعی ممکن اولیان مکیلات وموزونات وعددیاتك اعاره سی قرض اولمش اولور . مكر كه عینك بقاسیله برابر حصولی ممكن اوله جق بر منفعت تعیین اولنه .

مثلاً بر کیمسه دیکرندن اتمك ویا بغدای ویا خود پاره استعاره ایتسه حقیقتده اعاره اولیوب قرض اولور . لکن بر قادین طاقمق ایچون زینت التونی استعاره ایتسه عاریت اولور .

۸۰۹ ماده معیر ومستعیرك عاقل وممیز اولملری شرطدر .

بالغ اولملری شرط دکلدر .

عقد اعاره كرك معیر وكرك مستعیر ایچون نفع ایله ضرر بیننده متدائر عقوددندر . اكر چه مستعیر عاریتك منفعتنه مالك اولسنه نظراً حقنده نفع محض ومعیر حقنده بالعكس ضرر محض کی ایسه ده مستعیرك متضرر ومعیرك متفیع اولق احتمالی دخی واردر شویله كه :
اولاً مؤنث رد مستعیره عاندر . ثانیاً عاریت ذی روح اولور

ایسه اتفاقی مستعیره عائد اولوب مدت اعاره ده معیر شو کلفتدن آزاده اولور . ثالثاً منفعت قبض مستعیره عائد اولدیغندن بالفرض مستعار مغضوب ایسه مستعیر غاصب الغاصب حکمنده اوله رق مغضوب منه مستعاری مستعیره تضمین ایتدیره بیلور و بو حالد مستعیر معیر در جوع ایده میه جکندن متضرر اولور .

اسباب محرره دن مستبان اولدیغی اوزره عقد اعاره ده معیر ایله مستعیرك هم منتفع وهم متضرر اولق احتمالی بولندیغندن اهلیت شخصیه خصوصنده ایکینسیده مساوی طو تیشدر .

بناءً علیه مجنون ایله صبی غیر ممیزك اعاره واستعاره لری جائز اولماز . چونکه بونلر مکلف اولمقلوندن تصرفات قوایه لری شرعاً معتبر دکلددر . عاقل و بالغ اولان بر کیمسه مجنون یا صغیر غیر ممیزه بر مال اعاره ایدوبده حفظ واستعمالده قصورندن ناشی تلف اولسه ۷۷۶ نجی ماده شرحنده محرر اسبابه مبنی ضمان لازم کلز .

بالعکس مجنون و صبی غیر ممیزدن بر مال استعاره ایله بلا تعد ولا تقصیر تلف اولدوقده بیله کندوسنه ضمان لازم کلور .

فقط بر صبی غیر ممیز برینك مالی غصب ایله دیگر بر صبی غیر ممیزه اعاره ایتسه ده عاریت انك یدنده تلف اولسه مال صاحبی دینلدیکنه تضمین ایتدیره بیلور . شو قدرکه معیر و یا مستعیر اولان صبی ممیز مأذون ایسه اكا تضمین ایتدیرر .

اما صبی مأذونك اعاره واستعاره سی جائز اولور .

چونکه اعاره واستعاره تجارتك لوازمنددر . تجارت ایتمه مأذون اولان صبی ممیز و یا معتوه تجارتك لوازمندن اولان شیء اجرایه دخی مأذون اولور .

اما صبیء ممیز و معنوه غیر ممیز یعنی محجور اولور لر ایسه اعاره
و استعاره لری ولیلرینک اجازتنه موقوفدر .

۸۱۰ ماده عاریتده قبض شرط اولوب قبل القبض

حکمی یوقدر

چونکه اعاره تبرع اولوب تبرع انجق قبض ایله تمام اولور . ۵۷
بناءً علیه معیر صراحة و یا دلالة اذن ویرمکسزین مستعیر عاریتی
قبض ایدوب یدنده تلف اولسه ضمان لازم کلور .

۸۱۱ ماده مستعارک تعیینی لازمدر .

مستعارک جهالتی نزاعه مفضی اوله جنی جهتله هنوز استبقای
منفعته ابتدار اولنمکسزین فسحی طرفنه کیدلسه عقد اعاره دن فائده
حاصل اوله میه جغندن تعیین ایله معلوم اولسی و یا مستعیرک تحجیر یله
جهالت فاحشه نك ازاله سی شرطدر .

مثلا تعیین و تحجیر اولنمکسزین ایکی باز کیردن بری اعاره اولنسه صحیح
اولیوب معیر هر قنغیسنی اعاره ایده جک ایسه تعیین اتمسی لازمدر . فقط
[هر قنغیسنی آلور ایسه ک آل] دیو مستعیری تحجیر ایتسه اعاره صحیح اولور .
و هر قنغیسنی آلور ایسه عاریت اولمش اولور . هر نقدر بوصور تده
دخی جهالت وار ایسه ده جهالت فاحشه اولمید یغندن نزاعه مؤدی
اولماز . §

اما منافع مستعارک جهالتی صحت اعاره یه مانع دکلدر . بناءً علیه
زمان و مکان و منفعت تعیین اولنمکسزین اعاره صحیحدر .

کذلک ۷۶۵ نجی ماده شرحنده بیان و ایضاح قلندی نی اوزره
مشاعک اعاره سی دخی صحیحدر . نه صورتله اعاره ایدیلور سه ایندلسون . §

اعاره بلا بدل تمليك منافعدن عبارت اولمغله اعارده عوض بولنماق شرطدر . شاید عوض شرط ايديلور ايسه اجاره اولور . §
 منافع صغير ايله تبرع جائز اولمديغندن مستعارك مال صغير ويا بالذات صبي اولمامسى شرطدر . آنجق و ليسى صغيرى تعلم صنعت ايچون استاده اعاره ايدم بيلور . وصغيرك تعلم ايچون استادينيه خدمت ايتمى لازم كلور . چونكه حقنده نفع محضدر . §
 هر نوع عقودده مقتضاي عقده مخالف اولان شرط باطل اولديغندن مستعار بلا تعد ولا تقصير تلف اولدقده مستعيرك تضمين ايتمى شرط قلمسه باطلدر .

فصل ثانى

عاريتك احكام و ضماناتى بياننده در

۸۱۲ ماده مستعير بلا بدل عاريتك منفعته مالك اولور . بناء عليه معير بعد الاستعمال مستعيردن اجرت طلب ايدم . چونكه اعاره نك تعريفندن دخى مستبان اولدينى اوزره ماهيتى مجاناً تمليك منفعندن عبارت اولمغله بدل لازم كليهم چكى كى شاید بدل شرط ايديلور ايسه اجاره يه منقلب اولور .

۸۱۳ ماده عاريت مستعير ينده امانتدر . بلا تعد ولا تقصير تلف يا ضايع اولسه يا خود قيمته نقصان كلسه ضمان لازم كلز .

مثلا عاريت آينه قضارا مستعيرك الندن دوشمكله يا خود آياغى قايوبده كندوسى آينه يه چارمغله قيرلسه ضمان لازم كلز .

كذلك عاريت كچه اوزرينه قضاارا برشی دوکولسکه لسه لئوبده قيمته نقصان کسه ضمان لازم کلز .

بوابده [ليس على المستعير غير المغل ضمان] حديث شريفی وارد اولمشدر . چونکه مستعار نه استيفای مطلوب ونهده مبادله طريق ايله اخذ ايدليوب صاحبك اذنيه برای انتفاع قبض اولنديغندن قبضه اذن ايله ضمان اجتماع ايتز . جواز شرعی ضمانه منافيدر . برکيمسه مالک اتلافی ديگر کسنيه امر ايدوبده اوده اتلاف ايتسه ضامن اوليه جنی کي عاريتده دخی ضمان لازم کلز .

۸۱۴ ماده مستعيرك برکونه تعديسی یا تقصیری واقع اولدقنده آرتق هر نه سبيله اولور ايسه اولسون عاريت تلف اولسه يا خود قيمته نقصان کسه ضمان لازم کلور .

زیرا هر کس کندی تعدی وقصورندن مسئول اولور . [آرتق هر نه سبيله اولور ايسه اولسون] تعبيرندن اكلاشلديغنه کوره كرك تعدی وتقصیر واقع سبيله و كرك مستعير درجه مأذونيتی تجاوز ايتدکدن صکره تعدیدن صرف نظره دائرة مأذونيتته عودت ايدوب بعده عاريت بلا تعد ولا تقصیر تلف یا ضایع اولسه يا خود قيمته نقصان کسه ضمان لازم کلور .

چونکه ۷۶۴ نجی ماده شرحنده دخی ذکر اولنديفی اوزره قاعدهٔ امین بعدالخلاف وفاقه عودت ايدنجه ضماندن بری اولور ايسهده ۶۰۵ نجی مادهده تصریح ايدلديکی وجهله مستأجر ايله مادهٔ مشروحه حکمنجه مستعير بوقاعدهدن مستثنادر . زیرا امنانك امانتی قبضری صاحبك منفعتي ايچون اولوب بعدالخلاف وفاقه عودت ايتمريله

امانتی کویا صاحب‌الرینه اعاده ایتمش اولورلر . لکن مستأجر ایله
مستعیر مأجور ایله مستعاری کندی منفعتلری ایچون قبض ایتمش
اولدقلرندن بونلر تعدی و تقصیر ایله غاصب اوله‌رق ید امانت‌لری ید
ضمانه انقلاب ایدر و مأجوری و عاریتی صاغ و سالم صاحب‌نه تسلیم
ایدنجیه قدر ید ضمانلری ید امانته منقلب اولمز .

فقط مستعیرك بعدالخلاف وفاقه عودت ایتمسيله ضمان غصب‌دن
بری اوله‌ناماسندن شو مسئله مستنادر :

برکیمسه رهن ایتک اوزره بر حیوانی استعاره ایدوب آنجق رهن
ایتمزدن مقدم رکوب ایله تعدی ایتدکدن صکره رهن اوله‌رق مرتهنه
تسلیم ایتسه‌ده مرهونی هنوز مرتهندن استردار ایتدن تلف اولسه
راهن مستعیره تعدیسندن طولای ضمان غصب لازم کلیوب ضمان
رهن لازم کلور .

بناء علیه حیوانك قیمتی دینك مقدارندن فضله اولدینی تقدیرده
معیر راهن مستعیره قیمت مزبوره ایله مراجعت ایده‌میوب دینك
مقدار ایله مراجعت ایدر . راهن مستعیر هر نقدر رکوب ایله تعدی
ایتمش ایتسه‌ده معیرك حیوانی اعاره‌دن مقصدی ترهینه اذن اولوب
مذکور حیوان رهن ایدیلنجیه قدر ید مستعیرده ودیعه حکمنده
بولنه‌رق او حالده را کب اولمش وبعده تعدیدن صرف نظاره ترهین
ایدرك مقصد معیر حصول بولمش اولدیقتدن رکوبندن طولای ضمان
غصب لازم کلز . کله لم صدده :

مثلا مستعیر ایکی کونده واریله‌جق محله عاریت حیوان ایله برکونده
کیدوبده اول حیوان تلف اولسه یاخود زبون اوله‌رق قیمته نقصان کلسه
ضمان لازم کلور .

و کذا بر محله قدر استعاره ایتدیکی حیون ایله اول محله واورده دها

ایل رویه تجاوز ایتد کدن صکره حتف انفه حیوان تلف اولسه ضمان لازم کلور .

ایستر او محله ایستر کیرودونوب کلور ایکن وحتى محل مزبورہ داخل اولدقدن صکره بلا تعد ولا تقصیر تلف اولسون .

کذاک برکیمسه بر کردانلق استعاره ایله برص بینک بویننه طاقوب ویاننده کوزه دیجیسی اولمدینی حالدہ براغوبده سرقت اولندقدہ اگر صبی اوزنده کی اشیای حفظہ فائدہ ایسه ضمان لازم کلز .

یعنی مستعیر عاریتی بشقہ سنہ اعارہ ایدہ بیله جکی کبی صبی ممیز دخی اعارہ واستعارہ یه اهل اولدیغندن مستعیرک عاریتی برصی ممیزہ اعارہ سی تعدی اولدیغندن ومستعیر ثانی اولان صیدینک حفظہ تقصیری وقوعی اولدیغندن هرا یکیسنه ده ضمان لازم کلز .

فقط تعدی ویا تقصیری ایله تلف یا ضایع اولور ایسه صبی یه ضمان لازم کلور . اما قادر دکل ایسه ضمان لازم کلور .

یعنی صبی غیر ممیز ایسه اعارہ واستعارہ یه اهل اولمدیغنی وصبی غیر ممیزک طبعاً اتلاف ماله مائل اولدیغنی بیلدیکی حالدہ مستعیرک اکا اعارہ سی تعدی اولغله کندوسنه ضمان لازم کلور . §

برکیمسه کندوسی ویا بر بشقہ سی بنمک اوزرد بر حیوان استعارہ ایدوبده دیگر برینی دخی ارداف ویا اشیا تحمیل ایدرک حیوان تلف اولسه ۵۵۱ نجی ماده ده تفصیل اولندیغنی وجهله ضمان لازم کلور .

۸۱۵ ماده مستعارک نفقه سی مستعیر اوزرینه در .

بناءً علیه مستعیر عاریت حیوانه علف ویرمیوبده تلف اولسه ضامن اولور . چونکه مستعیر بلا بدل مستعارک منفعته نائل اولور . قاعدة

برشدک منفعته نائل اولان انک مضرته متحمل اولور ۸۷

مع مافیہ مستعیر دیلدیکی زمان اعارہ پی فسخ ایدہ بیله چکسندن ماده

مشروحہ دن مقصد مستعیر اتفاقہ جبر اولنور دیمک اولیوب بلیک
یامستعاری اتفاق ایله منفعتی استحصال ایت یاخود عاریتی صاحبہ رد
ایله دینلور .

اجاره بدل مقابلندہ تملیک منفعت اولدیغندن مأجورک نفقہ سی
موجر وودیعہ بی مستودع انتفاع ایتنکسزین حفظ ایدہ جکی جہتلہ
نفقہ سی مودع اوزرینہ اولدیغندن بونلر ایله عادی بیلندہ فرق
واردر .

۸۱۶ ماده اعارہ مطلقہ ده یعنی معیرک اعارہ بی زمان
ومکان و برنوع انتفاع ایله تقیید ایتدیکی صورتده عاریتی
مستعیر دیلیدیکی زمان و مکانده دیلیدیکی وجهله استعمال
ایده بیلور .

ماده مشروحہ ایله مواد تالیہ دن مستبان اولہ جغنه کوره عاریت
یامطلقہ ویا مقیدہ اولور . عاریت مطلقہ : اشبو فقرده تذکار اولندیغی
وجهله زمان و مکان و برنوع انتفاع و ۸۱۹ ماده موجینجه منتفعک
تعینی ایله تقیید اولمیان و عاریت مقیدہ : بونلردن بریله تقیید اولنان عاریتدر .
اطلاق و تقیید نقطه نظرندن عاریت درت نوعدر .

برنجیسی : هم زمانده وهم انتفاعده مطلق اولقدرد . بونک حکمی
مستعیر عملاً بالاطلاق دیلیدیکی زمانده دیلیدیکی وجهله انتفاع ایتکدر .
ایکنجیسی : هم زمانده وهم انتفاعده مقید اولقدرد . بوصورده
مستعیر ذکر و تسمیه اولنان شیء تجاوز ایدہ من فقط اهوئی
ایشله بیلور .

اوچنچىسى : زمان جهتيلاه مقيد و انتفاع جهتيلاه مطلق اولمقدور .
 بوحالده مستعير وقت معينده ديلديكى وجهه استيفاي منفعت ايدده بيلور .
 درديجىسى : زمان جهتيلاه مطلق و انتفاع جهتيلاه مقيد اولمقدور .
 بوضورتده مستعير معيرك تعيين ايتديكى منفعتدن زياده استيفا ايدده من .
 عاريت مقيده نك احكامى مواد آتیهده ذکر و تفصيل اولنوب ماده
 مشروحه عاريت مطلقه نك حکمنى مينندركه عاريت ملك منزله سنه تنزيل
 اولنوب مال نك انتفاع ايدده چكى صورتلر كافه سيله مستعيرك دخى انتفاع
 ايتميسدر . انجق مطلق اطلاق اوزره جارى اولدينى تقديرده مستعيرك
 عاريتى كيف مائشاً تصرف ايدده بيلمى لازم كلوب حال بوكه معيرك
 عاريتى استعمال ايچون مستعيره اذن و ير مسيله اندن حق ملكى زائل
 اولمديغندن حقوقك محافظه سنى لازمه دن اولديغنه و ۳۶ نجى ماده
 شرحنده بيان و ايضاح اولندينى اوزره عادات مقاولاتك مفسرى
 ايدوكنه بناءً اعاره مطلقه :

فقط عرف وعادت ايله تقيد ايدر .

بناءً عايه صرف وعادت بويانده دليل تقييدى اولمغله مستعير عاريتى
 خلاف عرف وعادت استعمال ايله تلف اولسه ضامن اولور .
 مثلا بر كيمسه بازكيري اولوجهله مطلق اولهرق اعاره ايتدكده مستعير
 اكاديلديكى وقت بنود ديلديكى محله كيدر . فقط عادت اوزره ايكي ساعتده كيديله جاك
 محله بر ساعتده كيده من . كذلك مطلق اولهرق اعاره اولنان برخان او طه سنده
 مستعير ديلرسه سا كن اولور و ديلرسه امتعه وضع ايدر . فقط عرف وعادتك
 خلاف اولهرق ايچنده تيمورجيلك ايدده من .

۸۱۷ ماده اعاره زمان و مكان ايله تقييد اولندقدده قيد

معتبر اولوب مستعير اكا مخالفت ايدده من .

چونکه بشقه سنك مالئده تصرف ائده جكندن صاحبي نه وجهله
اذن ويرمش ايسه انجق اولوجهله استعمال ائده بيلور . مخالفت ايدر
ايسه تعدى ايتمش اوله جفتدن ضامن اولور .

مثلا وچ ساعت بئك اوزره استعاره اولنان حيوانه درت ساعت بئيله مزه .
يعنى اعاره زمان ايله تقيد اولنديني صورتده مستعير اعاره مطلقه
كبي انتفاع ائده بيلور ايسه ده انتفاعى مدت معينه ظرفنده اولمقله
مقيددور . زمان منقضى اولدقده عارىتى رد واعاده ايلك اقتضا ايدر .
امكان اولديني حالده مستعارى صاحبنه رد واعاده ايتديكي صورتده
وقت معينك انتقضاءسندن صكره ايستر استعمال ايتسون ايستر ايتسون
عاريت تلف اولور ايسه ضامن اولور . چونكه رد واعاده ايتماسيله
تعدى ايتمش اولدى .

وبرحله كيتك اوزره استعاره اولنان حيوان ايله بشقه محله كيديله مزه .
يعنى اعاره مكان ايله تقيد اولندقدده مستعير تعيين اولنان مكانده
اعاره مطلقه مثلاً انتفاع ائده بيلور ايسه ده عاريت حيوان ايله معين
اولان محلدن بشقه برحله كيديله چكى كبي او محلى دخى تجاوز ائده مزه .
شايد كيدر ويا تجاوز ايلر ايسه حكم غصب ترتيب ايدر . §

ماده سابقه ولاحقه ده بيان قلنديني وجهله اعاره برنوع انتفاع
ايله ده تقيد اولنه بيله چكى كبي معير صورت استعمالى برشرط مقيد ايله
تقيد ايتدكده معتبر اولوب اول شرطه رعايت ايدلك لازمدور . ايدلمديكي
تقديرده ضمان لازم كلور . مثلاً برحيوانى اعاره ايدر ايكن « يولارندن
طوت صاليو ير مه » ديو تنبيه ايتسه بو شرطه رعايت لازمدور . مستعير
يولارى بر اقوبده حيوان فرار ايدرك ضايع اولسه ضامن اولور .

۸۱۸ ماده اعاره برنوع انتفاع ايله تقيد اولندقدده

مستعیر مأذون اولدیغی انتفاعك مافوقه تجاوز ایدمه من . اما
اکامساوی ویا هون صورتده استعمال ایله مخالفت ایدمه ییلور .

زیرا معیرك موافقت ایتدیکی منفعتك مثلنه ویا مادوننه دخی
موافقت ایدمه چکی عقد اعارهك مفهومندن اکلاییلور . کتاب الاجار اتده
مندرج ۴۲۶ نجی مادهده بیان اولندیغی اوزره بوبایده قاعده شودر :
برشپك منفعتنه مستحق اولان کیمسه عیناً اول منفعتی یا مثالی یا خود
مادوننی استیفا ایدمه ییلور . اما مافوقه تجاوز ایدمه من .

مثلا بغدای یوکلتمك ایچون استعاره اولنان حیوانه تیمور ویا خود طاش
یوکلدیله من .

ولو که وزن و ثقلتهده مساوی اولسون زیرا تیمور کی شیر حیوانك
ارقه سنده بر محله اجتماع ایدمه چکی جهته بتون ثقلتی یالکیز او محلی
تضییق ایدر .

اما بغدایه مساوی یا خود اندن اخف بر یوکل تحمیل اولنه ییلور .
کذلک بموق و صمان کی شیر دخی بغدای ایچون استعاره اولنان
حیوانه تحمیل ایدیه من . چونکه بموق و امثالی حیوانك محل وضعندن
زیاده محلی اشغال و احاطه ایدمه چکی ایچون حیوانی تضییق ایدر .
اسباب محرره یه مبنی [ویا خود اندن اخف] تعییرندن مقصد
وزناً اولیوب ضررجه اخف دیمکدر .

و کذا بتمك ایچون استعاره اولنان حیوانه یوکل یوکلدیله من . ۵۵۰
اما یوکل ایچون استعاره اولنان حیوانه بنله ییلور . ۵۵۸
خلاصه منفعت معینه یه مخالفت اوچ درلو اولور . برنجیسی : مثل
مساویده مخالفتدر . بش کیله اعلا جنس بغدای تحمیل اولنق اوزره
استعاره اولنان حیوانه ادناسندن اولمقدار بغدای یوکلتمك کی که امر

تحمیلده فرق موجب اولدینی جهتله حقیقه مخالفت عداولنه میه جغندن جائزدر .

ایکنجیسی: جنسده مخالفتدر . بغدادی تحمیل ایدلک اوزره استعاره اولنان حیوانه تیمور ویا آرپه یوکلتمک کبی

اگر بو مخالفت جانب خیره عدول صورتیله اولور مثلاً بغدادی یرینه آرپه ویا علف تحمیل ایدیلور ایسه جائزدر . اما جانب شره عدول صورتیله اولور مثلاً بغدادی یرینه تیمور تحمیل ایدیلور ایسه جائز اولیوب موجب ضماندر .

اوچنجیسی: مقدارده مخالفتدر . بش کیله بغدادی یرینه التی کیله تحمیل ایتک کبی که قطعاً جائز دکدر .

بوصورتله یوکلدیلان یوکه حیوانک تحمیلی واریسه تلف اولدقدہ تسمیه وتعیین اولنان یو کدن زیاده مقداری نسبتنده مستعیر ضامن اولور . چونکه ضمان مأذون اولدینی مقدار ایله زیادهیه تقسیم اولنهرق مأذون اولدینی مقدارده ضماندن حصه سی ساقط اولور . واکر حیوانک تحمیلی یوغیسه مستعیر اول حیوانک تمام قیمتی ضامن اولور زپرا بوتقدیرده مستعیر اول حیوانی اتلاف واستهلاک ایتش اولور . اما بش کیله بغدادی یرینه درت کیله بغدادی تحمیل ایتسه جهت خیره عدول ایله مخالفت ایتش اوله جغندن ضمان لازم کلز .

۸۱۹ ماده معیرا کر منتفعی تعیین ایتکسزین مطلق

اولهرق اعاره ایتش ایسه مستعیرک آنی اطلاق اوزره استعماله صلاحیتی وارددر .

زیرا ۶۴ نجی ماده ده محرر قاعده حکمنجه مطلق اطلاق اوزره جاری اولور . اکر نصاً یا خود دلالة تقیید دلیلی بولنماز ایسه .

اطلاق ایکی صورتله اولور . بری نص علی الاطلاقدرکه « دیلدیککی ارکاب ایتمک اوزره سکا اعاره ایتدم » دیمک کبی صراحة تعمیم ایدیلور . دیگر دلالهت طریقله اطلاقدرکه معیر علی الاطلاق « بو حیوانی سکا اعاره ایلدم » دیوب صراحة تعمیم ایتمامک صورتیله اولور .

اجاره ده برنجی صورتله اولان اطلاق معتبر اولوب ایکنجیسی معتبر دکلدیر . زیرا اجاره ده منفعت صراحة تعمیم ایلدنم ایسه مجهول اوله جفتدن اجاره فاسد اولور .

اما عاریتده منفعتک جهالتی مانع صحت اولدیغندن ماده مشروحه حکمنجه [مطلق اوله رق اعاره] هرایکی صورتله معتبردر .

یعنی دیلر سه انی کندو استعمال ایدر . دیلر سه بشقه سنه اعاره ایله استعمال ایتدیرر .

چونکه اعاره تملیک منفعتدن عبارت اولدیغندن مستعیر مستحق اولدینی شیء آخره اعاره طریقله تملیک ایده بیلور .

عاریت کرک او طه کبی مستعملینک اختلافیله مختلف اولیان شیلردن اولسون و کرک بنک آتی کبی مستعملینک اختلافیله مختلف اولان شیلردن اولسون .

ناسک استعمال وانتفاعنده متفاوت اولیان مأجوری مستأجر آخره ایجار ایده بیلوب استعمال وانتفاعنده متفاوت اولان مأجوری آخره ایجار ایده میه جکی ۵۸۷ نجی ماده ده ذکر اولمشیدی . حال بوکه

مستعيرك عاريتي آخره اعاره سی خصوصاً صنده استعمال وانتفاعده متفاوت
اولوب اولمامسی فقره مذکوریه نظراً مساویدر .

بناءً علی ذلک بوماده احکامینجه اعاره ایله اجاره بیننده فرق واردر .
مثلاً برکیمسه [اوطه سی سکا اعاره ایتدم] دیدیکی صورتده مستعیر
آنده دیلرسه کندو اقامت ایدر و دیلرسه بشقه سی اسکان ایدر .
و کذا [شوآتی سکا اعاره ایتدم] دیدیکی صورتده مستعیر دیلرسه
اول آته کندو بنر و دیلرسه بشقه سی بندیرر .

انجق ۵۵۲ نجی ماده ده مصرح اولدینی وجهله اجاره مثللو
عاریتده دخی مطلق اوله رق اعاره ایدلمش اولان برمالده کی انتفاع
تعین ایتدکن صکره مستعیرانی بشقه سنه انتفاع ایتدیره من . یعنی
مثال مذکورده بیان قلنان حیوانه کندوسی بنر ایسه ارتق بشقه سی
ارکاب ایده من و بشقه سی ارکاب ایتمش ایسه کندوسی بنه من .

۱۲۰ ماده منتفعک تعینی مستعملینک اختلافیه مختلف
اولان شیرده معتبردر و مختلف اولیان شیرده معتبردکلدر .
فقط معیر آنی [بشقه سنه ویرمه] دیو نهی ایتمش ایسه مستعیر
بهمه حال آنی بشقه سنه استعمال ایتدیره من .

مثلاً [سنک رکوبک ایچون بوآتی سکا اعاره ایتدم] دیدیکی صورتده
مستعیر اول آته اوشاغنی بندیره من .

چونکه حیوان مستعملینک اختلافیه مختلف اولان شیردندر .
بومثللو شیرلی ایجارده ۴۲۷ نجی ماده حکمینجه تقید معتبر اولدینی
کی اعاره ده دخی تقید معتبردر . زیرا معیر حقنده فائده یی موجیدر .
بناءً علیه مستعیر مذکور آته اوشاغنی بندیروبده تلف اولسه

مستعیر حقنده غاصب و اوشاغی حقنده غاصب الغاصب حکمی جریان
ایده جکندن معیر مخیر اولوب ایسترسه مستعیره و ایسترسه اوشاغنه
مراجعتله تضمین ایتدیرر. وضامن اولان دیکرینه مراجعت ایده مز.

اما [سنک اقامتک ایچون بو اوطه یی اعاره ایتدم] دیدیکی صورتده
مستعیر کندو اقامت ایده بیلدیکی کبی بشقه سنی دخی اسکان ایده بیلور .

چونکه اوطه ده اسکان مستعملینک اختلافیه مختلف اولمیان
شیلردنذر . بومثالو شیلری ایجاردده ۴۲۸ نجی ماده حکمنجه تقید
لغو اولدینی کبی اعاره ده دخی تقید لغودر . زیرا عاریت اولان اوطه ده
مستعیرک اقامتی ایله بشقه سنک اسکانی بیننده فرق اولدینی جهتله
مذکور اوطه یه بشقه سنی اسکان ایده بیلمسینه معیرک دلالة رضاسی
منفهم اوله جغندن بویله بر قیدک معیر حقنده فائده سی اوله ماز . فقط
عرف وعادته رعایت لازمدر .

بناءً علی ذلک مستعیر عاریت اوطه یه بشقه سنی بوجه معتاد اسکان
ایدوبده اوطه بلا تعد ولا تقصیر محترق اولسه ضمان لازم کلز .
فقط [بشقه سنی اسکان ایتمه] دیمش ایسه ایده مز .

قاعدة تصریح مقابله سنده دلالت اعتبار اولمیدغندن معیرک صراحة
منعی حالنده دلالة اذنک حکمی اولماز . بوضورتده مستعیر مذکور
اوطه یه بشقه سنی اسکان ایدوبده محترق اولسه ضمان لازم کلور .

۸۲۱ ماده بر محل معینه دیو حیوان استعاره اولندوقده

یوللر متعدد اولسه مستعیر عادت اوزره ناسک سلوک ایتدیکی

یوللردن هر قنغیسيله دیلرسه کیده بیلور .

قاعدة ناسک استعمالی بر حمتدرکه انکله عمل واجب اولور. و بو

یولده حیوان بلا تعد تلف اولسه ضمان لازم کلز. زیرا جواز شرعی
ضمانه منافیدر.

اما معتاد اولیان یولدن کیدوبده حیوان تلف اولسه
ضامن اولور.

زیرا ناسک استعمالنه مخالفه تعدی ایتیش اولور.

کذلک معیرک تعیین ایتدیکی یولک غیری بریولدن کیدوبده
حیوان تلف اولدقده اگر مستعیرک سلوک ایتدیکی یولدها
اوزاق یا غیر مأمون و یا خود خلاف معتاد ایسه مستعیره
ضمان لازم کلور.

دک ایسه کلز زیرا بوضورتده معیرک تعیین طریق ایتیمی تعقیددر.
وبویله تعقیددن برقائده حاصل اولماز. بناء علیه مستعیرک بویولدهکی
مخالفتی جهت خیره عدول اولمغله حقیقه مخالفت دکدر. ۵۴۷ نجی
مادهده مصرح اولدینی اوزره اجارهده دخی حکم بویلهدر.

۸۲۲ ماده برکسنه برقادیندن زوجنک ملکی اولان

برشیئی عاریت ایستیوب واو دخی بلا اذن ویروبده اول
شی ضایع اولدینی صورتدها کردرون خانهده و علی جری العاده
زوجهنک یدنده بولنان اشیادن ایسه کرک اول قادیته و کرک
مستعیره ضمان لازم کلز.

یعنی قادینلر مجرد تحت نکاحنده بولملری سببيله زوجلرینک مالنی بلا اذن اعاره ایده منزلر چونکه نکاح شرعاً یالکیز استمتاعی موجب اولوب زوجین اموالی یکدیگرینه خلط ایدرک شرکت ملک یاخود شرکت عقد ایله شریک اولمدجه یکدیگرینک مالنده تصرف ایده منزلر .

الحق ۱۷۷۱ ، ۱۷۷۲ نجی ماده لردن مستفاد اوله جنی اوزره بینلرنده حسب النکاح حاصل اولان مقارنت سببيله بعض ماللری یکدیگرینک ید اداره و امانتده عاریه بولنه جنی جهتله زوجہ درون خانده و علی جری العاده کندوسنک یدنده بولنان شیرلی بشقه سنه اعاره ایده بیلور . و بوصورتنده عاریت تلف یا ضایع اولسه هیچ برینه ضمان لازم کمز . زیرا جواز شرعی ضمانه منافیدر .

دکل ایسه مثلاً آت کبی قادینلر یدنده بولنمیان برشی ایسه زوج دیلر سه زوجہ سنه و دیلر سه مستعیره تضمین ایتدیرر . بولر زوجہ نك یدنده عاریت اولیه جفتدن ضمان غصب لازم کلور .

۸۲۳ ماده معیرک اذنی اولمقسزین مستعیر عاریتی

آخره ایجار یاخود رهن ایده منزل .

چونکه اولاً ایجار و رهن اعاره نك فوقنده اولوب هیچ برشی مافوقی استلزام ایتمز .

ثانیاً : ایجار طرفینه و رهن رهنه نظراً عقود لازمه دندر . اعاره ایسه غیر لازمدر .

بناءً علیه مستعیر عاریتی ایجار و یارهن ایتسه ایکی فسادک بری
یعنی یالزوم مالایلزم یاخود عدم لزوم مایلزم اقتضا ایدر . چونکه
میدانده ایکی عقد حاصل اولور . برنجیسی : عقد اعاره که غیر لازمدر . معیر
دیلهیکی وقت رجوع ایدر . ایکنجیسی : عقد اجاره و یارهن که لازمدر .
مستعیر راهن اولدینی تقدیرده دینی ادا ایتدجه و موجر اولدینی
صورته اجاره ختام بولمقدجه مرتهن و مستأجره مراجعتله مرهون
وماجوری استرداد ایده من .

بالفرض معیرك رجوعه حق یوقلر دینلور ایتسه اعاره عقود
لازمه دن دکل ایکن لازم اولسی اقتضا ایدر . و اگر رجوعه حق
وارد دینلور ایتسه اجاره ورهن عقود لازمه دن ایکن غیر لازم اولسی
ایجاب ایدر .

رهنك عدم جوازینه دلالت ایدر برعلت دها وارد شویله که :
رهن حکماً ادای دیندر . زیرا مرتهنك یدنده مرهون بلا تعد
ولا تقصیر تلف اولدقده دیندن مرهونك حین قبضنده کی قیمتی
مقداری ساقط اولور . حال بوکه مستعیر مستعارك یالکز منفعتی
استیفایه مأذون اولوب رقبه سنه مالک اولمدیغندن کندو دینی مال
مستعار ایله بلا اذن ایفا ایتمش اولور که غیر جائزدر .

و بربلده ده کی بورجنه رهن ایتك اوزره استعاره ایتدیکی
مالی آخر بلده ده کی بورجنه رهن ایده من . ایدوبده عاریت
تلف یا ضایع اولسه ضمان لازم کلور .

یعنی فقره اولی حکمنجه مستعیر عقد مطلقده عاریتی ایجار

ورهن ایدهمیه جکی کبی عاریت مقیدهده قید و شرطه دخی مخالفت ایدهمز . شاید ایدر ایسه کندوسی و آلان فضولی اولمش اوله جغندن صاحب مال اولان معیر تصدیق ایتدیکی حالده ۷۴۱ نجی ماده شرحنده بیان وایضاح اولندیغی وجهله حکم غصب ترتب ایدر .

۸۲۴ ماده مستعیر عاریتی آخره ایداع ایدهمیلور .

چونکه عقد اعاره ایله مستحق اولدیغی منفعت معینه نك مثلنه و مادونه دخی مستحق اولور .

وید مستودعه بلا تعد ولا تقصیر تلف اولسه ضمان

لازم کلز .

مثلا برعبله کیدوب کلک اوزره استعاره ایتدیکی بارگیر ایله اورایه واردقده بارگیر یوریلوب قلفله اوراده برینه ایداع ایتدکن صکره بارگیر حشف انقه تلف اولسه ضمان لازم کلز .

یعنی هیچ برینه ضمان لازم کلز . زیرا جواز شرعی ضمانه منافی اولدیغندن مستعیره ضمان لازم کلز . و مستودع یدنده عاریت امانت اولدیغندن اکا دخی ضمان لازم کلز .

اما مستودعك تعدی یا تقصیری ایله تلف اولسه یالکمز مستودعه ضمان لازم کلوب مودع اولان مستعیره لازم کلز . زیرا ایداعه شرعاً مأذون اولدیغندن تعدی و تقصیری یوقدر . §

لکن عاریتك آخره ایداع ایدلمسنك جوازی انجق آخره اعاره سی جائز اولان شیرل حقنده در . ۸۲۰ نجی ماده حکمنجه آخره اعاره سی جائز اولیان شیرلک آخره ایداعی دخی جائز دکلدر .

بناءً علیه یالکمز کندوسنك بنمی ایچون اعاره اولنمان حیوانی

مستعیر آخره ایداع ایدہ من . ایدوبده تلف و یا قیمتہ نقصان طاری
اولسہ ضمان لازم کلور .

۸۲۵ مادہ معیر عاریتی طلب ایتد کده مستعیرک همان
رد و تسلیمی لازم کلور .

زیرا معیر مالک اولدینی بر شئیک منفعتی عاطفہ مستعیرہ تملیک ایتمش
اولدیفندن اعارہ مطلقہده ایستدیکی وقت فسخ عقدایله مستعاری طلبہ
حق درکاردر . چونکہ منافع آنآ فائاً حادث اوله جفندن مستعیرک
منافع مذکوردهده حق تملکی حدوئندن ثابت اولور . شو حالده
معیرک عاریتدن رجوع ایله انی طلب ایتسی هنوز حادث اولیان منافی
تملیکدن امتناع دیمک اوله جفی جهتله بوندن طولانی مستعیرہ برکونه
ضرر ترتب ایتیه جکندن در حال رد واعاده سی لازم کلور .

وبلا عذر توقیف و تأخیر ایدوبده عاریت تلف یا ضایع
اولسہ یا خود قیمتہ نقصان کلسه ضامن اولور .

[طلب ایتد کده] قیدی احترازیدر . زیرا عاریت مطلقہده ردک
وجوب اداسی طلب زماندم تحقق ایدر . بونک اینچون طلب ایتدن
تلف اولسہ ضمان لازم کلر .

اماعاریت موقتده وقتک ختامنده ثابت اولور . نته کیم مواد آتیهدن
مستبان اولور .

۸۲۶ مادہ نصاً یا دلالة موقت اولان عاریتک ختام
مدتده معیرہ ردی لازمدر . فقط مکث معتاد معفودر .

مثلاً فلان کون وقت عصره قدر استعمال اولمق اوزره استعاره اولنان حلیاتی اول وقتک حلولنده رد و اعاده لازمدر .

کذلک فلانک دوکونده قوللانق اوزره استعاره اولنان حلیاتی اول دوکونک ختامنده رد و اعاده لازمدر .

اعاده ایتمیوبده یدنده ولو بلا تعد ولا تقصیر تلف اولسه ضامن اولور . مستعیر ختام مدتدن صکره کړ استعمال ایتسون وکړک ایتسون . زیرا غیرک مالی بلا اذن ذاتی ایچون امساک ایتش اولور .

فقط بونی رد و اعاده ایچون معتاد اولان مرتبه وقتک مروری معفودر . بناءً علیه مستعار زمان مکشده تلف اولسه ضمان لازم کلز .

§ ۵۹۱. ۵۹۴

۵۹۱ ، ۵۹۴ نجی ماده لرده محرر اولدینی اوزره اجاره نك انقضاسنده مستأجرک مأجور اوزرندن یالکز رفع ید ایتسی کافی اولوب رد و اعاده لازم کلدیکی و بناءً علیه مأجوری آجرک اخذ ایتسی ایجاب ایتدیکی حالده ماده مشروحه یه نظراً عاریتی مستعیرک رد و اعاده ایتسی لازمدر .

چونکه موجر بدل ایجاره مالک اولدیغندن مأجورک استرداد ی کلفتیه دخی متحمل اولمق لازم کلور . اعارده ایسه عاریتک منفعتنه مستعیر مالک اولدیغندن رد و اعاده سی کلفتیه دخی کندوسنک متحمل اولسی لازم کلور . ایشته اعاره ایله اجاره بیننده اولان فرقلردن بریده بودر . § ۷۹۴

کذلک ۷۹۴ نجی ماده ده مصرح اولدینی اوزره ودیعه یی صاحبی طلب ایتدکده رد و تسلیمی لازم کلور . ماده مشروحه یه نظراً عاریت موقتده معیر طلب ایتسه بیله مدتک ختامنده مستعیرک مستعار ی رد و اعاده ایتسی ایجاب ایدر .

زیرا مستودع ودیعه بی مودعک منفعتی ایچون محافظه بی درعهده
ایلدیکنندن مودع بوندن صرف نظر ایتدیکننک معلومیتی ایچون طلبنه
لزوم ذرکاردر. عاریتی ایسه مستعیر کندو منفعتی ایچون آلمش واستیفای
منفعتی بر مدت معینه ایله تحدید ایدلمش اولدیغندن مدت مزبوره نك
انقضاسنده معیرك طلبنه حاجت اولیه رق رد واعاده ایلمسی لازم کلور.
ایتمدیکی حالده بشقه سنك مالی اذنی اولمقسزین توقیف ایتمش اوله جغندن
حکم غصب ترتب ایدر. ایشته اعاره ایله ودیعه بیننده کی فرقلردن
بریده بودر.

۸۲۷ ماده برایش ایچون برشی استعاره اولندقدده اول
ایشك ختامنده عاریت مستعیریدنده ودیعه کی اولور. آرتق
آنی استعمال ایده مز و مکث معتاددن زیاده توقیف ایده مز.
ایدوبده تلف اولسه ضامن اولور.

فقط مکث معتاد ظرفنده تلف اولسه ضامن اولماز. شو حالده
[ودیعه کی اولور] تعبیری من وجه ودیعه حکمنده اولور دیمکدر.
اگر تماماً ودیعه حکمنده اولمش اولیدی مستعیرك عاریتی معیرك طلبنه
قدر حفظ ایده بیله رك مکث معتاددن صکره تلف اولدقدده ضامن
اولماسی لازم کلوردی.

۸۲۸ ماده عاریتی مستعیر بنفسه یاخود امینی ایله
معیره رد ایدر.

وبو وجهله رد ایتدکده ضماندن بری اولور. زیرا مستعیر متعارف
اولدینی وجهله رد ایلشدر.

امینی ایله رد ایتدیکی تقدیرده عاریتی امینته ایداع ایتمش اولور .
 ۸۲۴ نجی ماده حکمنجه مستعیر مستعاری آخره ایداع ایده بیله جکندن
 امینی واسطه سیله ردی دخی جائزدر . امینی کړک عیالنده بولنسون
 وکړک بولنسون .

شو حالده عاریت امینک یدنده بلا تعد ولا تقصیر تلف اولدوقده
 ضمان لازم کلز . اما امین اتلاف ایدر ایسه مستعیره ضمان لازم کلیوب
 کندوسی ضامن اولور .

امینی اولیان کمسنه ایله رد ایدوبده قبل الوصول تلف یا
 ضایع اولسه ضامن اولور .

چونکه امینی اولیان کمسنه یه تسلیمی تعدی اولمغله موجب ضماندر .
 ۸۲۹ ماده مجوهرات کبی اشیای نفیسه دن اولان
 عاریتی معیرک کندوسنه تسلیم ایتک لازمدر .

زیرا اشیای نفیسه دن اولان عاریتی معیرک غیری یه ویرمک عرفاً
 تسلیم عد اولماز . عادت محکم اولوب عرف ایله تعیین نص ایله تعیین
 کبی اولدیفندن اشیای نفیسه یی معیرک غیری یه تسلیم ایله مستعیر بری
 اوله ماز .

بناءً علیه اشیای نفیسه معیرک افراد عائله وخدمه سندن برینه
 ویریلوبده یاخود کندو حاضر اولدینی حالده خانه ویا دکانه براغیلوبده
 تلف اولسه مستعیر ضامن اولور .

اما سائر عاریتی عرف وعادته تسلیم عد اولنان محله
 کوتورمک ویا معیرک خدمتکارینه ویرمک رد و تسلیمدر .

مثلاً عاریت حیوانی معیرک آخورینه کو تورمک یا خود سائسنه ویرمک تسلیمدر.
 زیرا اخور معیرک تحت تملک و اداره سنده بولندیغندن و سائس
 حیوانی تیمار و محافظه یه مأمور اولدیغندن عاریت حیوانی صاحبک
 آخورینه کو تورمک و یا سائسنه ویرمک عرفاً تسلیم عد اولنور. بعض
 فقهانک بیاننه کوره [سائسنه] قیدی احترازی اولیوب سائر
 خدمتکارینه ده تسلیم اولنه بیلور.

۷۹۴ نجی ماده شرحنده بیان قلندیغی اوزره و دیعه نک مودعه
 ۸۹۲ و نجی ماده حکمنجه مال مغصوبک صاحبنه رد و تسلیمی لازم
 کلور ایکن ماده مشروحه یه نظراً عاریت حیوانک معیرک آخورینه
 کو تورماسنک رد و تسلیم عد اولنمی کی کوستریلان مساعدات و اشیای
 نفیسه نک امینه ویرلیوب معیرک کندوسنه تسلیم ایتمک کی تعقیدات
 عرف و عاده مبتنی اولمسندن ناشی علی وجه الاستحسان تجویز و تشریع
 اولمشدر.

۸۳۰ ماده مستعیر یدنده اولان عاریتی رد ایده جک
 اولدقده مؤتی یعنی کلفتی و مصارف نقلیه سی کند و اوزرینه در.
 قاعده بر شینک قبضی کیمک منفعتی ایچون ایسه مؤنت رد
 و مصارفی دخی ا کا عائد اولدیغندن مستعیر عاریتی کند و منفعتی ایچون
 قبض ایتدی کسندن طولای مؤنت رد و مصارفنه متحمل اولمق لازم کلور.
 فقط ۷۲۳، ۷۳۲ نجی ماده لر ایله شرحنده بیان قلندیغی اوزره رهن
 مستعارک مؤنت رد و مصارفی معیر اوزرینه در. چونکه مستعار مستعیر
 یدنده بلا تعد و لا تقصیر تلف اولسه ضمان لازم کلدیکی حالده رهن
 مستعار مرتهنک یدنده تلف اولور ایسه مضمون اولور. یعنی دیندن
 نه مقدار ساقط اولور ایسه اوقدرینی معیر. مستعیردن استیفا ایدر.

بناءً عليه رهن مستعارده مستعير تماماً منتفع اوليوب ساقط اولان
مقداری ضامن اوله جنی جهتله معیر منتفع اوله جغندن آجر بدل ایجار
ایله مستفید اولسنه مینی مأجورک اعاده سی مصرفی ۵۹۵ نجی ماده
حکمنجه آجره عائد اولدینی کی رهن مستعارک رد وتسلیمی مؤنت
ومصرفی دخی معیره عائددر .

رهن مستعار ایله عادی عاریت بیننده ایکی فرق اولوب بری اشبو
مسئله دیکریده بعدالتعدی وفاقه عودت مسئله سیدرکه ۸۱۴ نجی
ماده ده ذکر وتفصیل ایدلدی .

کذلک ۵۹۵ ، ۷۹۴ نجی ماده لرده محرر اولدینی اوزره بدل اجاره دن
موجر ، وودیعه نك حفظندن مودع مستفید اولدینی جهتله مأجور
وودیعه نك مضارف رد واعاده سی موجر ومودعه عائد اوله جغندن
بونلرله مستعیر بیننده فرق وارددر .

۸۳۱ ماده اینیه یایمق و آغاج دیکمک ایچون یراستعاره
ایتمک صحیحدر .

زیرا اراضینک عقود لازمه دن اوله رق ایجاری صحیح اولسنه
نظراً عقود غیر لازمه دن اوله رق اعاره سی بطریق الاولی جائز اولور .
لکن معیر دیلدیکی وقت اعاره دن رجوع ایله بونلری
قلع ایتدیره ییلور .

چونکه عاریت عقود لازمه دن اولدیغندن معیر دیلدیکی زمان
۸۰۶ نجی ماده موجبجه رجوع ایده بیله جکی کی مستعیرک دخی معیر
عاریتی طلب ایتدکده ۸۲۵ نجی ماده حکمنجه همان رد وتسلیمی
لازم کله جکی معلوم اولغله ماده مشروحیه حکمنه توفیقاً معیر اعاره

مطلقه‌دن رجوع ایله مستعیری اغفال و اضرار ایتیش اولماز .

شو قدر که اعاره موقت ایسه ابنیه و اشجارک قلع اولندیغی زمانده کی مقلوعاً قیمتیه انقضای مدته قدر طور مق اوزره قیمتی بیننده تفاوت نه ایسه معیر آنی ضامن اولور .

انقضای مدته قدر اراضی بی اشغال ایده جکی جهتله مستعیر متضرر اولیور ایسه ده معیرک سوزنده طور مامسندن طولایی اعاره اجاره یه منقلب اوله رق اجرت لازم که جکندن متضرر اولور . بناءً علیه اعاره موقته ده انقضای مدتدن اول رجوع مکروه اولدینی کی معیرک رجوعدن منعی دخی آنک حقنده ضرری بادی اوله جغنه و ضررک بقدر الامکان ازاله سی واجب اولوب ضرر اشد دخی ضرر اخف ایله ازاله اولنه جغنه نظراً معیر ابنیه و اشجارک مقلوعاً قیمتی ایله قائماً قیمتی بیننده کی فرقی ویرمسی لازم کلور .

مثلاً ابنیه و اشجار درحال قلع اولدینی تقدیرده مقلوعاً قیمتی اون ایکی آلتون و انقضای مدته قدر طور مق اوزره قیمتی یکریمی آلتون اولدینی حالده معیر درحال قلع ایتدیره جک اولور ایسه سکز آلتون ویرمسی لازم کلور . فقط ابنیه و اشجارک قلعی ارضه مضرایسه مستعیر راضی اولسه بیله معیر بونلرک مستحق القلع اولان قیمتی مستعیره اعطا ایله تملک ایده بیلور . اگرچه بلا رضا مستعیرک مالکی تملک ایتک آنک حقنده ضرر ایسه ده بوضرر بدل مقابله سنده در . حال بو که معیر تملک ایتیه جک اولور ایسه بلا بدل متضرر اولور . قاعدة ایکی ضرر اجتماع ایتدکه اهونی اختیار اولنور . برده ارض اصل و ابنیه و اشجار فرعدر . فرع اصله تابع اولوب اصل فرعده تابع اولماز . بناءً علیه معیر

بروجه محرر ابنیه واشجارى تملك ايدوب يوقسه مستعير ابنیه واشجاره
مالك اولمق حسیله ارض مستعارى قیمتله تملك ایده من .

۸۳۲ ماده كرك موقت وكرك غیر موقت اوله رق

زرع ایچون اعاره اولنان اراضی یی معیر وقت حصا ددن
مقدم اعاره دن رجوع ایدوبده مستعیر دن استرداد ایده من .

۸۰۶ نجی ماده حکمنجه معیر ایستدیکی وقت اعاره دن رجوع
ایده ییلور ایسه ده مزروعاتك نهایت معلومه سی اولمغله زرع ایچون
اعاره اولنان اراضی یی صراحة توقیت ایدلسون ایدلسون معیر وقت
حصاده قدر اعاره ایتمش ومستعیر دخی شو امنیه ایله زرع ایلمش
اولدیغدن ماده آنفیه قیاساً مزروعاتك قلعی جهتیه کیدمك مستعیر
حقنده ضرری موجب اولور . انجق معیره حق رجوعك یوقدر دینلهرك
وقت حصاده قدر مجاناً ترك ایستیرمك متبرع اولدینی برشی ایچون
جبر اولمغله غیر جائزدر .

بنابرین مستعیر وقت رجوعدن زمان حصاده قدر گذار ایده جك
مدت ایچون اجر مثل ویره رك معیرك ضرری ازاله ایدر وکندوسیده
مزروعاتك قلعی ایله ترتب ایده جك ضرردن قور تیلور . هر نه قدر
رضایی اولقسزین ملکی اولان ارضده مزروعاتك اجرت اعطاسیله
ایقاسی معیر حقنده ینه من وجه ضرر ایسه ده اساساً معیرك رضاسیله
برمدت معلومه ایچون زرع ایدلمش اولان شیلرك قلعندن مستعیره
ترتب ایده جك ضرر آندن اشد اولدینی جهتیه قاعده ضرر اشد
ضرر اخف ایله ازاله اولور . یوقسه معیر مزروعاتك بقاسی ابنیه

واشـجارك قلعنده اولديني كبي ارضـه مضر اوله جضدن بـجـله تخم
ومصرفي ويروب تملك ايده مز . §

ماده مشروحه ده واقع [اعاره دن رجوع ايدوبده مستعيردن
استرداد ايده مز .] جمله سندن مقصد معيرك على العموم اعاره كبي
رجوع ايده ميه جـكـنى بيان اولوب يوقسه تفصيلات محرره دن مستبان
اولديغنه كوره معير اعاره دن رجوع ايده بيلور ايسـه ده مستعارى
استرداد ايده ميه جـكـى جهـتـله اجاره ميه منقلب اولور . §

ماده سابقه ده اـبـنيه واشـجارك ارضـه مضر اولمديني حالده قلع
ايتديرلمسـنـك ومضر اولديني تقديرده قيمتى اعطا ايله معيرك استعمالك
ايده بيلمسـنـك تجويز اولمسي اـبـنيه واشـجـار ايچون بر مدت معلومه
اولماسـنـدن وبوماده حكمنجه منروعتك قلع ايتديريله مامسى بر مدت
معلومه سى اولمسـنـدن ناشيدر . زيرا اسبابك تبدليه احكام شرعية تبدل
ايدر . §

كتاب الامانات اوزرينه تعلق ايدن اراده سنه تاريخي

فى ۲۴ ذى الحجه سنه ۱۲۸۸ ل

كتاب الاماناتى ترتيب ايدن مجله جمعيتي هيئتي

درس وكيلى	عن اعضاء مجلس تدقيقات شرعية	احمد جودت
السيد خليل	عمر خلوصى	
عن اعضاء ديوان احكام عدليه	عن اعضاء جمعيت	امين الفتوى
احمد حلمى	سيف الدين	السيد خليل
عن اعضاء جمعيت	مدير معلمخانه نواب	قنـام عسكرى
عبد اللطيف شكرى	يونس وهبى	احمد خاله



کتاب الحواله بر مقدمه ایله ایکی بابدر	
۲ مقدمه حواله یه دائر اصطلاحات فقهیه	
۷ باب اول عقد حواله بیاننده اولوب ایکی فصلدر	
۷ فصل اول رکن حواله بیاننده	
۱۲ « ثانی شرائط حواله بیاننده	
۱۸ باب ثانی احکام حواله بیانندهدر	
کتاب الرهن بر مقدمه ایله درت بابدر	
۳۹ مقدمه رهنه دائر اصطلاحات فقهیه	
۴۵ باب اول عقد رهنه دائر اولوب اوچ فصلدر	
۴۵ فصل اول رکن رهنه دائر مسائل بیانندهدر	
۴۹ « ثانی انعقاد رهنك شرائطی حقنده	
۵۶ « ثالث مرهونك زوائد متصله سی ورهندن صکره	
واقع اولان تبدیل وزیاده حقندهدر	
۶۳ باب ثانی راهن ومرتبه متعلق بعض مسائل	
۶۷ باب ثالث مرهونه متعلق مسائل حقنده ایکی فصلدر	
۶۷ فصل اول مرهونك مؤنت ومصارفی حقنده	
۷۲ « ثانی رهن مستعار حقنده	
۷۶ باب رابع رهنك احکامی بیاننده درت فصلدر	
۷۶ فصل اول رهنك احکام عمومی سی بیاننده	
۹۵ « ثانی راهن ومرتبه رهنده تصرفلری	
۱۰۴ « ثالث ید عدله اولان رهنك احکامی	
۱۰۷ « رابع بیع رهن حقندهدر	

کتاب الامانات بر مقدمه ایله اوج بایدر

مقدمه	اماناته متعلق اصطلاحات فقهیه	۱۱۷
باب اول	اماناته دائر بعض احکام عمومیہ	۱۲۴
باب ثانی	ودیعه حقه اولوب ایکی فصلدر	۱۳۷
فصل اول	عقد و شرط ایذاعه متعلق مسائل	۱۳۷
» ثانی	ودیعه نك احکام و ضماناتی حقه در	۱۴۲
باب ثالث	عاریت حقه اولوب ایکی فصلدر	۱۷۸
فصل اول	عقد و شرط اعارهیه متعلق مسائل	۱۷۸
» ثانی	عاریتك احکام و ضماناتی حقه در	۱۸۶

صواب	خطا	سطر	صفحه
» بدلی » زاندر	بدلی ویرمسی	۱۱	۹۶
الامانة ، الحیانة	الامانته ، الحیانتہ	۱۲	۱۱۶
جمله سی ایله	جمله سی ایسه	۱۷	۱۲۸
مملوک	مملول	۲۴	۱۲۸
لازم کلز	لازم کلور	۲۲	۱۴۱
یکدیگر دن	یکدیگر ندن	۱۲	۱۵۹



